

章懷太子注范書亦引鮑宏博經纂經與唐志合此云邵綱疑誤或邵綱校錄其書猶荊州占明是劉表劉叡之書本志天文家題爲宋通直郎劉嚴撰也鮑宏字潤身東海剡人梁信州刺史泉之弟仕梁元帝入周至隋歷均州刺史晉爵平搖縣公卒年九十六隋書北史並有傳

碁勢十卷沈敏撰

沈敏始末未詳

案此疑即齊太子右率沈勃與王抗等四人明帝以爲圍碁小中正者詳見前建元永明碁品條

碁勢十卷二卷成

不著撰人

案此注云二卷成不知何謂

碁勢十卷王子冲撰

王子冲始末未詳

碁勢八卷

碁圖勢十卷

並不著撰人

碁九品序錄一卷范汪等注

范汪見前

案上文注云梁有圍碁九品序錄五卷范汪等撰亡此一卷蓋又据別家書目抄入者

碁後九品序一卷袁遵撰

袁遵始末未詳

唐書經籍志雜藝術類圍碁後九品序錄一

卷不著撰人藝文志同

圍碁品一卷梁武帝撰

梁武帝有兵法兵書鈔兵書要鈔並見前唐書經籍志雜藝術類碁評一卷梁武帝撰唐書藝文志梁武帝碁評一卷

案此似即七錄所載之天監碁品据隋代見存書目抄入者唐志作碁評即碁品也

碁品序一卷陸雲撰案當爲陸雲公

梁書文學傳陸雲公字子龍吳郡人也好學有才思州舉秀才累遷中書黃門郎雲公善弈棋嘗夜侍御坐冠觸燭火高祖笑謂曰燭燒卿貂高祖將用雲公爲侍中故以此言戲之也太清元年卒時年三十七

南史陸慧曉附傳雲公子瓊字伯玉幼聰慧大同末雲公受梁武帝詔校定碁品到甌朱

异以下並集瓊時年八歲于客前覆局由是都下號曰神童

案前載柳惲所撰者爲天監碁品此陸雲公所撰乃大同碁品也

碁法一卷梁武帝撰

梁書本紀帝六藝備閑碁登逸品通志藝文略藝術類梁武碁評一卷梁武碁法一卷

案藝文類聚七十四有梁武帝圍碁賦疑即是書或別有言圍碁之法或碁勢碁圖碁譜之類

彈碁譜一卷徐廣撰

徐廣有毛詩背隱義見經部詩類

後漢書梁冀傳注藝經曰彈碁兩人對局白黑碁各六枚先列碁相當更先彈也其局以石爲之

西京雜記曰成帝好蹴踘羣臣以蹴踘勞體非至尊所宜帝曰朕好之可擇似而不勞者奏之家君作彈碁以獻帝大悅賜青羔裘紫絲履服以朝勤

世說巧藝篇曰彈碁始自魏宮內用妝奩戲劉孝標曰傅玄彈碁賦序曰漢成帝好蹴踘劉向以謂勞人體竭人力非至尊所宜御乃因其體作彈碁今觀其道蹴踘道案玄此言則彈碁之戲其來久矣且梁冀傳云冀善彈碁格五而此云起魏世謬矣

顏氏家訓雜藝篇曰彈碁亦近世雅戲消愁釋憤時可爲之

案御覽工藝部載彈碁經序後序又序凡三節皆不著名氏嚴氏並輯入先唐文中疑皆在此譜之首末也

二儀十博經一卷

不著撰人

唐書經籍志雜藝術類二儀簿經一卷隋煬帝撰一本二儀下跋一字似亦十博經寫刊之誤也

唐書藝文志雜藝術類隋煬帝二儀簿經一卷

通志藝文略藝術類二儀十博經一卷二儀簿經一卷隋煬帝撰案此一據本志一據唐志其實止一書鄭氏往往有此重複已于雜家博覽十三卷條下發之

象經一卷王褒注

王褒有王氏江左世家見史部雜傳家  
北史文苑傳保定中除內史中大夫武帝作  
象經令褒注之引據該洽甚見稱賞 周書列  
傳同

太平御覽工藝部王褒為象經序曰一曰天  
文以觀其象天日月星辰是也二曰地理以  
法其形水火木金土是也三曰陰陽以順其  
本陽數為先本于天陰數為後本于地是也  
四曰時令以正其序東方之色青餘三色例  
亦如之是也五曰算數以通其變俯仰則為  
天地日月星變通則為水火木金土是也六  
曰律呂以宣其氣在子取未在午取丑是也  
七曰八卦以定其位至震取兌至離取坎是  
也八曰忠孝以悼其典出則盡忠入則盡孝  
是也九曰君臣以定其禮不可以貴陵賤直  
而為曲不可以卑褻尊隱而無犯是也十月  
文武以率其務武備七德文表四教是也十  
一曰禮儀以制其則居上不驕為下盡敬進  
退有度可法是也嚴氏文編可法上空三字十二  
曰觀德以考其行定而後求義而後取時然  
後言樂然後笑是也或升進以報德義在遷  
善或黜退以貶過事在懲惡或以沈審為貴  
正其瞻視或以徇齊為功明其糾察得失表  
于隆替在賤畢申息敬彰于勸沮處會思屈  
片善崇于拱璧一言踰于華袞 亦見藝文類聚  
七十四

唐書藝文志雜藝術類王褒象經一卷

象經三卷王裕注

王裕始末未詳  
唐書經籍志雜藝術類象經又一卷王裕注  
岑本改為撰

唐書藝文志雜藝術類王裕注象經一卷

案舊唐書良吏傳王方翼并州祈人祖裕

武德初隋州刺史則裕為周隋時人不知

即此王裕否也

象經一卷何妥注

何妥有周易講疏見經部易家

唐書經籍志雜藝術類象經又一卷何妥撰

唐書藝文志雜藝術類何妥象經一卷

象經發題義一卷

不著撰人

案周書武帝本紀云帝制象經成集百僚

講說此殆所講之發題義歟

又案自馬槩譜至此蓋亦依仿漢志為兵

技巧之類

右一百三十三部五百一十二卷 實在著錄一百二

十八部附著七書三十六部通計一百六十四部

案七錄序目子兵錄第十一曰兵部凡五

十八種六十一帙二百四十五卷又術伎

錄第十曰雜藝部凡十五種十八帙六十

六卷本志以漢志兵技巧家有射法弋法

劍道手搏蹴鞠之屬與七錄雜藝一類所

載馬槩譜騎馬都格馬射圖以下博奕擊

壤以謂寓意于兵勢髣髴其倫遂取以充

兵技巧之數并取周武帝象經以下見于

見存書目者亦以類附焉此蓋據隋代牛  
弘王劭諸家書目之例七錄南部綜凡七  
十三種本志存佚并計增益者凡九十一  
部所分四類雖無明文而其敘次章法約  
略可見

隋書經籍志考證卷三十四

子部十一

天文家類中分類凡四

周髀一卷趙嬰注

續漢天文志注蔡邕表志曰言天體者有三家一曰周髀周髀數術具存考驗天狀多所違失故史官不用

晉虞喜安天論曰周髀宣夜或人姓名猶星家有甘石也蓋天之體轉四方地卑不動天周其上故曰周髀又曰宣夜之法絕滅渾蓋之術具存

晉書天文志序曰古言天者有三家一曰蓋天周髀者即蓋天之說也其本庖犧氏立周天歷度其所傳則周公受于殷商周人志之故曰周髀髀股也股者表也其言天似蓋笠地法覆槃天地各中高外下三光隱映以爲晝夜日所行道爲七衡六間每衡周經里數各依算術用句股重差推晷影極游以爲遠近之數皆得于表股者也故曰周髀

宋書天文志曰三天之儀紛然莫辨至揚雄方難蓋通渾渾難其八事鄭玄又難其二事爲蓋天之學者不能通也

又大且渠蒙遜傳元嘉十四年涼州刺史河西王茂虔奉表獻方物并獻周髀一卷

隋書天文志曰其後桓譚鄭玄蔡邕陸績各陳周髀考驗天狀多有所遠逮梁武帝于長春殿講義別擬天體全同周髀之文蓋立新意以排渾天之論而已

唐書經籍志周髀一卷趙嬰注

唐書藝文志趙嬰注周髀一卷

宋史藝文志曆算類趙君卿周髀算經二卷

四庫提要曰周髀算經二卷是書首章周公與商高問答實句股之鼻祖故御製數理精蘊載在卷首而詳釋之稱爲成周六藝之遺文古蓋天之學此其遺法蓋渾天如毬寫星象于外人自天外觀天蓋天如笠寫星象于內人自天內觀天笠形半圓有如張蓋故稱蓋天合地上地下兩半圓體即天體之渾圓矣其法失傳已久故自漢以迄元明皆主渾

天隋志天文類首列周髀一卷趙嬰注舊本相承題云漢趙君卿注其自序稱爽以暗蔽注內屢稱爽或疑焉爽未之前聞蓋即君卿之名然則隋唐志之趙嬰殆即趙爽之譌歟注引靈憲乾象則其人在張衡劉洪後也古者九數惟九章周髀二書流傳最古固術數家之鴻寶也

又簡明目錄曰是書爲相傳古本莫知誰作其算法爲句股之祖其推步即蓋天之術歐羅巴法實從此出注爲趙爽作隋志作趙嬰未詳孰是原本舛譌今據永樂大典所載宋本補數字一百四十七正誤字一百一十三刪衍字一十八補圖二又有音義一卷爲宋

李籍作

儀徵阮元疇人傳曰言天者三家以蓋天爲最古劉智謂顛頊造渾天黃帝爲蓋天蓋先于渾是其證已以句股量天始見于周髀後

人踵事增修愈推愈密而乃嚙古率爲舛疏毋乃既成大略而棄樞輪

又曰趙爽字君卿一曰名嬰注周髀算經其句股方圓圖注五百餘言耳而後人數千言所不能詳者皆包蘊無遺精深簡括誠算氏之最也李籍周髀音義謂爽不知何代人今本周髀算經題云漢趙君卿注故系于漢代焉

周髀一卷甄鸞重述

甄鸞有帝王世錄見史部雜史類

唐書經籍志周髀又一卷甄鸞注

周髀一卷甄鸞重述

甄鸞有帝王世錄見史部雜史類唐書經籍志周髀又一卷甄鸞注陳氏書錄解題曆象類周髀算經二卷音義一卷題趙君卿注甄鸞重述李淳風等注釋周髀者蓋天之書也稱周公受之商高而以句股爲術故曰周髀唐志有趙嬰甄鸞注各一卷李淳風釋二卷今日君卿者豈嬰之字耶中與書目又云君卿名爽蓋本崇文總目然皆莫詳時代甄鸞者後周司隸也音義者假承務郎李籍撰

阮氏疇人傳甄鸞後周司隸校尉也武帝時造天和曆又注周髀一卷數術記遺一卷張邱建算經一卷董泉三等數一卷夏侯陽算經一卷又九章算經九卷五曹算經五卷七曜本起曆五卷七曜曆算二卷曆術二卷論曰鸞好學精思富于論撰誠數學之大家矣又有五經算術二卷見後唐書

案今本首題漢趙君卿注北周漢中郡守

第五二三頁

前司隸臣甄鸞重述唐李淳風等奉勅注釋蓋相傳唐代算學官本也

周髀圖一卷

不著撰人

四庫提要曰周髀算經書內凡為圖者五而失傳者三譌舛者一謹據正文及注為之補訂

案周髀書中本有圖此一卷或別本單行或後人推演

靈憲一卷張衡撰

後漢書本傳衡字平子南陽西鄂人也世為著姓通五經貫六藝善機巧尤致思于天文陰陽曆算安帝雅聞衡善術學公車特徵拜郎中再遷為太史令遂乃研覈陰陽妙盡璇機之正作渾天儀著靈憲算罔論言甚詳明順帝初再轉復為太史令後遷侍中永和初出為河間相視事三年上書乞骸骨徵拜尚書年六十二永和四年卒著周官訓詁又欲繼孔子易說彖象殘缺者竟不能就所著靈憲應問七辨巡詣懸圖等凡三十二篇論曰崔瑗之稱平子曰數術窮天地制作伴造化斯致可得而言歟推其範圍兩儀天地無所蘊其靈運情機物有生不能參其智續漢天文志注臣昭以張衡天文之妙冠絕一代所著靈憲渾儀略具辰曜之本今寫載以備其理焉隋書天文志後漢張衡為太史令鑄渾天儀總序經星謂之靈憲其大略曰星也者體生

于地精發于天紫宮為帝王之居太微為五帝之坐在野象物在朝象官居其中中央謂之北斗動系于占憲司主命四布于方為二十八星日月運行歷示休咎五緯經次用彰禍福則上天之心于是見矣中外之官常明者百有二十四可名者三百二十為星二千五百微星之數萬一千五百二十庶物蠢動咸得繫命而衡所鑄之圖遇亂墮滅星官名數今亦不存

唐書經籍志靈憲圖一卷張衡撰

唐書藝文志張衡靈憲一卷

嚴氏全後漢文編曰張衡靈憲見續漢天文志注開元占經左傳正義天官書集解正義隋書天文志北堂書鈔藝文類聚初學記太平御覽廣韻二十四鹽

孫氏書目張衡靈憲一卷渾天儀一卷洪頤煊集本

案開元占經六十四引韓公實注靈憲

渾天象注一卷吳散騎常侍王蕃撰

吳志本傳蕃字永元廬江人也博覽多聞兼通術藝始為尚書郎去官孫休即位與賀邵薛瑩虞汜俱為散騎中常侍皆加駙馬都尉時論清之遣使至蜀蜀人稱焉還為夏口監軍孫皓初復入為常侍與萬彧同官蕃體氣高亮不能承顏順旨時或逆意積以見責甘露二年丁忠使晉還皓大會羣臣蕃沈醉頓伏皓疑而不悅鞞蕃出外頃之請還酒亦不解蕃性有威嚴行止自若皓大怒呵左右于

殿下斬之衛將軍滕牧征西將軍留平請不能得死時年三十九

開元占經一吳時廬江王蕃渾天象說曰渾天之義傳之者寡末世之儒或不聞見各以私意為天作說故有周髀宣夜之論宣夜絕無師法周髀見行于世考驗天狀多所違失依劉洪乾象曆之法而論渾天云案此言渾象又曰渾天遭周秦之亂師徒斷絕而喪其文惟渾儀尚在靈臺是以不廢故其法可得言至于纖微委曲闕而不傳周天里數無聞焉爾而洛書甄曜度春秋考異郵皆云周天一百七萬一千里至以日景驗之違錯甚多然其流行布在衆書通儒達士未之考正是以不敢背損舊術獨據所見故案其數更課諸數以究其意案此言渾儀

晉書天文志吳時中常侍廬江王蕃善數術傳劉洪乾象曆依其法而制渾儀立論考度又曆志曰中常侍王蕃以洪術精妙用推渾天之理以制儀象及論

隋書天文志王蕃云渾天儀者羲和之舊器積代相傳謂之璣衡其為用也以察三光以分宿度者也又有渾天象者以著天體以布星辰而渾象之法地當在天中乃勢不便故反觀乃形地為外匡于已解者無異在內詭狀殊體而合于理可謂奇巧然斯二者以考于天蓋密矣開元占經二吳時廬江王蕃字與元為中常侍善曆數之學嘗造渾儀及渾天象說

唐書經籍志渾天象注一卷王蕃撰

唐書藝文志王蕃渾天象注一卷

阮元疇人傳論曰蕃立論考度通達平正可謂言天家之圭臬矣

嚴氏全三國文編曰王蕃渾天象說晉書宋書隋書天文志北堂書鈔一百三十開元占

經一太平御覽二並引之

案隋天文志及開元占經所載則其書凡

二篇一論渾象一論渾儀此題渾天象注似亦分渾天之象渾儀之注爲二篇也隋

書天文志分渾天儀渾天象爲二篇云儀象二器遠不相涉而何承天莫辨儀象之異亦爲乖矣

渾天義二卷

不著撰人

案兩唐志又有張衡渾天儀一卷開元占

經卷一于張衡靈憲外又引張衡渾儀注

渾儀圖注各一篇嚴氏文編並輯存其文疑此即張衡書而譌爲義

又案尚書璿璣玉衡疏漢武時落下闕鮮

于安人嘗爲渾天宣帝時耿壽昌始鑄銅爲之象史官施用焉張衡作靈憲說其狀

蔡邕鄭玄陸績吳時王蕃晉世姜岌張衡疑是萬衡葛洪皆論渾天之義並以渾說

爲長江南宋元嘉年皮延宗又作是渾大論太史丞錢樂鑄銅作渾天儀傳于齊梁

周平江陵遷其器于長安今在太史臺矣此二卷或即張衡以下諸家所論之義後

人哀錄爲是帙亦未可知也

渾天圖一卷石氏

石氏有天文占八卷別見于後

案此似後人據石氏星經演爲圖說

渾天圖一卷

並不著撰人

案自漢落下闕鮮于安人耿壽昌鄧平以

來下逮魏晉六朝論渾天者衆矣晉劉智

言司馬遷劉向劉歆揚雄賈逵張衡蔡邕劉洪鄭玄九家皆有所論著而開元占經

所引則又有吳陸績太史令陳卓後秦姜岌晉侍中劉智宋太子率更令何承天太

史令錢樂之梁奉朝請祖暅隋掖縣丞劉焯後魏太史晁崇九家而玉海儀象篇載

賀道養渾天記曰昔記天體者有三渾儀莫知其始書以齊七政蓋渾儀也二曰宣

夜夏殷之制也三曰周髀非周家術也近

世復有四術一曰方天興于王充二曰軒天起于姚信三曰穹天由于虞喜皆浮說

不足觀唯渾天證驗不疑此渾天圖記或

即賀氏書玉海所引即此之佚文歟賀有春秋序注見經部

梁有所天論一卷姚信撰

姚信有周易注見經部易家

宋書天文志吳太常姚信造昕天論案其說

應作軒昂之軒而作昕所未詳也禮記月令疏昕天所讀爲軒言天北高南下

若車之軒是矣時姚信所說

唐書經籍志昕天論一卷姚信撰

唐書藝文志姚信昕天論一卷

嚴氏全三國文編曰姚信昕天論晉書宋書隋書天文志太平御覽二並引之

馬氏玉函山房輯本序曰此論主蓋天爲說茲據晉書天文志及太平御覽所引輯錄成

編

侯康補三國藝文志曰晉宋天文志俱引昕

天論沈約謂應作軒昂之軒而作昕者所未詳也不知昕軒聲相近故可通用御覽卷二

此論有出晉宋二志之外者案通志藝文略云昕天論一卷梁姚信撰

梁下當有錄字

梁有安天論六卷虞喜此下數撰字

虞喜有周官禮駭難見經部禮類

晉書儒林傳喜專心經傳兼覽讖緯乃著安天論以難渾蓋

宋書天文志晉成帝咸康中會稽虞喜造安

天論以爲天高窮于無窮地深測于不測地有居靜之體天有常安之形論其大體當相

覆冒方則俱方圓則俱圓不同之義也喜族祖河間太守登又立穹天論云天形穹隆當

上

唐書經籍志安天論一卷虞喜撰

唐書藝文志虞喜安天論一卷

嚴氏全晉文編曰虞喜安天論見宋書天文志一隋書天文志上太平御覽二虞登穹天

論見晉書宋書隋書天文志御覽又引虞曷  
窻天論從翻第六子入晉除河間相曷翻第  
八子入晉爲濟陰太守喜其族孫也

案兩唐志皆一卷此云六卷或有當時難

答論在其中又其族孫從及曷穹天論本  
恣不見或亦在其中

梁有圖天圖一卷

不著撰人

梁有原天論一卷

不著撰人

案唐李淳風乙巳占天象篇論天體者有

八家一曰渾天即張衡靈憲是也二曰宣

夜絕無師學三曰蓋天周髀所載四曰軒

天姚信所說五曰穹天虞嘗所擬六曰安

天虞喜所述七曰方天王充所論八曰四

天祇胡謩言此原天論不知誰作似與下

定天論皆泛論天體非別立一說自名一

家者也晉書隱侯魯勝傳勝撰正天論本志不見

梁有神光內抄一卷

不著撰人

案唐日本國見在書目有神光占二卷不

著姓名疑即此神光內抄一卷從神光占

內抄出者

又案抱朴子遐覽篇言道家中有神光

占方來經一卷白雲霧道藏目錄有天老

神光經一卷左僕射衛國公李靖修言人

出行將兵攻擊勝負須察北斗星之傍輔

并自己神光占驗吉凶之法案天老黃帝

相也天老神光經亦頗似相人術唐李衛  
公重修其書亦疑即此書也

定天論三卷

不著撰人

開元占經天體渾宗篇梁人朱史定天論日

一千六百七十里周天六十萬二千二十一

里徑率求之得十九萬四千一百六十四里

即東西南北相去之數也求之得九萬七千

八百里即春秋分日天去地之數也夏至日

天去地上八萬一千三百九十四里冬至之

日爲天去地上十萬六千二十里也 占經所

載唯此蓋略舉其隅

唐日本國見在書目定天論三卷 不著撰人

案朱史有漏刻經別見下曆數類其書蓋

論天地分至遠近之差以此爲定準故曰

定天或亦兼及于七曜二十八舍之算數

故多至三卷歟

天儀說要一卷陶弘景撰

陶弘景有毛詩序注見經部詩類

南史隱侯傳弘景又嘗造渾天象高三尺許

地居中央天轉而地不動以機動之悉與天

相會云脩道所須非止史官用是 梁書處士傳

用是作是用此誤倒其文

玉海天文篇隋志陶弘景天儀說要一卷中

與書目像曆一卷梁陶弘景較定推演巫咸

氏甘氏石氏等說案崇文總目天文星經五

卷梁陶弘景校合三垣列宿中外官三百十

九名各設圖象著巫咸甘德石申所記

宋史藝文志陶隱居天文星經五卷陶弘景  
象曆一卷

案玉海則是書即中興書目宋志之象曆

當是大象曆之譌崇文總目及宋志之天文

星經然不知是否也

玄圖一卷

不著撰人

後漢書張衡傳衡尤致思于天文陰陽曆算

常好玄經謂崔瑗曰吾觀太玄方知子雲妙

極道數乃與五經相擬非徒傳記之屬使人

難論陰陽之事漢家得天下二百歲之書也

復二百歲殆將終乎所以作者之數必顯一

世常然之符也漢四百歲玄其興矣又曰所

著靈憲懸圖凡若干篇章懷太子曰衡集作

玄圖蓋玄與懸通

嚴氏全後漢文編曰御覽文選注引張衡玄

圖曰玄者無形之類自然之根作于太始莫

之與先包含道德構掩乾坤囊籥元氣稟受

無原又曰鼻羊喜獲先笑後愁

侯氏補後漢藝文志曰康案据李賢本傳注

則玄圖本在衡集中而隋志有玄圖一卷無

撰人必出張衡無疑蓋後人析出別行也

常熟會樸補後漢書藝文志考曰北堂書鈔

九十六引云圖者心之謀書之謀也稱張衡

玄圖序

案太玄十一篇中本有玄圖一篇此不知

爲注解爲擬作華陽國志云其玄後世大

儒張衡崔瑗等皆爲注解案前史不載張

衡注玄常道將所云豈即謂此玄圖歟此實爲太玄而作觀諸書所引佚文可知隋代見存書目或以爲玄象因入此類本志仍之然不知是否即張氏玄圖也以上爲一段猶開元占經第一卷之天體渾宗也

### 石氏星簿經讚一卷

石氏有天文占八卷別見于後開元占經東方七宿占曰春秋緯曰列宿二十八是日月五星之所由吉凶兆之要處也故石氏簿讚皆始于角而終于軫

唐日本國見在書目石氏星經簿讚二卷又簿讚三卷晉史石申造又三卷上卷魏石申中卷甘文卿下卷晉石咸案此皆唐時別本流出外藩者

唐書經籍志石氏星經簿讚一卷石申甫撰唐書藝文志石氏星經簿讚一卷注云石申宋史藝文志石氏星簿讚一卷

玉海天文篇中興書曰星簿讚曆一卷載星宿躔度應驗事案隋志石氏星簿經讚一卷唐志石氏星經簿讚石申注案當云注石申今本所載州名有徐穎蔡台之類疑後人所附益也

陳氏書錄解題星簿讚曆一卷唐志稱石氏星經簿讚館閣書目以其有徐穎蔡台等州名疑後人附益今此書明言依石申咸氏則非專石申書也

案開元占經亟引巫咸甘石三家星讚蓋

出是書巫咸甘石並詳于後星經二卷

不著撰人

晁氏讀書志甘石星經一卷甘石申撰以日月五星三垣二十八宿常星圖象次舍有占訣以候休咎

四庫存目曰星經二卷不著撰人名氏晁公武讀書志載甘石星經一卷注曰漢甘石申撰隋書經籍志星經二卷是書卷數雖與隋志合而多舉隋唐州名必非秦漢問書所載星象今亦殘闕不全不足以備考驗

案今本嘗編入道藏名曰通占大象曆星經其源蓋出于此特未必此所著錄之本耳七錄載甘石天文占各八卷殆即從八卷中抄出者

### 甘氏四七法一卷

甘氏別有天文占八卷詳見于後

唐書經籍志甘氏四七法一卷甘德撰

唐書藝文志甘氏四七法一卷注云甘德

案續漢書曆志曰在天成度在曆成日居以列宿終于四七阮氏疇人傳論曰陰陽之精散爲五行日月相會紀以四七則星辰是也然則所謂四七者即開元占經所載東南西北四方七宿即二十八宿也此

與前石氏星經簿讚似即在七錄所載甘石天文占各八卷中後人析出別行者也巫咸五星占一卷

史記般本紀帝太戊立伊陟爲相亳有祥桑

穀共生于朝一暮大拱帝太戊懼問伊陟伊陟曰臣聞妖不勝德帝之政其有闕歟帝其脩德太戊從之而祥桑枯死而去伊陟贊言于巫咸巫咸治王家有成作咸艾作太戊集解孔安國曰贊告也巫咸臣名也馬融曰艾治也正義案巫咸及子賢家皆在蘇州常熟縣西海虞山上蓋二子本吳人也又封禪書湯後八世至帝太戊有桑穀生于廷一暮大拱懼伊陟曰妖不勝德太戊脩德桑穀死伊陟贊巫咸巫咸之興自此始索隱曰尙書伊陟贊于巫咸今此云巫咸之興自此始則以巫咸爲巫覡然楚辭亦以巫咸主神蓋太史以巫咸是殷臣以巫接神事太戊使禳桑穀之災所以伊陟贊巫咸故云巫咸之興自此始也

又天官書昔之傳天數者高辛之前重黎于唐虞羲和有夏昆吾殷商巫咸正義曰巫咸殷賢臣也本吳人家在蘇州常熟海虞山上子賢亦在此也案古今人表巫咸在第二等殷太戊之次巫賢列第三等河寬甲之次

尙書咸有一德釋文馬融曰巫男巫也名咸殷之巫也

晉書天文志序曰至于般之巫咸周之史佚格言遺記于今不朽

玉海天文類景祐乾象新書云巫咸中官星九座共三十一星列肆至虎賁外官星二十座共九十五星陽門至上司紫微垣星四座共一十八星御女至鉤陳

武威張澍世本輯注曰世本巫咸作筮宋衷

注巫咸不知何時人澍案古史考殷巫咸善

占筮書序伊陟贊巫咸作咸又四篇外國圖

云昔殷帝太戊使巫咸禱于山河說文巫咸

初作巫王逸楚辭注巫咸古神巫也當殷中

宗之時又越絕書云虞山者巫咸所出也虞

故神出奇怪此史記正義所本隋志有巫咸

五星占一卷是其人善星曆審矣

又曰澍案歸藏易黃帝將戰筮于巫咸莊子

逸篇黔首多疾黃帝立巫咸以通九竅路史

神農時有巫咸主筮太平御覽引世本宋注

云巫咸堯臣也以鴻術爲帝堯之璽郭璞巫

咸山賦序本之案見藝文類聚曰蓋巫咸者實以鴻

術爲帝堯之醫生爲上公死爲貴神豈封斯山而因以名

之乎 是神農黃帝唐堯殷商時皆有巫咸也

孫氏祠堂書目巫咸占經一卷星衍集本

案諸書言巫咸者多岐而此之巫咸爲殷

商時之傳天數者要以史記及人表爲定

開元占經引巫咸占至多其中外官星並

有讚文似後人所作晁氏讀書志有司天

考占星通元寶鏡一卷題曰巫咸氏豈即

是書異名歟

天儀說要一卷陶弘景撰

案陶弘景是書已見于前此重出通志校

讎略已言之

錄軌象以頌其章一卷內有圖

不著撰人

錢氏隋書考異曰經籍志三錄軌象以頌其

章一卷此不似書名疑有誤

案此似纂集是志時誤以所據書目中解

題之文爲書名而失于校勘者其文或當

云錄軌象以存其意此頌字章字并疑誤

中之誤

天文集占十卷晉太史陳卓定

晉書天文志天文經星篇武帝時太史令陳

卓總廿石巫咸三家所著星圖大凡二百八

十三官一千四百六十四星以爲定紀今略

其昭昭者以備天官云案晉志所載中宮二十八

舍以迄天漢起沒凡四篇皆據陳卓是書

隋書天文志三國時吳太史令陳卓始立甘

氏石氏巫咸三家星官著于圖錄并注占贊

總有二百五十四官一千二百八十三星并

二十八宿及輔官附坐一百八十二星總二

百八十三官一千五百六十五星宋元嘉中

太史令錢樂之所鑄渾天圖儀以朱黑白三

色用殊三家而合陳卓之數

唐日本國見在書目天文要錄十卷陳卓撰

唐書經籍志天文集占七卷陳卓撰

唐書藝文志陳卓天文集占七卷

案晉書藝術戴洋傳元帝將登阼太史令

陳卓奏用三月二十二日是卓仕吳入晉

至江左時猶存御覽卷二載虞喜安天論

云太史令陳季胄以先賢制木爲儀名同

渾天則卓字季胄也

天文要集四十卷晉太史令韓楊撰

韓楊始末未詳

唐書藝文志韓楊天文要集四十卷

玉海天文篇隋志天文要集四十卷晉太史

令韓楊撰後漢天文志注并乾象新書引韓

楊占

案開元占經日月五星占歲星熒惑填星

占北方七宿占石氏中官占流星客星妖

星彗星占並引韓楊凡二十餘條又逆順

略例篇引韓公寶注靈憲三條公寶疑卽

其字

天文要集四卷

天文要集三卷

並不著撰人

天文集占十卷梁百卷

不著撰人

唐書經籍志天文集占三卷藝文志同

梁有石氏甘氏天文占各八卷

史記天官書昔之傳天數者高辛之前重黎

于唐虞義和有夏昆吾殷商巫咸周室史佚

葺弘于宋子韋鄭則裨竈在齊甘公楚唐昧

趙尹泉魏石申又曰田氏纂齊三家分晉並

爲戰國爭于攻取兵革更起城邑數屠因以

饑饉疾疫焦苦臣主共憂患其察祲祥候星

氣尤急近世十二諸侯七國相王言從衡者

繼踵而舉唐甘石因時務論其書傳故其占

驗凌雜米鹽正義曰凌雜交亂也米鹽細碎

也言皋唐甘石等因時務論其書傳中災異

所記錄者故其占驗交亂細碎其語在漢書

五行志中也



漢書藝文志數術者皆明堂義和史卜之職也史官之廢久矣其書既不能具春秋時魯有梓慎鄭有裨竈晉有卜偃宋有子韋六國時楚有甘公魏有石申夫漢有唐都庶得麤

史記張耳陳餘列傳索隱曰天官書云齊甘公藝文志云楚有甘公齊楚不同未知孰是劉歆七略云公一名德

史記天官書集解徐廣曰或曰甘公名德本是魯人正義曰七錄云楚人戰國時作天文星占八卷石申魏人戰國時作天文八卷案此引七錄本文兩條即本志此一條而合并言之故云各八卷

續漢天文志序曰魏石申夫齊國甘公皆掌天文之官仰占俯視以佐時政步變擗微通洞密至采禍福之原覩成敗之勢秦燔詩書以愚百姓六經典籍殘爲灰炭星官之書全而不毀

晉書天文志序曰至于殷之巫咸周之史佚格言遺記于今不朽其諸侯之史則齊甘德魏石申夫等皆掌著天文各論圖驗其巫咸甘石之說後代所宗

玉海天文篇乾象新書云甘德中官星五十九座共二百一星平道至謁者外官星三十九座共二百九星天門至青邱紫微垣星二十座共一百一星四輔至八穀石申列舍星二十八座共一百六十六星角至軫中官星五十四座共三百一十八星招搖至郎將

外官星三十八座共二百七十一星平星至長沙紫微垣星一十二座共五十四星紫微垣至文昌

又曰說文女部引甘氏星經周禮注引甘氏歲星經史記索隱案天文志皆甘氏星經而志又兼載石氏太平御覽引甘氏天文占又諸書引石氏經石氏星經石氏星傳石氏星贊石氏星占石氏占

孫氏祠堂書目甘氏星經一卷星衍集本石氏星經一卷星衍集本

案漢藝文志續漢天文志晉志並作石申

夫夫或引作父又引作甫因史記天官書魏石申下文云夫天運三十歲一小變遂以此夫字誤屬上讀謂之石申夫相沿不覺自班氏已然矣

又案史記張耳陳餘傳云耳敗走欲之楚甘公曰漢王之入關五星聚東井東井秦分也先至必霸楚雖彊後必屬漢故耳走漢又御覽二百三十五引漢應劭漢官儀

曰常春秋時魯梓慎晉卜偃宋子韋鄭裨竈觀乎天文以察時變其言屢中有備無患漢興甘石唐都司馬父子抑亦次焉據此則甘石二家並漢初人太史公司馬談

學天官于唐都亦與唐都同時殆即六國甘公之後世掌天官故亦稱甘氏石氏所謂疇人子弟者歟其書開元占經引之尤多孫氏輯本今未見必盡取之矣又案開元占經五星占引洪範天文星辰

變占曰客有齊人甘文卿者善天文言五星從歲星聚于東井云云其言與史記張陳列傳略同史作甘公此作甘文卿文卿不知是否爲甘德之字又抱朴子辨問篇云子韋甘均占候之聖也則甘氏又有名均者或猶在甘德之先也藝文志雜占家有甘德長柳占夢二十卷

天文占六卷李暹撰

李暹始末未詳不知是否注文子之李暹見道家

天文占一卷

天文占氣書一卷

天文集要鈔二卷

天文書二卷梁有雜天文書二十五卷

雜天文橫占一卷

並不著撰人

天文橫圖一卷高文洪撰

高文洪始末未詳

唐書經籍志天文橫圖一卷高文洪撰

唐書藝文志高文洪天文橫圖一卷

天文集占圖十一卷梁有天文五行圖十二卷天文雜占十六卷亡

並不著撰人

天文錄三十卷梁奉朝請祖暅撰

南史文學祖沖之傳沖之字文遠范陽道人也會祖台之晉侍中祖台之有志怪見中書傳記篇沖之稽古有機思解鍾律特善算術子暅之字景燦少傳家業究極精微亦有巧思入神之妙般倕無以過也梁天監初位至太府

卿

北史藝術信都芳傳芳為安豐王延明召入賓館有江南人祖暅者先于邊境破獲在延明家舊明算律而不為王所待芳諫王禮遇之暅後還留諸法授芳由是彌復精密

隋書天文志梁奉朝請祖暅天監中受詔集古天官及圖緯舊說撰天文錄三十卷

唐日本國見在書目天文錄一部三十卷祖暅撰

唐書經籍志天文錄三十卷祖暅之撰

唐書藝文志祖暅之天文錄三十卷

宋史藝文志祖暅天文錄三十卷天文錄經要訣一卷注云鈔祖暅書

玉海天文篇國史志天文錄經要訣一卷鈔祖暅書御覽引天文錄乾象新書亦引之

天文志十二卷吳雲撰天文志雜占一卷吳雲撰梁有天文雜占十五卷亡

吳雲始末未詳

唐書經籍志天文雜占一卷吳雲撰

唐書藝文志吳雲天文雜占一卷

案梁有天文雜占十五卷似亦吳雲書至隋及唐唯存一卷餘十四卷亡

天文十二卷史崇注

史崇始末未詳

唐書經籍志十二次二十八宿星占十二卷

史崇撰

唐書藝文志史崇十二次二十八宿星占十二卷

二卷

天文十二次圖一卷梁有天官宿野圖一卷亡一作天宮

並不著撰人

案此與下文著錄二十八宿十二次一卷二十八宿分野圖一卷相同別詳于後

婆羅門天文經二十一卷婆羅門捨仙人所說

婆羅門天說三十卷

婆羅門天文一卷

捨仙人竭伽仙人並未詳小學家有婆羅門書詳見經部

案法苑珠林傳記篇有婆羅門天文一部

二十卷梁武帝天和年摩勒國沙門釋達流支法師譯出案梁武紀年無天和自是天監之誤此三部蓋即其類皆從外國天文書中譯出者

陳卓四方宿占一卷梁四卷

陳卓有天文集占見前

唐書經籍志四方星占一卷陳卓撰

唐書藝文志陳卓四方星占一卷

案集占集前人書此其當時所占猶漢志之行事占驗也

以上自石氏星簿經贊至此皆天文書之類為一段其中如星簿贊星經四七法五星占四方宿占亦皆其天文書中之散見者

黃帝五星占一卷

續漢書天文志序曰星官之書自黃帝始

晉書天文志序曰黃帝創受河圖始明休咎

黃帝五星占一卷

續漢書天文志序曰星官之書自黃帝始

晉書天文志序曰黃帝創受河圖始明休咎

故其星傳尚有存焉

王氏漢書藝文志考證天文志引星傳曰日者德也月者刑也又曰客星守招搖蠻夷有亂又引月南入牽牛戒月入畢五行志劉向引星傳

嚴氏鐵橋漫稿書序曰黃帝占世無傳本

開元占經徵引甚多始寫出以乾象通鑑校補疑者闕之分為三卷而為之敘錄曰古者以太陰紀年至王莽用三統曆始以太歲

紀年余向為太初元年甲寅丙子說既考之詳矣此書占八穀有太陰乘寅乘卯乘辰等

占而又別有太歲多非後世語其占少微有

聞如孔子巧如魯般二語知課書人在孔子後蓋六國時依託也漢志有黃帝雜子氣三

十三篇隋唐志有黃帝五星占一卷案唐志實無是書如謂此書即一卷本則卷太大疑

隋唐時有別本合雜子氣彙錄之者今故不

題五星占依占經題黃帝占焉卷上日月五星歲星熒惑填星太白七篇卷中辰星二十八宿衆星三篇卷下流星客星妖星風雨虹

霧濛八穀飛鳥十篇又四錄堂類集總目黃帝占三卷可均輯

孫氏祠堂書目黃帝占經一卷星衍集本

五星占一卷丁巡撰

丁巡始末未詳一本作下巡

五星占一卷梁有五星集占六卷日月五星集占

十卷

並不著撰人

並不著撰人

案開元占經引齊伯五星占歲星占齊伯不知何人

五星占一卷陳卓撰

陳卓有天文集占四方宿占並見前

唐書經籍志五星占二卷陳卓撰

唐書藝文志陳卓五星占一卷

五星犯列宿占六卷

雜星書一卷

並不著撰人

星占二十八卷孫僧化等撰

北史藝術張深附傳永熙中詔通直散騎常侍孫僧化與太史胡世榮太史令張龍趙洪慶及中書舍人孫子良等在門下外省校比天文書集廿石二家星經及漢魏以來二十三家經占集五十五卷後集諸家撮要前後所上雜占以類相從日月五星二十八宿中外官及圖合為七十五卷僧化東莞人也識星分案文占以言災異時有所中普泰中爾朱兆惡其多言遂繫于廷尉免官永熙中孝武帝召僧化與中散大夫孫安都共撰兵法未就而帝入關遂罷元象中死于晉陽

案東魏孝靜帝元象中為梁武帝大同中也

唐書經籍志星占三十三卷孫僧化撰

唐書藝文志孫僧化等星占三十三卷

案北史附傳載僧化所集兩書一五十五卷為甘石以來二十三家之占一七十五卷名曰諸家撮要則自魏開國以來前後諸臣所上之雜占也本志及唐志所載不

知何本皆非其全 唐六典云太史令每季錄所見災祥送門下中書省故僧化等在門下外省校錄

是書

星占一卷

不著撰人

梁有石氏星經七卷陳卓記

陳卓有天文集占四方宿占五星占並見前

案陳卓立甘石巫咸三家星官後人別以三色祥見天文集占條此亦從集占中析出之別本

梁有石氏星官十九卷又星經七卷郭歷撰亡

郭歷始末未詳

天官星占十卷陳卓撰

陳卓有天文集占四方宿占五星占石氏星經並見于前

史記天官書案隱曰案天文有五官官者星官也星座有尊卑若人之官曹列位故曰天官

唐日本國見在書目天官星占六卷陳卓撰

案此與四方宿占五星占亦皆其當時所上行事占驗也

梁有天官星占二十卷吳襲撰

吳襲始末未詳

案開元占經熒惑占引吳襲天文書又填

星占太白占石氏中官占並引吳襲天官

星占吳襲吳襲未詳孰是

星占八卷梁又有星占十八卷

並不著撰人

中星經簿十五卷梁有星官簿譜十三卷又有星書三十四卷雜家星占六卷論星一卷亡

並不著撰人

著明集十卷

雜星圖五卷

天文外官占八卷

雜星占七卷

雜星占十卷

並不著撰人

海中星占一卷梁有論星一卷

星圖海中占一卷

並不著撰人

案漢志天文家有海中星占驗等六部共一百三十六卷亦不著撰人此彙書或其殘贖歟開元占經引海中占至多亦或出

此二書

解天命星宿要決一卷

摩登伽經說星圖一卷

星圖二卷梁有星書圖七卷

並不著撰人

彗星占一卷

不著撰人

案此與下妖星占彗李占相同詳見後方

妖星流星形名占一卷

不著撰人

晉書天文志雜星氣篇圖緯舊說及荊州占

妖星一曰彗星至二十一曰地維藏又河圖

云歲星之精流為天掇至蒼彗凡七星熒惑

散為昭且至赤彗凡六星填星散為五殘至黃彗凡十星太白散為天杵至白彗凡九星辰星散為枉矢至黑彗凡八星總凡四十五星所生云

案晉書載四家妖星之數如此其流星別見後方

太白占一卷

不著撰人

唐李淳風乙巳占太白一名太正一名太臬一名明星一曰長庚西方金德白虎之精白招矩之使也其性義其事言其時秋其日庚辛其辰辛酉其帝少皞其神蓐收其蟲毛其音商其味辛其臭腥其卦乾兌易曰說言乎兌戰乎乾是故太白主兵為大將為威勢為斷割為殺害故用兵必占太白

流星占一卷

不著撰人

晉書天文志流星天使也自上而降曰流自下而升曰飛大者曰奔奔亦流星也李淳風乙巳占流星者天皇之使五行之散精也飛行列宿告示休咎若星大使大星小使小星大則事大而害深星小則事小而禍淺有尾跡光為流星無尾跡者為飛星

石氏星占一卷吳襲撰

吳襲有天官星占二十卷見前

案開元占經石氏中官占引吳襲天官星占二條當出是書此即七錄所載天官星

占二十卷之佚存者

候雲氣一卷

不著撰人

晉書天文志雲氣篇瑞氣一曰慶雲亦曰景雲二曰歸邪三曰昌光妖氣一曰虹蜺二曰祥雲

彗孛占一卷

不著撰人

李淳風乙巳占長星狀如帚孛星圓狀如粉絮孛孛然皆逆亂凶孛之氣狀雖異為殃一也為兵喪除舊布新之象餘災不盡為兵喪水旱凶饑暴疾長大見久災深短小見遠災淺

二十八宿二百八十三官圖一卷

不著撰人

案晉書天文志太史令陳卓總巫咸廿石三家所著星圖大凡二百八十三官一千四百六十四星以為定紀隋書天文志云著于圖錄此或陳氏所著之星圖或即從天文集占十卷中析出者

荊州占二十卷宋通直郎劉嚴撰梁二十二卷

劉嚴始末未詳常熱曾撰補後漢藝文志曰嚴不詳何人宋書無傳唐世系表有劉彥英云宋給事中通直散騎常侍疑即劉嚴彥英蓋其字也

晉書天文志雜星氣篇漢末劉表為荊州牧命武陵太守劉叡集天文象占名荊州占其雜星之體有瑞星有妖星有客星有流星有瑞氣有妖氣有日月傍氣皆略具名狀舉其

占驗次之于此云

唐日本國見在書目荊州占廿二卷 不著撰人

唐書經籍志荊州占二卷劉表撰又二十卷劉叡撰

唐書藝文志劉表荊州占二卷劉叡荊州星占二十卷

宋史藝文志劉表星經一卷荊州占三卷又五行類劉表荊州占二卷

通志藝文略荊州劉石甘巫占一卷漢荊州牧劉表命武陵太守劉意集甘石巫咸等之

占今存一卷案此避宋諱故曰意 玉海天文篇崇文總目荊州劉石甘巫占一卷後漢志引荊州星經周禮疏引武陵太守

星傳晉志史記索隱乾象新書並引荊州占 太平御覽引荊州星占

侯氏補後漢藝文志曰康案唐志于劉叡書外別出劉表荊州星占二卷據晉志則劉叡書即劉表書唐志誤分之

案劉表有易章句詳見經部易家表在荊州二十年至于郊祀天地擬議社稷欲藉

以觀時變故有此作據續漢志注周禮疏所稱引則表所作者謂之經叡所集者謂

之傳本志題劉嚴撰者大抵嚴襲合二劉經傳以為一編故別無二劉書兩唐志分

析著錄故亦無劉嚴書其卷數亦二十二卷與七錄相符知此實非劉嚴所撰特為

嚴所傳錄合并耳徵唐志幾莫辨其由來

侯氏志反以爲誤非也諸書引荊州占最  
多開元占經引之尤夥

翼氏占風一卷

案翼氏漢之翼奉有風角要候風角雜占

五音圖別見五行家此一卷大抵從風角

書中析出別行者

日月暈三卷梁日月暈圖二卷

不著撰人

案漢志天文家有漢日食月暈雜變行事

占驗十三卷此卽其類或卽其佚存者

孝經內記二卷

不著撰人

案漢志天文家有圖書祕記十七篇晉書

天文志有圖緯舊說其卽此類之書又本

志識緯篇有孝經內事一卷梁有孝經內

事圖二卷孝經內事星宿講堂七十二弟

子圖一卷亦是此類之書開元占經日占

五星占歲星占熒惑占石氏中官占雜星

客星彗星諸占引孝經內記又引孝經內

記圖

京氏釋五星災異傳一卷

京氏日占圖三卷

京氏卽京房有周易注見經部易家

案漢藝文志有災異孟氏京房六十六篇

此大抵從京氏易傳中析出別行者其佚

文在王氏保訓嚴氏可均所輯京氏易八

卷中詳見後五行家第十三類

夏氏日旁氣一卷許氏撰梁四卷

夏氏許氏皆不知何人

玉海天文篇隋志夏氏日旁氣一卷許氏撰

梁四卷前漢天文志引夏氏日月傳乾象新

書引夏氏占

案班氏天文志引夏氏日月傳則夏氏六

國秦漢時人也開元占經凡日占月占客

星占妖星占皆引夏氏凡四十餘條又數

引夏氏日暈圖七錄兵家又有黃帝夏氏

占氣六卷知夏氏之書不僅言日月亦兼

言星氣此殆許氏所傳錄非其全也張氏

歷代名畫記載古來祕畫珍圖有占日雲

氣圖一卷注云京兆夏氏有蓋相傳其家

所有者似卽此夏氏京兆人也其圖亦當

在此書中許氏疑卽許昉有軍勝見及戎

決見前兵家

日食蒞候占一卷

不著撰人

案史記天官書曰朝鮮之拔星蒞于河戒

兵征大苑星蒞招搖索隱曰蒞音佩卽字

星也又史記武紀云有星蒞于東井有星蒞于三能

漢書郊祀志蒞並作字 開元占經彗星占引

董仲舒曰彗星者彗星之屬也芒偏指曰

彗芒氣四出曰彗字者字字然也謂之字

者言其暗昧不明之貌也一說云彗星所

散爲字春秋言星字者皆彗散也

魏氏日旁氣圖一卷

魏氏不詳何人

案張氏名畫記述古來祕畫珍圖有占日

雲氣圖注云京兆夏氏魏氏並有似卽此

魏氏與夏氏並京兆人疑卽天官書所謂

占歲之魏鮮歟漢武帝時人也開元占經

日占門引魏氏圖

日旁雲氣圖五卷

不著撰人

案天官書云漢之爲天數者星則唐都氣

則王朔又曰王朔所占決于日旁日旁雲

氣人主象皆如其形以占云云藝文志天

文家有漢日旁氣行事占驗三卷又十三

卷此所載夏氏魏氏及圖三種其原蓋出

于此開元占經日占門引日旁氣圖又引

高宗日旁氣圖高宗不知何人

天文占雲氣圖一卷

不著撰人

案此似卽從陳卓李暹諸家天文占中集

出者

梁有雜望氣經八卷候氣占一卷

並不著撰人

案漢志天文家有黃帝雜子氣三十三篇

常從日月星氣二十一卷此望氣經之權

輿開元占經日占門引氣經又引雜雲氣

占荆氏氣占張氏名畫記述古來祕畫珍

圖有望氣圖一卷

梁有章賢十二時雲氣圖二卷

唐張彥遠歷代名畫記古來祕畫珍圖有章

賢十二時雲雨氣圖一卷

案章賢或是人姓名始末未詳據張氏名

書記所載則此數一兩字漢志天文家有泰壹雜子雲兩三十四卷國章觀霓雲雨

三十四卷此或其僅存者

天文洪範日月變一卷洪範占二卷梁有洪範五行星曆四卷

並不著撰人

案魏書高允傳允表曰往年被敕令臣集

天文災異使事類相從約而可觀臣聞箕

子陳謨而洪範作宣尼述史而春秋著漢

成時光祿大夫劉向見漢祚將危權歸外

戚屢陳妖眚而不見省納遂因洪範春秋

災異報應者而為其傳今謹依洪範傳天

文志撮其事要略其文辭凡為八篇世祖

覽而善之案其時為南朝宋文帝元嘉之

季此三書疑皆是其散佚僅存者尤字伯

恭渤海人仕至鎮軍大將軍中書監尚書

散騎常侍光祿大夫進爵咸陽公太和十

一年卒年九十八贈侍中司徒諡曰文

又案開元占經日簿蝕篇引洪範天文日

月變占五星雜星客星彗星諸篇引洪範

天文星辰變占彗星篇又數引洪範天文

志曰星辰變占曰據高允傳則皆似高氏

之書其稱洪範天文志似亦即高所引漢

書天文志也

黃道躡景占一卷梁有躡景記二卷

並不著撰人

案漢志曆譜家有太歲謀日躡二十九卷

日躡書三十四卷此其類也

月行黃道圖一卷

不著撰人

案續漢書曆志賈逵論曆曰臣前上傅安

等用黃道度日月弦望多近史官一以赤

道度之不與日月同于今曆弦望至差一

日以上輒奏以為變至以為日卻縮退行

于黃道自得行度不為變願請太史官日

月宿簿及星度課與待詔星象考校奏可

是以黃道度日月行始于東漢賈景伯之

時此殆其遺制歟

梁有日月交會圖鄭玄注一卷

鄭玄有周易注見經部易家

唐張彥遠歷代名畫記述古來祕畫珍圖有

日月交會圖一卷鄭玄注

王應麟六經天文編朱氏曰日月交會謂朔

晦之間也日月皆右行于天一晝一夜日行

一度月行十三度十九分之七故日一歲而

一周天月二十九日有奇而一周天又逐及

于日而與之會一歲凡十二會方會則月光

都盡而為晦已會則月光復蘇而為朔朔後

晦前各十五日日月相對則月光正滿而為

望晦朔而日月之合東西同度南北同道則

月揜日而日為之食望而日月之對同度同

道則月亢日而月為之食是皆有常度矣

案范書本傳不言鄭有是注似後人從鄭

氏天文七政論中析出者

梁又有日月本位圖一卷

不著撰人

案張氏名畫記言古來祕畫珍圖有日月交會九道圖似即此本位圖續漢曆志

載永元中治曆李梵鉅鹿公乘蘇統脩九

道術熹平中故治曆郎梁國宗整上九道

術部太子舍人馮恂亦復作九道術此九

道圖之所由來並詳見余所輯後漢藝文

志

月暈占一卷

日月食暈占四卷

日食占一卷

日月薄蝕圖一卷

日變異食占一卷

日月暈珥雲氣圖占一卷梁有君失政大雲雨日

月占二卷

並不著撰人

案漢志天文家漢日食月暈雜變行事占

驗十三卷又泰壹雜子雲雨國章觀霓雲

雨各三十四卷此類皆其流裔或亦有漢

代所留遺者

二十八宿十二次一卷

二十八宿分野圖一卷

並不著撰人

晉書天文志曰班固取三統曆十二次配十

二野其言最詳又有費直說周易蔡邕月令

章句所言頗有先後魏太史令陳卓更言郡

國所入宿度陳卓有天文集占見前

唐李淳風乙巳占曰天文錄云今所行十二

次者漢光祿大夫劉向之所撰也班固列為

漢志舉氏莫不宗焉而言詞簡略學者多疑輒載其本文而爲之注天文錄梁祖暉撰

又曰在天二十八宿分爲十二次在地十二辰配屬十二國至于九州分野各有攸係上下相應故可得占而識焉州郡國邑之號並劉向所分載于漢書地理志其疆境交錯地勢寬窄或有未同多因春秋已後戰國所據取其地名國號而分配焉

王應麟六經天文編通典曰凡國之分野上配天象始于周季呂氏曰十二次蓋戰國之言星者以當時所有之國分配之星經出于戰國之末故舉當時東西周疆界以言之

案王海云七國時甘石始配十二分野考漢志天文家有海中二十八宿國分二十八卷海人之占別爲一家之學或亦權輿于此歟漢以來費直劉向蔡邕皆言分野劉歆說春秋亦言分野故七錄春秋家有左氏分野一卷晉陳卓附益以郡國宿度梁祖暉又注釋其書此兩書不知出誰氏張氏名畫記載古來祕畫珍圖有二十八宿分野圖一卷似卽此所載之圖

五緯合雜一卷  
五星合雜說一卷

並不著撰人

周禮大宗伯日月星辰注星謂五緯疏曰五緯卽五星東方歲星南方熒惑西方太白北方辰星中央鎮星言緯者二十八宿隨天左轉爲經五星左旋爲緯

案自黃帝五星占至此皆星氣風雲日月諸雜占之屬爲一段而編次凌雜紊如亂絲則難抄諸家書目未及整理也續漢百官志太史令一人掌天時星曆靈臺丞一人掌候日月星氣漢官曰靈臺待詔四十二人其十四人候星二人候日三人候風十二人候氣案候氣亦候律管吹灰之氣不盡候日月星雲之氣也三人候暑景七人候鍾律一人舍人凡此皆屬于太史皆各有簿籍記其占候故有此類雜沓不倫之書其中多重複互見莫可究詰也

垂象志一百四十八卷

不著撰人

北史藝術傳庾季才字叔翼新野人也家于南郡江陵縣祖詵南史有傳父曼倩光祿卿季才幼穎悟十二通易好占玄象仕梁元帝爲中書郎領太史封宜昌縣伯入周封臨穎縣伯太史中大夫加驃騎大將軍開府儀同三司隋文帝開皇元年授通直散騎常侍帝將遷都夜與高頴蘇威二人定議季才且奏臣仰觀玄象俯察圖記龜兆允襲必有遷都且漢營此城經今將八百歲水皆鹹鹵不甚宜人願爲遷徙計帝愕然謂頴等曰是何神也遂發詔施行賜季才絹布進爵爲公謂曰朕自今以後信有大道于是令季才與其子質撰垂象志謂曰天道祕奧推測多途執見不同不欲令外人干預此事故令公父子共爲之及書成奏上賜米帛甚優仁壽三年卒

又曰撰垂象志一百四十二卷行于世錢氏隋書考異曰經籍志垂象志一百四十八卷志不著撰人蓋庾季才所撰本傳作一百四十二卷

太史注記六卷

不著撰人

續漢百官志太史令一人掌天時星曆凡國有瑞應災異掌記之丞一人明堂及靈臺丞一人掌守明堂靈臺候日月星氣皆屬太史唐六典太史令掌觀察天文稽定曆數凡日月星辰之變風雲氣色之異率其屬而占候焉每季錄所見災祥送門下中書省人起居注歲終總錄封送史館

案此列在庾季才書中或亦季才爲太史

令時所錄

靈臺祕苑一百一十五卷太史令庾季才撰

庾季才有垂象志見前

北史藝術傳周武帝時季才遷太史中大夫詔撰靈臺祕苑又曰撰靈臺祕苑一百二十卷行于世

隋書天文志逮周氏克梁獲庾季才爲太史令撰靈臺祕苑一百二十卷占驗益備今略其雜星瑞星妖星客星流星及雲氣名狀次之于此云

唐書經籍志靈臺祕苑一百二十卷庾季才撰

唐書藝文志庾季才靈臺祕苑一百二十卷秀水朱彝尊曝書亭集跋曰靈臺祕苑本北

周明帝詔太史中大夫新野庾季才叔奕撰書成凡百二十卷隋志一百十五卷今止存十五卷本目錄後有編修官于大吉丁洵看詳官歐陽發王安禮姓名蓋宋自太平興國而後私習天文者有厲禁天文推測之術不欲使民知之季才完書必多奧義諸人奉教刪削而僅摘其十一若作酒醴去其漿而糟醕在矣

四庫提要曰靈臺秘苑十五卷北周庾季才原撰而宋人所重修也季才之書見于周書本傳作一百十卷此為北宋時奉敕刪訂之本祇存十五卷首以步天歌及圖次釋星驗次分野土圭次風雷雲氣之占次取日月五星三垣列宿逐次詳注大抵頗涉占驗之說不盡可憑又篤信分野次舍以州郡強為分析亦失之穿鑿附會然周以前之古帙尙藉以略見大凡存為考證之資亦無不可也又存目提要曰靈臺秘苑一百二十卷不著撰人名氏書名卷數皆與庾季才所著相同然書中所徵引故實迄于元末又所記冬至以日躔箕宿四度起算則明人所編輯仍襲季才之名耳大抵推步緯度者少測驗祥異者多體例亦頗冗沓蓋方技之流雜抄占書為之耳

案自垂象志至此為一段是篇章法約略分為四段所載靈憲渾天天文日月五星二十八舍雜星彗李風雲諸占候皆略見于史漢書志及晉宋齊隋天文志開元占

經乙巳占等書實亡而未盡亡也右九十七部合六百七十五卷實在著錄九十八部附著七書十六部通計一百一十四部

案七錄敘目術伎錄第一曰天文部四十九種六十七帙五百二十八卷本志存佚并計所增益者凡六十五部

隋書經籍志卷三十五

子部十二

曆數家類中分類凡四

四分曆三卷

不著撰人

漢書曆志劉歆三統曆世經曰四分以上元至伐桀十三萬二千一百一十三歲其八十八紀甲子府首入伐桀後百二十七歲

唐書經籍志四分曆三卷藝文志同

嘉定錢大昕漢書考異曰四分之術至後漢始行今劉子駿三統術亦著其說則西京已有之矣淮南天文訓所述甲寅元亦與四分同亦見錢氏三統術衍

儀徵阮元疇人傳論曰漢書志載四分以上元至伐桀十三萬二千一百一十三歲蓋四分之率本在三統以前東京諸儒特增修其法而用之耳

烏程汪曰楨古今推步諸術考曰自黃帝術顯項甲寅元術顯項術真夏術夏術般術真周術周術魯術乾鑿度術元命苞術古西法史記曆書術及稽覽圖命曆序諸術其日法歲實朔實皆與四分術同杜預謂今之所傳七術皆未必是時王之術祖沖之謂古之六術皆同四分是也案七曆六曆皆見漢志曆譜家所謂黃帝顓頊夏殷周曆是也顓頊曆有二家故云七曆案續漢書曆志明帝永平二年詔待詔張盛等以四分法課歲餘四分之術始頗施行是元和改曆之前亦有四分曆官曆署



据以課疏密此三卷列在李梵四分曆之前其即漢以來相傳爲劉歆所見之本歟又案漢書曆志云迺詔選用鄧平所造八十一分律曆罷廢尤疏遠者十七家是四分曆即在十七家之內武帝時以爲疏遠而罷廢之也

梁有四分曆三卷漢修曆人李梵撰亡

續漢書曆志自太初元年始用三統曆施行百有餘年曆稱後天建武八年中太僕朱浮太中大夫許淑等數上書言曆不正宜當改更時分度覺差尙微上以天下初定未遑考正至元和二年太初失天益遠日月宿度相覺浸多章帝知其謬錯以問史官雖知不合而不能易故召治曆編訖李梵等綜校其狀二月甲寅遂下詔改行四分于是四分施行劉昭曰蔡邕議云梵清河人後漢書章帝本紀元和二年二月甲寅始用四分曆

阮氏疇人傳論曰四分術歲名不用超辰五星始于合伏爲術與三統異而後世皆遵用之至于昏旦中星晝夜漏刻二至晷景長短之數黃赤宿度進退之率則皆三統所未詳始見于四分者也其論術一篇錢少詹大昕謂爲精微簡要非劉洪不能作後之步天者所宜寶也

汪氏古今推步諸術考曰後漢編訖四分術上元庚辰至元和元年甲申積九千三百六十五年算上自章帝元和二年乙酉始用此

術迄獻帝延康元年庚子凡一百三十六年魏初亦用此術自文帝黃初元年庚子迄明帝青龍四年丙辰凡一十七年蜀漢亦用此術自昭烈帝章武元年辛丑迄安樂思公炎興元年癸未凡四十三年吳大帝黃武元年壬寅亦用此術一年統計乙酉至癸未大凡行用一百七十九年元史志授時術議言四分術行一百二十一年論

案四分曆法續漢書曆志下篇備載之

梁又有三統曆法三卷劉歆撰亡

劉歆有爾雅注見經部論語類

漢書本傳歆爲義和京兆尹使治明堂辟雍封紅休侯典儒林史卜之官考定律曆著三統曆譜贊曰劉氏洪範論發明大傳著天人之應七略剖判藝文總百家之緒三統曆譜考步日月五星之度有意其推本之也又曆志序曰至孝成世劉向總六曆列是非作五紀論向子歆究其微眇作三統曆及譜以說春秋推法密要故述焉

後漢書鄭興傳興善左氏傳天鳳中將門人從劉歆講正大義歆美興才使校三統曆興子衆從父受左氏春秋精力于學明三統曆章懷太子曰三統曆劉歆撰謂夏殷周曆也唐書經籍志三統曆一卷劉歆撰唐書藝文志劉歆三統曆一卷

錢大昕三統術衍自序曰古術之可考者當以三統爲首三統之術本之太初又追前世一元五星會牽牛之初以爲太極上元參之

易象以窮其源徵之春秋以求其驗孟班堅以爲推法密要服子慎章宏嗣亦取以解春秋內外傳

阮元刻錢氏三統術衍序曰推步術見于廿四史志者以漢書劉歆三統術爲最古其日法斗分並與太初術同蓋歆即因落下閎鄧平之法而增修者也其法以統術推氣朔月食以紀術步五星以歲術求歲星太歲綱舉目張規模大備世經一篇考驗炮機以來有涉步算之事一一符合固漢氏一代之故事而步術七十餘家之權輿也

又疇人傳論曰三代推步之書秦火而後無復遺餘及今可考而知者自歆三統始也論其爲術之善厥有數端四分以後太歲一歲一名而三統推歲星以百四十四年行百四十五次太歲與歲星恆相應有超辰之法一也四分二十四氣中節與今不殊而三統則以驚蟄爲正月中雨水爲二月節穀雨爲三月節清明爲三月中合于夏小正正月啓蟄之文二也上世積年荒遠難稽史記託始其和最爲有徵三統世經所載自文王四十二年以後歲歲相接更在共和之前考古者得有所據依三也歆父子相繼領校祕書世經所稱伊訓武成等文必真古文足以有裨經學四也至于臚列尙書春秋古來有涉步算之事一一推合以明其術之有驗于古班固稱爲推法密要後世諸儒用以說經蓋誠有取爾也惟述統母之生多傳合易卦鍾律

案以算理實多未然云

汪曰積推步諸術考漢劉歆三統術上元庚戌至太初元年丁丑積一十四萬三千一百二十八年算上見漢書志案太初術一元有三統故名三統術以三統術說春秋即謂之春秋術杜預言劉子駿造三正術以脩春秋是又名三正也姜岌言服虔解傳用太極上元太極上元乃三統術劉歆所造元也是又名太極也其術兼以太陰紀歲皆一百四十四年而超一辰其二十四氣驚蟄雨水穀雨清明並與四分以後之法異

張氏書目答問三統術衍三卷錢大昕撰潛研堂集本董祐誠三統術衍補一卷在董方立遺書內  
案杜征南長曆說云自古論春秋者或造家術或用黃帝諸曆此即家術之類也歆本作此以說春秋漢書曆志有明文或以爲歆此術爲王莽作王莽用三統曆則以太初曆亦稱三統曆見續漢志序因而傳譌也汪氏云王莽亦用太初曆

趙隱居四分曆一卷

趙隱居不知何人

案趙隱居疑即北涼趙歐

魏甲子元三統曆一卷

不著撰人

通志藝文略曆數正曆類魏甲子元三統曆三卷

姜氏三紀曆一卷曆序一卷姜氏撰

晉書曆志後秦姚興時當孝武太元九年歲

在甲申天水姜岌造三紀甲子元曆又曰岌以月蝕檢日宿度所在爲曆術者宗焉又著渾天論以步日子黃道駁前儒之失並得其

中矣案此姚興當爲姚襄汪氏諸術考已言之嚴氏全晉文編曰姜岌天水人仕姚興官爵未詳撰三紀甲子元曆

汪氏推步諸術考後秦姜岌三紀甲子元術上元甲子至晉孝武帝太元九年甲申後秦姚襄白雀元年積八萬三千八百四十一年算

上見晉書志開元占經晉志云姚興時當太元九年歲在甲申造乃姚襄之譌若姚興時造則當在太元十九年之後矣自武昭帝姚襄白雀元年甲申始用此術迄後主姚泓永和二年丁巳行用凡三十四年

案開元占經卷一吳太史令陳卓作渾天論與姜岌答難云云則岌與卓同時卓于江左元帝踐阼時猶存後六十八年始爲太元九年岌即于斯時猶在其年亦必八九十歲然不知何時陷于北庭而入後秦爲姚襄撰曆也殆亦永嘉建興間中朝覆沒之時歟

又案此不著于劉智正曆之後而列于吳闕澤之前者其意殆以四分三統三紀以書名相類從也然而謬矣

乾象曆三卷吳太子太傅闕澤撰

吳志本傳澤字德潤會稽山陰人也家世農夫至澤好學究覽羣籍兼通曆數由是顯名

察孝廉除錢唐長邊柳令孫權爲驃騎將軍

辟補西曹掾及稱尊號以澤爲尚書嘉禾中爲中書令加侍中赤烏五年拜太子太傅領中書如故澤以經傳文多難得盡用乃斟酌諸家刊約禮文及諸注說以授二宮爲制行出入及見賓儀又著乾象曆注以正時日每朝廷大議經典所疑輒諮訪之以儒學勤勞

封都鄉侯六年冬卒  
晉書宋書曆志曰吳中書令闕澤受劉洪乾象法于東萊徐岳又加解注  
北周甄鸞數術記遺注曰漢會稽太守劉洪付乾象曆于東萊徐岳岳授吳中書闕澤澤甚重焉爲注解

唐書經籍志乾象曆三卷闕澤注闕洋撰一本作闕澤注闕澤撰本不著卷數作闕澤撰闕洋注當是劉洪撰闕澤注之誤

唐書藝文志劉洪乾象曆術三卷闕澤注梁有乾象曆五卷漢會稽都尉劉洪等注亡續漢書曆志注袁山松書曰劉洪字元卓泰山蒙陰人魯王之宗室也延熹中以校尉應太史徵拜郎中遷常山長史以父憂去官後爲上計掾拜郎中檢東觀著作律曆記遷謁

者殺城門候會稽東都尉徵還未至領山陽太守卒官洪善算當世無偶作七曜術及在東觀與蔡邕共述律曆記考驗天官及造乾象術十餘年考驗日月與象相應皆傳于世

又宋世治曆何承天曰元和中案當爲光初殺

城門候劉洪始悟四分于天疏闕更以五百八十九爲紀法百四十五爲斗分而造乾象法又制遲疾曆以步月行方于太初四分轉精密矣徐幹中論曆數篇靈帝時劉洪更造乾象曆考之天文于今爲密會宮車憂駕京師大亂事不施行惜哉

象曆

吳志孫權傳黃武二年春正月改四分用乾象曆

晉書宋書曆志曰吳中書令闕澤受劉洪乾象法于東萊徐岳又加解注中常侍王蕃以洪術精妙用推渾天之理以制儀象及論故孫氏用乾象曆至于吳亡

唐書經籍志乾象曆術三卷劉洪撰 又有乾象曆三卷不著名氏新志同

元史郭守敬授時曆議乾象曆建安十一年丙戌劉洪造行三十一年至魏景初丁巳後天七刻

阮元疇人傳論曰洪創始遲疾陰陽二術後來術家莫不遵用其爲功步算大矣蔡伯喈稱洪密于用算鄭康成論乾象以爲窮幽極微非虛譽也

汪曰楨推步諸術考後漢劉洪乾象術上元己丑至建安十一年丙戌積七千三百七十八年算上見晉書志自吳大帝黃武二年癸卯始用此術迄歸命侯天紀四年庚子凡五十八年又曰此術孫吳始用之漢魏未經行用元志云行三十一年譌

案此不知合何人之注渾稱劉洪等考范書鄭玄本傳載所注諸書有乾象曆晉書

曆志云靈帝時劉洪爲乾象曆獻帝建安元年鄭玄受其法以爲窮幽極微又加注釋焉疑此五卷有鄭氏注在其間焉

梁又有闕澤注五卷亡

梁又有乾象五星幻術一卷亡

不著撰人

曆術一卷吳太史令吳範撰

吳範有占出軍決勝負事見前兵家

通志藝文略曆數曆術類曆術一卷吳太史

令吳範撰

汪氏推步諸術考吳吳範術無考見隋經籍志

景初曆三卷晉楊偉撰梁有景初曆術二卷景初曆法三卷又一本五卷並楊偉撰并景初曆略要二卷亡

楊偉有桑邱先生書又有時務論並見雜家

晉書宋書曆志楊偉表有曰臣之所建景初

術法數則要約施用則近密治之則省功學

之則易知雖復使研桑心算隸首運籌重黎

司晷羲和察景以考天路步驗日月究極精

微盡數術之極者皆未如臣如此之妙也

魏志明帝紀景初元年春正月壬辰山在縣

言黃龍見于是有司奏以爲魏得地統宜以

建丑之月爲正三月定曆改年爲孟夏四月

注引魏書曰甲子詔曰其改龍五年三月爲景初元年

四月改太和曆曰景初曆案太和曆事見高堂隆

傳注引魏略其春夏秋冬孟仲季月雖與正歲

不同至于郊祀迎氣祠祫蒸嘗巡狩蒐田分

至啓閉班宣時令中氣早晚敬授民事皆以

正歲斗建爲曆數之序又齊王紀景初三年

十二月詔曰烈祖明皇帝以正月棄背天下

臣子永惟忌日之哀其復用夏正雖違先帝

通三統之義斯亦禮制所由變改也又夏正

于數爲得天正其以建寅之月爲正始元年

正月以建丑月爲後十二月

唐書經籍志魏景初曆三卷楊偉撰

唐書藝文志楊偉魏景初曆三卷

阮氏疇人傳論曰乾象術推合朔用日法推

遲疾用周推陰陽用日周各異其法而不相

通偉術通數會通通周並以滿日法而一爲

日用算省約此李淳風總法之所祖壬辰元

首有交會遲疾差數此又楊忠輔諸差郭守

敬諸應之所自出至其推交會月蝕以去交

度十五爲法論虧之多少以先會後交先交

後會論虧起角之東西南北皆密于前術足

以爲後世法者也

汪氏推步諸術考魏楊偉景初術上元壬辰

至景初元年丁巳積四千零四十六年算上

見晉宋二書志自明帝景初元年丁巳始用

此術迄元帝咸熙二年乙酉凡二十九年晉

仍用此術更名泰始術自武帝泰始元年乙

酉迄恭帝元熙二年庚申凡一百五十六年

宋初仍用此術更名永初術自武帝永初元

年庚申迄文帝元嘉二十一年甲申凡二十

五年北魏初亦用此術自道武帝天興元年  
戊戌迄太武帝正平元年辛卯凡五十四年  
統計丁巳至辛卯大凡行用二百一十五年  
景初壬辰元曆一卷楊沖撰

汪氏推步諸術考案隋經籍志既有楊偉景  
初術又有楊沖景初壬辰元術一卷當是復  
出

案景初曆曆元本是壬辰此又云壬辰元  
曆故汪氏以為復出楊沖之沖亦疑草寫  
偉字之誤

正曆四卷晉太常劉智撰

劉智有喪服要問詳見經部禮類

晉書曆志武帝侍中平原劉智以斗曆改憲

推四分法三百年而減一日以一百五十為  
度法三十七為斗分又曰推甲子為上元至

秦始皇十年歲在甲午九萬七千四百一十

歲上元天正甲子朔夜半冬至日月五星始

于星紀得元首之端飾以浮說名為正曆

宋書曆志晉江左時侍中平原劉智推三百

年斗曆改憲以為四分法三百年而減一日

以百五十為度法三十七為斗分飾以浮說

以扶其理

唐書藝文志劉智正曆四卷薛夏訓

汪氏推步諸術考晉劉智正術上元甲子至

秦始皇十年甲午積九萬七千四百一十一年

算上見開元占經及晉志

河西甲寅元曆一卷涼太史趙敷撰甲寅元曆序

一卷趙敷撰

宋書大且渠蒙遜傳河西人趙敷善曆等元  
嘉十四年河西王茂虔奉表獻方物并獻趙  
敷傳并甲寅元曆一卷

魏書曆志太祖天興初命太史令晁崇修渾

儀以為觀星象仍用魏楊偉景初曆歲年積久

頗以為疏世祖平涼土得趙敷所修玄始曆

後謂為密以代景初又曰高宗踐阼乃用敦

煌趙敷甲寅之律

金樓子自序篇涼國太史令趙敷造乾度曆

三十年以心疾卒案乾鑿度術亦上元甲寅也疑此

數鑿字

唐書經籍志河西甲寅元曆一卷李淳風撰

案此題李淳風非也

唐書藝文志趙敷河西甲寅元曆一卷

阮氏疇人傳北涼趙敷河西人也善曆算沮

渠蒙遜元始時修元始術又傳論曰魏世祖

平涼得敷術以代景初則其術之驗于當時

可知敷于算造蓋羨爰之流亞也

汪氏推步諸術考北涼趙敷元始術上元甲

寅至元始元年壬子晉義熙八年魏永興四年積

六萬一千四百三十八年算外見魏書志開

元占經自武宣王沮渠蒙遜元始元年壬子

始用此術迄哀王沮渠茂虔永和七年己卯

凡二十八年北魏亦用此術自文成帝興安

元年壬辰迄孝明帝正光三年壬寅凡七十

一年統計壬子至壬寅凡一百一十一年中

空庚辰至辛卯一十二年實行用九十九年

案自北涼亡後至魏文成帝即位始用此術其間凡十二

年汪氏所謂中空者以此

宋元嘉曆二卷何承天撰梁又有元嘉曆統二卷

元嘉中論曆事六卷元嘉曆疏一卷元嘉二十六

年度日景數一卷亡

曆術一卷何承天撰梁有驗日食法三卷何承天

撰亡

何承天有禮論見經部禮類

宋書武帝本紀永初元年六月己卯改晉泰

始曆為永初曆文帝本紀元嘉二十二年春

正月辛卯朔改用御史中丞何承天元嘉新

曆

又曆志宋太祖頗好曆數太子率更令何承

天私撰新法元嘉二十二年上表進元嘉曆詔

曰承天所陳殊有理據可付外詳之有司奏

承天曆術合可施用宋二十二年普用元嘉

曆詔可

唐書經籍志宋元嘉曆二卷何承天撰

唐書藝文志何承天元嘉曆二卷

阮氏疇人傳論曰承天曆勝于前者三事欲

用定期一也考正冬至日度二也春秋分晷

景無長短之差三也至其創立強弱二率以

調日法由唐迄宋演撰家皆墨守其說而不

敢變易可謂卓然名家者矣

汪氏推步諸術考宋何承天元嘉術上元庚

辰正月甲子朔且雨水至元嘉二十年癸未

積五千八百零三年算外自文帝元嘉二十

二年乙酉始用此術迄順帝昇明三年己未

凡三十五年南齊仍用此術更名建元術自

高帝建元元年己未迄和帝中興二年壬午凡二十四年梁初亦用此術自武帝天監元年壬午迄八年己丑凡八年統計自乙酉至己丑大凡行用六十五年案晉用景初術更名泰始術宋又更名永初術今此術齊既更名建元術則梁亦當更名天監術而史無明文

案宋書曆志備載元嘉曆法又載何承天論曆蓋即此元嘉中論曆事六卷之大略元嘉二十六年度日景數一卷似太史注記之流或亦即疇人傳所謂春秋分晷景無長短之事驗日食法三卷似卽下文論類月合朔法

梁又有論類月合朔法五卷亡不著撰人

宋書曆志太史令錢樂之兼丞嚴粲奉詔看詳何承天新曆表曰又承天法每月朔望及弦皆定大小餘于推交會時刻雖審皆用盈縮則月有類三大類二小比舊法殊爲異舊日蝕不唯在朔亦有在晦及二日公羊傳所謂或失之前或失之後愚謂此一條自宜仍舊員外散騎郎皮延宗又難承天若晦朔定大小餘紀首值盈則退一日便應以故歲之晦爲新紀之首承天乃改新法依舊術不復每月定大小餘如延宗所難太史所上隋書曆志云承天本意欲立合朔之日遭皮延宗飾非致難故事不得行

北史藝術信都芳傳芳又私撰曆書名曰靈

憲曆算月類大類小食必以朔證據甚明每云何承天亦爲此法而不能精靈憲若成必當百代無異議者書未成而卒

案宋志北史所言則此論類月合朔法卽何承天與諸人所論疇人傳所謂欲用定朔之事也

梁又有雜曆七卷曆法集十卷又曆術十卷亡並不著撰人

案此三書或亦何氏及元嘉時諸家所撰者

梁又有京氏要集曆術四卷姜岌撰亡

姜岌有三紀曆見前

唐書藝文志姜氏曆術三卷

案本志五行家有易律曆一卷虞翻撰蓋

虞氏注京房書詳見本條此殆姜氏取京房書而推衍成編者

曆術一卷崔浩撰

崔浩有周易注詳見經部易家

魏書本傳浩上五寅元曆表曰太宗復詔臣

學天文星曆易式九宮無不盡看至今三十

九年晝夜無廢臣稟性弱劣力不及健婦人

更無餘能是以專心思書忘寢與食至乃夢

共鬼神義遂得周公孔子之要術始知古人

有虛有實妄語者多真正者少自秦始皇燒

書之後經典絕滅漢高祖以來世人妄造曆

術者有十餘家皆不得天道之正大誤四千

小誤甚多不可言盡臣愍其如此今遭陛下

太平之世除僞從真宜改誤曆以從天道是

以臣前奏造曆今始成訖云云

又高允傳司徒崔浩集諸術士考校漢元以來日月薄蝕五星行度并譏前史之失別爲魏曆以示允允曰天文曆數不可空論夫善言遠者必先驗于近日漢元年冬十月五星聚于東井此乃曆術之淺今譏漢史而不覺此謬恐後人譏今猶今之譏古浩曰所謬云何允曰案星傳金水二星常附日而行冬十月日在尾箕昏沒于申南而東井方出于寅北二星何因背日而行是史官欲神其事不復推之于理浩曰欲爲變者何所不可君獨不疑三星之聚而怪二星之來允曰此不可以空言爭宜更審之時坐者咸怪唯東宮少傅游雅曰高君長于曆數當不虛也後歲餘浩謂允曰先所論者本不注心及更考究果如君語以前三月聚于東井非十月也案此亦崔浩曆術中之事

魏書曆志曰真君中司徒崔浩爲五寅元曆

未及施行浩誅遂寢

唐書經籍志曆疏一卷崔浩撰

唐書藝文志崔浩律曆術一卷

汪氏推步諸術考北魏崔浩五寅元術無考見魏書北史本傳真君初年表上

案南朝有宋祖沖之大明曆上元甲子至

大明七年癸卯積五萬一千九百三十九

年算外見宋書隋書曆志自梁武帝天監

九年庚寅迄陳後主禎明三年己酉爲隋

所滅凡行用八十年此曆本志不著錄

神龜壬子元曆一卷後魏護軍將軍祖瑩撰

魏書本傳瑩字元珍范陽人也年十二為中書學生好學就書累遷國子祭酒秘書監以參議律曆賜爵容城縣子遷車騎大將軍出帝登阼封文安縣子天平初加儀同三司進爵為伯薨贈尚書左僕射司徒公冀州刺史子瑒字孝徵襲瑩即撰聖壽堂御覽者見前雜家又曆志神龜初侍中國子祭酒崔光表曰去延昌四年冬中堅將軍屯騎校尉張洪故太史令張明豫息盪寇將軍龍祥校書郎李業興等三家並上新曆各求申用時太傅公清河王臣懌等以天道至遠非率可量請立表候景期之三載乃采其長者更議所從又蒙敕許于是洪等與前鎮東府長史祖瑩等研窮其事爾來三年再歷寒暑積勤構思大功獲成謹案洪等三人前上之曆并附馬都尉盧道虔前太極采材軍主衛洪顯殄寇將軍太史令胡榮及雍州沙門統道融司州河南人樊仲遵定州鉅鹿人張僧豫所上總合九家共成一曆元起壬子律姑黃鍾考古合今謂為最密請定名為神龜曆今封以上呈肅宗以曆就大赦改元因名正光曆班于天下其九家共脩以龍祥業興為主 案明帝本紀大赦則有之改元則因加元服非因曆就此改元二字誤附汪氏推步諸術考北魏張龍祥正光術上元壬子至正光三年壬寅梁普通三年積一十六萬七千七百五十年算外見魏書志初名神龜術後改名正光術隋經籍志神龜壬子元

術一卷後魏護軍將軍祖瑩傳即此術自孝明帝正光四年癸卯始用此術迄孝武帝永熙三年甲寅凡一十二年西魏亦用此術自文帝大統元年乙卯迄恭帝四年丁丑凡二十三年東魏亦用此術自孝靜帝天平元年甲寅迄興和元年己未凡六年北周亦用此術自孝愍帝元年丁丑迄明帝二年戊寅凡二年統計自癸卯至戊寅大凡行用三十六年

魏後元年甲子曆一卷 不著撰人 案魏書曆志云張龍祥以皇魏蓮水德為甲子元曆並未申用云云則此似張龍祥所別撰者又似後李業興甲子元曆一卷之別本

壬子元曆一卷後魏校書郎李業興撰 魏書儒林傳李業興上黨長子人也志學精立負帙從師事徐遵明于趙魏間博涉百家圖緯風角天文占候無不討練尤長算曆舉孝廉為校書郎以世行趙賸曆節氣後辰下算延昌中業興乃為戊子元曆上之于時屯騎校尉張洪盪寇將軍張龍祥等九家各獻新曆世宗詔令共為一曆洪等後遂共推業興為主成戊子曆案魏書曆志云校書郎李業興亦私造曆為戊子元曆並未申用似業興所造初名戊子元曆後合九家共定為壬子元曆此云戊子曆當是壬子曆之誤正光三年奏行之永安三年以前造曆之勳賜爵長子伯後以孝武帝登極封屯留縣

子累遷國子祭酒侍讀太原太守武定五年齊文襄王引為中外府諮議參軍後坐事禁止七年死于禁所年六十六

汪氏推步諸術考北魏張龍祥正光術初名神龜術後改名正光術隋經籍志神龜壬子元術一卷後魏護軍將軍祖瑩撰又有李業興壬子元術一卷皆即此術 案此或亦即業興所上戊子元曆

甲寅元曆序一卷趙賸撰

趙賸有河西甲寅元曆并曆序各一卷見前通志校讎略趙賸甲寅元曆序曆數類中兩出

錢氏隋書考異曰趙賸甲寅元曆序一卷兩收于曆數類

魏武定曆一卷 不著撰人

唐書經籍志後魏武定曆一卷藝文志同

汪氏推步諸術考東魏武定術無考見隋經籍志唐藝文志

案東魏孝靜帝興和四年改元武定武定八年禪位于北齊文宣帝此武定曆當在李業興與和曆行用之後詳見後三條蓋當時未經行用之廢曆也

齊甲子元曆一卷宋氏撰

宋景業曆一卷景業後齊散騎常侍

北史藝術傳宋景業廣宗人也明周易為陰陽緯候之學兼明曆數魏武定初任北平太守齊文宣天保初封長城縣子受詔撰天保

曆李廣爲之序

北齊書儒林李鉉傳天保初詔北平太守宋景業西河太守綦母懷文等草定新曆錄尙書事平原王高隆之令鉉與通直常侍房延祐國子博士刁柔參考得失

隋書曆志後齊文宣受禪命散騎侍郎宋景業叶圖識造天保曆景業奏依據誠圖及元命苞言齊受錄之期當魏終之紀得乘三十五以爲節應六百七十六以爲章文宣大悅乃施用之

唐書經籍志北齊天保曆一卷宋景業撰又曰齊甲子曆一卷不著撰人

唐書藝文志宋景業北齊天保曆一卷北齊甲子元曆一卷汪氏推步諸術考北齊宋景業天保術上元甲子至天保元年庚午梁大寶元年積一十一萬零五百二十六年算外見隋書志開元占經自文宣帝天保二年辛未始用此術迄幼主承光元年丁酉凡二十七年

案此宋氏甲子元曆與宋景業天保曆分爲二唐志亦然其實止一書因標目互異遂以爲二書耳

又案北朝有周胡克讓曆見北史本傳武成元年造自周明帝武成元年乙卯迄武帝保定五年乙酉行用凡七年本志不著錄

周天和年曆一卷甄鸞撰

甄鸞有帝王世錄詳見史部雜史篇

隋書曆志序曰逮于周武帝乃有甄鸞造甲寅元曆遂參用推步焉又曰周武帝時甄鸞造天和曆參用推步終于宣政元年

唐書經籍志曆術一卷甄鸞撰唐書藝文志甄鸞曆術一卷

阮氏疇人傳論曰天和術以三百九十一爲章歲一百四十四爲章閏其率與祖沖之正同蓋當時南北術家南以何承天爲宗北以趙陞祖沖之爲據故卽寫沖之數也

汪氏推步諸術考北周甄鸞天和術上元甲寅至天和元年丙戌陳天康元年積八十七萬五千七百九十二年算外見隋書志開元占經章歲閏率與祖沖之大明術同自武帝天和元年丙戌始用此術迄宣政元年戊戌凡一十三年

甲子元曆一卷李業撰

李業與有壬子元曆見前

魏書曆志孝靜世壬子曆氣朔稍違熒惑失次四星出伏曆亦乖舛與和元年十月齋獻武王入鄴復命李業與令其改正立甲子元曆事訖尙書左僕射司馬子如右僕射隆之等表上詔付外施行

魏書儒林傳與和初又爲甲子元曆時見施用

唐書藝文志李業與後魏甲子曆一卷

阮氏疇人傳論曰正光與和二術並有推上朔法自漢迄明諸家術皆無之謹案見行時憲書上朔日不宜會客作樂以業與術推之

正合蓋其說出于選擇家也

汪氏推步諸術考東魏李業與和術上元甲子至興和二年庚申梁大同六年積二十九萬三千九百九十七年算上見魏書志或作興光術譌宗案玉海曆法篇作興光術自孝靜帝興和二年庚申始用此術迄武定八年庚午凡一十一年北齊文宣帝天保元年庚午亦用此術一年統計庚申至庚午大凡行用一十一年

案此曆之後卽用宋景業天保曆此不列于李氏壬子元曆之後而雜廁于北周諸曆之中編次實爲無法

周大象年曆一卷王琛撰曆術一卷王琛撰

王琛始末未詳隋書滕嗣王綸傳有術者王琛疑卽其人

唐書經籍志周大象曆二卷王琛撰一本作天象說

唐書藝文志王琛周大象曆二卷

汪氏推步諸術考北周王琛大象術無考見隋經籍志唐藝文志未知卽馬顯術否也

又曰北周馬顯丙寅元術至大象元年己亥陳太建十一年積四萬一千五百五十四年算上見隋書志開元占經唐藝文志作甲寅元術譌自宣帝大成元年己亥始用此術迄靜

帝大定元年辛丑凡三年隋初亦用此術自文帝開皇元年辛丑迄三年癸卯凡三年統計己亥至癸卯大凡行用五年案宣帝大成元

年亦卽靜帝大象元年也

案隋書曆志云周武帝時甄鸞造天和曆終于宣政元年大象元年太史上士馬顯等又上景寅元曆其術施行此既以大象

標目則大抵即馬顯曆唐藝文志云王琛周大象曆二卷馬顯周甲寅元曆一卷汪氏云此作甲寅誤豈宣帝傳位改元大象之後

王琛別作此曆未經行用者歟仰即馬顯同撰人如李業與壬子元曆志別出祖瑩一本也

壬辰元曆一卷

不著撰人

唐書經籍志河西壬辰元曆一卷趙敞撰

唐書藝文志趙敞河西壬辰元曆一卷

汪氏推步諸術考北涼趙敞壬辰元曆無考見唐藝文志案金樓子自序篇云涼國太史趙敞造乾度曆三十年以心疾卒則敞又有

乾度術與李修夏顯之術同名未知即此術抑即元始術之異名也案杜氏春秋釋例云咸寧中有善算者李修夏顯依曆體為術名乾度術元始術即河西甲寅元曆也見前

案本志既不著撰人又無河西二字或周隋之際別有一家然證以兩唐志則甚似

趙敞書也

甲午紀曆術一卷

不著撰人

案張澍蜀典故事類云四分曆之法三紀而為一元元首必甲寅紀元或甲戌甲午不皆甲寅此甲午紀曆術似推演姜岌三

紀曆之術而次于趙敞之後則尤近似之新造曆法一卷

不著撰人

案隋書曆志信都劉焯開張胄玄進用又增損劉孝孫曆法更名七曜新術以奏之與胄玄之法頗相乖爽袁充與胄玄害之焯又罷至開皇二十年高祖以曆事付皇太子劉焯以太子新立復增修其書名曰皇極曆駁正胄玄之短又曰焯曆竟不行術士咸稱其妙故錄其術云云似此即隋志所載劉焯皇極曆其曆成于開皇二十年在張胄玄開皇術行用之後故云新造曆法歟唐志有劉焯皇極曆一卷疑即此

開皇甲子元曆一卷曆術一卷華州刺史張賓撰隋書藝術來和傳和好相術所言多驗道士張賓焦子順應門人董子華此三人當高祖龍潛時並私謂高祖曰公當為天子善自愛及踐阼以張賓為華州刺史子順為開府子華為上儀同

又曆志序曰西魏入關行李業與曆逮于周武帝乃有甄鸞造甲寅元曆大象之初太史上士馬顯又上景寅元曆便即行用迄于開皇四年乃改用張賓曆

又曰時高祖作輔方行禪代之事欲以符命曜于天下道士張賓揣知上意自云洞曉星曆因盛言有代謝之徵又稱上儀表非人臣相由是大被知遇恆在幕府及受禪之初擢賓為華州刺史使與儀同劉暉等十五人議

造新曆仍令太常卿盧賁監之賓等依何承天法徵加增損四年二月撰成奏上高祖下詔頒天下依法施用

汪氏推步諸術考隋張賓開皇術上元甲子己巳自甲子至開皇四年甲辰陳至德二年積四百一十二萬九千零零一年算上見隋書志阮元曰玉海稱開皇術又名己巳元術依率推之其上元歲名日名並起甲子而不直己巳劉孝孫等駁賓術之失以五星別元為非然則己巳蓋五星之元也曰積案唐藝文志有劉孝孫開皇術又有李德林開皇術玉海疑即張賓張胄元二家之術今考唐志僅別出張胄元大業術更無二張之開皇術玉海之說當或然也自文帝開皇四年甲辰始用此術迄十六年丙辰凡行用一十三年

案唐志載劉李開皇術或當時有此別本廢不行用未必即是二張之曆玉海之說竊以為不然

案其後又有張胄玄開皇術自隋文帝開皇十七年丁巳迄煬帝大業三年丁卯行用凡十一年見汪氏諸術考此曆本志不著錄又有張胄玄改定大業曆似即下文見行曆一卷是也詳見本條 又案張賓玄開皇曆亦元起甲子此條開皇甲子元曆一卷或當分別為一家或即是張胄玄之曆亦未可知本志于前後次第每多雜亂故有此疑竇也 又案自四分曆至此皆自漢迄隋之正曆附以廢曆雜曆及曆論曆序之屬為一類



七曜本起三卷後魏甄叔遵撰

甄叔遵卽甄鸞有周天和年曆一卷見前

唐書經籍志七曜本起曆二卷不著撰人

唐書藝文志甄鸞七曜本起曆五卷

案通志藝文略曆數七曜曆類首載是書

題曰後漢甄叔遵撰以爲後漢人錢氏大

昭補續漢書藝文志遂取以入志不知本

志固題後魏非後漢也通志略及高似孫子略

世頗援引其實謬誤多不足依據錢氏補志既爲

鄭漁仲所誤矣嚴氏可均校意林缺目意甚切至用

子略所抄意林篇目爲據以爲意林之目從此始全

後宋刻全本意林出其第六卷尙有幽求子千寶千

子華譚新論孫綽孫子四家爲高所遺嚴氏又爲其

所誤也豈不大可惜哉

七曜小甲子元曆一卷

七曜曆術一卷梁七曜曆法四卷

七曜要術一卷

七曜曆法一卷

推七曜曆一卷

五星曆術一卷

天圖曆術一卷

並不著撰人

陳永定七曜曆四卷

陳天嘉七曜曆七卷

陳天康二年七曜曆一卷

陳光大元年七曜曆二卷

陳光大二年七曜曆一卷

陳太建年七曜曆十三卷

陳至德年七曜曆二卷

陳禎明年七曜曆二卷

並不著撰人

案日月五星謂之七政漢藝文志曆譜家

有顛項五星曆日月宿曆是爲七曜曆之

所自始文選齊敬皇后哀策文注引淮南

高誘注云劉歆有曜曆當卽七曜曆後漢

劉洪作七曜曆鄭司農作天文七政論劉

陶亦作七曜論此又兩漢人所作七曜曆

及論之最著者七曜爲曆術中之一端亦

相承別本單行此所載陳代七曜曆八部

皆有年分似卽太史官曆署所存之簿籍

隋代見存書目遂取以充數本志據以抄

入是類唐志唯有吳伯善撰陳七曜曆五

卷吳伯善始末未詳

開皇七曜年曆一卷或當爲開皇年七曜曆

仁壽二年七曜曆一卷

並不著撰人

七曜曆經四卷張賓撰

張賓有開皇曆見前

春秋去交分曆一卷

不著撰人

案隋書天文志後魏末清河張子信避葛

榮亂隱海島中積三十許年專心渾儀測

候日月五星差變之數以算步之始悟日

月交道有表裏遲速五星見伏有感召向

背日行在春分後則遲秋分後則速後張

胄玄劉孝孫劉焯等依其差度爲定入交

食分及五星定見定行與天密會皆古人

所未得也此大抵言春秋二時日月去交

道之分數頗似其書姑附記于此

曆日義說一卷

不著撰人

唐書藝文志曆日義說一卷案此作義統未詳孰是

律曆注解一卷

不著撰人

案漢藝文志曆譜家有律曆數法三卷其

文略見律曆志此或注解其書

龍曆草一卷

不著撰人

案此似有敍文考隋書曆志載劉孝孫劉

焯之辭曰魏時楊偉之意故以食朔爲真

未能詳知而制其法至宋元嘉中何承天

著曆承天本意欲立合朔之術遭皮延宗

飾非致難故事不得行至後魏獻帝時有

龍宜弟復修延興之曆又上表云日食不

在朔而習之不廢據春秋書食乃天之驗

朔也此三人者前代善曆皆有其意未正

其書謂食必以朔皆欲立定朔之術也此

龍字下或敍氏字或敍宜弟二字似卽龍

氏所修延興曆草延興者後魏孝文帝卽

位改元年號也其時行趙陞河西曆延興

曆廢而不用者也又案曆家以歲星謂之龍此

又似言歲星超辰之法

推漢書律曆志術一卷

不著撰人

唐書藝文志推漢書律曆志術一卷

案漢書律志所據爲劉歆鍾律書曆志所據則劉歆三統曆也推而衍之爲是書猶錢氏三統術衍之類

推曆法一卷崔隱居撰

崔隱居不詳何人

曆疑實識序二卷

不著撰人

案隋書藝術張胃玄傳胃玄直太史太史令劉暉等甚忌之上令楊素與術數人立議六十一事皆舊法久難通者令暉與胃玄等辨析之暉杜口一無所答胃玄通者五十四焉由是擢拜散騎侍郎兼太史令賜物千段暉及黨與八人皆斥逐之是書似卽其事又曆志云開皇十七年胃玄曆成上付楊素等校其短長劉暉與國子助教王頌等執舊曆術迭相駁難其文甚多或亦在是書

興和曆疏二卷

不著撰人

案興和曆卽東魏李業與甲子元曆見前此或當時諸臣平議得失之奏疏或後人疏解其曆之術法

七曜曆數算經一卷趙敷撰

趙敷有河西甲寅元曆并曆序並見前

算元嘉曆術一卷

不著撰人

案元嘉曆宋何承天撰見前宋書曆志云

漢世劉洪推檢月行作陰陽曆法元嘉二十年太祖使著作令史吳葵依洪法制新術令太史施用之案吳葵術題云元嘉曆月行陰陽法其書數篇宋志著于何承天漏刻之後疑卽此一卷是也

七曜曆疏一卷李業與撰七曜義疏一卷李業與撰

撰

李業與有壬子元曆甲子元曆並見前

七曜術算二卷甄鸞撰

甄鸞有周天和年曆及七曜本起並見前

唐書經籍志七曜曆算二卷甄鸞撰

唐書藝文志甄鸞七曜曆算二卷

七曜曆疏五卷太史令張胃玄撰

隋書藝術傳張胃玄勃海蓀人也博學多通尤精術數高祖徵授雲騎尉直太史參議律曆事時輩多出其下太史令劉暉等甚忌之然暉言多不中胃玄所推步其精密由是擢拜員外散騎侍郎兼太史令改定新曆胃玄所爲曆法與古不同者有三事皆明著其超古獨異者有七事皆獨得于心論者服其精密大業中卒官

唐書經籍志七曜曆疏三卷張胃玄撰

唐書藝文志張胃玄七曜曆疏三卷

案張胃玄有開皇曆又有改定大業曆自開皇十七年行用迄于唐初本志皆不著

錄此其曆外別行日月五星之術數也

陰陽曆術一卷趙敷撰

趙敷有河西甲寅元曆及曆序又有壬辰元曆七曜曆數算經各一卷並見前

案漢末劉洪撰七曜曆陰陽曆爲步算家之最著聞者此與七曜曆數算經大抵依仿其法如宋吳葵之術者也

梁有朔氣長曆二卷皇甫謐撰

皇甫謐有帝王世紀詳見史部雜史類

案元晏先生不以推步名故阮文達疇人傳不載是書大抵亦如杜征南長曆之類

阮文達傳仁均傳論嘉定錢竹汀先生曰

氣可不定朔不可不定至唐初仁均術始

定朔至元代而定朔之術始大備云

梁有曆章句二卷亡

不著撰人

案此不知爲何代之曆豈爲三統曆而作歟抑鄭氏所注乾象曆後人行爲章句歟

梁有月令七十二候一卷亡

王應麟六經天文編唐大衍曆議曰七十二

候原于周公時訓月令雖頗有增益然先後

之次則同自後魏始載于曆

又玉海律曆時令篇曰隋志梁有月令七十二

二候一卷月令正義曰二十四氣每三分之

七十二氣氣間五日有餘故一年七十二候

案通卦驗亦五日一候 又曰後魏正光曆

有推七十二候術因冬至後五日一候方氏

曰積六候而成月故一歲則有七十二候三

候爲一氣積六氣而成時故一歲則有二十

四氣

四氣

四氣

四氣

案魏書曆志載李業與正光與和二曆中皆有推七十二候法令時憲書亦載之

梁有三五曆說圖一卷亡

不著撰人

案三五有數說三王五帝一也三統五德二也史記天官書云夫天運三十歲一小變百年中變五百載大變三大變一紀三紀而大備此其大數也為國者必貴三五索隱曰三五謂三十歲一小變五百歲一大變三也天官書又云為天數者必通三五索隱曰三謂三辰五謂五星四也又曆家姜岌有三紀曆劉向有五紀論五也此之圖說莫詳其云何也又宋均注春秋合誠圖云三五五行王者改代之際會也

雜注一卷

曆注一卷

曆記一卷

雜曆二卷

雜曆術一卷梁三基推法一卷

並不著撰人

太史注記六卷

太史記注六卷

並不著撰人

案此太史署日行注記之書也續漢書曆志賈逵案今太史官候注行事史官注行事候注又云願請太史官日月宿簿及星度課與待詔考校蔡邕戍邊上章云請太史舊注考校連年隋志言馬顯謹案史曹

舊簿皆其類也天文家亦有太史注記六卷此兩書大抵涉于曆事者

見行曆一卷

不著撰人

案隋書曆志下篇仁壽四年劉焯言張胃玄所上見行曆蓋指胄玄初次所上開皇十七年行用之曆此所稱見行曆指隋末唐初見在所行之曆蓋即張胃玄重定大業曆汪氏諸術考大業術自煬帝大業四年戊辰始用此術迄恭帝義寧二年戊寅凡一十一年唐高祖武德元年戊寅亦用此術一十年統計行用一十一年

八家曆一卷

不著撰人

案隋書曆志周大象元年太史上士馬顯等又上景寅元曆表云術藝之士各封異見凡所上曆合有八家精羸躋駁未能盡善去年冬孝宣皇帝乃詔臣等監考疎密更令同造謹案史曹舊簿及諸家法數乘短取長共定今術云云蓋即後周之末馬顯造大象曆時所留遺亦即大象曆之藍本也又此與見行曆當次于前張賓開皇曆之後雜廁于此殊為不類

又案以上自七曜本起至此皆日月五星等雜曆曆注曆疏記注之屬別為一類

漏刻經一卷何承天撰梁有後漢待詔太史霍融

何承天楊偉等撰三卷亡

何承天有元嘉曆并曆術驗日食法論頻月

合朔法諸書並見前

宋書曆志元嘉二十年承天奏上尚書今既改用元嘉曆漏刻與先不同宜應改革案景初曆春分日長秋分日短相承所用漏刻冬至晝漏率長于冬至前且長短增減進退無漸非唯先法不精亦各傳寫謬誤今二至二分各據其正則至之前後無復差異更增損舊刻參以晷影刪定為經改用二十五箭請臺敕漏郎將考驗施用從之

南史本傳又改定元嘉曆改漏刻用二十五箭皆從之

隋書天文志宋何承天造漏法春秋二分昏旦晝夜漏各五十五刻齊及梁初因循不改

唐書經籍志刻漏經一卷何承天撰

唐書藝文志何承天刻漏經一卷

梁有後漢待詔太史霍融漏刻經一卷亡

續漢書曆志永元十四年待詔太史霍融上言官漏刻率九日增減一刻不與天相應或時差至二刻半不如夏曆密詔書下太常令史官與融以儀校天課度遠近太史令舒承梵等對案官所施漏法令甲第六常符漏品孝宣皇帝三年十二月乙酉下建武十年二月壬午詔書施行今官漏率九日移一刻不隨日進退夏曆漏隨日南北為長短密近于官漏分明可施行其年十一月甲寅詔下晷影漏刻四十八箭立成

隋書天文志漏刻篇及孝武考定星曆下漏以追天度亦未能盡其理大率二至之後九

日而增損一刻焉光武之初亦以百刻九日加減法編于甲令爲常符漏品 玉海曰梁漏刻

經云九日加減一刻或秦之遺法漢代施用 至和帝

永元十四年霍融上言官曆不如夏曆漏刻

隨日南北爲長短乃詔用夏曆漏刻依日行

黃道去極每差二度四分爲增減一刻凡用

四十八箭終于魏晉相傳不改

梁有何承天漏刻經一卷

案此即前著錄之一卷七錄別本有與霍

融楊偉三家書合一帙爲三卷者至隋僅

存何氏一家而兩家之書亡矣

梁有楊偉漏刻經一卷亡

楊偉有景初曆并曆術曆法諸書並見前

案楊偉漏刻經即宋書曆志所載何承天

奏景初曆春分日長秋分日短云云者是

也蓋自漢霍融之後楊偉改之何承天又

改之七錄以楊偉列何承天之後殊失次

第或本志抄寫之誤

漏刻經一卷祖暅撰

祖暅亦名暅之有天文錄詳見前天文家

隋書天文志宋何承天漏法齊及梁初因循

不改至天監六年武帝以晝夜百刻分配十

二辰辰得八刻仍有餘分乃以晝夜爲九十

六刻一辰有全刻八焉至大同十年又改用

一百八刻依尙書考靈曜晝夜三十六頃之

數因而三之冬至晝漏四十八刻夜漏六十

刻夏至晝漏七十刻夜漏三十八刻春秋二

分晝漏六十刻夜漏四十八刻昏旦之數各

三刻先令祖暅爲漏經皆依渾天黃道日行去極遠近爲用箭日率

案此大同十年漏刻經與下天監六年所

造者此更在其後也

漏刻經一卷梁中書舍人朱史撰

隋書天文志陳文帝天嘉中亦命舍人朱史

造漏依古百刻爲法

唐日本國見在書目漏刻經三卷朱史撰

唐經籍志刻漏經又一卷朱史撰

唐書藝文志朱史刻漏經一卷

案朱史始末未詳開元占經卷一稱梁人

朱史撰定天論詳見天文家隋天文志以

爲陳文帝時舍人阮氏疇人傳從之或由

梁入陳至天嘉中撰此漏刻經

漏刻經一卷梁代撰梁有天監五年脩漏刻事一卷亡

並不著撰人

玉海律曆漏刻篇蕭子雲東宮雜記曰梁天

監六年造新漏以臺舊漏給官漏銘云咸和

七年山陰令魏丕造即會稽內史王舒所獻

漏也 又通典天監六年以舊漏乖舛勅員

外祖常治之漏刻成太子中舍人陸倕爲文

官漏出自會稽魏丕造 積水達方導流乖則

六日無辨五夜不分爰命日官草創新器變

律改經一皆懲革天監六年丁亥十月十六

日壬寅漏成云云

案此天監六年亦祖暅所造宋人避諱故

改曰祖常隋書漏刻篇云天監六年武帝

以晝夜九十六刻一辰有全刻八焉即謂此漏也陸倕撰新漏刻銘見文選

漏刻經一卷陳太史令宋景撰

宋景或作宗景始末並未詳

唐書經籍志刻漏經又一卷宗景撰

唐書藝文志宋景刻漏經一卷

雜漏刻法十一卷皇甫洪澤撰

皇甫洪澤始末未詳

晷漏經一卷

不著撰人

案隋書天文志漏刻篇云開皇十四年鄜

州司馬袁充上晷影漏刻云云疑此一卷

即是其書

又案自何承天漏刻經至此皆漢以來漏

刻之屬又別爲一類鼓次前後雜亂無緒

九章術義序一卷九章算術十卷劉徽撰

晉書律志曰魏陳留王景元四年劉徽注九

章

徽自序曰昔在包犧氏始畫八卦以通神明

之德以類萬物之情作九九之術以合六爻

之變暨于黃帝神而化之引而伸之于是建

曆紀協律呂用稽道原然後兩儀四象精微

之氣可得而效焉記稱隸首作數其詳未之

聞也案周公制禮而有九數九數之流則九

章是矣往者暴秦焚書經術散壞自時厥後

漢北平侯張蒼大司農中丞耿壽昌皆以善

算命世蒼等因舊文之遺殘各稱刪補故校

其目則與古或異而所論者多近語也徽幼

習九章長再詳覽觀陰陽之割裂總算術之根原探蹟之暇遂悟其意是以敢竭頑魯采其所見爲之作注

唐日本國見在書目九章九卷劉徽注

宋史藝文志注九章算經九卷魏劉徽唐李淳風注案此知唐藝文志李淳風注九章算術九卷亦即劉徽注本而增注者

四庫提要曰九章算術蓋周禮保氏之遺法舊本有注題曰劉徽所作考晉書律志稱魏景元四年劉徽注九章然注中所云晉武庫銅斛則徽入晉之後又有所增損矣

阮氏疇人傳論曰徽稱九章爲九數之流然則九數與九章自別賈公彥釋鄭氏周禮注云今有重差夕桀句股也者此漢法增之非也蓋方田粟米差分少廣商功均輸方程羸不足旁要今有重差夕桀句股者九數之篇名方田粟米衰分少廣商功均輸羸不足方

程句股者九章之目今有別爲一術不得以今爲指謂漢時也周三徑一于率尙稱微創以六觚之面割之又割以求周徑相與之率厥後祖冲之更開密法仍是割之又割耳未能于微法之外別立新術也江都焦里堂循謂劉徽注九章與許叔重說文解字同有功于六藝豈尊崇之過當乎

嚴氏全三國文編曰劉徽爵里未詳有九章算術注晉書律曆志上以爲魏景元四年注案此九章術義序一卷不著撰人或九章舊序或即劉徽注書序此九章算術十卷

或即連序一卷或連重差一卷在內焉九章算術二卷徐岳甄鸞重述甄鸞有周天和曆七曜本起七曜術算並見前

宋書律曆志曰吳中書令闕澤受劉洪乾象法于東萊徐岳字公和

太平御覽工藝部魏王朗塞勢曰余所與游處唯東萊徐先生素習九章能爲計數

唐書經籍志九章算經一卷徐岳撰九章算經九卷甄鸞撰

唐書藝文志徐岳九章算術九卷甄鸞九章算經九卷

四庫提要曰或稱漢徐岳據晉書律曆志所載魏黃初中岳與太史丞韓翊論難日月食五事則岳已仕于魏不得繫之于漢矣見數術記遺條

阮氏疇人傳徐岳字公和東萊人也著數術記遺一卷言余以天門金虎呼吸精泉羽檄星馳郊多走馬遂負帙游山蹠跡志道備歷邱嶽林壑必過乃于泰山見劉會稽博識多聞偏于術數余因受業頗染所由云云提要謂數術記遺爲後人依託

嚴氏全三國文編曰徐岳爵里未詳晉書律曆志中載岳曆議一篇

案唐釋慧琳大藏音義卷六引劉洪九京算經九京似九章之誤疑是書與乾象法岳皆受之于洪歟

九章算術一卷李遵義疏

李遵義始未詳九章算術二卷楊淑撰

楊淑始未詳

譚書梅福傳福上書有曰臣聞齊桓之時有以九九見者師古曰九九算術若今九章五曹之輩

九章別術二卷

不著撰人九章算經二十九卷徐岳甄鸞等撰

徐岳甄鸞並見前

案徐岳甄鸞已有重述九章算術二卷見前此不知何人益以他家術數錄爲此帙故云徐岳甄鸞等兩唐志有徐岳算經要用百法一卷又有數術記遺一卷甄鸞注又有甄鸞所注孫子算經五曹算經張邱建算經夏侯陽算經董泉三等數各若干卷疑皆在此二十九卷中

九章算經二卷徐岳注

案此或徐岳單注本或他家增注別本

九章六曹算經一卷

不著撰人

四庫提要著錄五曹算經曰唐志始有甄鸞五曹算經隋書經籍志有九章六曹算經一卷而無五曹之目其六曹篇題亦不傳

案五曹算經爲田曹兵曹集曹倉曹金曹此六曹其一不知何曹也

九章重差圖一卷劉徽撰

劉徽有九章算術注見前

徽注九章算術序又曰徽尋九數有重差之名凡望極高測極深而兼知其遠近者必用重差句股則必以重差為率故曰重差也輒造重差并為注解以究古人之意綴于句股之下度高者重表測深者累矩孤離者三望離而又旁求者四望觸類而長之則雖幽遐詭伏靡所不入博物君子詳而覽焉

唐書經籍志九章重差一卷劉向撰九章重差圖一卷劉徽撰海島算經一卷劉徽撰海島算經一卷又九章重差圖一卷又李淳風注海島算經一卷

四庫簡明目錄曰海島算經一卷晉劉徽撰唐李淳風注徽書本名重差皆測望之術唐代乃改稱海島算經蓋因第一條以海島立表設問遂以卷首之字名之耳又提要曰徽是書但附于句股之下不別為編故隋志九章算術增為十卷蓋以九章九卷合此而十也其書亦另本單行故隋唐志皆別著于錄而一書兩出兩唐志兼列劉向九章重差一卷譌劉徽為劉向而一書三出矣

九章推圖經法一卷張峻撰

張峻一作張峻始末並未詳疑即張邱建

案此殆以九章之術推算州郡圖經道里之法

綴術六卷

不著撰人

南史文學傳祖沖之字文遠范陽人也仕宋入齊歷長水校尉稽古有機思特善算注九章造綴術數十篇永元二年卒年七十二隋書律志備數篇古之九數圓周率三圓徑率一其術疏舛自劉歆張衡劉徽王蕃皮延宗之徒各設新率未臻折衷宋末南徐州從事史祖沖之更開密法又設開差冪開差立兼以正圓參之指要精密算氏之最者所著書名為綴術學官莫能究其深奧是故廢而不理

唐日本國見在書目綴術六卷不著撰人

唐書經籍志綴術五卷祖沖之撰李淳風注唐書藝文志李淳風釋祖沖之綴術五卷

阮氏疇人傳論曰沖之所著綴術唐立于學官限習四歲視五曹孫子等經限歲最久其為祕奧不易研究可知自宋以來數學衰歇是書遂亡造微之術終于不傳重可惜已

孫子算經三卷

孫子曰夫算者天地之經緯羣生之元用五常之本末陰陽之父母星辰之建號三光之表裏五行之準平四時之終始萬物之祖宗六藝之綱紀稽羣倫之聚散考二氣之升降推寒暑之迭運步遠近之殊同觀天道精微之兆基察地理從橫之長短采神祇之所在極成敗之符驗窮道德之理究性命之情立規矩準方圓謹法度約尺丈立權衡平重輕剖毫釐析黍絫歷億載而不朽施八極而無疆散之不可勝究斂之不盈掌握嚮之者富

有餘背之者貧且窶心開者幼沖而即悟意閉者皓首而難精夫欲學之者必務量能揆己志在所專如是則焉有不成者哉

唐書經籍志孫子算經三卷甄鸞撰注

唐書藝文志李淳風注甄鸞孫子算經三卷

宋史藝文志孫子算經三卷不知名李淳風注釋孫子算經三卷

四庫提要曰隋志有孫子算經二卷不著其名亦不著其時代唐藝文志稱李淳風注甄鸞孫子算經三卷于孫子上冠以甄鸞蓋如淳風之注周髀算經因鸞所注更加辨論也唐之選舉算學孫子五曹共限一歲習肄于

後來諸算術中特為近古第不知孫子何許人朱彞尊曝書亭集五曹算經跋云相傳其

法出于孫武然孫子別有算經考古者存其說可爾又有孫子算經跋云首言度量所起合于兵法地生度量生量量生數之文次言乘除之法設為之數十三篇中所云往往相符以是知此編非偽託也云云合二跋觀之彞尊之意蓋以為確出于孫武今考書內設問有云長安洛陽相去九百里又曰佛書二十九章章六十三字則後漢明帝以後人語

孫武春秋末人安有是語乎舊本久佚今從永樂大典所載稟集編次仍為三卷其甄李二家之注則不可復考矣案漢明帝時佛經第一譯攝摩騰所出者凡四十二章章字不一此二十九章六十三字不知何本要當在明帝以後矣

阮氏疇人傳論曰朱竹垞以孫子算經為孫

趙政算經一卷

武作戴東原震以書中有長安洛陽相去及佛書二十九章語斷為漢明帝以後人余考章曜博奕論枯碁三百注引邯鄲淳藝經謂碁局十七道而孫子乃云碁局十九道則其人當更在漢以後矣然術數之書類多附益如卷末推孕婦所生男女鄙陋荒誕必非孫子正文或恐傳習孫子者轉展增加失其本真今但題作孫子不稱孫武而附于周末以志闕疑其書詳說乘除開方可以考見古人從橫布算之式下卷物不知數三三數之五五數之七七數之一問為九章所未及宋秦道古數學九章大衍求一法蓋出于此也

趙政有河西甲寅元曆及曆序壬辰元曆七

曜曆數算經陰陽曆術各一卷並見前

案本志此類載趙氏書凡六種隋之前皆行于北朝其甲寅元曆宋元嘉中為沮渠茂度所進蓋亦有行于南朝者阮氏疇人傳謂南北術家南以何承天為宗北以趙政祖沖之為宗案南朝有祖沖之及子暉北朝有祖瑩及子挺皆范陽遼人家世傳業南北朝曆算名家視趙氏尤盛唐初曆家有祖孝孫者或其後也

夏侯陽算經二卷

夏侯陽始末未詳

唐書經籍志夏侯陽算經三卷甄鸞注

唐書藝文志夏侯陽算經一卷甄鸞注

宋史藝文志夏侯陽算經三卷

陳氏書錄解題曰算經三卷夏侯陽撰大抵乘除法隋志二卷唐志一卷甄鸞注今本無注元豐京監本

四庫提要曰隋唐志直齋書錄皆不言陽為何代人考唐志載是書為甄鸞注則當在甄鸞之前而此本載陽自序有云五曹孫子述作滋多甄鸞劉徽為之詳釋則又在甄鸞後唐書選舉志所列算經十種此居其一蓋當時本懸之令甲肆習考課今傳本久佚惟永樂大典內有之今哀輯排比仍依元豐監本釐為三卷其十有二門亦從原目其法務切實用雖九章古法非官曹民事所必需亦略而不載于諸算經中為最簡要且于古今制度異同尤足考證云

阮氏疇人傳論曰夏侯陽算術皆淺顯易知切于日用于官曹典故其說尤詳洵足為考古之助矣舊以夏侯陽為隋人以張邱建有夏侯陽方倉之語斷為夏侯陽以後人以余考之有不盡合者夏侯陽稱甄鸞劉徽為之詳釋則鸞在夏侯陽之前而張邱建算經有甄鸞注則張邱建當更在鸞之前彼此互異未可是正蓋術數之書多經後人竄易要不可援據單詞定時代之先後也今姑從大觀算學所定以張邱建夏侯陽附見晉代以俟知者詳之

張邱建算經二卷

張邱建始末未詳

唐書經籍志張徽邱建算經一卷甄鸞撰案

此問張徽或其名本削去徽字

唐書藝文志張邱建算經一卷甄鸞注

陳氏書錄解題曰算經三卷張邱建撰有序首言算者不患乘除之為難而患分之為難是以序列諸分之本原宣明約通之要法案唐志作一卷甄鸞注今本稱漢中郡守前司隸甄鸞注太史令李淳風等注釋算學博士劉孝孫撰細草細草者乘除法實之詳悉也四庫提要曰張邱建算經原本不題撰人時代唐志載甄鸞注則當在甄鸞之前書首邱建自序引及夏侯陽孫子之術則當在夏侯陽之後也此本乃毛晉汲古閣影鈔宋槧蓋猶北宋時秘書監趙彥若等校定刊行之本其中稱術曰者乃鸞所注草曰者孝孫所增其細字夾注稱曰淳風等謹案者不過十數處蓋有疑則釋非節節為之注也其書體例皆設為問答以參校而申明之凡一百條簡與古質頗類九章與近術不同而條理精密實能深究古人之意故唐代頒之算學以為顯業

五經算術錄遺一卷五經算術一卷

並不著撰人

唐日本國見在書目五經算二卷不著撰人

唐書經籍志五曹算經三卷甄鸞撰 案其前已有五曹算經五卷甄鸞撰此當是五經算術之誤三卷當亦二卷之誤

唐書藝文志李淳風注五經算術二卷 不著撰人

四庫提要曰五經算術二卷北周甄鸞撰唐李淳風注鸞精于步算嘗釋周髀等算經不聞其有是書而隋志有五經算術一卷五經算術錄遺一卷皆不著撰人姓名唐藝文志則有李淳風注五經算術二卷亦不言其書為誰所撰今考是書舉尚書孝經詩易論語三禮春秋之待算方明者列之而推算之術悉加甄鸞案三字于上則是書當即鸞所撰又考淳風當貞觀初奉詔與算學博士梁述助教王真儒等刊定算經立于學官唐選舉志百官志並列五經算為算經十書之一與周髀共限一年習肄及試士各舉一條為問此書注端悉有臣淳風等謹案字然則唐時算科之五經算即是書矣是書世無傳本惟散見于永樂大典中雖割裂失次尚屬完書謹依唐藝文志釐為上下二卷其中采摭經史多唐以前舊本不特為算學家所不廢實足以發明經史訂疑義于考證之學尤為有功焉

錢氏隋書考異曰經籍志五經算術一卷不著撰人蓋甄鸞所撰

算經異義一卷張纘撰

張纘始末未詳

案梁有張纘著鴻寶一百卷詳見前雜家不知即此張纘否也又疑即下條之張去斤

張去斤算數一卷

張去斤始末未詳

算法一卷

不著撰人

黃鍾算法三十八卷

算律呂法一卷

並不著撰人

衆家算陰陽法一卷

婆羅門算法三卷

婆羅門陰陽算曆一卷

並不著撰人

以上自九章術義序至此皆算學之屬別為一類

右一百部二百六十三卷 實在著錄一百八部附著七

書二十六部通計一百三十四部

案七錄序目術伎錄第三曰曆竿部凡五

十種五十帙二百一十九卷本志增輯八

十四部

隋書經籍志考證卷三十六

子部十三

五行家類中分類三十三

黃帝飛鳥曆一卷張衡撰

唐書經籍志黃帝飛鳥曆一卷張衡撰

唐書藝文志張衡黃帝飛鳥曆一卷

案此張衡不知是否即東漢之張平子也

是豈風角書之最初者歟蓋亦風角鳥情

之類

黃帝四神曆一卷吳範撰

吳範有占出軍要訣等書見兵家

案王氏小學紺珠載太一式十神中第七

曰四神其即此四神歟四庫提要載太一

金鏡式經謂其法又推四神所臨分野占

水旱兵饑饉疾疫此蓋太一家之一端

歟

黃帝地曆一卷

案地曆似即河圖括地象之類

黃帝斗曆一卷

唐書藝文志黃帝斗曆一卷

案斗曆似即曆家之斗分階蕭吉五行大

義引黃帝斗圖似即此斗曆

黃石公北斗三奇法一卷

黃石公見兵家

案兵家有黃石公三奇法一卷此多北斗

二字疑即一書

又案以上五書通志藝文略俱次于五行

風角家之末豈皆屬于風角者歟恐亦不



盡然也是爲類中分類之一  
風角集要占十二卷

不著撰人似近人撰集古風角書

後漢書郎顛傳注風角謂候四方四隅之風以占吉凶也

唐李淳風乙巳占第十卷序曰風者是天地之號令陰陽之所使發示休咎動彰神教周禮春官保章氏以十有二風察天地之和合乖別之妖祥自此而觀即說風聲以探禍福由來尙矣

案以上據見存書目鈔入以下據七錄編次

風角要占三卷梁八卷京房撰

京房有周易注見經部易家

晉書天文志漢京房著風角書有集星章所載妖星省見于月旁互有五色方雲以五寅日見各有五星所生云

案初學記卷一引京房風雨要訣占候御覽卷八引京房風角要訣其文並同知爲一書又御覽七百七十七引風角要占厭盜賊法又八百七十二引風角占似皆出是書也

風角占三卷梁有侯公領中風角占四卷亡

侯公不知何人

風角總占要訣十一卷梁有風角總集一卷風角雜占要訣十二卷亡

風角雜占四卷梁有風角雜占十卷亡

風角要集十卷

風角要集六卷梁十一卷

風角要集一卷

並不著撰人

風角要候十一卷翼奉撰

漢書本傳奉字少君東海下邳人也治齊詩與蕭望之匡衡同師案儒林傳同師少府后倉也三人經術皆明衡爲後進望之施之政事而奉惇學不仕好律曆陰陽之占元帝初即位諸儒薦之徵待詔官者署數言事宴見天子敬焉奉以中郎爲博士諫大夫年老以壽終子及孫皆以學在儒官

唐書經籍志風角要候一卷翼奉撰

唐書藝文志翼奉風角要候一卷

宋王應麟漢書藝文志考證奉本傳注引翼氏風角郊祀志注翼氏風角五德東方甲南方丙西方庚北方壬中央戊蔡邕傳注翼氏風角曰風者天之號令所以謹告人君者

案文選鮑明遠雜詩注初學記人部藝文類聚政治部御覽刑法部並引翼氏風角隋蕭吉五行大義數引翼奉說似卽此書又前兵家翼氏占風一卷亦卽此書之析出者

風角書十二卷梁十卷

不著撰人

風角七卷章仇太翼撰

隋書藝術傳盧太翼字協昭河間人也本姓章仇氏閑居味道不求榮利博綜羣書爰及佛道皆得其精微尤善占候算曆之術隱于

白鹿山數年徙居林慮山五臺山與弟子數人蕭然絕世皇太子勇聞而召之及太子廢

坐法當死高祖惜其才而不害配爲官奴久之乃釋其後目旨以手摸書而知其字高祖謂皇太子曰章仇翼非常人也前後言事未嘗不中場帝嘗從容言及天下氏族謂太翼曰卿姓章仇四岳之胄與盧同源于是賜姓爲盧氏太翼所言天文之事不可稱數關諸

祕密世莫得聞後數載卒于雒陽

唐林寶元和姓纂曰章仇氏齊公族姜姓之後本章余其後避仇遂加仇字爲章仇氏河

間章仇太翼善天文煬帝賜姓盧氏

案通志藝文略作章仇太子翼得母因章懷太子賢而誤記歟

風角古候四卷梁有風角雜兵候十三卷亡

不著撰人

風角鑿曆占二卷呂氏撰

呂氏不詳何人

風角要候一卷章仇太翼撰

章仇太翼有風角七卷見前

案此蓋卽前七卷之節要本

兵法風角式一卷

戰鬪風角鳥情三卷

並不著撰人

唐李淳風乙巳占第十卷序曰風角鳥情天地之事理其所由來久矣昔楊範之占雞酒管輅之察飛鳩並皆占等符義過合契是知事無大小隨感必臻祥無淺深覓形皆應

此則法術之所由來也

梁有風角五音六情經十三卷風角兵候十二卷亡

並不著撰人

案五音六情並翼氏術法見漢書本傳風角兵候即吳有道占出軍決勝負事之類見前兵家亦即前梁有風角雜兵候十三卷之類

風角鳥情一卷翼氏撰

翼氏即翼奉有風角要候十一卷見前

風角鳥情二卷儀同臨孝恭撰

隋書北史藝術傳臨孝恭京兆人也明天文算術高祖甚親遇之每言災祥之事未嘗不中上因令考定陰陽書官至上儀同著欽器圖三卷地動銅儀經一卷九宮五墓一卷遼甲月令十卷北史作遼甲錄元辰經十卷元辰厄一百九卷百怪書十八卷祿命書二十卷九宮龜經一百一十卷太一式經三十卷北史作二十卷孔子馬頭易卜書一卷並行于世

唐書經籍志風角鳥情二卷劉孝恭撰唐書藝文志劉孝恭風角鳥情二卷二志劉並當為臨

陰陽風角相動法一卷梁有風角迴風卒起占五卷風角地辰一卷風角望氣八卷風雷集占一卷並不著撰人

案晉書藝術戴洋傳數言迴風卒起事

五音相動法二卷五音相動法一卷

並不著撰人

案漢志五行家有五音奇胘用兵五音奇胘刑德五音定名三種書前人皆以為言納音之法李淳風乙巳占第七十五有五音相動風占一篇即言其事

京房有風角要占五卷京房撰

京房有風角要占見前

案五音即納音之術宋沈括夢溪筆談曰六十甲子有納音蓋六十律旋相為宮法也又曰納音與易納甲同法案六十律旋相為宮即京房律法見續漢書律志納甲則京氏易本法是皆京氏專門之學也此五卷大抵從京氏易傳及風角書中鈔出者

風角五音圖二卷

不著撰人

唐張彥遠歷代名畫記曰古之祕畫珍圖有

風角五音圖

風角雜占五音圖五卷翼氏撰梁十三卷京房撰翼奉撰亡

翼奉有風角要候風角鳥情京房有風角要占風角五音占並見前

李淳風乙巳占占風圖曰凡占風之術方法甚多有難辨而難精者

又曰京房風角又有推五音風所發遠近各以其五音之數期風來處遠近凡風發一日為其縣二日他縣三日其郡四日他郡五日其州六日他州各以日數知災所及一云凡

風一日一夜為邑二日三日為州四日五日為國六七日為天下又曰凡五音有納音中金木水火土定五音者有十二辰配五音者有聽聲配五音

又曰淳風案京房風角所載五音風發遠近皆以五行成數推之其云遠近及中者皆以日時多少及勢力強弱以事准之推其遠近皆變通其數類類長之而風所從來二十四處皆須明知發止審別支干及以八卦所在發時早晚來從何處息在何時迴在何日何辰皆須審明知之

以上自風角集要占至此凡二十二部附著亡書十二部皆風角之屬是為第二類李淳風乙巳第十卷序曰自翼奉之後風角之書近將百卷或詳或略真偽參差文辭詭淺法術乖舛

黃帝九宮經一卷

魏徐岳數術記遺曰余于泰山見劉會稽因受業余問曰為算之體皆以積為名為復更有他法乎先生曰隸首注術乃有各種及余遺忘記憶數事而已其一太一太一之行去來九道其一九宮五行參數猶如循環又曰諸法隨須更位唯有九宮守一不移位依行色並應無窮

唐日本國見在書目九宮式經一卷在鄭可農九宮經之前似即此書

九宮經三卷鄭玄注梁有黃帝四部九宮五卷亡九宮行棊經三卷鄭玄注

鄭玄有周易注易緯注並詳經部易家異說家

後漢書張衡傳衡以圖緯虛妄上疏曰臣聞

聖人明審律曆以定吉凶重之以下筮雜之

以九宮又曰律曆卦候九宮風角數有徵效

世莫肯學注引易乾鑿度曰太一取其數以

行九宮鄭玄注云太一者北辰神名也下行

八卦之宮每四乃還于中央中央者北神之

所居故謂之九宮天數大分以陽出以陰入

陽起于子陰起于午是以太一下九宮從坎

宮始自此而從于坤宮自此而從于震宮自

此而從于巽宮所以行半矣還息于中央之

宮既又自此而從于乾宮又自此而從于兌

宮又自此而從于艮宮又自此而從于離宮

行則周矣上游息于太一之星而反紫宮行

起于坎宮始終于離宮也

唐書經籍志九宮行棊經三卷鄭玄撰九旗

飛變一卷鄭玄撰李淳風注

唐書藝文志鄭玄注九宮行棊經三卷李淳

風注鄭玄九旗飛變一卷

唐日本國見在書曰九宮經四卷鄭司農經

案此四卷似合李注一卷在內

案范書鄭氏本傳不言有此書疑後世術

家從乾鑿度注本中鈔出別行九宮行棊

經九旗飛變似即九宮經之別名非別為

一書

九宮行棊經二卷

不著撰人

九宮行棊法一卷房氏撰

房氏不詳何人

九州行棊立法一卷王深撰九州當為九宮

王深當為王琛有後周大象曆見前曆譜家

唐書經籍志九宮行棊立法一卷王琛撰

唐書藝文志王琛九宮行棊立法一卷

九宮行棊雜法一卷

九宮行棊法一卷

行棊新術一卷

九宮行棊鈔一卷

九宮推法一卷

三元九宮立法二卷

並不著撰人

九宮要集一卷豆盧晃撰

豆盧晃始末未詳

九宮經解二卷李氏注

李氏不詳何人

唐書經籍志九宮經解二卷不著撰人

九宮圖一卷

九宮雜圖一卷

九宮八卦式蟠龍圖一卷

九宮郡縣錄一卷

並不著撰人

以上自黃帝九宮經至此凡十九部附著

梁有二部皆九宮之屬是為第三類

射候二卷

不著撰人

案此似兵家書而雜廁于此豈太一家之

言占射占候者為飛鳥曆中之一事歟術

家又有射隱伏之法豈其類歟

太一飛鳥曆一卷王琛撰

王琛有九宮行棊立法見前

史記曰者列傳褚先生曰孝武帝時聚會占

家問之某日可取婦乎太乙家曰大吉

四庫術數太乙金鏡式經提要曰太乙為三

式之一史記曰者傳術數七家太乙家居其

一天官書中宮天極星其一明者為太一常

居而封禪書亳人繆忌奏祠太一方名天神

貴者太一鄭康成以為北辰神名又或以為

木神而屈原九歌亦稱東皇太一則自戰國

有此名漢志五行家有太一陰陽二十三卷

當即太乙家之書然已佚不傳

案漢志兵陰陽家天文家五行家雜占家

並有太一之書此以下十數種或漢志之

叢殘或後來之術業皆不可得而詳矣

太一飛鳥曆一卷

不著撰人

唐書經籍志太一飛鳥曆一卷藝文志同

太一飛鳥曆二卷

太一十精飛鳥曆一卷

並不著撰人

案唐王希明太乙金鏡式經載有三基五

福十精之類是十精為太乙家名目所有

者宋志亦有太一飛鳥十精曆一卷

太一飛鳥立法一卷

不著撰人

案隋書北史藝術傳蕭吉著太一立成一

卷此或是其書

太一飛鳥雜決捕盜賊法一卷

太一三合五元要決一卷梁有黃帝太一雜書十

六卷黃帝太一度厄祕術八卷太一帝紀法八卷

太一雜用十四卷太一雜要七卷雜太一經八卷

亡

並不著撰人

太一龍首式經一卷董氏注梁三卷梁又有式經

三十三卷亡

董氏不詳何人

唐書藝文志董氏大龍首式經一卷

案史記日者列傳司馬季主曰分策定卦

旋式正基索隱案式即杖也杖之形上圓

象天下方法地用之則轉天綱加地之辰

故云旋式廣雅杖榻也榻有天地所以推

陰陽占吉凶以楓子棗心木爲之漢志五

行家有羨門式二十卷羨門式法二十卷

此與下所載伍子胥范蠡諸家式經容或

有漢時所留遺者

又案白雲霧道藏目錄衆術類有黃帝太

一入式訣三卷又祕訣一卷即是類之書

蓋亦編入道藏者龍首者謂黃帝乘龍上

天時以授三子秦漢時方士野言也

太一經二卷宋琨撰

宋琨始末未詳

唐日本國見在書目太一經二卷宋琨撰

唐書經籍志式經一卷宋琨撰一本作宋琬刊

誤也

唐書藝文志宋琨式經一卷

案唐王希明撰太乙金鏡式經引宋琨是

書又引太公張良周元樂產四家之書皆

不見于本志

不著撰人

唐書藝文志太一式經雜占十卷

太一式雜占十卷梁二十卷

不著撰人

唐書藝文志太一九宮雜占十卷

四庫術數太乙金鏡式經提要曰周易乾鑿

度有太乙行九宮法南齊書高帝本紀贊所

引太一九宮占自漢高祖五年推至宋昇明

元年幾數百年而其術遂大顯于世

案前九宮類末注云梁有太一九宮雜占

十二卷亡此又著于錄似即七錄所載佚

其二卷也

黃帝飛鳥曆一卷

案漢志五行家有黃帝陰陽黃帝諸子論

陰陽各二十五卷本志此一類前後所載

黃帝書至多如斗曆地曆龍首經之類或

猶是漢以來相傳其他則莫詳所自矣

又案是篇之首已有黃帝飛鳥曆一卷張

衡撰此不著撰人或其別本然大抵與前

太一飛鳥曆略相同也

黃帝集靈三卷

唐書藝文志黃帝集靈三卷

案此集黃帝靈異之事讖緯家有孝經集

靈是其類也

黃帝絳圖一卷

唐書藝文志黃帝降國一卷降國當爲絳圖

案絳圖殆讖緯家絳圖之流絳圖亦作錄

圖

黃帝龍首經二卷

唐書藝文志黃帝龍首經二卷宋史志一卷

明白雲霧道藏目錄衆術類黃帝龍首經二

卷上經三十六占下經三十六占共七十二

占法系六壬占門

嘉慶十年臨海洪頤煊校刊序曰龍首經之

名始見于葛洪抱朴子遐覽篇隋經籍志五

行類有黃帝龍首經二卷顏氏家訓雜藝篇

云吾嘗學六壬式亦值世間好匠聚得龍首

金匱玉輪玉變玉曆十許種書則此書之傳

世久矣尋書中所占諸術如第十法第四十

九法多漢時官制其第九法占知臣吏心善

惡漢書翼奉傳所述日辰爲客加時爲主人

辰正時邪則客正主人邪辰邪時正則客邪

主人正漢人本有此占法此書在漢時爲民

間日用之書故至六朝猶行于世唐宋以後

傳寫始微晁陳二家皆未及見此本上下二

卷占法七十二章吾師孫淵如觀察從道藏

中錄出云云

孫氏祠堂書目黃帝龍首經二卷星衍校道

藏刊本

黃帝式經三十六用一卷曹氏撰

曹氏不詳何人

唐書藝文志曹氏黃帝三十六用一卷

案提要言術數與兵家相出入兵家亦恆與術數相出入唐志兵家有太公陰謀三十六用一卷此三十六用疑亦近似之也

黃帝式用當陽經二卷當似常之誤

唐書藝文志黃帝式用當陽經一卷

晁氏讀書志常陽經一卷崇文目題曰黃帝式用蓋六壬占卜術也

案六壬爲三式之一故亦稱式經日本書

目又作常年經或亦是書之別名通志略列之式經之末

黃帝奄心圖一卷

案此不知何書大抵如後文玉女返閉局之流通志藝文略五行類以黃帝集靈絳圖龍首經奄心圖並類次于太一家之末殆以其書名無太一二字歟

玄女式經要法一卷

玄女有戰經又有兵法見前兵家

唐書藝文志玄女式經要訣一卷

四庫術數類存目提要曰玄女經一卷舊本題云黃帝授三子玄女經蓋術數家依託所爲隋書經籍志有玄女式經要法一卷列之五行家此卷詳于論嫁娶日辰其發端以天一所占日之吉凶以天罡加臨占與人期會亦屬五行家言然無以證其即玄女式經要法否也

烏程嚴可均三代文編曰玄女式經要法一卷五行家依託也

以上自射候至此凡二十部附著梁有七部皆太一之屬太一或作泰壹或作太乙爲三式之一故其間亦兼及遁甲六壬其曰式經者總名也是爲第四類

黃帝陰陽遁甲六卷

後漢書方術傳注遁甲推六甲之陰而隱遁也

四庫術數類遁甲演義提要曰大戴禮載明堂古制有二九四七五三六一八之文此九宮之法所自防而易緯乾鑿度載太乙行九宮尤詳遁甲之法實從此起其法以九宮爲本緯以三奇六儀八門九星視其加臨之吉凶以爲趨避神其說者以爲出自黃帝風后及九天玄女皆依託不待辨考漢志所列惟風鼓六甲風后孤虛而已于奇遁尙無明文至梁簡文帝樂府始有三門應遁甲語陳書武帝紀遁甲之名遂見于史則其學殆盛于南北朝陳書武帝紀下似有跋文

嘉定錢大昕養新錄曰奇門之式古人謂之遁甲即易八卦方位加以中央與乾鑿度太一下行九宮之法相合史記龜策傳載宋元王召博士衛平語所夢衛平乃援式而起仰天而視月之光觀斗所指定日處鄉規矩爲輔副以權衡四維已定八卦相望視其吉凶介蟲先見乃對元王曰今昔壬子宿在牽牛云云此遁甲式也

遁甲決一卷吳相伍子胥撰

遁甲文一卷伍子胥撰

史記列傳伍子胥者楚人也名員父曰伍奢兄曰伍尚楚平王殺奢及尚伍胥亡奔宋奔鄭至晉復還鄭入吳吳王闔廬召爲行人闔廬九年與孫武伐楚乘勝而前五戰遂入郢夫差既立屢諫不聽因太宰嚭之讒賜屬鏹之劍自刎死吳王取其尸盛以鴟夷革浮之江中吳人憐之爲立祠于江上因命曰胥山

四庫陰陽五行家遁甲演義提要曰漢志唯有風鼓六甲風后孤虛于奇遁尙無明文隋志載有伍子胥遁甲文世不概見

案漢志雜家伍子胥八篇名員春秋時爲吳將忠直遇讒死兵技巧家伍子胥十篇圖一卷伍子胥之書可見者惟此此遁甲兩書猶在錢氏所舉宋元王博士衛平之前真僞不可考唐志惟有遁甲文一卷

遁甲經要鈔一卷

不著撰人

唐日本國見在書目遁甲經要鈔一卷抱朴子撰

案抱朴子別有遁甲肘後立成詳見後三條

遁甲萬一決二卷

不著撰人

唐書經籍志遁甲萬一決三卷藝文志同

晁氏讀書志遁甲萬一決一卷題云唐李靖

所纂黃帝書案遁甲之書見于隋志凡十三家則其學之來亦不在近世矣以休生傷杜景死驚開八門推國家之吉凶通其學者以為有驗未之嘗試也

案萬一決見隋唐志皆不著撰人其書在唐以前而術家必欲實其人遂以為李靖云

遯甲九元九局立成法一卷

不著撰人

遯甲肘後立成囊中祕一卷葛洪撰

葛洪有喪服變除詳見經部禮類

抱朴子登涉篇曰案玉鈴經云欲入名山不可不知遁甲之術余少有入山之志由此乃行學遁甲書乃有六十餘卷事不可卒精故鈔集其要以為囊中立成又是篇引遁甲中經本志不見似泛言遁甲中之經

遯甲囊中經一卷

不著撰人

唐書經籍志遁甲囊中經一卷藝文志同

遯甲囊中經疏一卷

遯甲立成六卷

並不著撰人

遯甲鈔三元玉曆立成一卷郭弘遠撰

郭弘遠一作郭弘遠始末並未詳

遯甲立成一卷

不著撰人

遯甲立成法一卷臨孝恭撰

臨孝恭有風角鳥情見前

案兩唐志有遁甲立成法三卷不著撰人似即是書孝恭撰遁甲書本有十卷也

遯甲穴隱祕處經一卷

不著撰人

黃帝九元遯甲一卷王琛撰

王琛有九宮行某立成法一卷太一飛鳥曆一卷並見前

黃帝軍出遯甲式法一卷

遯甲法一卷

遯甲術一卷

並不著撰人

陽遯甲用局法一卷臨孝恭撰

臨孝恭有風角鳥情遯甲立成法各一卷見前

案隋書藝術傳孝恭著遯甲月令十卷北史作遯甲錄似所錄不止一種惟月令為其自出新意所撰耳此前後所載兩書似皆十卷中散出者

雜遯甲鈔四卷

三元遯甲上圖一卷

並不著撰人

案唐藝文志有三元遁甲立成圖二卷不著撰人疑即是書此一卷稱上圖尚有下卷之圖唐時復出故二卷也

三元遯甲圖三卷

不著撰人

唐書經籍志三元遁甲圖三卷葛洪撰

唐書藝文志葛洪三元遁甲圖三卷

案抱朴子自序篇云晚學風角望氣三元遁甲六壬太一之法粗知其旨又不研精遂又廢焉又云又抄兵事方伎短雜奇要三百一十卷別有目錄其目錄今不傳無由考見唐志惟載三元遁甲圖三卷本志前後所載遁甲書凡六種并他類所載諸書大抵皆三百十卷中散出者也

遯甲九宮八門圖一卷

不著撰人

唐書經籍志遁甲九宮八門圖一卷藝文志同

案八門者殆即所謂休生傷杜景死驚開也

遯甲開山圖三卷榮氏撰

榮氏不詳何人

唐書經籍志遁甲開山圖又二卷榮氏撰

唐書藝文志榮氏遁甲開山圖二卷

玉海陰陽五行篇文選注引遁甲開山圖榮氏解水經注引開山圖

孫氏祠堂書目遁甲開山圖一卷洪頤煊集本

遯甲返覆圖一卷葛洪撰

葛洪有遯甲肘後立成囊中祕一卷三元遁甲圖三卷並見前

遯甲年錄一卷

遯甲支手決一卷

遯甲肘後立成一卷

遯甲行日事一卷

並不著撰人

並不著撰人

並不著撰人

並不著撰人

並不著撰人

並不著撰人

並不著撰人

遯甲孤虛記一卷伍子胥撰

伍子胥有遯甲決遯甲文各一卷並見前孤虛詳見兵家

案本志兵家有六甲孤虛兵法一卷不著

撰人舊新唐志兵家有伍子胥兵法一卷

疑與此皆一書

遯甲孤虛注一卷

不著撰人

東方朔歲占一卷

東方朔有別傳見史部雜傳類

案開元占經八穀占所引諸條似出是書

又東方諸占不僅此一種詳見後第十五

類中此亦常與後五種相類從雜置于此

殊為不倫蓋所據書目如此也

斗中孤虛圖一卷

孤虛占一卷

並不著撰人

遯甲九宮亭亭白姦書一卷戰鬪博戲等法一卷

不著撰人

案太平御覽工藝部遁甲經曰天一游亭

六行亭亭天一之貴神也戰鬪博戲漁獵

但可背不可向也此所云云似即此兩書

之事知此二卷當合為一書天一游亭豈

即太一游九宮之比歟

玉女反閉局法三卷

宋書符瑞志玉女天賜妾也禮合文嘉曰禹

卑宮室盡力溝洫白穀用成神龍女降

唐日本國見在書目玉女返閉四卷玉女返

閉局抄一卷

通志藝文略五行遁甲類遁甲玉女反閉局

法一卷開當為閉又有玉女遁甲秘訣一卷疑即是書

又六壬類中亦有玉女書三種

宋史藝文志遁甲玉女返閉局一卷

案釋名襦煖也言溫煖也又曰反閉襦之

小者也卻向著之領含于項反于背後閉

其襟也反閉之義蓋如此其製殆如今之

小兒衣斜其領使圍裹于身而束縛之此

不過謂玉女藏于反閉間耳猶肘後領中

袖中枕中囊中之類玉女殆亦如玄女素

女之流據符瑞志則亦祥瑞圖中之一品

抱朴子遐覽篇云其變化之術大者唯有

墨子五行紀其次有玉女隱微一卷此言

隱遁之術大抵亦即其類歟

以上自黃帝陰陽遯甲至此凡三十七部

皆遯甲之屬其間皆不引七錄所有蓋從

諸家見存書目鈔入者是為第五類

逆刺一卷京房撰

京房有風角要占風角五音占風角雜占五

音圖並見前

唐書經籍志逆刺三卷京房撰

唐書藝文志京房刺逆三卷

案京房別有周易逆刺占災異十二卷詳

見後第十三類此其別本也逆刺即逢占

說見漢書東方朔傳贊顏氏注

逆刺占一卷

逆刺總決一卷

壬子決一卷通志作壬子似寫誤

並不著撰人

以上四部皆逆刺之屬為第六類壬子疑

逆刺之音誤

鳥情占一卷王喬撰

王喬有別傳一卷詳見史部雜傳類

唐書經籍志鳥情占一卷不著撰人藝文志同

鳥情逆占一卷

不著撰人

魏志管輅傳輅字公明平原人也冀州刺史

裴徽辟為文學掾遷治中別駕正始九年舉

秀才正元二年八月為少府丞明年二月卒

年四十八注引輅別傳曰利漕民郭恩字義

博善周易春秋從輅學鳥鳴之候輅言君雖

好道天才既少又不解音律恐難為師也輅

為說八風之變五音之數以律呂為衆鳥之

商六甲為時日之瑞反覆譴曲出入無窮義

博靜然沈思馳精數日卒無所得而止又載

其與人論鳥鳴事文繁不錄

唐書經籍志鳥情逆占一卷管輅撰

唐書藝文志管輅鳥情逆占一卷

鳥情書二卷

不著撰人

鳥情雜占禽獸語一卷

不著撰人

案北齊書方技張子信傳子信善易卜風

角武衛奚永洛與子信對坐有鵠鳴于庭

樹鬪而墮焉子信曰鵠言不善向夕若有

風從西南來歷此樹拂堂角則有口舌事  
今夜有人喚必不得往云云此即鳥情雜

占禽獸語之術也

占鳥情二卷

不著撰人

案隋書藝術耿詢傳詢字敦信丹陽人場

帝時守太史丞爲字文化一所殺著鳥情

占一卷行于世又唐日本書目有京房占

六情百鳥鳴一卷以上三書皆無撰人或

有京房耿詢之書在其間焉

六情法一卷王琛撰

王琛有九宮行碁立法太一飛鳥曆黃帝

九宮遯甲各一卷並見前

唐李淳風乙巳占論六情法曰六情者好惡

喜怒哀樂也

唐書經籍志風角六情訣一卷王琛撰

唐書藝文志王琛風角六情訣一卷

六情鳥音內祕一卷焦氏撰

焦氏當即焦延壽有易林別詳後第十三類

中

漢書翼奉傳奉上封事曰臣聞之于師治道

要務在于知下之邪正知下之術在于六情

十二律而已北方之情好也奸行貪狼申子

主之東方之情怒也怒行陰賊亥卯主之南

方之情惡也惡行廉貞寅午主之西方之情

喜也喜行寬大己酉主之上方之情樂也樂

行姦邪辰未主之下方之情哀也哀行公正

戊丑主之執十二律而御六情于以知下參

實亦甚優矣萬不失一自然之道也唯奉能  
用之學者莫能行

案翼奉與焦延壽同時故亦有六情之說

焦氏之書今惟傳易林一種見于本志者

亦唯變占及此書凡三種此以鳥音參六

情合二術爲一術唐時與變占俱亡矣

以上七部皆鳥情之屬亦風角之一端爲

第七類

孝經元辰決九卷

不著撰人

後漢書張衡傳衡作應問云占既吉而無悔

兮簡元辰而做裝章懷太子曰元辰吉辰也

案困學紀聞禮記篇祭法注司命主督察

三命孝經援神契謂命有三科有受命以

保慶方樓山箋云慶一作度有遭命以譴暴有

隨命以督行孟子注云命有三名行善得

善曰受命行善得惡曰遭命行惡得惡曰

隨命孫子荆詩云三命皆有極皆本援神

契然則孝經元辰亦本之援神契其後第

十八類引七錄又有孝經元辰決一卷亡

則相傳爲此決者不止一家也

孝經元辰二卷

不著撰人

唐書經籍志孝經元辰二卷藝文志同

案經義考悉緯篇孝經元辰唐志二卷佚

蓋未考先見于隋志也術數家之書亦有

從讖緯而出此其一端歟

元辰本屬經一卷

不著撰人

案此似言祿命白雲霽道藏階字號有六

十甲子本命元辰曆一卷不著撰人注云

有六十甲子姓諱似又附以五姓之說疑

即此書

推元辰厄會一卷

不著撰人

唐書經籍志推元辰厄命一卷藝文志同 厄

命當爲厄會

案此元辰厄會似即漢書李尋傳所謂漢

家有中衰厄會之象王莽傳所謂陽九之

厄百六之會是也

元辰事一卷

元辰救生削死法一卷

推元辰要祕次序一卷

並不著撰人

元辰章用二卷

不著撰人

唐書經籍志元辰章三卷無用字藝文志同

雜推元辰要祕立成六卷

元辰立成譜一卷

並不著撰人

以上十部皆元辰之屬爲第八類史記曰

者傳褚先生言孝武時聚會占七家問娶

婦日有叢辰家或引舊注云叢辰猶今之

以五行生剋擇日也漢書藝文志五行家

有鍾律叢辰日苑二十二卷叢辰似即元

辰又日者傳言宋忠賈誼對司馬季主言



人祿命論衡命義等篇亦數言星位祿命三命是元辰祿命之說秦漢時已有之

方正百對一卷京房撰

京房有風角要占風角五音占風角雜占五音圖逆刺並見前

案此似即京氏別對災異之書也考漢書元帝本紀初元三年詔舉明陰陽災異之士于是言事者衆以京房傳證之知房以孝廉應是舉次年授爲郎後三歲爲永光二年詔舉賢良直言之士或即賢良方正史略之也又二年詔公卿大夫對時房在朝

後三年拜魏郡太守去月餘徵下獄棄市

本傳云永光建昭間西羌反日蝕又久青

亡光陰霧不精房數上疏先言其將然近數月遠一歲所言屢中天子說之數召見

問此書名方正百對或其門弟子所錄存

題以此目歟藝文類聚諸書多引京房別對災異嚴氏全漢文編輯存三十二條又有律術對五條或亦在是書

晉災祥一卷京房撰

案下文梁有後漢災異十五卷晉災異簿二卷宋災異簿四卷亡豈此即晉災異簿之佚存因上文而誤題撰人歟通志略載

之陰陽家亦無撰人

災祥集七十六卷

不著撰人

地形志八十七卷庾季才撰

庾季才有垂象志見前天文家

隋書藝術傳高祖謂季才曰朕自今已後信有天道矣于是令季才與其子實撰垂象地形等志及書成奏之賜米千石絹六百段又曰撰靈臺祕苑垂象志各若干卷地形志八十七卷並行于世

案其後又出是書作八十卷與相宅圖墓爲伍得其倫矣列之此殊不類亦所據書目如此也

海中仙人占災祥書三卷

不著撰人

案漢志天文家有海中占六家凡一百三十六卷此三卷及後雜占類所載海中仙人書兩部或皆其殘贗歟

周易占事十二卷漢魏郡太守京房撰

京房有風角要占風角五音占風角雜占五音圖逆刺方正百對晉災祥並見前

案漢志易家災異孟氏京房六十六篇京氏段嘉十二篇此與後諸書似多有從易傳中析出別行者此十二卷則又似後之

周易逆刺占災異十二卷也

以上自方正百對至此凡六部皆災祥之屬爲第九類漢書眭弘夏侯始昌夏侯勝

京房翼奉李尋列傳贊曰漢興推陰陽言災異者孝武時有董仲舒夏侯始昌昭宣

則眭孟夏侯勝元成則京房翼奉劉向谷永哀平則李尋田終術此其納說時君著

明者也察其所言彷彿一端假經設誼依託象類或不免乎億則屢中仲舒下吏夏

侯囚執眭孟誅戮李尋流放此學者之大戒也京房區區不量淺深危言刺譏構怨

彊臣罪辜不旋踵亦不密以失身悲夫

遯甲三卷梁有遯甲經十卷遯甲正經五卷太一遯甲一卷亡

並不著撰人

遯甲要用四卷葛洪撰

遯甲祕要一卷葛洪撰

遯甲要一卷葛洪撰

葛洪有遯甲肘後立成囊中祕一卷三元遯甲圖三卷遯甲返覆圖一卷並見前

案唐藝文志有遁甲祕要一卷不著撰人不知是否即葛氏書祕要疑即前囊中祕

日本書目有遁甲祕要一卷葛洪撰

遯甲三十三卷後魏信都芳撰

信都芳有樂書見經部樂類

北史藝術傳芳精專不已又多所關涉著樂書遁甲經

唐書藝文志信都芳遁甲經二卷

案此三十三卷似并他所著言之

三元遯甲六卷許昉撰

許昉有軍勝見戎決黃帝復姓符並見兵家唐書藝文志許昉三元遁甲六卷

三元遯甲六卷陳員外散騎常侍劉毗撰

劉毗始末未詳

三正遼甲一卷杜仲撰

杜仲始末未詳

唐書藝文志杜仲三元遁甲一卷

遼甲三十五卷

遼甲時下決三十三卷

陰陽遼甲十四卷

並不著撰人

遼甲正經三卷梁五卷

遼甲經十卷

並不著撰人

後漢書方術傳序注今書七志有遁甲經

唐書藝文志遁甲經十卷

晁氏讀書志曰遁甲經一卷李氏書目云此

九天玄女之術推九星八門三奇六儀之法

案此類首一條注云梁有遼甲經十卷遼

甲正經五卷亡此兩書即前注梁所有者

是也惟遼甲正經五卷亡其二卷耳既已

著錄此兩條則前注重複可刪

遼甲開山圖一卷

不著撰人

唐張彥遠歷代名畫記曰古來祕畫珍圖有

遁甲開山圖一卷王粲撰案王粲當是王琛 或

從十撰新撰陰陽書三十卷析出亦未可知耳

唐書經籍志遁甲開山圖一卷王琛撰

唐書藝文志王琛遁甲開山圖一卷

錢塘汪師韓文選理學權輿曰選注所引羣

書有遁甲開山圖王琛撰

案唐已前為遁甲開山圖者唯榮氏及王

琛兩家榮氏圖已見于前故知此為王琛

之圖琛有九宮行基立法太一飛鳥曆

黃帝九宮遁甲六情決四書並見前

梁有遁甲開山經圖一卷

不著撰人

案此似即前所載榮氏之圖

遼甲九星曆一卷

遼甲三奇三卷

遼甲推時要一卷

遼甲三元九甲立成一卷

並不著撰人

唐書藝文志遁甲九星曆一卷遁甲三奇三

卷遁甲推要一卷遁甲三元九甲立成一卷

雜遼甲九卷梁九卷遼甲經外篇一百卷六甲隱

圖并遼甲圖二卷亡

並不著撰人

陽遼甲九卷釋智海撰

智海始末未詳

唐書藝文志陽遁甲九卷不著撰人

陰遼甲九卷

不著撰人

唐書藝文志陰遁甲九卷

案此九卷似亦智海所撰晁志有曰遁甲

之書見于隋志凡十三家四庫提要亦云

隋志載有伍子胥遁甲文信都芳遁甲經

葛洪三元遁甲圖等十三家考本志載遁

甲之書實有六十九部而云十三家者蓋

據撰人可見者而言其一黃帝二伍子胥

三葛洪四郭引遠五臨孝恭六王琛七榮

氏八信都芳九許昉十劉毗十一杜仲十

二釋智海尚闕其一似晁氏以李靖萬一

訣并計之也

以上二十三部附梁有九部又為遁甲之

屬案前第五類已載遁甲諸書四十七部

矣此又別出遁甲一類同為一類之書而

前後兩起不相統一莫詳其旨及觀元辰

一類災祥一類亦前後分兩起又醫家類

中于黃帝素問之書亦分前後兩起于是

知其編次之故矣蓋前類所載皆據諸家

見存書目鈔入不與七錄相關故其間無

一條有梁有之注此類則又據七錄所載

次第故仍注梁有諸書此皆由類例不熟

分隸不清鈔取見存及七錄動為替亂故

凌雜復沓至于如此也是又為重出遼甲

第十類

武王須臾二卷

後漢書方術傳序曰其流又有風角遁甲七

政元氣六日七分逢占日者挺專須臾孤虛

之術注須臾陰陽吉凶立成之法也今書七

志有武王須臾一卷

唐書經籍志武王須臾二卷藝文志同

案唐日本國書目五行家有武王竿方一

卷竿方即算法其即此書通志略載之五

行雜占家

六壬式經雜占九卷

不著撰人

唐六典太卜令掌卜筮之法四曰式凡式占辨三式之同異一曰雷公式二曰太乙式並禁私家畜三曰六壬式士庶通用之唐書藝文志六壬式經雜占九卷

梁有六壬式經三卷亡

不著撰人

案唐藝文志六壬式經雜占之次有雷公式經一卷太一式經二卷似即此六壬式

經三卷也唐六典言三式曰雷公曰太一

曰六壬

六壬釋兆六卷

不著撰人

唐書藝文志六壬釋非經六卷 非為兆之誤一本作擇非擇又為釋之誤

晁氏讀書志曰隋志載六壬之書兩種今世龜筮道息而此術獨存

四庫提要著錄六壬大全曰六壬與遁甲太

一世謂之三式而六壬其傳尤古或謂出于

黃帝玄女固屬無稽要其為術固非後世方

伎家所能造大抵數根于五行而五行始于

水舉陰以起陽故稱壬焉舉成以該生故用

六焉其有天地盤與神將加臨雖漸近奇遁

九宮之式而由于支而有四課則亦兩儀四

象也由發用而有三傳則亦一生三三生萬

物也以至六十四課莫不原本義爻蓋亦易

象之支流推而衍之者矣考國語伶州鳩對

七律以所稱夷則上宮大呂上宮推之皆有

合于六壬之義然特以五音十二律定數未

可即指為六壬之源吳越春秋載伍員及范

蠡雞鳴日出日暎禺中四課則時將加乘與

龍蛇刑德之用一如今世所傳而越絕書載

公孫聖亦有今日壬午時加南方之語其事

雖不見經傳似出依託然趙暉袁康皆後漢

人知其法著于漢代也其書之見于史者隋

志二家

錢氏養新錄曰六壬之占載于正史者惟晉

書戴洋傳然史但云洋善風角亦不稱六壬

隋志五行類有六壬式經雜占九卷梁有六

壬式經三卷亡六壬釋兆六卷六壬之名始

見于此

案梁元帝洞林序曰韓終六壬常所寶愛

案韓終亦云韓衆秦方士見史記秦始皇

三十五年本紀是古為六壬之最著者梁

元帝或有其書

破字要決一卷

不著撰人

顏氏家訓書證篇若潘陸諸子離合詩賦拭

卜破字經及鮑昭謎字皆取會流俗不足以

形聲論之也江陰趙曦明注曰沈氏孝證隋

書經籍志有破字要決一卷拭卜破字經未

詳段玉裁曰拭乃拭字之譌是卜者所用之

盤本亦作式破字即今之拆字也

唐日本國見在書目破字一卷子當為字

案拭卜破字經乃泛言拭卜家所用之破

字經六朝時流俗有破字經名目也今之

為拆字術者每字皆著一課于其端即借

課以為之說其課即所謂六壬是也蓋拆

字亦依附于六壬六壬為三式之一故稱

式卜四庫存目有神機相字法一卷即是

類之書

桓安吳式經一卷

桓安吳始未詳

唐書藝文志桓公式經一卷

案桓安吳新唐志作桓公必有轉寫之誤

無由取證疑桓宣武之字誤音誤

梁有雜式占五卷式經雜要決式立成各九卷

亡

並不著撰人

梁有式王曆二卷亡王曆當是玉曆

不著撰人

案唐日本國書目有赤松子玉曆一卷似

即此式王曆開元占經數引玉曆似即其

書蓋依託赤松子者也

梁有伍子胥式經章句起射覆式越相范蠡玉

筭式各二卷亡

伍子胥有遁甲決遁甲文遁甲孤虛記並見

前范蠡有陶朱公養魚經見前農家

案漢志雜家兵技巧兵權謀家並有伍子

胥范蠡之書文選注亦引伍子胥兵法范

蠡兵法此不知是否即李善所見之書四

庫提要言吳越春秋載伍員及范蠡雞鳴

日出日暎禺中四課一如今世所傳六壬

或後世術者因此而附益為是書 起射覆

式或別為一書不與式經章句合通志略于此等疑

異之處皆削而不載焉

光明符十二卷錄一卷梁簡文帝撰

梁簡文帝有毛詩十五國風義見經部詩類

南史本紀所著光明符十二卷

唐書藝文志梁主榮光明符十二卷 一本作

梁王榮榮當是綱之誤

通志藝文略五行六壬家梁簡文帝光明符

十二卷

以上自武王須臾至此凡六部梁有七部

皆六壬及六壬式之屬須臾或非六壬疑

遁甲家之支流而托之武王姑以為是類

之首是為第十一類

龜經一卷晉掌卜大夫史蘇撰梁有史蘇龜經十

卷亡

左傳十五年傳初晉獻公筮嫁伯姬于秦遇

歸妹之睽史蘇占之曰不吉杜預注曰史蘇

晉卜筮之史

漢書人表第五等中史蘇錢塘梁玉繩考

曰史蘇始見左傳十五晉語一晉卜筮之史

宋徽宗大觀三年封為晉陽伯抱朴子辨問

篇曰史蘇辛廖卜筮之聖也

晁氏讀書志靈龜經一卷史蘇撰論龜兆之

著凶崇文總目三卷

宋史藝文志五行家史蘇五兆龜經一卷又

著龜類靈龜經一卷 不著撰人兩書似皆晁志之

靈龜經

四庫提要術數類著錄卜法詳考曰古者大

事多用卜故尚書言龜者居多漢書藝文志

載龜書五十二卷夏龜二十六卷南龜書二

十八卷巨龜三十六卷雜龜十六卷則漢時

其書猶多漢文帝大橫之兆即其繇詞褚少

孫補龜策傳所述即其占法也隋書經籍志

僅載龜經一卷注晉掌卜大夫史蘇撰

案七錄載史蘇龜經十卷至隋僅存一卷

或即漢志五種龜書之遺說郭有龜經一

卷不著撰人南雁吳省蘭刊入藝海珠塵

叢書中未知即史蘇書否也五行大義論

刑篇論五靈篇並引史蘇龜經

梁有龜決二卷葛洪撰亡

葛洪有遯甲肘後立成等書六種並見前

梁有管郭近要決龜音色九宮著龜序各一卷

亡

並不著撰人

案管郭當是魏之管輅晉之郭璞此殆郭

璞以後人所作龜音色九宮著龜序不知

為一書為兩書

梁有龜卜要決龜圖五行九親各四卷亡

並不著撰人

案龜圖五行九親亦不知為一書為兩書

也

梁又有龜親經三十卷周子曜撰亡

周子曜始末未詳

史蘇沈思經一卷

史蘇有龜經見前

唐書藝文志史蘇沈思經一卷

龜卜五兆動搖決一卷

不著撰人

周禮大宗伯占人疏卜筮有金木水火土五

種之兆凡卜灼龜之四足依四時而灼之其

兆直上向背者為木兆直下向足者為水兆

邪向背者為火兆邪向下者為金兆橫者為

土兆

案唐藝文志有孫思邈龜經一卷又五兆

算經一卷龜上五兆動搖經訣一卷此卜

字或上字之誤其即孫思邈之書思邈京

兆華原人周宣帝時隱居太白山入隋至

唐高宗永淳元年乃卒年百餘歲見舊唐

書方技傳新書隱逸傳此猶雜家載書鈔

而不著虞世南姓名同例或皆以其人尚

存故歟

以上自龜經至此凡三部附著梁有六部

皆龜卜之屬為第十二類

周易占十二卷京房撰梁周易妖占十三卷京房

撰

京房有風角要占風角五音占風角雜占五

音圖逆刺方正百對晉災祥周易占事並見

前

晁氏讀書志元祐八年高麗進書有京氏周

易占十卷疑隋周易占十二卷是也

玉海陰陽五行類乾象新書引京房易傳妖

異占

經義考曰周易妖占晉書宋書五行志及水

經注太平御覽俱引之案開元占經引之尤多

鄞縣全祖望讀易別錄曰隋志五行家京房

周易妖占十三卷周易占事十二卷又有周易占十二卷疑即妖占占事二書之重出

周易守林三卷京房撰

周易集林十二卷京房撰七錄云伏萬壽撰

經義考曰案太平御覽引集林文云占天雨否外卦得陰爲雨得陽不雨其爻發變得坎爲雨得離不雨坎化爲巽先雨後風

案法苑珠林至誠篇引王琰冥祥記曰宋

伏萬壽平昌人也元嘉十九年在廣陵爲衛府行參軍不知即此伏萬壽否也然考

唐藝文志有伏曼容周易集林十二卷伏

氏周易集林一卷舊唐志同而本志皆不

見則又疑十二卷者爲伏曼容之書一卷者或其節本或爲伏萬壽撰曼容亦仕宋

入齊至梁初卒亦平昌人殆與萬壽昆季

行有周易注見經部易家

周易飛候九卷京房撰梁有周易飛候六日七分

八卷亡

漢書京房傳房治易專梁人焦延壽其說長

于災變分六十卦更直日用事以風雨寒溫爲候各有占驗房用之尤精孟康曰分卦直

日之法一爻主一日六十四卦爲三百六十

日餘四卦震離兌坎爲方伯監司之官所以用震離兌坎者是二至二分用事之日又是

四時各專王之氣各卦主時其占法各以其

日觀其善惡也

後漢書郎顛傳注易稽覽圖曰甲子卦氣起中孚六日八十分日之七鄭玄注云六以候

也八十分爲一日之七者一卦六日七分也又方術傳序云其流又有七政元氣六日七分

分

經義考曰京氏飛候太平御覽每引之

全氏讀易別錄曰案飛候者京房以風角附

會于易之書

周易飛候六卷京房撰

唐書經籍志京氏周易飛候六卷藝文志同

案此蓋即前九卷之別本金谿王謨漢魏遺書鈔輯存一卷嚴氏可均亦有輯本編

入京氏易八卷中

周易四時候四卷京房撰

唐書經籍志京氏周易四時候二卷藝文志同

案此似即飛候九卷六卷中析出者或言春夏秋冬四時或言震離兌坎四候

周易錯卦七卷京房撰

唐書經籍志京氏周易錯卦八卷京房撰藝

文志同

全氏讀易別錄曰隋志五行家京房周易錯

卦七卷案經部又有周易錯八卷疑即是書之重出

案經部注云梁有周易錯八卷京房撰亡

蓋七錄入易部也此又從隋代見存目錄著錄則亡而不亡不馮缺其一卷耳至唐

而八卷之數與七錄同

周易混沌四卷京房撰

唐書經籍志京氏周易混沌四卷藝文志同

案靈棋經以純陰變卦爲混沌未明此或亦猶是也

周易委化四卷京房撰

唐段成式酉陽雜俎貶誤篇曰梁元帝作運

山每卦引委化集林

通志藝文略五行易占家周易委化四卷京

房撰

周易逆刺占災異十二卷京房撰

唐書藝文志費氏周易逆刺占災異十二卷注云費直

通志藝文略五行易占家周易逆刺占災異

十二卷京房撰一云費氏案此云京房撰者據本

志一云費氏者據唐志考本志無費氏書唐志無京氏書故鄭氏以爲卽是一書然舊唐志無費氏此書而京氏則

本志有明文是鄭漁仲謂爲一書者良信又疑此卽上文之妖占占事

晁氏讀書志京房易傳四卷隋經籍志有京

氏占候十種七十三卷今傳者曰京氏積算

易傳三卷雜占條例法一卷名與古不同所

謂積算易傳疑隋唐志之錯卦是也雜占條

例法者疑隋志逆刺占災異是也案此謂十種七十三卷者卽此以上所載十條是也

四庫術數類提要曰房所著今惟易傳三卷

存晁氏以易傳爲卽錯卦雜占條例爲卽逆刺災異則未免臆斷無據耳

烏程嚴可均鐵橋漫叟京氏易輯本序曰京

氏易八卷無錫王氏保訓輯本也漢魏叢書

有京氏易傳三卷王氏于三卷外采錄遺文

得四萬許言尋以病卒于都下其同年友嚴

可均理而董之正其訛補其闕仍分八卷繕

寫而為之序曰易以道陰陽有陰陽即有五

行孟喜受易家陰陽立十二月辟卦其說本

于氣以準天時明人事授之焦贛焦贛又得

隱士之說五行消復授之京房京房兼而用

之長于災變布六十四卦于一歲中卦直六

日七分迭更用事以風雨寒溫為候各有占

驗獨成一家孝元立博士迄東漢末費直行

而京氏衰晉代猶有傳習者至隋志亡段嘉

十二篇唐志又亡災異六十六篇之四十三

篇 案此謂漢志六十六篇新唐志唯存四時候飛候混

沌錯卦逆刺五種二十三卷其餘四十三篇亡也 歷宋

入明而漢志之八十九篇僅存三卷蓋京氏

學久廢絕矣易道至大無所不該王弼以道

家言解易楊簡以佛家言解易尚得名家况

京氏為漢易之宗聽其廢絕不可惜哉今輯

易傳易占飛候五星風角等篇雖京氏占候

不盡此亦大端具矣其世應飛伏建積互游

魂歸魂之說晁說之能言之據叢書本三卷

亦略可尋求至六日七分之法見漢書本傳

孟康注僧一行大衍曆議則雖謂京氏易亡

而不亡可也

又自編四錄堂類集總目曰京氏易八卷王

保訓輯可均校補錄錄傳述論證三篇列于

卷首易章句一易傳二易占上三易占下四

易妖占易飛候五別對災異易說五星占風

角要占六外傳七災異後序易集林易逆刺

律術八叢書本三卷見存不錄

案京氏之書除見存易傳三卷外本志易

家有易章句兵家有征伐軍候天文家有

五星災異傳日占圖及此類前載風角要

占等七部此一段所載十部後文又有易

律曆推偷盜書占夢書見于本志者如此

其間或亦有後世術者所推演不盡出于

易傳唐日本國書目又有京房占六情百

鳥鳴一卷雜占一卷宋志有陳襄校定京

房婚書三卷玉海引乾象新書云京房有

易備易坤靈圖通卦驗通統洪氏容齋三

筆有孝經雌雄圖云出京房易傳而太平

御覽九百三十一引京房易緯則識緯家

亦有所附託其散見于諸書記載者又如

此要其遺文佚句大都略盡于王嚴二家

之所輯而余未得見也

周易占一卷張浩撰

經義考曰案南史張暢子浩官至義陽王昶

征北諮議參軍融之兄也 張融有少子五卷見前

道家

案南史張浩附見其父暢傳不言其有是

書朱氏殆約略言之考兩唐志有張滿周

易林七卷本志不見朱氏以張滿為東漢

初人亦約略之言余竊以為即此張浩易

占易林皆林占之書初無所異一卷七卷

則隋唐傳本不同亦所恆有唯浩與滿則

未詳孰是焉

周易占雜十三卷

周易雜占十一卷

並不著撰人

周易雜占九卷尚廣撰

吳志孫皓傳注于寶晉紀曰王濬治船于蜀

吾彥取其流梯以呈孫皓曰晉必有攻吳之

計宜增建平兵建平不下終不敢渡江皓弗

從陸抗之克步闡皓意張大乃使尚廣筮并

天下遇同人之頤對曰吉庚子歲青蓋當入

洛陽故皓不脩其政而恆有窺上國之志及

皓降之歲實在庚子尚廣蓋吳晉時人也

唐書經籍志周易雜占八卷尚廣撰 藝文志

著錄同

梁有周易雜占八卷武靖撰亡

武靖始末未詳

唐書經籍志武氏周易雜占八卷武氏撰下

武氏字當是武靖之寫誤

唐書藝文志武氏周易雜占八卷

案七錄卜筮一類別為部分本志併入五

行故此類載書特多尋其章法分為數起

亦與史部雜傳家中問劉向列士傳列仙傳以下兩

段章法相似 蓋所據書目不止一家各有

所取故亦各有起訖蹤跡略可尋案也自

京房周易至此為一起

易林十六卷焦贛撰梁又本三十二卷

漢書京房傳房治易事梁人焦延壽延壽字

贛贛貧賤以好學得幸梁王王共其資用令

極意學既成爲郡史察舉補小黃令以候司

先知姦邪盜賊不得發愛養吏民化行縣中

舉最當遷三老官屬上書願留贛有詔許增秩留卒于小黃贛常曰得我道以亡身者京生也其說長于災變分六十卦更直日用事以風雨寒溫爲候各有占驗

又儒林傳京房受易梁人焦延壽延壽云嘗從孟喜問易會喜死房以爲延壽易即孟氏學翟牧白生不肯皆曰非也至成帝時劉向校書考易說以爲諸易家說皆祖田何楊叔丁將軍大誼略同唯京氏爲異黨焦延壽獨得隱士之說託之孟氏不相與同

太平御覽職官部陳留風俗傳曰昭帝時蒙人焦貢爲小黃令路不拾遺囹圄空虛詔遷貢百姓揮涕守闕求索還貢天子聽增貢之秩千石貢之風化猶存其民好學多貧此其風也案此則實爲梁國蒙縣人可補史傳之闕略小黃縣屬陳留郡故風俗傳載其事

唐王俞序曰予嘗讀班史列傳及歷代名臣譜系諸家雜說之文盛稱自夫子授易于商瞿僅十餘輩延壽經傳于孟喜固是同時當西漢元成之間凌夷厥政先生或出或處輒以易道上于梁王遂爲郡察舉詔補小黃令而邑中隱伏之事皆預知其情得以寵異蒙遷秩亦卒于官次案此則實卒于元成之間在京房死後數年也

唐書經籍志焦氏周易林十六卷焦贛撰藝文志同

宋史藝文志著龜家焦贛易林傳十六卷崇文總目卜筮類周易林十六卷焦贛撰以

一卦轉之六十四卦各有繇言著吉凶占驗然不傳推用之法一本作十八卷似誤

晁氏讀書志經部易家焦氏易林十六卷漢天水焦贛延壽傳易于孟喜行事見儒林傳中此其所著書也費直題其前曰六十四卦變又有唐王俞序其書每卦變六十四卦四千九十六首皆爲韻語與左氏傳載鳳皇于飛和鳴鏘鏘漢書所載大橫庚子爲天王之語絕相類豈古之卜者各有此等書耶案此稱漢天水蓋據書首偽費直題辭之語也

陳氏書錄卜筮類易林十六卷漢小黃令梁焦延壽贛撰又名大易通變唐會昌丙寅越五雲谿王俞序凡四千九十六卦其辭假出于經史其意雅通于神祇蓋一卦可以變六十四也舊見沙隨程迥所記南渡諸人以易林筮國事多奇驗求之累年寶慶丁亥始得之莆田皆韻語古雅頗類左氏所載繇辭或時援引古事間嘗筮之亦驗頗恨多脫誤嘉熙庚子從湖守王寺丞借本兩相校十得八九其中亦多重複或諸卦數爻共一繇莫可考也

經義考曰隋志五行家易林十六卷新舊唐書志崇文總目同七錄作三十二卷殆合變占十六卷言之

四庫提要數術占卜類曰延壽字贛梁人昭帝時由郡吏舉爲小黃令京房師之故漢書附見房傳黃伯思東觀餘論以爲名贛字延壽與史不符又據後漢小黃門譙君碑稱贛

之後裔疑贛爲譙姓然史傳無不作焦未可執爲確證舊本易林首有費直之語稱王莽時建信天水焦延壽其詞蓋出僞託鄭曉嘗辨之審矣案並見經義考易家贛嘗從孟喜問

易然其學不出于孟喜漢書儒林傳記其始末甚詳蓋易于象數之外別爲占候一派者實自贛始所撰易林十六卷以一卦變六十四六十四卦之變共四千九十六各繫以詞皆四言韻語崇文總目言其推用之法不傳而黃伯思記王似占程迥記宣和紹興二占皆有奇驗則其術尙有知之者惟伯思謂漢書稱延壽易分六十四卦更直日用事者乃變占法非易林法薛季宜易林序則謂易林正用直日法辨伯思之說爲謬並爲圖例以明之其說甚辨王俞序本名大易通變與諸本不同疑爲後來卜筮家所改非其舊也又曰案漢書儒林傳陰陽災異之說始于孟喜別得書而託之田王孫焦延壽又別得書而託之孟喜其源實不出于經師朱彝尊經義考備列焦京二家之書蓋欲備易學宗派不得不爾實則以隋志列五行家爲允也

案此爲焦氏林占之書非說易之書漢志著龜家周易三十八卷是其類也推之于古則連山歸藏各有繇辭亦即其類皆史卜之官所有事焦氏是書殆亦取古林之辭故有與左傳相同者

易林變占十六卷焦贛撰經義考曰李鼎祚易集解于隨卦采贛之說

云漢高帝與項籍其明徵也當屬變占中語四庫提要曰贛所撰有易林十六卷又易林變占十六卷並見隋志變占久佚惟易林尚存

案開元占經五星占歲星占中官星占外官星占客星占諸篇引焦延壽說二十餘條皆非韻語疑是變占中文

又案北堂書鈔地部引焦贛易林曰雷風泥塞常水不温凌人惰怠大雹為災焦贛易林變占曰深水難涉塗泥在穀漫漶不進虎噬我足初學記地部引焦贛易林曰江河准海天之奧府衆利所聚可以饒有焦贛易林變占曰江河准海天之都市商人受福國家富有兩書互引而各異其辭知變占亦各有繇辭據李鼎祚及瞿曇悉達所引或其中有解釋之文并及天文星占歟

易林二卷費直撰梁五卷

費直有周易注見經部易家

唐書經籍志費氏周易林二卷費直撰 藝文志同

案馬氏玉函山房輯本序云費氏有周易林二卷今佚考焦氏易林卷首載東萊費直說一節又禮記月令正義引易林一節不見焦氏易林定為費氏易林之語案焦林卷首費直序固屬偽詞已詳于前正義一節不著姓名漢以來為易林者焦京費氏之外又有崔篆許峻管輅郭璞伏嵩

魯洪度諸家何由知其定為費氏乎馬氏此輯可省

易內神筮二卷費直撰梁有周易筮占林五卷費直撰亡

左僖十五年疏筮之畫卦從下而始故以下為內上為外又曰筮者先為下體而以上卦重之先為其內後為其外

唐書藝文志周易內卦神筮法二卷周易雜筮占四卷 並不著撰人蓋即費氏此兩書唐時傳本佚其姓名耳通志略亦云周易內卦神筮法二卷費直撰

案全氏祖望讀易別錄又有費直易外神筮二卷注云見隋志五行家今考本志實無此目全氏誤也漢書儒林傳言費直長于卦筮故有此類筮占之書

易新林一卷後漢方士許峻等撰梁十卷 後漢書方術傳許曼者汝南平輿人也祖父峻字季山善占卜之術多有顯驗時人方之前世京房自云少嘗篤病三年不愈乃謁太山請命行遇道士張巨君授以方術所著易林至今行于世

案左僖十五年傳注云凡筮者用周易則其象可推非此而往則臨時占者或取于象或取于氣或取于時日旺相以成其占此易新林之類是也

易災條二卷許峻撰

經義考曰北堂書鈔引許氏易災條云母病腹脹蛇在井旁當破餅饗井沸泥浮五色玄黃又初學記引易災條云井中有魚似蟲出

流若當井沸五色玄珠蓋亦焦氏易林類也 易決一卷許峻撰

宋史藝文志許季山易決一卷

全氏讀易別錄曰後漢方士汝南許峻易決一卷案宋志有許季山易決一卷季山即峻字經義考不審而兩列之

梁有易雜占七卷許峻撰又易要決三卷亡 唐書經籍志許氏周易雜占七卷許峻撰 藝文志同

案易要決即前所載之易決梁時三卷至隋存一卷

周易通靈決二卷魏少府丞管輅撰

周易通靈要決一卷管輅撰

管輅有鳥情逆占見前 元胡一桂易學啓蒙翼傳曰公明精于卦筮窮極幽微占言吉凶禍福無毫髮爽雜以射覆說相一皆神妙

案兩唐志無通靈決惟有周易林四卷意即此也然此又似龜卜之書

周易集林律曆一卷虞翻撰

虞翻有周易注見經部易家

吳志本傳注翻別傳曰翻放棄南方自恨疎節骨體不媚犯上獲罪當長沒海隅生無可與語死以青蠅為帛客使天下一人知己者足以不恨以典籍自慰依易說象以占吉凶 唐書藝文志虞翻周易集林律曆一卷

案虞翻別有京房易律曆注一卷詳見于後證以別傳之言則翻亦自有占卜之書



似卽此集林是也集林卽集所占之卦林  
爲一書此既云集林又云律曆似合兩書  
爲一編者

梁有周易筮占二十四卷晉徵士徐苗撰亡

晉書儒林傳徐苗字叔胄高密淳于人也累  
世相承皆以博士爲郡守苗少家貧晝則鋤  
未夜則吟誦弱冠與弟賈就博士濟南宋鈞  
受業遂爲儒宗作五經同異評又依道家著  
玄微論前後所造數萬言皆有義味郡察孝  
廉州辟從事治中別駕舉異行公府五辟博  
士再徵並不就武惠時計吏至臺帝輒訪其  
安不永寧二年卒

唐書經籍志徐氏周易筮占二十四卷徐苗

撰藝文志同

周易新林四卷郭璞撰

郭璞有毛詩拾遺見經部詩家

晉書本傳璞妙于陰陽算曆有郭公者客居  
河東精于卜筮璞從之受業公以青囊中書  
九卷與之由是遂洞五行天文卜筮之術禳  
災轉禍通致無方雖京房管輅不能過也抄  
京費諸家要最更撰新林十篇卜韻一篇  
唐日本國見在書目周易新林占三卷郭璞  
撰

梁有周易雜占十卷葛洪撰

葛洪有遁甲肘後立成等六書又龜決二卷  
並見前

周易新林九卷郭璞撰梁有周易林五卷郭璞撰  
亡

案此兩書似皆相傳之別本 日本書目有周  
易享氏占九卷似郭氏之說  
易洞林三卷郭璞撰

晉書本傳璞既好卜筮多占驗撰前後筮驗  
六十餘事名爲洞林

左莊二十二年傳疏卜人所占之語古人謂  
之爲繇其辭視兆而作出于臨時之占或是  
舊辭或是新造猶如筮者引周易或別造辭  
其辭也韻則繇辭法當韻也郭璞撰自所卜  
事謂之辭林其辭皆韻習于古也 阮文達校勘  
記曰案隋書經籍志有周易新林易洞林皆郭璞撰此作  
辭林誤

唐書經籍志周易洞林解三卷郭璞撰

唐書藝文志郭璞洞林解三卷

宋史藝文志著龜家郭璞周易洞林一卷

元胡一桂易學啓蒙翼傳曰景純得青囊書  
遂洞五行天文卜筮之術嘗撰前後筮驗六  
十餘事名爲洞林斷法用青龍朱雀勾陳騰  
蛇白虎玄武六神及太歲諸煞神時日旺相  
等推算靈驗無比

經義考曰郭氏洞林初學記管引之雙湖胡  
氏撰啓蒙翼傳云世罕有其書從王楚翁才  
古鈔得之則元時此書尙存也洞林之文有  
三言者有四言者有七言者驗其占法靡不  
奇中所謂林者自謂韻語占決之辭猶存左  
氏傳遺意

案郭璞周易洞林一卷王氏漢魏遺書鈔  
馬氏玉函山房並據胡氏啓蒙易傳陶氏

說郭及初學記書鈔御覽晉書本傳所載  
輯存一本

周易新林一卷

周易新林二卷

並不著撰人

案兩唐志有周易新林一卷亦無撰人或  
卽此前一卷也

易林三卷魯弘度撰

魯弘度始末未詳

周易林十卷梁周易林三十三卷錄一卷

不著撰人

案此十卷卽梁三十三卷之殘帙故不注  
云亡似鈔合衆家林占之書唐日本國見  
在書目有易林十八卷京房郭璞等七人  
雜撰明是鈔集之書兩唐志有易林十四  
卷宋志有諸家易林一卷皆不著撰人似  
皆是此書之佚存者蓋至宋而僅存一卷  
矣

易讚林二卷

不著撰人

通志藝文略五行易占家易贊林二卷

易立成二卷郭氏撰

經義考曰郭氏璞易立成林隋志五行家二  
卷佚

卷佚

案此似後人鈔郭氏新林洞林之尤驗者  
以爲立成

易立成四卷

易立成一卷

並不著撰人

案玄成似亦立成之刊誤酉陽雜俎貶誤篇言梁元帝作連山每卦引立成似即此立成也

周易立成占三卷顏氏撰

顏氏不知何人

唐日本國見在書目顏氏易占三卷

案此顏氏疑是北魏末顏惡頭章武郡人妙于易筮後為爾朱仲遠所殺見北史藝術傳兩唐志有周易立成占六卷亦似此書一經部易家有顏氏周易大衍通統一卷疑亦即此顏氏也

又案自焦氏易林至此又為一起如前例

神農重卦經二卷

神農有本草別詳後醫家

宋王應麟漢書藝文志考證曰重卦之人有四說王輔嗣等以為伏羲鄭康成之徒以為神農淳于俊曰庖犧因燧皇之圖而制八卦神農演之為六十四孫盛以為夏禹史遷等以為文王楊繪曰筮非八卦之可為必六十四之然後為筮舜禹之際曰龜筮協從則何文王重卦之有乎八卦成列象在其中矣因而重之爻在其中矣案是而言重卦之始其在上古乎京房引夫子曰神農重乎八純經義考曰神農重卦經隋志二卷佚

案易緯篇目有八墳文鄭康成氏注曰公

孫氏名軒轅依大庖之制作易八墳文釋

八卦之理此謂黃帝作八墳文也此重卦

經殆以京房鄭氏淳于俊諸家之說乃託之神農其即八墳文之流亞歟八墳文本推演庖犧氏之制或亦稱重卦經術家詭異百出未可知也

文王幡音一卷

崇文總目卜筮類文王版詞一卷

宋史藝文志五行類文王版詞一卷

陳氏書錄卜筮類周易版詞一卷不知名氏當是漢魏以前人所為其間官名皆東京制也

全氏讀易別錄曰崇文目宋志有文王版詞一卷殆即通考所謂周易版詞者也

案刊本書往往以章為音此幡音似幡章之譌幡章又似版章之譌版章即版詞之異名輒轉傳譌遂致書名不可以解又文王之書雖為依託而史志不概見崇文目

宋志但有文王版詞無文王幡音是亦幡音即版詞之一證通志略雖有幡音又有版詞乃鈔拾前後史志故致重複不足為據

又案宋志管公明隔山照一卷文王版詞一卷其上下文所載各有撰人皆一人一書獨以此二書屬之管公明似非無因疑

古有是書為管輅所傳錄宋人有知其源委者因類從于一處修志者仍其舊第歟并附識其疑于此

易三備三卷

易三備一卷

並不著撰人

唐書經籍志易三備三卷又一卷

唐書藝文志易三備三卷又三卷

宋志著龜家周易三備三卷題孔子師徒所述蓋依託也

通志藝文略五行易占家周易三備三卷上

備言天文中備卜筮下備地理

案玉海天文附陰陽五行類云乾象新書

引京房易傳妖異占又注云京房有周易

逆刺占外又有易備易坤靈圖則此兩書

中或有京房所撰者在焉

易占三卷

不著撰人

案舊新唐志有杜氏新易林占三卷本志不見疑即是書杜氏或即郭璞外孫杜不愆晉書藝術有傳

易射覆二卷

易射覆一卷

並不著撰人

經義考曰易射覆隋志二卷又一卷俱佚

案漢志著龜家有周易隨曲射覆五十卷

蓋合諸家射覆之術錄為一編者漢書東方朔傳上嘗使諸數家射覆覆守宮孟下

射之皆不能中朔自贊曰臣嘗受易請射

之迺別著布卦而對曰臣以為龍又無角

謂之為蛇又有足跂肢脈脈善緣壁是非

守宮即蜥蜴上曰善賜帛十匹復使射他

物連中是射覆亦從筮占而得故本志附

入此類此兩書或猶是漢志五十卷之殘  
贖宋志有東方朔射覆經三卷通志略一  
卷殆即本之此二書

周易孔子通覆決三卷顏氏撰

顏氏似即為周易立成占者見前

通志藝文略五行覆射家孔子通覆決三卷  
顏氏撰

案隋書藝術傳臨孝恭撰孔子馬頭易卜  
書一卷行于世臨少後于顏蓋即其類宋

志有孔子金鐘記一卷疑即是書

又案日本書目五行家有孔子識記一卷  
又有識書一卷新圖識緯一卷雜書識緯

鈔一卷知此類所載如神農黃帝文王武  
王孔子之書大都皆本于識緯由識緯而

輾轉附益流為術數者也

易林要決一卷

不著撰人

案此蓋以易林占卜之術法為口決與前  
所載諸家易林不同凡言決者大抵皆七

言歌決 此一段所載皆雜卜法故知此非前易林  
之類

易要決二卷梁有周易曆周易初學筮要法各一  
卷

不著撰人

案此易要決二卷似即梁之周易曆一卷  
初學筮要法一卷也故不注云亡

周易隨腦二卷  
不著撰人

唐書經籍志易髓一卷不著撰人易腦一卷郭  
氏撰藝文志同

案通志藝文略易家周易髓十卷郭璞撰

宋志八卷注云晉人撰不知姓名又通志

五行易占家郭氏易腦一卷是易髓易腦

皆郭氏之書此蓋合而為一然證以唐志  
所載而下文又有郭氏易腦經則又似此

易腦經一卷郭氏撰鄭當為郭

唐書經籍志易腦一卷郭氏撰

易腦經一卷郭氏撰鄭當為郭

唐書藝文志郭氏易腦一卷

案經部易家有周易玄品二卷亦不著撰  
人册府元龜以為干寶撰不知何據全氏

讀易別錄謂隋志誤入經部蓋以複見于  
此故也考易類敘次在宋齊人之間其時

玄學盛行以周易老莊為三玄此殆三玄  
之一列之于此豈亦占卜之流歟若但泛

論玄義品評得失則自王輔嗣已來相沿  
已久入經部不誤列此反誤矣

易律曆一卷虞翻撰

虞翻有周易集林律曆一卷見前

唐書經籍志易律曆一卷不著撰人藝文志同

宋史藝文志虞翻注京房周易律曆一卷崇  
文總目周易律曆一卷京房撰

宋王欽臣談錄曰京氏律曆一卷虞翻為之  
解其書雖存學者罕究公從祕府傳其書究

習遂通屢以占卦甚效案欽臣稱公者謂其父涿  
也

陳氏書錄解題京氏參同契律曆志一卷虞  
翻注專言占象而不可盡通字亦多誤未有

別本校案此稱參同契似後人所加非王氏傳本

經義考王弘撰曰納甲之說京氏易傳魏氏  
參同契皆有之而虞氏之說較備

易曆七卷  
易曆決疑二卷

並不著撰人

經義考曰周易曆隋志七卷易曆決疑隋志  
二卷俱佚

案經義考慈緯篇曰乾坤鑿度引易曆文  
云陽紀天心鄭康成注曰孔子以曆說易

名曰象今易象四篇是紀古說又易曆文  
云別序聖人題錄與亡州土名號姓輔友

符鄭注曰言孔子將此應之而作識三十  
六卷其言闕味不可曉要之易曆之家大

抵亦緣起于識緯易緯乾坤鑿度引之

周易卦林一卷

不著撰人

宋史藝文志易卦林一卷

經義考曰周易卦林隋志一卷佚

案東觀漢記沛獻王輔傳永平五年秋京  
師少雨上御雲臺召尚席取卦具自為卦

以周易卦林卜之則漢時已有周易卦林  
漢志著龜家易卦八具即卦具是也又有  
周易三十八卷大筮衍易二十八卷似即

周易卦林之類此一卷或猶是漢代所遺歟

又案李石續博物志云後漢崔篆著易林六十四篇或曰卦林或曰象林兩唐志載崔篆易林十六卷本志不見其書亦名卦林或此為崔氏之書亦未可知

洞林三卷梁元帝撰

梁元帝有漢書注見史部正史類

帝自序略曰余幼學星文多歷歲稔海中之書略皆尋究巫咸之說偏得研求雖紫微迢遞如觀掌握青龍顯晦易乎窺覽羨門五將亟經玩習韓終六壬常所寶愛至如周王白雉之筮般人飛燕之卜著名聚雪非關地極之山卦有密雲能擁西郊之氣交通七聖世經三古山陽王氏直解談玄河東郭生纔能射覆兼而兩之竊自許矣

金樓子自序篇余將冠方好易卜及至射覆十中乃至八九又曰余初至荊州卜雨欣然有自得之意

南史本紀承聖三年十一月丁亥魏軍至柵下庚子夜有流星墜城中帝援著筮之卦成取龜式驗之因抵于城曰吾若死此下豈非命乎又曰帝于技術無所不該常不得南信筮之遇剝之艮曰南信已至今當遣左右季心往看果如所說賓客咸驚其妙凡所占決皆然又曰著詞林三卷案詞林為洞林之說

梁書本紀曰著洞林三卷  
唐書經籍志洞林三卷梁元帝撰

唐書藝文志梁元帝洞林三卷

案今本金樓子著書篇無洞林之目唯有玉子訣一秩三卷金樓子劉綏撰豈即洞林之異名歟似不然也又洞林自序見藝文類聚金樓子著書篇亦不載則今輯本遺漏也

連山三十卷梁元帝撰

金樓子立言篇曰案周禮筮人掌三易夏曰連山殷曰歸藏周曰周易解此不同案杜子春云連山伏羲也歸藏黃帝也子曰案禮記云我欲觀殷道得坤乾焉今歸藏先坤後乾則知是殷明矣推歸藏既是殷制連山理是夏書案此似連山自序之佚文

又著書篇曰連山三秩三十卷金樓年在弱冠著此書至于立年其功始就躬親筆削極有其勞

梁書南史本紀著連山三十卷

唐段成式酉陽雜俎貶誤篇曰梁元帝易連山每卦引歸藏斗圖立成委化集林及焦贛易林案段氏以此貶是書之謬蓋膠柱之見也

唐書經籍志連山三十卷梁元帝撰  
唐書藝文志梁元帝連山三十卷

雜筮占四卷

不著撰人  
唐書藝文志周易雜筮占四卷

案上文注云梁有周易筮占林五卷費直撰亡案此類之書以筮占名者唯費氏與徐苗二家唐志次于內卦神筮法之後皆

以為無名氏書不知神筮法實費氏書唐代相傳與此書相連屬蓋即費氏筮占林之殘本隋時已佚其一卷并佚其姓名矣亦詳見于前

五兆算經一卷

不著撰人

唐六典太卜令掌卜筮之法一曰龜二曰兆凡五兆之策三十有六注云用三十六算六變而成卦一變為兆再變成卦二為甲乙三為丙丁四為戊己五為庚辛六為壬癸其用五行相生相剋相扶相拆大抵與卦同占

案唐藝文志有孫思邈龜經一卷又五兆算經一卷龜上五兆動搖經訣一卷龜經本志不載動搖訣已見前亦不著撰人此亦似孫氏書

十二靈基卜經一卷

不著撰人

宋劉敬叔異苑曰十二基卜出自張文成受法于黃石公行師用兵萬不失一逮至東方朔密以占衆事自此以後祕而不傳晉寧康初襄城寺法味道人忽見一老公著黃皮衣竹筒盛此書以授法味無何失所在遂復流于世案此言是書之最先者蓋晉宋之時已有此不經之說也黃帝太老子黃石公東方朔諸葛亮為流俗所附託之書不知凡幾甚可厭矣

唐日本國見在書目靈易一卷東方朔撰八公靈基經一卷八公靈基卜經二卷  
晁氏讀書志靈基經二卷漢東方朔撰又云

張良劉安未知孰是晉顏幼明宋何承天注有唐李遠敘歸來子以爲黃石公書豈即以授張良者耶案南史載客從南來遺我良材寶貨珠璣金碗玉杯之繇則古之遺書也明矣凡百二十卦皆有繇辭

宋史藝文志靈棋經一卷李進注靈棋經一卷

明白雲霧道藏目錄靈棋經上下二卷宋駕部郎中顏幼明注御史中丞何承天續注又曰占數之學

四庫提要曰靈棋經二卷舊題漢東方朔撰或又以爲出自張良本黃石公所授後朔傳其術漢書所載朔射覆無不奇中悉用此書或又謂淮南王劉安所撰其說紛紜不一大抵皆術士依託之詞惟考隋經籍志即有十二靈棋卜經一卷而南史所載客從南來遺我良材之繇實爲今經中第三十七卦象詞則是書本出自六朝以前其由來亦已古矣卦凡一百二十有四合以純陰錮卦十二棋皆覆者爲混沌未明尚不在此數晁公武僅載一百二十繇殆不及檢而偶遺之也舊傳晉顏幼明宋何承天皆爲之注李遠爲之敘元廬山陳師凱又爲作解而宋志別有李進注靈棋經一卷則今已失傳明初劉基復仿周易象傳體作注以申明其義其後序稱靈棋象易而作以三爲經四爲緯三以上爲君中爲臣下爲民四以一爲少陽二爲少陰三爲太陽四爲老陰少與少爲耦老陰與太陽

爲敵得耦而悅得敵而爭或失其道而耦反爲仇或得其行而敵反爲用陽多者道同而助陰盛者志異而乖數語足盡茲經之要大抵與易筮相爲表裏觀其詞簡義誠異乎世之生剋制化以爲術者矣故錄而存之以備古占法之一種焉

又簡明目錄曰其法以棋十二枚以所擲面背相乘得一百二十四卦各有繇辭其文雅奧非後世術家所能僞劉基之注似亦非依託

梁有管公明算占書一卷亡

管公明即管輅有鳥情逆占周易通靈決並見前

案崇文總目卜筮類有管公明隔山照一卷宋志五行家亦載之疑卽是書

梁有五行雜卜經十卷亡  
不著撰人

史記龜策傳太史公曰蠻夷氏羌雖無君臣之序亦有決疑之卜或以金石或以草木各信其神以知來事案此言雜卜之最先者

唐段公路北戶錄曰愚見卜之流雜書傳有虎卜紫姑卜牛蹄卜灼骨卜鳥卜雖不法于善龜亦有可以稱者子路見孔子曰猪肩牛膊可以得兆何必善龜又有螺段卜遺

案漢志善龜家有鼠序卜黃二十五卷蓋言鼠卜雜卜諸雜卜之法太平御覽方術部載諸雜卜有蠶卜虎卜雞卜鳥卜樽蒲卜十二棋卜竹卜牛蹄卜雞卜卽越巫所

傳漢書郊祀志載其事十二棋卜卽靈棋經見前竹卜卽范書方術傳序所謂挺專者是也挺亦作筮此十卷所載大抵皆此類或亦有漢志二十五卷之殘文在其間也

又案七錄卜巫一類別爲一部據本志所載知其始于史蘇龜經十卷終于此書也

京君明推偷盜書一卷

京君明卽京房有風角要占等書凡十七部並見前

案漢書京房傳房事梁人焦延壽延壽補小黃令以候司先知姦邪盜賊不得發唐

王俞大易通變序亦謂邑中隱伏之事皆預知其情蓋亦因筮占而得其師亦嘗用之也房有風角要占御覽七百十七引風角要占厭盜賊法蓋別爲厭勝之法與此

候伺爲術不同然亦疑在風角書中後人鈔出別行者也論衡變動篇云六情風家言風至爲盜賊者感應之而起六情風家卽風角家上文所載焦氏六情爲音內祕一卷是也此本風角中之一術也

又案自神農重卦經至此又爲一起如前例其間亦約略以類相從

以上自京房周易占至此凡三起綜五十九部附著梁有十五部皆漢以來易占林

占諸雜卜之屬爲第十三類

天皇大神氣君注曆一卷  
不著撰人

通志藝文略五行陰陽家天皇大神氣君注曆一卷

案此似假託神人書天皇大神氣君之號亦不詳為何神唐日本書目有四天王識一卷疑即是書似本于圖識又范書方術傳序言術家者流有元氣一術疑即其類

太史公萬歲曆一卷

史記自序司馬氏世典周史談為太史公太史公學天官于唐都受易于楊何習道論于黃子仕于建元元封之間惑學者之不達其意而師悖乃論六家之要指太史公既掌天官不治民有子曰遷

唐書經籍志太史公萬歲曆一卷司馬談撰

藝文志同

千歲曆祠一卷任氏撰

任氏不知何人

唐六典太卜令篇注凡陰陽雜占吉凶悔吝其類有九決萬民之猶豫七日祠祭

唐書經籍志千歲曆祠二卷任氏撰

唐書藝文志任氏千歲曆祠二卷

萬歲曆祠二卷

不著撰人

唐書經籍志萬歲曆祠二卷藝文志同

萬年曆二十八宿人神一卷

不著撰人

六甲周天曆一卷孫僧化撰

孫僧化有星占見前天文家

唐書經籍志六甲周天曆一卷孫僧化撰

唐書藝文志孫僧化六甲開天曆一卷一本作二卷

六十甲子曆一卷

不著撰人

曆祀一卷

不著撰人

案論衡解除篇云世信祭祀謂祭祀必有福又讖日篇云祭祀之曆亦有吉凶假令血忌殺之日固凶以殺牲設祭必有患禍云云案祭祀之曆似即此書及以前千歲曆祀萬歲曆祀及後六甲祀書之類皆是也

田家曆十二卷

不著撰人

案齊民要術所載似多本于是書今田家相傳口頭歌訣時有所聞者當亦出于是書

三合紀饑饉一卷

不著撰人

案史記天官書云夫自漢之為天數者星則唐都氣則王朔占歲則魏鮮此占歲之類也宋書大且渠蒙遜傳元嘉十四年河西王茂虔奉表獻方物并獻皇帝王曆三合紀一卷唐日本書目有九宮飢饉曆一卷頗似此書

以上自天皇大神氣君注曆至此凡十部皆五行曆紀之屬為第十四類

師曠書三卷

左襄十四年傅師曠侍于晉侯杜預曰師曠晉樂大師子野

孟子雖婁篇師曠之聰趙岐曰師曠晉平公之樂太師也其聽至聰

漢書藝文志小說家師曠六篇見春秋其言淺薄本與此同似因託也又兵陰陽家師曠八篇晉平公臣

又人表第五等中師曠錢塘梁玉繩考曰師曠始見逸書太子晉解左襄十四晉語八晉主樂太師字子野冀州南和人生而無目故自稱瞶臣又稱盲臣亦曰晉野莽右扶風漆縣廣韻注以師為姓非也

後漢書方術傳序師曠之書注師曠占災異之書也今書七志有師曠六篇

又蘇竟傳竟與劉歆兄子襲書曰猥以師曠雜事輕自炫惑章懷太子曰師曠雜事雜占之書也前書陰陽書十六家有師曠八篇也

唐書經籍志師曠占書一卷藝文志同

宋史藝文志師曠擇日法一卷

孫氏祠堂書目師曠占一卷洪頤煊集本案據范書傳注所引七志似宋齊時小說家之六篇猶傳而兵陰陽家之八篇亡矣

本志後文雜占類中引七錄又有師曠占五卷此三卷殆即五卷之佚存蓋自漢至齊六卷梁五卷隋三卷唐一卷宋僅存擇日法今惟有洪氏輯本焉

又金樓子志怪篇言師曠有地鏡經詳見後第二十七類

海中仙人占災祥書三卷

言師曠有地鏡經詳見後第二十七類

海中仙人占災祥書三卷

言師曠有地鏡經詳見後第二十七類

海中仙人占災祥書三卷

言師曠有地鏡經詳見後第二十七類

海中仙人占災祥書三卷

言師曠有地鏡經詳見後第二十七類

海中仙人占災祥書三卷

言師曠有地鏡經詳見後第二十七類

海中仙人占災祥書三卷

言師曠有地鏡經詳見後第二十七類

海中仙人占災祥書三卷

言師曠有地鏡經詳見後第二十七類

海中仙人占災祥書三卷

言師曠有地鏡經詳見後第二十七類

海中仙人占災祥書三卷

言師曠有地鏡經詳見後第二十七類

通志校讎略曰海中仙人占災祥書五行類中兩出

案前第九類災祥諸書中已載是書此類亦近是災祥之書而重出其目是亦可知前類所取據一家書目此又別據一家書目鈔入也

東方朔占二卷

東方朔書二卷

東方朔書鈔二卷

東方朔曆一卷

東方朔占候水旱下人善惡一卷下人當爲卜人

東方朔有歲占一卷見前第五類遁甲諸書

中

漢書本傳朔之文辭凡劉向所錄朔書具是矣世所傳他事皆非也師古曰謂如東方朔別傳及俗用五行時日之書皆非實事也案顏氏此注即指此類所載者是也

又傳贊曰朔喜爲庸人誦說故今後世多傳聞者朔之談諧逢占射覆其事浮淺行于衆庶童兒牧豎莫不眩耀如淳曰逢占逢人所問而占之也師古曰此說非也逢占逆占事猶云逆刺也 范書方術傳序注前書毋固曰東方朔之逢占覆射音義云逢人所問而占之也此所引音義即如淳說章懷太子用舊義也

唐書經籍志東方朔占書一卷藝文志同

四庫術數類存目提要曰東方朔占書三卷

天一閣藏本原本前後無序跋所載皆測候風雲星月及太歲六十年豐凶占驗之法其

詞皆鄙俚不文案隋志有東方朔占二卷東方朔書二卷東方朔書鈔二卷東方朔占候

水旱卜人善惡一卷蓋古來雜占之書託于朔者甚多此又僞本中之僞本也案本志及通志略皆作下人善惡幾以爲僞本下人唯提要引作卜人

僞不可易卜人善惡即梁所謂五音六情之術嚴氏全漢文編曰隋志五行家有東方朔歲占一卷又有東方朔書等凡六種開元占經引見統稱東方朔占凡九條

梁有擇日書十卷亡

不著撰人

案史記曰者列傳褚先生言孝武時聚會占七家問取婦日知七家皆兼及擇日之術也故王充論衡譏日篇云時日之書衆多非一此殆梁代民間日用之書

梁有太歲所在占善惡書一卷亡

不著撰人 史記天官書凡候歲美惡謹候歲始而漢魏鮮集臘明正月且決八風其爲天下占候竟正月月所離列宿章昭曰離歷也日風雲占其國然必察太歲所在在金穰水毀木饑火旱此其大經也正義曰案月列宿日風雲有變占其國并太歲所在則知其歲豐稔水旱饑饉又貨殖列傳案臘曰五行不說土者土穰也

案此蓋亦占歲善惡者似較歲字或相傳魏解之占法

以上自師曠書至此凡七部附著梁有二部皆雜占吉凶災祥與前第九類相似爲

第十五類

雜忌曆二卷魏光祿勳高堂隆撰

高堂隆有魏臺雜訪議見史部刑法篇

案此蓋其爲太史令時所作論衡譏日詰術等篇屢言時俗禁忌之妄范書蔡邕傳邕上七事表曰近者以來更任太史忘禮敬之大任禁忌之書拘信小故以虧大典則其前已早有之矣

百忌大曆要鈔一卷

百忌曆術一卷

百忌通曆法一卷梁有雜百忌五卷亡

曆忌新書十二卷

並不著撰人

太史百忌曆圖一卷梁有太史百忌一卷亡

並不著撰人

案續漢百官志太史令一人六百石凡國祭祀喪娶之事掌奏良日及時節禁忌此卽時節禁忌之書也今時憲書載凶星諸忌一篇凡二十九條又載百忌日甲不開倉至癸不詞訟十條子不問卜至亥不嫁娶十二條皆節要紀載爲民間日用所須其初皆有專書此類是已

雜殺曆九卷

不著撰人

案此似言煞氣今欽定協紀辨方書載有劫煞災煞月煞謂之三煞避忌最多時憲書亦每月皆有三煞方位此其專書大抵亦言宜忌也兵家書中有兵殺曆一卷亦

不著撰人似即從此書鈔出者  
梁有秦災異一卷後漢中郎郝萌撰

郝萌有春秋災異詳見經部異說家

案此一卷似即從春秋災異十五卷中析出者

梁有後漢災異十五卷亡

不著撰人

案續漢五行志序故泰山太守應劭給事

中董巴散騎常侍譙周並撰建武以來災

異今合而論之是撰後漢災異者唯此三

家為最著又百官志云太史令凡國有瑞

應災異掌記之則亦太史之職掌此或魏

晉以來故府所留遺者觀七錄後文所載

略可尋案焉

梁有晉災異簿二卷宋災異簿四卷亡

並不著撰人

案此似亦晉宋兩朝故府所遺之簿籍

梁有雜凶妖一卷破書玄武書契各一卷

並不著撰人

案破書似即言歲破月破破日之類玄武

者今時憲書凶星詳注篇第一條載天刑

朱雀白虎天牢元武勾陳六神與吉神並

則吉與凶神並則凶蓋凶星之一也玄武

書契或專言玄武用事出游之類

以上自高堂隆雜忌曆至此凡七部附著

梁有九部皆禁忌及災祥之屬續漢百官

志云太史令奏時節禁忌凡國有瑞應災

異掌記之是皆太史官所有事此以災異

附禁忌諸書後蓋七錄舊第如此意或有

在是為第十六類 通志略以上三類之書彙次

為一曰陰陽陰陽所包者廣于本志章段節目未盡

分明故不從之也

二儀曆頭堪餘一卷

堪餘曆二卷

注曆堪餘一卷

地節堪餘二卷

堪餘曆注一卷

堪餘四卷 唐日本國見在書目黃帝金匱疏四卷陳氏撰疑

即是書漢志本稱堪輿金匱而堪輿又自來託之黃帝也

大小堪餘曆術一卷梁大小堪餘三卷案此一卷即

七錄之三卷故不注云亡

並不著撰人

史記日者列傳褚先生曰孝武帝時聚會占

家問之某日可取婦乎五行家曰可堪輿家

曰不可

漢書藝文志堪輿金匱十四卷師古曰許慎

云堪天道輿地道也

又揚雄傳注張晏曰堪輿天地總名孟康曰

堪輿神名造圖宅書者師古曰堪輿張說是

也 案圖宅書疑在漢志十四卷中論術諸術篇數引圖

宅術

論術讖日篇堪輿曆曆上諸神非一聖人不

言諸子不傳殆無其實天道難知假令有之

諸神用事之日也忌之何福不諱何禍 案堪

輿曆當亦在漢志十四卷中

風俗通佚文堪輿書云上朔會客必鬪爭案

劉君陽為南陽牧嘗上朔設饗饌了無闕者

周禮保章氏注九州諸國中之封域于星亦

有分焉其書亡矣堪輿雖有郡國所入度非

古數也賈公彥曰古黃帝時堪輿亡故其書

亡矣後代有作堪輿者非古數也案此則漢志

所載堪輿已非黃帝時古堪輿之書

唐書經籍志堪輿曆注二卷

唐書藝文志地節堪輿二卷堪輿曆注二卷

宋志有堪輿經一卷太史堪輿一卷不知是否即唐志之

遺

四庫提要術數家案語曰相宅相墓自稱堪

輿家考漢志有堪輿金匱十四卷列于五行

顏師古引許慎曰堪天道輿地道其文不甚

明而史記日者列傳有武帝聚會占家問某

日可娶婦否堪輿家言不可之文隋志則作

堪輿亦皆日辰之書則堪輿占家也

案此作堪輿似音聲之誤注曆堪輿亦似

堪輿曆注之誤此八種一十五卷其間或

亦有漢志十四卷所留遺者

又案唐日本書目無堪輿書唯有黃帝金

匱經十卷此所載前五部七卷梁有一部

三卷十卷之數略相符合疑即此類散見

之書

四序堪輿二卷殷紹撰

魏書術藝傳殷紹長樂人也少聰敏好陰陽

術數游學諸方達九章七曜世祖時為算生

博士給事東宮西曹太安四年夏上四序堪

輿表曰臣以姚氏之世行學伊川時遇遊遁



大儒成公與從求九章要術與字廣明自云

膠東人山居隱跡希在人間與時將臣南到陽翟九崖巖沙門釋曇影開與即北還臣獨留住依止影所求請九章影復將臣向長廣

東山見道人法穆法穆時共影為臣開述復以先師和公所注黃帝四序經文三十六卷合有三百二十四章專說天地陰陽之本其

第一孟序九卷八十一章說陰陽配合之原第二仲序九卷八十一章解四時氣王休殺

吉凶第三叔序九卷八十一章明日月辰宿交會相生為表裏第四季序九卷八十一章

具釋六甲刑禍福德以此等文傳授于臣山神禁嚴不得齋出尋究經年粗舉綱要以甲寅之年奉辭影等自爾至今四十五載臣前

在東宮以狀奏聞奉被景穆皇帝敕臣撰錄集其要最仰奉明旨謹審先所見四序經文抄撮要略當世所須吉凶舉動集成一卷上

至天子下及庶人又貴賤階級尊卑差別吉凶所用罔不畢備未及內呈先帝晏駕停廢

以來逕由八載每懼殞殞填仆溝壑先帝遺志不得宣行夙夜悲憤理難違匿依先撰錄奏謹以上聞請付中祕通儒達士定其得失

事若可施乞即班用其四序堪輿遂大行于世 案北魏文成帝太安四年當南朝宋武帝大明二年也

序堪輿經一卷

宋王應麟漢書藝文志考證唐呂才曰案堪輿經黃帝對天老始言五姓後魏殷紹以黃帝四序經文撮要為四序堪輿

梁堪輿天赦有書七卷雜堪輿四卷亡 案有字似當在梁下 並不著撰人

謹案時憲書吉星詳注篇天德歲德月德天德合歲德合月德合天赦天願注云百事宜用能解諸凶又載天赦上吉日云春

戊寅夏甲午秋戊申冬甲子天赦蓋吉神中之一堪輿家之天赦其書乃多至七卷云

八會堪輿一卷 不著撰人 周禮占夢注必以日月星辰占夢者其術則今八會其遺象也賈公彥曰案堪輿大會有

八也小會亦有八 欽定協紀辨方書義例篇有曰漢時已有堪輿八會見于經史今曆家大會八即其傳也

又有小會八又有行狼了戾孤陰單陽等名要之皆為不吉之日又考原曰大會者陽會

于陰也小會者陰會于陽也 唐六典太卜令篇凡曆注之用六一曰大會二曰小會三曰雜會四曰歲會五曰除建六

曰人神 錢氏隋書考異曰經籍志八會堪輿一卷案周禮疏引堪輿大會有八小會有八即此書

也與餘音同

案此似即前大小堪輿之異名又似前載梁大小堪輿三卷之佚存 雜要堪輿一卷 不著撰人

案此不知何人抄撮成編亦似前載梁有三部皆堪輿之屬為第十七類 以上自二儀曆頭堪輿至此凡十部附梁

元辰五羅算一卷 不著撰人 案晁氏讀書志云秤星經以日月五星羅

瞻計都紫炁月季十一曜演十二宮宿度以推人之貴賤壽夭休咎是羅曜為十一曜之一此五羅或即羅曜亦五星之異名

歟 孝經元辰四卷梁有五行元辰厄會十三卷孝經元辰會九卷孝經元辰決一卷亡

並不著撰人 案前第八類元辰諸書中有孝經元辰決九卷孝經元辰二卷推元辰厄會一卷大抵皆此所載之別本此猶在其前所行者

元辰曆一卷 不著撰人 案唐藝文志有元辰一卷似即此元辰曆

斂曆字 唐志所載元辰書皆見于本志前後二類 唯此元辰一卷本志不見遂條勘驗知是此書

雜元辰祿命二卷

不著撰人

唐書藝文志雜元辰祿命二卷

四庫術數類星命溯源提要曰王充論衡稱天施氣而衆星布精天所施氣而衆星之氣在其中矣人稟氣而生含氣而長得貴則貴得賤則賤貴或秩有高下富或賤有少皆星位尊卑大小之所授也是漢末已以星位言祿命又案語曰人生時值星貴賤見王充論衡隋志有雜元辰祿命等書則其來已久矣

澠河祿命三卷

不著撰人

唐六典太卜令篇曰凡祿命之義六一曰祿二曰命三曰驛馬四曰納音五曰澠河六曰月之宿也

唐書藝文志澠河祿命二卷

宋沈括夢溪筆談曰唐六典述五行有祿命驛馬澠河之目人多不曉澠河之義案字書澠亦作湮案古文湮深泥也術書有澠河者蓋謂陷運如今之空亡也  
梁有五行祿命厄會十卷亡  
不著撰人

以上自元辰五雜算至此凡五部附梁有四部與前第八類相同猶重出遁甲之類也是爲重出元辰祿命第十八類 唐藝文

志有王璞祿命書二卷本志不見

乾坤氣法一卷許辯撰

許辯始末未詳通志略列之是類之末似隋唐間人

全氏讀易別錄曰許辯乾坤氣法一卷隋志入五行家又入兵家案兵家載是書不著撰人  
易通統卦驗玄圖一卷  
不著撰人

顏氏家訓書證篇案易統通卦驗玄圖曰苦榮生于寒秋更冬歷春得夏乃成又曰莠挺不出則國多火災案月令孟夏之月苦榮秀仲冬之月莠挺出

經義考曰易統卦驗玄圖隋志一卷佚又惑緯篇曰案通卦驗大都占候之辭其占雲則杜氏編珠引之占風占日晷則太平御覽引之又顏氏家訓陸氏釋文皆引其文

案此或即易緯統卦驗之別本此題易通統卦驗又似後人通其書中之玄圖通統二字相同范書方術樊英傳注作通卦驗宋志有易玄圖一卷或即是書

易通統圖二卷

不著撰人

經義考曰易通統圖隋志二卷佚又惑緯篇曰易通統圖太平御覽引其文曰春行東方青道曰東陸夏行南方赤道曰南陸秋行西方白道曰西陸冬行北方黑道曰北陸

易新圖序一卷

不著撰人

唐書藝文志周易雜圖序一卷 此作雜圖未詳孰是

案經部易類引七錄有周易新圖一卷亦不著名氏全氏讀易別錄謂此即新圖之

序唐日本書日有新圖義緯一卷疑即是書  
易通統圖一卷  
不著撰人

經義考曰易通統圖隋志又一卷佚

案經部易家梁有周易大衍通統一卷顏氏撰列在圖譜一類中似即此書顏氏有周易立成占周易孔子通覆決並見前第十三類殆即其人也

又案玉海陰陽五行類引乾象新書注云京房又有易備易坤靈圖通卦驗通統則此類所載通卦驗及通統圖或亦出于京氏

又案唐日本國書目五行家有識書孔子識紀新圖識緯雜書識緯鈔四部各一卷似亦此類之書

易八卦命錄斗內圖一卷郭璞撰

易斗圖一卷郭璞撰

郭璞有周易新林洞林又有郭氏易立成林易髓易腦經並見前

經義考郭氏璞易八卦命錄斗內圖隋志五行家一卷佚易斗圖隋志一卷佚

案段成式酉陽雜俎言梁元帝易連山每卦引斗圖蕭吉五行大義又引黃帝斗圖不知是否即此斗圖也

易八卦斗內圖二卷

八卦斗內圖二卷

並不著撰人

唐書藝文志周易八卦斗內圖一卷又三卷

經義考易八卦斗內圖隋志二卷又二卷佚

梁有周易八卦五行圖周易斗中八卦絕命圖

周易斗中八卦推游年圖各一卷亡

並不著撰人

經義考周易八卦五行圖七錄一卷佚周易

斗中八卦絕命圖七錄一卷佚周易斗中八

卦推游年圖七錄一卷佚

周易分野星圖一卷

不著撰人

經義考周易分野星圖隋志一卷佚

案晉書天文志上言費直說周易以十二

次配十二野引費直周易分野十二條又

載京房言州郡躔次此或本二家易傳以

爲之圖

以上自乾坤氣法至此凡十部附梁有三

部通志略名之曰易圖是爲第十九類此

類似皆本之于圖識前五家顯而易見者

也

舉百事略一卷

不著撰人

唐書藝文志舉百事要略一卷

通志藝文略五行陰陽家舉百事要略一卷

案前載百忌曆諸書蓋言百事之所忌此

則舉百事之所宜也欽定協紀辨方書用

事篇載修造動土豎柱上梁入學會親友

諸事宜時憲書則每日分載之又載吉星

所宜二十九條皆所以便日用也此其專

書也

五姓歲月禁忌一卷

不著撰人

王氏漢志考證曰左傳史龜曰是謂沈陽可

以興兵利以伐姜不利于商姓之有五音蓋

已見于此

新唐書呂才傳近世乃有五姓謂宮也商也

角也徵也羽也以爲天下萬物悉配屬之以

處吉凶然言皆不類如張王爲商武庚爲羽

是以音相諧附至柳爲宮趙爲角則又不然

其間一姓而兩屬復姓數字不得所歸是直

野人巫師之說爾案堪輿經黃帝對天老始

言五姓且黃帝時獨姬姜數姓耳後世賜族

者浸多因官命氏因邑賜族本同末異巨爲

配宮商哉春秋以陳衛秦爲水姓齊鄭宋爲

火姓或所出之祖所分之星所居之地以著

由來非宮商角徵羽相管攝也

案五星歲月禁忌大抵謂五姓之家于歲

建月建各有禁忌論衡詰術篇所謂五音

之家是也漢志五行家有五音定名十五

卷此或其中之一事歟呂才謂其配姓不

倫其所造陰陽書不取其說此其所敘卜

宅篇之文也

又案今時憲書每年載五姓修宅五條云

宮姓屬土商姓屬金角姓屬木徵姓屬火

羽姓屬水有小通大通氣絕鬼賊害財等

名目每年分注于五姓之下下載宜某某

月不宜某某月似卽此書之節要此書或

舉百事要一卷

不著撰人

案唐藝文志唯有舉百事要略一卷知百

事要百事略實爲一書此似前百事略之

重出以所見書目一本無要字一本無略

字遂以爲兩書而各列其目其不與前百

事略相類從則所據非一家書目可知及

刪除後遂與百事略相去一部亦從可知

以上三書列之此前後俱不類若移列于

前雜殺曆之後則倫貫矣今又別出爲第

二十類

嫁娶經四卷

陰陽婚嫁書四卷

雜陰陽婚嫁書三卷

婚嫁書二卷

婚嫁黃籍科一卷

六合婚嫁曆一卷梁六合婚嫁書及圖各一卷

嫁娶迎書四卷

雜婚嫁書六卷

嫁娶陰陽圖二卷

陰陽嫁娶圖二卷

雜嫁娶房內圖術四卷

九天嫁娶圖一卷

並不著撰人

唐六典太卜令注凡陰陽雜占吉凶悔吝其

類有九決萬民之猶豫一曰嫁娶

唐書經籍志婚嫁書二卷藝文志同案唐志唯

載此一部

案史記日者列傳褚先生言孝武時聚五行家堪輿家建除家叢辰家曆家人家

蓋天文家之誤太乙家凡七家問取婦日各

言吉凶辯訟不決以狀聞制曰避諸死忌

以五行爲主以人稟五行而生也案此七

家之書皆見于漢志數術略中惟建除家不

見蓋卽韓位十二神二十五卷也然無婚嫁書

蓋婚嫁在術家特其一端耳漢時不以爲

專書大抵皆散見于七家諸書中也隋志

藝術劉祐傳祐撰婚姻志三卷宋史藝文

志載陳襄校定京房婚書三卷此類中或

有京房劉祐兩家之書在其間焉

謹案欽定協紀辨方書用事篇有言婚娶

宜忌云婚娶宜天德月德天德合月德合

天赦天願三合天喜六合不將忌月破平

日收日閉日劫煞災煞月煞月刑月害月

厭厭對大時天吏四廢四忌四窮五墓往

亡八專亥日又卷首奏議載男女合婚嫁

費用大利月及周堂日名日皆術士不經

妄說而今時憲書亦每逢良日各載宜結

婚姻嫁娶卷末亦載嫁娶周堂圖或其後

又議准通行歟是皆此類婚嫁書之大略

也

又蕭吉五行大義論支干雜篇曰五行書

云甲以女弟乙嫁庚爲妻故乙中有雜金

丙以女弟丁嫁壬爲妻故丁中有雜水戊

以女弟己嫁甲爲妻故己中有雜木庚以

女弟辛嫁丙爲妻故辛中有雜火壬以女

弟癸嫁戊爲妻故癸中有雜土甲丙戊庚

壬爲男剛強故自有德不雜乙丁己辛癸

爲女柔弱不自專從夫故有雜云云是五

行家亦以嫁娶爲推測比喻之辭此類或

亦有其說歟莫得而詳已

以上十二部附梁有一部通志略亦彙次

弟癸嫁戊爲妻故癸中有雜土甲丙戊庚

壬爲男剛強故自有德不雜乙丁己辛癸

爲女柔弱不自專從夫故有雜云云是五

行家亦以嫁娶爲推測比喻之辭此類或

亦有其說歟莫得而詳已

以上十二部附梁有一部通志略亦彙次

爲一門曰婚嫁是爲第二十一類

六甲貫胎書一卷

不著撰人

產乳書二卷

不著撰人

錢氏隋書考異曰經籍志產乳書二卷不著

撰人藝術傳劉祐著產乳志二卷疑卽此

案劉祐有金韜陰策並見前兵家祐所撰

又有觀臺飛候六卷玄象要記五卷律曆

術文一卷婚姻志三卷式經四卷四時立

成法一卷安曆志十二卷歸正易十卷隋

書云並行于世而本志多不見也

產經一卷

不著撰人

推產婦何時產法一卷王琛撰

王琛有九宮行碁立成太乙飛鳥曆黃帝九

宮遁甲六情決遁甲開山圖五書並見前

唐書經籍志推產婦何時產法一卷王琛撰

唐書藝文志王琛風角六情訣一卷又推產

婦何時產法一卷

推產法一卷

雜產書六卷

生產符儀一卷

產圖二卷

雜產圖四卷

並不著撰人

唐六典太卜注凡陰陽雜占吉凶悔吝其

類有九一曰嫁娶二曰生產

案北史藝術許遵傳遵在北齊文宣末死

子暉亦學術數遵謂曰汝聰明不及我不

勞多學唯授以婦人產法豫言男女及產

日無不中武成時以此數獲賞焉許暉與

劉祐同時祐亦撰產乳志是當北齊周隋

時產乳一術盛行于世此類之書大抵多

起于其時

以上九部通志略亦類次爲一門曰產乳

是爲第二十二類 唐志于王琛書外唯有崔知

悌產圖一卷知悌唐初人此所載產圖二卷雜產圖

四卷內或有其書

拜官書三卷

臨官冠帶書一卷

並不著撰人

仙人務子傳神通黃帝登壇經一卷

仙人務子不知何人

案仙人務子傳神通七字似術家之淺妄

者所加務子疑是務成子漢志小說家有

務成子十一篇五行家又有務成子災異

應十四卷此一卷或猶是漢志殘闕之餘

因而加以此名歟

壇經一卷四等撰

雜產書六卷

推產法一卷

婦何時產法一卷

唐書藝文志王琛風角六情訣一卷又推產

婦何時產法一卷

四等不知何人

登壇經三卷

五姓登壇經一卷

登壇文一卷

並不著撰人

唐書經籍志登壇經一卷藝文志同

唐六典太卜令注曰凡陰陽雜占其類有九

一曰嫁娶二曰生產三曰曆注四曰屋宅五

曰祿命六曰拜官

梁有二公地基一卷雜地基立成五卷八神圖

二卷十二屬神圖一卷亡

並不著撰人

唐張彥遠歷代名畫記曰古來祕畫珍圖有

十二屬神圖

謹案欽定協紀辨方書義例篇有建除十

二神考原曰十二神者除危定執成開爲

吉建破平收滿閉爲凶又五行大義載九

宮十二神各有主名術家又有太歲十二

神博士十二神六壬所使十二神漢志五

行家有轉位十二神二十五卷其詳不可

得而聞矣二公八神並未詳疑是人神

又案是類之書其事有見于傳記者史記

淮陰侯列傳蕭何曰王必欲拜信爲大將

擇良日齋戒設壇場具禮乃可耳漢書王

莽傳莽下書曰以戊辰直定御王冠卽真

天子位師古曰于建除之次其日當定晉

書藝術戴洋傳元帝將登阼使洋擇日洋

以爲宜用三月二十四日景午太史令陳

卓奏用二十二日隋書藝術庾季才傳大

定元年正月季才上言人君正位宜用二

月其月十三日甲子昔周武王以二月甲

子定天下享年八百漢高帝以二月甲午

卽帝位享年四百故知甲子甲午爲得天

數今月甲子宜應受命上從之是皆斯類

事體之最大者陳氏書錄曰彈冠必用一

卷專爲宦游擇日蓋卽其類欽定協紀辨

方書用事篇載上冊受封宜忌上表章宜

忌襲爵受封宜忌冠帶宜忌上官赴任宜

忌臨政親民宜忌今散見于時憲書中者

亦其類也

沐浴書一卷

不著撰人

案論衡譏日篇引沐書曰日沐令人愛

之卯日沐令人白頭夫人之所愛憎在容

貌之好醜頭髮白黑在年歲之稚老且沐

者去首垢也洗去足垢盥去手垢浴去身

垢皆去一形之垢其實等也洗盥浴不擇

日而沐獨有日爲沐立日曆者不可用也

是王充所見但有沐書無浴書此或後人

所增演南史梁簡文帝本紀有沐浴經三

卷此一卷或卽其書之佚存者欽定協紀

辨方書用事篇載沐浴宜忌曰宜除日解

神除神亥子日忌伏社日亦是書之一事

時憲書亦載洗頭日一條又每日分載宜

沐浴剃頭蓋亦本之于是書而剃頭亦沐

浴之一事王充論衡曰浴亦治面

梁有裁衣書一卷亡

不著撰人

案論衡譏日篇又曰裁衣有書書有吉凶

凶日製衣則有禍吉日則有福是漢時已

有之矣漢志雜占家有武禁相衣器十四

卷此或其中之一事歟欽定協紀辨方書

用事篇載裁製宜忌注云與裁衣同宜天

德月德天德合月德合天赦天願月恩四

相時德王日三合滿日開日復日忌月破

平日收日劫煞災煞月煞月刑月厭四廢

時憲書中亦每日載沐浴剃頭裁衣之宜

皆是書之大略歟

以上九部附梁有四部通志略目之曰登

壇而沐浴裁衣兩書不之及今考前後次

序此兩書當屬此類之末是爲第二十三

類

占夢書三卷京房撰

京房有風角要占等書凡三十餘種詳見前

第十三類周易逆刺占條下

案漢志雜占家敘曰衆占非一而夢爲大

故周有其官而詩載熊羆虺蛇衆魚旒旗

之夢著明大人之占以考吉凶蓋參卜筮

言亦參之卜筮以爲之占也漢志雜占一

門以占夢爲之首云

占夢書一卷崔元撰

崔元始末未詳

竭伽仙人占夢書一卷

婆羅竭伽仙人有天文說三十卷詳見前天

文家

占夢書一卷周宣等撰

魏志本傳宣字孔和樂安人爲郡吏太守楊沛東平劉楨數使占夢文帝亦數問之以爲中郎屬太史宣之敍夢十中八九世以比朱建平之相明帝末年卒案朱建平相書本志七錄皆不見

唐書經籍志占夢書三卷周宣撰

唐書藝文志周宣占夢書三卷又二卷

案本傳載宣爲楊沛劉楨占各一事爲文帝占三事爲或人占同夢芻狗三事末云宣之敍夢凡此類其餘效不次列則其次列者皆本之此書太平御覽九百二十四引周宣夢書占鸚鵡一事亦傳所不次列也此一卷題周宣等則附有他家之術與唐本不同

新撰占夢書十七卷并目錄

不著撰人

案此疑是隋煬帝所敕撰者此以上五種從一家書目鈔入以下又從別一家書目鈔入

夢書十卷

解夢書二卷

並不著撰人

海中仙人占體魄及雜吉凶書三卷

案字書引黃帝素問曰肉潤瘰注云動掣也案俗言肉跳者是也類篇云或作瞞與瞞瞬眈眈並同

海中仙人占吉凶要略二卷

案前第九類載海中仙人占災祥書三卷第十五類又重出一部此與前雜吉凶書三卷疑卽一書之別本稍異者

雜占夢書一卷

不著撰人

案此類載占夢書凡八部宋洪邁容齋續筆曰漢藝文志雜占十八家以黃帝長柳占夢十一卷甘德長柳占夢二十卷爲之首魏晉方伎猶或有之今人不復留意此卜雖市井妄術所在方伎亦無一箇以占夢自名者其學殆絕矣孫氏祠堂書目夢書一卷洪頤煊集本

梁有師曠占五卷亡

師曠有書三卷見前

案前第十五類載師曠書三卷卽此五卷之殘帙此所云亡實未盡亡也蓋既據見存書目著錄于前復從七錄鈔附于此耳

梁有東方朔占七卷亡

東方朔有歲占等書凡六種並見前

案日本國見在書目有東方朔書十一卷似并此及前所載爲一帙梁隋唐傳本各不同外藩傳本又不同也

梁有黃帝太一雜占十卷亡

案太一家書見前第四類此七錄載之雜占家不與前同類也

梁有和菟鳥鳴書王喬解鳥語經各一卷亡和菟始末詳王喬有鳥情占一卷見前

案鳥情一術七錄載之雜占家而本志所據見存書目有附入風角類者有自爲一類者本志各依其類合而次之删除之後不復修治故鳥情之書一篇之中凡三見焉此王喬解鳥語經卽前第七類所載王喬鳥情占一卷亦亡而不亡也

梁有唵書耳鳴書目瞶書各一卷亡

並不著撰人

案漢志雜占家有唵耳鳴雜占十六卷體瞶目瞶之類殆亦在其中此猶漢時流傳者歟桂氏說文義證曰一切經音義引說文云瞶目搖動也西京雜記夫目瞶得酒食故目瞶則視之蔡邕廣連珠臣聞目瞶耳鳴近夫小戒馥案北俗謂之眼跳占小吉凶宗案流俗所行有所謂許真君玉匣記者亦載鼻唵耳鳴目跳諸占并繪以圖是傳久而後失之者

以上自占夢書至此凡十部附著梁有八部皆雜占家之不名一格者是爲第二十四類

董仲舒舒請禱圖三卷亡

董仲舒有春秋繁露見經部春秋公羊家案漢志雜占家有請雨止雨二十六卷不著撰人漢書董仲舒傳言仲舒推陰陽所以錯行故求雨閉諸陽縱諸陰其止雨反是未嘗不得所欲是請雨止雨二十六卷中容或有董氏之書此三卷或猶是漢代留遺者續漢百官志注漢官儀曰太史待

詔三十七人嘉法請兩解事各二人則亦太史官之職事也

竈經十四卷梁簡文帝撰

梁簡文帝有光明符見前第十一類

南史梁簡文帝本紀所著光明符十二卷竈經二卷

案梁書本紀不載是書唯南史云二卷此作十四卷卷數懸殊或後人附益者多非其本書

梁又祀竈書一卷亡

不著撰人

唐書經籍志祀竈經一卷藝文志同

史記封禪書李少君以祠竈穀道卻老方見上上尊之少君言上曰祠竈則致物致物而丹砂可化爲黃金黃金成以爲飲食器則益壽益壽而海中蓬萊僊者乃可見見之以封禪則不死黃帝是也于是天子始親祠竈居久之少君死天子以爲化去不死而使黃鍾史寬舒受其方

漢書郊祀志注如淳曰祠竈可以致福李奇曰穀道辟穀不食之道也師古曰致物謂鬼物孟康曰黃鍾史寬舒二人皆方士也

案史漢所載則祠竈乃神仙家之一術始于李少君後爲其術者有黃史二人此不知卽其書否也范書陰識傳末載宣帝時

陰子方黃羊祀竈事則又在黃史之後矣梁又有六甲祀書二卷亡

不著撰人

以上自董仲舒請禱圖至此凡一部附梁有三部漢志雜占家有請禱致福十九卷此皆其類又有禳祀天文十八卷亦近似之是爲第二十五類

梁又有太玄禁經一卷亡

不著撰人

案後漢書方術傳徐登者閩中人也本女子化爲丈夫善爲巫術又趙炳字公阿東陽人能爲越方登禁溪水水爲不流炳禁枯樹樹卽生夷二人相視而笑共行其道焉元和惠棟後漢書補注孫汝澄曰越方卽封禪書所謂越巫越祝者也此太玄禁經蓋其類焉

又抱朴子至理篇曰吳越有禁咒之法甚有明驗多炁耳又釋滯篇云行炁有數法或可以治百病或可以入瘧疫或可以禁蛇虎或可以止瘡血或可以居水中或可以行水上或可以辟飢渴或可以延年命其大要者胎息而已又遐覽篇載諸道書中有斷虎狼禁山林記一卷唐日本書目有三五神禁治一切病存法一卷三五禁法十卷三五神禁一卷三五大禁咒禁法一卷皆此類之書

梁又有白獸七變經一卷亡

不著撰人

抱朴子遐覽篇曰其變化之術大者又有白虎七變法取三月三日所殺白虎頭皮生鬚血虎血紫綬履組流萍以三月三日合種之

初生草似胡麻有實卽取此實種之一生輒一異凡七種之則用其實合之亦可以移形易兒飛沈在意與墨子及玉女隱微略同又曰道書中有白虎七變經一卷又有玉女隱微一卷亦言變化之術云

案此作白獸者唐人諱虎故改焉

梁又有墨子枕中五行要記一卷亡

抱朴子遐覽篇曰其變化之術大者唯有墨子五行記本有五卷昔劉安未仙去時鈔取其要以爲一卷其法用藥用符

案此稱劉安者謂淮南王也據所言則此

一卷爲淮南王所鈔節神仙家不經之談

不可究詰原本五卷亦見後

梁又有淮南萬畢經一卷亡

史記龜策傳褚先生曰臣爲郎時見萬畢石朱方索隱曰案萬畢術中有石朱方葛洪神仙傳曰漢淮南王篤好儒學兼占候方術作內書二十二篇又中篇八章言神仙黃白之事名爲鴻寶萬畢三章論變化之道凡十萬言

王子年拾遺記蕭綺附錄曰淮南子云含雷吐火之術出于萬畢之家方彘羽于洪鍾炎烟火于冰水漏海螺船之屬飛珠沈霞之類千途萬品書籍之所未詳自神化以來神奇莫與爲例豈末代浮誣所能窺仰天齡修短之所效哉

唐書經籍志淮南王萬畢術一卷劉安撰唐書藝文志淮南王萬畢術一卷

高郵荊泮林輯本序曰漢書藝文志有淮南內篇外篇而不言中篇意神仙之術說多隱秘故當時未著萬舉之名惟隋唐志有淮南萬舉經萬舉術各一卷今其書久佚散見于初學記藝文類聚太平御覽者其說詭異撮而錄之以竊擬中篇之遺蹟云

孫氏祠堂書曰淮南萬舉經一卷孫馮翼集本

張氏書目答問淮南萬舉術一卷孫馮翼輯問經堂本又荊輯十種本

案抱朴子遐覽篇云道書中有萬舉高邱先生法三卷則其書有數家之說非一人之言又云諸符中有萬舉符一卷案萬舉

當是人姓名神仙家以為八公之流歟

梁又有淮南變化術一卷亡

案抱朴子遐覽篇有八公黃白經一卷又有鴻寶經一卷疑即是書

梁又有陶朱變化術一卷亡

陶朱即陶朱公范蠡自號也有玉笥式見前第十一類

案范蠡事蹟史記越世家貨殖列傳載之甚明而神仙家又以為仙去有變化術所未喻也

梁又有三五步剛三十卷亡

不著撰人  
謹案康熙字典罡天罡星名參同契注云天罡即北斗也又引白玉蟾太霄琅書序云作為符圖印訣罡咒之文蓋罡字

始見于參同契道家皆據以為說此云步剛即步罡亦即步斗亦即禹步通志略有太上三五禁氣步罡法一卷抱朴子遐覽篇有步三罡六紀經一卷又有六陰行廚龍胎石室三金五木防終符合五百卷皆是類之書

梁又有五行變化墨子五卷亡

抱朴子遐覽篇曰其變化之大者唯有墨子五行記其法用藥用符乃能令人飛行上下

隱淪無方含笑即為婦人蹙面即為老翁踞地即為小兒執杖即成林木種物即生瓜果

可食畫地為河撮壤為山坐致行廚興雲起火無所不有也又曰道書中有墨子枕中五行記五卷又曰余師鄭君弟子五十餘人唯

余見受金丹之經及三皇內文枕中五行記

梁又有淮南中經四卷亡

漢書本傳淮南王安招致賓客方術之士數千人作為內書二十一篇外書甚衆又有中篇八卷言神仙黃白之術亦二十餘萬言安

入朝每宴見談說方技

又劉向傳是時宣帝循武帝故事復興神仙方術之事而淮南有枕中鴻寶苑祕書言

神僊使鬼物為金之術世人莫見更生父德武帝時治淮南獄得其書更生幼而讀誦以為奇獻之言黃金可成上令典尚方鑄作事

費甚多方不驗上乃下更生吏師古曰鴻寶苑祕書並道術篇名藏在枕中言常存錄之不漏泄也

又郊祀志大夫劉更生獻淮南枕中洪寶苑祕之方令尚方鑄作事不驗更生坐論師古曰洪大也苑祕者言祕術之苑圃也

抱朴子論仙篇曰夫作金皆在神仙集中淮南王鈔出以作鴻寶枕中書又神仙傳淮南

王作中篇八章言神仙黃白之事名為鴻寶萬舉三章論變化之道凡十萬言

案淮南中篇宣帝時劉更生獻上其後典校經傳唯著淮南內外五十四篇于七略

雜家而中篇不見疑并在淮南外三十三篇中或并入方伎神仙家秦壹雜子黃治

三十一卷中

梁又有六甲隱形圖五卷亡

不著撰人

抱朴子黃白篇曰夫變化之術何所不為蓋人身本見而有隱之法鬼神本隱而有見

之方能為之者往往多焉又雜應篇曰或問魏武帝曾收左元放而桎梏之而得自然

解脫以何法乎抱朴子曰左君變化無方自用六甲變化其真形不可得執也又對俗篇

曰仙經曰服丹守一與天相畢地真篇曰人能守一一亦守人所以白刃無所措其銳百

害無所容其凶若為兵寇所圍無復生地急入六甲陰中伏而守一則五兵不能犯之也張彥遠歷代名畫記曰古之祕畫珍圖有六甲隱形圖

案前第十類遁甲諸書中梁有六甲隱圖并遁甲圖二卷似即是書之別本



梁有太史公素王妙議二卷 譚當爲論

宋王應麟漢志考證素王妙論藝文志不著錄七略云司馬遷撰史記正義云二卷今僅見于太平御覽越世家注隋志梁有太史公素王妙議二卷

又困學紀聞雜識篇太史公素王妙論曰諸稱富者非貴其身得志也乃貴恩覆子孫澤及鄉里也黃帝設五法布之天下用之無窮蓋世有能知者莫不尊親如范子可謂曉之矣管子設輕重九府行伊尹之術則桓公以霸范蠡行十術之計二十一年之間三致千萬再散與貧原注史記正義七略云司馬遷撰利者夫子所罕言又曰如不可求從吾所好太史著論以素王名而言求富之術豈以家貧無財賂有激而云如貨殖傳之意歟然何足以爲妙論何氏焯箋注云妙論意者猶云戲論也閻氏若璩云王氏所引素王妙論見太平御覽案王氏漢志考證及此所稱史記正義引七略皆七錄之誤云司馬遷撰者即此條七錄之文又凡正義他所引七略亦皆七錄之誤詳見前法家管子條下

嚴氏全漢文編曰司馬遷素王妙論見太平御覽四百四又四百七十二引凡二條

馬氏玉函山房輯本序曰隋志梁有太史公素王妙議二卷亡今從王充論衡采得太史公一節從御覽得素王妙論三節合錄爲卷書題素王蓋以孔子爲嚮往而推詳貧富有取于計然范蠡諸人則亦發憤著書與貨殖列傳同一微意隋志入五行必有故惜不得

全書以徵之也案七錄序目此書列術伎錄雜占部本志并入五行王氏漢志考證補入諸子略道家

案史記貨殖傳序有云耳目欲極聲色之好口欲窮芻豢之味身安逸樂而心誇矜勢能之榮使俗之漸民久矣雖戶說以眇論終不能化是太史公以前已有妙論又越世家載范蠡事集解引太史公曰素王妙論曰蠡南陽人則太史公引素王妙論甚明而妙論載范蠡事又甚曉然也般本紀云伊尹從湯言素王及九主之事索隱曰太素上皇其道質素故稱素王素王之義本如此以孔子爲素王七十子爲素臣乃讖緯家之言史公之時或尙未有此說考漢志道家首載伊尹五十一篇疑素王妙論出伊尹書即伊尹言素王之事後人推論其說故又有計然范蠡之事而史公引之也王氏考證補入道家或以此又論衛命祿篇引太史公曰夫富貴不欲爲貧賤貧賤自至貧賤不求爲富貴則富貴自得也春夏因死秋冬旺相非能爲之也自朝出而暮入非求之也天道自然案囚死旺相爲術數家言或其書大旨亦近似術數此七錄本志所以入之此類歟大抵此書因史公論述以傳非盡出于史公也審矣以上自太玄禁經至此凡十一部七錄皆入之術技錄雜占部考唐日本國書目五行家其分目有咒禁符印仙術三門此類實近似之唯素王妙論爲不類疑本志鈔

錄有移易前後之誤是爲第二十六類

瑞應圖二卷 瑞圖贊二卷

並不著撰人

西京雜記樊將軍噲問陸賈曰自古人君皆云受命于天云有瑞應豈有是乎賈應之曰有之瑞者寶也信也天以寶爲信應人之德故曰瑞應無天命無寶信不可以力取也

案古來爲瑞應圖者不止一家玉海祥瑞篇引中興書目云初世傳瑞應圖一篇云周公所制此瑞應圖之最古者漢書藝文志易家神輪五篇圖一七略別錄云神輪者王道失則災害生得則四海輸之祥瑞蓋亦瑞應圖之類晉崔豹古今注雜注篇孫亮作琉璃屏風鏤作瑞應圖凡一百二十種此又一瑞應圖不知何本疑即孫亮之圖見後梁庾元威論書云宋中庶宗炳造畫瑞應圖千古卓絕王元長頗加增定乃有虞舜獬廌周穆狡狴漢武神鳳衛君舞鶴五城九井螺杯魚硯金膝玉英玄圭朱草等凡二百一十物余經取其善草嘉禾靈禽瑞獸樓臺器服可爲翫對者盈縮其形狀參詳其動植制一部焉是宋齊時宗炳王融庾元威又各有一瑞應圖 南齊書詳瑞志序言宋明中庾溫撰瑞應圖疑即庾元威之圖 張彥遠歷代名畫記敘古來祕畫珍圖有古瑞應圖二卷卷數與此相同不知即此瑞應圖否也瑞圖贊亦不知何人撰

梁有孫柔之瑞應圖記孫氏瑞應圖贊各三卷

孫柔之始末未詳

唐書經籍志雜家瑞應圖記二卷孫柔之撰

瑞應圖贊三卷熊理撰

唐書藝文志雜家孫柔之瑞應圖記三卷熊

理瑞應圖贊三卷

玉海祥瑞篇中與書目曰初世傳瑞應一篇

云周公所制魏晉間孫氏熊氏合之為三篇

又曰瑞應圖十卷載天地瑞應諸物以類分

門或題王昌齡又云孫柔之

馬氏玉函山房輯本序曰案崔豹古今注孫

亮作琉璃屏風鏤作瑞應圖凡百二十種孫

柔之不詳何人或孫亮之族歟隋志五行家

梁有孫柔之瑞應圖記孫氏瑞應圖贊各三

卷今佚從諸書所引輯錄凡一百二十一條

較舊多其一種意神鼎寶鼎引者殊題當同

一瑞器也諸引不言記故止題瑞應圖而圖

實散亡不可見矣開元占經引有注語未知

誰作觀其亟引宋事又述及沈約宋書則知

梁陳儒者所為矣案占經所引注文據中興書目似

即顧野王之書詳後

祥瑞圖十一卷

不著撰人

張氏歷代名畫記曰古來祕畫珍圖有祥瑞

圖十卷起天有黃道失撰者又符瑞圖十卷

起日月揚廷光并集孫氏熊氏圖宋書符瑞志

日月揚光日者人君象也人君不假臣下之權則日月揚

光明

唐書經籍志雜家祥瑞圖十卷符瑞圖十卷

顧野王撰

唐書藝文志雜家顧野王符瑞圖十卷又祥

瑞圖十卷

玉海祥瑞篇中與書目曰野王以孫氏熊氏

所載叢舛去其重複益采圖緯起三代止梁

大同中凡四百八十二目時有援據以為注

釋

案此十一卷據諸家記載似出顧氏為多

疑相傳有兩本其一稱符瑞一稱祥瑞歟

祥瑞圖八卷侯寬撰

侯寬始末未詳

唐書藝文志雜家侯寬祥瑞圖八卷

案南史侯安都傳安都始與曲江人為郡

著姓陳武帝時以功累封桂陽郡公

仕至征南大將軍江州刺史以罪賜死太

建三年宣帝追封安都陳集縣侯子寬為

嗣不知即此侯寬否也

又案瑞應圖祥瑞圖之類七錄入雜伎錄

之雜占部本志所據見存書目亦有列之

史部雜傳家者故雜傳類末亦有嘉瑞記

祥瑞記符瑞記三種

芝英圖一卷

不著撰人

宋書符瑞志芝英者王者親近者老養有道

則生漢章帝元和中芝英生郡國

祥異圖十一卷

災異圖一卷

並不著撰人

地動圖一卷

不著撰人

錢氏隋書考異曰經籍志子部地動圖一卷

不著撰人藝術傳臨孝恭著地動銅儀經一

卷

案後漢張衡始作候風地動銅儀詳見范

書順帝陽嘉元年本紀及本傳後大抵毀

于董卓之亂臨孝恭蓋始師其遺法而為

之者孝恭有風角鳥情見前第二類

張掖郡玄石圖一卷高堂隆撰

高堂隆有雜忌曆見前第十六類

魏志明紀青龍三年注魏氏春秋曰是歲張

掖郡刪丹縣金山玄川溢涌寶石負圖狀象

靈龜廣一丈六尺長一丈七尺一寸圍五丈

八寸立于川西有石馬七其一仙人騎之其

一羈絆其五有形而不善成有玉匣關蓋于

前上有玉字玉珎二璜一麒麟在東鳳鳥在

南白虎在西犧牛在北馬自中布列四面色

皆蒼白其南有五字曰上三天王又曰述

大金大討曹金但取之金立中大金馬一匹

在中大告開壽此馬甲寅述水凡中字六金

字十又有若八卦及列宿字彗之象焉世語

曰又有一雞象

又管寧附張瑄傳青龍四年辛亥詔書張掖

郡玄川溢涌激波奮蕩寶石負圖狀像靈龜

宅于川西崑然嶰峙蒼質素章麟鳳龍馬煥

炳成形文字告命察然著明太史令高堂隆  
上言古皇聖帝所未嘗蒙實有魏之禎祥東  
序之世寶事班天下任令于綽連齋以問瑋  
瑋密謂綽曰夫神以知來不追已往禎祥先  
見而後廢興從之漢已久亡魏已得之何所  
追與禎祥乎此石當今之變異而將來之禎  
瑞也

晉書五行志魏時張掖石瑞雖是晉之符命  
而于魏爲妖好攻戰輕百姓飾城郭侵邊境  
魏氏三祖皆有其事石圖發于非常之文此  
金不從革之異也晉定大業多斃曹氏石瑞  
文大討曹之應也案劉歆以春秋石言于晉  
爲金石同類也是爲金不從革失其性也劉  
向以爲石白色爲主屬白祥

唐書經籍志雜家張掖郡玄石圖一卷高堂  
隆撰

唐書藝文志雜家高堂隆張掖郡玄石圖一  
卷

案通典吉禮告禮篇魏尙書薛悌奏涼州  
刺史所上靈命瑞圖當下洛陽留臺使太  
尉離告太祖廟卽此事也亦稱靈命瑞圖  
由是知名畫記所載靈命本圖者亦卽此  
玄石圖也詳見後二條

張掖郡玄石圖一卷孟衆撰  
孟衆始末未詳

唐書經籍志雜家張掖郡玄石圖一卷孟衆  
撰

唐書藝文志雜家孟衆張掖郡玄石圖一卷

案此次高堂隆之後不云晉玄石圖兩唐  
志並列在隆之前則猶在魏時似卽薛悌  
所謂涼州刺史所上之圖

梁有晉玄石圖一卷晉德易天圖二卷亡  
並不著撰人

晉書武帝本紀泰始三年夏四月戊午張掖  
太守焦勝上言氏池縣大柳谷有玄石一所  
白畫成文實大晉之休祥圖之以獻詔以制  
幣告于太廟藏之天府

魏志明紀青龍三年注搜神記曰初漢元成  
之世先識之士有言曰魏年有和當有開石  
于西三千餘里繫五馬文曰大討曹及魏之  
初興也張掖之柳谷有開石始見于建安形  
成于黃初文備于太和周圍七旬中高一切  
蒼質素章龍馬麟鹿鳳皇仙人之象粲然咸  
著此一事者魏晉代興之符也至晉泰始三  
年張掖太守焦勝上言以留郡本國圖校今  
石文字多少不同謹具圖上案其文有五馬  
象其一有人平上幘執戟而乘之其一有若  
馬形而不成其字有金有中有大司馬有王  
有大吉有正有開壽其一成行曰金當取之  
又漢晉春秋曰氏池縣大柳谷口夜激波涌  
溢其聲如雷曉而有蒼石立水中長一丈六  
尺高八尺白石畫之爲十三馬一牛一鳥八  
卦玉珎之象皆隆起其文曰大討曹適水中  
甲寅帝惡其討也使鑿去爲計以蒼石窒之  
宿昔而白石滿焉至晉初其文愈明馬象皆  
煥徹如玉焉

案張氏名畫記敍古來祕畫珍圖有靈命  
本圖一卷卽此所載晉玄石圖亦卽焦勝  
所謂留郡本國圖 國字似衍 名畫記又有  
易狀圖一卷似卽此晉德易天圖天當爲  
狀字之誤皆焦勝所并上者名畫記又有  
辯靈命圖二卷或合魏晉諸家之圖而辨  
明之是則本志所不載焉

天鏡二卷

不著撰人

馬氏玉函山房輯本序曰隋志五行類天鏡  
二卷又云梁有天鏡地鏡日月鏡各一卷亡  
據此則天鏡當有兩本也今佚開元占經引  
之輯錄尙可成卷書中專言災異取照將來  
之應故以鏡名與妖占飛候頗相似意京房  
之徒所撰述歟

乾坤鏡二卷

不著撰人

唐日本國見在書目乾坤鏡一卷明鏡要經  
一卷 案明鏡要經一卷疑卽此第二卷又有乾坤鏡一  
卷司馬遷撰

梁天鏡地鏡經各一卷亡

並不著撰人

唐日本國見在書目天鏡經一卷地鏡經一  
卷

金樓子志怪篇地鏡經凡出三家有師曠地  
鏡有白澤地鏡有六甲地鏡三家之經但說  
珍寶光氣前嵩高道士多游名山尋丹砂于  
石壁上見有古文照見寶物之祕方用以照

寶途獲金玉 案三家地鏡經當在漢志三法積貯寶藏中

馬氏玉函山房輯本序曰隋志五行類注云梁有天鏡地鏡各一卷亡今從開元占經所引地鏡輯錄成卷其書言地石山水草木鳥獸之變異占其吉凶大較與天鏡同 案占經所引如此耳其原書當如金樓子之說

梁日月鏡四規鏡經各一卷亡 並不著撰人

抱朴子登涉篇萬物之老者其精悉能假託人形以眩惑人目而常試人惟不能于鏡中易其真形耳是以古之入山道士皆以明鏡徑九寸已上者懸于背後又雜應篇云明鏡或用一或用二謂之日月鏡或用四謂之四規四規者照之時前後左右各施一也用四規所見來神甚多或縱目或乘龍駕巾冠服彩色不與世同皆有經圖云云又遐覽篇云道書中有日月臨鏡經一卷四規經一卷 梁有地鏡圖六卷亡 不著撰人

馬氏玉函山房輯本序曰隋志五行類注云梁有天鏡地鏡日月鏡四規鏡經各一卷地鏡圖六卷亡地鏡與地鏡圖各為書初學記太平御覽每引地鏡圖說郭亦載有十餘條合輯為卷而其圖則不可見矣

孫氏祠堂書目地鏡圖一卷洪頤煊集本望氣書七卷

雲氣占一卷梁望氣相山川寶藏秘記一卷仙寶

劍經二卷亡

並不著撰人

案管子地數篇桓公問于管子曰請問天財所出地利所在管子對曰山上有緒者其下有鐵上有鉛者其下有銀上有丹砂者其下有銄金上有慈石者其下有銅金此山之見榮者也苟山之見榮者謹封而為禁有動封山者罪死而不赦又地鏡圖曰凡觀金玉寶劍銅鐵皆以辛之日待雨止明日平旦及黃昏夜半觀之所見光白者玉也赤者金黃者銅黑者鐵又地鏡圖曰夫寶物在城郭丘墟之中樹木為之變視柯偏有折枯是其候也史記天官書王朔望氣大水處敗軍場破國之虛下有積錢金寶之上皆有氣不可不察又漢志雜占家有三法積貯寶藏二十三卷一本作五法皆此等之書之所由來者仙寶劍經或即晉書張華傳所載豐城劍氣之事仙或是相字之誤漢志有相寶劍刀二十卷此其殘廢亦未可知也

以上自瑞應圖至此凡十四部附著梁有十一部漢志雜占家有禱祥變怪人鬼神物六畜變怪各二十一卷五法積貯寶藏二十三卷此皆其類是為第二十七類

地形志八十卷庾季才撰

庚季才有垂象志見前天文家 錢氏隋書考異曰經籍志中一書而兩出者如庾季才地形志兩收于五行類而前云八

十七卷後云八十卷

案前載八十七卷見第九類中通志略以此書列五行葬書類之首

宅吉凶論三卷

不著撰人

案論衡四諱篇曰俗有大諱四一曰諱西益宅西益宅謂之不祥不祥必有死亡相懼以此故世莫敢西益宅防禁所從來者遠矣又曰諸工伎之家說吉凶之占皆有事狀宅家言治宅犯凶神人不避忌有病死之禍是當西漢之時已有言宅舍之吉凶者此三卷大抵所論不一其人故不著姓名

相宅圖八卷

不著撰人

案周禮大司徒之職以土宜之法辨十有二土之名物以相民宅而知其利害以阜人民注云相占視也疏云使之得所也此言相宅之始續漢百官志注漢官儀曰太史待詔三十七人廬宅四人則漢時亦設官屬于太史蓋亦史卜之官之一家論衡詰術篇兩引圖宅術云宅有八術以六甲之名數而第之第定名立宮商殊別宅有五音姓有五聲漢書揚雄傳注堪輿神名造圖宅書者則相宅之術始于堪輿家堪輿為術家之最古故亦托之黃帝今相傳有黃帝宅經二卷分二十四路考尋休咎以陰陽相得者為吉疑出古堪輿書張氏

名畫記敘古來祕畫珍圖有周公成壞吉凶圖相宅園地圖陰陽宅相圖各一卷疑是書又蕭吉有宅經八卷疑亦即是此書

五姓墓圖一卷梁有家書黃帝葬山圖各四卷五音相墓書五卷五音圖墓書九十一卷五姓圖山龍及科墓葬不傳各一卷雜相墓書四十五卷亡並不著撰人

唐書呂才傳曰經曰葬者藏也欲人之弗得見也又曰卜其宅兆而安厝之以是為感慕之所也魂神之宅也朝市貿遷不可知石泉頽齧不可常是以謀及卜筮庶無後艱斯則備于慎終之禮也後代葬說出于巫史一物有失便謂災及死生多為防禁以售其術附妄憑妖至其書乃有百二十家

四庫術數類郭璞葬書提要曰葬地之說莫知其所自來周官家人墓大夫之職皆稱以族葬是三代以上葬不擇地之明證漢書藝文志形法家始以宮宅地形與相人相物之書並列則其術自漢始萌然尚未專言葬法也後漢書袁安傳載安父沒訪求葬地道逢三書生指一處當世為上公安從之故累世貴盛是其術盛傳于東漢以後其特以是傳名者則璞為最著云案七錄及本志俱無郭氏書

案周禮春官宗伯之屬家人掌公墓之地辨其兆域而為之圖注曰圖謂畫其地形及丘壟所處而藏之又曰墓大夫掌凡邦墓之地域為之圖注曰凡邦中之墓地民

所葬也是圖墓周有其官所由來者遠特無所謂五音五姓之法術耳抱朴子極言篇曰黃帝相地理則書青鳥之說御覽人事聖人篇引圖墓書曰青鳥乃獸皆聖人也記人生死所由又禮儀家墓篇引圖墓書五條藝文類聚地部亦引圖墓書二條似皆七錄所載五音圖墓書九十一卷之遺本志著錄五姓墓圖一卷亦似其殘佚僅存者舊新唐志載青鳥子以下十二種皆與本志不合大抵亦是九十一卷及雜相墓書四十五卷之佚存今相傳青鳥子葬經一卷乃後人依託四庫存目言之詳矣

以上自地形志至此凡四部附著梁有七部蓋依仿漢志形法家國朝七卷宮宅地形二十卷兩書之例以類次之者通志略目之曰宅經葬書四庫術數類謂之相宅相墓是為第二十八類

相書四十六卷  
不著撰人

謹案四庫術數類案語曰案相人見左傳漢書藝文志形法有相人二十四卷其說亦本五行故古與相宅相墓之屬均合為一今考左文元年傳元年春王使內史叔服來會葬公孫敖聞其能相人也見其二子焉叔服曰穀也食子難也收子穀也豐下必有後于魯國杜預曰公孫敖魯大夫慶父之子穀文伯難惠叔食子奉祭祀供

養者也收子葬子身也豐下蓋面方是為言相人術之最初者荀子非相篇云相人古之人無有也學者不道也是則古之人未嘗無有特為儒者所不道耳晁氏讀書志有三十二家相書三卷集許負以下宋志有十七家集乘相書一卷皆不著撰人疑即此四十六卷之叢殘者魏朱熹相書或在此書中

相經要錄二卷蕭吉撰  
蕭吉有樂書見經部樂類  
北史藝術傳吉著金海三十卷相經要錄一卷及相手版要決太一立成各一卷並行于時

相經三十卷鍾武隸撰亡此條上跋梁有二字下四條同

鍾武隸始末未詳  
案陶隱居集有相經序殘文一篇藝文類聚有劉孝標相經序皆不言相經為何人所作二家之序豈皆為是書歟恐未然也  
相書十一卷樊氏許唐氏亡

樊氏始末未詳  
北史藝術傳序曰相術所以辯貴賤明分理者也昔之言相術者則有內史叔服姑布子卿唐舉許負  
太平御覽人事部第七樊氏相法曰耳門不容麥歲至百兼富  
漢書游俠傳郭解溫善相人許負外孫也又周勃傳注應劭曰許負河內溫人老嫗也案

周勃傳載其相周亞夫事又外戚傳載其相薄太后事

史通書志篇曰至若許負相經揚雄方言並

當時所重見傳流俗

唐日本國見在書目許負相男女經三卷

通志藝文略許負相書三卷又許負金歌一

卷

宋史藝文志許負相訣三卷許負形神心鑑

圖一卷

荀子非相篇古者有姑布子卿今之世梁有

唐舉相人之形狀顏色而知其吉凶妖祥世

俗稱之楊倞注曰姑布子卿相趙襄子者唐

舉相李兌蔡澤者案唐舉相李蔡見史記蔡澤傳

崇文總目肉眼通神論三卷唐舉撰

通志藝文略唐舉相顯骨法一卷

宋史藝文略唐舉肉眼通神論三卷

武王相書一卷亡

案通志藝文略有武侯相書一卷此武王

疑武侯之寫誤

雜相書九卷相書圖七卷亡

並不著撰人

案張氏名畫記敘古來祕畫珍圖有黃帝

樊辭許氏相圖不著卷數疑在此相書圖

七卷中樊辭二家並未詳也

以上自相書至此凡二部附著梁有五部

皆依仿漢志形法家相人二十四卷之例

以類次之者是為第二十九類

相手版經六卷

不著撰人

劉熙釋名曰笏忽也君有教命及所啓白則

書其上備忽忘也畢沅疏證曰禮記玉藻曰

史進象笏書思對命鄭注云思所思念將以

告君者也對所以對君者也命所受君命也

書之于笏為失忘也即手板也

太平御覽服章部周遷車服雜事曰應仲遠

云昔荆軻逐秦王其後謁者持匕首以備不

虞從此侍官執刀劍漢高祖偃武修文始制

以手版代焉

魏志夏侯玄傳注陳長文曰漢世有相印相

笏經

梁有相手版經受版圖各一卷亡

並不著撰人

梁有韋氏相板印法指略鈔魏征東將軍程申

伯相印法各一卷亡

魏志劉邵附傳注文韋敍錄曰韋誕字仲將

京兆杜陵人建安中為郡上計吏特拜郎中

稍遷侍中中書監以光祿大夫遜位年七十

五卒于家

又杜恕管寧傳程喜字申伯青龍中為青州

刺史齊王時為征北將軍

又夏侯玄傳注魏氏春秋云相印書曰相印

法本出陳長文長文以語韋仲將印工楊利

從仲將受法以語許士宗利以法術占吉凶

十可中八九仲將又問長文從誰得法長文

曰本出漢世有相印相笏經印工宗養以法

語程申伯故有一十二家相法

案魏氏春秋引相印書云云似其序文陳

羣字長文許允字士宗魏氏春秋言允善

相印七錄稱韋氏相板印法指略鈔則其

書亦兼言相手版為後人所鈔節者

以上一部附著梁有四部漢志雜占家有

武禁相衣器十四卷形法家有相寶劍刀

二十卷序云舉器物之形容以求其吉凶

此類是已是為第三十類

大智海四卷

不著撰人

案此不知何書兩唐志及藝文略皆不載

觀其與白澤圖為類似亦言怪異之物之

形相者張氏名畫記敘古來祕畫珍圖有

妖怪圖四卷疑大智海即妖怪圖之異名

兩唐志有百怪書一卷疑亦是類之書

白澤圖一卷

宋書符瑞志澤獸黃帝時巡狩至于東濱澤

獸出能言達知萬物之精以戒于民為時除

害賢君明德幽遠則來

開元占經獸休徵篇瑞應圖曰黃帝巡于東

海白澤出能言語達知萬物之精以戒于民

為除災害賢君德及幽遐則出注抱朴子云

黃帝窮神知奸者出于白澤之辭也

張氏歷代名畫記曰古來祕畫珍圖中有白

澤圖一卷三百二十事出抱朴子黃帝巡東

海而遇之

唐書經籍志白澤圖一卷藝文志著錄同

馬氏玉函山房輯本序曰孫氏瑞應圖謂白

澤能言語知萬物之精抱朴子論黃帝云窮

神姦則記白澤之辭蓋古有是說也南史梁簡文帝有新增白澤圖五卷隋唐志並有白澤圖一卷今佚從諸書所引輯得四十餘節合錄爲帙圖則佚矣書于諸物之精能詳其名狀似涉玄怪然夏禹鑄九鼎使民知神姦不逢不若如無所本豈能鑿空言之則聖人實能知鬼神之情狀也

孫氏祠堂書目白澤圖一卷洪頤煊集本

案漢志雜占家有人鬼精物六畜變怪二十一卷此兩書實近似之本志次于形法類中蓋亦以爲形狀之變異者故類從于相六畜之前是爲第三十一類

相馬經一卷

不著撰人

案晁氏讀書志相馬經一卷未詳撰人述相馬法式并著馬之疾狀及治療之術李氏書目有之不知卽此一卷否也

梁有伯樂相馬經二卷亡

唐日本國見在書目伯樂相馬圖七卷

唐書經籍志農家相馬經一卷伯樂撰又二卷變爲樂之誤

唐書藝文志農家相馬經三卷伯樂相馬經一卷案唐時相傳有兩本

晁氏讀書志雜藝術類相馬經二卷伯樂撰錢氏三史拾遺曰漢書古今人表王良伯樂

郵無卹一人而並列此注而誤入正文者梁氏人表考曰人表第五等郵無卹始見左哀二王良始見孟子戰國策伯樂始見晉

語九亦曰伯樂氏亦曰郵無正亦曰子良亦曰郵良亦曰尤良亦曰良樂亦曰王梁亦曰孫無正亦曰孫明亦曰王子期亦曰王子於期家在濟陰定陶縣東南案通志氏族略四言秦穆公子有孫陽伯樂善相馬考莊子馬蹄篇釋文謂孫陽是伯樂姓名蓋又別爲孫氏伯樂乃其號莊子釋文又云伯樂星名主典天馬孫陽善馭故以爲名此指秦之伯樂而郵無卹之稱伯樂者緣其善馭同于孫陽遂以爲號如后羿扁鵲之比且王良亦星名史天官書王良策馬因其字子良使目爲王良說者謂死而託精于天駟星蓋郵其氏初名無卹後改無正案當是避趙襄子名而改字子良一字子期也班氏雙注以定其疑傳寫誤爲大字耳

案此伯樂相馬經不知爲秦之伯樂趙之伯樂呂氏春秋觀表篇有云古之善相馬者若趙之王良尤盡其妙則趙之伯樂爲多御覽獸部引伯樂相馬經五條本志醫方家有伯樂治馬雜病經一卷

梁有關中銅馬法二卷亡

不著撰人

後漢書馬援傳援好騎善別名馬于交阯得略越銅鼓乃鑄爲馬式還上之因表曰夫行天莫如龍行地莫如馬馬者甲兵之本國之大用安寧則以別尊卑之序有變則以濟遠近之難昔有馭驥一日千里伯樂見之昭然不惑近世有西河子輿亦明相法子輿傳西

河儀長孺長孺傳茂陵丁君都君都傳成紀楊子阿臣援嘗師事子阿受相馬骨法考之于行事輒有驗效臣愚以爲傳聞不如親見視景不如察形今欲形之于生馬則骨法難備具又不可傳之于後孝武帝時善相馬者東門京鑄作銅馬法獻之有詔立馬于魯班門外則更名魯班門曰金馬門臣謹依儀氏鞞中帛氏口齒謝氏唇鬚丁氏身中備此數家骨相以爲法馬高三尺五寸圍四尺四寸有詔置于宣德殿下以爲名馬式焉

又董卓傳卓又壞五銖錢更鑄小錢悉取洛陽及長安銅人鍾虜飛廉銅馬之屬以充鑄焉章懷太子曰明帝永平五年長安迎取飛廉及銅馬置上西門外名平樂館銅馬則東門京所作致于金馬門外者也

案關中銅馬相法前漢有東門京後漢有馬援范書馬援傳注引援銅馬相法御覽八百九十六引之尤詳此二卷不知是否合兩家之書爲一編者也

梁有周穆王八馬圖二卷亡

史記秦本紀造父以善御幸于周穆王得驥温驪騂騄騶耳之駟西巡狩樂而忘歸案驥上似駿赤字温亦似盜字之誤集解曰騄案穆天子傳穆王有八駿之乘此紀不具者也八駿皆因其毛色以爲名號案隱曰案穆天子傳曰赤驥盜驪白義渠黃騂騄騶騶耳山子穆天子傳曰天子命駕八駿之乘右服騂騄而左綠耳右騂赤驪而左白義天子主車造

父爲御次車之乘右服渠黃而左騎驪右駟盜驪而左山子

太平御覽獸部王子年拾遺記曰周穆王即位巡行天下馭八龍之駿名曰絕地翻羽奔霄越影踰暉超光騰霧挾翼

張彥遠歷代名書記晉史道碩有八駿圖宋史粲有八駿圖並傳于代

崇文總目小說家八駿圖一卷史道規畫錢侗校輯曰諸家書目並上標周穆王三字

案八駿圖大抵皆後人意造六朝時相傳可考見者以史道碩所圖爲最古然不知即此二卷否也

梁有齊侯大夫寧戚相牛經二卷亡

後漢書蔡邕傳邕作釋誨曰寧子有清商之歌百里有象牛之事注淮南子曰寧戚欲干齊桓公窮困無以自達于是爲商旅將車以適于齊暮宿于郭門飯牛車下望見桓公乃擊牛角而商歌桓公聞之曰異哉歌者非常人也命後車載之三齊記載其歌曰南山矸白石爛生不遭堯與舜禪短布單衣適至鉞從昏飯牛薄夜半長夜漫漫何時旦公悅之以爲大夫又曰百里奚虞大夫也史記趙良曰百里奚自鬻于秦衣褐食牛期年而後穆公知之舉之牛口之下

魏志夏侯玄傳注魏氏春秋曰陳長文曰漢世有相印相笏經又有鷹經牛經馬經

唐書經籍志農家相牛經一卷寧戚撰唐書藝文志農家寧戚相牛經一卷

晁氏讀書志雜藝術類相牛經一卷題曰寧戚傳之百里奚漢世河西薛公得其書以相牛千百不失其一至魏世高堂生又傳晉宣帝其後祕之細字薛公注也

梁玉繩人表考寧戚見人表第三等始見齊語管子小匡諸篇衛人亦曰齊寧葬萊州膠水縣西鳴角阜

梁有王良相牛經二卷亡

案王良即伯樂有相馬經見前諸書但言王良善相馬不聞又善相牛初學記藝文類聚文選注皆引相馬經亦未見有引王良相牛經者此或非王良因上文而誤題撰入者

梁有高堂陸相牛經二卷亡

高堂陸有雜忌曆及張掖郡玄石圖並見前世說汰修篇注相牛經曰牛經出寧戚傳百里奚漢世河西薛公得其書以相牛千百不失本以負重致遠未服輻輳故文不傳至魏世高堂生又傳以與晉宣帝其後王愷得其書焉

案世說注引相牛經蓋其序文中語與晁志同據所云云則此相牛經特爲高堂生所傳錄亦即前寧戚之本也或高堂生亦有所論著于其間者

梁有八公相鶴經浮邱公相鶴書各二卷亡

史記淮南王列傳索隱淮南要略云養士數千高材者八人蘇非李尙左吳田由雷被伍被毛被晉昌號曰八公

劉向列仙傳王子喬者周靈王太子晉也好吹笙作鳳皇鳴游伊洛之間道士浮邱公接以上嵩高山案神仙家以浮邱公爲王子喬之師華陽真逸癡鶴銘曰相此胎禽浮邱著經

文選舞鶴賦注相鶴經者出自浮丘公公以自授王子晉崔文子者學仙于子晉得其文藏于嵩高山石室及淮南八公采藥得之遂傳于世案此是其序文知八公所傳者即浮丘公之書二而一者也

唐書經籍志農家相鶴經一卷浮丘公撰唐書藝文志農家浮丘公相鶴經一卷宋史藝文志五行家趙浮丘公相鶴經一卷

案鶴鶴古通用字初學記鳥部及御覽所引稱淮南八公相鶴經知鶴亦鶴字之誤

梁有相鴨經相雞經相鵝經各二卷亡

並不著撰人西京雜記魯恭王好鬪雞鴨及鴻鴈孔雀鵝鵲俸穀一年費二千石洪氏容齋續筆曰今時相馬者間有之相牛者殆絕所謂雞狗處者不復聞之矣劉向七略相六畜三十八卷謂骨法之度數今無一存

案漢志形法家有相六畜三十八卷六畜

存



之名數謂馬牛羊雞犬豕又有鬪雞之戲是相雞之書或常在漢志三十八卷中又御覽羽族部引江表傳曰魏文帝遣使求鬪鴨又吳志陸遜傳建昌侯慮于堂前作鬪鴨欄頗施小巧張氏名書記載陸探微有鬪鴨圖傳于代此相鴨之所以有經歟

又御覽引俗記曰京下劉光祿養好鵝純蒼色頸長四尺許頭似龍此一隻鵝可堪五萬自後不復見有此類又引沈充鵝賦序曰先大夫俞穎川者殊精意于養鵝求得駿鵝類于張猛虎亦多好者于時有綠眼黃喙折翼赤頸焦叔明以太康中得大蒼鵝從喙至足四尺九寸體色豐麗鳴聲驚人三年而為暴犬所害惜其不終故為賦云張氏名書記云晉史道碩善畫工人馬鵝有鵝圖傳于代此相鵝之所以有經歟

### 梁有相貝經二卷亡

不著撰人

說文貝海介蟲也居陸名彘在水名蠅象形古者貨貝而寶龜至周而有泉至秦廢貝行錢

宋書符瑞志大貝王者不貪財寶則出

藝文類聚寶玉部相貝經曰相貝經朱仲受之于琴高琴高乘魚浮于海河水虛必究仲學仙于高而得其法又獻珠于漢武去不知所之嚴助為會稽太守仲又出遺助以經尺

之貝并致此文于助云云案琴高仙人朱仲會稽人並漢初人見列仙傳此所引為相貝經之序

唐書經籍志農家相貝經一卷藝文志同

陳氏書錄解題形法類相貝經一卷不知作者宋志五行家同

明楊慎丹鉛總錄曰馬總意林引相貝經不著作者讀初學記始知為嚴助作案見初學記居處部

按隋唐志載相貝經不著撰人宋本意林第六卷有相貝經一卷題曰琴高高似孫子略鈔書林目錄作貝書十卷不著名氏陶宗儀說郭云朱仲撰汪氏文選注引目錄云嚴助撰按貝之為物上古三代以為貨幣又以為藥物為器具為珍飾其用至廣其書自周秦時已有之不始于琴高朱仲亦不始于嚴助特為助所校錄藝文類聚所引序從可知矣漢武故事云上少好學招求天下遺書親自省校使莊助司馬相如等以類分別之則此為助校書時所傳良信其撰人則終不可考其佚文初學記文選注所引率不過一二語御覽鱗介部引凡二條藝文類聚所引凡三百餘言最為詳悉說郭則有錄無書

以上自相馬經至此凡一部附著梁有十部皆依仿漢志相六畜之例以類次之

者是為第三十二類

梁有祖暅權衡記稱物重率術二卷亡

祖暅有天文錄見前天文家

漢書律志曰五曰權衡衡平也權重也衡所以任權而均物平輕重也又曰權者銖兩斤鈞石也所以稱物平施知輕重者也

案此是實學非如術數家之憑虛探案者與形法家固不相涉與五行家亦不相蒙即偶及于五行不過借端發揮非五行家之正軌是當列之曆算家之末而次之于此所未喻也

### 梁有劉潛泉圖記三卷亡

梁書本傳潛字孝儀彭城安上里人祕書監孝綽弟也仕至明威將軍豫章內史侯景寇京邑失郡大寶元年病卒年六十七案傳不言有是書而七錄與祖暅相先後則出此劉潛為多潛卒年在阮孝緒之後孝緒已著其書則成于普通之前或此所謂梁有為梁代別家書目非指七錄

周禮外府注泉始蓋一品周景王鑄大泉而有二品後數變易不復識本制至漢惟有五銖久行王莽改貨而異作泉布多至十品今存于民間多者有貨布大泉貨泉貨布云云案此殆以古來泉幣為圖而記之當與錢譜錢圖同列譜系類之末若其言銖兩涉于算學者為多則當與前書同入曆數家

此與前一部列之于此不知是否七錄舊第恐阮氏不如是之謬也

以上兩部附五行形法家之末實為不倫是為第三十三類終焉

右二百七十二部合一千二十二卷實著錄三百三十六部附著錄有一百四十七部合計四百八十三部

案七錄序目術伎錄第四曰五行部凡八

十四種第五曰卜筮部凡五十種第六曰

雜占部凡十七種第七曰形法部凡四十

七種綜四部合一百九十八種本志合併

為一存佚并計有四百八十三部增益者

凡二百八十五部視他類為特多云

又案漢志數術一略分為六類曰天文曰

曆譜七錄及本志各自為篇已見于前錄

四類曰五行曰著龜曰雜占曰形法七錄

分目同惟著龜改為卜筮耳本志以此四

類通謂之曰五行故五行類之書較他類

為多其中節目亦較他類為雜究其本源

皆從七錄以下陳隋間官私簿籍節節鈔

入者雖如藝文略之別類分門而亦有不

能盡今就其所次亦節節分析釐為三十

三類庶幾有端緒可尋前後章段略可循

覽若其大致終不越七略七錄四類之例

以為次第其起訖亦有可言者自黃帝飛

鳥曆至梁簡文光明符十一類皆五行之

屬也自史蘇龜經至京君明推偷盜書二

類則著龜卜筮之屬自天皇大神氣君注

曆至仙寶劍經十四類皆雜占家之所有

事自地形志以迄相貝經五類則形法家

之所由繫末附一類似因算數而誤會為

數術是則不明類例之故歟

隋書經籍志考證卷三十七

子部十四

醫方家上 昂篇章法顯分上下與他類不同因從而

釐析之上篇五類下篇六類

黃帝素問九卷梁八卷

漢書藝文志方伎醫經家黃帝內經十八卷

外經三十七卷

晉皇甫謐帝王世紀曰岐伯黃帝臣也帝使

岐伯嘗味草木典主醫病經方本草素問之

書咸出焉

又甲乙經序曰案七略藝文志黃帝內經十

八卷今有鍼經九卷素問九卷二十九十八卷

即內經也素問原本經脈其義深奧不可容

易覽也

唐書經籍志黃帝素問八卷

晁氏讀書志曰昔人謂素問者以素書黃帝

之間猶言素書也唐王昶謂漢書藝文志有

黃帝內經十八卷素問即其經之九卷

陳氏書錄解題曰黃帝與岐伯問答醫書之

祖也案漢志但有黃帝內外經至隋志乃有

素問之名

四庫提要曰漢志載黃帝內經十八篇無素

問之名後漢張機傷寒論引之始稱素問晉

皇甫謐甲乙經序稱素問九卷則素問之名

起于漢晉間矣故隋書經籍志始著錄也然

隋志所載祇八卷全元起所注已闕其第七

唐寶應中王冰得舊藏之本補足此卷宋林

億等校正謂天元紀大論已下卷帙獨多與

素問餘篇絕不相通疑即張機傷寒論序所

稱陰陽大論之文冰取以補所亡之卷理或

然也其刺法論本病論則冰本亦闕不能復

補矣

又簡明目錄曰其書云出上古固未必然然

亦必周秦間人傳述舊聞著之竹帛故通貫

三才包括萬變雖張李劉朱諸人終身鑽仰

竟無能罄其蘊奧焉

黃帝甲乙經十卷晉一卷梁十二卷

不著撰人

晉皇甫謐鍼灸甲乙經序曰案七略藝文志

黃帝內經十八卷今有鍼經九卷素問九卷

二十九十八卷即內經也素問原本經脈其義

深奧不可容易覽也又有明堂孔穴鍼灸治

要皆黃帝岐伯遺事也三部同歸文多重複

錯互非一乃撰集三部使事類相從刪其浮

辭除其重複論其精要至為十二卷

唐日本國見在書目黃帝甲乙經十二卷玄

晏先生撰

唐書經籍志黃帝三部針經十三卷皇甫謐

撰

唐書藝文志皇甫謐黃帝三部針經十二卷

黃帝甲乙經十二卷

宋史藝文志皇甫謐黃帝三部鍼灸經十二

卷即甲乙經又云林億黃帝三部鍼灸經十二

卷宋林億等甲乙經新校正序曰晉皇甫謐取

黃帝素問鍼經明堂三部之書為鍼灸經十

二卷又曰黃帝內經十八卷鍼經三卷最出

遠古皇甫士安能撰而集之 秦皇甫氏序言  
經九卷在內經十八卷中此言鍼經三卷在十八卷之外  
其說不同疑此三卷即鍼灸治要在外經三十七卷中

四庫提要曰甲乙經晉皇甫謐撰皆論鍼灸  
之道隋書經籍志稱甲乙經十卷注云晉一  
卷梁十二卷不著撰人姓名考此書首有謐

自序乃謐真合舊文而成故隋志冠以黃帝  
然刪除謐名似乎黃帝所自作則于文爲謬  
舊唐志稱黃帝三部鍼經十三卷始著謐名

然較梁本多一卷其併晉一卷計之歟新唐  
志既有黃帝甲乙經十二卷又有皇甫謐三

部鍼經十三卷兼襲二志之文則更舛誤矣  
書凡一百一十八篇內分子目實一百二十  
八篇

又簡明目錄曰甲乙經八卷晉皇甫謐撰據  
其自序蓋合鍼經素問明堂孔穴鍼灸治要

三書撮其精要以成是經言鍼灸之法最悉  
或曰王冰所撰靈樞經即割裂此書之文僞  
爲古書也

黃帝八十一難二卷  
不著撰人

史記列傳扁鵲者勃海郡鄭人也姓秦氏名  
越人少時爲人舍長舍客長桑君過扁鵲獨

奇常謹遇之長桑君亦知扁鵲非常人也出  
入十餘年乃出其懷中藥飲以上池之水悉

取其禁方書盡以與扁鵲忽然不見殆非人  
也扁鵲以其言飲藥視見垣一方人索隱曰

言能隔牆見人也 以此視病盡見五藏癥結特

以診脈爲名耳爲醫或在齊或在趙名聞天  
下後入成陽秦太醫令李醢自知伎不如扁  
鵲也使人刺殺之至今天下言脈者由扁鵲  
也正義曰黃帝八十一難序云秦越人與軒  
轅時扁鵲相類仍號之扁鵲又家于盧國因  
命之曰盧醫也

晉皇甫謐帝王世紀曰黃帝有熊氏命雷公  
岐伯論經脈旁通問難八十一爲難經

唐王勃八十一難經序曰岐伯以授黃帝黃  
帝歷九師以授伊尹伊尹以授湯湯歷六師

以授太公太公以授文王文王歷九師以授  
醫和醫和歷六師以授秦越人秦越人始定

立章句案此二條似非事實王勃序見漢書藝文志考  
證宋志有王勃醫譜彙要一卷王伯厚所據或本諸此

唐書經籍志黃帝八十一難經一卷秦越人  
撰

唐書藝文志秦越人黃帝八十一難經二卷  
宋史藝文志扁鵲注黃帝八十一難經二卷

秦越人撰  
崇文總目秦越人采黃帝內經精要之說凡  
八十一章編次爲十三類理趣深遠非易了

故名難經  
晁氏讀書志秦越人生于渤海家于盧受桑

君祕術洞明醫道世以其與黃帝時扁鵲相  
類乃號之爲扁鵲采黃帝內經精要之說凡

八十一章名曰難經唐楊元操編次爲十三  
類

陳氏書錄曰難經二卷渤海秦越人撰漢志

亦但有扁鵲內外經而已隋志始有難經唐  
志遂題云秦越人皆不可考

四庫提要曰難經八十一篇漢書藝文志不  
載隋唐志始載二卷其曰難經者謂經文有

疑各設問難以明之其中有此稱經云而素  
問靈樞無之者則今本內經傳寫舛誤也其

文辨析精微詞旨簡遠讀者不能遽曉故歷  
代醫家多有注釋

梁有黃帝衆難經一卷呂博望注亡  
太平御覽方術部玉匱鍼經序曰呂博少以

醫術知名善診脈論疾多所著述吳赤烏二  
年爲太醫令撰玉匱鍼經及注八十一難經

大行于代  
晁氏讀書志曰八十一難經秦越人撰吳呂  
廣注

陳氏書錄曰難經二卷渤海秦越人撰濟陽  
丁德用補注序言太醫令呂廣重編此經

案晁陳二家皆稱呂廣似本名廣隋人避  
煬帝諱改爲博猶廣雅改博雅之類也本

志稱呂博望似即其字  
黃帝鍼經九卷  
不著撰人

唐書經籍志黃帝鍼經十卷藝文志同  
案皇甫謐甲乙經序云七略藝文志黃帝

內經十八卷今有鍼經九卷其即此書歟  
是爲皇甫氏未經撰集之前之傳本

梁有黃帝鍼灸經十二卷亡  
不著撰人

唐書經籍志黃帝鍼灸經十二卷藝文志同

案此似卽皇甫氏甲乙經之別本

梁有徐悅龍銜素鍼并孔穴蝦蟆圖三卷亡鍼下致經字

徐悅龍銜素始末並未詳

太平御覽天部抱朴子曰黃帝醫經有蝦蟆圖言月生始二日蝦蟆始生人亦不可針灸其處

唐書經籍志龍銜素針經并孔穴蝦蟆圖三卷藝文志同

通志藝文略明堂鍼灸類徐悅龍銜素鍼并孔穴蝦蟆圖三卷

案徐悅疑卽徐道度徐叔嚮之族東莞徐氏以醫術傳家盛行于南北朝悅與叔嚮同撰方書並詳于後

梁有雜鍼經四卷亡

不著撰人

梁有程天祚鍼經六卷灸經五卷亡

宋書魯爽傳先是程天祚爲虜所沒虜主拓跋燾引置左右天祚廣平人爲殿中將軍有武力元嘉二十七年助戍彭城天祚戰敗爲虜所獲天祚妙善針術燾深加愛賞封爲南安公燾北還蕃天祚因其沈醉僞若受使因得逃歸後爲山陽太守後應晉安王子助同舉兵反見明帝泰始二年本紀是年八月平定江郢荆雍湘五州子助等並賜死伏誅

梁有曹氏灸方七卷亡

曹氏不詳何人

梁有秦承祖偃側雜鍼灸經三卷亡

秦承祖有藥方別見于後

唐書經籍志明堂圖三卷秦承祖撰

唐書藝文志秦承祖明堂圖三卷

徐叔嚮鍼灸要鈔一卷

南史張融傳融與東海徐文伯兄弟厚文伯字德秀濮陽太守熙曾孫也熙好黃老隱于秦望山有道士過家飲留一瓠瓠與之曰君子孫宜以道術救世當得二千石熙開之乃扁鵲鏡經一卷因精心學之遂名震海內生子秋夫彌工其術仕至射陽令秋夫生道度叔嚮皆能精其業道度生文伯

唐書藝文志徐叔嚮鍼灸要鈔一卷

案叔嚮爲熙之孫秋夫之次子史不言其字下文本草類中引七錄稱其官爲宋大將軍參軍蓋宋文帝時人也

又按太平御覽方術部引張太素齊書曰

徐子才字士茂高平金鄉人五葉祖仲融隱于秦望山云云文與南史張融附傳同則熙字仲融徐氏自熙以迄齊周之時世以醫術顯之才有八代家傳效驗方蓋傳業已八世矣熙當在晉時本東海東莞人後居丹陽居錢塘在北朝者居高平金鄉北朝有徐肇字成伯文伯之弟魏孝文時中散大夫文伯子雄雄子之才並以醫術著聞于南北可謂盛矣

玉匱鍼經一卷

不著撰人

太平御覽方術部玉匱鍼經序曰呂博少以醫術知名多所著述吳赤烏二年爲太醫令撰玉匱鍼經

唐書經籍志玉匱針經十二卷 不著撰人藝文志同

崇文總目金匱玉匱針經三卷呂博撰

宋史藝文志呂博金匱玉匱鍼經三卷

按唐志十二卷者或後人注本或分析別本或舊志誤衍十字皆不可知要之爲呂廣之書不得以卷數泥也呂廣有難經注見前宋志又有呂廣金匱玉鑑經二卷似別本

赤烏神鍼經一卷

不著撰人

唐六典太醫署鍼博士一人掌教鍼生以經脈孔穴注鍼生習素問黃帝鍼經明堂脈訣兼習流注偃側等圖赤烏神鍼等經

唐書經籍志赤烏神針經一卷張子存撰

唐書藝文志張子存赤烏神針經一卷 案此似卽本呂廣玉匱針經而論述之故冠以赤烏年號御覽資產部引敦煌實錄曰張存善針有奴好逃亡存宿行針縮奴脚欲使則針解之似卽此張子存河西人

岐伯經十卷

漢書人表第二等岐伯梁玉繩考曰岐伯始見黃帝內經素問靈樞史封禪書司馬相如傳亦曰天師黃帝太醫路史國名紀六以岐爲國名則伯其爵也

皇甫謐帝王世紀曰岐伯黃帝臣也帝使岐伯嘗味草木典主醫病經方本草素問之書咸出焉

案漢志醫經家唯有黃帝扁鵲白氏三家內外經各若干篇及旁篇凡七部白氏不知何人集韻言白與伯同疑即伯氏伯氏或即岐伯此岐伯經豈漢志白氏內外篇之留遺者歟又疑即王叔和脈經之異名脈經本纂岐伯諸家之說者也

### 脈經十卷王叔和撰

太平御覽方術部高滿養生論王叔和性沈靜好著述考覈遺文采摭羣論撰成脈經十卷編次張仲景方論爲三十六卷大行于世唐書藝文志脈經十卷不著撰人

宋史藝文志王叔和脈經十卷

晁氏讀書志脈經十卷晉王叔和撰按唐甘伯宗名醫傳曰叔和西晉高平人性度沈靖博通經方精意診處尤好著述其書纂岐伯華佗等論脈要訣所成敘陰陽表裏辨三部九候分人迎氣口神門條十二經二十四氣奇經八脈五臟六腑三焦四時之疴纖悉備具咸可案用凡九十七篇皇朝林億等校正阮氏四庫未收書目曰脈經十卷西晉王叔和撰宋林億等校定叔和高平人官太醫令是編從宋嘉定何大任刻本影鈔林億序云臣等博求衆本據經爲斷去取非私又云今考以素問靈樞太素難經甲乙仲景之書并千金方及翼說脈之篇以校除去重複補其

脫漏云云用力可謂勤摯世傳叔和脈訣一卷乃後人依託爲之與此絕不相同也

金山錢熙祚守山閣叢書本有跋曰西晉王叔和取素難以下諸家論脈之文分類編次爲脈經十卷宋林億稱其若網在綱有條不紊使人占外以知內視死而別生可謂推崇之至矣而西昌喻氏則謂于彙脈之中間一彙證不該不貫抑知形有盛衰邪有微甚一證恆兼數脈一脈恆兼數證故論證不論脈不備論脈不論證不明王氏彙而編之深得古人微旨又西晉時去古未遠所據醫書皆與今本不同今去叔和又千餘載古書日漸散佚賴是以略存梗概洵爲醫林中不可多得之書明有吳勉學校本刊入醫統多脫誤不可讀惟袁景從校本稍爲完善然或以意刪改彌失本真此書不著錄于四庫恐其久而遂亡故彙集諸書重爲校正付梓以廣其傳

### 脈經二卷

不著撰人

唐書藝文志脈經二卷

唐書藝文志脈經十卷又二卷

按晁氏讀書志脈經二卷題云黃帝論診脈之要凡二十一篇疑卽此書

梁有脈經十四卷又脈生死要訣二卷亡並不著撰人

梁又有脈經六卷黃公興撰亡

黃公興始末未詳

案崇文總目有黃氏脈訣一卷疑卽此書

梁又有脈經六卷秦承祖撰亡  
秦承祖有藥方別見于後又有偃側雜鍼灸經見前

梁又有脈經十卷康普思撰亡

康普思始末未詳

黃帝流注脈經一卷梁有明堂流注六卷亡

不著撰人

唐書藝文志黃帝流注脈經一卷

按此流注脈經一卷卽梁時明堂流注六卷之僅存者

明堂孔穴五卷梁明堂孔穴二卷新撰鍼灸穴一卷亡

並不著撰人

唐書藝文志明堂孔穴五卷

明堂孔穴圖三卷梁有偃側圖八卷又偃側圖二卷

卷

並不著撰人

抱朴子雜應篇曰世人多令人以針治病其灸法又不明處所分寸而但說身中孔穴榮輸之名自非舊醫備覽明堂流注偃側圖者安能曉之哉

案四庫簡明目錄明堂灸經條曰其曰明

堂者素問稱雷公問黃帝以人身經絡黃

帝坐明堂以授之故舊唐書經籍志以鍼

灸諸書別爲明堂經脈一類又錢遵王讀

書敏求記曰昔黃帝問岐伯以人之經絡

盡書其言藏于靈蘭之室洎雷公請問乃坐明堂授之後世言明堂者以此今醫家記鍼灸之穴為偶人點志其處名明堂非也案二家之說則所謂明堂者即天子明堂猶明堂班宣月令遂稱明堂月令託以為重耳

以上十四部附梁有十八部蓋依仿漢志醫經一門以類次之者兩唐志目之曰明堂經脈通志藝文略分二門曰脈經曰明堂鍼灸是為第一類

神農本草八卷梁有神農本草五卷神農本草屬物二卷神農明堂圖一卷亡

皇甫謐帝王世紀曰炎帝神農氏長于江水始教天下耕種五穀而食之以省殺生嘗味草木宜榮療疾救天傷人命百姓日用而不知著本草四卷案江水蓋姜水之傳誤

宋寇宗奭本草衍義序曰帝王世紀云黃帝使岐伯嘗味草木定本草經造醫方以療衆疾乃知本草之名自黃帝始

韓保昇蜀本草曰藥有玉石草木蟲獸而云本草者謂諸藥中草類最多也

王應麟漢志考證曰藝文志本草不著錄淮南子云神農嘗百草之滋味一日而七十毒張仲景金匱云神農能嘗百草案平帝紀元始五年舉天下通知方術本草者郊祀志成帝初有本草待詔又樓護傳少誦醫經本草方術數十萬言本草之名見于此梁七錄神農本草三卷陶弘景云疑仲景元化等所記

舊經三卷藥止三百六十五種弘景以名醫別錄亦三百六十五種合七百三十種因而注釋分為七卷唐于志寧曰世謂神農氏嘗藥以拯含氣而黃帝以前文字不傳以識相付至桐雷乃載篇册然所載郡縣多是漢時疑張仲景華佗所記云

嚴氏全上古文編曰炎帝生于姜水因姓姜以火德王稱炎帝一云有姦氏始作耒耜號神農氏一云農皇以起烈山亦號烈山氏一云厲山氏一云連山氏一云朱襄氏初都陳後居曲阜在位一百二十年傳八世五百三十年一云傳十七世一云七十世謹案漢藝

文志農家有神農二十篇兵陰陽家有神農兵法一篇五行家有神農大幽五行二十七卷雜占家有神農教田相土耕種十四卷經方家有神農黃帝食禁七卷神仙家有神農雜子技道二十三家獨本草不見見平帝紀及樓護傳周禮醫師疏引食禁作食藥蓋食禁食藥即本草矣

孫氏祠堂書目神農本草經三卷名醫藥性吳普本草附星衍集刊本

案神農本草止三卷此八卷者似後人合諸家本草為帙也注云梁有神農本草五卷者玉海引七錄作三卷此五為三字之譌本草屬物二卷者屬物疑食物之譌漢志醫方家末有神農黃帝食禁七卷或即其遺神農明堂圖蓋即本草圖張氏名畫記敘古來祕畫珍圖有神農本草例圖一

卷例圖即圖例所以明本草之用也疑即此明堂圖也

梁有蔡邕本草七卷亡

蔡邕有月令章句見經部禮類案范書本傳不言有是書明李時珍本草綱目卷首備載歷代諸家本草亦無蔡氏本志後半篇據見存書目有本草經四卷蔡英撰蓋即是書之佚存本是蔡邕為蔡英之訛然蔡英亦不知何許人考本草自陶弘景始廣為七卷此卷數與之相同或當在陶氏之後矣

梁有華佗弟子吳普本草六卷亡

魏志華佗傳廣陵吳普彭城樊阿皆從佗學普依華佗治多所全濟佗語普曰人體欲得勞動但不當使極耳動搖則穀氣得消血脈流通病不得生譬猶戶樞不朽是也是以古之仙者為導引之事熊頸鸚鵡引輓腰體動諸關節以求難老吾有一術名五禽之戲一曰虎二曰鹿三曰熊四曰猿五曰鳥亦以除疾並利蹄足以當導引體中不快起作一禽之戲沾濡汗出因上著粉身體輕便腹中欲食普施行之年九十餘耳目聰明齒牙完堅後漢書方術傳注佗別傳曰吳普從佗學微得其方魏明帝呼之使為禽戲普以年老手足不能相及粗以其法語諸醫普今年將九十耳不聾目不冥牙齒完堅飲食無損

志同

唐書經籍志吳氏本草因六卷吳普撰 藝文

明李時珍本草綱目序例韓保昇曰吳氏本草魏吳普撰廣陵人華佗弟子凡一卷時珍曰其書分記神農黃帝岐伯桐君雷公扁鵲華佗李氏所說性味甚詳今亦失傳

案御覽百穀部菜部藥部引吳氏本草數十條其中有引醫和者在李時珍所舉諸家之外孫氏星衍已輯入神農本草三卷之後兩唐志作本草因豈其本名歟

梁有陶隱居本草十卷亡

陶隱居名弘景有毛詩序注見經部詩類

案下文第九條注云梁有陶弘景本草集注七卷亡案弘景與阮孝緒皆卒于梁武帝大同二年在普通四年七錄成書後十三歲七錄曾否載及弘景之書不可詳考而此一段所注梁有亡書陶氏本草乃前後兩見不相比附豈七錄所載果如是乎然則本志所注梁有不盡是七錄觀于此尤可信也十卷或附合隱居他書或十爲七之寫誤

梁有隨費本草九卷亡

隨費始末未詳

案此似隨氏費氏兩家之書合爲九卷也

梁有秦承祖本草六卷亡  
秦承祖有偃側雜鍼灸經脈經並見前  
梁有王季璞本草經三卷亡

王季璞始末未詳

案下文方書類中注云梁有王季璞藥方一卷季璞亦不詳何人此季璞或其昆季

行或璞爲琰之誤

梁有李諧之本草經談道術本草經鈔各一卷亡

唐書經籍志李氏本草三卷不著名藝文志同

明李時珍本草綱目序例韓保昇蜀本草曰李當之華佗弟子修神農本草三卷而世少行時珍曰其書散見吳氏陶氏本草中頗有發明

案此即李當之藥錄六卷之鈔節本也前

一卷不知何人所鈔後一卷則談道術所鈔也談道術始末未詳術亦作述據下文方書類中載徐叔嚮談道述徐悅體療雜病疾源三卷則與徐叔嚮徐悅同時宋時人也藥錄別見于後

梁有宋大將軍參軍徐叔嚮本草病源合藥要鈔五卷亡

徐叔嚮有鍼灸要鈔見前

案兩唐志有本草病源合藥節度五卷不著撰人似即此書

梁有徐叔嚮等四家體療雜病本草要鈔十卷亡一本家誤爲家

唐六典太醫署醫博士一人掌以醫術教授諸生習本草甲乙脈經分而爲業一曰體療注諸醫生既議諸經乃分業教習率二十人以十一人學體療又曰學體療者七年成

案下文方書類中注云梁有徐叔嚮談道述徐悅體療雜病疾源三卷似即從此書摘出者四家者或即徐道度徐叔嚮談道

述徐悅四人歟

梁有王末鈔小兒用藥本草二卷

王末始末未詳

案下文方書類中注云梁有王末療小兒雜方十七卷似即從十七卷中析出者又王末疑即宋之王微詳見于後

梁有甘澹之癰疽耳眼本草要鈔九卷亡  
甘澹之始末未詳

唐六典醫博士教授諸生分而爲業其二曰瘡腫其四曰耳目口齒注云諸醫生分業教習率二十人以三人學瘡腫二人學耳目口齒又曰學瘡腫者五年成其目口齒之疾二

年成  
唐書經籍志療癰疽耳眼本草要鈔五卷不著撰人藝文志同

案下文方書類中注梁有甘澹之癰疽瘡創耳眼諸方凡五部則甘氏長于外科傷科者也

梁有陶弘景本草經集注七卷亡

陶弘景已有本草十卷見前第九類

弘景自序略曰隱居先生在于茅山巖嶺之上以吐納餘暇頗游意方伎覽本草藥性以爲盡聖人之心故撰而論之舊說皆稱神農本經余以爲信然但軒轅以前文字未傳當以識識相因至于桐雷乃著在編簡此書應與素問同類但後多更脩飾之爾今之所存有此四卷是其本經所出郡縣乃後漢時制疑仲景元化等所記魏晉以來吳普李諧之

等更復損益或五百九十五或四百四十一或三百一十九或三品混糅冷熱舛錯草石不分蟲獸無辨且所主治互有得失醫家不能備見則知識有淺深輒苞綜諸經研括煩省以神農本草經三品合三百六十五種為主又進名醫副品亦三百六十五合七百三十種精粗皆取無復遺落分別例條區畛物類兼注名時用土地所出及仙經道術所須并此序錄合為七卷雖未足追踵前良蓋亦一家撰製吾去世之後可貽諸知音耳

趙贊始末未詳  
神農本草四卷雷公集注  
晁氏讀書志曰雷公炮炙三卷宋雷斅撰胡洽重定述百藥性味炮炙煑炙之方其論多本之于乾寧晏先生斅稱內究守國安正公當是官名未詳案此等官名蓋與真靈位業圖相類又似其自號

作立言者因本草音義而傳議也

唐書藝文志甄立言一作權 本草音義七卷

又本草藥性三卷案此兩書唐時傳議或以為立言或以為權實則音義為立言書見下牛篇藥性三卷則權書李時珍言之詳矣

南史隱逸傳弘景性好著述尤明陰陽五行風角星算山川地理方圓產物案當是方國物產醫術本草所著有本草集注

明李時珍本草綱目序例曰雷公炮炙論劉宋時雷斅所著非黃帝時雷公也自稱內究守國安正公或是官名也胡洽居士重加定述藥凡三百種為上中下三卷其性味炮炙熬煑修事之法多古奧文亦古質別是一家多本于乾寧晏先生其首序論述物理亦甚幽玄錄載于後乾寧先生名晏封著制伏草石論六卷蓋丹石家書也晏封唐藝文志作晏卦列之唐代似誤宋志有郭晏封草食論六卷則其人姓郭

唐書經籍志本草集經七卷陶弘景撰集經似集注之誤

案本志及兩唐志皆無雷公炮炙之書以是證知此四卷即是其書如謂黃帝時雷公則上古之時不聞有注本草者安得有集注之名乎古雷公別有藥對四卷見後甄氏本草三卷

唐書藝文志陶弘景集注神農本草七卷

舊唐書方技傳甄權許州扶溝人也嘗以母病與弟立言專醫方得其旨趣隋開皇初為祕書省正字後稱疾免貞觀十七年權年一百三歲太宗幸其家視其飲食訪以藥性因授朝散大夫賜几杖衣服其年卒撰脈經鍼方明堂人形圖各一卷

明李時珍本草綱目序例曰神農本草藥分三品計三百六十五種以應周天之數梁陶弘景復增漢魏以下名醫所用藥三百六十六種謂之名醫別錄凡七卷首敘藥性之源論病名之診次分玉石一品草一品木一品菓菜一品米食一品有名未用品三品以朱書神農墨書別錄進上梁武帝其書頗有裨補亦多謬誤

唐書經籍志本草藥性三卷甄立言撰案此

梁有趙贊本草經一卷本草經輕行本草經利用各一卷亡

唐書經籍志本草藥性三卷甄立言撰案此

唐書藝文志桐君藥錄三卷桐君撰

唐書經籍志桐君藥錄三卷桐君撰

明李時珍本草綱目序例曰桐君黃帝時臣也書凡二卷紀其花葉形色今已不傳

唐書藝文志桐君藥錄三卷日本書目二卷

案御覽八百六十七引桐君錄曰西陽武昌晉陵皆出好茗又曰茶花狀似梔子其色稍白似皆出後人所撰非本文也

梁有雲塵將軍徐澗新集藥錄四卷亡

徐澗始末未詳

案此殆即東海徐氏之族

梁有李讜之藥錄六卷亡

李讜之有本草經一卷見前

案前一卷為鈔節本此其原書也同為一

案前一卷為鈔節本此其原書也同為一



書皆曰梁有而前後隔越不相類從者則以前書稱本草此稱藥錄故也實于敘次之例無當也

梁有藥法四十二卷藥律三卷亡

不著撰人

梁有藥性藥對各二卷亡

不著撰人

陶隱居本草集注序曰又云桐君有采藥錄

說其花葉形色藥對四卷論其佐使相須案

此云四卷即藥性藥對各二卷藥對蓋其總名也

又藥總訣序曰其後雷公桐君更增衍本草

二家藥對廣其主治繁其類族既世改情移

生病日深或未有此病而遂設彼藥或一藥

以治衆疾或百藥共愈一病欲以排邪還正

爲之原防故也案陶氏在梁代所見藥對猶在徐之

才錄本之前

唐書經籍志雷公藥對二卷

唐書藝文志徐之才雷公藥對二卷

明李時珍本草綱目序例掌禹錫曰雷公藥

對北齊時徐之才撰以衆藥名品君臣性毒

相反及所主疾病分類記之凡二卷時珍曰

陶氏前已有此書吳氏本草所引雷公是也

蓋黃帝時雷公所著之才增飾之爾案此稱

梁有蓋猶在徐之才之前非即之才之本

梁有藥目三卷亡

不著撰人

梁有神農采藥經二卷藥忌一卷亡

不著撰人

案抱朴子仙藥篇神農四經曰上藥令人

身安命延中藥養性下藥除病其稱神農

四經者陶隱居藥總訣序云神農之時未

有文字至于黃帝書記乃興于是神農本

草別爲四經蓋相傳有四家之經此殆四

家之一別其名曰采藥經上品中品爲二

卷下品多毒藥故云藥忌一卷其實仍是

本草經三卷也

又案四家之經疑即前所注梁有神農本

草五卷當是三卷之誤神農本草屬物二卷

疑是食物神農明堂圖一卷當是本草圖并

此采藥經爲四家也又采藥經疑出神仙

家抱朴子仙藥篇引神農四經文皆神仙

家言漢志神仙家有神農雜子技道二十

三卷采藥經疑即出于此

太清草木集要二卷陶隱居撰

陶隱居有本草集注兩部並見前

陶翊隱居先生本起錄曰尤好五行陰陽風

角炁候太一遁甲星曆算數山川地理方國

所產及醫方香藥分劑蟲鳥草木考核名類

莫不該悉又曰服草木雜藥法一卷

唐書經籍志太清諸草木方集要三卷太清

玉石丹藥要集三卷陶弘景撰案此合兩書總

題撰人亦見後半篇第三編

唐書藝文志陶弘景太清玉石丹藥要集三

卷太清諸草木方集要三卷

案太清者丹經之號也始自張道陵左慈

葛玄等詳見雜傳篇張君葛君內傳此與

前神農采藥經皆神仙家服食本草也

又案本草綱目序錄引掌禹錫曰藥總訣

梁陶隱居撰凡二卷論藥品五味寒熱之

性主療疾病及采蓄時月之法一本題曰

藥象口訣不著撰名案七錄本志皆無藥

總訣之目而隱居集中有藥總訣序其文

殘泐不完無由考見或即是書之異名未

可知也藥文總目有藥總訣一卷不著撰人

右本草之屬爲經方類中第一段

張仲景方十五卷仲景後漢人

張仲景有辨傷寒十卷別詳于後

太平御覽方術部高湛養生論曰王叔和撰

成脈經十卷編次張仲景方論爲三十六卷

大行于世又引張仲景方序言衛汛事

唐日本國見在書目張仲景方九卷

唐書經籍志張仲景藥方十五卷王叔和撰

唐書藝文志王叔和張仲景藥方十五卷

王氏漢志考證藝文志經方家湯液經法三

十二卷內經素問有湯液醪醴論事物紀原

湯液經出于商伊尹皇甫謐曰仲景論伊尹

湯液爲十數卷案此則仲景是書其源蓋出于漢志

之湯液經注也

梁有黃素藥方二十五卷亡

不著撰人

唐書經籍志黃素方十五卷不著名氏似數二

字

唐書藝文志謝泰黃素方二十五卷

案抱朴子雜應篇云余見崔中書黃素方

則此崔中書所撰也其人在葛稚川之前不詳其名字而新唐志以為謝泰殆謝泰因崔中書方而重訂之如尹穆重訂范東陽方之類歟黃素不知何謂或是黃帝素

華佗方十卷吳普撰佗後漢人梁有華佗內事五卷亡

後漢書方術傳華佗字元化沛國譙人也一名粵游學徐士兼通數經曉養生之術年且百歲而猶有壯容時人以爲仙沛相陳珪舉孝廉太尉黃琬辟皆不就精于方藥處齊不過數種心識分銖不假稱量針灸不過數處裁七八九若疾發結于內針藥所不能及者乃令先以酒服麻沸散既醉無所覺因剝破腹背抽割積聚若在腸胃則斷截湔洗除去疾穢既而縫合傳以神膏四五日創愈一月之間皆平復曹操聞而召佗常在左右操積苦頭風眩佗針隨手而差爲人性惡難得意且恥以醫見業又去家思歸乃就操求還取方因託妻疾數期不反操累書呼之又勅郡縣發遣佗特能厭事猶不肯至操大怒使人廉之知妻詐疾乃收付獄訊考驗首服荀彧請曰佗方術實工人命所懸宜加全宥操不從竟殺之佗臨死出一卷書與獄吏曰此可以活人吏畏法不敢受佗亦不強索火燒之魏志本傳佗死後太祖頭風未除太祖曰佗能愈此小人養吾病欲以自重然吾不殺此子亦終當不爲我斷此根原耳及後愛子倉

舒病困太祖歎曰吾悔殺華佗令此兒殞死也 案魏志武文世王公傳鄧哀王冲字倉舒年十三建安十三年病亡則佗之被殺在是年之前矣

唐書經籍志華氏藥方十卷華佗方吳普集唐書藝文志吳普集華氏藥方十卷注云華佗

宋史藝文志華佗藥方一卷 又曰黃氏中藏經一卷靈寶洞主探微真人撰黃氏華氏之譜

陳氏書錄解題中藏經一卷漢譙郡華佗元化撰其序稱應靈洞主少室山鄧處中自言爲華先生外孫莫可考也

孫氏祠堂書目華氏中藏經三卷漢華佗撰一元趙孟頫寫本缺中卷一明江澄中刊本一明古今醫統本一星衍依趙孟頫兩寫本校足刊本

張氏書目答問華氏中藏經一卷平津館本案當爲三卷

案華氏之書今惟傳中藏經醫統本八卷平津館本三卷上虞徐氏近刻本八卷附華氏內照法一卷凡五篇似卽內事五卷之遺皆論五藏六府者也

梁又有歌奉方六卷亡 歌奉始末未詳

案後漢書歌奔傳奔扶風茂陵人歌氏自中興已後迄建安之末大將軍二人將軍九人卿十三人尙公主三人列侯十九人中郎將護羌校尉及刺史二千石數十百人遂與漢興衰云此歌奉殆卽其族漢魏

時人歟 又疑是董奉見吳志主雙傳注引神仙傳云奉字君異侯官人亦見明臨大任百越先賢傳

集略雜方十卷 不著撰人 雜藥方一卷梁有雜藥方四十六卷

不著撰人 案此一卷卽四十六卷之殘帙故不注云亡

雜藥方十卷 不著撰人

唐書經籍志雜藥方十卷陳山提撰 唐書藝文志陳山提雜藥方十卷

案陳山提始末未詳唐志列之宋齊人之間卽是書 右漢魏以來諸家方書爲經方類中第二段

寒食散論二卷梁有寒食散湯方二十卷寒食散方一十卷亡 並不著撰人

世說言語篇何平叔云服五石散非唯治病亦覺神明開朗注引秦丞相寒食散論曰寒食散之方雖出漢代而用之者寡靡有傳焉魏尙書何晏首獲神效由是大行于世服者相尋也 案注稱秦丞相當是秦承祖之誤此論二卷或卽其書

太平御覽方術部晉書曰靳邵性明敏有才術本草經方誦覽通究裁方治療意出衆表創制五石散方晉朝士大夫無不服餌皆獲

奇效

案御覽又引何顛別傳曰王仲宣年十七嘗遇張仲景仲景曰君有病宜服五石湯是五石散及湯出于仲景故秦承祖以為出漢代御覽引晉書謂斬即創制殆未然仰或又節度之耳

梁有皇甫謐曹欽論寒食散方二卷亡 欽當為

皇甫謐有甲乙經見前

晉書皇甫謐傳武帝頻下詔敦逼不已謐上疏自稱草莽臣言久嬰篤疾軀半不仁右腳偏小十有九載又服寒食藥違錯節度辛苦荼毒于今七年隆冬裸袒食冰常暑煩悶逆浮氣流腫四肢酸重謐言辭切至遂見聽許謐初服寒食散而性與之忤每委頓不倫嘗悲恚叩刃欲自殺叔母諫之而止

魏志武文世王公傳武帝二十五男東平靈王徽正始三年薨子翁嗣臣松之案翁入晉封廩邱公魏宗室之中名次甄城公 案甄城公志陳思王植之子也泰始二年翁遣世子琨奉表來朝詔曰翁秉德履道魏宗之良今琨遠至其依世子印綬加騎都尉賜服一具錢十萬隨才絀用翁撰解寒食散方與皇甫謐所撰並行于世

黟縣俞正變癸已存彙曰通鑑注言寒食散始于何晏又云煉鍾乳硃砂等藥為之言可避火食故云寒食言服者食宜涼衣宜薄惟酒微溫飲非不火食其方漢張機制在金匱

要略中發解制度備見隋巢元方諸病源候卷六所載皇甫謐語皇甫謐深受其毒故知之最詳

寒食散對療一卷釋道洪撰

道洪始末未詳

解寒食散方二卷釋智斌撰梁解散論二卷

智斌始末未詳

案此解寒食散方即梁目之解散論也此

注其異名故不云亡類此者時或有焉

解寒食散論二卷

不著撰人

梁有徐叔嚮解寒食散方六卷亡

徐叔嚮有鍼灸要鈔本草病源合藥要鈔四

家體療雜病本草要鈔三書並見前

梁有釋慧義寒食解雜論七卷亡

梁釋慧皎高僧傳釋慧義姓梁北地人少出家風格秀舉志業強正初游學于彭宋之間

備通經義後出京師宋武加接尤重永初元年住車騎范泰所立祇洹寺後與慧叡同住

烏衣寺元嘉二十一年終于寺春秋七十三

案高僧傳不言有是書不知是否即此慧

義然慧皎傳例于諸僧所撰外學之書多

從其略或為其略而不載焉今姑識于此

自後又有人為之解釋者詳下四條 則其

書頗盛行

雜散方八卷

不著撰人

梁有解散方解散論各十三卷亡

梁有解散方解散論各十三卷亡

並不著撰人

梁有徐叔嚮解散消息節度八卷亡

徐叔嚮有解寒食散方六卷見前

唐書經籍志寒食散方并消息節度二卷解

寒食散方十三卷徐叔和撰 案舊志叔嚮皆誤

作叔和

唐書藝文志徐叔嚮解寒食方十五卷

案舊唐志以此八卷合前六卷為二部合

十五卷新志并而為一亦十五卷視本志

兩部卷數多出一卷此梁本與唐志不同

者然前六卷無消息節度二卷此八卷即

為全書而前為別本之不全者同為一家

之書而前後歧出不相屬恐七錄不若是

之冗復是必從他家書目采入與前陶隱

居本草同也

梁有范氏解散方七卷亡

常熟丁國鈞晉書藝文志曰七錄醫方類有

范汪東陽方一百七十六卷隋志東陽外無

別有姓范者此解散方七卷亦為汪書可以

意決當為百七十餘卷中傳錄別行之本

梁有解釋慧義解散方一卷亡

不著撰人

案慧義解散雜論七卷見前此不知何人

解釋其書

右寒食散方為經方類之第三段黟縣俞

正變癸已存彙曰隋書經籍志載寒食散

方論甚多又曰寒食散本避傷寒卒病法

也士大夫不問疾否服之為風流則始于

何晏魏晉人服散至死不悟寢人子飢寒致病謬云散發其時以為笑謔晉人之散唐宋人之丹其為鄙惡直近時鴉片烟之比云案晉書裴秀傳服寒食散當飲熱酒而飲冷酒兼此服散致死之一事

湯丸方十卷  
雜丸方十卷

並不著撰人

梁有百病膏方十卷

不著撰人

唐書經籍志百病膏方十卷藝文志同

梁有雜湯丸散酒煎薄帖膏湯婦人少小方九卷

不著撰人

唐書經籍志雜湯丸散酒方八卷藝文志同

梁有羊中散雜湯丸散酒方一卷

羊中散即羊欣有藥方三十卷見後

案此殆從三十卷中析出別行者

梁有療下湯丸散方十卷

不著撰人

案此似亦羊中散書

石論一卷

不著撰人

案後半篇有服石論一卷似即此書

醫方論七卷

不著撰人

梁有張仲景辯傷寒十卷亡

張仲景有藥方十五卷見前

宋林億校上傷寒論序名醫別錄曰仲景南陽人名機仲景其字也舉孝廉官至長沙太守以宗族二百餘口建安紀年以來未及十稔死者三之二而傷寒居其七乃著論二十二篇證外合三百九十七法除重複定有一百一十三方

湖廣舊志方技門張機字仲景棘陽人學醫于同郡張伯祖盡得其傳靈帝時舉孝廉官至長沙太守少時與同郡何顯客游洛陽顯謂人曰仲景之術精于伯祖著傷寒論十卷行世華佗讀而喜曰此真活人書也又著金匱玉函經推為醫中亞聖又曰晉王叔和纂次仲景傷寒論為三十六卷行于世 吳江徐大椿傷寒類方曰後漢張機傷寒論乃晉王叔和蒐采成書本非機所編次

唐書藝文志王叔和張仲景藥方十五卷又傷寒卒病論十卷案卒讀如猝然之猝宋史藝文志張仲景傷寒論十卷

陳氏書錄解題傷寒論十卷漢長沙太守南陽張機仲景撰建安中人其文辭簡古奧雅又名傷寒卒病論凡一百一十二方古今治傷寒者未有能出其外者也

南昌喻昌尚論張仲景傷寒論重編三百九十七法曰張仲景卒病傷寒論十六卷其卒病論六卷已不可復睹即傷寒論十卷亦劫火之餘僅得之口授其篇目先後差錯賴有三百九十七法一百一十三方之名目可為校正晉太醫令王叔和附以己意編集成書

共二十二篇今世所傳乃宋直祕閣林億所校正宋人成無己所詮注

四庫提要曰傷寒論注十卷漢張機撰晉王叔和編金成無己注前有宋高保衡孫奇林億等校上序稱自仲景于今八百餘年惟王叔和能學之云云而明方有執作傷寒論條辨則詆叔和所編與無己所注多所改易竄亂併以序例一篇為叔和偽託而刪之國朝喻昌作尚論篇于叔和編次之舛序例之謬及無己所注林億等所校之失攻擊尤詳皆重為考定自謂復長沙之舊本其書盛行于世而王氏成氏之書遂微然叔和為一代名醫又去古未遠其學當有所受無已于斯一帙研究終身亦必深有所得似未可概從屏斥盡以為非夫朱子改大學為一經十傳分中庸為三十三章于學者不為無裨必以謂孔門之舊本如是則終無確證可憑也今大學中庸列朱子之本于學官亦列鄭玄之本于學官原不偏廢又烏可以後人重定此書遂廢王氏成氏之本乎

梁有療傷寒身驗方徐方伯辯傷寒各一卷傷寒總要二卷亡

徐方伯始末未詳通志藝文略作徐文伯案東海徐氏有徐文伯徐成伯徐嗣伯並昆季行皆善醫方伯殆亦其羣從別有辨腳弱方一卷見後此條前後兩書或非徐氏梁有支法存申蘇方五卷亡太平御覽方術部千金方序曰沙門支法存

嶺表人性敦方藥自永嘉南渡士大夫不習水土多患腳弱惟法存能拯濟之案脚弱即軟脚病時有仰道士亦嶺表僧善療此疾天下聞名云見明程伊醫林外傳

梁有王叔和論病六卷張仲景評病要方一卷

王叔和有脈經張仲景有藥方十五卷辨傷寒十卷並見前

晁氏讀書志金匱玉函經八卷漢張仲景撰晉王叔和集設問雜病形證脈理參以療治之方仁宗朝王洙得于館中用之甚效合二百六十二方案此似即王叔和論病張仲景評病要方二書合併為帙者也至宋王洙始得而傳之猶是王叔和編定仲景方論三十六卷中之一其八卷者疑評病要方是二卷也

陳氏書錄解題金匱要略三卷張仲景撰王叔和集林億等校正此書王洙于館閣蠹簡中得之曰金匱玉函要略方上卷論傷寒中論雜病下載其方并療婦人乃錄而傳之今書以逐方次于證候之下以便檢用所論傷寒文多節略故但取雜病以下止服食禁忌二十五篇二百六十二方而仍其舊名案王洙所傳者八卷見晁氏志今尚有傳本此三卷又後人所錄別本并下牛篇所載療婦人方二卷亦入之焉林億校八卷又補注要略三卷並見陳錄

宋史藝文志金匱玉函八卷王叔和集金匱要略方三卷張仲景撰王叔和集又有張仲景脈經一卷五藏榮衛論一卷療黃經一卷口齒論一卷與

金匱要略皆後人從三十六卷中析出別行非王叔和原編舊第宋志又有張叔和新集病總要略三卷即金匱要略之異名

南昌喻昌尚論篇曰張仲景著卒病傷寒論十六卷其卒病論六卷已不可復睹案王叔和論病六卷似即喻氏所謂卒病論即在叔和所編三十六卷中也後人與評病要方合為金匱玉函經八卷

四庫提要曰欽定醫宗金鑑乾隆十四年奉敕撰首為訂正傷寒論注十七卷次為訂正金匱要略注八卷蓋醫書之最古者無過素問次則八十一難經然皆有論無方素問有牛夏湯等一二方然偶然及之非其通例也其有論有方者自張機始講傷寒及雜證者亦以機此二書為宗然傷寒論為諸醫所亂幾如爭大學之錯簡改本愈多而義愈晦病其說之太雜金匱要略雖不甚聚訟然注者罕所發明又病其說之不詳是以首訂二書糾譌補漏以標證之正軌焉

梁有徐叔嚮談道述徐悅體療雜病疾源三卷

徐叔嚮有鍼灸要鈔本草病源合藥要鈔四家體療雜病本草要鈔解寒食散方并消息節度凡五書並見前談道述有本草經鈔徐悅有鍼經并孔穴蝦蟆圖亦見前

案前載張仲景辨傷寒之後次以療傷寒身驗方徐方伯辨傷寒及傷寒總要三書知為傷寒論而作此三人之書次論病評病要方之後亦即為仲景卒病論而作可

知其書名與前病源合藥四家體療雜病相同似當時合為一帙簿錄家分別著錄焉通志略載是書但云徐悅撰不及前兩人似誤讀此條注文也

梁有甘潛之癰疽部黨雜病疾源三卷府藏要三卷亡

甘潛之有癰疽耳眼本草要鈔九卷見前右雜湯丸酒煎薄帖及傷寒方論癰疽治療之類為經方家之第四段

肘後方六卷葛洪撰梁二卷陶弘景補闕肘後百一方九卷亡

葛洪有喪服變除見經部三禮類陶弘景有本草集注太清草木集要見前抱朴子雜應篇曰余所撰百卷名曰玉函方皆分別病名以類相續不相雜錯其救卒參卷皆單行徑易約而易驗離陌之間顧盼皆醫衆急之病無不畢備家有此方不可不用醫利寒白退士所不得使使之者乃多誤人未若自閑其要勝于所迎無知之醫且暴急之病而遠行借問率多枉死矣

太平御覽方術部旨中與書曰葛洪自號抱朴子善養生之術撰經用救驗方三卷號曰肘後方又撰玉函方一百卷于今行用陶隱居集肘後百一方序曰太歲庚辰隱居曰余宅身幽嶺迄將十載雖每植德施工多止一時之設可以傳芳遠裔者莫過于撰述見葛氏肘後救卒方殊足申一隅之思夫方

術之書卷帙徒煩拯濟蓋寡就欲披覽回感多端抱朴此製實為深益然尚有闕漏未盡其善輒更采集補闕凡一百一首以朱書甄別為肘後百一方于雜病單治略為周遍矣昔應璩為百一詩以箴規心行今予撰此蓋欲輔衛我躬且佛經云人用四大成身一大輒有一百一病是故身宜自想上自通人下逮衆庶莫不各加繕寫而究括之故備論節度使曉然無滯一披條領無使過差也 案序言太歲庚辰乃東晉侯永元二年也

太平御覽方術部梁書曰陶弘景好著述性好醫方專以拯濟欲利益羣品故修撰神農本草經三卷為七卷廣肘後為百一之製世所行用多獲異效焉

唐書經籍志肘後救卒方四卷葛洪撰補肘後救卒備急方六卷陶弘景撰

唐書藝文志葛洪肘後救卒方六卷陶弘景補肘後救卒備急方六卷

宋史藝文志葛洪肘後備急百一方三卷陳氏書錄曰肘後百一方三卷晉葛洪撰陶隱居增補本名肘後救卒方率多易得之藥凡八十六首陶併七首加二十二首共為一百一首取佛書人有四大一大輒有一百一病之義名之

四庫簡明目錄曰肘後備急方八卷晉葛洪撰凡分五十三類但有方而無論其書經梁陶弘景金楊用道增修用道所增猶注附方字弘景所增則不可考矣然弘景亦妙解醫

理者也 姚大夫集驗方十二卷

北史藝術傳姚僧垣字法衛吳興武康人吳太常信之八世孫也父善提梁高平令嘗嬰疾疹歷年乃留心醫藥梁武帝召與討論方術言多會意由是頗禮之僧垣幼通洽年二十四即傳家業仕梁為太醫正及魏軍剋荆州隨于謹至長安屢遷周大象二年除太醫下大夫至上開府儀同大將軍封長壽縣公隋開皇初進爵北絳郡公三年卒年八十五

僧垣醫術高妙為當時所推前後效驗不可勝紀聲譽既盛遠聞邊服至于諸蕃外域咸請託之僧垣乃參校徵效者為集驗方十二卷又撰行記三卷行于世長子察南史有傳次子最隨僧垣入關

唐日本國見在書目雜藥方一卷姚大夫撰集驗方十二卷姚僧垣撰集驗十二卷姚大夫撰

唐書經籍志集驗方十卷姚僧垣撰

唐書藝文志姚僧垣集驗方十卷 范陽東方一百五卷錄一卷范汪撰梁一百七十六卷 陽東當為東陽

范汪有祭典見經部禮類又有范氏解散方七卷見前

太平御覽方術部晉書曰范汪字元平性仁愛善醫術常以拯恤為事凡有疾病不限貴賤皆為治之十能愈其八九撰方五百餘卷又一百七卷後人詳用多獲其效

唐書經籍志雜藥方一百七十卷范汪方尹穆撰

唐書藝文志尹穆纂范東陽雜藥方一百七十卷注云范汪

梁又有阮河南藥方十六卷阮文叔撰亡

魏志杜恕傳注陳留阮武者亦拓落大才也案阮氏譜武父諶字士信徵辟無所就造三禮圖傳于世杜氏新書曰武字文業位止清河太守武弟炳字叔文河南尹精意醫術撰藥方一部

唐書經籍志阮河南方十六卷阮炳撰

唐書藝文志阮河南方十六卷注云阮炳又曰阮河南藥方十七卷

梁又有釋僧深藥方三十卷亡

太平御覽方術部千金方序曰僧深齊宋間道人善療腳弱氣之疾撰錄法存等諸家醫方三十餘卷經用多效時人號曰深師方焉 明程伊醫林外傳引作腳弱氣此弱下跛脚字

唐書經籍志僧深集方三十卷釋僧深撰

唐書藝文志僧深集方三十卷

梁又有孔中郎雜藥方二十九卷亡

晉書孔愉傳愉會稽山陰人也中子汪字德澤好學有志行孝武帝時位至侍中時茹千秋以佞媚見幸于會稽王道子汪屢言之于帝帝不納遷尚書太常卿以不合意求出為假節都督交廣二州諸軍事征虜將軍平越中郎將廣州刺史甚有政績為嶺表所稱太元十七年卒 案孔愉有晉成和咸康故事四卷見史

部舊事篇史載汪事不言其有是書此稱孔中郎者即指其刺史兼官平越中郎將也

曲阜孔繼汾孔氏著述考二十六代孫晉都督交廣二州諸軍事廣州刺史汪有雜藥方二十九卷

梁又有宋建平王典術一百二十卷亡  
不著撰人

案宋書文九王傳建平宣簡王宏字休度文帝第七子也元嘉二十一年年十一封建平王少而閑素篤好文籍太祖寵愛殊常為立第于雞籠山盡山水之美建平王國職高他國一階宏少而多病大明二年薨時年二十五又百官志王國置典醫丞典府丞各一人此蓋建平王國典醫丞所作名其書曰典術云 太平御覽圖書綱目載王 建平典術似傳謬也

梁又有羊中散藥方三十卷羊欣撰

宋書本傳欣字敬元泰山南城人仕晉入宋為新安義興太守自免歸除中散大夫素好黃老兼善醫術撰藥方十卷元嘉九年卒年七十三

太平御覽方術部宋書曰羊欣性好文儒兼善醫藥撰方三十卷為代所宗焉

梁又有褚澄雜藥方二十卷齊吳郡太守褚澄撰亡

南齊書褚淵傳淵字彥回河南陽翟人也淵弟澄字彥道尚宋文帝女廬江公主拜駙馬都尉歷官清顯善醫術建元中為吳郡太守

豫章王感疾太祖召澄為治立愈遷左民尚書侍中領右軍將軍永明元年卒

南史張融傳融謂徐文伯嗣伯曰褚侍中澄當貴亦能療人疾

唐書經籍志雜藥方十二卷褚澄撰  
唐書藝文志褚澄雜藥方十二卷

案宋儲泳祛疑說云褚澄察脈如神著書十篇曰尊生祕經宋史藝文志有褚澄褚氏遺書一卷四庫提要曰其書分受形本氣平脈津潤分體精血除疾審微辨書問

子十篇大旨發揮人身氣血陰陽之奧宋史始著于錄前有後唐清泰二年蕭淵序云黃巢時羣盜發冢得石棄之先人偶見

載歸後遺命即以褚石為槨又有釋義堪序云石刻得之蕭氏冢中凡十有九片其一即蕭淵序也又有嘉泰元年丁介跋稱

此書初得蕭氏父子護其石而始全繼得僧義塘筆之紙而始存今得劉義先鈔之

木而始傳則始刻于嘉泰中也其書于靈樞素問之理頗有發明李時珍王肯堂俱

採用之又簡明目錄曰其論寡婦僧尼之異治發前人所未發論吐血便血戒飲寒

涼尤為精識案此即儲氏所謂尊生祕經或即此二十卷中之方論未可知也

秦承祖藥方四十卷見三卷

秦承祖有假側雜鍼灸經脈經本草三書並見前世說言語篇注又引寒食散論見前第三段之一條

太平御覽方術部宋書曰秦承祖性耿介專好藝術于方藥不問貴賤皆治療之多所全獲當時稱之為上手撰方二十卷大行于世

唐六典醫博士注宋元嘉二十年太醫令秦承祖奏置醫學博士以廣教授至三十年省

唐書經籍志藥方十七卷秦承祖撰  
唐書藝文志秦承祖藥方四十卷

案此條注見三卷者據隋代見存書目所載也見存三卷而云四十卷知此書世有

全本故變例著錄全卷疑前載三書及寒食散論皆編入此書

梁有陽昞藥方二十八卷亡  
陽昞始末未詳

梁有夏侯氏藥方七卷亡  
夏侯氏不知何人

梁有王季琰藥方一卷亡  
王季琰始末未詳前注梁有王季琰本草經三卷疑即其人

梁有徐叔嚮雜療方二十一卷徐叔嚮雜病方六卷亡

徐叔嚮有鍼灸要鈔本草寒食散方等書凡六種並見前

唐書經籍志雜療方二十卷徐叔和撰體療雜病方六卷徐叔和撰案和當為嚮因向字之誤也

唐書藝文志徐叔嚮雜藥方二十卷又體療雜病方六卷

梁有李譚之藥方一卷亡

李諡之有本草經一卷藥錄六卷並見前  
梁有徐文伯藥方二卷亡

南史張融傳融與東海徐文伯兄弟厚文伯字德秀濮陽太守熙曾孫也熙生子秋夫秋夫生道度道度生文伯文伯亦精其業兼有學行倜儻不屈意于公卿不以醫自業融謂文伯曰昔王微稽叔夜並學而未能殷仲堪之徒故所不論得之者由神明洞澈然後可至故非吾徒所及且褚侍中澄當貴亦能救人疾卿此更成不達答曰惟達者知此可崇不達者多以爲深累既鄙之何能不恥之文伯爲效與嗣伯相埒嗣伯其從弟也見後

北史藝術徐審傳審子成伯與兄文伯等皆善醫藥文伯仕南齊位東莞太山蘭陵三郡太守子雄員外散騎侍郎醫術爲江左所稱事並見南史雄子之才見後半篇

胡洽百病方二卷梁有治卒病方一卷亡  
胡洽始末未詳

唐書經籍志胡居士方三卷胡洽撰  
唐書藝文志胡居士治百病要方三卷注云胡洽

案兩唐志皆三卷者有卒病方一卷在內也崇文目作胡道洽方三卷

梁有徐奘要方一卷無錫令徐奘撰  
徐奘始末未詳

案梁書沈約傳約病高祖遣上醫徐奘視約疾則梁武帝時人也上醫似卽尙藥局之醫有侍御醫司醫醫佐諸官唐六典云梁陳後魏皆太

醫藥其職  
梁有遼東備急方三卷都尉臣廣上  
臣廣始末未詳

梁有殷荊州要方一卷殷仲堪撰亡  
殷仲堪有毛詩雜義見經部詩類  
晉書本傳仲堪父病積年衣不解帶躬學醫術究其精妙執藥揮淚遂眇一目又曰仲堪善取人情病者自爲診脈分藥  
俞氏療小兒方四卷  
俞氏不知何人

唐六典醫博士以醫術教授諸生分而爲業一曰體療二曰瘡腫三曰少小注云諸生分業教習率二十人以三人學少小五年成  
唐書經籍志少小節療方一卷俞寶撰  
唐書藝文志俞氏治小兒方四卷俞寶小女節療方一卷  
案俞寶或卽俞氏之本名或其後子姓鈔節其書者

梁有范氏療婦人藥方十一卷亡  
范氏有解散方七卷見前第三段  
常熟丁國鈞補晉書藝文志曰范氏療婦人藥方十一卷見七錄考隋志醫方類無別有姓范者此亦爲范汪書當爲東陽方百七十餘卷中傳錄別行之本可以意決

案兩唐志有婦人方十卷皆不著撰人似卽此書

梁有徐叔嚮療少小百病雜方三十七卷亡  
徐叔嚮有鍼灸要鈔等諸書凡八種並見前

梁有療少小雜方二十卷療少小雜方二十九卷亡  
並不著撰人

唐書經籍志少小方十卷少小雜方二十卷  
唐書藝文志少女方十卷少小雜方二十卷  
案舊志作少小與本志所注同新志作少女未詳孰是  
梁有范氏療小兒藥方一卷亡  
范氏有解散方七卷療婦人方十一卷並見前

常熟丁國鈞補晉書藝文志曰范氏療小兒藥方一卷見七錄此與解散方療婦人藥方三種當爲范汪東陽方百七十餘卷中別行之本阮孝緒據所見各著于錄耳  
梁有王末療小兒雜方十七卷亡  
王末有鈔小兒用藥本草二卷見前第一段  
案命名曰末于義何取疑是宋王微後人因避諱而改爲末歟微有集別見集部末書本傳云微報廬江何偃書曰至于生平好服上藥起年十二時病虛耳所撰服食方中粗言之矣自此始信攝養有徵故門冬昌朮隨時參進寒溫相補欲以扶護危羸見冀白首家貧乏役至于春秋令節輒自將兩三門生入草采之吾實倦游醫部頗曉和藥尤信本草欲其必行是以躬親意在取精云云案服食方本志不見而本草則有鈔取爲小兒服食者二卷在焉以其自幼疾疹故用意于小兒方藥尋釋所

其自幼疾疹故用意于小兒方藥尋釋所



至類似其人并疑所謂服食方者亦即是書而所鈔本草二卷舊亦在是書中也今姑附識其疑于此 又晉謝道暹言暹從兄弟弟封胡羯末末爲謝川小字見晉書謝萬傳疑末亦王微小字

徐嗣伯落年方三卷

南史張融傳漢陽太守熙生子秋夫秋夫生道度叔嚮叔嚮生嗣伯皆精其業嗣伯字叔紹亦有孝行善清言位正員郎諸府佐彌爲臨川王映所重又傳論曰徐氏妙理通靈蓋非常所至雖古之和鵠何以加諸

唐書經籍志徐氏落年方三卷徐嗣伯撰

唐書藝文志徐嗣伯雜病論一卷又徐氏落年方三卷

案落年二字未詳其義後半篇有墮年方

二卷徐大山撰唐日本書目作隨手方知墮年爲隨手之誤疑此因墮年而作落年爲誤中之誤似卽徐嗣伯之隨手方大山日本書目作太山蓋徐文伯嘗爲太山太守兄弟二人各有隨手方也

梁有徐叔嚮療腳弱雜方八卷亡

徐叔嚮見前

唐書經籍志腳弱方八卷徐叔嚮撰

唐書藝文志徐叔嚮腳弱方八卷

案徐氏唯叔嚮著書最多本志所載有鍼灸要鈔一卷本草病源合藥要鈔五卷四家體療雜病本草要鈔十卷解寒食散方六卷解散消息節度八卷與談道述徐悅

體療雜病疾源三卷雜療方二十一卷雜病方六卷療少小百病雜方三十七卷并此腳弱方凡十種一百五卷唯鍼灸要鈔據隋代見存書目餘皆從梁代目錄鈔入其間亦不無重複互見者今并彙次其目于此

梁有徐方伯辯腳弱方一卷亡

徐方伯有辨傷寒三卷見前

案通志藝文略載此書及辨傷寒兩書皆作徐文伯豈所見隋志果如是今本作方伯爲轉寫之誤歟

梁有甘澹之療癰疽金創要方十四卷甘澹之療癰疽毒惋雜病方三卷

甘澹之有癰疽耳眼本草要鈔九卷見前

唐書經籍志療癰疽金創要方十四卷甘澹之撰

唐書藝文志甘澹之療癰疽金創要方十四卷

案其後三卷唐志不載毒惋通志略作惋其義未詳疑是毒蛇之誤

梁有甘伯齊療癰疽金創方十五卷亡

甘伯齊始末未詳唐有甘伯宗撰名醫傳七卷見新

唐志或其輩從也

唐書經籍志療癰疽金創要方十二卷甘伯齊撰

唐書藝文志甘伯齊療癰疽金創要方十二卷

陶氏效驗方六卷梁五卷梁又有療目方五卷

陶氏弘景有本草集注太清草木集要肘後百一方並見前

陶隱居肘後百一方序曰余又別撰效驗方五卷具論諸病證候因藥變通而並是大治非窮居所資若華軒鼎室亦宜修省耳南史逸隱傳所著本草集注效驗方肘後百一方

一方

唐書經籍志效驗方十卷陶弘景撰

唐書藝文志陶弘景效驗方十卷案二志皆十卷者并療目方五卷在內也

梁又有甘澹之療耳眼方十四卷亡

甘澹之有癰疽耳眼本草要鈔九卷癰疽部

黨雜病疾源三卷府藏要三卷療癰疽金創要方十四卷療癰疽毒惋雜病方三卷並見前

案甘氏所著見于本志所注者前後凡六種四十六卷皆外科傷科之書其間亦不無重複互見今并彙次于此其書至隋代存一部唐時復出二部

右自肘後方已下皆晉宋齊梁諸家之方書爲經方之第五段

梁又有神枕方一卷亡

不著撰人

案下文有墨子枕內五行紀要一卷注云梁有神枕方一卷疑卽是此蓋墨子五行紀要之異名也詳見後方

梁又有雜戎狄方一卷宋武帝撰亡

案兵家載皇帝兵法一卷注云宋武帝所

傳神人書而宋書南史本紀皆不載其事  
此雜戎狄方兩史本紀亦不見或義熙中  
滅南燕慕容超後秦姚泓時所得因而傳  
之歟

梁又有摩訶出胡國方十卷摩訶胡沙門撰

摩訶胡沙門不知何人

又范曄上香方一卷雜香膏方一卷亡

范曄有後漢書見史部正史類

南史范泰附傳曄性精微有思致觸類多善

衣裳器服莫不增損制度世人皆法學之撰

和香方其序之曰麝本多忌過分必害沉實

易和盈斤無傷零藿虛燥詹唐黏溼甘松蘇

合安息鬱金奈多和羅之屬並被珍于外國

無取于中土又棗膏昏鈍甲煎淺俗非唯無

助于馨烈乃常彌增于尤疾也所言悉以此

類朝士麝本多烈比庚仲文零藿虛燥比何

尚之詹唐黏溼比沈演之棗膏昏鈍比羊玄

保甲煎淺俗比徐湛之甘松蘇合比慧琳道

人沉實易和以自比也

右自神枕方已下皆附之末簡爲經方家

之第六段

以上自神農本草八卷至此凡六段二十

七部附梁有九十部蓋依仿漢志經方一

門之例以類次之者是爲第二類

彭祖養生經一卷

列仙傳彭祖者殷大夫也姓錢名鏗帝顛頃  
之孫陸終氏之中子歷夏至殷末八百餘歲  
常食桂芝善導引行氣歷陽有彭祖仙窟前

世禱請風雨莫不輒應

唐書藝文志彭祖養生經一卷

明白雲霧道藏目錄詳注彭祖攝生養生論

注云食息起居四時調養法

烏程嚴可均全上古三代文編曰彭祖姓彭

名翳一云名鏗一云姓錢名鏗陸終第三

子祝融之孫顛頃之玄孫歷事唐虞夏至商

爲守藏史年七百餘歲一云八百歲有養生

經一卷

又曰淮南子說林訓莫壽于殤子而彭祖爲

天矣高誘注一說彭祖蓋黃帝時學仙者葛

洪神仙傳彭祖諱鏗帝顛頃之玄孫至殷末

年已七百六十七歲而不衰老遂往流沙之

西非壽終也謹案經傳無神仙之說論語竊

比于我老彭包曰老彭殷賢大夫釋文引鄭

曰老老聃彭祖皇侃疏曰老彭彭祖也年

八百歲故曰老彭也老彭亦有德無位皇習

見神仙家言故以八百歲釋老非經意也鄭

語史伯曰祝融後八姓大彭豕韋爲商伯彭

姓彭祖豕韋諸稽商滅之韋昭曰大彭陸終

第三子曰錢爲彭姓封于大彭謂之彭祖又

曰彭祖大彭也史記楚世家陸終生子六三

曰彭祖索隱引世本三曰錢鏗是爲彭祖周

書嘗麥解皇天哀禹賜以彭壽思正夏略竹

書紀年帝啓十五年武觀以西河叛彭伯壽

帥師征西河合而斷之知彭祖國名即大彭

夏商爲方伯古五霸之一唐虞封國傳數十

世八百歲而滅于商此其實事論語之老彭

未知何人即如鄭說或是彭祖國之支族入  
仕商因以名名之後世傳會乃謂彭祖以房  
中術壽八百歲此不經之談也

又曰道藏臨字五號有攝生養生論此秦漢

已後養生家言託之彭祖又盡字號有彭祖

導引圖一篇御覽七百二十引神仙傳彭祖

云養生之道一篇文選稽叔夜養生論注引

彭祖養生要皆後人依託宗案養生要似即從張

湛養生要集中采出者非其本名也

養生要集十卷張湛撰

唐書經籍志養生要集十卷張湛撰又見道

家

唐書藝文志張湛養生要集十卷又見神仙家

常熟丁國鈞補晉書藝文志曰張湛養生要

集見隋志疑此係魏書列傳中之張湛非注

列子者

案晉張湛孝武帝時光祿勳晉書無傳有

列子注見前道家魏張湛太武帝時中書

侍郎賜爵南浦男寧遠將軍當南朝宋文

帝元嘉中在其後二三十年然魏書北史

列傳皆不言其有是書丁氏之說疑以存

疑而已

又案晉張湛爲王弼外甥之孫習于道家

之言晉書袁山松傳時張湛好爲齋前種

松柏南史陶弘景傳特愛松風庭院皆植

松與弘景有同好亦養生家靜攝之一事

又范寧傳寧常思目痛就中書侍郎張湛

求方湛因嘲之有損讀書減思慮專內視

簡外觀且晚起夜早眠非但明目乃亦延年之語純爲養生之言由是知此書出于晉之張湛爲多

玉房秘訣十卷

不著撰人

唐書經籍志房玉秘錄訣八卷冲和子撰案刻本作房秘錄訣玉字又誤錄爲祿

唐書藝文志冲和子玉房秘訣十卷注云張鼎

案張鼎自號冲和子所著別有太清璿璣文七卷見下篇第三類中始末未詳抱朴

子釋滯篇遐覽篇言房中之法有玄女經素女經彭祖經子都經容成經各一卷此類殆皆在此十卷中也張鼎有補孟詵食療本草初唐時人似神仙家流

以上三部蓋依仿漢志房中一門之例以類次之者是爲第三類抱朴子釋滯篇曰房中之法十餘家或以補救傷損或以攻

治衆病或以采陰益陽或以增年延壽其大要在於還精補腦之一事耳此法乃眞人口口相傳本不書也雖服名藥而復不知此要亦不得長生也人復不可都絕陰

陽陰陽不交則坐致壅閼之患故幽閉怨曠多病而不壽也任情肆意又損年命唯

有得其節宣之和可以不損若不得口訣之術萬無一人爲之而不以此自傷煞也

玄素子都容成公彭祖之屬蓋載其秘事終不以至要者著于紙上者也又曰房中

之術近有百餘事焉又微旨篇曰彭祖之法最其要者其他經多煩勞難行而其爲益不必如其書人少有能爲之者口訣亦有數千言云其言皆恍惚不經案七略方技四家房中在其三特方技之一術欲其制節禁度以期和平壽考而種子方養陽方所從出焉與神仙家不相蒙後世乃合而一之

墨子枕內五行紀要一卷梁有神枕方一卷疑此即是

神枕方前第八條

案五行變化墨子五卷神仙家鈔出一卷名曰墨子枕中五行要記皆變化之術詳見前五行家第廿六類中此一卷與前名目略同或是黃治藥物之類亦神仙家鈔出者

如意方十卷

不著撰人

唐書藝文志梁武帝坐右方十卷如意方十卷

案南史梁簡文帝本紀載所著有如意方十卷則實爲簡文帝所撰唐志坐右方十卷之下敝簡文帝三字耳

練化術一卷

不著撰人

案下篇載煉化雜術一卷陶隱居撰蓋即

此書

神仙服食經十卷

雜仙餌方八卷服食諸雜方二卷

並不著撰人

唐書經籍藝文志神仙服食方十卷神仙服食藥方十卷

案此八卷二卷唐時行本并合爲一即服食藥方十卷也

梁有仙人水玉酒經一卷

不著撰人

案唐藝文志王超仙人水鏡圖訣一卷注云貞觀人似即因是書而爲圖訣水鏡疑水經之誤道藏目錄如字號有軒轅黃帝水經藥法一卷則頗似此書也

老子禁食經一卷

案日本書目有老子神仙服食經崇文總目有老子服食經皆一卷疑即此書

以上七部附梁有一部蓋依仿漢志神仙家之例以類次之者是爲第四類

崔氏食經四卷

魏書崔浩傳浩母盧氏諶孫女也盧諶有集見集部浩著食經敍曰余自少及長耳目聞見

諸母諸姑所修婦功無不蘊習酒食朝夕養舅姑四時祭祀雖有功力不任僅使常手自親焉昔遭喪亂饑饉仍臻不能具其物用十餘年間不復備設先妣慮久廢忘後生無知

見而少不習業書乃占授爲九篇文辭約舉婉而成章聰辨強記皆此類也親沒之後值國龍興之會平暴除亂拓定四方余備位台

鉉與參大謀賞獲豐厚牛羊蓋澤實累巨萬

衣則重錦食則梁肉遠惟平生思季路負米之時不可復得故序遺文垂示來世

唐書經籍志食經九卷崔浩撰

唐書藝文志崔浩食經九卷

通志藝文略崔氏食經四卷崔浩撰

案崔浩有周易注見經部易家唐志載此

書九卷蓋以篇為卷此四卷似合并唐日

本書目亦四卷注云崔禹錫撰似因劉禹

錫傳信方而譌

食經十四卷梁有食經二卷又食經十九卷亡

並不著撰人

梁有劉休食方一卷齊冠軍將軍劉休撰亡

南齊書本傳休字弘明沛郡相人也初為駙

馬都尉奉朝請宋明帝湘東國常侍明帝頗

有好尚尤嗜飲食休多藝能爰及鼎味問無

不解後宮孕者帝使筮其男女無不如占齊

建元初為御史中丞四年出為豫章內史加

冠軍將軍卒年五十四

食饌次第法一卷

並不著撰人

梁有黃帝雜飲食忌二卷

並不著撰人

案漢志經方家之末有神農黃帝食禁七

卷嚴氏以為本草未有確證案食禁即食

忌此二卷或即漢志七卷之遺通志略無忌

字豈所見隋志果如是乎

四時御食經一卷

並不著撰人

唐書藝文志四時御食經一卷

案此似即魏武四時食制嚴氏全三國文

編曰文選海賦注初學記卷三十太平御

覽九百三十六七八九至四十引魏武四

時食制凡十四條舊唐志又有四時食法

一卷趙氏撰新志作趙武似皆因曹氏魏

武而傳譌非別一書御覽引用書目與四

時食制分別著目亦非也

梁有太官食經五卷又太官食法二十卷亡

並不著撰人

唐書經籍藝文志太官食法一卷太官食方

十九卷

通志藝文略梁太官食經五卷梁太官食法

二十卷

案鄭氏以此二書皆屬之梁代未詳所據

然亦頗近似

梁有食法雜酒食要方白酒并作物法十二卷

家政方十二卷

並不著撰人

案食法雜酒食要方白酒并作物法此不

似書名似誤鈔梁目解題之文亦即似家

政方十二卷解題之語也詳見下文

食圖四時酒要方白酒方七日麵酒法雜酒食

要法雜藏釀法雜酒食要法酒并飲食方饜及

鑄蟹方羹醢法鮓臠胸法北方生醬法各一卷

亡雜酒食要法凡兩見似有破誤

並不著撰人

案此云各一卷者食圖一卷四時酒要方

一卷白酒方一卷七日麵酒法一卷雜酒

食要法一卷雜藏釀法一卷雜酒食要法

一卷酒并飲食方一卷饜及鑄蟹方一卷

羹醢法一卷鮓臠胸法一卷北方生醬法

一卷凡十二卷證以前一條所載似即家

政方之篇目其首一卷為食物之圖故云

食圖而此之食圖即前條之食法也此四

時酒要方即前條之雜酒食要方也此白

酒方即前條之白酒也此七日麵酒法以

下諸種即前條作物法之省文也蓋亦如

前條誤鈔梁目解題之文非家政方之篇

目即作物法之子卷斷可諱矣天文家云錄

軌象以類其章一卷亦誤鈔解題之語與此相同

療馬方一卷梁有伯樂療馬經一卷疑與此同

案梁目伯樂療馬經即此療馬方亦即下

篇伯樂治馬雜病經一卷也本志注其疑

似者唯此與前墨子枕內五行紀要各一

條此亦可知修志者唯見書目不見本書

故有此疑辭也

以上自崔氏食經至此凡五部附梁有二

十部除去復重十三部止有七部皆飲饌及獸

醫之屬附諸篇末者為第五類是為上篇

醫方家下

黃帝素問八卷全元起注

全元起當為全元起始末未詳

南史王僧孺傳僧孺多識古事侍郎金元起

欲注素問金當為全訪以砭石僧孺答曰古

人當以石為針必不用鐵說文有此砭字許

慎云以石刺病也東山經高氏之山多針石郭璞云可以爲砭針春秋美疾不如惡石服子慎注云石砭石也季世無復佳石故以鐵代之爾

唐日本國見在書目黃帝素問十六卷全元起注

唐書藝文志全元起注黃帝素問九卷

宋史藝文志素問八卷隋全元起注

陳氏書錄曰隋志又有全元起素問注八卷

嘉祐中林億高保衡承詔校定補注王冰注本亦頗采元起之說附見其中

四庫提要曰全元起所注已闕其第七王冰寶應中人乃自謂得舊藏之本補足此卷又曰冰本頗更其篇次然每篇之下必注全元起本第幾字猶可考見其舊第

脈經二卷徐氏撰

徐氏不詳何人

華佗觀形色并三部脈經一卷

華佗有方十卷內事五卷見上篇經方類第二卷

脈經決二卷徐氏新撰

徐氏不詳何人

唐書經籍志脈經訣三卷徐氏撰

唐書藝文志徐氏脈經訣三卷

脈經鈔二卷許建吳撰

許建吳始末未詳

黃帝素問女胎一卷

不著撰人

案此似論胎脈本之于素問者三部四時五藏辨診色決事脈一卷

不著撰人

唐書經籍藝文志三部四時五藏辨候診色脈經一卷

脈經一卷

脈經略一卷

辨病形證七卷

五藏決一卷

並不著撰人

論病源候論五卷目一卷吳景賢撰

吳景賢亦作吳景始末未詳

唐書經籍志諸病源候論五十卷吳景撰

唐書藝文志吳景諸病源候論五十卷巢氏

諸病源候論五十卷注云巢元方

宋史藝文志巢元方巢氏諸病源候論五十卷

卷

巢氏讀書巢氏病源候論五卷隋巢元方等

撰元方大業中被命與諸醫共論衆病所起

之源皇朝舊制監局用此書課試醫生昭陵

時詔校本刻牘頒行宋綬爲序

陳氏書錄曰巢氏病源論五十卷隋太醫博士巢元方等撰大業六年也惟論病證不載

方藥今案千金方諸論多本此書業醫者可以參考

四庫提要曰巢氏諸病源候論五十卷隋大

業中太醫博士巢元方等奉詔撰考隋志有

諸病源候論五卷目一卷吳景賢撰舊唐志

有諸病源候論五十卷吳景賢撰皆不言巢氏

書宋志有巢元方巢氏諸病源候論五十卷

又無吳氏書惟新唐志二書並載書名卷數

並同不應如是之相復疑當時本屬官書元

方與景一爲監修一爲編撰故或題景名或

題元方名實止一書新唐志偶然重出觀晁

公武稱隋巢元方等撰足證舊本所列不止

一名然則隋志吳景作吳景賢賢或監字之

誤其作五卷亦當斂一十字如止五卷不應

目錄有一卷矣

又簡明目錄曰凡六十七門一千七百二十

論但論病源不載方藥唐王濬作外臺祕要

宋太平興國中撰聖惠方皆采是書冠諸門

之首則歷代實爲圭臬矣

服石論一卷

不著撰人

案上篇著錄石論一卷亦無名氏似卽其

書

癰疽論方一卷

五藏論五卷

瘡論并方一卷

并不著撰人

以上十五部亦如上篇醫經之例爲第一

類

神農本草經三卷

唐書經籍藝文志神農本草三卷

案此三卷本或猶是相傳本經之舊

本草經四卷蔡英撰

蔡英始末未詳

案此似卽上篇所注梁有蔡邕本草七卷也此或非其全也

藥目要用二卷

不著撰人

唐書經籍藝文志藥目要用二卷

案上篇注云梁有藥目三卷亡此或其節

要本

本草經略一卷

不著撰人

本草二卷徐大山撰大山當爲太山下並同

徐大山卽徐文伯有藥方見上篇文伯嘗爲太

山東莞爾陵三郡太守故有此稱

本草經類用三卷

不著撰人

案兩唐志有藥類二卷似卽此書

本草音義三卷姚最撰

姚最有梁後略見史部古史類

北史藝術姚僧垣傳僧垣次子最年十九隨

僧垣入關未習醫術天和中齊王憲秦遣最

習之憲又謂最曰博學高才何如王褒庾信

王庾名重兩國吾視之蔑如接待資給非爾

家比也勿不存心且天子有勅彌須勉勵最

于是始受家業十許年中略盡其妙每有人

告請効驗甚多

本草音義七卷甄立言撰

舊唐書方技傳甄權許州扶溝人也嘗以母

病與弟立言專醫方得其旨趣立言武德中

累遷太常丞尋卒撰本草音義七卷古今錄

驗方五十卷甄權有甄氏本草見上篇  
唐書藝文志甄立言本草音義七卷注云一  
作權

謝氏小學考曰唐志立言下注云一作權通

志藝文略則直作甄權撰

本草集錄二卷

本草鈔四卷

本草雜要決一卷

并不著撰人

本草要方三卷甘澹之撰

甘澹之有癰疽耳眼本草要鈔等書凡六種

並見上篇經方家第五段

案此似卽上篇所注梁有九卷之佚存本

依本草錄藥性三卷錄一卷

不著撰人

唐六典太醫令注醫博士教諸醫生讀本草

者卽令識藥形而知藥性博士月一試太醫

令丞季一試太常丞年終總試

案唐制大率仍前代據六典所載則藥性

之書爲博士弟子課試之學此從來本草

錄諸家所言性味大抵是太醫署肆業之

書又頗似甄權藥性本草也

靈秀本草圖六卷原平仲撰

原平仲始末未詳

唐張彥遠歷代名畫記曰古之祕畫珍圖有

靈秀本草圖六卷起赤箭終蜻蜒源平仲撰

此作源未詳孰是

唐書經籍志靈秀本草圖六卷原平仲撰

唐書藝文志原平仲靈秀本草圖六卷

芝草圖一卷

不著撰人

唐書經籍藝文志芝草圖一卷

入林采藥法二卷

不著撰人

太常采藥時月一卷四時采藥及合目錄四卷

并不著撰人

唐六典太常卿以八署分而理焉其六曰太

醫署太醫令掌諸醫療之法凡藥有陰陽配

合子母兄弟根葉花實草石骨肉之異及有

毒無毒陰乾采造時月皆分別焉皆辨其所

出州土每歲貯納擇其良者而進焉又曰凡

醫師醫正醫工療人疾病每歲常合傷寒時

氣瘡痢傷中金鎗之藥以備人之疾病者

又曰殿中監之屬尙藥奉御掌合和御藥凡

藥有上中下三品上藥爲君養命以應天中

藥爲臣養性以應人下藥爲佐療病以應地

遞相宣攝而爲用凡合藥宜用一君三臣九

佐方家之大經也必辨其五味三性七情然

後爲和劑之節其用又有四焉曰湯丸膏散

唐書經籍藝文志四時采取諸藥及合和四

卷

案太醫署屬太常故此兩書以太常名大

抵是其簿籍爲醫正醫師醫工之職業而

尙藥局亦有其事焉

藥錄二卷李密撰  
北齊書李元忠傳元忠趙郡柏人人也族弟

密字希邕平棘人密少有節操屬爾朱兆殺逆陰結豪右以兵從高祖舉義遙授并州刺史封容城縣侯除建州襄州刺史天保初以舊功授散騎常侍卒密性方直有行檢因母患疾名醫治療不愈精習經方洞曉針藥母疾得除當世皆服其名解由是亦以醫術知名亦見北史李齊傳後

諸藥異名八卷沙門行矩撰本十卷今闕

行矩一作行智始末未詳

唐書經籍志諸藥異名十卷釋行智撰

唐書藝文志僧行智諸藥異名十卷

案明李時珍本草綱目每藥必備載釋名一條蓋權輿于是書

諸藥要性二卷

不著撰人

種植藥法一卷

不著撰人

唐六典太醫署太醫令之屬藥園師二人生八人藥園師以時種蒔收采諸藥注曰京師置藥園一所擇良田三頃取庶人十六已上二十已下充藥園生業成補藥園師

種神芝一卷

不著撰人

抱朴子黃白篇云曰夫芝菌者自然而生而仙經有以五石五木種芝芝生取而服之亦與自然芝無異俱令人長生

案此與種植藥法似皆為藥園師生所職

業兩唐志有種芝經九卷

右亦如上篇之例皆本草之屬為經方家之一門

藥方二卷徐文伯撰

徐文伯有藥方見上篇經方家第五段

案上篇注云梁有徐文伯藥方二卷亡此復著錄亦二卷實未亡也

解散經論并增損寒食節度一卷

不著撰人

張仲景療婦人方二卷

張仲景見上篇經方家

案書錄解題曰金匱要略三卷下卷載方并療婦人蓋後人已析入金匱要略中也

仲景之書自王叔和編次三十六卷之後其原編舊第遂不可考今則并叔和所編之篇目亦不可見本志所載有仲景方十五卷論傷寒十卷王叔和論病六卷評病要方一卷并此二卷凡三十四卷明方有

執言仲景有序例一篇為三十五尚闕其一若以叔和論病及評病要方兩書合併為金匱玉函經八卷計之則正合三十六卷之數然不知是否如此也

徐氏雜方一卷少小方一卷療小兒丹法一卷

徐氏不詳何人

案兩唐志有徐嗣伯雜病論一卷本志不見疑即是書新唐志雜病論之後又次以徐氏落年方三卷并疑此三書即上篇所載徐嗣伯落年方三卷也

徐氏不詳何人

載徐嗣伯落年方三卷也

徐氏不詳何人

徐氏不詳何人

載徐嗣伯落年方三卷也

徐氏不詳何人

徐氏不詳何人

徐大山試驗方二卷

大山常為太山有本草二卷見前

徐文伯療婦人瘕一卷

徐文伯有藥方二卷兩見于前

說文瘕女病也桂氏義證曰魏案華氏中藏經瘕瘕論云瘕者系于氣也瘕者系于血也御覽引宋書徐文伯傳明帝宮人患腰痛牽

心衆醫以為肉瘕文伯曰此髮瘕以油投之即吐得物如髮引之長三尺頭已成蛇懸柱上水滴盡一髮而已病都差魏案隋書經籍

志徐文伯療婦人瘕一卷

案南史張融附傳亦載此事而誤瘕為瘕

此一卷即載其事蓋其治驗之一端

徐大山巾箱中方三卷

徐太山有本草及試驗方並見前

藥方五卷徐嗣伯撰

徐嗣伯有落年方見上篇經方家

墮年方二卷徐大山撰

唐日本國見在書目徐太山隨手方一卷

案徐太山即徐文伯此墮年為隨手之誤墮隨二字易混年手草寫相似通志略亦作墮年則宋本已然微日本書目幾莫辨

其致誤之由矣

効驗方三卷徐氏撰

徐氏不詳何人

徐氏不詳何人

雜要方一卷

不著撰人

玉函煎方五卷葛洪撰

葛洪有肘後方見上篇經方家

抱朴子雜應篇曰余所撰百卷名曰玉函方皆分別病名以類相續不相雜錯

太平御覽方術部晉中興書曰葛洪撰經用救驗方三卷號曰肘後方又撰玉函方一百卷于今行用

案此稱煎方者蓋從玉函百卷中鈔出編為五卷也

小品方十二卷陳延之撰

陳延之始末未詳

唐書經籍志小品方十二卷陳延之撰

唐書藝文志陳延之小品方十二卷

陳氏書錄曰外臺祕要方四十卷唐王燾撰

天寶十一年也其書博采諸家方論如肘後

千金世尚多有之至于小品深師崔氏許仁

則張文仲之類今無傳者猶問見于此書案

深師方及崔中書黃素方並見前許仁則似即高陽許智

藏之族陳隋時人張文仲唐武后時人又選注引經方小

品即此書

千金方三卷范世英撰

范世英始末未詳

唐書藝文志范世英千金方三卷

案千金方之名始于唐初孫思邈本志五

行家已載思邈龜上五兆動搖決一卷五

兆算經一卷以其人尚存故不著姓名此

亦疑孫氏千金方三十卷跋十字而又誤

題撰人為范世英或世英鈔千金方為三

卷其前跋千金方三十卷一條也

徐王方五卷

徐王八世家傳効驗方十卷  
徐氏家傳祕方二卷

并不著撰人

唐書經籍志徐王八代効驗方十卷徐之才

撰徐氏家祕方二卷徐之才撰

唐書藝文志徐之才徐王八代効驗方十卷

又家祕方三卷

北史藝術徐審傳審字成伯丹陽人也家本

東莞與兄文伯等皆善醫藥審因至青州慕

容白曜平東陽獲之送京師仕獻文孝文至

大鴻臚卿封金鄉縣伯正始元年以老為光

祿大夫卒諡曰靖子踐字景昇襲爵位建興

太守文伯仕南齊位三郡太守子雄員外散

騎侍郎醫術為江左所稱雄子之才幼而雋

發仕梁豫章王綜鎮北主簿及綜入魏之才

為魏軍所止綜入魏旬月位至司空魏聽綜

收斂僚屬乃啓魏帝云之才大善醫術兼有

機辨詔徵之才孝昌二年至洛勅居南館禮

遇甚優審子踐啓求之才還宅之才藥石多

效又關涉經史發言辨捷朝賢競相要引為

之延譽武帝時封昌安縣侯天平中齊神武

徵赴晉陽常在內館既博識多聞于方術尤

妙針藥所加應時必効文宣登阼封池陽縣

伯武平中仕至尚書令封西陽郡王年八十

卒贈司徒公錄尚書事諡曰文明弟之範亦

醫術見知位太常卿

明李樞醫學入門姓氏考曰徐熙南宋東海

人官至濮陽太守世醫徐秋夫道度文伯徐

雄之才等皆其子孫也又曰之才撰藥對之  
才弟之範以醫官太常卿之範子敏齋亦工  
醫

案此稱徐王者以之才仕北齊封西陽王

故也前五卷為之才自撰後十卷又二卷

皆其所集錄徐氏自濮陽太守熙以醫術

名家傳子秋夫秋夫傳子道度叔嚮道度

傳子文伯叔嚮傳子嗣伯文伯傳子雄皆

仕于南朝者其入北朝則有文伯之弟審

審子踐雄子之才之範之範子敏齋凡七

代十一人此云八世者或自熙至之才之

父雄八人世家學者言之之才同時昆

季踐及之範以下皆不在其內也歟

藥方五十七卷後齊李思祖撰本百一十卷 案當  
為後魏

北史藝術傳李脩字思祖本陽平館陶人也

父亮少學醫術未能精究太武時奔宋又就

沙門僧坦略盡其術針灸授藥罔不有効徐

竟問多所救恤脩兄元孫隨畢衆敬赴平陽

亦遵父業而不及以功拜奉朝請脩略與兄

同晚入代京歷位中散令以功賜爵下蔡子

遷給事中太和常禁內文明太后時有

不豫脩侍針藥多効集諸學士及工書者百

餘人在東宮撰諸藥方百卷皆行于世 案魏

書云百餘卷後卒于太醫令贈青州刺史

唐書經籍志雜湯丸散方五十七卷孝思撰

岑本又作孝燕

唐書藝文志孝思雜湯丸散方五十七卷二



志並誤李爲孝又按祖字也

案李脩在魏書術藝傳末云遷洛爲前軍將軍領太醫令後數年卒案孝文遷洛在太和十九年後數年仍當在孝文宣武之時遠在北齊之前此列在徐王書後題曰後齊皆非也太平御覽方術部引後魏書載其

診高尤事作李循誤也今魏書高尤傳作李脩

稟邱公論一卷

不著名氏

案曹翕入晉改封廩邱公有寒食散方與皇甫謐書合并爲帙見上篇經方家此即曹翕所論之一卷也

太一護命石寒食散二卷宋尙撰

宋尙始末未詳

案此或是神仙家之寒食散方也

皇甫士安依諸方撰一卷

案上篇注云梁有皇甫謐曹欽論寒食散方二卷亡此與前所載稟邱公論一卷即梁有之二卷實未亡也而敘次雜亂乃如此

序服石方一卷

不著撰人

案此或即皇甫氏曹氏寒食方論之序又或是前載服石論一卷之序

服玉方法一卷

不著撰人

唐書經籍藝文志服玉法并禁忌一卷

劉涓子鬼遺方十卷龔慶宣撰

太平御覽方術部龔慶宣鬼遺方序曰劉涓子不知何許人也晉末于丹陽郊外較射忽

見一物高二丈許因射而中之走而電激聲若風雨夜不敢追明旦率門人弟子隣伍數十人尋其蹤跡至山見一小兒問之何往小兒云主人昨夜爲涓子所射今欲取水以洗瘡因問小兒主人是誰答曰是黃父鬼乃將小兒還未至聞擣藥聲遙見三人一人臥一人開書一人擣藥比及隨叫突而前三人並走遺一帙癰疽方并一白藥人有癰者塗之隨手而愈

唐日本國見在書目劉涓子十一卷龔慶宣撰龍當爲撰

唐書經籍志劉涓子男方十卷龔慶宣撰一本又作南方疑皆是鬼字之誤

唐書藝文志劉涓子男方十卷

崇文總目劉涓子鬼遺方十卷又曰劉涓子鬼論一卷

陳氏書錄曰劉涓子神仙遺論十卷東蜀刺史李頎錄案中與書目引崇文總目云宋龔慶宣撰劉涓子者晉末人于丹陽縣得鬼遺方一卷略治癰疽之法慶宣得而次第之今

案唐志有龔慶宣劉涓子男方十卷未知即此書否卷或一版或數行名爲十卷實不多也

明程伊醫林外傳曰涓子從宋武帝北征有被創者以藥塗之隨手而愈論者謂聖人作

事天必助之蓋天以此授武帝也涓子用方

爲治千無一失演爲十卷號鬼遺方

歸安陸心源羣書校補曰劉涓子男方十卷宋龔慶宣撰舊新唐志同直齋書錄有劉涓子神仙遺論十卷似即一書今祇存鬼遺方五卷石門顧脩刊入讀書齋叢書中神仙遺論一卷惟見錢氏讀書敏求記六朝著述傳世日希余藏有舊鈔本今錄如左以補顧刻之缺

案晉書譙忠王尙之傳王國寶之誅也彭城內史劉涓子以同黨被收尙之爲言于會稽王道子得釋宋書宗室傳營浦侯遵考高祖族弟也曾祖淳皇曾祖武原令混之弟官至正員郎祖巖海西令父涓子彭城內史蓋即此劉涓子爲宋武帝共高祖

從父王國寶被誅事在晉安帝隆安二年時涓子爲彭城內史後十三歲義熙六年從宋武北征慕容超以所得藥療被創軍士則其在丹陽射獵得此方書在是年之前其事固在晉末與龔氏序言合此其人之略可考見者今本首有齊永元元年龔慶宣序永元爲東昏侯年號則齊末梁初

人知與涓子非同時不得謂之宋人其首一卷爲黃父曰以下論說凡四十九條所謂鬼論神仙遺論者即此餘載方一百五十五首其改稱神仙遺論殆李頎錄本始編爲五卷則宋已後人爲之也

療癰經一卷

療三十六癩方一卷

療癰經一卷

療三十六癩方一卷

并不著撰人

說文癰腫也瘰癧腫也桂氏義證曰顏注急就篇瘰久瘡也一切經音義瘰癧屬也中有蟲頸腋急處皆有或作漏血如水上也隋書經籍志療三十六瘰方一卷 明李暉曰瘰音漏瘡久成孔也

王世榮單方一卷

北史藝術傳王顯字世榮陽平樂平人自言本東海郊人王朗之後也父安上少與李亮同師俱受醫藥而不及亮案李亮李脩之父見前李思祖藥方條 顯少歷本州從事雖以醫術自通而明敏有決斷才用後宣武詔撰藥方三十五卷班布天下以療諸疾累遷御史中尉以營療功封魏國縣伯及宣武崩明帝即位朝宰託以侍療無効執之禁中詔削爵位徙朔州臨執呼冤直閣以刀鏗撞其腋下傷中吐血至右衛府一宿死 唐日本國見在書目雜藥方一卷中尉王榮撰敘世字

案王顯與李脩同時其卒後李脩十餘年時為南朝梁武帝天監十五年也此一卷殆卽三十五卷中之一

集驗方十卷姚僧垣撰一本作僧垣誤又作僧元尤誤姚僧垣有姚大夫集驗方十二卷見上篇經方家

案姚氏集驗方隋唐時相傳有兩本其一十二卷上篇所載者是其一十卷與舊新唐志著錄同卽此是也

集驗方十二卷

不著撰人

案此卽上篇所載姚大夫集驗方十二卷之本日本書目載姚氏集驗方亦有兩本皆十二卷與本志同 備急草要方三卷許證撰草當爲單證當爲澄

北史藝術許智藏傳智藏高陽人也祖道幼時號名醫世相傳授智藏以醫自達仕陳入隨爲員外散騎侍郎宗人許澄亦以醫術顯澄父爽仕梁爲中軍長史隨柳仲禮入長安與姚僧垣齊名澄有學識傳父業尤盡其妙歷位尚藥典御諫議大夫封賀川縣伯父子俱以藝術名重于周隋二代史失其事故附云

明李樞歷代醫學姓氏考許澄智藏宗人以醫術與姚僧垣齊名拜士承局三司 案士承局三司周隋時罕見有此官名疑是上儀同三司之誤隋從四品官也

藥方二十一卷徐辨卿撰

徐辨卿始末未詳

案北史藝術徐之才傳之才長子林字少卿太尉司馬次子同卿太子庶子之才以其無學術每歎曰終恐同廣陵散矣弟之範亦醫術見知位太常卿特聽襲之才爵西陽王此辨卿與之才之子少卿同卿似同輩或之範之子敏齊之字歟李樞醫學姓氏考云徐敏齊之範之子工醫博覽多藝隋贈朝散大夫

名醫集驗方六卷

不著撰人

唐書經籍藝文志名醫集驗方三卷名醫別錄三卷陶氏撰

陶氏弘景有本草集注太清草木集要肘後百一方効驗方療目方凡五書並見上篇經方家

唐書經籍藝文志名醫別錄三卷皆不著名氏並類從于本草之內

案明李時珍本草綱目序例云神農本草三百六十五種梁陶弘景復增漢魏以下名醫所用藥三百六十五種謂之名醫別錄然則此爲陶氏新集本草其後作集注並散入七卷之中以朱書神農墨書別錄爲識別其首常有漢魏已來名醫姓名故宋林億校上傷寒論序引名醫別錄言張仲景本末唐甘伯宗輯名醫傳七卷本于此書今皆不可得見矣汪氏文選注引羣書目錄有名醫別錄本草名醫案本草名醫卽是書之姓名考也

又案此當移列于前神農本草經三卷之次

刪繁方十三卷謝士泰撰

唐日本國見在書目刪繁論十卷謝云泰撰唐書經籍志刪繁方十二卷謝士泰撰一本作士文

唐書藝文志謝士泰刪繁方十二卷案士泰當是士泰之誤日本書目以士爲

云唐志又轉泰爲太以太爲文新唐志別有謝泰黃素方二十五卷見上篇經方類

中疑卽此謝士泰始未並未詳也

吳山居方三卷

吳山居不知何人

新撰藥方五卷

不著撰人

療癰疽諸瘡方二卷秦政應撰

秦政應始未未詳

單複要驗方二卷釋莫滿撰

莫滿始未未詳

案單複之義聞之醫學名家駱氏衛生曰

單者如生甘草湯甘桔湯之類以一二品

爲法也複者如五苓散合小柴胡湯爲柴

苓湯平胃散合五苓散爲胃苓湯之類是

也

釋道洪方一卷

道洪有寒食散對療一卷見上篇經方家

小兒經一卷

不著撰人

散方一卷雜散方八卷

并不著撰人

案上篇寒食散類中亦著錄雜散方八卷

疑卽一書

療百病雜丸方三卷釋曇鸞撰

曇鸞始未未詳

案陶隱居集有答釋曇鸞書云去月耳聞

音聲茲辰眼受文字將由頂禮歲積故使

真隱來儀正爾整拂藤蒲具陳花水端襟  
敘思矜聆警錫也則曇鸞乃梁時高僧也

療百病散三卷

不著撰人

案此似亦爲前一家之書

雜湯方十卷成毅撰

成毅始未未詳

雜療方十三卷

并不著撰人

趙婆療潔方一卷

趙婆不知何時人

案說文水部濕字注引桑欽說潔水出高

唐蓋桑欽古文尙書說也康熙字典潔說

文本作濕後以濕爲乾溼之濕云云則潔

爲古文濕字亦通爲溼字此療潔方卽療

濕方之異名歟又疑爲療字之誤字典云

痺癱筋結病也又瘍繞頸項索索也方書

云癱癱或在耳後頸項缺盆手少陽三焦

經主之或在胸及胸之側皆爲馬刀瘡足

少陽膽經主之明李樞醫學入門音字云

溼音格則癱癱之癱爲多宋志有癱癱方

一卷或卽是書

議論備豫方一卷于法開撰

世說文學篇注名德沙門題目曰于法開才

辯縱橫以數術弘教高逸沙門傳曰法開初

以義學著名後與支遁有競故遁居郟縣更

學醫術

梁釋慧皎高僧傳于法開不知何許人事于  
法蘭爲弟子又祖述者婆妙通醫法住白山

靈鷲寺每與支道林爭卽色空義哀帝時徵

入京講放光經謝安王文度悉皆友善年六

十卒于山寺

扁鵲陷冰丸方一卷

扁鵲有黃帝八十一難見上篇醫經類

漢書郊祀志成帝末年頗好鬼神亦以無繼

嗣故多上書言祭祀方術者皆得待詔祠祭

上林苑中長安城旁費用甚多谷永說上曰

臣聞明于天地之性不可惑以神怪知萬物

之情不可罔以非類諸背仁義之正道不遵

五經之法言而盛稱奇怪鬼神廣崇祭祀之

方求報無福之利及言世有僊人服食不終

之藥遣與輕舉登遐倒景覽觀縣圃浮游蓬

萊耕耘五德朝種暮穫與山石無極黃治變

化堅冰淖溺化色五倉之術者皆姦人惑衆

挾左道懷詐僞以欺罔世主聽其言洋洋滿

耳若將可遇求之盪盪如係風捕景終不可

得晉灼曰方士詐以藥石若陷冰丸投之冰

上冰卽消液因假爲神仙道使然也

案此據谷永及晉灼言則漢武宣時方士

所作而託之扁鵲且非真正方藥乃左道

惑衆之術當與後神仙黃白方諸書爲伍

列之于此非其類也

扁鵲肘後方三卷

案宋藝文志有扁鵲療黃經三卷又枕中

祕訣三卷似皆由此書輾轉傳述者

療消渴衆方一卷謝南郡撰

謝南郡不知何人

唐日本國見在書目治消渴方一卷

案此當是治三消病之諸方也

論氣治療方一卷釋曇鸞撰

曇鸞有療百病雜丸方見前

唐書經籍志調氣方一卷釋鸞撰

唐書藝文志僧鸞調氣方一卷志並錄鸞字

案宋志神仙家魏曇鸞法師服氣要訣一

卷疑即是書知曇鸞乃北魏僧來游江南

者

梁武帝所服雜藥方一卷

梁武帝淨業賦序有曰朕蔬食不啖魚肉復

斷房室不與嬪侍同屋而處四十餘年矣于

是四體小惡問上省師劉澄之姚善提疾候

所以劉澄之云澄之知是飲食過所致答劉

澄之云我是布衣甘肥恣口劉澄之云官昔

日食那得及今日食姚善提含笑搖頭云唯

善提知官房室過多所以致爾于時久不食

魚肉亦斷房室以其智非和緩術無扁華默

然不言不復詰問猶令爲治劉澄之處酒姚

善提處丸服之病逾增甚以其無所知故不

復服因爾有疾常自爲方不服醫藥亦四十

餘年矣

案此似梁代太醫署所遺者劉澄之不

知是否即撰永初山川郡國記者見史部

地理記似別爲一人姚善提即姚僧垣之

父察及最之祖父也

大略九五卷

靈壽雜方二卷

并不著撰人

案此二種亦似梁代太醫署所遺者

經心錄方八卷宋侯撰候當爲侯

舊唐書方技傳宋俠者洺州清漳人北齊東

平王文學孝正之子也亦以醫術著名官至

朝散大夫藥藏監撰經心錄十卷行于代

唐書經籍志經心方八卷宋俠撰

唐書藝文志宋俠經心方十卷

黃帝養胎經一卷療婦人產後雜方三卷

并不著撰人

以上自神農本草經三卷至此凡八十三

部亦如上篇經方之例爲第二類

黃帝明堂偃人圖十二卷

黃帝鍼灸蝦蟆忌一卷

明堂蝦蟆圖一卷

鍼灸圖要決一卷

鍼灸圖經十一卷本十八卷

十二人圖一卷

鍼灸經一卷

并不著撰人

案上篇載黃帝鍼經九卷梁有黃帝鍼灸

經十二卷徐悅龍銜素鍼并孔穴蝦蟆圖

三卷雜鍼經四卷又載明堂孔穴及偃側

圖等凡七部與此類所載不無重複互見

莫得而詳焉

扁鵲偃側鍼灸圖三卷流注鍼經一卷

扁鵲即秦越人有八十一難經見上篇醫經類

案宋史藝文志有扁鵲鍼傳一卷疑即此

流注鍼經一卷之留遺而譌經爲傳也或

別爲一家與三卷之圖不相屬今姑比附

于此

曹氏灸經一卷

曹氏不詳何人

案王伯厚氏漢藝文志考證引王勃難經

序言岐伯以內經授黃帝歷世相傳授至

秦越人始定立章句詳見上篇八十一難經條

又言秦越人歷九師以授華佗華佗歷六

師以授黃公黃公以授曹元曹元不知何

許人疑即此曹氏也上篇注云梁有曹氏

灸方七卷亡此一卷其散佚僅存者

偃側人經二卷秦承祖撰

秦承祖有藥方等書凡四種見上篇經方家

案上篇醫經類中注云梁有秦承祖偃側

雜鍼灸經三卷亡此二卷即其亡而不亡

者

華佗枕中灸刺經一卷

華佗有方十卷內事五卷見上篇經方類又

有觀形察色并三部脈經一卷見本篇醫經

家

謝氏鍼經一卷

謝氏不詳何人疑即前撰消渴方之謝南郡

殷元鍼經一卷

殷元始末未詳

案兩唐志有殷子嚴本草音義二卷殷子嚴不詳何人或即此殷元之字  
要用孔穴一卷九部鍼經一卷  
不著撰人

唐六典太醫署鍼博士掌教鍼生以經脈孔穴使識浮沉澹滑之候又以九鍼爲補瀉之法注一曰鑱鍼長一寸六分大其頭銳其末令不得深入主熱在皮膚者二曰圓鍼長一寸六分主療分間氣三曰鑿鍼長二寸半主邪氣出入四曰鋒鍼長一寸六分刃三隅主決癰出血五曰劍鍼令其末如劍鋒廣二分半長四寸主決大癰腫六曰圓利鍼且圓且銳長一寸六分主取四肢癰暴痺七曰豪鍼長一寸六分主寒熱痺在胛者八曰長鍼長七寸主取深邪遠痺九曰火鍼長四寸主取火氣不出關節凡此九鍼以法九州九野之分九鍼之形及所主疾病畢矣

釋僧匡鍼灸經一卷

僧匡始末未詳

三奇六儀鍼要經一卷

不著撰人

黃帝十二經脈明堂五藏人圖一卷

案此似即前十二人圖亦即今所傳明堂銅人圖也

以上自黃帝明堂偃人圖至此凡一十九部又是醫經之屬因從別家書目或別處簿籍節節鈔取致隔越若移列全元起素問之次徐氏脈經之前則與上半篇編

次之例一律自然有條不紊矣是又爲重出醫經之類

老子石室蘭臺中治癩符一卷

說文癩惡疾也从疒蠶省聲桂氏義證曰史記刺客列傳豫讓又漆身爲厲索隱癩惡瘡病也凡漆有毒近之多患瘡腫若癩病然故豫讓以漆塗身令其若癩耳然厲聲相近古多假厲爲賴隋書經籍志老子石室蘭臺中治癩符一卷

案以符治病今尙有之燒灰入水又畫符于水中使病人焚香禱祝而飲之或效或否六朝時有直服其所畫之符有人食符致病名醫治療下紙一捲余嘗于他書中見其所載如此

龍樹菩薩藥方四卷

通志藝文略龍樹菩薩藥方四卷又曰龍樹眼論一卷

晁氏讀書志龍樹眼論三卷佛經龍樹大士者能治眼疾假其說集治七十二種目病之方

案晁志所載三卷似即此四卷而佚其論一卷歟

西域諸仙所說藥方二十三卷目一卷本二十五卷

通志藝文略西域諸仙所說藥方二十三卷香山仙人藥方十卷

通志藝文略香山仙人藥方二十卷西錄波羅仙人方三卷詳當爲城

通志藝文略西域波羅仙人方三卷

西域名醫所集要方四卷本二十卷

通志藝文略西域名醫所集要方四卷

婆羅門諸仙藥方二十卷

婆羅門藥方五卷

通志藝文略婆羅門諸仙藥方二十卷婆羅門藥方五卷

案婆羅門西域高行人之通稱本志所載有字書一卷見經部小學家又有外國傳五卷天文一卷算法三卷陰陽算曆一卷算經三卷其稱主名者則有婆羅門捨仙人所說天文經二十一卷婆羅門竭伽仙人天文說三十卷占夢書一卷並見地理天文曆數五行家并此凡十一種

者婆羅門命論方二卷目一卷本三卷

通志藝文略者婆羅門命論方二卷

案宋史藝文志載者婆羅經三卷者婆六十四問一卷者婆要用方一卷者婆五藏論一卷大抵皆本于是書而增長附益者慧皎高僧傳言于法開祖述者婆妙通醫法則其人在東晉以前日本書目又有書婆疾者散方一卷書婆脈訣十二卷釋羅什注

乾陀利治鬼方十卷新錄乾陀利治鬼方四卷本五卷闕

乾陀利始末未詳

通志藝文略乾陀利治鬼方十卷新錄乾陀利治鬼方四卷

案四庫提要載巢氏諸病源候論曰第二

十六卷猫鬼病候見于北史及太平廣記者惟周齊時有之又載王肅外臺祕要曰其二十八卷載猫鬼野道方與巢氏病源同亦南北朝時鬼病唐以後絕不復聞云云蓋已略見于巢王二家之書

右自龍樹菩薩至此皆外國方書為一段  
伯樂治馬雜病經一卷

伯樂有相馬經二卷見五行家第三十二類案上篇之末載療馬方一卷注云梁有伯樂療馬經一卷疑與此同此即前之療馬方亦即相馬經之下卷也

治馬經三卷俞極撰亡此亡字衍  
俞極始末未詳

治馬經四卷

治馬經目一卷  
治馬經圖二卷  
馬經孔穴圖一卷

雜撰馬經一卷  
并不著撰人

唐六典殿中省尚乘局之屬獸醫七十人掌療馬病注曰凡馬病灌而行之觀其病之所發療馬病有五勞一曰筋勞二曰骨勞三曰皮勞四曰氣勞五曰血勞久步則生筋勞久立則生骨勞久汗不乾則生皮勞汗未差燥而飼飲之則生氣勞驅馳無節則生血勞有傷寒者有傷熱者有瘍者咸據經方以療焉  
治馬牛駝驪等經三卷目一卷  
不著撰人

右自伯樂治馬雜病經至此皆獸醫之屬為一段

香方一卷宋明帝撰  
宋明帝有論語補闕見經部  
雜香方五卷  
不著撰人

案日本書目有諸香方一卷疑即是書  
龍樹菩薩和香法二卷  
龍樹菩薩有藥方四卷見前

唐日本國見在書目龍樹井和香方一卷  
右香方三種為一段

食經三卷馬琬撰  
馬琬始末未詳

唐日本國見在書目食經三卷馬院撰  
會稽郡造海味法一卷  
不著撰人

案南齊書虞悅傳悅會稽餘姚人也仕宋入齊為豫章內史悅治家富殖奴婢無游手雖在南土而會稽海味無不畢致善為滋味和齊皆有方法云云此或即虞氏所傳或會稽郡職貢之程式為尚食局簿籍之一種

論服餌一卷  
不著撰人  
淮南王食經并目百六十五卷大業中撰 王當為

不著撰人  
宋晁伯宇續談助鈔大業雜記曰大業五年

吳郡送扶芳二百樹其樹蔓生纏繞它樹葉圓而厚凌冬不凋夏月取其葉微火炙使香煮以飲碧綠色香甚美令人不渴先有壽禪師仁壽間常在內供養造五色飲以扶芳葉為青飲拔椶根為赤飲酪漿為白飲烏梅漿為玄飲江筍一作桂 為黃飲又作五香飲第一沈香飲次丁香飲次檀香飲次澤蘭香飲次甘松香飲皆有別法以香為主尚食直長謝諷造淮南王食經有四時飲春有扶芳飲桂飲江筍一作桂 飲竹葉飲薺飲桃花飲夏有酪飲烏梅飲加蜜沙糖飲薑飲加蜜穀葉飲皂李飲麻飲麥飲秋有蓮房飲瓜飲香茅飲加沙糖茶飲麥門冬飲葛花飲檳榔飲冬有茶飲白草一作華 飲荷杞飲人參飲茗飲魚佳飲蘇子飲並加米糲 集韻韻音佩研米以糲也

唐書經籍志淮南王食經一百三十卷諸葛穎撰淮南王食目十卷淮南王食經音十三卷

唐書藝文志諸葛穎淮南王食經一百三十卷音十三卷食目十卷王當為玉

案唐杜寶大業雜記載尚食直長謝諷造淮南王食經唐六典尚食奉御案隋制作典御掌供天子之常膳隨四時之禁適五味之宜凡天下諸州進甘滋珍異皆辨其名數而謹其儲供直長為之貳注曰隋開皇初置尚食直長四人從七品下大業三年加置六人增品為正第七上蓋官尚食局

直長他始末未詳唐志題諸葛穎撰或其  
所典領者穎有北伐記巡撫揚州記見史  
部地理類是書稱淮南者考隋書煬帝本  
紀開皇元年立爲晉王拜柱國并州總管  
尋授武衛大將軍進位上柱國河北道行  
臺尙書令六年轉淮南道行臺尙書令蓋  
卽淮南總管府豈謝諷始作于是時其後  
重修而仍用其初名歟

膳羞養療二十卷

不著撰人

案此列淮南玉食經之次似亦隋代故府  
所留遺者唐六典尙食局食醫掌和齊所  
宜注曰周禮有食醫中士二人掌和王之  
六食六飲六膳百羞百醬八珍之齊後周  
置主食主膳等隋尙食局有食醫案隋志  
尙食局屬門下省疑此其簿籍也  
右食經又爲一段

以上自老子治癩符至此凡二十七部又  
是經方之屬案上篇第二類經方之末附  
以香方第四類神仙家之末附以食經馬  
經蓋依據梁七錄之例故倫貫有敘此篇  
爲脩志者所自纂乃先之以馬經次香方  
次食經與前篇迥殊此皆由類例不熟故  
分隸部居動輒雜亂無章焉是又爲重出  
經方附焉經香方食饌之類

金匱錄二十三卷目一卷京里先生撰

京里先生始末未詳

唐書經籍志金匱仙藥錄三卷京里先生撰

神仙服食經十二卷京里先生撰

唐書藝文志京里先生金匱仙藥錄三卷神

仙服食經十二卷錢塘汪師韓曰文選注引畢書有

金匱仙藥錄

案唐志載兩書共十五卷卽此二十三卷

之佚存又白雲霽道藏目錄有京里先生

神仙服餌丹石行藥法一卷卽是書之

僅存

煉化雜術一卷陶隱居撰

陶隱居有本草集注等書凡五種見上篇經

方家又下篇有名醫別錄見前

案上篇神仙類中梁簡文如意方之次載

煉化術一卷不著撰人頗似此書

玉衡隱書七十卷目一卷周弘讓撰

周弘讓有續高士傳見史部雜傳篇

案弘讓爲周弘正之弟以仕不得志隱于

句容之茅山此殆其隱居茅山時所作舊

新唐志及通志略醫家道書兩類中皆不

見亡佚久矣

太清諸丹集要四卷陶隱居撰

陶隱居見前

唐書經籍志太清諸丹藥錄集四卷

唐書藝文志太清諸丹藥要錄四卷 二志皆

不著名氏

案上篇本草類末有太清草木集要二卷

兩唐志又有太清玉石丹藥要集三卷草

木玉石分爲二書此似集合一編者

雜神丹方九卷

合丹大師口訣一卷

并不著撰人

合丹節度四卷陶隱居撰

陶隱居見前

陶翊隱居先生本起錄曰合丹藥諸法式節

度一卷皆細書大卷貪易提錄若大書可得

數四云

合丹要略序一卷孫文翰撰

宋高似孫刻錄引真誥曰孫翰字文藏會稽

剡人入山師潘四明參受真法陶隱居手爲

題握中祕訣門人罕能見唯傳翰及柏闈二

人

書畫譜書家傳書史會要曰道士孫文翰一

名翰字文藏會稽剡縣人陶真白弟子也其

書初學揚許後學大王殊有深分有所書九

錫碑及舊館壇碑在茅山

仙人金銀經并錢生方一卷

不著撰人

狐剛子萬金決二卷葛仙公撰

葛仙公名玄有老子序次見道家

唐書經籍志狐子方金訣二卷葛仙公撰

唐書藝文志葛仙公錄狐子方金訣二卷方

因俗寫方之誤

案狐剛子不知何人崇文總目小說家有

狐剛子感應類從譜靈圖感應歌各一卷

又道書類有狐剛子粉圖四卷唐志稱狐

子本志下文亦有狐子雜決三卷又稱剛

子崇文目有剛子丹訣一卷張道陵撰又

一卷不著撰人疑是神仙家藥物之別名  
未必實有其人也

雜仙方一卷

不著撰人

神仙服食經十卷

不著撰人

案上篇亦載神仙服食經十卷

神仙服食神祕方二卷

不著撰人

神仙服食藥方十卷抱朴子撰

抱朴子葛洪有肘後方玉函煎方並見上下

篇經方家

唐書經籍志太清神仙服食經五卷又一卷

抱朴子撰

唐書藝文志抱朴子太清神仙服食經五卷

案新唐志又有太清神仙服食經五卷不

著撰人兩書合併似即此十卷也

神仙餌金丹沙祕方一卷

不著撰人

衛叔卿服石雜方一卷

太平御覽道部四三洞珠囊曰衛叔卿中山

人服雲母子度世入山見父叔卿語曰吾齋

書室西北墉大柱下有玉函中有書取而案

合服之度世歸果如言餌五色雲母仙去

金丹藥方四卷

雜神仙丹經十卷

并不著撰人

雜神仙黃白法十二卷

不著撰人

漢書郊祀志成帝時谷永說上曰秦始皇初

并天下甘心于神僊之道遺徐福韓終之屬

多齋童男童女入海求神采藥因逃不還天

下怨恨漢興新垣平齊人少翁公孫卿樂大

等皆以僊人黃冶祭祀事鬼使物其後皆以

術窮詐得誅夷伏辜晉灼曰黃者鑄黃金也

道家言治丹砂令變化可鑄作黃金也

抱朴子黃白篇曰神仙經黃白之方千有餘

首黃者金也白者銀也或題篇曰庚辛庚辛

亦金也然率多深微難知其可解分明者少

許爾又遐覽篇云道經中有黃白要經八公

黃白經各一卷枕中黃白經五卷宋志神仙家

有神仙庚辛經一卷

唐書經籍藝文志黃白祕法二十卷 二十為

十二之誤

神仙雜方十五卷

神仙服食雜方十卷

神仙服食方五卷

并不著撰人

服食諸雜方二卷

不著撰人

案上篇亦載服食諸雜方二卷

服餌方三卷陶隱居撰

陶隱居詳見前名醫別錄條

案南史隱逸傳弘景所著合丹法式祕密

不傳唯弟子得之今案本志上下篇所載

如太清草木集要煉化雜術太清諸丹集

要合丹節度及此書凡五種皆其弟子傳  
出者

真人九丹經一卷

太極真人九轉還丹經一卷

太極真人即葛仙公玄有內傳一卷見史部

雜傳家

抱朴子金丹篇曰案黃帝九鼎神丹經云黃

帝服之遂以昇仙又云黃帝以傳元子又云

合時當祭祭時自有圖法一卷又云第一之

丹名曰丹華第二名曰神丹第三亦曰神丹

四曰還丹五曰餌丹六曰鍊丹七曰柔丹八

曰伏丹九曰寒丹又有立成丹亦有九首似

九鼎而不及也

又遐覽篇曰從祖仙公從左元放受太清丹

經三卷及九鼎丹經一卷

練寶法二十五卷目三卷本四十卷闕

不著撰人

太清璇璣文七卷沖子跋和字撰字 一本又誤作沖子

唐書經籍志太清璇璣文七卷沖和子撰

唐書藝文志沖和子太清璇璣文七卷

案沖和子有玉房祕訣見上篇房中家

陵陽子說黃金祕法一卷

列仙傳曰陵陽子明者銓鄉人也好釣魚于

旋溪得白龍子明懼解釣拜而放之後得白

魚腹中有書教子明服食之法子明遂上黃

山采五石脂沸水而服之三年龍來迎去止

陵陽山上百餘年抱朴子仙藥篇又有陵陽子仲似

亦即此陵陽子



唐書經籍志陵陽子祕訣一卷明月公撰

唐書藝文志明月公陵陽子祕訣一卷  
案王逸楚辭遠游篇章句文選甘泉賦張  
揖注思玄賦江賦琴賦七命注數引陵陽

子明經其言類皆服氣道引之術又抱朴  
子黃白篇云凡方書所名藥物又或與常  
藥物同而名異者如河上姤女非婦人也  
陵陽子明非男子也則陵陽子明又為藥  
物之異名此稱陵陽子及明月公者或皆  
是丹竈家之寓言而列仙傳之說固不足  
憑也

神方二卷

不著撰人

唐書經籍志神臨藥祕經一卷黃公撰

唐書藝文志黃公神臨藥祕經一卷

宋史藝文志神仙家黃老神臨藥經一卷

案神臨藥祕經者大抵謂神降臨時所示  
之丹藥得之乩壇中也陶氏真誥二十卷  
中或當有此事

狐子雜決三卷

狐子即狐剛子有萬金決二卷見前

唐書經籍藝文志狐子雜決三卷

太山八景神丹經一卷

不著撰人 或是徐太山之書

太清神丹中經一卷

不著撰人

唐書經籍藝文志太清神丹中經三卷

案抱朴子金丹篇云太清神丹其法出于

元君元君者老子之師也太清觀天經有

九篇其上三篇不可教授其中三篇世無  
足傳常沉之三泉之下其下三篇正是丹  
經上中下凡三卷也案兩唐志載是書三

卷與葛氏所言合似即此書又謂余從祖  
仙公從左元放受太清丹經三卷又謂江  
東先無此書書出左元放元放以授余從  
祖從祖以授鄭君鄭君以授余故他道士  
了無知者蓋亦傳于抱朴子者焉

養生注十一卷目一卷

不著撰人

養生術一卷翟平撰

翟平始末未詳

龍樹菩薩養性方一卷

龍樹菩薩有藥方四卷見前

引氣圖一卷

不著撰人

道引圖三卷立一坐一臥一

不著撰人

晁氏讀書後志道引養生圖一卷梁陶弘景  
撰分三十六勢如鴻鶴徘徊鸞鸞戢羽之類  
各繪圖于其上田偉家本少八勢

通志藝文略道家道引類道引圖三卷陶弘

景撰宋志神仙家一卷

案此據晁鄭二家所載似出弘景為多弘  
景所著見前名醫別錄條服餌方條凡經  
方家書五種神仙家書六種

養生經一卷

養生要術一卷

養生服食禁忌一卷

養生傳二卷

并不著撰人

帝王養生要方二卷蕭吉撰

蕭吉有樂譜見經部樂家

北史藝術傳吉著金海相經要錄宅經葬經

樂譜及帝王養生方二卷並行于世

以上自京里先生金匱錄至此凡四十三

部亦如上篇神仙家之例為第三類

依漢志神仙家為第四類

素女祕道經一卷并玄女經素女方一卷

高誘注淮南子曰素女黃帝時方術之女也

抱朴子極言篇曰黃帝論道養則資玄素二

女

孫氏平津館素女經四季方序曰素女方一

卷見隋書經籍志其名不載漢藝文志然即

神仙家黃帝雜子十九家方二十卷之一也

其書隋唐猶有傳本王叢取入外臺祕錄卷

十七中云出古今錄驗真古書也書稱黃帝

與素女高陽負問答述交接之禁忌彼四時

之藥物以為房中卻病之術文句有韻以逆

為迎以知為愈皆古字古義審非後人偽作

房中之術古有傳書容成務成堯舜陰道俱

一家之學班氏所云樂而有節則和平壽考

迷者弗顧以生疾而隕性命誠哉斯言千金

翼方卷五云行房法一依素女經云云亦此

書佚文并附識之

彭祖養性一卷

案上篇已載彭祖養性經一卷

鄭子說陰陽經一卷

案此列彭祖之後殆即依托春秋時之鄭

子梁氏玉繩漢書人表考鄭子列第四等

始見春秋宣四年經昭十七年傳自言祖

少吳葬沂州郟城縣南十里通志藝文略

五行雜占家又有鄭子占鳥語經一卷亦

依託也

序房內祕術一卷葛氏撰

唐書經籍志玉房祕術一卷葛氏撰

唐書藝文志葛氏房中祕術一卷

案葛氏即葛稚川有肘後方玉函煎方神

仙服食藥方並見前

玉房祕訣八卷

不著撰人

案上篇已載玉房祕訣十卷亦不著名氏

舊唐志八卷與此同注云冲和子撰新志

十卷與上篇同注云張鼎並詳見于前

徐太山房內祕要一卷

案徐太山即徐文伯本志所載有本草二

卷藥方二卷試驗方二卷療婦人瘕一卷

巾箱中方三卷墮年方二卷 善隨手方之誤

又有辨傷寒三卷辨腳弱方一卷本志題

徐方伯通志略作徐文伯似通志為得其

新撰玉房祕訣九卷

不著撰人

案此稱新撰似隋煬帝時所勅撰者

以上自素女祕道經至此凡八部亦如上

篇房中之例為第四類 上篇依漢志房中

家為第三類此反是

四海類聚方二千六百卷

不著撰人

唐書經籍志類聚方二千六百卷

唐書藝文志類聚方二千六百卷

通志藝文略隋朝四海類聚方二千六百卷

四海類聚單要方三百卷

不著撰人

唐書經籍志四海類聚單方十六卷隋煬帝

撰

唐書藝文志隋煬帝勅撰四海類聚單方十

六卷

通志藝文略隋煬帝勅撰四海類聚單方三

百卷唐只存十六卷

案晁載之鈔杜寶大業雜記云製成新書

凡三十一部總一萬七千餘卷入觀文殿

寶廚此兩書與新撰玉房祕訣淮南玉食

經始即三十一部中之四部

右二書以總括古今單復方書故以居是

類之殿是為下篇下篇似雜采太醫署尚

食局諸官府所有簿籍以充數猶經部樂

家取太樂署部籍以充類其間與上篇重

復有顯而易見者有不可盡曉者其編次

凡醫經一類經方一類此與上篇相同者

兩類別為起訖此與上篇違異者也其後

則為神仙家一類房中家一類與上篇之

例又復倒置蓋下篇為脩志者所自纂不

復步趨于七錄而類例不熟率意比附故

致如此通志校讎略有編次不明論曰班

固藝文志出于七略者也七略雖疎而不

濫若班氏步步趨趨不離于七略未見其

失也間有七略所無而班氏雜出者則蹟

矣案鄭氏以此言譏班氏全非其實若移

以譏本志之于七錄則稿不可易矣

右二百五十六部合四千五百一十卷實在著錄二

百五十三部附著錄有一百廿九部通計三百八十二部

案七錄敘目術技錄第八曰醫經部凡八

種第九曰經方部凡一百四十種綜兩部

一百四十八種本志合而為一曰醫方上

半篇存佚併計一百八十五部下半篇皆

見存一百九十七部增益者凡二百三十

四部與五行家相考隋書牛弘傳開皇

初授散騎常侍祕書監以典籍遺逸上表

請開獻書之路有曰今御書部帙殘缺比

梁之舊日止有其半至于陰陽河洛之篇

醫方圖譜之說彌復為少臣以載籍須令

大備不可王府所無私家乃有云云蓋隋

代蒐書于五行醫方兩類有意廣為收聚

故本志亦于此二類所載視他類為特多

凡諸子合八百五十三部六千四百三十七卷實

在著錄一千一百七十四部附著錄有四百七十九部通計一

千六百五十三部

隋書經籍志考證卷三十八

集部一

楚辭類

楚辭十二卷并目錄後漢校書郎王逸注

王逸有正部論見子部儒家

逸自序略曰屈原履忠被譖憂悲愁思獨依詩人之義而作離騷上以諷諫下以自慰遭時閭亂不見省納不勝憤懣遂復作九歌以下凡二十五篇楚人高其行義瑋其文采以相教傳至于孝武帝恢廓道訓使淮南王安作離騷經章句則大義粲然後世雄俊莫不瞻慕舒肆妙慮續述其詞逮至劉向典校經書分爲十六卷孝章即位深弘道藝而班固賈逵復以所見改易前疑各作離騷經章句其餘十五卷闕而不說又以壯爲狀義多乖異事不要括今臣復以所識所知稽之舊章合之經傳作十六卷章句雖未能究其微妙然大指之趣略可見矣

後漢書文苑傳逸著楚辭章句行于世

本志敘曰楚辭者屈原之所作也自周室衰亂詩人寢息諂佞之道興諷刺之辭廢楚有賢臣屈原被讒放逐乃著離騷八篇言己離別愁思申抒其心自明無罪因以諷諫冀君覺悟卒不省察遂赴汨羅死焉弟子宋玉痛惜其師傷而和之其後賈誼東方朔劉向揚雄嘉其文采擬之而作蓋以原楚人也謂之楚辭然其氣質高麗雅致清遠後之文人咸不能逮始漢武帝命淮南王爲之章句且受

詔食時而奏之其書今亡後漢校書郎王逸集屈原以下迄于劉向逸又自爲一篇并敘而注之今行于世

唐書經籍志楚辭十六卷王逸撰

唐書藝文志王逸注楚辭十六卷

宋史藝文志楚辭十六卷楚屈原等撰又十七卷後漢王逸章句

四庫提要曰哀屈宋諸賦定名楚辭自劉向始也初向集屈原離騷九歌天問九章遠游卜居漁父宋玉九辯招魂景差大招而以賈誼惜誓淮南小山招隱士東方朔七諫嚴忌哀時命王褒九懷及向所作九歎共爲楚辭

十六篇是爲總集之祖王逸又益以己作九思一篇與班固二敘爲十七卷而各爲之注其九思之注宋洪興祖疑其子延壽所爲逸注雖不甚詳核而去古未遠多傳先儒之訓

詁故李善注文選全用其文抽思以下諸篇注中往往隔句用韻如哀憤結縉慮煩冤也

哀悲太息損肺肝也心中結屈如連環也之類不一而足蓋仿周易象傳之體亦足以考證漢人之韻而吳棫以來談古韻者皆未徵引是尤宜表而出之矣

錢塘汪師韓文選理學權輿曰文選有周屈原平離騷經九歌六首九章一首卜居漁父

案文選所錄凡百三十家以下子夏毛詩序爲之首次屈原楚辭十首餘百二十八

家本志載有其集者百一十有三今就汪氏所次文選撰人目錄附記諸家本集條

下此選家之首出省文章之瓌寶亦考鏡之所必資也謹發其凡于此

又案王逸自序稱臣則當時嘗進于朝其本十六卷自序言之甚明是爲經進本其十七卷者蓋私家別行本也又本志作十二卷與唐宋志及今傳本皆不合然考下文皇甫遵解本七卷何偃刪注本十一卷而郭景純注本本志三卷唐志乃十卷是知卷數分合多不齊一無從覈實置之不論可矣

楚辭三卷郭璞注

郭璞有毛詩拾遺詳見經部詩類

晉書本傳璞又注三倉方言穆天子傳山海經及楚辭

唐書經籍志楚辭十卷郭璞撰

唐書藝文志郭璞注楚辭十卷

梁有楚辭十一卷宋何偃刪王逸注亡

何偃有毛詩釋詳見經部詩類

案此殆刪補王逸注本唐志不載蓋亡于江陵淪陷之時

楚辭九悼一卷楊穆撰

楊穆始末未詳

唐書經籍志楚辭九悼一卷楊穆撰

唐書藝文志楊穆楚辭九悼一卷

四庫提要楚辭類小序曰楊穆有九悼一卷至宋已亡

案後漢書梁統傳統安定烏氏人子松松弟疎少習孟氏易弱冠能教授後坐兄松

種五缺二十七卷本志存佚併計十一部  
增輯者凡六部

唐書經籍志楚辭音一卷孟奧撰  
唐書藝文志孟奧楚辭音一卷  
楚辭音一卷

不著撰人

楚辭音一卷釋道騫撰

本志敍曰隋時有釋道騫善讀楚辭能為楚  
聲音韻清切至今傳楚辭者皆祖騫公之音

唐書經籍志楚辭音一卷釋道騫撰

唐書藝文志僧道騫楚辭音一卷

參解楚辭七卷皇甫遵訓撰

皇甫遵有吳越春秋傳詳見史部雜史類

案此殆取王逸郭璞何偃三家注本而參  
考為訓解也

楚辭音一卷徐邈撰

徐邈有周易音詳見經部周易類

唐書經籍志楚辭音一卷徐邈撰

唐書藝文志徐邈楚辭音一卷

楚辭音一卷宋處士諸葛氏撰

諸葛氏始末未詳

册府元龜學校部注釋門宋諸葛氏撰楚辭  
音一卷

案此疑即諸葛璩字幼玖琅邪陽都人世

居京口事徵士關康之復師徵士臧榮緒

榮緒著晉書有發矇之功者也見梁書處

士傳南史隱逸傳

楚辭音一卷孟奧撰

孟奧始末未詳

離騷草木疏二卷劉沓撰

劉沓有壽光書苑見子部雜家

梁書文學傳沓博識彊記自少至長多所著  
述撰要雅五卷楚辭草木疏一卷高士傳二  
卷東宮新舊記三十卷古今四部書目五卷  
並行于世

唐書經籍志離騷草木蟲魚疏二卷劉沓撰

唐書藝文志劉沓離騷草木蟲魚疏二卷

宋吳仁傑離騷草木疏序曰昔劉沓為草木

疏二卷見于本傳其書今亡矣沓疏凡王逸

所集者皆在焉

右十部二十九卷通計亡書十一部四十卷 案此

部數不誤

案七錄敍目文集錄第一曰楚辭部凡五

隋書經籍志考證卷三十九之一

集部二之一

別集類一楚漢

楚蘭陵令荀況集一卷殘缺梁二卷

荀況有荀卿子書詳見子部儒家

漢書藝文志詩賦略孫卿賦十篇敍曰春秋

之後周道寢壞聘問歌詠不行于列國學詩

之士逸在布衣而賢人失志之賦作矣大儒

孫卿及楚臣屈原離譏憂國皆作賦以諷咸

有惻隱古詩之義

晉摯虞文章流別論曰賦者敷陳之稱古詩

之流也前世爲賦者有孫卿屈原尚頗有古

之詩義案流別論佚文嚴氏可均皆輯入西晉文編

梁劉勰文心雕龍詮賦篇曰賦也者受命于

詩人拓宇于楚辭也于是荀況禮智宋玉風

鈞爰錫名號與詩畫境六義附庸蔚成大國

遂客主以首引極聲貌以窮文斯蓋別詩之

原始命賦之厥初也至于草區禽族庶品雜

類則觸興致情因變取會斯又小制之區畛

奇巧之機要也觀夫荀結隱語事數自環又

諧隱篇云魏代以來嘲隱化爲謎語謎也者

迴護其辭使昏迷也荀卿蠶賦已兆其體又

才略篇云荀況學宗而象物名賦文質相稱

固巨儒之情也

唐書經籍藝文志趙荀況集二卷舊新唐志著

錄往往相同故合併爲一條

朱子楚辭辯證曰荀卿成相之篇本擬工誦

箴諫之辭其言奸臣蔽主擅權馴致移國之

禍千古一轍可爲流涕荀子成相篇楊倞注曰漢書藝文志謂之成相雜辭蓋亦賦之流也

王氏漢書藝文志考證曰荀子賦篇禮知雲

蠶箴五篇又有侑詩案荀卿遺書申君書曰天下

不治請陳侑詩注侑與詭同侑異激切之詩也蓋即遺書

申君賦

會稽章學誠校讐通義曰漢書藝文志荀卿

賦十篇居詩賦第三種之首當日必有取義

也案荀卿之書有賦篇列于三十二篇之內

不知所謂賦十篇者取其賦篇與否

嘉善謝塘序荀子曰漢志又孫卿賦十篇今

所存僅禮智雲蠶箴五篇

烏程嚴可均全三代文編曰荀卿有集二卷

荀子有禮賦智賦雲賦蠶賦箴賦國策及韓

詩外傳有爲書謝春申君今存凡六篇案成

相辭三篇或亦編入本集

謹案四庫提要言劉向哀楚辭爲總集之

祖而不言別集始于何人以余考之亦始

于劉中壘也中壘詩賦略五篇皆諸家賦

集詩歌集固別集之權輿至輯東方朔所

著諸篇于別錄諸體畢備見下東方集條則

明明爲別集之類或謂集始于東漢蓋但

據後漢書儒林文苑傳所載篇籍約略言

之實則劉中壘之時已具此體類矣楚漢

諸集大抵以七略藝文志所載爲本而附

益以他文其集錄人姓名皆不可考此集

亦不知起于何時觀劉氏以賦篇成相辭

編入荀子書則其時尚無是集也

楚大夫宋玉集三卷

宋玉有宋玉子見子部小說家

史記屈原列傳屈原既死之後楚有宋玉唐

勒景差之徒者皆好辭而以賦見稱然皆祖

屈原之從容辭令終莫敢直諫

漢書地理志始楚賢臣屈原被譏放流作離

騷諸賦以自傷悼後有宋玉唐勒之屬慕而

述之皆以顯名

又藝文志宋玉賦十六篇楚人與唐勒並時

在屈原後也敍曰孫卿屈原咸有惻隱古詩

之義其後宋玉唐勒漢興枚乘司馬相如下

及楊子雲競爲侈麗閎衍之辭沒其風諭之

義是以楊子悔之曰詩人之賦麗以則辭人

之賦麗以淫

文章流別論曰孫卿屈原頗有古之詩義至

宋玉則多淫浮之病矣

梁沈約宋書謝靈運傳論曰周室既衰風流

彌著屈平宋玉導清源于前

文心雕龍詮賦篇曰于是荀況禮智宋玉風

鈞爰錫名號與詩畫境又曰觀夫荀結隱語

事數自環宋發巧談實始淫麗又雜文篇曰

宋玉含才頗亦負俗始造對問以申其意放

懷寥廓氣實使之又夸飾篇云文辭所被夸

飾恆存自宋玉景差夸飾始盛又才略篇云

戰代任武而文士不絕諸子以道術取資屈

宋以楚辭發采

唐書經籍藝文志楚宋玉集二卷

宋洪邁容齋三筆曰宋玉高唐神女二賦其

為寓言託興甚明予嘗即其詞而味其旨蓋所謂發乎情止乎禮義真得詩人風化之本王之意可謂正矣今人詩詞願以襄王藉口考其實則非是

陳氏書錄解題曰宋玉集一卷楚大夫宋玉撰史記屈原傳言楚人宋玉唐勒景差之徒蓋皆原之弟子也而王之辭賦獨傳至以屈宋並稱于後世餘人皆莫能及案隋志集三卷唐志二卷今書乃文選及古文苑中錄出者未必當時本也

汪氏文選撰人篇目曰周宋玉有風賦高唐賦神女賦登徒子好色賦九辯五首招魂對楚王問此例詳見前楚辭條下

嚴氏全三代文編曰宋玉有集三卷案漢書藝文志宋玉賦十六篇今存者風賦大言賦小言賦諷賦高堂賦神女賦登徒子好色賦釣賦笛賦九辯招魂凡十一篇對楚王問高唐對不在此數如九辯為九篇則多出漢志三篇所未審也或云笛賦有宋意送荆卿之語非宋玉作然隋唐已前本集有之誤收久矣不必刪耳又原本北堂書鈔三十三引宋玉集序案嚴氏所輯有全文完善無缺者有殘文唯存一二語者今唯就其所分篇目皆以篇數計之并發其凡于此

漢武帝集一卷梁二卷

漢書孝武皇帝本紀元狩元年冬十月行幸雍祠五時獲白麟作白麟之歌

又六年夏四月乙巳廟立皇子闕為齊王且

為燕王胥為廣陵王初作誥 史記三王世家太史公曰文辭爛然甚可觀也索隱曰武帝策此三王皆自手製

又元鼎四年六月得寶鼎后土祠旁秋馬生渥洼水中作寶鼎天馬之歌

又元封二年夏四月祠泰山至瓠子臨決河命從臣將軍以下皆負薪塞河隄作瓠子之歌六月甘泉宮內中產芝九莖連葉作芝房之歌

又五年冬行南巡狩至于盛唐自尋陽浮江親射蛟江中獲之舳舻千里薄縱陽而出作盛唐縱陽之歌

又太初四年春貳師將軍廣利斬大宛王首獲汗血馬來作西極天馬之歌

又太始三年二月行幸東海獲赤雁作朱雁之歌

又四年四月幸不其祠神人于交門宮若有鄉坐拜者作交門之歌

又本紀贊曰漢承百王之弊高祖撥亂反正文景務在養民至于稽古禮文之事猶多闕焉孝武初立卓然罷黜百家表章六經遂疇咨海內舉其俊茂與之立功興大學修郊祀改正朔定曆數協音律作詩樂建封禪禮百神紹周後號令文章煥焉可述

又儒林傳太常孔臧等議曰臣謹案詔書律令下者明天人分際通古今之誼文章爾雅訓辭深厚

又藝文志上所自造賦二篇思古曰武帝也

案此似班氏本注 何義門讀書記曰上所自造賦不以冠趙幽王之上而介于壽王兒寬之中此漢人所以近古也 章學誠校禮通義曰上所自造賦必武帝時人標目劉向從而著之 案詩賦略第一篇二十家尋其章法皆楚騷之體師範屈宋者也故此止二篇

又外戚傳上思懷李夫人不已為作詩又自為賦傷悼 王子年拾遺記曰武帝思懷李夫人不可復得因賦落葉哀蟬之曲

初學記職官部漢武帝集曰武帝作柏梁臺詔羣臣二千石有能為七言者乃得上坐案所載皇帝首倡餘自梁王以迄郭舍人東方朔凡二十五人

藝文類聚雜文部漢武帝集曰奉車子侯暴病一日死上甚悼之乃自為歌詩 案事見漢書郊祀志服虔曰子侯霍去病子也

漢武故事帝行幸河東祀后土作秋風辭又曰上好辭賦每行幸及奇獸異物輒命相如等賦之上亦自作詩賦數百篇下筆即成初不留思

文心雕龍明詩篇曰孝武愛文柏梁列韻又云聯句共韻則柏梁餘製又詔策篇曰兩漢詔誥職在尚書王言之大動入史策其出如絳不反若汗是以淮南有英才武帝使相如視草又云武帝崇儒選言弘奧策封三王文同訓典勸戒淵雅垂範後代及制誥嚴助即云厭承明廬蓋寵才之恩也又哀弔篇曰漢武封禪而霍子侯暴亡帝傷而作詩亦哀辭之類也

唐書經籍藝文志漢武帝集二卷

玉海聖文御集篇曰西都號令文章煥焉可

述史氏稱焉故武帝之文則以集著又曰孝

武右文紀述至富哀為鉅集乃出後代

明馮惟訥詩紀輯存瓠子歌秋風辭天馬歌

李夫人歌落葉哀蟬曲柏梁詩凡六篇

汪氏文選撰人篇曰漢武帝有詔一首賢良

詔一首秋風辭

嚴氏全漢文編曰武帝諱徹景帝中子四年

封膠東王七年立為皇太子後三年正月即

位改元十一在位五十四年諡曰孝武皇帝

廟號世宗有集二卷今輯存李夫人賦秋風

辭制詔冊書策書勅書璽書報書及雜文綜

一百篇編為二卷

淮南王集一卷梁二卷

淮南王安有淮南子見子部雜家

漢書本傳時武帝方好藝文以安屬為諸父

辯博善為文辭甚尊重之每為報書及賜常

召司馬相如等視草迺遣初安入朝使為離

騷傳且受詔日食時上又獻頌德及長安都

國頌每宴見談說得失及方技賦頌昏暮然

後罷

劉向別錄曰淮南王有熏籠賦

漢書藝文志淮南王賦八十二篇又六藝略

樂家注云出淮南劉向等琴頌七篇 案淮南

琴頌當在此八十二篇中班氏以其重複出之

唐書經籍志漢淮南王集二卷

唐書藝文志漢淮南王安集二卷

王氏漢書藝文志考證曰淮南王有成相篇

見藝文類聚

馮氏詩紀曰淮南王有八公操一篇 疑即漢

志所謂琴頌之一

嚴氏全漢文編曰淮南王有集二卷藝文類

聚初學記御覽有屏風賦嚴助傳有上書諫

伐南越凡二篇

梁又有賈誼集四卷錄一卷亡

賈誼有賈子十卷見子部儒家

史記屈賈列傳自屈原沈汨羅後百有餘年

漢有賈生為長沙王太傅過湘水投書以弔

屈原

劉向別錄曰賈生弔屈原賦因以自諭自恨

也

漢書本傳賈生年十八以能誦詩書屬文稱

于郡中及為博士年二十餘最為少每詔令

議下諸老先生未能言誼盡為之對人人各

如其意所出為傳三年有服飛入誼舍止于

坐隅服似鳥不祥鳥也誼自傷悼以為壽不

得長適為賦以自廣數上疏陳政事多所匡

諫

又傳贊曰劉向稱賈誼言三代與秦治亂之

意其論甚美通達國體雖古之伊管未能遠

過也又曰凡所著述五十八篇 案此五十八篇

見漢志儒家非謂是集也

又藝文志賈誼賦七篇

王逸楚辭章句惜誓者不知誰所作也或曰

言哀惜懷王與己信約而復背之也古者君

臣將共為治必以信誓相約然後言乃從而

身以親也蓋刺懷王有始而無終也

魏文帝典論曰余觀賈誼過秦論發周秦之

得失通古今之滯義洽以三代之風潤以聖

人之化斯可謂作者矣

文章流別論曰楚辭之賦賦之善者也故揚

子稱賦莫深于離騷賈誼之作則屈原儔也

文心雕龍詮賦篇曰秦世不文頗有雜賦漢

初辭人順流而作陸賈扣其端賈誼振其緒

又云賈誼鵬鳥致辨于情理又哀弔篇曰自

賈誼浮湘發憤弔屈原體同而事嚴辭清而理

哀蓋首出之作也又奏啓篇曰若夫賈誼之

務農可謂識大體矣又議對篇曰若賈誼之

遍代諸生可謂捷于議也又體性篇曰吐納

英華莫非情性是以賈生俊發故文潔而體

清又事類篇曰觀夫屈宋屬篇號依詩人雖

引古事而莫取舊辭唯賈誼鵬賦始用鸞冠

之說案此或為鸞冠子轉鸞賦之語又才略篇曰

賈誼才穎陵軼飛免議愜而賦清豈虛至哉

唐書經籍藝文志前漢賈誼集二卷

崇文總目賈誼集二卷

王氏漢書藝文志考證朱文公曰賈太傅以

卓然命世英傑之才俯就騷律所出三篇惜

賢弔屈原服鳥皆非一時諸人所及古文苑有

早雲笥虞賦

明張溥漢魏六朝百三家賈長沙集輯本一

卷凡賦四篇騷一篇疏六篇過秦論上中下

三篇

汪氏文選撰人篇目漢賈誼有鵬鳥賦過秦論弔屈原文

嚴氏全漢文編曰賈誼有集四卷案賈生諸疏散見新書者十六篇小有異同見存不錄錄其所無者曰早雲賦虞賦鵬鳥賦惜誓上疏陳政事上疏請封建子弟上疏諫封淮南諸子說積儲除盜鑄錢令使民放鑄過秦論弔屈原文凡十一篇又曰過秦論文選分上中下三篇史記秦始皇本紀但為一篇不分上中下而次第全異文亦小異最為古本今據錄之又曰弔屈原文史漢本傳並以爲賦今據文選編入并錄其序蓋本集所題如此

梁又有漢晁錯集三卷錄一卷

晁錯有晁氏新書三卷見子部法家

漢書本傳孝文帝時天下亡治尙書者獨聞齊有伏生故秦博士治尙書年九十餘老不可徵迺詔太常使人受之太常遣錯受尙書伏生所還因上書稱說再遷爲博士案此尙書博士在三家未起之先拜爲太子家令以其辨得幸太子太子家號曰智囊上言兵體三章文帝嘉之賜璽書寵答焉後舉賢良時賈誼已死對策者百餘人唯錯爲高第繇是遷中大夫錯又言宜削諸侯事及法令可更定者書凡三十篇孝文雖不盡聽然奇其才 案此言書三十篇卽藝文志法家篇錯三十一篇本志法家梁有

高氏新書三卷是也與晁集無涉也

文心雕龍奏啓篇曰自漢以來奏事或稱上疏儒雅繼踵殊采可觀若夫賈誼之務農量錯之兵事理既切至辭亦通暢可謂識大體矣又議對篇曰漢文中年始舉賢良量錯對策蔚爲舉首觀量氏之對證驗古今辭裁以辯事通而瞻超升高第信有徵矣

嚴氏全漢文編曰量錯有集三卷漢書本傳有賢良文學對策上書言皇太子宜知術數上書言兵事言守邊西塞務農力本當世急務二事復言募民徙塞下食貨志又有說文帝令民入粟受爵復奏勿收農民租吳王濞傳又有說景帝削吳請誅楚王戊凡九篇

梁又有漢弘農都尉枚乘集二卷錄一卷亡

漢書本傳枚乘字叔淮陰人也爲吳王濞郎中吳王之初怨望謀爲逆也乘奏書諫吳王不納乘等去而之梁從孝王游及吳與六國反以誅量錯爲名漢斬錯以謝諸侯枚乘復說吳王令還兵疾歸吳王不用乘策卒見禽滅漢既平七國乘由是知名景帝召拜乘爲弘農都尉乘久爲大國上賓與英俊並游得其所好不樂郡吏以病去官復游梁梁客皆善屬辭賦乘尤高孝王薨乘歸淮陰武帝自爲太子聞乘名及即位乘年老迺以安車蒲輪徵乘道死

又藝文志枚乘賦九篇

文章流別論曰七發造子枚乘借吳楚以爲客主此因膏粱之常疾以爲匡勸雖有甚泰之辭而不沒其諷諭之義也其流遂廣其義

遂變率有辭人淫麗之尤矣

文心雕龍明詩篇曰古詩佳麗或稱枚叔觀其結體散文直而不野婉轉附物悱悵切情實五言之冠冕也案謂古詩十九首也或云不盡是枚叔又證賦篇曰枚乘菟園舉要以會新又雜文篇曰枚乘摛豔首製七發朕辭雲構夸麗風騷蓋七發所發發乎嗜欲始邪末正所以戒膏粱之子也又云自七發以下作者繼踵觀枚叔首唱信獨拔而偉麗矣又才略篇曰枚乘之七發鄒陽之上書膏潤于筆氣形于言矣又章句篇曰若乃改韻從調所以節文辭氣賈誼枚乘兩韻輒易亦各有其志也然兩韻輒易則聲韻微蹙

唐書經籍藝文志枚乘集二卷宋史志一卷

陳氏書錄解題曰枚叔集一卷漢弘農都尉淮陰枚乘撰叔其字也隋志梁時有二卷亡唐志復著錄今本乃于漢書及文選諸書鈔出者

汪氏文選撰人篇目漢枚叔乘有七發八首奏書諫吳王重諫吳王舉兵

嚴氏全漢文編曰枚乘有集二卷案漢志枚乘賦九篇文選謝朓休沐重還道中詩注引枚乘集有臨瀟池遠賦賦今亡本傳及說苑西京雜記初學記藝文類聚文選古文苑諸書有梁王菟園賦柳賦上書諫吳王上書重諫吳王七發凡五篇 案文選西京賦注謝玄暉詩注並引枚乘樂府詩

漢中書令司馬遷集一卷



司馬遷見史部正史類又有素王妙論見子部五行家

漢書本傳遷既被刑之後爲中書令尊寵任職故人益州刺史任安予遷書責以古賢臣之義教以慎于接物推賢進士爲務遷報之又東方朔傳是時朝廷多賢材上復問朔方今公孫丞相兒大夫董仲舒夏侯始昌司馬相如吾邱壽王主父偃朱買臣嚴助汲黯膠倉終軍嚴安徐樂司馬遷之倫皆辯知閎達溢于文辭先生自視何與比哉

又公孫弘等傳贊曰漢之得人于茲爲盛儒雅則公孫弘董仲舒兒寬文章則司馬遷相如

又藝文志司馬遷賦八篇

文心雕龍書記篇曰漢來筆札辭氣紛紜觀史遷之報任安東方朔之難公孫楊惲之酬會宗子雲之答劉歆志氣盤桓各含殊采並抒軸乎尺素抑揚乎寸心

唐書經籍藝文志司馬遷集二卷

汪氏文選撰人篇曰漢司馬子長遷有報任少卿書

嚴氏全漢文編曰司馬遷字子長河內人元封中爲太史令天漢中坐罪宮刑後爲中書令有史記一百三十卷集一卷藝文類聚有悲士不遇賦本傳有報任少卿書高士傳有與摯伯陵書凡三篇附素王妙論二條又曰摯峻字伯陵京兆長安人隱于阱山見高士傳有報司馬子長書案董仲舒先有士不遇賦

漢太中大夫東方朔集二卷

東方朔有別傳見史部雜傳篇

漢書本傳朔上書陳農戰疆國之計因自訟不得大官欲求試用辭數萬言終不見用因著論設客難以自慰論又設非有先生之論朔之文辭此二篇最善其餘有封泰山責和氏璧及皇太子生祿屏風殿上柏柱平樂觀賦獵八言七言上下從公孫弘借車凡劉向所錄朔書具是矣師古曰劉向別錄所載案此言上書陳農戰疆國之計辭數萬言者即漢志雜家東方朔二十篇是也自著論設客難以下諸篇皆劉向所錄見于別錄然則七略別錄載有朔集審矣其文諸體皆有明是後世別集之類由是知別集之體亦始于向也又文選蜀都賦注引東方朔六言詩此八言疑六言之譌

文心雕龍詮賦篇曰賈誼振其緒枚馬同其風皋朔以下品物畢圖又雜文篇曰自宋玉對問以後東方朔效而廣之名爲客難託古慰志疏而有辨又諸隱篇曰昔楚莊齊威性好隱語至東方曼倩尤巧辭述但謬辭詆戲無益規補又詔策篇曰戒者慎也君父至尊在三罔極漢高祖之勅太子案見古文苑東方朔之戒子亦顧命之作也

史通雜說篇曰漢書東方朔傳委瑣煩碎不類諸篇且不述其亡歿歲時及子孫繼嗣正如司馬相如司馬遷揚雄傳相類尋其傳體必曼倩之自敘也但班氏脫略故世莫之知唐書經籍藝文志東方朔集二卷

明呂兆禧輯本一卷凡七諫據地歌戒子詩

柏梁詩應詔上書諫起上林苑諫止董偃入宣室臨終諫天子劾董偃罪狀與公孫弘書與公孫弘借車馬書與友人書佚儒對化民有道對劇武帝對劇羣臣對伯夷叔齊對善哉瞿所對上天子壽上壽謝過割肉自責答客難答驃騎難早頌非有先生論逸句綜二十六篇

張氏百三家集輯本一卷凡七諫疏書序論設難頌銘詩綜十五篇

汪氏文選撰人篇曰漢東方曼倩朔有答客難非有先生論

嚴氏全漢文編曰東方朔有集二卷今存七諫嗟伯夷上書自薦諫除上林苑化民有道對對詔臨終諫天子與公孫弘借車書與友人書非有先生論隱真論答客難驃騎難十洲記序早頌寶璽銘誠子凡六七篇附東方朔占九條

梁有漢光祿大夫吾邱壽王集二卷亡

漢書本傳吾邱壽王字子贛趙人也年少以善格五召待詔詔使從中大夫董仲舒受春秋高材通明遷侍中郎坐法免上書謝罪願養馬黃門上不許後願守塞捍寇難復不許久之上疏願擊匈奴詔問狀壽王對良善復召爲郎稍遷拜爲東郡都尉上以壽王爲都尉不復置太守是時軍旅數發年歲不熟多盜賊詔賜壽王璽書曰子在朕前之時知略幅湊以爲天下少雙海內寡二及至連十餘城之守任四千斤之重師古曰郡守都尉皆二

千石以壽王爲都尉不置太守兼總二任故云四千石也

職事並廢盜賊從橫甚不稱在前時何也壽

王謝罪因言其狀後徵入爲光祿大夫侍中

丞相公孫弘奏言民不得挾弓弩上下其議

壽王對以爲不便書奏上以難丞相弘詎謂

服焉及汾陰得寶鼎武帝嘉之薦見宗廟臧

于甘泉宮羣臣皆上壽賀曰陛下得周鼎壽

王獨曰非周鼎上召問之壽王對上王善賜

黃金十斤後坐事誅

又東方朔傳迺使太中大夫吾丘壽王與待

詔能用算者二人舉籍阿城以南盤屋以東

宜春以西提封頃畝及其賈直欲除以爲上

林苑吾丘壽王奏事上大說稱善遂起上林

苑如壽王所奏云

又劉向傳向上事曰孝武帝時兒寬有重罪

繫案道侯韓說諫曰前吾丘壽王死陛下至

今恨之今殺寬後將復大恨矣上感其言

又藝文志吾丘壽王賦十六篇 諸子略儒家有

吾丘壽王六篇

文心雕龍議對篇曰迄至有漢始立駁議駁

者雜也雜議不純故曰駁也至如吾丘之駁

挾弓得事要矣

王氏漢書藝文志考證吾丘壽王賦十五篇

藝文類聚有壽王驃騎論功論而賦不傳

嚴氏全漢文編曰吾丘壽王有集二卷本傳

有挾弓弩議對一篇藝文類聚有驃騎論功

漢文園令司馬相如集一卷文園令上當有孝字

司馬相如有凡將篇見經部小學家

史漢本傳相如爲郎事孝景帝爲武騎常侍

非其好也會景帝不好辭賦是時梁孝王來

朝從游說之士鄒陽枚乘嚴忌夫子之徒相

如見而說之因病免客游梁得與諸侯游士

居數歲乃著子虛之賦又數歲上讀子虛賦

善之乃召問相如相如曰此乃諸侯之事未

足觀請爲天子游獵之賦上令尙書給筆札

相如以子虛虛言也爲楚稱烏有先生者烏

有此事也爲齊難亡是公者亡是人也欲明

天子之義故虛籍此三人爲詞以推天子諸

侯之苑囿其卒章歸之于節儉因以風諫奏

之天子天子大悅又奉使諭告巴蜀民難蜀

父老嘗從上至長楊獵天子好自擊熊豕馳

逐野獸因上疏諫上善之還過宜春宮奏賦

以哀二世行失見上好仙因奏大人賦既病

免天子曰司馬相如病甚可往從悉取其書

使所忠往而相如已死家無遺書問其妻對

曰長卿時時著書人又取去長卿未死時爲

一卷書曰有使來求書奏之其遺札書言封

禪事所忠奏焉天子異之相如它所著若遺

平陵侯書與五公子相難草木書篇不采采

其尤著公卿者云

又傳贊曰相如雖多虛辭濫說然要其歸引

之于節儉此亦詩之風諫何異揚雄以爲靡

又藝文志司馬相如賦二十九篇敘曰揚子

曰如孔氏之門人用賦也則賈誼登堂相如

入室矣如其不用何又諸子雜家荆軻論五

篇軻爲燕刺秦王不成而死司馬相如等論

之

西京雜記曰長卿素有消渴疾及返成都悅

文君之色遂以發痼疾乃作美人賦以自刺

而終不能改卒以此疾至死文君爲誄傳于

世 又曰相如將聘茂陵人女爲妾卓文君乃作白頭吟

以自絕相如乃止

蜀志秦宓傳宓與治中同郡王商書請立司

馬相如祠堂曰蜀本無學士文翁遣相如東

受七經還教吏民于是蜀學比于齊魯地理

志曰文翁倡其教相如爲之師漢家得士盛

于其世仲舒之徒不達封禪相如制其禮夫

能制禮造樂移風易俗非禮所稱有益于世

者乎 案此引地理志見秦地城分風俗篇皆成帝時劉

向未贊之說也班氏取以附地理志之末言以俗者莫先

焉諸書引地理風俗記即此

晉李充翰林論曰盟檄發于師旅相如喻蜀

父老可謂德音者矣

宋書謝靈運傳論曰屈平宋玉導清源于前

賈誼相如振芳塵于後英辭潤金石高義薄

雲天又曰相如巧爲形似之言

文心雕龍詮賦篇曰相如上林繁類以成豔

頌贊篇云相如屬筆始贊荆軻哀弔篇云相

云相如之難蜀老文曉而喻博有移檄之骨焉封禪篇云相如封禪蔚爲唱首爾其表權與序皇王炳元符鏡鴻業驅前古于當今之下騰休明于列聖之上歌之以禎瑞贊之以介邱絕筆茲文固維新之作也風骨篇云相如賦仙氣號凌雲蔚爲辭宗迺其風力逾也才略篇云相如好書師範屈宋洞入夸豔致名辭宗然覆取精意理不勝辭故揚子以爲文麗用寡者長卿誠哉是言也

史通序傳篇曰司馬相如始以自敘爲傳然其所敘者但記自少及長立身行事而已逮于祖先所出則蔑爾無聞又曰相如自序乃記其客游臨邛竊妻卓氏以春秋所諱持爲美談雖事或非虛而理無可取載之于傳不其愧乎又雜說篇曰馬卿爲自敘傳具在其集中子長因錄斯篇卽爲列傳班氏仍舊會無改奪尋固于馬揚傳未皆云遷雄之自敘如此至于相如篇下獨無此言蓋止憑太史之書未見文園之集故使言無畫一其例不純

唐書經籍藝文志司馬相如集二卷

明汪士賢二十名家集輯本一卷凡賦六篇琴歌二首書二篇檄一篇難一篇附白頭吟張氏百二名家集輯本一卷凡賦書檄難封禪文琴歌綜十二篇

汪氏文選撰人篇目漢司馬長卿相如有子虛賦上林賦長門賦上疏諫獵喻巴蜀檄難蜀父老封禪文

嚴氏鐵橋漫稿序曰司馬長卿集隋志唐志皆二卷今世所見有明汪士賢呂兆禧二本

蓋從史記漢書文選古文苑新輯者又有張溥本增多答盛寧問報卓文君書餘同汪呂案長卿集魏晉時早有散亡隋唐之二卷當是六朝重輯其多出于今本者僅僅耳何以明之漢志長卿賦二十九篇今存子虛上林哀秦二世大人長門美人六賦編索羣書惟得魏都賦張載注引梨賦一句北堂書鈔引魚薶賦有題無文餘二十一賦莫考其諸體軼篇遺句絕無引見者足證隋唐本非魏晉以前舊集如謂不然二十九賦加雜文并遺平陵侯書與五公子相難少木書不當四五卷乎今彙聚羣書所載重加編次仍爲二卷凡將篇專行久亡僅存五事亦附集末校讐而定而爲之敘錄曰三百篇後屈原爲辭賦之宗宋玉亞之長卿之與宋玉在伯仲之間揚子雲云如孔氏之門用賦也相如入室此爲定論集雖殘剩二千年內邈焉寡儔然而長卿不徒以辭賦見後世鮮有知之者蜀志秦宓與王商書云云如宓此言蜀地經師長卿爲鼻祖而史漢敘儒林授受不一及之以辭賦揜其名耳古之振奇人文章必從經出故援蜀志以發其端又四錄堂類集總目曰司馬長卿集二卷可均校編

案本志載是集實一卷嚴氏云隋志二卷豈所見本異耶又隋唐時集本有相如自序卽史記列傳史通有明文則亦本集中

之一篇也

漢膠西相董仲舒集一卷梁二卷

董仲舒有春秋繁露見經部春秋公羊家漢書本傳仲舒以賢良對策相江都膠西兩國輒事驕王數上疏諫爭教令國中所居而治及去位歸居終不問家產業以修學著書爲事藝文志儒家董仲舒百二十三篇

文心雕龍議對篇曰仲舒對策祖述春秋本陰陽之化究列代之變煩而不厭者事理明也又才略篇曰仲舒專儒子長純史而麗縟成文亦詩人之告哀也

唐書經籍藝文志董仲舒集二卷宋史志一卷崇文總目同

陳氏書錄解題董仲舒集一卷漢膠西相廣川董仲舒撰案隋唐志皆二卷今惟錄本傳中三策及古文苑所載士不遇賦詣公孫弘記室書二篇而已其敘篇略本傳語亦載古文苑案古書舊序往往略本傳語若此者疑皆王儉七志之文後人錄以冠諸篇首

明張溥百三家董膠西集輯本一卷凡賦一篇策三篇章一篇書一篇對三篇頌一篇春秋陰陽一篇案春秋陰陽凡七十條從漢書五行志錄出者

四庫存目提要曰董子文集一卷漢董仲舒撰隋志載仲舒集一卷注云梁有二卷亡舊新唐志仍載二卷宋志一卷後兩本並佚明正德己亥巡案御史盧雍行部至景州爲仲舒故里因修復廣川書院祀仲舒並哀其遺

文成是集然自采錄本傳外僅益以西京雜記古文苑所載數篇 案汪士賢所刻二十名家集輯本一卷即據此本凡九篇李東陽爲之序

嚴氏全漢文編曰董仲舒有集二卷案文選

北山移文注引董仲舒集有七言琴歌二首

今亡本傳食貨志五行志匈奴傳贊春秋繁

露抱朴子古文苑諸書有士不遇賦舉賢良

對策郊祀對說武帝使關中民種麥又言限

民名田廟毀火災對雨雹對粵有三仁對奏

江都王求雨請雨書詣公孫弘記室書論禦

匈奴山川頌救日食祝請雨祝止雨祝李少

君家錄凡十七篇

梁又有漢太常孔臧集二卷亡

漢書功臣侯表藜夷侯孔聚以執盾前元年

從起碭以左司馬入漢爲將軍三以都尉擊

項籍屬韓信高帝六年正月丙午封三十年

薨孝文九年侯臧嗣四十五年元朔三年坐

爲太常衣冠道橋壞不得度免 師古曰前元年

謂初起之年即秦胡亥元年也

又藝文志太常藜侯孔臧賦二十篇 又儒家

太常藜侯孔臧十篇注云父聚高祖時以功臣封臧嗣爵

文選兩都賦序注孔臧集曰臧仲尼之後少

以才博知名稍遷御史大夫辭曰臣代以經

學爲宗乞爲太常專修家業武帝遂用之

連叢子曰臧嘗爲賦二十四篇四篇別不在

集似其幼時之作也 案孔叢子連叢子皆作于魏

時其言四篇別不在集則其在集者即七略藝文志所載

賦二十篇魏時孔臧集如此也由是證知西漢人之集有

即據詩賦略所載以爲別集單行者亦有不盡爲賦諸體皆有如劉中壘所錄東方朔集而詩賦略五篇則漢時一大總集合之爲總集分之即爲別集孔臧集其一也

唐書經籍藝文志孔臧集二卷

嚴氏全漢文編曰孔臧孔鮒從曾孫文帝九

年嗣父聚爵藜侯元朔二年拜太常五年坐

事免連叢子有諫格虎賦楊柳賦鴉賦蓼蟲

賦與侍中從弟安國書與子琳書凡六篇

漢騎都尉李陵集二卷

漢書李廣傳廣隴西成紀人也廣子當戶蚤

死有遺腹子陵字少卿少爲侍中建章監善

騎射愛人謙讓下士甚得名譽武帝以爲有

廣之風拜爲都尉將勇敢五千人教射酒泉

張掖以備胡天漢二年將步兵五千人出居

延北行三十日至浚稽山與單于相直戰敗

不得脫遂降匈奴羣臣皆罪陵上以問太史

令司馬遷遷盛言陵事親孝與士信常奮不

顧身以殉國家之急其素所畜積也有國士

之風今舉事一不幸全軀保妻子之臣隨而

媒孽其短誠可痛也且陵提步卒不滿五千

深輟戎馬之地抑數萬之師虜救死扶傷不

暇悉舉引弓之民共攻圍之轉鬪千里矢盡

道窮士張空拳冒白刃北首爭死敵得人之

死力雖古名將不過也身雖陷敗然其所摧

敗亦足暴于天下彼之不死宜欲得當以報

漢也上以遷誣罔爲陵游說下遷腐刑歲餘

族陵家母弟妻子皆伏誅隴西士大夫以李

氏爲愧陵在匈奴單于以女妻之立爲右校

王貴用事在匈奴二十餘年元平元年病死宋顏延之庭誥曰李陵衆作摠雜不類是假託非盡陵制至其善篇有足悲者

梁鍾嶸詩品曰夏歌曰鬱陶乎予心楚謠曰

名子曰正則雖詩體未全然是五言之濫觴

也逮漢李陵始著五言之目又云漢都尉李

陵詩其源出于楚辭文多悽怨者之流陵名

家子有殊才生命不諧聲頽身喪使陵不遭

辛苦其文亦何能至此

史通雜說篇曰李陵集有與蘇武書詞采壯

麗音句流靡觀其文體不類西漢人殆後來

所爲假稱陵作也遷史缺而不載良有以焉

編于李集中斯爲謬矣

唐書經籍藝文志李陵集二卷

明馮氏詩紀輯存與蘇武詩三篇別蘇武歌

一篇

汪氏文選撰人篇目漢李少卿陵有與蘇武

詩三首答蘇武書

嚴氏全漢文編曰李陵有集二卷今存令一

條表一條與蘇武書八條重報蘇武書一篇

又蘇武報李陵書三條

梁有漢丞相魏相集二卷錄一卷亡

漢書本傳相字弱翁濟陰定陶人也徙平陵

少學易爲郡卒史舉賢良對策高第爲茂陵

令揚州刺史諫大夫再爲河南太守宣帝卽

位徵爲大司農遷御史大夫代韋賢爲丞相

封高平侯相明易經有師法好觀漢故事及

便宜章奏以爲古今異制方今務在奉行故

事而已數條漢興已來國家便宜行事及賢臣賈誼董仲舒等所言奏請施行之上故事詔書凡二十三事又數表采易陰陽及明堂月令奏之數陳便宜上納用焉時丙吉爲御史大夫同心輔政視事九歲神爵三年薨諡曰憲侯

又藝文志六藝略樂家雅琴趙氏七篇宣帝時丞相魏相所奏雅琴龍氏九十九篇劉向別錄云亦魏相所奏也

唐書經籍藝文志魏相集二卷

嚴氏全漢文編魏相有集二卷今存賢良對

策上封事薦張安世上封事奪霍氏權上書諫擊匈奴右地上書自陳條奏便宜表奏采

易陰陽明堂月令凡七篇

梁有漢左馮翊張敞集一卷錄一卷亡

漢書本傳敞字子高本河東平陽人徙茂陵

敞後隨宣帝徙杜陵以鄉有秩補太守卒史

再遷太僕丞以諫昌邑王顯名擢爲豫州刺

史以數上事有忠言宣帝徵爲太中大夫與

于定國並平尙書事復出爲函谷關都尉山

陽太守膠東相拜京兆尹免爲庶人復召敞

拜冀州刺史太原太守元帝初卽位徵以爲

左馮翊曾病卒敞本治春秋以經術自輔其

政頗雜儒雅敞孫竦王莽時至郡守封侯博

學文雅過于敞然政事不及也竦死敞無後

又儒林傳漢興北平侯張倉及梁太傅賈誼

京兆尹張敞大中大夫劉公子皆修春秋左

氏傳

又藝文志六藝小學家敍曰倉頡多古字俗師失其讀宣帝時徵齊人能正讀者張敞從受之傳至外孫之子杜林爲作訓詁云

又郊祀志時美陽得鼎獻之下有司議多以爲宜薦見宗廟如元鼎時故事張敞好古文字案鼎銘而上議曰臣愚不足以迹古文竊以傳記言之此鼎殆周之所以褒顯大臣

大臣子孫刻銘其先功臧之于宮廟鼎細小又有款識不宜薦見于宗廟制曰京兆尹議是案治左氏者不虛張敞一人治倉頡者實敞爲之首也

文心雕龍書記篇曰戰國以前君臣同書秦漢立議始有表奏玉公國內亦稱奏書張敞

奏書于膠后其義美矣又練字篇曰及宣成二帝徵集小學張敞以正讀傳業揚雄以奇字纂訓並貫練雅頌總閱音義

唐書經籍藝文志張敞集二卷

嚴氏全漢文編曰張敞有集二卷今存告祭

舜教上書諫昌邑王上書自請治膠東勃海

盜賊奏書諫膠東王太后數出游獵詣公車

上書上書請令入穀贖罪爲霍氏上封事上

疏諫用方術奏劾黃霸條奏故昌邑王居處

狀美陽鼎不宜薦見議答兩府入穀贖罪難

問爲膠東相與朱邑書與嚴延年書答宋登

遺蟹書凡一十五篇

漢諫議大夫王褒集五卷

漢書本傳褒字子淵蜀人也宣帝時益州刺

史王襄欲宣風化于衆庶使褒作中和樂職

宣布詩褒旣爲刺史作頌又作其傳上徵褒

詔褒爲聖主得賢臣頌其意令褒與張子儵等並待詔數從放獵所幸宮觀褒爲歌頌第

其高下以差賜帛議者多以爲淫靡不急上曰不有博奕者乎爲之猶賢乎已辭賦大者

與古詩同義小者辯麗可喜辟如女工有綺縠音樂有鄭衛今世俗猶皆以此虞悅耳目

辭賦比之尙有仁義風諭鳥獸草木多聞之觀賢于倡優博奕遠矣頃之擢褒爲諫大夫

其後太子體不安苦忽忽善忘不樂詔使褒等皆之太子宮虞侍太子朝夕誦讀奇文及所自作作疾平復迺歸太子喜褒所爲甘泉

及洞簫頌令後宮貴人左右皆誦讀之後方士言益州有金馬碧雞之寶可祭祀致也宣帝使褒往祀焉于道病死上閔惜之案碧雞

頌佚文盡死于歸道中

又何武傳宣帝時天下和平四夷賓服神爵五鳳之間婁蒙瑞應而益州刺史王襄使辯士王褒頌漢德作中和樂職宣布詩三篇武

年十四五與成都楊覆衆等共習歌之是時宣帝循武帝故事求通達茂異士召見武等于宣室上曰此盛德之事吾何足以當之哉以褒爲待詔師古曰中和者言政教隆平得中和之道也樂職謂百官萬姓樂得其常道也宣布德化周洽徧于四海也

其君憂國傾危而不能忘也褒讀屈原之文追而愍之故作九懷以裨其辭史官錄第遂列于篇案此稱史官錄第者即謂劉中興錄上楚辭之篇第也

文心雕龍詮賦篇曰子淵洞簫窮變于聲貌又書記篇曰古有鐵券以堅信誓王褒髯奴則券之楷也又才略篇曰王褒構采以密巧為致附聲測貌冷然可觀

唐書經籍藝文志王褒集五卷宋史志同

張溥百三家王諫議集輯本一卷凡賦騷論頌移約文八篇

汪氏文選撰人篇目漢王子淵褒有洞簫賦

聖主得賢臣頌四子講德論

嚴氏全漢文編曰王褒有集五卷今存洞簫賦九懷四子講德論聖主得賢臣頌甘泉宮頌碧雞頌僮約責髯奴辭凡八篇責髯奴辭古文苑以為後漢黃香作

漢諫議大夫劉向集六卷

劉向有洪範五行傳論見經部尚書家

漢書楚元王附傳宣帝循武帝故事招選名儒俊材置左右更生以通達能屬文辭與王褒張子僑等並進對獻賦頌凡數十篇

案此即藝文志所載劉向賦三十三篇也

成帝即位更生乃復進用更名向數奏封事數上疏言得失

陳法戒時上無繼嗣政由王氏災異寢甚向獨謂陳湯曰災異如此而外家日盛其漸必危劉氏遂上封事極諫每召見數言權在外

家常譏刺王氏其言多痛切發于至誠年七

十二卒卒後十三歲而王氏代漢

又傳贊曰仲尼稱才難不其然與自孔子後綴文之士衆矣唯孟軻孫況董仲舒司馬遷

劉向揚雄此數公者皆博物洽聞通達古今其言有補于世傳曰聖人不出其間必有命

世者豈近是乎嗚呼向言山陵之戒于今察之哀哉指明梓柱以推廢興昭矣豈非直諫

多聞古之益友與案梓柱者向封事有曰今王氏先

祖墳墓在濟南者其梓柱生枝葉扶蘇上出屋椽垂地中

雖立石起柳無以過此之明也

又藝文志曰劉向賦三十三篇 又六藝略樂家附注曰出淮南劉向等琴頌七篇

七略別錄曰向有芳松枕賦有合賦有麒麟

角杖賦有行過江上弋雁賦行弋賦弋雌得

雄賦

班固兩都賦序曰大漢初定日不暇給至于

武宣之世乃崇禮官考文章內設金馬石渠

之署外興樂府協律之事以興廢繼絕潤色

鴻業是以衆庶悅豫福應尤盛白麟赤鴈芝

房寶鼎之歌薦于郊廟神雀五鳳甘露黃龍

之瑞以為年紀故言語侍從之臣若司馬相

如虞丘壽王東方朔枚皋王褒劉向之屬朝

夕論思日月獻納而公卿大臣御史大夫倪

寬太常孔臧太中大夫董仲舒宗正劉德太

子太傅蕭望之等時時問作或以抒下情而

通諷諭或以宣上德而盡忠孝雍容揄揚著

于後嗣抑亦雅頌之亞也故孝成之世論而

錄之蓋奏御者千有餘篇而後大漢之文章

炳焉與三代同風案孝成以下云云即劉中興輯詩賦略之事班氏此序雖不為詩賦略而作而適足以為詩賦略之序此後世集部之端也

王逸楚辭章句曰九歎者護左都水使者光祿大夫劉向之所作也向以博古敏達典校經書辯章舊文追念屈原忠信之節故作九歎也

又楚辭天文篇敘曰昔屈原所作凡二十五篇世相教傳而莫能說天問以其文義不次又多奇怪之事自太史公口論道之多所不逮至于劉向揚雄援引傳記以解說之亦不能詳悉所闕者衆日無聞焉

宋書謝靈運傳論曰屈平宋玉導清源于前賈誼相如振芳塵于後自茲以降情志愈廣王褒劉向揚班崔蔡之徒異軌同奔遞相師祖雖清辭麗曲時發乎篇而蕪音累氣固亦多矣

文心雕龍徵聖篇曰徵之周孔則文有師矣是以子政論文必徵于聖又體性篇曰子政簡易故趣昭而事博又才略篇曰劉向之奏議旨切而調緩又云自卿淵以前多俊才而不課學雄向以後頗引書以助文

唐書經籍藝文志劉向集五卷宋史志同

黃氏日鈔曰楚元王以好學禮賢開國故戊雖以叛誅而辟疆德向皆世濟其美漢之宗英于斯為盛

玉海藝文曰中興書目劉向集五卷集者云晉八卷隋本六卷今所有十八篇案晉八卷者

謂中經簿也

陳氏書錄劉中壘集五卷漢中壘校尉劉向子政撰前四卷封事並見漢書九款見楚辭末請雨華山賦見古文苑

張溥百三家劉子政集輯本一卷凡賦疏上書封事議對頌銘序騷綜二十二篇附以洪範五行傳

嚴氏全漢文編輯本五卷第一卷曰請雨華山賦雅琴賦圍棋賦九款凡四篇第二卷曰使外親上變事條災異封事極諫用外戚封事理甘延壽陳湯疏諫營昌陵疏復上奏災異奏劾甘忠可對成帝甘泉泰時問日食對說成帝定禮樂誠子歆書凡十一篇第三卷曰戰國策管子晏子孫卿書韓非子列子鄧析書關尹子子華子說苑敘錄高祖頌杖銘熏鑪銘五紀說五紀論凡十五篇注云關尹子子華子疑皆是宋人偽託今姑錄之第四卷別錄佚文第五卷新序佚文說苑佚文

梁有漢射聲校尉陳湯集二卷亡

漢書本傳湯字子公山陽瑕丘人也少好書博達善屬文西至長安為太官獻食丞數歲舉茂才復以薦為郎數求使外國久之遷西域副校尉與甘延壽俱出建昭三年矯制發城郭諸國兵斬郅支單于闕氏太子名王以下千五百一十八級生虜百四十五人降虜千餘人封關內侯拜射聲校尉後奪爵為士伍數歲大將軍王鳳奏以為從事中郎又免為庶人卒王莽秉政追諡湯為破胡壯侯封

湯子馮為破胡侯勳為討狄侯

又劉向傳向雅奇陳湯智謀與相親友

嚴氏全漢文編曰陳湯有集二卷今存上疏自理上封事請徙初陵各一篇

梁有丞相章玄成集二卷亡

漢書章賢傳賢字長孺魯國鄒人也其先章孟家本彭城為楚元王傳傳子夷王及孫王戊戊荒淫不遵道孟作詩風諫後去位徙家于鄒又作在鄒詩一篇孟卒于鄒或曰其子孫好事述先人之志而作是詩也自孟至賢五世賢兼通禮尚書以詩教授號稱鄒魯大儒宣帝時代蔡義為丞相封扶陽侯諡曰節侯少子玄成字少翁以父任為郎常侍騎少好學修父業以明經擢為諫大夫父賢病薨受扶陽侯爵遷太常坐免官又削爵為關內侯玄成自傷貶黜父爵作詩自劾責久之召拜為淮陽中尉受詔與太子太傅蕭望之及五經諸儒雜論同異于石渠閣條奏其對及元帝即位以玄成為少府太子太傅御史大夫永光中代于定國為丞相貶黜十年之間遂繼父相位封侯故國榮當世焉玄成復作詩自著復玷缺之艱難以戒示子孫為相七年守正持重不及父賢而文采過之建昭三年薨諡曰共侯文心雕龍明詩篇曰漢列四言章孟首唱匡諫之義繼軌周人玄成二詩亦見本傳

廟議毀廟遷主議復言罷文昭太后寢祠園

凡六篇

漢諫大夫谷永集二卷

漢書本傳永字子雲長安人也少為長安小史後博學經書建昭中御史大夫繁延壽除補屬舉為太常丞數上疏言得失擢光祿大夫安定太守涼州刺史北地太守徵入為大司農病卒永于經書汎為疏達與杜欽杜鄴略等不能洽淡如劉向父子及揚雄也其于天官京氏易最密故善言災異前後所上四十餘事略相反覆專攻上身與後宮而已黨于王氏上亦知之不甚親信也本名並以尉氏樊並反更名永云案本傳不言為諫大夫官此題諫大夫似因上文劉向王褒而誤

又游俠樓護傳護字君卿與谷永俱為五侯上客長安號曰谷子雲筆札樓君卿唇舌言其見信用也

王充論衡別通篇曰若董仲舒唐子高谷子雲丁伯玉策既中實文說美善博覽膏腴之所生也又効力篇曰谷子雲唐子高章奏百上筆有餘力極言不諱文不折之非夫才知之人不能為也

唐書經籍藝文志谷永集五卷

嚴氏全漢文編曰谷永有集二卷今存舉方正對策復言災異復對又對三月雨雪對黑龍見東萊對日食對星隕對又日食對災異對門杜自亡對日蝕上書上疏訟陳湯上疏薦薛宜請賜諡鄭寬中上疏理梁王立受降

議塞河議諫成帝徵行說成帝距絕祭祀方術說王音謝王鳳書與王譚書與王音書戒段會宗書凡二十五篇

梁有漢涼州刺史杜鄴集二卷亡

漢書本傳鄴字子夏本魏郡繁陽人也武帝時徙茂陵鄴少孤其母張敬女鄴壯從敬子吉學問得其家書以孝廉為郎王商為大司馬除鄴主簿舉侍御史哀帝即位遷為涼州刺史數年以病免元壽元年舉方正對策未拜病卒鄴言民訛言行籌及谷永言王者買私田彗星隕石杜飛之占語在五行志初鄴從張吉學吉子竦又幼孤從鄴學問亦著于世尤長小學鄴子林清靜好古亦有雅材建武中歷位列卿至大司空其正文字過于鄴竦故世言小學者由杜公案漢末傳小學者張氏杜氏揚雄此三家最著而張敏為之始焉

唐書經籍藝文志杜鄴集五卷

嚴氏全漢文編杜鄴有集二卷今存舉方正直言對災異對說王音說王商臨終作墓石文凡五篇

梁有漢騎都尉李尋集二卷亡

漢書本傳尋字子長平陵人也治尚書與張孺鄭寬中同師案儒林傳同師平陵張山拊寬中等守師法教授尋獨好洪範災異又學天文月令陰陽哀帝初即位召尋待詔黃門遷侍郎以尋言且有水災故拜尋為騎都尉使護河隄後以助夏賀良事下吏坐誣罔不道減死一等徙敦煌郡

又五行志序末有曰是以摛仲舒別向歆傳載睦孟夏侯勝京房谷永李尋之徒所陳行事案傳載當為傳載顏氏曰傳讀曰附謂附著

王莽舉十二世以傅春秋著于篇

嚴氏全漢文編曰李尋有集二卷今存對詔問災異又對問災異塞河議奏記翟方進說王根凡五篇

漢司空師丹集一卷梁三卷錄一卷

漢書本傳丹字仲公琅邪東武人也治詩事匡衡舉孝廉為郎元帝末為博士免建始中州舉茂才復補博士成帝末至太子太傅哀帝即位為左將軍領尚書代王莽為大司馬封高樂侯徙為大司空書數十上多切直之言免為庶人廢歸鄉里者數年平帝即位王莽白太皇太后封丹為義陽侯月餘薨諡曰節侯

唐書經籍藝文志師丹集五卷

嚴氏全漢文編師丹有集三卷今存上書言封丁傅建言限民田奴婢劾奏董宏共皇廟議凡四篇

漢光祿大夫息夫躬集一卷

漢書本傳躬字子微河內河陽人也少為博士弟子受春秋通覽記書哀帝初即位與長安孫寵俱上書召待詔躬與寵謀告東平王雲及其后日夜祠祭祀詛上欲求非望下有司案驗雲及后皆坐誅擢躬為光祿大夫左曹給事中是時侍中董賢愛幸上欲侯之遂下詔云躬寵因賢以聞封賢為高安侯寵方

陽侯躬宜陵侯使護三輔都水免官遣就國以祝盜方事坐祝詛速繫洛陽詔獄欲掠問躬躬仰天大譁因僵仆吏就問云咽已絕血從鼻耳出食頃死家屬徙合浦初躬待詔數危言高論自恐遭害著絕命辭後數年乃死如其文案其文亦見本傳躬封侯事亦見哀帝本紀及後幸董賢傳

又傳贊曰仲尼惡利口之覆邦家江充造蠱太子殺息夫作姦東平誅皆自小覆大繇疏陷親可不懼哉

唐書經籍藝文志息夫躬集五卷

嚴氏全漢文編息夫躬有集一卷今存上疏詆公卿大臣上言開京渠奏開匈奴烏孫建言厭應變異凡四篇

漢太中大夫揚雄集五卷

揚雄有方言見經部小學家

雄答劉歆書曰雄先作縣郎銘王何頌階闕銘及成都城四壙銘蜀人有楊莊者為郎誦之于成帝成帝好之以為似相如雄遂以此得外見此數者皆都水君常見故不復奏雄為郎之歲自奏少不得學而心好沈博絕麗之文願不受三歲之奉且休脫直事之繇得肆心廣意以自克就有詔可不奪奉令尚書賜筆墨錢六萬得觀書于石渠如是後一歲作繡補靈節龍骨之銘詩三章成帝好之遂得盡意

劉歆七略曰揚雄賦四篇甘泉賦永始三年待詔臣雄上羽獵賦永始三年十二月上長



楊賦綏和元年上秦河東賦永始三年三月七上者七略佚文不具焉

漢書本傳雄博覽無所不見願嘗好辭賦先是蜀有司馬相如作賦甚弘麗溫雅雄心壯之每作賦常擬之以爲式又怪屈原原文過相如至不容作離騷投江而死悲其文讀之未嘗不流涕也以爲君子得時則大行不得時則龍蛇遇不遇命也何必湛身哉適作書往往撫離騷文而反之自嶧山投諸江流以弔屈原名曰反離騷又旁離騷作重一篇名曰廣騷又旁惜誦以下至懷沙一卷名曰畔牢愁孝成帝時客有薦雄文似相如者上方郊祀甘泉泰畤汾陰后土以求繼嗣召雄待詔承明之庭正月從上甘泉還奏甘泉賦以風天子異焉其三月將祭后土還上河東賦以勸其十二月羽獵雄從故聊因校獵賦以風明年上將大誇胡人以多禽獸令胡人手搏之自取其獲上親臨觀焉雄從至射熊館還上長楊賦以風哀帝時雄方草太玄有以自守泊如也或嘲雄而雄解之號曰解嘲客有難玄太深衆人之不好也雄解之號曰解難其意欲求文章成名于後世以爲篇莫善于虞箴作州箴賦莫深于離騷反而廣之辭莫麗于相如作四賦皆斟酌其本相與依放而馳騁去

又藝文志揚雄賦十二篇又篇末附注云入揚雄八篇王氏考證曰蓋七略所載止四賦甘泉河東校獵長楊也

後漢崔瑗敘箴曰昔揚子雲讀春秋傳虞人箴而善之于是作九州及二十五官箴規匡救言君德之所宜斯乃體國之宗也 案漢志儒家揚雄所敘條下注云樂四箴二蓋箴二卷與太玄法言樂箴四種班孟堅之時合而爲帙者

後漢書胡廣傳初揚雄依虞箴作十二州二十五官箴其九箴亡闕 案王氏考證館閣書目二十四箴一卷州箴十二衛尉等箴十二蓋至宋僅存廿四亡其十三篇也

梁沈約注制旨連珠曰竊聞連珠之作始自子雲放易象論動模經語班固謂之命世桓譚以爲絕倫

文心雕龍詮賦篇曰子雲甘泉構深璋之風銘箴篇云揚雄稽古始範虞箴作卿尹州牧二十五誅碑篇云揚雄之誄元后文實煩穢沙麓撮其要而掣疑成篇注云有彼誤安有累德述尊而闕略四句乎哀弔篇云揚雄弔屈思積功寡意深文略故辭韻沈隱雜文篇云揚雄覃思文閣業深綜述碎文瑣語肇爲連珠其辭雖小而明潤矣又曰揚雄解嘲雜以諧諷迴環自釋頗亦爲工封禪篇云揚雄劇秦影寫長卿詭言遜辭故兼包神怪然骨掣靡密辭貫圓通自稱極思無遺力矣書記篇云子雲之答劉歆志氣槃桓體性篇云子雲沈寂故志隱而味深才略篇云子雲屬意辭人最深觀其涯度幽遠搜選詭麗而竭才以鑽思故能理贍而辭堅矣 唐書經籍藝文志揚雄集五卷宋史志六卷

晁氏讀書志揚雄集三卷古無雄集皇朝譚愈好雄文患其散在諸篇籍離而不屬因綴輯之得四十餘篇案此三卷似五卷之寫誤

陳氏書錄曰揚子雲集五卷漢黃門郎成都揚雄子雲撰大抵皆錄漢書及古文苑所載蓋古本已不存好事者于史傳類書中鈔錄以備一家之作充藏書之數而已又曰二十四箴一卷揚雄撰今廣德軍所刊本校集中無司空尚書博士太常四箴集中所有皆據古文苑而此四箴或云崔駰或云崔子玉疑不能明也

四庫提要曰隋唐志皆載雄集五卷其本久佚宋譚愈始取漢書及古文苑所載四十餘篇仍輯爲五卷已非舊本明萬曆中遂州鄭樸又取雄所撰太玄法言方言書及類書所引蜀王本紀琴清英諸條與諸文賦合編之釐爲六卷而以逸篇之目附卷末即此本也 又汪氏二十名家集張氏百三家集亦各有輯本

汪氏文選撰人篇目漢揚子雲雄有甘泉賦羽獵賦長楊賦解嘲趙充國頌劇秦美新嚴氏鐵橋漫彙重編揚子雲集敘曰揚子雲集隋唐志皆五卷亡于唐末宋譚愈輯爲三卷或作五卷余未見之明鄭樸補輯爲六卷即四庫所收也余又重編爲四卷凡六十一篇卷視隋唐差少篇視鄭樸增多拾遺訂誤皆注明出處以便覆查疑者闕之漢志著錄賦十二篇今得蜀都甘泉河東羽獵長楊殿靈太玄逐貧酒反騷十篇其廣騷畔牢愁僅

見篇名似即反騷之子目據許氏說文引解嘲響若氏墮謂之賦則視漢志亡其一篇案子雲自敘言旁雖作重一篇曰廢騷旁借誦以下至懷沙一卷曰畔牢愁則明明為二篇與反騷為三篇嚴氏全漢文編以此二篇數在十二篇之內是十二篇之目已全文編之言是也此所云蓋駁文而失于刊正者後漢胡廣傳稱十二州箴二十五官箴其九篇亡闕今除初學記之潤州箴御覽之河南尹箴誤入不錄外得整篇二十八如後漢原數案此已駁宋二十四箴為完善又五篇有缺文四篇亡知所謂亡闕者有亡有闕非九篇俱亡之謂蜀都賦為集中鉅製校讎再四從順良難連珠及琴清英皆不全覈靈賦與桓譚書為益州刺史作節度章段畸零存崖略將欲復隋唐本之舊斷斷不能視鄭樸本則後來者居上矣繕寫而為之敘錄曰自古言儒術者曰孟荀曰荀揚而桓譚陸績推揚為聖人未免過當要是荀子後第一人宋儒以劇秦美新為詢病大書莽大夫春秋責備賢者于世教有功固非鮮淺然而革除之際實難言之漢承秦賈生過秦千古名論新承漢子雲不劇漢而劇秦有微詞焉亦非苟作後儒學問文章曾不及子雲千一其于仕莽悲其遇焉可也又自編四錄堂類集總目揚子雲集四卷可均校編

漢太中大夫劉歆集五卷  
 劉歆有爾雅注見經部論語家  
 漢書劉向傳向三子少子歆最知名父子俱

好古博見彊志過絕于人及歆親近欲建立左氏春秋及毛詩逸禮古文尙書皆列于學官哀帝令歆與五經博士講論其義諸博士或不肯置對歆因移書太常博士責讓之其言甚切諸儒皆怨恨案儒林傳五官中郎將房鳳光祿勳王龔奉車都尉劉歆三人共移書又王莽傳平帝時莽為大司馬以劉歆典文章

古文苑遂初賦序曰遂初賦者劉歆所作也歆少通詩書能屬文成帝召為黃門侍郎中壘校尉侍中奉車都尉光祿大夫歆好左氏春秋欲立于學官時諸儒不聽歆乃移書太常博士責讓深切為朝廷大臣非疾求出補吏為河內太守又以宗室不宜典三河徒五原太守是時朝政已多失矣歆以論議見排擯志意不得之官經歷故晉之域感今思古遂作斯賦以歎征事而寄己意亦見藝文類聚案此文章敘錄之文也不知出誰氏

傅子曰或問劉歆劉向孰賢傅子曰向才學俗而志忠歆才學通而行邪詩之雅頌書之典謨文質足以相副玩之若近尋之益遠陳之若肆研之若隱浩浩乎其文章之淵府也文心雕龍檄移篇曰劉歆之移太常辭剛而義辨文移之首也又議對篇曰如吾邱之駁挾弓劉歆之辨祖宗雖質文不同得事要矣又事類篇曰揚雄百官箴頗酌于詩書劉歆遂初賦歷敘于紀傳又章句篇曰若乃改韻易調所以節文辭氣賈誼枚乘兩韻輒易劉歆桓譚百句不遷亦各有其志也

唐書經籍藝文志劉歆集五卷  
 張氏百三家劉子駿集輯本一卷凡賦書議各三篇奏說論各一篇附洪範五行傳佚文汪氏文選撰人篇目漢劉子駿歆有移書讓太常博士

嚴氏全漢文編輯本二卷第一卷曰遂初賦甘泉宮賦燈賦上海海經表孝武廟不毀議惠景及太上皇寢園議功顯君喪服議移太常博士書答文學與揚雄書從取方言新序論解銘凡十二篇第二卷曰三統曆說七略佚文鍾律書佚文凡三篇

漢成帝班婕妤集一卷  
 漢書外戚傳孝成班婕妤初即位選入後宮始為少使蛾而大幸為婕妤居增成舍再就館有男數月失之成帝游于後庭嘗欲與婕妤同輦載婕妤辭曰觀古圖畫賢聖之君皆有名臣在側三代末主適有嬖女今欲同輦得毋近似之乎上善其言而止太后聞之喜曰古有樊姬今有班婕妤其後失寵求其養太后長信宮上許焉婕妤退處東宮作賦自傷悼至成帝崩婕妤充奉園陵墓因葬園中

又成帝本紀贊曰臣之姑充後宮為婕妤晉灼曰班彪之姑也續列女傳曰左曹越騎校尉班況之女

鍾嶸詩品曰逮漢李陵始著五言之目自王揚枚馬之徒辭賦競爽而吟詠靡聞從李都尉迄班婕妤百年間有婦人焉一人而已詩

人之風頓已缺喪又曰漢婕妤班姬詩其源出于李陵團扇短章辭旨清捷怨深文綺得匹婦之致侏儒一節可以知其工矣

文心雕龍明詩篇曰至成帝品錄三百餘篇朝章國采亦云周備而辭人遺翰莫見五言所以李陵班婕妤見疑于後代也案成帝品錄三百餘篇者藝文志歌詩二十八家三百一十四篇其中無五言詩故後世疑李班之詩或非本真

唐吳兢樂府古題要解曰婕妤怨者為漢成帝班婕妤作也婕妤徐令彪之姑況之女美而能文初為帝所寵愛後幸趙飛燕姊姊冠于後宮婕妤自知恩薄懼得罪求供養皇太后于長信宮因為賦及執扇詩以自傷後人傷之為婕妤怨及擬其詩

汪氏文選撰人篇目漢班婕妤有怨歌行嚴氏全漢文編班婕妤有集一卷今存自悼賦擣素賦報諸姪書凡三篇梁有班昭集三卷亡

班昭即曹大家有列女傳注見史部雜傳家後漢書列女傳昭博學高才和帝數召入宮令皇后諸貴人師事焉號曰大家每有貢獻異物輒詔大家作賦頌又曰所著賦頌銘誄問注哀辭書論上疏遺令凡十六篇子婦丁氏為撰集之又作大家讚焉

唐書經籍藝文志曹大家集二卷舊志列別集類之末新志列唐人之前

汪氏文選撰人篇目後漢曹大家班昭有東征賦

嚴氏後漢文編輯本有東征賦賦賦大雀賦蟬賦為兄超求代疏上鄧太后疏敬器頌女誡凡八篇

案曹大家實後漢人列之于此者或七錄以二班同出一家故變例附其祖姑之次歟

梁有王莽建新大尹崔篆集一卷亡

後漢書崔駰傳駰涿郡安平人也高祖父朝昭帝時侍御史生子舒歷四郡太守舒小子篆王莽時為郡文學以明經徵詣公車太保甄豐舉為步兵校尉投劾歸莽嫌諸不附己者多以法中傷之時篆兄發以佞巧幸于莽位至大司空母師氏能通經學百家之言莽寵以殊禮賜號義成夫人金印紫綬文軒丹轂顯于新世後以篆為建新大尹篆不得已乃歎曰吾生無妄之世值澆弊之君上有老母下有兄弟安得獨潔己而危所生哉遂單車到官後稱疾去建武初朝廷多薦言之者幽州刺史又舉篆賢良篆自以宗門受莽僞寵慚愧漢朝遂辭歸不仕客居滎陽閉門潛思著周易林六十四篇用決吉凶多所占驗臨終作賦以自悼名慰志篆生毅隱身不仕毅生駰與班固傳毅同時齊名云又傳注曰莽改千乘郡曰建新守曰大尹唐書經籍藝文志崔篆集一卷嚴氏全漢文編崔篆有集一卷後漢書崔駰傳載慰志賦一篇梁有保成師友唐林集一卷亡

漢書鮑宣附傳自成帝至王莽時清名之士沛郡則唐林子高唐尊伯高皆以明經飭行顯名于世兩唐皆仕王莽封侯貴重歷公卿位唐林數上疏諫正有忠直節

又王莽傳始建國三年為太子置師友各四人以故尚書令唐林為胥附天鳳四年五月莽曰保成師友祭酒唐林孝弟忠恕敬上愛下博通舊聞德行醇備至于黃髮靡有愆失其封林為建德侯位特進見禮如三公賜第一區錢三百萬授几杖焉

論衡超奇篇曰觀谷永之陳說唐林之宜言劉向之切議以知為本筆墨之文將而送之豈徒彫文飾辭句為華葉之言哉精誠由中故其文語感動人深又効力篇曰谷子雲唐子高章奏百上筆有餘力

玉海藝文類中與書目曰漢名臣奏二卷其一卷唐林在新莽時奏凡十篇嚴氏全漢文編唐林有集一卷今存上哀帝疏請復師丹爵邑又奏事凡二篇梁有中謁者史岑集二卷亡

後漢書文苑王隆附傳初王莽末沛國史岑子孝亦以文章顯莽以為謁者著頌誄復神說疾凡四篇

又傳注曰岑一字孝山著出師頌文選出師頌注云漢有二史岑字孝山者當和熹之際字子孝者仕莽末章懷此注誤為一人又案班彪傳注云好事者謂揚雄劉歆陽城衛緒少孫史孝山之徒也此史孝山亦當為史子孝章懷誤兩人為一人前後凡兩見

博物志元始元年中謁者沛郡史岑上書訟

王宏奪董賢璽綬之功案王宏即王閔王莽叔父

平阿侯譚之子略見漢書元后傳又見東觀漢記范書張

步傳王氏之良也

史通正史篇史記所書年止漢武其後劉向

向子歆及諸好事者若揚雄史岑等相次撰

續迄于哀平間猶名史記案此則史岑于漢末嘗

續太史公書史通史官篇云司馬遷既沒後之續史記者

若褚先生劉向馮商揚雄之徒並以別職來知史務是王

莽時嘗為史官劉歆所與領也

唐書經籍志後漢史岑集二卷藝文志同

右楚漢人文迄王莽凡楚二家漢十五家

附注梁有十一家王莽時三家又比附後

漢班昭一家綜三十二家是為別集類分

篇第一

隋書經籍志考證卷三十九之二

集部二之二

別集類二後漢

梁有後漢東平王蒼集五卷亡

後漢書光武十王傳光烈皇后生顯宗東平

憲王蒼蒼建武十五年封東平公十七年進

爵為王少好經書雅有智思顯宗甚愛重之

及即位拜為驃騎將軍置長史掾史員四十

人位在三公上是時中興三十餘年四方無

虞蒼以天下化平宜修禮樂乃與公卿共議

定南北郊冠冕車服制度及光武廟登歌八

佾舞數語在禮樂輿服志注云其志今亡蓋謂范

氏之志也 在朝數載自以至親輔政聲望日

重意不自安上疏歸職帝優詔不聽其後數

陳乞辭甚懇切五年乃許還國而不聽上將

軍印綬以驃騎長史為東平太傅掾為中大

夫令史為王家郎十五年行幸東平帝以所

作光武本紀示蒼蒼因上光武受命興頌

帝甚善之以其文典雅特令校書郎賈逵為

之訓詁肅宗即位尊重禮禮于前世諸王

莫與為比朝廷每有疑政輒驛使諮問蒼悉

心以對皆見納用建初八年正月薨詔告中

傅封上蒼自建武以來章奏及所作書記賦

頌七言別字歌詩並集覽焉立四十五年子

懷王忠嗣傳國至魏受禪以為崇德侯

南齊書樂志永平三年東平王蒼造光武廟

登歌一章二十六句其辭稱述功德

本志經部異說篇敘曰起王莽好符命光武

以圖讖與遂盛行于世漢時又詔東平王蒼

正五經章句皆命從讖俗儒趨時益為其學

篇卷第目轉加增廣言五經者皆憑讖為說

案范書靈籙傳永平元年拜長水校尉與公卿雜定郊祀

禮儀以讖記正五經異說蓋即東平王在朝議修禮樂之

時時并詔東平定五經章句樊籙與其事而本傳略之也

北堂書鈔卷七十引劉蒼集序曰體長大美

鬚眉又引東平王集曰言出為論下筆成章

唐書經籍志漢東平王集二卷

唐書藝文志東平王蒼集二卷

明馮氏詩紀輯存武德舞歌詩一篇

嚴氏全後漢文編東平王有集五卷今見于

本傳吳良傳東觀記續漢志袁紀通典諸書

有疏議上書上言凡九篇

案漢藝文志小學家有別字十三篇東平

王所作別字蓋即其類崑山顧氏元和惠

氏言別字之義甚詳已備著于漢志條理

中文繁不錄

梁有後漢桓譚集五卷亡

桓譚有新論見子部儒家

新論道賦篇佚文曰余少時好離騷博觀他

書輒欲反學又曰余少好文見揚子雲工為

賦頌欲從之學子雲曰能讀千賦則善為之

矣又云諺曰侏儒見一節而長短可知孔子

言舉一隅足以三隅反觀吾小時二賦亦足

以揆其能否又曰余少時為奉車郎從孝成

帝出祠甘泉河東見部先置華陰靈宮宮

武帝所造欲以懷集仙者王喬赤松子故名

殿曰存仙端門南向山署曰望仙門余居此焉竊有樂高眇之志卽書壁爲小賦以頌二仙之行

後漢書本傳譚博學多通能文章尤好古學數從劉歆揚雄辯析疑異傅皇后父孔鄉侯晏深善于譚譚說以脩己正家避禍之道故傅氏終全于哀帝之時及董賢爲大司馬聞譚名欲與之交譚先奏書于賢說以輔國保身之術賢不能用遂不與通著書言當世行事曰新論琴道一篇未成肅宗使班固續成之所著賦誄書奏凡二十六篇元和中肅宗行東巡狩至沛使使者祠譚家鄉里以爲榮文心雕龍才略篇曰桓譚著論富號猗頓宋弘稱薦爰比相如而集靈諸賦褊淺無才故知長于諷論不及麗文也

唐書經籍志後漢桓譚集二卷藝文志同嚴氏全後漢文編桓譚有集五卷本傳有陳時政疏抑讖重賞疏各一篇北堂書鈔藝文類聚有仙賦并序一篇文選注有上便宜陳便宜啓事答揚雄書各一條

### 後漢司隸從事馮衍集五卷

後漢書本傳衍字敬通京兆杜陵人也祖野王元帝時大鴻臚衍幼有奇才年九歲能誦詩至二十而博通羣書王莽時諸公多薦舉之者衍辭不肯仕時天下兵起莽遣吏始將軍廉丹討伐山東丹辟衍爲掾丹與赤眉戰死衍乃亡命河東更始遣尙書僕射鮑永行大將軍事安集北方以衍爲立漢將軍領狼

猛長屯太原後審知更始歿乃與永罷兵幅巾降于河內帝怨衍等不時至永以立功得贖罪遂任用之而衍獨見黜頃之以爲曲陽令後爲司隸從事數爲人讒毀得罪西歸故郡閉門自保不敢復與親故通建武末上書自陳猶以前過不用衍不得志退而作賦自厲名其篇曰顯志顯志者言光明風化之情昭章玄妙之思也顯宗卽位又多短衍以文過其實遂廢于家衍娶北地女任氏悍忌不得畜媵妾兒女常自操井臼老竟逐之遂培塿于時居貧年老卒于家所著賦誄銘說問交德語慎情書記說自序官錄說策五十篇肅宗甚重其文

又傳注曰衍集有與新陽侯陰就書又與陰就書與婦弟任武達書與宣孟書有問交一篇慎情一篇又曰衍集見有二十八篇文心雕龍才略篇敬通雅好辭說而坎壈盛世顯志自序亦蚌病成珠矣又銘箴篇曰至如敬通雜器準燧戒銘而事非其物繁略遠中又論說篇曰敬通之說鮑鄧事緩而文繁所以歷聘而罕遇也

史通正史篇史記所書年止漢武太初已後闕而不錄其後劉向子歆及諸好事者若馮商衛衡揚雄史岑梁審肆仁晉馮段肅金丹馮衍韋融蕭奮劉恂等相次撰續迄于哀平間猶名史記至建武中司徒掾班彪以爲其言鄙俗不足以踵前史案此始指好事者以下諸人而言非一概斥爲鄙俗也 又雄歆褒美僞新

誤後惑衆不當垂之後代者也 案此則馮衍亦嘗修史續太史公書本傳不載其事元和惠棟後漢書補注亦無述焉班彪之時前代修史諸人尙有衍及晉馮段肅三人晉段二人至明帝永平之初彪子固猶奏記于東平王著見固傳段肅又注穀梁傳與劉向同經見經部春秋家 又班彪集輯本有與金昭卿書註卽金丹字

### 唐書經籍藝文志馮衍集五卷

張氏百三家集馮敬通曲陽集輯本一卷凡賦疏奏記牋書論銘一十七篇

元和惠棟後漢書補注潛夫論曰衍篤學重義諸儒號曰德行雍雍馮敬通北堂書鈔九十八引馮敬通自序文選注引德詒任防文章緣起曰詒漢司隸從事馮衍作

嚴氏全後漢文編馮衍有集五卷今見于本傳傳注及袁紀選注初學記類聚御覽有賦上疏上書說書德詒銘凡二十七篇編爲一卷

案馮衍傳建武末上疏自陳有曰昔在更始太原執財貨之柄居倉卒之間據位食祿二十餘年而財產歲狹居處日貧又顯志賦自序亦云歷位食祿二十餘年又傳末述其自言云衍少事名賢經歷顯位懷金垂紫揭節奉使凡此所云歸降之後未見斯事似皆在建武之前知其當哀平王莽之時嘗與劉歆同事修史或亦爲國師公官屬其後出守太原所謂少事名賢經歷顯位者殆以此其謂更始太原二十餘年者蓋并王莽時言之不然更始至建武

不過二三年間事安得有二十餘年乎而范書皆不載其事反謂王莽時諸公多薦舉衍辭不肯仕自相矛盾欲蓋彌彰矣今并識其疑異于此

後漢徐令班彪集二卷梁五卷

後漢書本傳彪字叔皮扶風安陵人也祖況成帝時越騎校尉父稚哀帝時廣平太守彪性沈重好古年二十餘更始敗三輔大亂時隗囂擁衆天水彪乃避難從之囂問彪從橫之事彪疾囂言又傷時方艱乃著王命論以爲漢德承堯有靈命之符王者興祚非詐力所致欲以感之而囂終不寤遂避地河西河西大將軍竇融以爲從事深敬待之接以師友之道彪乃爲融畫策事漢總河西以拒隗囂及融徵還京師光武問曰所上章奏誰與參之融對皆從事班彪所爲帝雅聞彪名因召入見舉司隸茂才拜徐令以病免後數應三公之命輒去彪既才高而好述作遂專心史籍之間乃繼采前史遺事傍貫異聞作後傳數十篇因斟酌前史譏正得失而略論之後辟司徒王況府王肅察廉爲望都長建武三十年年五十二卒官所著賦論書記奏事合九篇二子固超

文心雕龍才略篇曰二班兩劉奕葉繼采舊說以爲固文優彪故學精向然王命清辨新序該練璿壁產于崑岡亦難得而躡本矣又哀弔篇曰自賈誼浮湘發憤屈屈首出之作也班彪蔡邕並敏于致語然影附賈氏難爲並驅耳

唐書經籍志班彪集二卷藝文志三卷

文選經籍考夾漈鄭氏曰善學司馬遷者莫如班彪彪續遷書自武昭至于後漢其書不可得而見所可見者元成二帝贊耳皆于本紀之外別紀所聞可謂深入太史公之奧闡矣案叔皮論贊今可見者尙有章實籍方進元后三傳不盡如鄭氏所指二篇

汪氏文選撰人篇目曰後漢班叔皮彪有北征賦王命論

嚴氏全後漢文編曰班彪有集五卷今諸書所引有覽海賦北征賦冀州賦悼離騷復護羌校尉疏上言宜復置烏桓校尉上言宜選東宮及諸王國官屬奏事上事奏議答北匈奴與京兆丞郭季通書與金昭卿書王命論史記論凡一十四篇

案史言竇融所上章奏皆班彪所爲然則融傳及袁宏紀所載上書歸誠上書請征隗囂與隗囂書並在河西時事大抵皆叔皮之辭

又案漢書藝文志春秋家章昭注曰馮商受詔續太史公十餘篇在班彪別錄案班彪別錄本傳及他傳記罕見記述惟章氏

得見之疑即叔皮所集諸家之史稿馮商爲其中之一此外如史通所舉劉向以下十四家又褚少孫一家凡十六家所脩所續之史皆在其間歟此雖非其自撰亦絕大手筆且泯沒無聞久矣因并附記于此

本傳言不足踵繼前書史通言雖欲褒美僞新皆據

此別錄故有是斷語

梁又有司徒掾陳元集一卷

後漢書本傳元字長孫蒼梧廣信人也父欽習左氏春秋王莽從欽受左氏學以欽爲厭難將軍元少傳父業爲之訓誥以父任爲郎案此爲王莽時後其父爲莽備令自殺建武初元與桓譚杜林鄭興俱爲學者所宗時議欲立左氏傳博士范升奏以爲左氏淺末不宜立元聞之乃詣闕上疏疏奏下其議范升復與元相辨難凡十餘上帝卒立左氏學太常選博士四人元爲第一帝以元新忿爭乃用其次司隸從事李封于是諸儒以左氏之立論議謹譁自公卿以下數廷爭之會封卒左氏復廢元以才高著名辟司空李通府通罷復辟司徒歐陽歙府數陳當世便事郊廟之禮帝不能用以病去年老卒于家子堅卿有文章又儒林歐陽歙傳歙封爲夜侯坐事下獄死獄中歙掾陳元上書追訟之言甚切至帝乃賜棺木贈印綬賻縗三千匹子復嗣

案蜀志尹默傳默專精左氏春秋自劉歆

條例鄭衆父子賈逵陳元方法說咸略誦

述此方字史衍文即謂此陳元也 元方穎

川陳紀之字遠在其後釋文敘錄春秋家亦誤衍方

字

梁又有王隆集二卷七

後漢書文苑傳王隆字文山馮翊雲陽人也

王莽時以父任爲郎後避難河西爲竇融左

護軍建武中爲新汲令能文章所著詩賦銘

書凡二十六篇

續漢書百官志序曰故新汲令王隆作小學

漢官篇劉昭注案胡廣注隆此篇曰顧見故

新汲令王文山小學爲漢官篇略道公卿內

外之職旁及四夷博物條暢多所發明足以

知舊制儀品是以聊集所宜爲作詁解 孫氏

平津館輯本序云漢官篇仿凡將急就四字一句故在小

學中

唐書經籍藝文志王文山集二卷

惠氏後漢書補注曰案胡廣漢官解詁序言

王文山小學漢官篇多所發明而本傳不載

案王文山無他著述漢官篇當在本集然

本傳載其集惟詩賦銘書四類則又似集

外別行者

梁又有雲陽令朱勃集二卷亡

後漢書馬援傳援同郡朱勃字叔陽年十二

能誦詩書常候援兄況勃衣方領能矩步辭

言嫺雅援裁知書見之自失况知其意乃自

酌酒慰援曰朱勃小器速成智盡此耳卒當

從汝稟學勿畏也朱勃未二十右扶風請試

守渭城宰及援爲將軍封侯而勃位不過縣

令援後雖貴常待以舊恩而卑侮之勃愈身

自親及援滿讒唯勃能終焉肅宗即位追賜

勃子穀二千斛

東觀漢記曰朱勃扶風平陵人章帝下詔曰

告平陵令丞縣人故雲陽令朱勃建武中以

伏波將軍爵土不傳上書陳狀不顧罪戾懷

旌善之志有烈士之風其以縣見穀二千石

賜勃子若孫勿令遠詣闕謝

唐書經籍藝文志朱勃集二卷

嚴氏全後漢文編朱勃有集二卷今見袁紀

載勃詣闕上書理馬援一篇亦見援傳

梁又有後漢處士梁鴻集二卷亡

後漢書逸民傳梁鴻字伯鸞扶風平陵人也

父讓王莽時爲城門校尉封脩遠伯使奉少

昊後寓于北地而卒鴻受業太學家貧而尚

節介博覽無不通而不爲章句學畢歸鄉里

勢家慕其高節多欲女之鴻並絕不娶同縣

孟氏有女狀肥醜而黑力舉石白擇對不嫁

至年三十父母問其故女曰欲得賢如梁伯

鸞者鴻聞而聘之及嫁七日乃更爲椎髻著

布衣操作而前鴻大喜曰此真梁鴻妻也能

奉我矣子之曰德曜名孟光共入霸陵山中

以耕織爲業詠詩書彈琴以自娛仰慕前世

高士而爲四皓以來二十四人作頌因東出

關過京師作五噫之歌肅宗聞而非之求鴻

不得乃易姓運期名耀字侯光與妻子居齊

魯之間有頃又去適吳將行作詩至吳依大

家臯伯通居廡下爲人賃舂每歸妻爲具食

不敢于鴻前仰視舉案齊眉伯通察而異之

曰彼傭能使其妻敬之如此非凡人也乃方

舍之于家鴻潛閉著書十餘篇及卒伯通等

爲求葬地葬之于要離冢傍妻子歸扶風初

鴻友人京兆高恢隱于華陰山中及鴻東游

思恢作詩二人遂不復相見云 傳注引高士傳

曰恢字伯通與卓伯通音字相同故鴻依之其詩云鳥嘒

嘒兮友之期念高子兮僕懷思想念恢兮爰集茲情見乎

詞矣

唐書經籍藝文志梁鴻集二卷

馮氏詩紀輯存五噫歌適吳詩思友詩

惠氏後漢書補注東觀記曰鴻少孤以童幼

詣太學受業禮詩春秋耕耘織作以供衣

食彈琴誦書以娛其志嘗閉門吟咏書記遂

潛思著書十餘篇

又曰鴻所作頌今不傳惟李善文選十九卷

引梁鴻安邱嚴平頌此其一也

嚴氏全後漢文編曰安邱嚴平頌蓋頌安邱

望之嚴君平二人也皇甫謐高士傳序云梁

鴻頌逸民即此見雪賦注補亡詩注

後漢車騎從事杜篤集一卷

後漢書文苑傳杜篤字季雅京兆杜陵人也

高祖延年宣帝時御史大夫篤少博學不修

小節居美陽與美陽令游數從請託不諧頗

相恨令怨收篤送京師會大司馬吳漢薨光

武詔諸儒誅之篤于獄中爲誄辭最高帝美

之賜昂免刑駕以關中表裏山河先帝舊京不宜改營洛邑乃上奏論都賦後仕郡文學掾以目疾二十餘年不闕京師女弟適扶風馬氏建初三年車騎將軍馬防擊西羌請篤為從事中郎戰沒于射姑山所著賦誄弔書贊七言女誡及雜文凡十八篇又著明世論十五篇馬防傳云防賓客奔湊四方學至京兆杜篤之徒數百人常為食客居門下

文心雕龍才略篇曰杜篤賈逵亦有聲于文跡其為才崔傳之未流也又誄碑篇曰杜篤之誄有譽前代吳誄雖工而他篇頗疏豈以見稱光武而改盼千金哉

唐書經籍藝文志杜篤集五卷

嚴氏全後漢文編杜篤有集一卷今存祓禱賦首陽山賦論都賦書摠賦衆瑞賦衆瑞頌通邊論展武論連珠迎鍾文禱祝吳漢誄弔比干文凡十四篇又曰篤有明世論十五篇通邊論展武論即十五篇之二

後漢車騎司馬傅毅集二卷梁五卷

後漢書文苑傳傅毅字武仲扶風茂陵人也少博學永平中于平陵習章句因作迪志詩以顯宗求賢不篤士多隱處故作七激以為諷建初中肅宗博召文學之士以毅為蘭臺令史拜郎中與班固賈逵共典校書毅追美孝明皇帝功德最盛而廟頌未立乃依清廟作顯宗頌十篇奏之由是文雅顯于朝廷車騎將軍馬防外戚尊重請毅為軍司馬及馬氏敗免官歸永元元年車騎將軍竇憲復請

毅為主記室崔駰為主簿及憲遷大將軍復以毅為司馬班固為中護軍憲府文章之盛冠于當世毅早卒著詩賦誄頌祝文七激連珠凡二十八篇

文章流別傳曰傅毅頌文與周頌相似而難以風雅之意

文心雕龍明詩篇曰古詩佳麗或稱枚叔其孤竹一篇則傅毅之詞黃叔琳曰謂古詩十九首丹冉孤生竹篇也

又雜文篇曰傅毅七激會清要之工又頌贊篇曰至于班傳之北征西巡變為序引豈不褒過而謬體哉又誄碑篇曰

傅毅所製文體倫序至于序述哀情則觸類而長毅之誄北海云白日幽光零霧杳冥始

序致感遂為後式景而效者彌取于工矣唐書經籍藝文志傅毅集五卷

馮氏詩紀輯存迪志詩一篇

汪氏文選撰人篇目後漢傅武仲毅有舞賦嚴氏全後漢文編傅毅有集五卷今諸書所引有洛都賦反都賦舞賦雅琴賦扇賦與荆

文姜書七激顯宗頌寶將軍北征頌西征頌扇銘明帝誄北海王誄凡一十三篇

案本志總集篇又有神雀賦一卷後漢傅毅撰似合諸家神雀頌為一編詳見本條

後漢大將軍護軍司馬班固集十七卷

班固有太甲篇在昔篇漢書見經部小學史部正史類

漢書敘傳曰彪有子曰固弱冠而孤作幽通之賦以致命遂志李善曰幽通謂與神遇也

後漢書班彪傳彪二子固超固九歲能屬文誦詩賦及長博貫載籍九流百家之言無不窮究所學無常師不為章句舉大義而已永平初東平王蒼以至戚為驃騎將軍輔政開東閣延英雄時固始弱冠奏記說蒼薦故司空掾桓梁京兆祭酒晉馮扶風掾李育京兆督郵郭基涼州從事王雍弘農功曹史殷肅

注云固集殷作段 六人蒼納之自為郎後遂見親近時京師脩起宮室濬繕城隍而關中耆老猶望朝廷西顧固感前世相如壽王東方

之徒造構文辭終以諷勸乃上兩都賦盛稱洛邑制度之美以折西賓淫侈之論及肅宗

雅好文章固愈得幸數入讀書禁中或連日繼夜每行巡狩輒獻上賦頌朝廷有大議使

難問公卿辯論于前賞賜恩寵甚渥固自以二世才術位不過郎感東方朔揚雄自論以

不遭蘇張范蔡之時作賓戲以自通焉後遷玄武司馬天子會諸儒講論五經作白虎通

德論令固撰集其事又作典引篇述敘漢德又曰所著典引賓戲應議詩賦銘誄頌書文

記論議六言在者凡四十一篇 又王逸離騷序曰班固賈逵各作離騷經章句

文章流別傳曰昔班固為安豐戴侯頌與魯頌體意相類案寶融封安豐侯

鍾嶸詩品曰自王揚枚馬之徒詞賦競爽而吟咏靡聞詩人之風頓已缺喪東京二百載

中惟有班固詠史質木無文又曰孟堅才流而老于掌故觀其詠史有感歎之詞



文心雕龍詮賦篇曰孟堅兩都明綸以雅贖又祝盟篇曰班固之祀濛山祈禱之誠敬也銘箴篇曰若班固燕然之勒序亦盛矣雜文篇曰班固賓戲含懿采之華

史通申左篇班固集有難左氏九條三評等科

本志總集篇梁有項氏注幽通賦一卷又曰

梁有班固典引一卷蔡邕注  
唐日本國見在書目班固集十二卷  
唐書經籍志班固集十卷又總集類幽通賦一卷班固撰曹大家注

唐書藝文志班固集十卷又總集類曹大家注班固幽通賦一卷

馮氏詩紀輯存詩歌七篇

張氏百三家集班蘭臺集輯本一卷凡賦表奏記牋書議符命設難頌銘論哀辭連珠文詩二十九篇

汪氏文選撰人篇日後漢班孟堅固有兩都賦幽通賦答賓戲典引公孫弘傳贊漢書述

高紀述成紀述韓彭等傳封燕然山銘 述高紀等三篇即漢書敘傳中篇目文選分類標目謂之史述

贊實非贊也其云贊者以范書論贊之例例之耳然班書既云傳贊不得又云述贊

嚴氏全後漢文編輯本三卷凡賦頌詩歌疏議箋奏記書論序連珠銘典引弈旨哀辭祝

文凡三十二篇附班超遺文五篇班勇遺文四篇

梁有魏郡太守黃香集二卷亡

後漢書文苑傳黃香字文彊江夏安陸人也

年九歲失母思慕憔悴殆不免喪鄉人稱其至孝年十二太守劉護召署門下孝子博學

經典究精道術能文章京師號曰天下無雙江夏黃童初除郎中肅宗詔香詣東觀讀所

未嘗見書後召詣安福殿言政事拜尚書郎數陳得失累遷左丞尚書令延光元年遷魏

郡太守後坐水潦事免數月卒于家所著賦牋奏書令凡五篇

文心雕龍書記篇曰黃香奏牋于江夏亦肅恭之遺式矣

唐書經籍藝文志黃香集二卷  
嚴氏全後漢文編黃香有集二卷今見本傳諸書者有九宮賦讓東郡太守疏留為尚書

令上疏樂成王萇罪議天子冠頌屏風銘凡六篇 案頌銘在本傳所載賦牋奏書令之外罪議或在

奏之內凡此岐異莫得而詳矣 又前漢王褒輯文內云實髻奴辭古文苑以為黃香作今案本傳亦不相屬而王

褒有儻約實相近故嚴氏不从文苑也

### 後漢長岑長崔駰集十卷

後漢書本傳駰字亭伯涿郡安平人也年十三能通詩易春秋博學有偉才盡通古今訓

詁百家之言善屬文少游太學與班固傅毅同時齊名常以典籍為業未遑仕進之事時

人或譏其太玄靜將以後名失實駰擬揚雄解嘲作達旨以答焉元和肅宗始脩古禮

巡狩方岳駰上四巡頌以稱漢德辭甚典美後侍中竇憲以為上客竇太后臨朝憲以重

戚出納詔命駰獻書誠之及憲為車騎將軍辟駰為掾憲擅權驕恣駰數諫之及出擊匈奴

道路愈多不法駰為主簿前後奏記數十指切長短憲不能容因察駰高第出為長岑

長駰自以遠去不得意遂不之官而歸永元四年卒于家所著詩賦頌書記表七依婚禮結言達旨酒誓合二十一篇

文心雕龍銘箴篇曰崔駰品物贊多戒少又雜文篇曰崔駰達旨吐典言之裁又曰崔駰

七依入博雅之巧又才略篇曰傅毅崔駰光采比肩

唐書經籍藝文志崔駰集十卷  
馮氏詩紀輯存安豐侯詩

張氏百三家集崔亭伯集輯本一卷凡賦著述書箴箴銘頌議論七雜文詩三十五篇

惠氏後漢書補注曰鄭仲師有婚禮調文駰因之作婚禮結言蓋納徵問名之辭也

嚴氏全後漢文編輯本一卷凡賦論議奏記箋書達旨博徒論明帝頌四巡頌七依箴銘

婚禮結言綜四十篇  
常熟曾樸補後漢書藝文志曰北堂書鈔一百二十三引刀劍銘嚴氏失采又書鈔九

十七有三言詩  
後漢侍中賈逵集一卷梁二卷

賈逵有毛詩議難見經部詩家  
後漢書本傳顯宗時有神雀集宮殿官府冠

羽有五采色帝異之以問臨邑侯劉復復不能對薦逵博物多識帝乃召見逵問之對曰

昔武王終父之業鸞驚在岐宣帝威懷戎狄神雀仍集此胡降之徵也帝勅蘭臺給筆札使作神雀頌拜為郎與班固並校秘書應對左右肅宗立降意儒術詔達入講北宮白虎觀南宮雲臺又曰達所著經傳義詁及論難百餘萬言又作詩頌誄書連珠酒令凡九篇學者宗之後世稱為通儒又東平王蒼傳著上光武受命與頌帝甚善之以其文典雅特令校書郎賈逵為之訓詁

又傳論曰鄭賈之學行乎數百年中遂為諸儒宗

王充論衡佚文篇永平中神爵羣集孝明詔上神爵頌百官上頌文比瓦石惟班固賈逵傳毅楊終侯諷五頌金玉孝明覽焉

王逸離騷經敘曰孝章即位深弘道藝而班固賈逵復以所見改易前疑各作離騷經章句

北堂書鈔九十六賈逵集序曰弱冠誦春秋能為古今學

唐書經籍藝文志賈逵集二卷

嚴氏全後漢文編曰賈逵有集二卷今見本傳者有條奏左氏長義案當為大義詳見春秋家左氏長經條 劉愷傳有賈逵上書北堂書鈔有永平頌文選注有連珠凡四篇

案續漢書曆志首一篇曰賈逵論曆所載凡四篇皆章帝和帝時論列奏上者嚴氏從曆志已輯邊韶蔡邕等文獨于賈氏此四篇棄而不取則失之眉睫也

後漢校書郎劉駒駘集一卷梁二卷錄一卷

後漢書宗室北海靖王與傳建武三十年封與子復為臨邑侯又曰初臨邑侯復好學能文章永平中每有講學事輒令復典掌焉與班固賈逵共述漢史傳毅等皆宗事之復子駒駘及從兄平望侯毅並有才學永寧中鄧太后召毅及駒駘入東觀與謁者僕射劉珍著中興以下名臣列士傳駒駘又自造賦頌書論凡四篇

唐書經籍藝文志劉駒駘集二卷

嚴氏全後漢文編劉駒駘有集二卷今見文選注北堂書鈔類聚御覽後漢書注有玄根賦上書諫鑄錢事與竇季瑋書與李子堅書郡太守箴凡五篇又曾氏補志六帖十引劉駒駘詩梁又有樂安相李尤集五卷亡

後漢書文苑傳李尤字伯仁廣漢雒人也少以文章顯和帝時侍中賈逵薦尤有相如揚雄之風召詣東觀受詔作賦拜蘭臺令史稍遷安帝時為諫議大夫受詔與謁者僕射劉珍等俱撰漢記後帝廢太子為濟陰王尤上書諫爭順帝立遷樂安相年八十三卒所著詩賦銘誄頌七款哀典凡二十八篇

華陽國志廣漢人士贊明帝召作東觀辟雍德陽諸館賦銘范書云和帝時懷戎頌百二十銘著政事論七篇帝善之

文章流別傳曰李尤為銘自山河郡邑至于刀筆竿契無不有銘而文多穢病討論潤色言可采錄

文心雕龍銘箴篇曰李尤積篇義儉辭碎著龜神物而居博奕之中衡斛斗量而在杼曰之未曾名品之未暇何事理之能閑哉又才略篇曰李尤賦銘志慕鴻裁而才力沈隄垂翼不飛

文選竟陵文宣王行狀注李尤集序曰尤好為銘贊門階戶席莫不有述

宋史藝文志李尤集二卷案此大抵亦是輯本馮氏詩紀輯存九曲歌曾氏補後漢藝文志云書鈔百二十一有武功歌

張氏百三家蘭臺令李伯仁集輯本一卷凡賦七銘序詩九十三篇

嚴氏全後漢文編曰李尤有集五卷今搜輯羣書有函谷關賦辟雍賦德陽殿賦平樂館賦東觀賦七款凡六篇又華陽國志云尤作百二十銘今得八十四銘其餘三十七銘亡曾氏補後漢志曰書鈔百十二引御覽七百五十四引博銘初學記人事部引九賢管徵君頌嚴失采案初學記但有人部無人部人部賢人篇有李尤九賢郭有道頌管徵君頌陳太師頌華太尉頌稽中散頌凡五條蓋頌郭泰管寧陳寔華歆嵇康也並在李尤之後尤安得為之作頌此李尤蓋李充之誤充東晉時人即為晉元帝撰四部書目者嚴氏以九賢頌五條輯入全晉文編李充佚文之內此非嚴失采實曾失考矣

嚴氏考訂精密非前後檢照未可輕議其失也又御覽所引博銘亦見李充文內

梁又有大鴻臚賈章集二卷亡

後漢書寶融傳融扶風平陵人也玄孫章字伯向少好學有文章與馬融崔瑗更相推薦時學者稱東觀爲老氏藏室道家蓬萊山太僕鄧康薦章入東觀爲校書郎順帝初章女年十二能屬文以才貌選入掖庭有寵與梁皇后並爲貴人擢章爲羽林郎將遷屯騎都尉章謙虛下士收進時輩甚得名譽貴人早卒帝追思之無已詔史官樹碑頌德章自爲之辭貴人歿後帝禮待之無衰遷少府轉大鴻臚建康元年梁后稱制章自免卒于家唐書經籍藝文志寶章集二卷

後漢濟北相崔瑗集六卷梁五卷

崔瑗有飛龍篇見經部小學家後漢書崔駰傳駰中子瑗早孤銳志好學盡能傳其父業年十八至京師從侍中賈逵賈正大義達善待之瑗因留游學遂明天官曆數京房易傳六日七分諸儒宗之與馬融張衡特相友好漢安初大司農胡廣少府寶章共薦瑗宿德大儒從政有迹不宜久在下位由此遷濟北相時李固爲太山太守美瑗文雅奉書禮致殷勤歲餘光祿大夫杜喬爲八使徇行郡國以減罪奏瑗徵詣廷尉瑗上書自訟得理出會病卒瑗高于文辭尤善爲書記箴銘所著賦碑銘箴頌七蘇南陽文學官志歎辭移社文悔祈草書勢七言凡五十七

篇其南陽文學官志稱于後世諸能爲文者皆自以弗及

又傳論曰崔氏世有美才兼以沈淪典籍遂爲儒家文林駰瑗雖先盡心于貴戚而能終之以居正則其歸旨異夫進趣者乎李固高潔之士也與瑗鄰郡奉贄以結好由此知杜喬之効殆其過矣

文章流別傳曰揚雄依虞箴作十二州二十五官箴而傳于世不具九官崔氏累世彌縫其闕又曰後世以來之器銘之嘉者有王莽鼎銘崔瑗机銘

文心雕龍頌贊篇曰崔瑗文學蔡邕樊榘並致美乎序而簡約乎篇又書記篇曰後漢書記則崔瑗尤善雜文篇曰崔瑗七蘇植義純正又哀弔篇曰漢武封禪而霍子侯暴亡帝傷而作詩亦哀辭之類也及後漢汝陽王亡崔瑗哀辭始變前式卒章五言頗似歌謠亦彷彿乎漢武也

唐張懷瓘書斷曰子玉文章蓋世善草草師于杜度點畫之間莫不調暢又曰子玉書遺跡絕少又妙小篆今有張平子碑又曰子玉章草入神小篆入妙

唐書經籍藝文志崔瑗集五卷汪氏文選撰人篇曰後漢崔子玉瑗有座右銘

嚴氏全後漢文編崔瑗有集六卷今存上言察舉孝廉與葛元甫書雜帖七蘇南陽文學頌敘箴尚書箴博士箴東觀箴關都尉箴河

後漢劉珍集二卷錄一卷

劉珍有東觀漢記見史部正史類

後漢書文苑傳著誄頌連珠凡七篇又撰釋名三十篇以辯萬物之稱號云今傳劉熙釋名詳見經部論語家

文心雕龍雜文篇曰自揚雄連珠以下擬者間出杜篤賈逵之曹劉珍潘勗之輩欲穿明珠多貫魚目

唐書經籍藝文志劉珍集二卷

嚴氏全後漢文編曰劉珍有集二卷今見袁宏紀者有上言鄧太后宜獻廟一篇見太平御覽者有東觀漢記光武敍章帝敍和帝敍殤帝敍四篇又曾氏補志云書鈔一百引劉珍賈逵碑又十六引劉珍曰二句

後漢河間張衡集十一卷梁十二卷又一本十四卷間下敍相字

張衡有靈憲見子部天文家

後漢書本傳衡少善屬文游于三輔因入京師觀太學遂通五經貫六藝雖才高于世而無驕尚之情常從容淡靜不好交接俗人永元中舉孝廉不行連辟公府不就時天下承

平日久自王侯以下莫不踰侈衡乃擬班固兩都作二京賦因以諷諫精思傳會十年乃成順帝初再轉復為太史令衡不慕當世所居之官輒積年不徙自去史職五載復還乃設客問作應問以見其志陽嘉元年復造候風地動儀驗之以事合契若神自書典所記未之有也初光武善識顯宗肅宗因祖述焉自中興之後儒者爭學圖緯兼復附以妖言衡以圖緯虛妄非聖人之法乃上疏請禁絕之及遷侍中帝引在左右嘗問衡天下所疾惡者宦官懼其毀已皆共目之衡乃詭對而出闕豎恐終為其患遂共讒之衡常思圖身之事以為吉凶倚伏幽微難明乃作思玄賦以宣寄情志著周官訓詁崔瑗以為不能有異于諸儒也所著詩賦銘七言靈憲應問七辯巡語懸圖凡三十二篇永初中劉珍劉駒駢等著作東觀撰集漢記因定漢家禮儀上言請衡參論其事會並卒而衡常歎息欲終成之及為侍中上疏請得專事東觀收檢遺文畢力補綴又條上司馬遷班固所敘與典籍不合者十餘事又以為王莽本傳但應載篡事而已至于編年月紀災祥宜為元后本紀又更始居位人無異望光武初為其將然後即真宜以更始之號建于光武之初書數上竟不聽及後之著述多不詳典時人追恨之案靈憲懸圖並見子部天文学家

雅詮賦篇曰張衡二京迅發以宏富雜文篇曰張衡應問密而兼雅又云張衡七辯結采綿靡論說篇曰張衡譏世韻似俳說唐書經籍藝文志張衡集十卷宋史藝文志張衡集六卷馮氏詩紀輯存怨篇同聲歌定情歌四愁詩思玄詩五篇張氏百三家張河間集二卷凡賦詁疏策表書七設難議說銘贊誄樂府詩綜三十八篇汪氏文選撰人篇目後漢張平子衡有二京賦南都賦思玄賦歸田賦四愁詩嚴氏文編輯本四卷凡賦東巡詔對策表奏封事疏議書應問七辯序贊銘誄及靈憲渾天儀玄圖凡三十八篇曾氏補後漢志曰案玉燭寶典五引逍遙賦嚴未采又御覽二十浩浩陽春發揚柳何依依百鳥自南歸翔翔萃我枝稱張衡歌案玉燭寶典近始從日本傳出漢歸中夏嚴氏未及見也梁又有郎中籍順集二卷錄二卷籍當為蘇後漢書文苑傳蘇順字孝山京兆霸陵人也和安間以才學見稱好養生術隱處求道晚乃仕拜郎中卒于官所著賦論誄哀辭雜文凡十六篇文章流別傳曰哀辭者誄之流也崔瑗馬融蘇順等為之率以施于童殤夭折不以壽終者文心雕龍誄碑篇曰孝山崔瑗辨絮相參觀其序事如傳辭靡律調固諷之才也

唐書經籍藝文志蘇順集二卷嚴氏全後漢文編藝文類聚有蘇順歎懷賦和帝誄文選注有陳公誄初學記有賈逵誄凡四篇梁又有後漢太傅胡廣集二卷錄一卷亡胡廣有漢官解詁見史部職官篇後漢書本傳廣舉孝廉既到京師試以章奏安帝以廣為天下第一性溫柔謹素常遜言恭色達練事體明解朝章雖無審直之風屢有補闕之益故京師諺曰萬事不理問伯始天下中庸有胡公及共李固定策大議不全又與中常侍丁肅婚姻以此譏毀于時初揚雄依虞箴作十二州二十五官箴其九箴亡闕後涿郡崔駰及子瑗又臨邑侯劉駒駢增補十六篇廣復繼作四篇文甚典美乃悉撰次首目為之解釋名曰百官箴凡四十八篇其餘所著詩賦銘頌箴弔及諸解詁凡二十二篇熹平六年靈帝思感舊德乃圖畫廣及太尉黃瓊于省內詔議郎蔡邕為其頌云案此則漢官解詁亦在二十二篇中謝承書曰廣有雅才學究五經古今術藝皆畢覽之又曰太傅胡廣博綜舊儀立漢制度蔡邕因以為志譙周後改定以為禮儀志續漢書曆志注蔡邕戍邊上章曰自臣在布衣常以為漢書十志下盡王莽而止世祖以來唯有紀傳無續志者臣所師事故太傅胡廣知臣頗識其門戶略以所有舊事與臣雖未備悉粗見首尾

文心雕龍銘箴篇曰揚雄稽古始範虞箴及崔胡補綴總稱百官指事配位鑿鑿可徵信所謂追清風于前古攀辛甲于後代者也又章表篇曰胡廣章奏天下第一當時之傑筆也觀伯始謁陵之章足見其典文之美也

後漢司空李固集十二卷梁十卷  
後漢書本傳固字子堅漢中南鄭人司徒郤之子也少好學究覽墳籍結交英賢四方有志之士多慕其風而來學京師咸歎曰是復為李公矣陽嘉二年有地動山崩火災之異公卿舉固對策詔又特問當世之敵為政所宜順帝覽其對多所納用以固為議郎大將軍梁商請固為從事中郎歷荊州刺史太山太守將作大匠大司農沖帝即位以固為太尉與梁冀參錄尚書事及質帝遇鳩固引司徒胡廣司空趙戒大鴻臚杜喬皆以為宜立清河王蒜冀不從乃說太后先策免固竟立桓帝後歲餘甘陵劉文魏郡劉鮪各謀立蒜為天子梁冀因此誣固下獄誅時年五十四固所著章表奏議教令對策記銘凡十一篇弟子趙承等悲歎不已乃共論固言迹以為德行一篇 桓帝本紀建和元年十一月清河劉文反殺國相謝嵩欲立清河王蒜為天子事覺伏誅蒜坐貶為尉氏侯徙桂陽自殺前太尉李固杜喬皆下獄死

唐書經籍藝文志胡廣集二卷  
嚴氏全後漢文編曰胡廣有漢官解詁三卷集二卷今存上書駁左雄察舉議諫探策立后疏書漢官解詁敍百官箴敍侍中箴邊都尉箴陵令箴印衣銘綬箭銘徵士法高卿碑弔夷齊文凡十二篇

又傳注曰龔善為文奏或有請龔奏以千人者龔為作之其人寫之忘自載其名因并寫龔名以進之故時人為之語曰作奏雖工宜去龔龔事見笑林

後漢黃門郎葛龔集六卷梁五卷一本七卷  
後漢書文苑傳葛龔字元甫梁國寧陵人也和帝時以善文記知名性慷慨壯烈勇力過人安帝永初中舉孝廉為太官丞上便宜四事拜蕩陰令辟太尉府病不就州舉茂才為臨汾令居二縣皆有稱績著文賦碑誄書記十二篇

唐書經籍藝文志葛龔集五卷  
嚴氏全後漢文編曰葛龔字元甫州舉茂才為臨汾令入拜黃門郎有集七卷今存遂初賦與梁相張府君箋薦黃鳳文薦郝彥文薦戴昱文讓州辟文與張略書答寶章書喪伯父還傳記凡九篇

唐書經籍藝文志李固集二卷  
嚴氏全後漢文編輯存對策上疏上書議教奉記書勅凡十九篇

會氏補後漢志曰水經江水一注引固與弟

案文館詞林兩篇近始傳于日本則嚴氏所未見其文亦首尾完具足以補所未備焉

案文館詞林載其祀胡母先生教有曰自宣尼沒七十子亡經義乖散秦復火之然胡母子都稟天淳和沈淪大道深演聖人之旨始為春秋制造章句是故嚴顏有所祖述徵微後生得以光啓斯所謂法施于人者也故宣尼豫表之日胡母生知事情匿書自藏不敢有聲 案儒林傳云孝文本好刑名之學及至孝景不任儒費太后又好黃老術諸博士具官待問未有進者蓋其時經學不誠故胡母生匿書自藏豫表二字未詳其義又曰太守以不材嘗學春秋胡母章句每讀其書思視其人

不意千載來臨此邦是乃太守之先師又法施于人禮宜有祀蓋永和中由荊州刺史徙為泰山太守所下教令也李子堅學公羊春秋固為本傳所未言而胡母生齊之泰山郡人泰山郡兩漢皆治萊蕪則又似泰山之奉高人有春秋公羊章句亦史漢儒林傳七略藝文志所未見其云當時匿書自藏不敢有聲則未為博士官所習可知其後歸教于齊傳之民間至後漢猶存何休解詁序曰往者略依胡母生條例多得其

第六五三頁 開明書店製版

正徐彥曰胡母生雖以公羊經傳授董氏  
猶自別作條例故何氏取之則其書亦為  
何邵公所祖述也此文于春秋公羊家頗  
有本末可尋又亡佚已久為諸家所未見  
故附識于此

後漢南郡太守馬融集九卷

馬融有周易註見經部易家

後漢書本傳永初時鄧太后臨朝駕兄弟輔  
政而俗儒世士以為文德可興武功宜廢遂  
寢蒐狩之禮息戰陳之法故滑賊從橫乘此  
無備融乃感激以為文武之道聖賢不墜五  
才之用無或可廢元初二年前上廣成頌以諷  
諫重述蒐狩之義安帝東巡岱宗上東巡頌  
帝奇其文陽嘉二年詔舉敦樸徵詣公車對  
策善鼓琴好吹笛所著賦頌碑誄書記表奏  
七言琴歌對策遺令凡二十一篇初融懲于  
鄧氏不敢復違忤勢家遂為梁冀草奏李固  
又作大將軍西第頌以此頗為正直所羞  
文章流別傳曰頌詩之美者也若馬融廣成  
上林之屬純為今賦之體而謂之頌失之遠  
矣

文心雕龍頌贊篇曰馬融之廣成上林雅而  
似賦何弄文而失質乎雜文篇曰馬融七厲  
植義純正又云唯七厲敍賢歸于儒道雖文  
非拔萃而意實卓爾矣又才略篇曰馬融鴻  
儒思洽識高吐納經範華實相符  
唐書經籍藝文志馬融集五卷  
張氏百三家馬季長集輯本一卷凡賦疏頌

書十二篇而繫以忠經序及文  
汪氏文選撰人篇目曰後漢馬季長融有長  
笛賦

嚴氏全後漢文編曰馬融有集九卷今存琴  
賦長笛賦圍棋賦樽蒲賦龍虎賦舉敦樸對  
策飛章誣李固上疏乞自劾上書請赦龐參  
梁懂延光四年日蝕上書又上書陳星李奏  
馬賢事與竇伯向書與謝伯世書書序似奏  
誓篇序非總序廣成頌寶大將軍西第頌遺令  
自敘凡二十篇又曰張溥本有忠經序案忠  
經及序皆宋人依託不錄  
曾氏補後漢志曰玉燭寶典三引上林頌嚴  
未采案此亦嚴所未見也

案賈公彥序周禮廢與有云周禮後出者  
以始皇特惡之故也是以馬融傳云秦自  
孝公已下用商君之法云云至年六十有  
六目瞑意倦自力補之謂之周官傳也此  
一段凡四百餘言皆賈所引馬氏周官傳  
序篇中亦雜有賈氏之說或以賈疏稱馬融傳  
謂為史傳見范書本傳無此文則又以為  
別家後漢書所載謬之甚矣馬序所云知  
所作諸經疏皆在六十歲守武都七年中  
而周禮注成書最後此其佚事之僅見者  
嚴氏失采此文則甚為可惜也又案范書鄭  
玄傳云范升陳元李育賈逵之徒爭論古今學後馬  
融答北地太守劉瓌及玄答何休義據通深由是古  
學遂明則馬氏有答劉瓌論古學書當在是集而惜  
乎亡散無徵也

梁有外黃令高彪集二卷錄一卷亡

後漢書文苑傳高彪字義方吳郡無錫人也  
家本單寒至彪為諸生游太學有雅才常欲  
從馬融訪大義融疾不獲見乃覆刺遺融書  
而去後郡舉孝廉試經第一除郎中校書東  
觀數奏賦頌奇文因事諷諫靈帝異之時京  
兆第五永為督軍御史使督幽州百官大會  
祖餞于長樂觀議郎蔡邕等皆賦詩彪乃獨  
作箴邕等甚美其文以為莫尚也後遷內黃  
令帝勅同僚臨送祖于上東門詔東觀畫彪  
像以勸學者彪到官有德政上書薦縣人中  
屠蟠等病卒于官文章多亡子岱亦知名  
唐書經籍藝文志高彪集二卷

惠氏後漢書補注外黃令高君碑曰光和七  
年六月丙申卒碑作外黃傳云內黃令蓋傳  
之誤案本志亦作外黃與碑合又申屠蟠留外黃人  
范書有傳是亦足以證非內黃也  
嚴氏全後漢文編曰高彪有集二卷今存覆  
刺遺馬融書督軍御史箴清誠凡三篇  
曾氏補後漢志曰書鈔一百引五經為府藏  
雜藝為庖廚高彪集案此文體似清誠或其佚  
句

梁有王逸集二卷錄一卷亡

王逸有正部論見子部儒家  
後漢書文苑傳逸著楚辭章句行于世其賦  
誄書論及雜文凡二十一篇又作漢詩百二  
十三篇  
文心雕龍才略篇曰王逸博識有功而絢采

無力

唐書經籍藝文志王逸集二卷

馮氏詩紀輯存琴瑟楚歌一篇

張氏百三家王叔師集輯本一卷凡賦序論

騷詩廿二篇

嚴氏全後漢文編輯本一卷凡機婦賦荔支

賦九思折武論并楚辭章句篇敘合二十一

篇

梁有司徒掾桓麟集二卷錄一卷亡

後漢書桓榮傳榮沛國龍亢人也玄孫柳柳

父麟字元鳳早有才惠桓帝初為議郎入侍

講禁中以直道悟左右出為許令病免會母

終麟不勝喪未祥而卒年四十一所著碑誄

讚說書凡二十一篇

又傳注曰案摯虞文章志麟文見在者十八

篇有碑九首誄七首七說一首沛相郭府君

書一首

皇甫謐高士傳京兆摯伯陵十二世孫也

擊陵字伯陵見前漢司馬遷集 治五經通百家之

言善屬文涓濱弟子扶風馬融沛國桓麟自

遠方至者十餘人恂以女妻融後果為大儒

文冠當世三輔稱焉 案此則麟與馬季長同師摯

恂

文心雕龍雜文篇曰自桓麟七說以下左思

七賦以上枝附景從十有餘家或文麗而義

賾或理粹而辭駁

唐書經籍藝文志桓麟集二卷

馮氏詩紀輯存答客四言詩一首

嚴氏全後漢文編輯桓榮少子郁郁孫麟辟司

徒掾為議郎許令以母喪哀毀卒有集二卷

今存七說八條太尉劉寬碑一篇附桓彬七

說桓儼遺書

後漢徵士崔琦集一卷梁二卷

後漢書文苑傳崔琦字子璋涿郡安平人濟

北相瑗之宗也少游學京師以文章博通稱

初舉孝廉為郎河南尹梁冀聞其才請與交

冀行多不軌琦數引古今成敗以戒之冀不

能受乃作外戚箴琦以言不從失意復作白

鵠賦以為風翼因遣琦歸後除為臨濟長不

敢之職解印綬去冀遂令刺客陰求殺之客

見琦耕于陌上懷書一卷息輒偃而詠之客

哀其志以實告琦得脫走冀後竟捕殺之所

著賦頌銘誄箴弔論九咨七言凡十五篇 惠

氏補注華幡書冀知琦刺己大怒幽之室谷數月得出傳

不載也

唐書經籍藝文志崔琦集二卷

嚴氏全後漢文編輯崔琦有集一卷今存七獨

四皓頌序外戚箴三篇琦傳有白鵠賦亡

案崔琦舉孝廉為郎除臨濟長不知本志

何以題為徵士疑此徵士別有其人轉寫

致誤以兩條為一條歟范書文苑蘇順附

傳有扶風曹衆伯師著誄書論四篇又有

曹朔不知何許人作漢頌四篇本志皆不

見或徵士曹衆集附曹朔頌為一編未可

知也

梁又有酈炎集二卷錄二卷

後漢書文苑傳酈炎字文勝范陽酈食其之

後也炎有文才解音律言論給捷多服其能

理靈帝時州郡辟命皆不就有志氣作詩二

篇後風病慌忽性至孝遭母憂病甚發動妻

始產而驚死妻家訟之收繫獄炎病不能理

對熹平六年遂死獄中時年二十八尚書盧

植為之誄讚以昭其懿德

古文苑酈炎遺令有曰嗟哉逸之遺孤其名

曰止孤人之孤也齟齬其少矣汝之孤也會

未滿兩旬汝無自以為微弱物有微弱于汝

者及其長而繁焉消息汝躬調和汝體思乃

考言念乃考訓必博學以著書以續受父業

我十七而作酈篇矣二十四而州書矣二十

七而作七平矣其賦頌誄自少為之注云酈

州書皆字學之書七平蓋七發之類 又曰下邳衛府

君我之諸曹掾督郵濟北寧府君我繇之成

就陳留韓府君察我孝廉陳留楊使君辟我

右北平從事祭酒注云四人皆舉辟炎者又云熹

平六年冬十二月乃裂裳書 惠氏後漢書補注

當于是月死獄中也

北堂書鈔盧植酈文勝誄曰自齟未成重著

書十餘箱文體思奧爛有文章箴縷百家

鍾嶸詩品曰文勝託詠靈芝懷寄不淺

唐書經籍藝文志酈炎集二卷

馮氏詩紀輯存見志詩二首見本傳

嚴氏全後漢文編輯曰酈炎有集二卷今存對

事一篇遺令書四首並見古文苑

曾氏補後漢志曰書鈔一百二十一引角賦

嚴失采

梁又有陳相邊韶集一卷錄一卷亡

後漢書文苑傳邊韶字孝先陳留浚儀人也以文學知名教授數百人桓帝時為臨穎侯相徵拜太中大夫著作東觀再遷北地太守入拜尚書令後為陳相卒官著詩頌碑銘書策凡十五篇

史通正史篇至元嘉元年復令太中大夫邊韶大軍營司馬崔寔議郎朱穆曹壽雜作孝穆崇二皇及順烈皇后傳又增外戚傳入安思等后儒林傳入崔篆諸人

唐書經籍藝文志邊韶集二卷

嚴氏全後漢文編曰邊韶有集一卷今存塞賦上言四分曆之失對嘲河激頌老子銘并序凡五篇

梁又有益州刺史朱穆集二卷錄一卷亡

後漢書朱暉傳暉南陽宛人也章和時尚書令子頡脩儒術安帝時至陳相頡子穆字公叔初舉孝廉順帝末梁冀辟之使典兵事甚見親任及桓帝即位順烈太后臨朝穆以冀勢地親重望有以扶持王室因推災異奏記以勸戒冀冀舉穆高第為侍御史穆常感時澆薄慕尚敦篤乃作崇厚論又著絕交論亦矯時之作梁冀驕暴不悛朝野嗟毒穆以故吏懼其釁積招禍復奏記諫冀不納而縱放日滋穆又奏記極諫冀終不悟然亦不甚罪也擢穆為冀州刺史徵詣廷尉輸作左校太學書生劉陶等數千人詣闕上書訟穆乃赦

之徵拜尚書穆既深疾宦官及在臺閣旦夕

共事志欲除之乃上疏言漢故事中常侍參選士人建武以後乃悉用宦者請悉罷更選海內清淳之士明達國體者以補其處帝不納憤懣發疽延熹六年卒時年六十四策詔喪贈益州太守案朱公叔鼎銘載詔曰今使灌諤者中郎楊實贈益州刺史印綬此云太守非也 所著論

策奏教書詩記嘲凡二十篇初穆父卒穆與諸儒考依古義諡曰貞宜先生及穆卒蔡邕復與門人共述其體行諡為文忠先生

又傳論曰朱穆見比周傷義偏黨毀俗志抑朋游之私遂著絕交之論蔡邕以為穆貞而孤又作正交而廣其志焉

又傳注曰穆集載絕交論又與劉伯宗絕交書及詩蓋因此而著論也袁山松書曰穆著論甚美蔡邕嘗至其家自寫之

唐書經籍藝文志朱穆集二卷

惠氏後漢書補注朱公叔鼎銘曰再拜博士高第作侍御史矯枉董直罔肯阿順以黜其位潛于郎中羣公並表乃遷議郎登于東觀纂業前史案穆為侍御史以不肯阿順免官復為郎中及遷議郎與邊韶崔寔曹壽增脩漢記范史皆不載也 案朱公叔鼎銘蔡邕撰見後

蔡中郎集

嚴氏全後漢文編朱穆有集二卷今存鬱金賦上疏請罷省宦官奏劾馮緄奏記大將軍梁冀復奏記又奏記與劉伯宗絕交書留板示冀州從事書崇厚論絕交論凡十一篇

後漢京兆尹延篤集一卷梁二卷錄一卷

延篤有戰國策論見史部雜史類

後漢書本傳篤少從唐溪典受左氏傳又從馬融受業博通經傳及百家之言能文章有名京師桓帝以博士徵拜議郎與朱穆邊韶共著作東觀論解經傳多所駁正後儒服虔等以為折中所著詩論銘書應訊表教令凡二十篇傳注曰訊問也蓋答客難之類釋文敍錄京兆尹延篤受左氏于賈逵之孫伯升因而注之

史記索隱序曰太史公之書古今為注解者絕省音義亦稀始後漢延篤乃有音義一卷延叔堅左氏注史記音本志皆不著錄

史通正史篇崔寔曹壽又與議郎延篤雜作百官表順帝功臣孫程郭願及鄭衆蔡倫等傳凡百十有四篇號曰漢記

唐書經籍藝文志延篤集二卷

嚴氏全後漢文編延篤有集二卷今存岑張免書與張免書與高彪書與段紀明書貽劉祐書與李文德書仁孝論七篇

梁又有司農卿皇甫規集五卷亡

後漢書本傳規字威明安定朝那人郡將知規有兵略命為功曹舉上計掾沖質之間舉賢良對策梁冀忿其刺己以為下第拜郎中託疾免歸以詩易教授門徒三百餘人積十四年後梁冀誅拜泰山太守為中郎將持節監關西兵徵還拜議郎坐繫廷尉赦歸家徵拜度遼將軍永康元年徵為尚書遷弘農太



守封壽成亭侯讓封不受再轉爲護羌校尉  
熹平三年以疾召還未至卒于穀城年七十  
一所著賦銘碑贊禱文弔章表教令書檄牋  
記凡二十七篇

唐書經籍藝文志皇甫規集五卷

武威張澍二酉堂輯本序曰司農卿皇甫規  
集五卷七錄隋唐志卷數同本傳言所著凡  
二十七篇今輯得十一篇而趙壹報書蔡邕  
薦章並綴諸末

嚴氏全後漢文編曰皇甫規爲護羌校尉卒  
贈司農卿有集五卷本傳有建康元年舉賢  
良方正對策永康元年舉賢良方正對詔問  
日食又有求自效疏上疏言西羌事上疏自  
訟上疏薦張奐自代上言宜豫黨錮凡七篇  
又御覽諸書有與劉司空箋與馬融書追謝  
壹趙書女師箴凡四篇

梁又有太常卿張奐集二卷錄一卷亡

後漢書本傳奐字然明敦煌酒泉人也少游  
三輔師事太尉朱寵學歐陽尙書初牟氏章  
句浮辭繁多有四十五萬餘言奐減爲九萬  
言注云時牟卿受書于張堪爲博士故有牟氏章句以爲前漢之牟卿案牟卿見漢書儒林傳習大夏侯尙書亦不言其有章句且牟卿所從受者乃周堪亦非張堪而張奐所減定牟氏章句爲東漢初博士牟長之書范書儒林傳有明文章懷此注非是經義考據以著錄牟卿章句一家亦失之不考後辟大將軍梁冀府乃上書桓  
帝奏其章句詔下東觀以疾去官復舉賢良  
對策第一擢拜議郎永壽元年遷安定屬國

都尉延熹二年梁冀誅奐以故吏免官禁錮  
奐與皇甫規友善奐既被錮凡諸交舊莫敢  
爲言唯規薦舉前後七上在家四歲復拜武  
威太守遷度遼將軍九年徵拜大司農復拜  
爲護匈奴中郎將舊制邊人不得內移唯奐  
因功特聽徙屬弘農華陰故始爲弘農人焉  
後遷少府轉太常以黨罪禁錮歸田里時禁  
錮者多不能守靜或死或徙奐閉門不出養  
徒千人著尙書記難三十餘萬言光和四年  
卒年七十八所著銘頌書教誡述志對策章  
表二十四篇長子芝字伯英最知名芝及弟  
昶字文舒並善草書至今稱之

唐書經籍藝文志張奐集二卷

武威張澍二酉堂輯本序曰然明以賢良爲  
將率卒使冀韃伯德服乃威化屠各鮮卑失  
其酋豪非由學該羣籍兼立志節用能遠錄  
立功閉門守靜乎獨其記難章句不傳于後  
弗知仲威之源淵太尉朱寵字仲威見魏書傳以  
爲歎息隋唐志載太常卿集二卷本傳言所  
著二十四篇今采輯羣書都爲一卷其子伯  
英文舒書銘亦附于末

嚴氏全後漢文編張奐有集二卷今存扶藁  
賦及上書上言奏記書遺令凡十五篇附芝  
書四篇昶碑銘一篇

梁又有王延壽集三卷亡

後漢書文苑王逸傳逸子延壽字文考有儻  
才少游魯國作靈光殿賦後蔡邕亦造此賦  
未成及見延壽所爲甚奇之遂輟翰而已曾

有異夢意惡之乃作夢賦以自厲後溺水死  
時年二十餘

又傳注張華博物志曰王子山與父叔師到  
泰山從鮑子真學算到魯賦靈光殿歸渡湘  
水溺死文考一字子山也

文心雕龍詮賦篇曰延壽靈光合飛動之勢  
又才略篇曰延壽繼志壤穎獨標其善圖物  
寫貌豈枚乘之遺術歟

惠氏後漢書補注博物志曰魯靈光殿初成  
案此下似有跋文 逸語其子汝寫狀歸吾欲爲  
賦文考遂以韻寫簡其父曰此卽爲賦吾固  
不及矣又水經注曰子山年二十而得惡夢  
二十一溺死于湘浦一作二十四

汪氏文選撰人篇目後漢王文考延壽有魯  
靈光殿賦

嚴氏全後漢文編曰王延壽魯靈光殿賦并  
序見文選又藝文類聚有夢賦王孫賦 亦見  
初學記御覽案其文賦獨猴也 古文苑釋有桐  
柏淮源廟碑延熹六年正月 凡四篇並全文無  
所缺佚

梁又有五原太守崔寔集二卷錄一卷亡

崔寔有政論見子部法家又有四民月令見  
農家

後漢書崔駰傳寔與邊韶延篤等著作東  
觀及卒大鴻臚袁隗樹碑頌德所著碑論箴  
銘答七言祠文表記書凡十五篇答下似假譌  
字

文心雕龍書記篇曰崔寔奏記于公府則崇

讓之德音矣又雜文篇曰崔寔客讓整而微質又才略篇曰傅毅崔駰光采比肩瑗寔踵武能世厥風者矣

唐日本國見在書目崔寔集二卷

嚴氏全後漢文編曰寔有政論五卷四民月令一卷集二卷今輯大赦賦答譏諫議大夫箴太醫令箴凡四篇政論佚文四民月令佚文各一卷

梁又有上計趙壹集二卷錄一卷亡

後漢書文苑傳趙壹字元叔漢陽西縣人也特才倨傲為鄉黨所擯後屢抵罪幾至死友人救得免壹貽書謝恩為窮鳥賦一篇又作刺世疾邪賦以舒其怨憤光和元年舉郡上計河南尹羊陟司徒袁逢共稱薦之名勳京師士大夫想望其風采及西還州郡爭致禮命十辟公府並不就終于家著賦頌箴誄書論及雜文十六篇

鍾嶸詩品曰元叔散憤蘭蕙指斥囊錢苦言切句良亦勤矣斯人也而有斯困悲夫  
文心雕龍才略篇曰趙壹之辭賦意繁而體疏

唐書經籍藝文志趙壹集二卷

惠氏後漢書補注文士傳曰壹肩高二尺高自抗疎為鄉黨所擯今集中有解擯賦  
嚴氏全後漢文編趙壹有集二卷今輯存迅風賦解擯賦刺世疾邪賦窮鳥賦報羊陟書報皇甫規書非草書凡七篇

後漢諫議大夫劉陶集三卷梁二卷錄一卷

後漢書本傳陶字子奇一名偉潁川潁陰人濟北貞王勃之後游太學舉孝廉除順陽長以病免陶明尚書春秋為之訓詁推三家尚書及古文是正文字三百餘事名曰中文尚書 惠氏補注北宋本作七百餘事藝文志曰劉向以中

古文校三家經文字異者七百有餘蓋古文與今文異者本有此數故陶從而正是也 頌之拜侍御史靈帝宿聞其名數引納之時張角謀反陶上疏言之帝殊不悟方詔陶次第春秋條例明年張角反亂海內鼎沸帝思陶言封中陵鄉侯

三遷侍中徙京兆尹拜諫議大夫時天下日危陶憂致崩亂復上疏陳當今要急八事大較言天下大亂皆由宦官官事急共讒陶與賊通情收陶下黃門北寺獄按日急遂閉氣而死陶著書數十萬言又作七曜論匡老子反韓非復孟軻及上書言當世便事條教賦奏書記辯疑凡百餘篇

文心雕龍碑篇曰至如崔駰諫趙劉陶誄黃並得憲章工在簡要

唐張懷瓘書斷曰後漢杜伯山嘗于西河得漆書古文尚書一卷靈帝時劉陶刪定古文今文尚書號中文尚書以北山本為正陶亦工古文

唐書經籍志劉陶集二卷

唐書藝文志劉白集二卷此白字乃刊誤

惠氏後漢書補注曰韓非有解老喻老之篇故陶作書匡老子之失反韓非之說而折中于孟子也

嚴氏全後漢文編曰劉陶有集三卷今從袁宏紀及本傳輯存上疏陳事上疏言張角上疏陳要急八事上書訟朱穆上議改鑄大錢凡五篇

梁又有外黃令張升集二卷錄一卷亡

後漢書文苑傳張升字彥真陳留尉氏人富平侯放之孫也放鴻六代孫也少好學多關覽而任情不羈仕郡為綱紀以能出守外黃令遇黨錮去官後竟見殺年四十九著賦誄頌碑書凡六十篇

文心雕龍哀弔篇曰蘇順張升并述哀文雖發其情華而未極心實

唐書經籍藝文志張升集二卷

嚴氏全後漢文編張升有集二卷今存白鳩賦與任彥堅書友論凡三篇其友論一作反論一作反論語皆誤又或引作張叔皮論尤誤

梁又有侯瑾集二卷亡

侯瑾有漢皇德紀見史部雜史類  
後漢書文苑傳瑾作矯世論以譏刺當時而徙入山中覃思著述以莫知于世故作應賓難以自寄又案漢記撰中興以後行事為皇德傳三十篇行于世餘所作雜文數十篇多亡失西河人皆稱為侯君云

唐書經籍藝文志侯瑾集二卷

嚴氏全後漢文編曰瑾桓帝時徵有道復徵博士皆不至有集二卷今存箏賦皇德頌序各一篇

梁又有盧植集二卷亡

盧植有禮記注見經部禮類

後漢書本傳植常懷濟世志不好辭賦時皇后父大將軍竇武援立靈帝初秉機政朝議欲加封爵植雖在布衣以武素有名譽乃獻書以規之謂宜辭大賞以全身名又宜徵王侯愛子宗室賢才簡其良能為彊幹弱枝之道武並不能用作尚書章句三禮解詁時始立太學石經上書請詣東觀研精尚書禮記

失得刊正碑文又言古文厭抑流俗降在小學中興以來通儒達士班固賈逵鄭興父子並敦悅之宜為毛詩左氏周禮置博士立學官光和元年有日食之異上封事諫陳八事植素善蔡邕邕前徙朔方植獨上書請之所著碑誄表記凡六篇 諸書引盧植冀州風土記七錄本志皆不見或在本集六篇中

唐書經籍藝文志盧植集二卷

嚴氏全後漢文編盧植有禮記解詁二十卷集二卷今存上書上封事奏事獻書規竇武鄺文勝誄凡五篇

梁又有議郎廉品集二卷亡

廉品始末未詳 魏志杜恕傳有樂安廉昭以才能好言事為尚書郎似廉氏為樂安人昭或其後歟

嚴氏全後漢文編曰廉品為議郎有集二卷

太平御覽五百三十卷引廉品大儼賦

後漢司空荀爽集一卷梁三卷錄一卷

荀爽有周易傳見經部易類

後漢書本傳延熹元年太常趙典舉爽至孝

拜郎中對策陳便宜奏聞即棄官去後司空袁逢舉有道不應及逢卒爽制服三年當世往往化以為俗時人多不行妻服雖在親愛猶有吊問喪疾者又私謚其君父及諸名士爽皆引據大義正之經典雖不悉變亦頗有改著禮易詩傳尚書正經春秋條例又集漢事成敗可為鑒戒者謂之漢語又作公羊問及辯讖并它所論敘題為新書凡百餘篇今多所亡缺

荀悅漢紀曰臣悅叔父故司空爽著詩傳皆附正義無他說通人學者多好尚之然希得立于學官也

又申鑿俗嫌篇曰世稱緯仲尼之作也臣悅叔父故司空爽辯之蓋發其偽也有起于中興之前終張之徒之作乎

唐書經籍藝文志荀爽集二卷

嚴氏全後漢文編輯存對策陳便宜奏記讓孝廉貽李膺書與郭叔都書女誠凡五篇

案荀氏經說惟易傳見載本志公羊問見七錄其漢語章氏考證謂晉灼引四事此

集一卷梁三卷不及新書十分之一二據本傳所載有宜為舉主行服宜為妻行服

不宜在親憂吊問喪疾不宜為君父名士私謚諸論議又徐幹中論引荀爽壽夭論

范書朱穆傳注云穆子野字子遠見荀爽

薦文則又有壽夭論薦朱野文凡斯皆不可知矣

後漢野王令劉梁集三卷梁二卷錄一卷

後漢野王令劉梁集三卷梁二卷錄一卷

後漢書文苑傳劉梁字曼山一名岑東平寧陽人也梁宗室子孫而少孤貧賣書于市以自資常疾世多利交以邪曲相黨乃著破羣論時之覽者以為仲尼作春秋亂臣知懼今此論之作俗士豈不愧心其文不存又著辯和同之論桓帝時舉孝廉除北新城長特召入拜尚書郎累遷後為野王令未行光和中病卒孫植亦以文才知名劉植有集見後文士傳云梁之子也

唐書經籍藝文志劉梁集二卷

嚴氏全後漢文編劉梁有集三卷今存除北新城長告縣人教七舉辨和同論凡三篇書鈔引劉梁碑附

梁又有鄭玄集二卷錄一卷亡

鄭玄有周易注見經部易類

後漢書本傳初中興之後范升陳元李育賈逵之徒爭論古今學後馬融答北地太守劉瓌及玄答何休義據通深由是古學遂明嘗疾篤自慮以書戒子益恩又著天文七政論魯禮禘祫義六藝論毛詩譜駁許慎五經異義答臨孝存周禮難凡百餘萬言

太平御覽百穀部鄭玄別傳曰玄年十六號曰神童民有獻嘉禾者欲表府文辭鄙略玄為改作又著頌一篇侯相高其才為脩冠禮

又見文部頌類云嘉瓜異本同實著頌二篇

唐書經籍藝文志鄭玄集二卷

遵義鄭珍鄭學錄曰鄭玄集唐志二卷案康

成平生雜著必皆萃此集中自佚其書而注

釋以外文字十不存一惜哉乾隆間盧氏見會刻周易鄭注後附康成集其首為相風賦考此賦藝文類聚卷六十八所載是晉傅玄作不知何以誤歸康成或因名同一時失檢歟

嚴氏全後漢文編鄭玄有集二卷今輯存皇後敬父母議戒子益恩書周易尚書大傳序詩譜敍孝經注敍論語敍自敍凡八篇附六藝論三十八條

曾氏補後漢志曰北堂書鈔九十四引舊君名諱論嚴失采案舊君名諱論起于同時應劭本志史部儀注類汝南君諱議二卷即其事也諸家論斯事者甚多豈鄭氏亦有此議歟嚴氏未采不能無疑

案賈公彥序周禮廢興既引馬融周官傳序其後又引鄭玄序云至周公定之致隆平龍鳳之瑞此一段凡三百四十餘言皆鄭氏周禮序中有加○間隔者乃寫刊之誤相承如此阮氏校勘記已言之嚴氏失采此文則甚為可惜也嚴氏輯唐以前文自不經意于唐人疏序而不知其中有馬鄭周官序在焉以是知輯佚欲其一無遺漏事必有所不能者矣

後漢左中郎將蔡邕集十二卷梁有二十卷錄一卷

蔡邕有月令章句見經部禮類後漢書本傳邕少博學師事太傅胡廣好辭章數術天文妙操音律閑居玩古不交當世感東方朔客難及揚雄班固崔駰之徒設疑

以自通乃斟酌羣言隨其是而矯其非作釋誨以戒厲熹平中連上疏上封事陳七事又對詔問又上書自陳及徙朔方又上書自陳奏其所著十意分別首目連置章左所著詩賦碑誄銘贊連珠箴箠論議獨斷學釋誨敍樂女訓家執祝文章表書記凡百四篇傳于世案勸學見經部小學家

文心雕龍銘箴篇曰蔡邕銘思獨冠古今橋公之鉞吐納典謨朱穆之鼎全成碑文溺所長也又誄碑篇曰自後漢以來碑碣雲起才鋒所斷莫高蔡邕觀楊賜之骨鯁訓典陳郭二文詞無擇言周胡衆碑莫非精允其敍事也該而要其綴采也雅而澤清詞轉而不窮巧義出而卓立察其為才自然而至又雜文篇曰蔡邕釋誨體奧而文炳又才略篇曰張衡通瞻蔡邕精雅文史彬彬隔世相望是則竹柏異心而同貞金玉殊質而皆寶也案裴啓語林曰衡之初死蔡邕母始孕此二人相貌類時人方邕是衡之後身故劉勰有是言

唐日本國見在書目蔡邕集廿卷又雜家獨斷一卷注云今案蔡邕撰案獨斷集外別行見于著錄者莫先于此其云今案者知其前不著撰人也

唐書經籍藝文志蔡邕集二十卷

崇文總目蔡邕文集五卷又史部儀注類獨斷二卷蔡邕撰

通志藝文略蔡邕外文一卷又儀注類蔡邕獨斷二卷

宋史藝文志蔡邕集十卷又史部故事類蔡

邕獨斷二卷

晁氏讀書志蔡中郎集十卷所著文章百四篇今錄止存九十篇而銘墓居其半或曰碑銘或曰神誥或曰哀贊其實一也嘗自云為郭有道碑獨無愧辭則其他可知已又經部經解類獨斷二卷漢左中郎將蔡邕纂雜記自古國家制度及漢朝故事王莽無髮蓋見于此

陳氏書錄曰蔡中郎集十卷唐志二十卷今本闕亡之外纔六十四篇其間有稱建安年號及為魏宗廟頌述者非邕文也卷末有天聖癸亥歐陽靜所書辨證甚詳以為好事者雜編他人之文相混非本書又史部禮注類獨斷二卷言漢世制度禮文車服及諸帝世次而兼及前代禮樂

四庫簡明目錄曰蔡中郎集六卷邕集久佚今因哀輯而成者凡有二本一為張溥百家集本一為陳留新刻本此即陳留本也凡詩文九十四首與張本互有增損張本薦董卓表一篇此本刪去考劉克莊後村詩話已論邕此表則宋本已有之此本蓋為鄉曲諱也又子部雜家類獨斷二卷皆考論舊制綜述遺文與白虎通義風俗通義俱為講漢學者之資糧風俗通義多說雜事不及二書之字字皆為典據焉

汪氏文選撰人篇目曰後漢蔡伯喈邕有郭林宗碑文陳仲弓碑文

嚴氏鐵橋漫叢重編蔡中郎集敍曰漢魏六

朝文集傳于今世者多近代新輯蔡邕集則舊本殘闕北宋增補前明又屢增補者也案隋志十二卷梁有二十卷錄一卷舊新唐志二十卷崇文總目五卷書錄解題通考宋志十卷晁氏志亦十卷云九十篇已上本皆不存天聖中歐靜本十卷六十四篇明初小板九行本十卷外傳一卷及錫山活字本蘭雪堂活字別本即歐靜本增補六篇凡六十九篇俞汝成增入獨斷復增補爲九十二篇汪士賢刪獨斷餘同俞本張溥復刪補爲百二十四篇搜羅尙未賅備又失落楊賜第一碑而劉鐘南碑各本皆未刪案本傳所著詩賦碑誄獨斷勸學等凡百四篇是晉宋古本獨斷在集中隋志無獨斷入集故不載 案兩志亦然續漢禮儀志上注有車駕上原陵記案此似即所擬禮儀中之一事 隸釋有陳球碑劉寬後碑皆鉅篇北堂書鈔文選注御覽徵引短篇章段爲張溥所望漏者甚多今統鈔六朝唐宋各書所載以校勘明刻本正其譌誤補其闕遺得百四十六篇重加編次爲十四卷錄一卷卷數少于梁唐篇數溢于本傳皆注明出處以便覆覈其注稱本集者明初小板本也本集有而各書未引見者二十五篇此等處亦考出其繆密人所難能 或當是舊本其中或雜以他人之文既無顯據宜仍其舊張溥本有琴贊俟考出處說鄂載月令問答明堂月令月令篇名皆月令章句之文其書久亡明刻本入集今亦附集末東漢學問文章首

推班張崔蔡實則蔡在崔上蔡之月令章句靈紀十意四十二列傳不存集雖存而殘缺不全收聚散亡尙見古本崖略蔡文不盡此而盡于此又自編四錄堂類集總目蔡中郎集十四卷錄一卷可均校編 曾氏補志曰楊氏外集有琴贊考書鈔一百九則檢康作也 馮氏詩紀輯存飲馬長城窟行等詩歌六首其樊惠渠歌即樊渠頌琴歌即釋譚文除此二首合以嚴氏輯文是蔡集之善本 張氏書目答問蔡中郎集六卷聊城楊氏仿宋本附獨斷二卷通行三本皆遜此本嚴可均校補蔡中郎集十四卷錄一卷未刊 案今刊入全後漢文編中省獨斷二卷故止十二卷其錄一卷亦省之

案范書本傳有篆執無隸執嚴輯本隸勢篇下注云案此篇當是衛恆作本集有之姑不刪考衛恆四體書勢惟首一篇汲冢古文贊爲恆所自作以汲冢書新出前人無有爲古文書執者故也其餘篆隸二執皆取之蔡邕草書執取之崔瑗恆序言之甚明唐張懷瓘書斷亦引蔡邕隸執此尤爲顯證或多以爲衛恆作嚴氏亦爲所惑皆以晉書所載四體書執中間敝一邕字故也

梁又有士孫瑞集二卷亡

後漢書王允傳允見董卓禍毒方深冀逆已兆密謀共誅之乃上執金吾士孫瑞爲南陽太守將兵出武關道以討袁術爲名實欲分路征卓而後拔天子還洛陽卓疑而留之允

乃引內瑞爲博士又曰士孫瑞字君策扶風人頗有才謀瑞以允自專討董卓之勞故歸功不侯所以獲免于難 免權犯禍濟陰長安殺王允之難也 後爲國三老光祿大夫每三公缺楊彪皇甫嵩皆讓位于瑞與平二年從駕東歸爲亂兵所殺 獻帝本紀與平二年十一月庚午李傕郭汜等追乘輿戰于東澗王師敗績殺衛尉士孫瑞 魏志獻帝紀注曰時尙書令士孫瑞爲亂兵所殺

魏志董卓傳初平三年四月司徒王允尙書僕射士孫瑞卓將呂布共謀誅卓遂殺卓夷三族裴松之曰三輔決錄注瑞字君策扶風人世爲學問瑞少傳家業博達無所不通仕歷顯位卓既誅邊大司農爲國三老每三公缺瑞嘗在選中天子都許追論瑞功封瑞子萌澹津亭侯

唐林寶元和姓纂士孫氏漢書平陵士孫張爲博士揚州牧明梁邱易六代孫陸後漢弘農太守生瑞尙書令瑞生萌字文始議郎灌津侯生賢穎 案漢書儒林易家梁丘賢傳賢傳子臨臨授五鹿充宗充宗授平陵士孫張仲方爲博士至揚州牧光祿大夫給事中家世傳業由是梁丘有士孫之學蓋世傳易至漢魏時猶未失墜者平陵右扶風縣也

唐書經籍藝文志士孫瑞集二卷

嚴氏全後漢文編曰士孫瑞字君策扶風人中平末以處士擢鷹揚校尉獻帝初爲執金吾出爲南陽太守未行留拜尙書僕射大司農衛尉國三老光祿大夫尙書令與平二年從駕東歸爲亂兵所殺有集二卷書鈔有理

王允等事通典有日蝕行冠禮議藝文類聚有劍銘各一條

後漢泰山太守應劭集二卷梁四卷

應劭有漢書集解見史部正史類

後漢書應奉傳奉子劭博覽多聞為駁議三十篇又刪定律令為漢儀二百五十篇又綴

集所聞為漢官禮儀故事錄郡國所上前人像贊為狀人紀論當時行事著中漢輯序撰

風俗通凡所著述百三十六篇又集解漢書皆傳于時弟子瑒璩並以文才稱應氏諸子

官學並有才名至瑒七世通顯

又傳論曰應氏七世才聞而奉劭采章為盛及撰著篇籍甄紀異知雖云小道亦有可觀者焉

唐書經籍藝文志應劭集四卷

嚴氏全後漢文編應劭有集四卷今輯存貢藥物表奏上刪定律令駁韓卓募兵鮮卑議

鮮卑胡市議追駁尚書陳忠議舊名諱議營陵令到官移書申約吏民風俗通義序凡八

篇

梁又有別部司馬張超集五卷亡

後漢書文苑傳張超字子並河間鄭人也留侯良之後有文才靈帝時從車騎將軍朱儁

征黃巾為別部司馬著賦頌碑文薦檄牋書謁文嘲凡十九篇超又善于草書妙絕時人

世共傳之

唐書經籍藝文志張邵集五卷 玉海藝文謂此即張超而誤為邵

宋史藝文志張超集三卷

嚴氏全後漢文編張超有集五卷今引見諸書有誚青衣賦與某公牋與太尉朱雋書尼

父頌楊四公頌靈帝河間舊廬碑凡六篇

後漢少府孔融集九卷梁十卷錄一卷

孔融有春秋雜疑難見經部春秋左氏學家後漢書本傳魏文帝深好融文辭歎曰揚班

儔也慕天下有上融文章者輒賞以金帛所著詩頌碑文論議六言策文表檄教令書記

凡二十五篇

魏志王粲傳注典論曰今之文人魯國孔融廣陵陳琳山陽王粲北海徐幹陳留阮瑀汝

南應瑒東平劉楨斯七子者于學無所遺于辭無所假咸自聘騏驎于千里仰齊足而並

馳又曰孔融體氣高妙有過人者然不能持論理不勝辭至于雜以嘲戲及其所善揚班

之儔也

文心雕龍才略篇曰孔融氣盛于為筆又誄碑篇曰後漢碑碣莫高蔡邕孔融所創有慕

伯喈張陳兩文辨給足采亦其亞也又詔策篇曰孔融之守北海文教麗而罕于理乃治

體乖也又論說篇曰孔融孝廉但談嘲戲又章表篇曰文舉之薦禰衡氣揚采飛又書記

篇曰文舉屬章半簡必錄

唐書經籍藝文志孔融集十卷

四庫提要曰孔北海集一卷漢孔融撰案魏文帝典論論文稱孔氏卓卓信含異氣筆墨

之性殆不可勝其集隋志九卷梁十卷錄一

卷新舊唐書皆十卷蓋猶梁時之舊本宋史始不著錄此本乃明人所掇拾凡表一篇疏

一篇上書三篇奏事二篇議一篇對一篇教

一篇書十六篇碑銘一篇論四篇詩六篇共

三十七篇生聖人優劣論蓋一文而析為兩

篇實三十六篇也張溥百三家亦載是集而

較此本少二篇大抵摭拾史傳類書多斷簡

殘章首尾不具不但非隋唐之舊即蘇軾所

稱楊氏四公贊今本亦無之則宋人所及見

者今已不具矣然人既國器文亦鴻寶雖闕

佚之餘彌可珍也其六言詩見于本傳今所

傳三章詞多凡近又皆盛稱曹操功德斷以

融之生平可信其義不出此即使舊本有之

亦必黃初間購求遺文賸託融作以頌曹操

未可定為真本也

汪氏文選撰人篇曰後漢孔文舉融有薦彌

衡表論盛孝章書二篇

嚴氏全後漢文編曰融與劉楨王粲陳琳阮

瑀徐幹應瑒為建安七子有春秋雜疑難五

卷集十卷今輯存疏議教書論碑銘三十九

篇編為一卷

後漢侍御史虞翻集二卷梁三卷錄一卷

虞翻有周易注見經部易家

吳志本傳州舉茂才漢召為侍御史曹公為

司空辟皆不就翻與少府孔融書并示以所

著易注融答書曰觀象雲物察應寒溫原其

禍福與神合契可謂探賾窮通者也會稽東

部都尉張紘又與融書曰虞仲翔前頗為論

者所侵美寶爲質彫摩益光不足以損及徒交州雖處罪放而講學不倦門徒常數百人又爲老子論語國語訓注皆傳于世又評曰虞翻古之狂直固難免乎末世然權不能容非曠字也

唐書經籍志後漢虞翻集三卷

唐書藝文志吳虞翻集三卷

嚴氏全三國文編曰虞翻有周易注九卷周易集林律曆一卷國語注二十一卷論語注十卷老子注二卷太玄經注十四卷集三卷隋志以翻屬後漢今考翻卒在權稱尊號之後宜編入吳傳注及御覽諸書有上吳主書奏上易注奏鄭玄解尚書達失事因追與客書與丁固同僚書與徐陵書與士仁書與所親書與某書與弟書又與弟書凡十二篇

案本志易家稱吳侍御史與此稱後漢者

異考本傳翻仕孫策孫權未嘗爲侍御史亦未嘗入漢朝應召爲侍御史而其後孫亮時會稽太守濮陽興書佐朱育皆稱翻爲侍御史見傳注引會稽典錄 韋昭注國語稱故侍御史釋文敍錄亦稱後漢侍御史豈後人以翻仕吳不得志因以漢所授官號稱之歟翻實始終于吳稱後漢殊不然也

又案傳注引會稽典錄有虞仲翔對太守王朗問士一篇嚴氏未采失之眉睫亦有朱育對太守濮陽興問一篇嚴亦未采則三國文編中並失去朱育一家殊可惜也

後漢討虜長史張紘集一卷梁二卷錄一卷

吳志列傳張紘字子綱廣陵人少游學京都還本郡舉茂才官府辟皆不就避難江東孫策創業遂委質焉表爲正議校尉建安四年策遣紘奉表至許宮留爲侍御史少府孔融等皆與親善策薨曹公表權爲討虜將軍領

會稽太守欲令紘輔權內附出紘爲會稽東部都尉後權以紘爲長史紘建計宜出都秣陵權從之令還吳迎家道病卒時年六十紘著詩賦銘誄十餘篇 案吳志權從治秣陵城石頭改秣陵爲建業在建安十六年紘之卒當在此兩年中

又傳注吳書曰紘入太學事博士韓宗治京氏易歐陽尚書又于外黃從濮陽閻受韓詩及禮記左氏春秋大將軍何進太尉朱雋司空荀爽三府辟爲掾皆不就權初承統每有異事密計及章表書記與四方交接常令紘與張昭草創撰作紘以破虜有破走董卓扶持漢室之勳討逆平定江外建立大業宜有紀頌以昭公義既成呈權權省讀悲感曰君真識孤家門閥也 破虜將軍孫討逆將軍孫

策紀其事而係以頌也又曰紘見柙榴枕愛其文爲作賦陳琳在北見之以示人曰此吾鄉里張子綱所作也紘既好文學又善楷篆書與孔融書自書融遺紘書曰前勞手筆多篆書每舉篇見字欣然獨笑如復觀其人也

唐書經籍藝文志張紘集一卷

嚴氏全後漢文編曰張紘吳志有傳隋志及藝文類聚御覽皆列于後漢今從之紘有集

二卷今存環材枕賦環材枕銘爲孫會稽袁術僭號書與孔融書臨困授子靖留棧凡五篇傳注有柙榴枕賦未知卽環材枕賦否也

梁有後漢處士禰衡集二卷錄一卷亡

後漢書文苑傳禰衡字正平原般人也少有才辨而氣尚剛傲好矯時慢物與平中避難荊州建安初來游許下唯善孔融楊修融深愛其才衡始弱冠而融年四十遂與爲交友上疏薦之融既愛衡才數稱述于曹操操欲見之而衡素相輕疾而數有恣言乃召爲鼓史後送與劉表表及荊州士大夫先服其才名甚賓禮之文章言議非衡不定後復侮慢于表表送與黃祖祖亦善待焉衡爲作書記輕重疏密各得體宜祖長子射爲章陵太守尤善于衡人有獻鸚鵡者射舉卮于衡曰願先生賦之衡覽筆而作文無加點辭采甚麗後大罵黃祖祖志卽時殺焉射徒跳來救不及時年二十六其文章多亡云

文心雕龍哀弔篇曰禰衡之弔平子綉麗而輕清又書記篇曰禰衡代書親疏得宜斯又尺牘之偏才也又才略篇曰孔融氣盛于爲筆禰衡思銳于爲文有偏美焉

唐書經籍藝文志禰衡集二卷

汪氏文選撰人篇目後漢彌正平衡有鸚鵡賦

嚴氏全後漢文編禰衡有集二卷今存鸚鵡賦魯夫子碑顏子碑弔張衡文凡四篇又選

注引彌衡書一條

後漢尚書右丞潘勗集二卷梁有錄一卷亡

魏志衛覬傳建安末尚書右丞河南潘勗亦與覬並以文章顯文章志曰勗字元茂初名芝後避諱改名勗或曰勗獻帝時為尚書郎遷右丞詔以勗前在二千石曹才敏兼通明習舊事勗并領本職數加特賜二十年遷東海相未發留拜尚書左丞其年病卒時年五十餘魏公九錫策命勗所作也

又武紀建安十八年五月丙申天子使御史大夫郝慮持節策命公為魏公加九錫裴松之曰後漢尚書左丞潘勗之辭也勗字元茂陳留中牟人

太平御覽文部殷洪小說曰魏國初建潘勗為策命文自漢武以來未有此制勗乃依周憲章唐虞辭義溫雅與典故同風 案殷洪當是殷雲之誤其云漢武以來見漢書武紀元朔元年有司奏議言九錫者蓋始于此其見諸行事則自王莽始

文心雕龍銘箴篇曰潘勗符節要而失淺又才略篇曰潘勗憑經以聘才故絕羣于錫命 唐書經籍藝文志潘勗集二卷 汪氏文選撰人篇目後漢潘元茂勗有冊魏公九錫文 嚴氏全後漢文編潘勗有集二卷今存玄遠賦册魏公九錫文擬連珠尚書令荀彧碑凡四篇 後漢丞相倉曹屬阮瑀集五卷梁有錄一卷亡 魏志王粲傳陳留阮瑀字元瑜少受學于蔡

邕建安中都護曹洪欲使掌書記瑀終不為屈太祖以為司空軍謀祭酒管記室軍國書檄多瑀與陳琳所作瑀以十七年卒文帝書與元城令吳質曰元瑜書記翩翩致足樂也

又傳注典略曰太祖嘗使瑀作書與韓遂時太祖適近出瑀隨從因于馬上具草書成呈之太祖擊筆欲有所定而竟不能增損臣松之案魚氏典略摯虞文章志並云瑀建安初辭疾避役不為曹洪屈得太祖召即投杖而起又典略載太祖初征荊州使瑀作書與劉備及征馬超又使瑀作書與韓遂此二書今具存案瑀子籍晉書有傳蓋陳留尉氏人也 鍾嶸詩品曰魏倉曹屬阮瑀詩平典不失古體

文心雕龍才略篇曰琳瑀以符檄擅聲又哀弔篇曰胡阮之弔夷齊褒而無間仲宣所制譏呵實工然則胡阮嘉其清王子傷其隘各其志也 案胡廣王粲並有弔夷齊文 唐書經籍藝文志阮瑀集五卷 馮氏詩紀輯存樂府琴歌及詠史詩七哀詩等凡十篇 張氏百三家阮元瑜集輯本一卷凡賦論書牋文詩十九篇 汪氏文選撰人篇目魏阮元瑜瑀有與孫權

嚴氏全後漢文編阮瑀有集五卷今存紀征賦止欲賦箴賦鸚鵡賦謝曹公牋為曹公作書與孫權為曹公與劉備書文質論弔伯夷

凡九篇 魏太子文學徐幹集五卷梁有錄一卷亡 徐幹有中論見子部儒家

魏志王粲傳注典論曰今之文人北海徐幹如幹之玄瓊漏卮圓扇橘賦雖張蔡不過也然于他文未能稱是

晉殷基通語逸文曰才貴精學貴講賈勝文石建文勝質蔡邕文質彬彬徐幹庶幾也 鍾嶸評魏文學徐幹詩曰偉長與公幹往復雖曰以荏扣鍾亦能開雅矣

文心雕龍才略篇曰徐幹以賦論標美又證賦篇曰偉長博通時逢壯采哀弔篇曰建安哀辭惟偉長差善行女一篇時有惻怛 唐書經籍藝文志魏徐幹集五卷唐志入魏代者非也並詳後丁儀丁廙集條下

馮氏詩紀輯存答劉公幹詩情詩雜詩凡五篇九首 嚴氏全後漢文編曰徐幹為五官將文學有中論六卷集五卷今存齊都賦西征賦序征賦哀別賦嘉夢賦冠賦團扇賦車渠椀賦七喻失題凡十篇

魏太子文學應瑒集一卷梁有五卷錄一卷亡 魏志王粲傳始文帝為五官將及平原侯植皆好文學粲與汝南應瑒字德璉並見友善 太祖辟為丞相掾屬轉為平原侯庶子後為五官將文學成著文賦數十篇瑒以建安二十二年卒文帝書與元城令吳質曰德璉常斐然有述作意其才學足以著書美志不遂



良可痛息

又傳注華嶠漢書曰陽祖奉為世儒者延熹中至司隸校尉子劭亦博學多識官至泰山太守劭弟珣字季瑜司空掾即陽之父也

文心雕龍才略篇曰應場學優以得文又序志篇曰詳觀沈代之論文者若應場文論華而疏略

唐書經籍藝文志魏應場集二卷案此八魏代亦非

馮氏詩紀輯存公讎詩五官中郎將建章臺集詩別詩鬪雞詩凡五篇六首

張氏百三家應德璉集一卷凡賦書論雜文詩二十篇

汪氏文選撰人篇目魏應德璉場有建章臺詩原作建立宋靈詩誤也

嚴氏全後漢文編曰應場為五官將文學有集五卷今存愁霖賦靈河賦正情賦撰征賦

西征賦西狩賦馳射賦校獵賦神女賦車渠碗賦疎迷迭賦楊柳賦鸚鵡賦鸞賦賦報龐

惠恭書釋寶文質論奔勢凡一十八篇後漢丞相軍謀陳琳集三卷梁十卷錄一卷

魏志王粲傳廣陵陳琳字孔璋前為何進主簿進欲誅宦官太后不聽進乃召四方猛將

並使引兵向京城欲以劫恐太后琳諫進進不納其言竟以取禍琳避難冀州袁紹使典

文章袁氏敗琳歸太祖太祖謂曰卿昔為本初移書但可罪狀孤而已惡惡止其身何乃上及父祖耶琳謝罪太祖愛其才而不咎與

阮瑀並為司空軍謀祭酒管記室軍國書檄多琳瑀所作琳徒門下督著文賦數十篇建安二十二年卒文帝書與元城令吳質曰孔璋章表殊健微為繁富注又引典論曰琳瑀之章表書記今之儔也

又傳注典略曰琳作諸書及檄草成呈太祖太祖先苦頭風是日疾發臥讀琳所作翕然而起曰此愈我病數加厚賜

又吳志張紘傳注吳書曰紘見陳琳作武庫賦應譏論與琳書深歎美之琳答書

文心雕龍檄移篇曰陳琳之檄豫州壯有骨鯁雖奸闖攜養章密太甚發邱摸金誣過其

虐然抗辭書覺傲然露骨矣敢指曹公之鋒幸哉免哀黨之戮也又書記篇曰陳琳諫辭

稱掩目捕雀引俗說而為文辭者也唐書經籍藝文志陳琳集十卷宋史藝文志同

崇文總目陳琳文集九卷陳氏書錄解題陳孔彰集十卷魏丞相軍謀

掾廣陵陳琳孔彰撰魏文帝典論以孔融王粲徐幹陳琳阮瑀應場劉楨七人所謂建安

七子者也今諸家詩文散見于文選及諸類書其以集傳者仲宜孔璋而已案陳氏稱魏丞

相軍謀據譏甚此丞相即曹操也魏當為漢馮氏詩紀輯存飲馬長城窟行游覽宴會詩

三篇四首張氏百三家陳記室集一卷凡賦上書書牋

檄版文設難樂府詩二十二篇汪氏文選撰人篇目魏陳孔璋琳有答東阿

王陵上魏文帝書檄豫州檄吳將校

嚴氏全後漢文編輯本一卷凡大暑賦止欲賦武庫賦神武賦神女賦大荒賦迷迭賦馬

瑤勒賦柳賦鸚鵡賦諫何進召外兵答東阿王箋更公孫瓚與子書答張紘書為曹洪與

魏太子書為袁紹檄豫州檄吳將校部曲應譏章端碑十九篇

魏太子文學劉楨集四卷錄一卷劉楨有毛詩義問十卷見經部詩類

魏志王粲傳粲與東平劉楨等成著文賦數十篇注引典論曰琳瑀之章表書記今之儔

也應場和而不壯劉楨壯而不密又魏略曰建安二十三年太子又與吳質書曰孔璋章

表殊健公幹有逸氣但未適耳至其五言詩妙絕當時

鍾嶸詩品曰魏文學劉楨詩其源出于古詩仗氣愛奇動多振絕真骨凌霜高風跨俗但

氣過其文彫潤恨少然自陳思以下楨稱獨步

文心雕龍才略篇曰劉楨情高以會采又書記篇曰公幹箋記麗而規益子桓弗論故世

所共遺若略取名實則有美于為詩矣唐書經籍藝文志魏劉楨集二卷案此入魏代

亦非馮氏詩紀輯存公讎詩雜詩鬪雞射雉失題

凡八篇十四首張氏百三家劉公幹集一卷凡賦書碑詩十七篇

汪氏文選撰人篇曰魏劉公幹楨有公讎詩贈五官中郎將詩贈徐幹詩贈從弟詩雜詩一首雜詩本二首此錄其一也

嚴氏全後漢文編曰劉楨為平原侯庶子五官將文學有毛詩義問十卷集四卷今存大暑賦黎陽山賦魯都賦遂志賦清慮賦瓜賦與曹植書諫曹植書答魏太子丕借廓落帶書處士國文甫碑凡十篇

後漢丞相主簿繁欽集十卷梁錄一卷亡

魏志王粲傳自穎川邯鄲淳繁欽等亦有文采裴松之曰繁音婆典略曰欽字休伯以文才機辨少得名于汝穎欽既長于書記又善為詩賦其所與太子書記喉轉意率皆巧麗為丞相主簿建安二十三年卒

文選繁休伯與文帝牋注文章志曰繁欽字休伯穎川人少以文辨知名以豫州從事稍遷至丞相主簿病卒文帝集序云上西征余守譙繁欽從時辭訪車子能喉轉與笏同音欽牋還與余而盛歎之雖過其實而其文甚麗亦見汪氏文選撰人篇目

唐書經籍藝文志繁欽集十卷

馮氏詩紀輯存四五言詩凡六篇

嚴氏全後漢文編曰繁欽有集十卷今有暑賦抑檢賦明賦愁思賦一作愁思 弭愁賦述征賦述行賦一作述行 避地賦征天山賦一作撰征賦建章風闕賦三胡賦柔賦柳賦與魏太子箋為史叔良作移零陵檄川里先生訓硯硯贊尙書箴威儀箴嘲應德璉文丘

雋碑凡二十二篇

後漢丞相主簿楊修集一卷梁二卷錄一卷

後漢書楊震傳震弘農華陰人也中子秉秉子賜賜子彪彪子修字德祖好學有俊才為丞相曹操主簿操忌修且以袁術之甥慮為後患遂因事殺之修所著賦頌碑贊詩哀辭表記書凡十五篇

又傳注續漢書曰人有白修與臨淄侯曹植飲醉共載從司馬門出謗訕鄢陵侯章太祖聞之大怒故遂收殺之時年四十五矣

魏志陳思王植傳注典略曰修建安中舉孝廉除郎中丞相請署倉曹屬主簿是時軍國多事修總知外內事皆稱意自魏太子以下並爭與交好臨淄侯植後以驕縱見疏而植故連綴修不止修亦不敢自絕至二十四年秋公以修前後漏泄言教交關諸侯乃收殺之修臨死謂故人曰我固自以死之晚也其意以為坐曹植也修死後百餘日而太祖薨文心雕龍才略篇曰路粹楊修懷筆記之唐書經籍藝文志楊修集二卷

汪氏文選撰人篇曰後漢楊德祖修有答臨淄侯牋

嚴氏全後漢文編楊修有集二卷今存節游賦出征賦許昌宮賦神女賦孔雀賦答臨淄侯箋司空荀爽述贊凡七篇

後漢侍中王粲集十一卷

王粲有尙書釋問四卷見經部書類魏志本傳魏國既建拜侍中博物多識問無

不對時舊儀廢弛與造制度粲恆典之性善算作算術略盡其理善屬文舉筆便成無所改定時人常以為宿構然正復精意覃思亦不能加也著詩賦論議垂六十篇文帝書與元城令吳質曰仲宜獨自善于辭賦惜其體弱不起其文至于所善古人無以遠過也

又傳注典論曰粲長于辭賦如粲之初征登樓賦賦征思雖張蔡不過也又典略曰粲才既高辯論應機鍾繇王朗等雖各為魏卿相至于朝廷奏議皆闕筆不能措手

又傳評曰昔文帝陳王博好文采同聲相應才士並出惟粲等六人最見名目而粲特處常伯之官與一代之制然其冲虛德宇未若徐幹之粹也

宋書樂志太和初侍中繆襲奏安世歌本漢時歌名魏國初建故侍中王粲作登歌安世詩專以思詠神靈及鑒享之意又曰漢巴渝舞之曲四篇其辭既古莫能曉其句度魏初乃使王粲改創其辭又曰魏國初建使王粲改作登歌及安世巴渝詩又曰王粲所撰安世詩今亡

文章流別傳曰後世器銘之佳者有王莽鼎銘崔瑗机銘朱公叔鼎銘王粲硯銘又曰王粲所與蔡子篤睦及文叔良親士孫文始萌楊德祖詩及為潘文則作思親詩其文當而整皆近乎雅矣

鍾嶸詩品曰魏侍中王粲詩其源出于李陵發愀愴之詞文秀而質羸在曹劉間別構一

體方陳思不足比魏文有餘

文心雕龍詮賦篇曰仲宣靡密發端必遒又雜文篇曰仲宣七釋致辯于事理又才略篇曰仲宣溢才捷而能密文多兼善辭少瑕累摘其詩賦則七子之冠冕乎

金樓子雜記篇曰王仲宣昔在荊州著書數十篇荊州壞盡焚其書今存者一篇知名之士咸重之見虎一毛不知其斑 案此所云他書不概見其事莫得而詳其所存一篇亦不知何書

顏氏家訓勉學篇曰吾初入鄴與博陵崔文彥交游嘗說王粲集中難鄭玄尙書事崔轉爲諸儒道之始將發口懸見排蹙云文集止有詩賦銘誄豈常論經書事乎且先儒之中未聞有王粲也崔笑而退竟不以粲集示之

唐書經籍藝文志王粲集十卷宋史志八卷晁氏讀書志王粲集八卷粲著詩賦論議垂六十篇今集有八十一首案唐志粲集十卷今亡兩卷其詩文反多于史所紀二十餘篇案史所言篇數或以卷分或以類分晁氏以首數爲篇數似不然 又云亡兩卷者蓋卽尙書間析出別行其後鄭氏門人田瓊韓益爲解釋之卽七錄所載尙書釋間四卷是也詳見本條

馮氏詩紀輯存樂府及四五言詩十二篇二十六首

張氏百三家王侍中集一卷凡賦書檄七記論連珠贊銘祭文樂府詩綜五十六篇

汪氏文選撰人篇目魏王仲宣粲有登樓賦公讎詩詠史詩七哀詩贈蔡子篤詩贈士孫

文始詩贈文叔良詩從軍詩五首雜詩一道

嚴氏全後漢文編王粲有去伐論集三卷漢末英雄記十卷集十一卷今存賦書檄七釋頌贊論荊州文學官志做連珠銘弔綜四十六篇編爲二卷

案王粲傳云魏國既建拜侍中又武紀建安十八年十一月初置尙書侍中六卿注引魏氏春秋曰以王粲杜襲衛覬和洽爲侍中是王粲爲魏國侍中非漢侍中經部書類題魏侍中魏下當增國字此題後漢侍中則全非事實矣

梁有魏國郎中令路粹集二卷錄一卷亡魏志王粲傳注典略曰粹字文蔚少學于蔡邕初平中隨車駕至三輔建安初以高才與京兆嚴像擢拜尙書郎粹後爲軍謀祭酒與陳琳阮瑀等典記室及孔融有過太祖使粹爲奏承指數致融非融誅之後人觀粹所作無不嘉其才而畏其筆也至十九年粹轉爲祕書令從大軍至漢中坐違禁賤請驢伏法太子素與粹善聞其死爲之歎惜及卽位特用其子爲長史 案此則路粹官至祕書令本志引七錄題尙書令未詳孰是

文心雕龍奏啓篇曰觀孔光之奏董賢則實其奸回路粹之奏孔融則誣其毀惡名儒之與儉士固殊心焉

唐書經籍藝文志魏路粹集二卷案此入魏代亦非

嚴氏全後漢文編曰路粹有集二卷今惟存

枉狀奏孔融爲曹公與孔融書各一篇並見融傳

梁有行御史大夫袁渙集五卷錄一卷亡魏志本傳渙字曜卿陳郡扶樂人也父滂爲漢司徒渙初爲郡功曹後辟公府舉高第遷侍御史劉備之爲豫州舉渙茂才後避地江淮間爲袁術所命呂布擊術于阜陵渙往從之布破歸太祖拜爲沛南部都尉遷梁相病去官後徵爲諫議大夫丞相軍祭酒魏國初建爲郎中令行御史大夫事居官數年卒

唐書經籍藝文志魏袁渙集五卷案此入魏代亦非

嚴氏全後漢文編袁渙有集五卷今存與主簿孫徽等教說曹公與曹子建書凡三篇

梁有魏國奉常王修集二卷亡魏志本傳修字叔治北海營陵人也初平中北海相孔融召以爲主簿守高密令舉孝廉不行復署功曹守膠東令融每有難常賴修以免袁譚在青州辟修爲治中從事袁紹又辟除卽墨令紹譚死遂詣太祖爲司空掾行司金中郎將遷魏郡太守魏國既建爲大司農郎中令徙奉常病卒官

唐書經籍藝文志魏王修集三卷案此入魏代亦非

嚴氏全後漢文編王修有集三卷今存四孤議奏記曹公陳黃白異議誠子書各一篇

後漢黃門郎丁廙集一卷梁二卷錄一卷

魏志王粲傳自穎川邯鄲淳繁欽陳留路粹沛國丁儀丁廙弘農楊修河內荀綽等皆有文采而不在此七人之列謂此亦七人而不在文帝所論建安七子之列也建安七子亦云鄴下七子見前孔融集條

又陳思王植傳植既以才見異而丁儀丁廙楊修等爲之羽翼太祖狐疑幾爲太子者數矣而植任性而行不自彫勵飲酒不節文帝御之以術矯情自飾宮人左右並爲之說故遂定爲嗣植嘗乘車行馳道中開司馬門出太祖大怒公車令坐死由是重諸侯科禁而植寵日衰太祖既慮終始之變以楊修頗有才策又袁氏之甥也于是以罪誅修文帝即王位誅丁儀丁廙并其男口

又傳注魏略曰丁儀字正禮沛郡人也父冲宿與太祖親善太祖嘗德之聞儀爲令士辟爲掾與臨淄侯親善數稱其奇才太祖既有意立植而儀又共贊之及太子立欲治儀罪轉儀爲右刺姦掾欲儀自裁而儀不能乃對中領軍夏侯尚叩頭求哀尚爲涕泣而不能救後遂因職事收付獄殺之廙字敬禮儀之弟也文士傳曰廙少有才姿博學洽聞初辟公府建安中爲黃門侍郎

唐書經籍藝文志魏丁儀集二卷丁廙集二卷案此入魏代亦非

嚴氏全後漢文編輯存了儀厲志賦周成漢昭論刑禮論凡三篇又丁廙蔡伯喈女賦彈碁賦二篇

案舊唐志以袁渙應瑒徐幹劉楨路粹丁儀丁廙王修八家皆入之魏代新唐志因之不知此八人皆卒于建安之時其時雖魏國已建而漢天子猶在位所謂魏公魏王者猶是漢之諸侯王故比之諸侯王官屬仍隸後漢此本志據七錄限斷之例之最善者唐志不究其所以然遽爾更易舛疏甚矣其他諸家記載于漢魏之際亦復多所依違莫衷一是唯本志此一類及嚴氏文編則具有斷制無所遷就可爲定讞梁又有婦人後漢黃門郎秦嘉妻徐淑集一卷

鍾嶸詩品曰漢上計秦嘉妻徐淑詩夫妻事既可傷文亦悽怨爲五言者不過數家而婦人居二徐淑敘別之作亞于團扇矣

馮氏詩紀曰秦嘉字士會隴西人有留郡贈婦詩三首其序云嘉爲上計掾其妻徐淑寢疾還家不獲面別贈詩云爾又有贈婦詩一首述昏詩二章徐淑有答秦嘉詩一首

嚴氏鐵橋漫稿後漢秦嘉妻徐淑傳序曰嘉字士會後漢桓帝時人官黃門郎作秦嘉妻傳其文多拾成言可補范書列女傳之闕其略曰隴西秦嘉妻者同郡徐氏女也名淑有才章適嘉嘉仕郡淑居下縣有疾嘉舉上計掾將行以車迎淑爲別而與淑書淑答書以疾未能行嘉重報淑淑又報嘉書嘉遂行入洛尋除黃門郎居數年病卒于津鄉亭初淑生一女無子及嘉奉使淑乞子而養之尋

守寡時猶豐少兄弟將嫁之誓而不許爲書與兄弟竟毀形不嫁哀慟傷生亡後子還所生朝廷通儒移其鄉邑錄淑所養子還繼秦氏之祀淑所著詩文有集一卷

又全後漢文編曰秦嘉字士會隴西人桓帝時仕郡舉上計掾入洛除黃門郎病卒于津鄉亭有與妻徐淑書重報妻書各一篇徐淑有集一卷今存答夫秦嘉書一篇又報嘉書一篇爲誓書與兄弟一篇

案秦嘉有詩文傳世而本志無其集古來文集多附載他人往還之作或嘉之詩文并在徐淑集中未可知也元和姓纂曰後漢上計掾秦嘉集敘下邳皮仲固撰則嘉亦有集抑姓纂嘉下敘妻字亦即徐淑集而皮仲固爲之敘也

梁又有後漢董祀妻蔡文姬集一卷亡

後漢書列女傳陳留董祀妻者同郡蔡邕之女也名琰字文姬博學有才辯又妙于音律適河東衛仲道夫亡無子歸寧于家與平中天下喪亂文姬爲胡騎所獲沒于南匈奴左賢王在胡中十二年生二子曹操素與邕善痛其無嗣乃遣使者以金璧贖之而重嫁于祀祀爲屯田都尉犯法當死文姬詣曹操請之時公卿名士及遠方使驛坐者滿堂操謂賓客曰蔡伯喈女在外今爲諸君見之及文姬進蓬首徒行叩頭請罪音辭清辨旨甚酸哀衆皆爲改容操感其言乃追原祀罪時且寒賜以頭巾履襪操因問曰聞夫人家先多

墳籍猶能憶識之不文姬曰昔亡父賜書四

千許卷流離塗炭罔有存者今所誦憶裁四

百餘篇耳操曰今當使十吏就夫人寫之文

姬曰妾聞男女之別禮不親授乞給紙筆真

草唯命于是繕書送之文無遺誤後感傷亂

離追懷悲憤作詩二章案范書此傳載其詩之後

絕無一語其文似不完故其所著若干篇及其餘事皆不

得而詳丁廙有蔡伯喈女賦當在此時作同作者當不

止丁廙一人王粲得蔡氏家書之事雖中郎有是言觀

于此傳亦未必實有其事也

魏文帝集蔡伯喈女賦序曰家公與蔡伯喈

有管鮑之好乃命使者周近持玄璧于匈奴

贖其女還以妻屯田都尉使者

宋書藝文志經部樂類蔡琰胡笳十八拍四

卷

書畫譜書家傳黃山谷集曰蔡琰胡笳引自

書十八章極可觀

馮氏世紀蔡琰有悲憤詩二首又胡笳引十

八章

梁又有傅石甫妻孔氏集一卷

傅石甫及孔氏始末並未詳

右後漢人文凡三十五家附梁有三十六

家綜七十一部是為別集類分篇第二內

誤入吳人虞翻一家

隋書經籍志考證卷三十九之三

集部二之三

別集類三三國

魏武帝集二十六卷梁三十卷錄一卷梁又有武

皇帝逸集十卷七

魏武帝集新撰十卷

魏志本紀注魏書曰太祖御軍三十餘年手

不捨書晝則講武策夜則思經傳登高必賦

及造新詩被之管絃皆成樂章

又文帝紀注典論自敘曰上雅好詩書文籍

雖在軍旅手不釋卷每定省從容常言人

少好學則思專長則善忘長大而能勤學者

唯吾與袁伯業耳袁遺字伯業袁紹從兄見武紀初

平元年裴氏注

鍾嶸詩品曰曹公古直甚有悲涼之句

文心雕龍時序篇曰建安之末區宇方輯魏

武以相王之尊雅愛詩章

唐書經籍藝文志魏武帝集三十卷

馮氏詩紀輯存樂府度關山短歌行善哉行

碣石篇雜露蒿里行苦寒行善哉行卻東西

門行氣出唱精列對酒陌上桑秋胡行凡十

四篇二十一首

張溥百三家魏武帝集一卷凡令教表奏事

策書尺牘序祭文樂府歌辭綜一百四十五

篇

汪氏文選撰人篇目魏武帝操有樂府二道

嚴氏全三國文編曰魏武帝有孫子略解一

卷兵書接要十卷兵法接要三卷兵書要略

九卷兵法一卷集三十卷逸集十卷今存賦

策表奏上書上事教令書序家傳四時食制

祀故太尉橋玄文凡一百五十篇編為三卷

魏文帝集十卷梁二十三卷

魏文帝有典論見經部小學家子部儒家

魏志本紀初帝好文學以著述為務自所勒

成垂百篇

又本紀評曰文帝天資文藻下筆成章博聞

強識才藝兼該

又本紀注魏書曰帝八歲能屬文有逸才博

貫古今經傳諸子百家之書初在東宮疫癘

大起時人彫傷帝深感歎與素所敬者大理

王朗書曰生有七尺之形死為一棺之土唯

立德揚名可以不朽其次莫如著篇籍疫癘

數起士人彫落余獨何人能全其壽故論撰

所著典論詩賦蓋百餘篇胡沖吳曆曰帝以

素書所著典論及詩賦餉孫權又以紙寫一

通與張昭

鍾嶸詩品曰魏文帝詩其源出於李陵頗有

仲宣之體則所訂百許篇率皆鄙質如偶語

惟西北有浮雲十餘首殊美贍可翫始見其

工矣不然何以銓衡羣彥對揚厥弟者耶

文心雕龍才略篇曰魏文之才洋洋清綺舊

談抑之謂去植千里然子建思捷而才備詩

麗而表逸子桓慮詳而力緩故不競于先鳴

而樂府清越典辨要迭用短長亦無憎焉

但俗情抑揚雷同一響遂令文帝以位尊減

才思王以勢窳益價未為篤論也又銘箴篇

曰魏文九寶器利辭鈍序志篇云近代論文若魏文述典密而不周

唐書經籍藝文志魏文帝集十卷

宋史藝文志魏文帝集一卷

玉海藝文類中與書目曰魏文帝集六卷賦詩各二書表詔一雜文一

馮氏詩紀輯存樂府十八篇二十二首詩十六篇二十首

張氏百三家魏文帝集二卷凡賦詔令策教表書序論議連珠銘文哀策誄制樂府詩綜一百九十餘篇

汪氏文選撰人篇曰魏文帝不有芙蓉池詩樂府二首與吳質書與鍾大理書典論論文嚴氏全三國文編魏文帝有典論五卷列異傳三卷集二十三卷今存賦制詔策令教上書議書敍論連珠銘誄哀策文受禪告天文凡一百六十九篇編爲四卷繫以典論佚文魏明帝集七卷梁五卷或九卷錄一卷

魏志本紀注魏書曰帝好學多識特留意于法理自在東宮不交朝臣不問政事唯潛思書籍而已

鍾嶸詩品曰曹公古直甚有悲涼之句叡不如丕亦稱三祖

文心雕龍時序篇明帝纂戎制詩度曲徵篇章之士置崇文之館何劉羣才迭相照耀

唐書經籍藝文志魏明帝集十卷

馮氏詩紀輯存樂府十篇

嚴氏全三國文編曰魏明帝諱叡字元仲文

帝太子黃初七年五月即位改元三太和青龍景初在位十三年諡曰明皇帝廟號烈祖有集七卷唐志作十卷今存賦詔璽書露布論哀册文凡九十篇

梁又有高貴鄉公集四卷亡

高貴鄉公有春秋左氏傳音見經部春秋家魏志本紀甘露元年夏四月丙辰帝幸太學問諸儒夏連山殷歸藏周易之書易博士淳于俊對講易畢復命講尙書博士庾峻對復命講禮記博士馬照對二年五月辛未帝幸辟雍會命羣臣賦詩侍中和道尙書陳騫等作詩稽留有司奏免官詔曰吾以暗昧愛好文雅廣延詩賦以知得失而乃爾紛紜良用反仄其原適等主者宜勅自今以後羣臣皆當玩習古義修明經典稱朕意焉 案大學講義見載本紀者尙千數百言蓋節錄非本文此必陳承祚從本集或當時注記所有采以入史者

又本紀評曰高貴公才慧夙成好問尙辭蓋亦文帝之風流也注引魏氏春秋曰公神明爽儻德音朗罷朝司馬景王私曰上何如主也鍾會對曰才同陳思武類太祖

又注紀魏氏春秋曰甘露元年二月丙辰帝宴羣臣於太極東堂與侍中荀顛尙書崔贊袁亮鍾毓給事中中書令虞松等並講述禮典遂言帝王優劣之次因問顛等夏少康漢高祖功德誰先顛等對以高祖爲優帝曰宜高夏康而下漢祖諸卿具詳論之翌日丁巳講業既畢顛亮等議少康爲優宜如詔旨中

書令松進曰少康之事去世久遠自古及今議論之士莫有言者德美隱而不宣陛下既垂心遠鑒考詳古昔又發德音贊明少康之美使顯于千載之上宜錄以成篇永垂于後于是侍郎鍾會退論次焉嘉定錢大昕三國志考異曰案少康之論意常在司馬氏也聰明太露終爲權臣所忌失艱貞自晦之義能處此者其後周武帝乎 案此論當在本集

又紀注傅暢晉諸公贊曰帝常與中護軍司馬望侍中王沈散騎常侍裴秀黃門侍郎鍾會等講宴於東堂并屬文論名秀爲儒林大人沈爲文籍先生望會亦各有名號帝性急請召欲速秀等在內職到得及時以望在外特給追鋒車虎賁卒五人每有集會望輒奔馳而至

文心雕龍時序篇曰少主相仍唯高貴英雅顧盼合章動言成論于時正始餘風篇體輕澹而嵇阮應繆並馳文路矣又諧謔篇曰謔者隱也漢世隱書十有八篇歆固編文錄之歌末自魏代以來化爲謎語謎也者迴護其辭使昏迷也或體目文字或圖象品物纖巧以弄思淺察以銜辭義欲婉而正辭欲隱而顯荀卿蠶賦已兆其體至魏文陳思約而密之高貴鄉公博舉品物雖有小巧用乖遠大然文辭之諧謔譬九流之有小說云 案此則文帝集陳思王集及是集皆有謎語一類惟此集又博舉品物尤多于前云

初學記職官部魏高貴鄉公集曰幸華林賜

羣臣酒酒酣上援筆賦詩羣臣以次作二十四人不能著詩授罰酒黃門侍郎鍾會爲上金樓子雜記篇高貴鄉公賦詩給事中甄欽陶成嗣各不能著詩受罰酒

唐書經籍藝文志魏高貴鄉公集二卷

嚴氏全三國文編曰公諱髦字彥士文帝孫東海王霖子正始五年封郟縣高貴鄉公嘉平六年十月即位改元二正元甘露在位六年爲司馬昭所弒有集四卷今存賦詔顏子論及魏志紀注引帝集自敘始生禎祥凡十四篇其東堂會羣臣論夏少康漢高祖優劣嚴氏編入鍾會集魏氏春秋所載卽鍾會撰次是論之序文

案張彥遠歷代名畫記曰曹髦之迹獨高

魏代有祖二疏圖盜跖圖黃河流勢圖新豐放雞犬圖傳于代又有於陵子黔婁夫妻圖宋郭若虛圖畫見聞志云魏曹髦有卞莊子刺虎圖案帝被弒年僅二十以弱冠之年而才藝流傳後世有如此鍾會對司馬師言才同陳思非虛譽也

魏陳思王曹植集三十卷

陳思王有列女傳頌見史部雜傳篇

植文章序曰故君子之作也儼乎若高山勃乎若浮雲質素也如秋蓬擣藻也如春葩泥乎洋洋光乎膈膈與雅頌爭流可也余少而好賦其所向也雅好慷慨所著繁多雖觸類而作然蕪穢者衆故刪定別撰爲前錄七十八篇案傳注引典略臨當侯植與楊修書云今往僕少小所著辭賦一通相與修答書云猥受顧賜教使刊定似

卽此前錄嘗以屬楊修審定者時爲建安十九年徒封臨苗之後事也

魏志本紀明帝景初中詔曰陳思王昔雖有過失既克己慎行以補前闕且自少至終篇籍不離于手誠難能也其收黃初中諸奏植罪狀公卿已下議尙書中書祕書三府大鴻臚者皆削除之撰錄植前後所著賦頌詩銘雜論凡百餘篇副藏內外案此稱前後所著蓋并前錄自定之七十八篇合爲百餘篇也 晉書曹志傳志曰先王有手所作目錄

鍾嶸詩品曰陳思王詩其源出於國風骨氣奇高詞采華茂情兼雅怨體被文質粲溢今古卓爾不羣嗟乎陳思之子文章也譬人倫之有周孔鱗羽之有龍鳳音樂之有琴瑟女工之有黼黻俾爾懷鉛吮墨者抱篇章而景慕曠餘暉以自燭故孔氏之門如用詩則公幹升堂思王入室景陽潘陸自可坐於廊廡之間矣張協字景陽有集見西晉人集中

文心雕龍明詩篇暨建安之初五言騰踊文帝陳思縱轡以聘節王徐應劉望路而爭馳並憐風月狎池苑述恩榮鼓酣宴慷慨以任氣磊落以使才造懷指事不求纖密之巧驅辭逐貌唯取昭晰之能此其所同也又曰四言五言兼善則子建仲宣又章表篇曰陳思之表獨冠羣才觀其體瞻而律調辭清而旨顯應物制巧隨變生趣執轡有餘故能緩急應節矣又封禪篇曰陳思魏德假論客主問答迂緩且已千言勞深勸寡颺炎缺焉又誅

碑篇曰陳思叨名而體實繁緩文皇誅末旨言自陳其乖其矣雜文篇曰陳思七啓致美于宏壯陳思客問辭高而理疎頌贊篇云陳思所綴以皇子爲標謂所作皇太子生頌也論說篇云曹植辯道體同書鈔序志篇云詳觀近代之論文者若陳思序書辨而無當

唐日本國見在書目魏曹植集三十卷 唐書經籍藝文志魏陳思王集二十卷又三十卷案此兩本疑前後錄分編或猶是景初舊第

宋史藝文志曹植集十卷

晁氏讀書志曹植集十卷魏曹植子建也太祖子文帝封植爲陳王卒年三十一 案文帝當云明帝三十一當爲四 案魏志景初中撰錄植所著賦頌詩銘雜論凡百餘篇隋志三十卷唐志二十卷今集十卷比隋唐本有亡逸者而詩文二百篇返溢于本傳所載不曉其故

陳氏書錄曰陳思王集二十卷卷數與前志合其間亦有采取御覽書鈔類聚諸書中所有者意皆後人附益然則亦非當時全書矣其間或引摯虞流別集此書國初已亡猶是唐人舊傳也

四庫提要曰曹子建集十卷目錄後有嘉定六年癸酉字猶從宋寧宗時本翻影蓋卽通考所載也凡賦四十四篇詩七十四篇雜文九十二篇合二百十篇殘篇斷句錯出其間棄婦篇見玉臺新詠鏡銘八字反覆顛倒皆叶韻成文實爲迴文之祖見藝文類聚皆未

收入亦不免有所舛漏

汪氏文選撰人篇目魏曹子建植有洛神賦  
責躬詩應詔詩公讎詩送應氏詩三良詩七  
哀詩贈徐幹詩贈丁儀詩贈王粲詩贈丁儀

王粲詩贈白馬王詩贈丁翼詩樂府四首朔  
風詩雜詩六首情詩七啓求自試表求通親

親表與楊德祖書與吳季重書王仲宣誄  
嚴氏文編卷首敘目曰曹植集十卷明郭萬

程刻本又二卷明張溥百三家集本又四錄  
堂類集總目陳思王集十卷可均校編又全

三國文編輯本七卷凡賦五十六篇及令章  
表疏書序頌畫贊論說銘誄雜文百四十三

篇馮氏詩紀樂府詩各一卷

張氏書目答問曹子建集十卷明仿宋刻附  
音義本明安氏活字版本漢陽朝宗書室活

字版本

梁又有司徒華歆集二卷亡  
魏志本傳歆字子魚平原高唐人也初爲郡

吏靈帝時舉孝廉除郎中病去官何進徵爲  
尙書郎董卓遷天子長安歆求出爲下邳令

袁術留歆歆說術進軍討卓術不能用太傅  
馬日磾安集關東辟爲掾東至徐州詔拜豫

章太守孫策略地江東乃幅巾迎策策死太  
祖在官渡徵拜議郎參司空軍事入爲尙書

轉侍中代荀彧爲尙書令表爲軍師魏國既  
建爲御史大夫文帝卽王位拜相國封安樂

鄉侯及踐阼改爲司徒明帝卽位進封博平  
侯轉拜太尉太和五年薨諡曰敬侯子表嗣

魏書曰歆時年七十五

唐書經籍志魏華歆集二十卷藝文志三十  
卷 案兩志卷數與七錄懸殊必有一誤卽益以漢魏名  
臣奏恐亦無二三十卷之多也

嚴氏全三國文編華歆唐有集三十卷今存  
請敘鄭小同表諫伐蜀疏請受禪上言奏討

孫吳凡四篇

魏司徒王朗集三十四卷梁三十卷  
王朗有左氏釋駁見經部春秋家

魏志本傳朗著易春秋孝經周官傳奏議論  
記成傳于世

文心雕龍奏啓篇曰魏代名臣文理迭興若  
高堂天文王朗節省亦盡節而知治矣又銘

箴篇曰王朗雜箴乃置巾履得其戒慎而失  
其所施觀其約文舉要憲章戒銘而水火井

竈繁辭不已志有偏也又才略篇曰王朗發  
憤以託志亦致美于序銘

唐書經籍藝文志王朗集三十卷  
嚴氏全三國文編輯存表疏上事奏議論

雜箴貧窶語塞勢凡三十二篇

梁又有司徒陳羣集五卷亡案司徒當爲司空  
魏志本傳羣字長文潁川許昌人也祖父寔

父紀叔父諶皆有盛名魯國孔融高才倨傲  
年在紀羣之間先與紀友後與羣交更爲紀

拜由是顯名劉備臨豫州辟羣爲別駕後隨  
紀避難徐州屬呂布破太祖辟爲司空西曹

掾屬以司徒掾舉高第爲治書侍御史參丞  
相軍事魏國既建爲御史中丞轉侍中領丞

相東西曹掾文帝卽王位封昌武亭侯徒爲

尙書制九品官人之法羣所建也及踐阼進  
爵穎鄉侯明帝卽位晉封穎陰侯爲司空錄

尙書事青龍四年薨諡曰靖侯明紀青龍四年  
十二月癸巳司空陳羣薨

又傳注魏書曰羣前後數密陳得失每上封  
事輒削其草時人及其子弟莫能知也論者

或譏羣居位拱默正始中詔羣臣上書以爲  
名臣奏議朝士乃見羣諫事皆嘆息焉

魏何晏論語集解序曰近故司空陳羣太常  
王肅博士周生烈皆爲義說 案汪氏文選理學

權輿曰選注所引羣書有陳羣論語義說是其書唐初猶  
傳李善得見而據之本志不著錄何氏集解所引止三條  
馬氏玉函山房輯以備一家云

通典選舉門魏文帝爲魏王時三方鼎立士  
流播遷四人錯雜詳覈無所延康元年吏部

尙書陳羣以天朝選用不盡人才乃立九品  
官人之法州郡皆置中正以定其選擇州郡

之賢有識鑒者爲之區別人物第其高下又  
制郡口十萬以上歲察一人其有秀異不拘

戶口其武官之選俾護軍主之黃初三年始  
除舊漢限年之制令郡國貢舉勿拘老幼儒

通經術吏達文法則皆試用 杜佑曰案九品之  
制初因後漢建安中天下與兵衣冠士族多離于本土欲  
徵源流遠雖委悉魏氏革命州郡縣俱置大小中正各以

本處人任諸府公卿及臺省郎吏有德充才盛者爲之區  
別所管人物定爲九等其有言行脩著則升進之儻或道  
義虧缺則降下之是以吏部不能審定天下士庶人才故

義虧缺則降下之是以吏部不能審定天下士庶人才故



委中正銓第等級憑之授受謂免乖戾及其弊也唯能知其闊闊非復辨其賢愚所以劉毅云上品無寒門下品無勢族南朝至于梁陳北朝至于周隋選舉之法雖互相損益而九品及中正至開皇中方罷案九品官人之法始于陳寧行于魏晉南北朝最久而譜學家一派亦由是斷而復續故附著其大略于此

唐書經籍藝文志陳羣集三卷

嚴氏全三國文編陳羣有集五卷今存疏諫奏議書及汝穎人物論佚文凡一十三篇

魏給事中郎鄆淳集二卷梁有錄一卷

鄆淳淳有笑林見子部小說家

魏志王粲附傳潁川鄆淳淳等亦有文采注引魏略曰黃初初以淳爲博士給事中淳作投壺賦千餘言奏之文帝以爲工賜帛千匹案千匹似非實事

後漢列女曹娥傳注會稽典錄曰上虞長度

向弟子鄆淳淳字子禮時甫弱冠時謂漢桓帝元嘉元年也而有異才向先使魏朗作曹娥碑

文成未出會朗見向與之飲宴而子禮方至督酒向問朗碑文成未朗辭不才因試使子禮爲之操筆而成無所點定朗嗟嘆不暇遂毀其草其後蔡邕又題八字曰黃絹幼婦外孫壘曰

文心雕龍才略篇曰丁儀鄆亦合論述之美又封禪篇曰至于鄆鄆受命攀轡前聲風末力寡輯韻成頌雖文理順序而不能奮飛唐書經籍藝文志鄆淳淳集二卷

馮氏詩紀輯存答贈臨菑侯詩一篇

嚴氏全三國文編輯存投壺賦受命述及上表漢鴻臚陳紀碑孝女曹娥碑凡五篇

梁又有劉廙集二卷亡

劉廙有政論見子部法家

魏志本傳廙著書數十篇及與丁儀共論刑禮皆傳于世

吳志孫皓傳注江表傳曰初丹陽刁玄使蜀得司馬微與劉廙論運命曆數事

又陸遜傳黃龍元年微遜輔太子南陽謝景善劉廙先刑後禮之論遜呵景曰禮之長于刑久矣廙以細辯而詭先聖之教皆非也君

今侍東宮宜遵仁義以彰德音若彼之談不須講也

文心雕龍書記篇曰劉廙謝恩喻切以至箋之爲善者也

唐書經籍藝文志劉廙集二卷

嚴氏全三國文編劉廙有政論五卷集二卷今存表疏上言奏議箋答難戒弟書凡二十篇附政論佚文八篇

梁又有侍中吳質集五卷亡

魏志王粲附傳吳質濟陰人以文才爲文帝所善官至振威將軍假節都督河北諸軍事封列侯

又傳注魏略曰質字季重以才學通博爲五官將及諸侯所禮愛出爲朝歌長遷元城令

始質爲單家少遊傲貴戚間不與鄉里相沉浮故雖已出官本國猶不與之十名及魏有

天下文帝徵質與車駕會洛陽到拜北中郎

將封列侯使持節督幽并諸軍事治信都及文帝崩質思慕作詩太和四年入爲侍中其年夏卒質先以怙威肆行諡曰醜侯質子應仍上書論枉至正元中乃改諡威侯

唐書經籍藝文志吳質集五卷

汪氏文選撰人篇目魏吳季重質有答魏太子箋與魏太子箋答東阿王書

嚴氏全三國文編輯存魏都賦箋書論凡七篇馮氏輯存思慕詩一首

梁又有新城太守孟達集三卷亡

蜀志劉封傳初劉璋遣扶風孟達副法正各將兵迎先主蜀平後以達爲宜都太守建安二十四年命達北攻房陵進攻上庸遣封下

統達軍自關羽圍樊城襄陽連呼封達發兵自助封達不承羽命會羽覆敗先主恨之又

封與達忿爭不和封尋奪達鼓吹達既懼罪又忿恚封遂發表辭先主率所領降魏魏文帝善達之姿才容觀以爲散騎常侍建武將軍封平陽亭侯合房陵上庸西城三郡達領

新城太守遣征南將軍夏侯尚右將軍徐晃與達共襲封封破走還成都達字子敬改字子度

魏志文紀延康元年秋七月蜀將孟達率衆降明紀太和元年十二月新城太守孟達反

詔驃騎將軍司馬宣王討之二年春正月宣王攻破新城斬達傳其首達反事詳見明紀注又

略見劉曄傳

唐書經籍藝文志孟達集三卷一本或誤作達

嚴氏全三國文編蜀孟達字子度扶風人初字子敬避先主叔父諱改先主領荊州以為宜都太守後降魏為散騎常侍建武將軍封平陽亭侯領新城太守徙安定復還新城建興中丞相亮數書招之遂通款事露司馬懿討斬之有辭先主表在魏奏薦王雄在魏與劉封書在魏與諸葛亮書兵到又告諸葛亮凡五篇

梁又有魏徵士管寧集三卷錄一卷亡

魏志本傳寧字幼安北海朱虛人也與平原華歆同縣邴原相友俱游學于異國並敬善陳仲弓天下大亂與原及平原王烈等至于遼東文帝即位徵以為太中大夫明帝詔以為光祿勳自黃初至于青龍徵命相仍並固辭不受正始二年特具安車蒲輪束帛加璧聘焉會卒年八十四

又傳注傅子曰寧以衰亂之時世多安變氏族者遠聖人之制非禮命姓之意故著氏姓論以原本世系文多不載

唐書經籍藝文志管寧集二卷

嚴氏全三國文編曰寧避亂遼東三十七年文帝時還就徵以為太中大夫固辭明帝及齊王屢徵不出正始二年卒有集三卷今存辭疾上書辭徵命上疏辭辟別駕文答桓範書凡四篇

魏光祿勳高堂隆六卷梁十卷錄一卷 隆下敘集字

高堂隆有魏臺雜訪議見史部刑法篇

魏志本傳評曰高堂隆學業修明志存匡君

因變陳戒發于懇誠忠矣哉及至必改正朔俾魏祖虞所謂意過其通者歟

又傳注習鑿齒曰高堂隆可謂忠臣矣君修每思諫其惡將死不忘憂社稷正辭動于昏主明戒驗于身後譽謂足以勵物德音沒而彌彰可不謂忠且智乎詩云聽用我謀庶無大悔又曰曾是莫聽大命以傾其高堂隆之謂也

唐書經籍藝文志高堂隆集十卷

嚴氏全三國文編高堂隆有集十卷今存對詔表疏上言奏議對問凡二十九篇編為一卷

梁又有光祿勳劉邵集二卷魏一卷亡 魏當為

錄

劉邵有孝經注見經部孝經類

魏志本傳黃初中受詔集五經羣書以類相從作皇覽明帝時與議郎庾嶷荀詵等定科令作新律十八篇著律略論嘗作趙都賦明帝美之詔邵作許都洛都賦時外興軍旅內營宮室邵作二賦皆諷諫焉景初中受詔作都官考課七十二條又作說略一篇又以為宜制禮作樂以移風俗著樂論十四篇事成未上會明帝崩不施行正始中執經講學凡所撰述法論人物志之類百餘篇

又傳評曰劉邵該覽學籍文質周洽

文心雕龍才略篇曰劉邵趙都能攀于前修

唐書經籍藝文志劉邵集二卷

嚴氏全三國文編劉邵有八人物志三卷法論

十卷集二卷今存趙都賦嘉瑞賦龍瑞賦疏議序七華飛白序勢凡十三篇本傳有許都賦洛都賦及樂論十四篇文俱佚

魏散騎常侍繆襲集五卷梁有錄一卷

繆襲有列女傳贊見史部雜傳類晉書樂志漢時有短簫鏡歌之樂其曲列于鼓吹多鼓戰陳之事及魏受命改其十二曲使繆襲為辭述以功德代漢

宋書樂志魏鼓吹曲十二篇繆襲造第一曲初之平言魏也第二曲戰榮陽言曹公也第三曲獲呂布言曹公東圍臨淮生擒呂布也第四曲克官渡言曹公與袁紹戰破之于官渡也第五曲舊邦言曹公勝袁紹于官渡還譙收藏士卒死亡也第六曲定武功言曹公初破鄴武功之定始乎此也第七曲屠柳城言曹公越北塞歷白檀破三郡烏桓于柳城也第八曲平南荆言曹公南平荊州也第九曲平關中言曹公征馬超定關中也第十曲應帝期言文帝以聖德受命應運期也第十二曲邕熙言君臣邕穆庶績咸熙也第十二曲太和言魏明帝繼體承統太和改元德澤流布也

文心雕龍樂府篇曰軒岐鼓吹並入樂府繆襲所製亦有可算焉

鍾嶸詩品曰熙伯挽歌唯以造哀爾

唐書經籍藝文志繆襲集五卷

馮氏詩紀錄存鼓吹曲十二篇挽歌一篇

汪氏文選撰人篇曰魏繆熙伯襲有挽歌一

首

嚴氏全三國文編曰繆襲有列女傳贊一卷  
集五卷今存賦表奏對奏議贊祭儀凡一十  
四篇

梁又有散騎常侍王象集一卷亡

魏志揚俊傳俊河內人也以兵亂避地并州  
本郡王象少孤特為人僕隸年十七八見使  
牧羊而私讀書因被筆楚俊嘉其才質即贖  
象著家娉娶立屋然後與別文帝踐阼俊仕  
歷南陽太守時王象為散騎常侍疏薦俊宜  
還朝宣力輦轂初臨舊侯與俊善太祖適嗣  
未定密訪羣司俊稱臨舊猶美文帝常以恨  
之黃初二年車駕至宛發怒收俊象請俊叩  
頭流血帝不許俊曰吾知罪矣遂自殺衆冤  
痛之秦楊俊之死不以罪蓋與楊修丁儀丁廙同為臨  
舊故也 又衛凱傳末云黃初時散騎常侍河內王象亦  
與凱並以文章顯

又傳注魏略曰王象字義伯既為俊所知援  
果有才智建安中與同郡荀緯等俱為魏太  
子所禮待及王粲陳琳阮瑀路粹等亡後新  
出之中惟象才最高魏有天下拜象散騎侍  
郎遷為常侍封列侯受詔撰皇覽使領祕書  
監象既性氣和厚又文采溫雅用是京師歸  
美稱為儒宗及文帝殺楊俊象自恨不能濟  
俊遂發病死

嚴氏全三國文編象以救楊俊不許發病死  
有集一卷今惟見薦楊俊一篇  
梁又有光祿大夫章誕集三卷錄一卷亡

章誕有章氏相板印法指略鈔見子部五行  
家

魏志劉邵附傳邵同時光祿大夫京兆章誕  
等亦著文賦頗傳于世

又傳注文章敘錄曰初邯鄲淳衛覬及誕並  
善書有名覬孫恆撰四體書勢其序篆書曰  
章誕師淳而不及太和誕為武都太守以  
能書留補侍中魏氏寶器銘題皆誕書云  
三輔決錄佚文曰章誕字仲將除武都太守  
以書不得之郡轉侍中典作魏書號散騎書  
一名大魏書凡五十篇 案此蓋決錄注文其稱散  
騎書者當時號仲將所書又云大魏書五十篇者似因與  
脩王沈魏書之事其間似有跋文也

世說巧藝篇注文文章敘錄曰誕有文學善屬  
辭衛恆四體書勢曰誕善楷書魏宮多誕所  
題明帝立凌霄觀誤先釘榜乃籠盛誕轆轤  
長絙引上使就題之去地二十五丈誕甚危  
懼乃戒子孫絕此楷法箸之家令

唐張懷瓘書斷曰誕伏膺于張芝兼邯鄲淳  
之法諸書並善尤精題署青龍中洛陽許鄴  
三都宮觀始成詔令仲將大為題署以為永  
制給御筆墨皆不任用因曰蔡邕自矜能書  
兼斯喜之法非流紈體素不安下筆夫工欲  
善其事必先利其器若用張芝筆左伯紙及  
臣墨兼此三具又得臣手然後可以建徑丈  
之勢方寸寸言嘉平五年卒

宋刻全本意林第六卷章仲將筆墨法一卷  
唐書經籍藝文志章誕集三卷又經部小學

類筆墨法一卷

嚴氏全三國文編章誕有集三卷今存賦奏  
駁頌誄及墨方筆方凡八篇

梁又有散騎常侍麋元集五卷亡

麋元始末未詳

唐書經籍藝文志麋元集五卷

嚴氏全三國文編曰麋元為散騎常侍有集  
五卷藝文類聚三十六有魏麋元譏許由一  
篇又三十七及御覽五百九十六有元弔夷  
齊文一篇

按麋元不知何許人魏有麋信蜀有麋竺  
麋芳並東海朐人殆其族歟類聚弔夷齊  
文有王粲阮瑀麋元三家劉勰謂仲宣傷  
其隘譏呵實古今觀麋作實亦與之同御  
覽此卷又有麋元弔比干文嚴氏不取或  
審定非元文

梁又有游擊將軍卞蘭集二卷錄一卷亡

魏志武宣卞皇后傳后瑯邪開陽人文帝母  
也本倡家后弟秉以功封都鄉侯進封開陽  
侯秉薨子蘭嗣少有才學為奉車都尉游擊  
將軍加散騎常侍薨

又傳注魏略曰蘭獻賦贊述太子德美由是  
遂見親近明帝時蘭見外有二難而帝留意  
于宮室常因侍從數切諫帝雖不能從猶納  
其誠款後苦酒消渴以亡

唐書經籍藝文志卞蘭集二卷

嚴氏全三國文編輯存贊述太子賦許昌宮  
賦七枚座右銘凡四篇

梁又有隰陽侯李康集二卷錄一卷亡

太平御覽文部詩類魏書曰李康字肅遠性

介立不和俗為鄉里所嫉故官不進嘗作游

九疑詩明帝異其文問左右斯人安在吾欲

擢之因起家為隰陽長卒

文選運命論注宋劉義慶集林曰李康字肅

遠中山人也著遊山九吟魏明帝異其文遂

起家為尋陽長政有美績病卒汪氏文選撰人

篇目魏李肅遠康有運命論

之心雕龍論說篇曰李康運命同論衡而過

之案論衡先有命運等篇

唐書經籍藝文志李康集二卷

嚴氏全三國文編曰李康字肅遠中山人明

帝時為尋陽長後封隰陽侯有集二卷今存

獨體賦遊山九吟序運命論凡三篇世說德

行篇注有李康家誠乃李秉之誤李秉即李

景晉李重之父也今定以家誠編入晉文案

魏書及集林所載自不得有封侯之事不知嚴氏何以云

梁又有陳郡太守孫該集二卷錄一卷亡

魏志劉邵傳邵同時陳郡太守任城孫該等

亦著文賦頗傳于世

又傳注文章敘錄曰該字公達彊志好學年

二十上計掾召為郎中著魏書遷博士司徒

右長史復還入著作景元二年卒官

唐書經籍藝文志孫該集二卷

嚴氏全三國文編曰該為司徒右長史著作

郎出為陳郡太守有集二卷今存三公山神

祠賦琵琶賦各一篇

梁又有尚書傅巽集二卷錄一卷亡

魏志劉表傳表大將蒯越從事中郎韓嵩及

東曹掾傅巽等說劉琮歸太祖太祖軍到襄

陽琮舉州降以琮為青州刺史封列侯蒯越

等侯者十五人

又傳注傅子曰巽字公悌瓌偉博達有知人

鑒辟公府拜尚書郎後客荊州以說劉琮之

降賜爵關內侯文帝時為侍中太和中卒弟

子蝦

唐書經籍藝文志傅巽集二卷

嚴氏全三國文編傅巽字公悌北地泥陽人

黃初中為侍中遷尚書有集二卷今存槐賦

蚊賦七誨奢儉論筆銘凡五篇

魏章武太守殷褒集一卷梁二卷

殷褒始末未詳

唐書經籍藝文志殷褒集二卷

宋郭茂倩樂府詩集殷氏世傳曰殷褒為滎

陽令廣築學館會集朋徒民知禮讓乃歌之

曰滎陽令有異政脩立學校人易性令我子

弟恥訟爭

唐書經籍藝文志殷褒集二卷

嚴氏全三國文編曰殷褒字元祚為章武太

守有集二卷藝文類聚五十三有薦同郡朱

儉表又二十三有誠子書

魏司空王昶集五卷梁有錄一卷 王氏出太原瑗那

二族者各注條下以識別之此太原王氏也 魏志本傳昶字文舒太原晉陽人也少與同

郡王淩俱知名文帝在東宮昶為太子文學

中庶子及踐阼徒散騎侍郎為洛陽典農亮

州刺史明帝即位加揚烈將軍賜爵關內侯

昶雖在外任心存朝廷以為魏承秦漢之弊

法制苛碎不大釐改國典以準先王之風而

望治化復興不可得也乃著治論略依古制

而合於時務者二十餘篇又著兵書十餘篇

言奇正之用青龍中奏之其為兄子及子作

名字皆依謙實以見其意故兄子默字處靜

沈字處道其子渾字玄沖深字道沖遂書戒

之曰欲使汝曹立身行己遵儒者之教履道

家之言故以玄默沖虛為名欲使汝曹顧名

思義不敢違越也正始中轉在徐州封武觀

亭侯遷征南將軍假節都督荊豫諸軍事嘉

平初太傅司馬宣王既誅曹爽乃奏博問大

臣得失昶陳治略五事詔書褒贊因使撰百

官考課事遷征南大將軍儀同三司進封京

陵侯進位驃騎將軍遷司空持節都督如故

甘露四年薨諡曰穆侯子渾嗣

唐書經籍藝文志王昶集五卷

嚴氏全三國文編輯存謝榮表考課疏卿

考課事尚書侍中考課事陳治略五事奏吳

蜀事狀白晉文王賡檄吳將校部曲家誠三

戲論凡八篇 案三戲論謂投壺博奕也似亦家誠中

之一則

案太原王氏自司空昶而大瑒邪王氏自

晉初太保祥而大二王盛于魏晉六朝天

下莫與比倫焉本志總集篇注云梁又有

太原王氏家碑誄頌贊銘集二十六卷史部雜傳篇又有太原王氏家傳二十三卷其人文從可知已

魏衛將軍王肅集五卷梁有錄一卷

王肅有周易注見經部易類

魏志本傳其所論駁朝廷典制郊祀宗廟喪紀輕重凡百餘篇

宋書樂志散騎常侍王肅私造宗廟詩頌十二篇不被歌

玉海樂舞篇齊志云王肅作宗廟詩頌十二篇不入于樂

唐書經籍藝文志王肅集五卷

嚴氏全三國文編曰肅有詩書論語三禮左

氏解及撰定父朗所作易傳皆列于學官又有聖證論家語解各若干卷政論十卷集五

卷案又有尚書講疏毛詩講疏奏事問答祭法明堂議國語章句太玄經注各若干卷並見本志經部子部今

存賦表疏議答難答問教書序頌賀正儀納徵辭家誡凡三十五篇編爲一卷

梁又有桓範集二卷亡

桓範有世要論見子部法家

唐書經籍藝文志桓範集二卷

嚴氏全三國文編範有世要論十二卷集二卷今存兗州刺史謝表薦管寧表薦徐宣表

陳兵事與管寧書凡五篇繫以世要論佚文合爲一卷

梁又有中領軍曹義集五卷錄一卷亡

魏志曹真傳真字子丹太祖族子也明帝時

爲大將軍封邵陵侯子爽嗣又詔封真五子

義訓則彥嘏皆爲列侯齊王卽位爽以大將軍加侍中輔少主弟羲爲中領軍爽飲食車

服擬于乘輿作窟室綺疏四周數與何晏等會其中縱酒作樂羲深以爲大憂數諫止之

又著書三篇陳駙淫盈溢之致禍敗辭旨甚切不敢斥爽託以戒諸弟以示爽爽知其爲

已發也甚不悅羲或以時諫喻不納涕泣而起後與爽討等皆誅夷時正始十年也

傅子佚文曰安鄉亭侯曹羲爲領軍將軍慕周公之下士賓客盈坐

晉書王接傳接父蔚世脩儒史之學魏中領軍曹羲作至公論蔚善之而著至機論

唐書經籍藝文志曹羲集五卷

嚴氏全三國文編曰曹羲爲司馬懿所誅有集五卷今存爲兄爽表司馬懿爲太傅大司

馬申蔣濟叔嫂服議九品議至公論肉刑論凡五篇

魏尚書何晏集十一卷梁十卷錄一卷

何晏有孝經注見經部

魏志曹爽附傳晏以才秀知名好老莊言作道德論及諸文賦著述凡數十篇

又管輅傳注輅別傳曰裴使君問何平叔一代才名其實何如輅曰其說易生義美而多

僞僞則神虛輅以爲少功之才也裴使君曰吾素與平叔共說老莊及易常覺其辭妙于

理不能折之又時人吸習皆歸服之焉益令

不了相見得清言然後灼灼耳又曰何尚書

神明清微自言不解易中九事

南齊書張緒傳緒長于周易言精理與見宗

一時常云何平叔所不解易中七事諸卦中

所有時義是其一也

梁書儒林伏曼容傳曰何晏疑易中九事以

吾觀之晏了不學也故知平叔有所短 番禺

侯康補三國藝文志引王應麟曰晏以老莊談易係小子

觀梁頌所不解者豈止七事哉 案九事七事自來傳說

不一無以詳知其易說或當編入本集

世說規箴篇曰何晏令管輅作卦云不知位

至三公不卦成輅稱引古義深以戒之注名

士傳曰是時曹爽輔政識者慮有危機晏有

重名與魏姻戚內雖懷憂而無復退也著五

言詩以見志蓋因輅言懼而賦詩

鍾嶸詩品曰平叔鴻雁之篇風規見矣宜居

中品

文心雕龍明詩篇曰及正始明道詩雜仙心

何晏之徒率多浮淺又才略篇曰何晏景福

克光于後進

唐書經籍藝文志何晏集十卷

馮氏詩紀輯存五言詩二首

汪氏文選撰人篇目魏何平叔晏有景福殿

賦

嚴氏全三國文編曰何晏有論語集解十卷

老子道德論二卷集十一卷今存賦奏議論

紋頌銘凡一十四篇

魏衛尉卿應璩集十卷梁有錄一卷

魏志王粲傳汝南應璩爲五官將文學建安

二十二年卒瑒弟璩子貞咸以文章顯璩

爲大將軍封邵陵侯子爽嗣又詔封真五子

義訓則彥嘏皆爲列侯齊王卽位爽以大將軍

加侍中輔少主弟羲爲中領軍爽飲食車

服擬于乘輿作窟室綺疏四周數與何晏等

會其中縱酒作樂羲深以爲大憂數諫止之

又著書三篇陳駙淫盈溢之致禍敗辭旨甚

切不敢斥爽託以戒諸弟以示爽爽知其爲

已發也甚不悅羲或以時諫喻不納涕泣而

起後與爽討等皆誅夷時正始十年也

傅子佚文曰安鄉亭侯曹羲爲領軍將軍慕

周公之下士賓客盈坐

晉書王接傳接父蔚世脩儒史之學魏中領

軍曹羲作至公論蔚善之而著至機論

唐書經籍藝文志曹羲集五卷

嚴氏全三國文編曰曹羲爲司馬懿所誅有

集五卷今存爲兄爽表司馬懿爲太傅大司

馬申蔣濟叔嫂服議九品議至公論肉刑論

凡五篇

魏尚書何晏集十一卷梁十卷錄一卷

何晏有孝經注見經部

魏志曹爽附傳晏以才秀知名好老莊言作

道德論及諸文賦著述凡數十篇

又管輅傳注輅別傳曰裴使君問何平叔一

代才名其實何如輅曰其說易生義美而多

僞僞則神虛輅以爲少功之才也裴使君曰

官至侍中

又傳注文章敘錄曰璩字休璉博學好屬文善爲書記文明帝世歷官散騎常侍齊王即位稍遷侍中大將軍長史曹爽秉政多違法度璩爲詩以諷焉其言雖頗諧合多切時要世共傳之復爲侍中典著作嘉平四年卒追贈衛尉

晉書涼武昭王李玄盛傳于是寫諸葛亮訓誠以勸諸子曰覽諸葛訓厲應璩奏諫尋其終始周孔之教盡在中矣案訓應爲諸葛集篇目奏諫或亦是此集中篇名

文選百一詩注張方賢楚國先賢傳曰汝南應休璉作百一篇詩譏切時事編以示在事者咸皆怪愕或以爲應焚棄之何晏獨無怪也然方賢之意以有百一篇故曰百一李充翰林論曰應休璉五言詩百數十篇以風規治道蓋有詩人之旨焉又孫盛晉陽秋曰應璩作五言詩百三十篇言時事頗有補益世多傳之據此二文不得以一百一篇而稱百一也今書七志曰應璩集謂之新詩以百言爲一篇或謂之百一詩然以字名詩義無所取據百一詩序云時謂曹爽曰公今聞周公巍巍之稱安知百慮有一失乎百一之名蓋與于此也 案本集有百一詩序可據而張方賢李充孫盛王儉記述紛紛乃若此至唐初李善始考定其實斯亦異已

鍾嶸詩品曰魏侍中應璩詩祖襲魏文善爲古語指事殷勤雅意深篤得詩人激刺之旨

文心雕龍明詩篇曰若乃應璩百一獨立不懼辭譎義貞亦魏之遺直也又才略篇曰休璉風情則百一標其志

本志總集篇注梁又有應貞注應璩百一詩八卷百一詩二卷晉蜀郡太守李彪撰亡

唐書經籍藝文志應璩集十卷 蓋即應璩集馮氏詩紀張氏百三家集嚴氏文編皆輯有應璩雜詩待公宴詩與桓元則書佚句共十句雜詩似即新詩亦即應璩百一詩之佚文並錄附于後似皆應璩之誤

馮氏詩紀輯存百一詩三首雜詩三首三吏詩一首又曰唐藝文志有應璩集十卷初學記載璩雜詩云貧子語窮兒無錢可把撮耕自不得粟采彼北山葛窠瓢恆自在無用相呵喝

張氏百三家應休璉集一卷凡牋書詩四十餘篇末附應璩遺句云有酒流如川有肴積如岑注云此二句一作應璩待公宴詩

汪氏文選撰入篇目魏應休璉璩有百一詩與滿公琰書與曹長思書與岑文瑜書與從弟君苗君胄書

嚴氏全三國文編輯存牋四篇書二十九篇又曰應璩未詳有集十卷文選七命注引璩與桓元則書曰敢不策勵敬尋後塵 桓範字元則汪氏文選注引書目有應璩與桓元則書是汪所見者乃應璩非應璩也

按應休璉有從弟曰君苗曰君胄陸雲與兄書云君苗見兄文輒欲自焚其筆硯豈即璩之字歟然本志無璩集唐志無璩集

而卷數皆同爲十卷馮氏張氏所采璩之詩句又甚似百一詩佚文則璩之集爲多梁又有王弼集五卷錄一卷亡

王弼有易注見經部易家

魏志鍾會傳注何邵爲弼傳曰弼幼而察惠年十餘好老氏吏部郎裴徽見而異之尋亦爲傅嘏何晏所知淮南人劉陶善論縱橫爲當時所稱每與弼語嘗屈弼弼天才卓出當其所得莫能奪也性和理樂游宴解音律善投壺頗以所長笑人故時爲士君子所疾弼與鍾會善會論議以校練爲家然每服弼之高致

唐書經籍藝文志王弼集五卷

嚴氏全三國文編曰弼有周易注六卷略例一卷老子注二卷集五卷今存戲答荀融書一篇難何晏聖人無喜怒哀樂論一篇並見魏志鍾會傳注

梁又有中書令劉階集二卷亡 劉階始末未詳

案此疑是劉放魏志本傳放字子棄涿郡人文帝卽位爲祕書令改祕書爲中書以放爲監太原孫資爲令遂掌機密放善爲書檄三祖詔命有所招喻多放所爲齊王嘉平二年薨諡曰敬侯與此題中書令者頗合或卽其集嚴氏文編據書鈔引魏名臣奏一條 又疑是劉陶見劉階傳未又疑是劉翕 見陳思王傳注然皆非中書令官也或又疑桓階魏志有傳嚴氏文編亦輯其佚文數篇然亦非中書令

官也

梁又有太常卿傅嘏集二卷錄一卷亡

魏志本傳嘏字蘭石北地泥陽人傅介子之後也伯父巽黃初中為侍中尚書嘏弱冠知名司空陳羣辟為掾正始初遷尚書郎黃門侍郎何晏等與嘏不平因微事免嘏官太傅

司馬宣王請為從事中郎曹爽誅為河南尹遷尚書正元二年春卅邱儉文欽作亂嘏及王肅勸司馬景王自行以嘏守尚書僕射俱東以功進封陽鄉侯是歲薨時年四十七追贈太常諡曰元侯嘏常論才性同異鍾會集而論之注傅子曰嘏既達治好正而有清理識要好論才性原本精微妙能及之鍾會年甚少嘏以明智交會又曰嘏自少與裴徽荀

胤善徽趙早亡又與何曾陳泰荀顛鍾毓並善相與綜朝事俱為名臣案嘏論才性同異詳見後鍾會集

又傳評曰劉廙以清鑒著傳嘏以才達顯臣松之以為傳嘏識量名輩實當時高流而此評但云用才達顯既于題目為拙又不足以見嘏之美也

唐書經籍藝文志傳嘏集二卷

嚴氏全三國文編傳嘏字蘭石一字昭先巽弟充之子今存對詔表議難劉劭考課法論皇初頌凡五篇

梁又有樂安太守夏侯惠集二卷錄一卷亡

魏志夏侯淵傳淵字妙才沛國譙人惇族弟也建安二十四年戰死漢中黃初中賜淵中

子霸太和中賜霸弟爵皆關內侯霸弟威威弟惠官至樂安太守文章錄曰惠字稚權幼以才學見稱善屬奏議歷散騎黃門侍郎與鍾毓數有辯駁事多見從遷燕相樂安太守年三十七卒

唐書經籍藝文志夏侯惠集二卷

嚴氏全三國文編夏侯惠字稚權征西將軍淵子為散騎黃門侍郎遷燕相樂安太守有集二卷今存景福殿賦薦劉邵表各一篇

魏校書郎杜摯集二卷

魏志劉劭傳劭同時郎中令河東杜摯等亦著文賦頗傳于世文章錄曰摯字德魯初上筋賦署司徒軍謀吏後舉孝廉除郎中轉補校書摯與卍邱儉鄉里相親故為詩與儉求仙人藥一丸欲以感切儉求助也摯竟不得遷卒于祕書

唐書經籍志杜摯集一卷藝文志二卷

馮氏詩紀錄存贈卍邱儉詩一篇

嚴氏全三國文編錄存筋賦并序一篇

梁有卍邱儉集二卷錄一卷亡

卍邱儉有別傳三卷詳見史部雜傳類

唐書經籍藝文志卍邱儉集二卷

馮氏詩紀錄存答杜摯詩一篇

嚴氏全三國文編儉為平原侯文學明帝初為尚書郎至鎮東將軍都督揚州正元二年矯明元郭太后詔討司馬師衆潰見殺有集二卷今存承露盤賦罪狀司馬師表諫明帝治宮室疏上疏上言與曹爽書薦裴秀報弟

書承露盤銘凡八篇

梁有征東軍司馬江奉集二卷亡

江奉始末未詳

唐書經籍藝文志江奉集二卷

案魏有江衛嚴氏文編云爵里未詳文選齊安陸昭王碑文注有衛與荀仲茂茂案荀仲茂荀閔字荀彧之兄子不知李善所據何書疑即據是集或本江衛而轉寫譌為江奉歟

魏太常夏侯玄集三卷

魏志齊王本紀嘉平六年二月庚戌中書令李豐與皇后父光祿大夫張緝等謀廢易大臣以太常夏侯玄為大將軍事覺諸所連及者皆伏誅

又夏侯尚傳尚字伯仁淵從子也封昌陵鄉侯子玄嗣玄字太初少知名弱冠為散騎黃門侍郎嘗進見與皇后弟毛曾並坐玄恥之不悅形之于色明帝恨之左遷羽林監正始初曹爽輔政玄爽之姑子也累遷散騎常侍中護軍頃之為征西將軍假節都督雍涼州與曹爽共與駱谷之役時人譏之爽誅徵為大鴻臚數年徙太常玄以爽抑絀內不得意中書令李豐等謀誅大將軍以玄代之大將軍微聞其謀事下有司收玄等皆夷三族玄

格量弘濟臨斬東市顏色不變舉動自若時年四十六

又傳注世語曰玄世名知人為中護軍援用

武官參戟牙門無非俊傑多牧州典郡立法

垂教于今皆為後式又魏氏春秋曰玄嘗著樂毅張良及本無肉刑論辭旨通遠咸傳于世

世說文學篇注晉諸公贊曰自魏太常夏侯玄步兵校尉阮籍等皆著道德論唐書經籍藝文志夏侯玄集二卷

嚴氏全三國文編玄字太初淵從孫嘉平六年為司馬師所殺夷三族有集三卷今存皇胤賦時事議答司馬宣王書肉刑論答李勝難肉刑論樂毅論辨樂論凡七篇又從太平御覽輯存夏侯子佚文凡三條

梁有車騎將軍鍾毓集五卷錄一卷亡

魏志鍾繇傳繇字元常潁川長社人也仕漢入魏至太傅封定陵侯子毓嗣毓字稚叔年十四為散騎侍郎機捷談笑有父風遷黃門侍郎散騎常侍侍中魏郡太守御史中丞侍中廷尉聽君父已沒臣子得為理謗及士為侯其妻不復配嫁毓所創也正元中為尚書青州刺史加後將軍都督徐州荊州景元四年薨追贈車騎將軍諡曰惠侯毓弟會又管輅傳注輅別傳曰魏郡太守鍾毓清逸有才難輅易二十餘事自以為難之至精也世說言語篇注魏志曰繇字元常家貧好學為周易老子訓又鍾會為母傳曰夫人明于教訓勸見規誨十一誦易十四誦成侯易記成侯繇證也是毓子易固家學也唐書經籍藝文志鍾毓集五卷嚴氏全三國文編鍾毓有集五卷今存果然賦諫西征疏奏誅李豐等與曹爽書止增兵

伐蜀凡四篇

魏步兵校尉阮籍集十卷梁十三卷錄一卷

魏志王粲附傳陳留阮瑀字元瑜為丞相倉曹掾屬建安十七年卒子籍才藻豔逸而倜儻放蕩行己寡欲以莊周為模則官至步兵校尉

晉書本傳籍字嗣宗陳留尉氏人也志氣宏放任性不羈太尉蔣濟辟之謝病歸復為尚書郎少時又以病免及曹爽輔政召為參軍宣帝為太傅命為從事中郎復為景帝大司馬從事中郎高貴鄉公即位封關內侯徙散騎常侍籍少有濟世志屬魏晉之際天下多故名士少有全者籍由是不與世事遂酣飲為常文帝輔政拜東平相到郡旬日而還帝引為大將軍從事中郎聞步兵廚營人善釀有貯酒三百斛乃求為步兵校尉遺落世事雖去佐職恆游府內朝宴必與焉會帝讓九錫公卿將勸進使籍為其辭籍沈醉忘作臨詣府使取之見籍方據案醉眠使者以告籍便書案使寫之無所改竄辭甚清壯為時所重嘗登廣武觀楚漢戰處登武宇山望京邑而嘆于是賦豪傑詩景元四年冬卒時年五十四籍能屬文初不留意作詠懷詩八十餘篇為世所重著達莊論敘無為之貴又著大人先生傳亦籍之胸懷本趣也文選顏延年五君詠注咸榮緒晉書曰籍拜東平相不以政事為務沈醉日多善屬文論初不苦思率爾便成作五言詩詠懷八十餘

篇為世所重

文選阮嗣宗詠懷詩顏延年沈約等注顏延年曰說者阮籍在晉文代常慮禍患故發此詠耳又曰嗣宗身仕亂朝常恐罹謗遇禍因茲發詠故每有憂生之嗟雖志在諷刺而文多隱避百代之下難以情惻故粗明大意略其幽旨也

鍾嶸詩品曰晉步兵阮籍詩其源出於小雅無雕蟲之功而詠懷之作可以陶性靈發幽思言在耳目之內情寄八荒之表洋洋乎會于風雅使人忘其鄙近自致遠大頗多感慨之詞厥旨淵放歸趣難求顏延之注解佳言其志

文心雕龍明詩篇曰稽志清峻阮志遙深又才略篇云阮籍使氣以命詩

唐日本國見在書目阮嗣宗集五卷又阮步兵集十卷

唐書經籍藝文志阮籍集五卷

宋史藝文志阮籍集十卷 一本阮籍諱作阮林又經部易家阮嗣宗通易論一卷案此一卷似即從本集中析出者元胡一桂曰易通論一卷凡五篇

崇文總目阮步兵集十卷阮籍撰

晁氏讀書志阮籍集十卷籍志氣宏放博覽羣籍尤好莊老屬文不留思嗜酒能嘯善彈琴當其得意忽忘形體雖不拘禮數而發言玄遠

陳氏書錄別集類阮步兵集十卷魏步兵校尉陳留阮籍嗣宗撰籍瑀之子也 又詩集



類阮步兵集四卷其題皆曰詠懷首卷四言十三篇餘皆五言八十篇通爲九十三篇文選所收十七篇而已

馮氏詩紀曰京師曹氏家藏阮步兵詩一卷唐人所書與世所傳多異孔宗翰亦有本與此多同凡詩歌八十七首

張氏百三家阮步兵集一卷凡賦箋奏記書論傳贊誄文帖二十篇詠懷三首又八十二首歌二首

汪氏文選撰人篇目晉阮嗣宗籍有詠懷詩十七首勸晉王賤奏記詣蔣公

嚴氏全三國文編曰阮籍有集十三卷今存賦箋奏記書贊論傳帖誄凡二十篇又卷首敍錄曰阮籍集十卷明黃省曾刻本又一卷張溥百三家集本

案太平御覽地部七金門山引阮籍宜陽記曰金山之竹堪爲笙管案宜陽記當在本集 洪氏魏疆城記曰司州弘農郡宜陽漢舊縣

又御覽經史圖書綱目有阮籍奏記疑是奏記之寫誤又世說文學篇注引晉諸公贊言阮籍著道德論疑卽通老論今惟存佚文三條

魏中散大夫嵇康集十三卷梁十五卷錄一卷嵇康有左氏傳音見經部春秋家

魏志王粲附傳注魏氏春秋曰初康采藥汲郡山中遇隱者孫登登曰子才多識寡難乎免于今之世及遭呂安事爲詩自責曰欲寡其過謗譏沸騰性不傷物頻致怨憎昔桀柳

下今愧孫登內負宿心外報良朋康所著諸文論六七萬言皆爲世所玩詠 又郡原傳注有緯冀州記曰鉅鹿張觀字遂叔遼東太守者自然好學論在嵇康集案今本集中有雖張遂叔自然好學論雖張遂叔宅無吉凶攝生論答張遂叔釋雜宅無吉凶攝生論凡三篇而張之本論俱亡矣

晉書本傳康有奇才遠邁不羣著養生論又爲君子無私論蓋其胸懷所寄以高契難期每思郢質山濤將去選官舉康自代康乃與濤書告絕東平呂安以事繫獄辭相證引遂復收康康性慎言行一旦縲紲乃作憂憤詩又曰康善談理又能屬文其高情遠趣率然玄遠撰上古以來高士爲之傳贊欲友其人于千載也又作太師箴亦足以明帝王之道焉復作聲無哀樂論甚有條理

鍾嶸詩品曰晉中散嵇康詩頗似魏文過于峻切訐直露才傷淵雅之致然託喻清超良有鑒裁亦未失高流矣

文心雕龍明詩篇曰嵇志清峻又曰四言五言叔夜含其潤才略篇云嵇康師心以遺論書記篇云嵇康絕交實志高而文偉

唐書經籍藝文志嵇康集十五卷案此十五卷或并左傳音聖賢高士傳籍著錄及他家贈答詩文合爲一編者

崇文總目嵇康集十卷宋史志同 晁氏讀書志嵇康集十卷康美詞氣有丰儀土木形骸不自漢飾學不師受博覽該通長好莊老屬文玄遠景元初鍾會譖於晉文帝

遇害

陳氏書錄曰嵇中散集十卷魏中散大夫譙嵇康叔夜撰所著文論六七萬言今存于世者僅如此唐志猶有十五卷

馮氏詩紀曰山濤爲吏部舉康自代康答書言不堪流俗非薄湯武大將軍司馬昭聞之而怒景元三年以鍾會譖殺之今存秋胡行七首幽憤詩一首贈秀才入軍十九首酒會詩七首雜詩一首答二郭三首與阮德如一首遊仙詩一首述志詩二首六言十首思親詩一首以上凡五十三首百三家集作五十四首又嵇喜答嵇康四首郭遐周贈嵇康三首郭遐叔贈五首阮德如答二首合前正符宋本六十八首之數其相傳本集所有如此也

張氏百三家嵇中散集一卷凡賦書設難論贊箴誡二十二篇樂府詩五十四篇

四庫提要曰嵇中散集十卷舊本題晉嵇康撰案康爲司馬昭所害時當塗之祚未終則康當爲魏人不當爲晉人晉書立傳實房喬等之舛誤本集因而題之非也隋志載康集十五卷新舊唐書並同至書錄解題則已作十卷宋時已無全本矣王楙野客叢書云毘陵賀方回家所藏繕寫嵇康集十卷有詩六十八首今此本凡詩四十七篇賦一篇書二篇雜著二篇論九篇箴一篇家誡一篇而雜著中嵇荀錄一篇有錄無書實共詩文六十二篇又非宋本之舊蓋明嘉靖乙酉吳縣黃省曾所重輯也

汪氏文選撰人篇目皆嵇叔夜康有琴賦幽憤詩贈秀才入軍詩雜詩一首與山巨源書養生論又文選注引書目有嵇康文集錄

嚴氏全三國文編曰康尙魏宗室長樂亭主除郎中拜中散大夫景元二年以答山濤書忤司馬昭尋坐呂安事誅有集十五卷今存琴賦酒賦蠶賦懷香賦卜疑與山巨源書與呂長悌絕交書琴贊養生論答向子期難養生論聲無哀樂論釋私論管蔡論明膽論難張遼叔自然好學論又難宅無吉凶攝生論又答釋難論太師箴燈銘家誠附嵇康集目錄一條凡二十一篇編爲五卷附聖賢高士傳贊一卷

梁又有魏徵士呂安集二卷錄一卷亡

魏志王粲附傳注魏氏春秋曰初康與東平呂昭子巽及巽弟安親善會巽淫安妻徐氏而誣安不孝囚之安引康爲證康義不負心保明其事安亦至烈有濟世志力鍾會勸大將軍因此除之遂殺安及康 案嵇康集載康與呂長悌絕交書即言其事可謂黯無天日冤沈海底者矣巽之肉其足食乎昭字子展明帝時爲鎮北將軍領冀州刺史見杜恕傳

又杜恕傳注世語昭長子巽字長悌爲相國掾有寵于司馬文王次子安字仲悌與嵇康善與康俱被誅

晉書嵇康傳東平呂平服康高致每一相見輒千里命駕康友而善之後安爲兄所枉訴以事繫獄辭相證引遂復收康

唐書經籍藝文志呂安集二卷

嚴氏全三國文編曰呂安字仲悌東平人徵十景元中坐事與嵇康俱誅有集二卷今惟見諸書引安獨懷賦二條

魏司徒鍾會集九卷梁十卷錄一卷

鍾會有周易盡神論見經部易家魏志本傳初以鄧艾爲太尉會爲司徒皆持節都督諸軍如故咸未受命而斃會嘗論易無互體才性同異

世說文學篇鍾會撰四本論始畢甚欲使嵇公一見畏其難懷不敢出於戶外遙擲便回急走注魏志曰會論才性同異傳于世四本者言才性同才性異才性合才性離也尙書傳嘏論同中書令李豐論異侍郎鍾會論合屯騎校尉王廣論離 傳嘏有集見前李豐見魏志夏侯玄傳王廣字公淵王凌子見凌傳

文心雕龍檄移篇鍾會檄蜀徵驗甚明壯筆也 唐書經籍藝文志鍾會集十卷 張氏百三家鍾司徒集一卷凡賦檄奏書記傳十一篇繁以芻蕘論一條

汪氏文選撰人篇目魏鍾士季有檄蜀文嚴氏全三國文編曰會以定蜀功進司徒封縣侯尋謀據蜀爲亂兵所殺有老子注二卷芻蕘論五卷集十卷今存賦上言書檄論傳凡十三篇繁以芻蕘論七條

魏汝南太守程曉集二卷梁錄一卷 魏志程昱傳昱字仲德東郡東阿人也仕漢

入魏文帝時至衛尉進封安鄉侯分封少子及孫曉侯曉嘉平中爲黃門侍郎時校事

放橫曉上疏言其狀于是遂罷校事官曉遷汝南太守年四十餘薨

又傳注世語曰曉字季明有通識又別傳曰曉大著文章多亡失今之存者不能十分之一

文心雕龍議對篇曰若乃程曉之駁校事事實允當可謂達議體矣 唐書經籍藝文志程曉集二卷

嚴氏全三國文編程曉字季明東郡東阿人衛尉昱之孫黃初中封列侯嘉平中爲黃門侍郎後爲汝南太守有集二卷今存請罷校事官疏與傅玄書女典篇凡三篇 案文編又云藝文類聚四有程曉詩或晉受禪後其人尙在或別是一人也俟考

今案馮氏詩紀云程曉古文苑作晉人有贈傅奕詩二首嘲熱客一首不知卽此程曉否也其嘲熱客詩足爲世之好交遊驚馳逐不知檢束者戒焉

以上三國曹魏人文凡一十九家附梁有二十五家綜四十四家四十六部 蜀丞相諸葛亮集二十五卷梁二十四卷

諸葛亮有論前漢事見史部正史篇 蜀志本傳亮躬躬耕隴畝好爲梁父吟又曰亮言教書奏多可觀別爲一集錄曰開府作牧第一權制第二南征第三北出第四計算第五訓厲第六綜覈上第七綜覈下第八

雜言上第九雜言下第十貴和第十一兵要第十二傳運第十三與孫權書第十四與諸葛瑾書第十五與孟達書第十六廢李平第十七法檢上下第十八十九科令上下第二十二十一軍令上中下第二十二至二十四右二十四篇凡十萬四千一百一十二字傳注云漢賊不兩立王業不偏安之表亮集所無出張儼默記

臣壽等言臣前在著作郎侍中領中書監濟北侯臣荀勗中書令關內侯臣和嶠奏使臣定故蜀丞相諸葛亮故事輒刪除複重隨類相從凡爲二十四篇篇名如右論者或怪亮文采不豔而過于丁寧周至臣愚以爲咎繇大賢也周公聖人也考之尙書咎繇之謨略而雅周公之誥煩而悉何則咎繇與舜禹其談周公與羣下矢誓故也亮所與言盡衆人凡士故其文指不得及遠也然其聲教遺言皆經事綜物公誠之心形于文墨足以知其人之意理而有補于當世謹錄寫上詣著作泰始十年二月一日癸巳平陽侯相臣陳壽上

華陽國志後賢志陳壽傳中書監荀勗令張華又表令次定諸葛亮故事集爲二十四篇時壽良亦集故頗不同案此則晉初有陳壽二家所集本壽良字文叔蜀郡成都人仕晉至散騎常侍大長秋亦見後賢志文心雕龍詔策篇戒者慎也教者效也若諸葛孔明之詳約理得而辭中教之善者也又

章表篇曰孔明之辭後主志盡文暢表之英也

唐日本國見在書目雜家諸葛武侯上事九卷案此殆亦從本集析出表奏疏議之屬

唐書經籍藝文志蜀諸葛亮集二十四卷

宋史藝文志諸葛亮集十四卷

玉海藝文類中興書目曰亮集十四卷後二卷錄傳及碑記其前十二篇章句頗多字數乃少

張氏百三家諸葛丞相集一卷凡詔表奏疏公文教書牋議法論記碑令詩七十五篇

汪氏文選撰人篇目季漢諸葛孔明亮有出師表一首

武威張澍輯本序曰晉書陳壽傳壽撰蜀相諸葛亮集奏之即蜀志之二十四篇也非獨哀其文並其言與事而亦載之隋志二十五卷唐志二十四卷中興書目十四卷明王士禛集武侯全書十卷亦無財擇本朝朱璘輯更撰諸葛全書十卷亦無財擇本朝朱璘輯諸葛武侯集二十卷遂寧張鵬翻之忠武志全襲之庸俗詩文盈汗篇牘侯之著作反多遺漏張氏又增白浮鳩一篇乃吳人苦孫皓之暴而吟者亦混簡編其疏可如澍搜采散逸較諸本增益倍蓰編文集四卷附錄二卷別撰諸葛故事五卷都爲十一卷昔司空張華謂李密曰孔明言教何碎密曰昔舜禹皋陶相與語故得簡大雅詰與凡人言宜碎大雅當是大雅之誤

孔明與言者無己敵言教是

以碎耳嗚呼讀忠武文者當以是求之案此所云王士禛楊時偉朱璘張鵬翻四家之書並詳見四庫提要史部傳記名人類中四本之外又有明崇禎時武侯三十六世孫義輯本二十三卷道藏輯要中刻之

嚴氏全三國文編輯本二卷凡教軍令表疏上書上言公文箋書誠甘戚論文亡正議算計兵要兵法木牛流馬法并黃陵廟記陰符經序等依託之文綜五十五篇九十一首

張氏書目答問諸葛忠武侯文集四卷附錄二卷諸葛故事五卷張澍編沔縣祠堂本

梁又有蜀司徒許靖集二卷錄一卷亡

蜀志本傳靖字文休汝南平輿人少與從弟

劭俱知名並有人倫臧否之稱靈帝時郡舉

計吏察孝廉除尙書郎典選舉董卓秉政補

御史中丞靖懼誅奔豫州刺史孔佃佃卒依

揚州刺史陳禕吳郡都尉許貢會稽太守王

朗孫策東渡江走交州既至交阯太守士燮

厚加敬待陳國袁徽以寄寓交州與尙書有

彘書曰許文休英才偉士智略足以計事自

流宕已來與羣士相隨每有患急常先人後

己與九族中外同其飢寒其紀綱同類仁恕

惻怛皆有效事不能復一一陳之耳後劉璋

使使招靖靖來入蜀璋以爲巴郡廣漢太守

南陽宋仲子于荊州與蜀郡太守王商書曰

文休儻魂瑋有當世之具足下當以爲指

南建安十六年轉在蜀郡十九年先主克蜀

以爲左將軍長史先主爲漢中王靖爲太傅

及卽尊號策爲司徒靖雖年逾七十愛樂人

物誘納後進清談不倦丞相諸葛亮皆爲之拜章武二年卒始靖兄事穎川陳紀與陳郡袁煥平原華歆東海王朗等親善歆朗及紀并子羣魏初爲公輔大臣咸與靖書申陳舊好情義款至

唐書經籍藝文志蜀許靖集二卷

嚴氏全三國文編蜀許靖有集二卷蜀志本傳注及先主傳注有奔孔伯自表因衆瑞上表勸進與曹公書凡三篇案自表在董卓時勸進表在漢中王太傅時與曹公書在流寓交州時書中備言經歷艱苦當時亂離情狀亦從可知矣

梁又有蜀征北將軍夏侯霸集二卷亡

魏志夏侯淵附傳黃初中賜淵中子霸爵關內侯正始中爲討蜀護軍右將軍進封博昌亭侯素爲曹爽所厚聞爽誅自疑亡入蜀以淵舊勳救霸子徙樂浪郡

又傳注魏略曰霸字仲權淵爲蜀所害故霸嘗切齒有報蜀意黃初中爲偏將軍子午之役霸召爲前鋒後爲右將軍屯隴西其養士和戎並得其歡心正始中代夏侯儒爲征蜀護軍統屬征西時征西將軍夏侯玄于霸爲從子而玄于曹爽爲外弟及司馬宣王誅曹爽遂召玄玄來東霸聞爽被誅而玄又徵以爲禍必轉相及心既內恐又霸先與雍州刺史郭淮不和而淮代玄爲征西霸益不安故遂奔蜀南趣陰平而失道入窮谷中糧盡殺馬步行足破臥巖石下使人求道未知何之蜀聞之乃使人迎霸初建安五年時霸從妹

年十三四在本郡出行樵采爲張飛所得飛知其良家女遂以爲妻產息女爲劉禪皇后故淵之初亡飛妻請而葬之及霸入蜀禪與相見釋之曰卿父自遇害于行間耳非我先人之手刃也指其兒子以示之曰此夏侯氏之甥也厚加爵寵

蜀志後主傳延熙十二年春正月魏誅大將軍曹爽等右將軍夏侯霸來降

華陽國志劉後主延熙十二年魏嘉平元年也魏誅大將軍曹爽右將軍夏侯霸來降淵子也拜車騎將軍

晉書羊祜傳祜秦山南城人美鬚眉善談論郡將夏侯威異之以兄霸之子妻之及霸之降蜀也姻親多告絕祜獨安其室恩禮有加焉

唐書經籍藝文志魏夏侯霸集二卷 案舊志列于魏人桓範鍾毓之間新志同

案七錄題征北將軍尋蜀志未見自是爲車騎將軍之後終于是官歟

以上三國季漢人文凡一家附梁有二家

綜三家三部

吳輔義中郎將張溫集六卷

張溫有三史略見史部雜史類

吳志本傳將軍略統表理溫曰溫雖智非從橫武非虓虎然其弘雅之素英秀之德文章之采論議之辯卓犖冠羣煒燁耀世世人未有及之者也故論溫才即可惜言罪則可知若忍威烈以救盛德有賢才以敦大業固明

朝之休光四方之麗觀也權終不納又傳注會稽典錄曰餘姚虞俊嘆曰張惠恕才多智少華而不實怨之所聚有覆家之禍吾見其兆矣諸葛亮聞俊憂溫意未之信及溫放黜亮乃嘆俊之有先見臣松之以爲莊周云名者公器也不可以多取張溫之廢豈其取名之多乎多之爲弊古賢既知之矣是以遠見之士退藏于密不使名浮于德不以華傷其實既不能被褐緼寶挫廉逃譽使才映一世聲蓋人上冲用之道庸可暫替溫則反之能無敗乎權既疾溫名盛而略統方驟言其美至云卓犖冠羣煒燁耀世世人未有及之者也斯何異燎之方盛又搗膏以熾之哉

唐書經籍藝文志吳張溫集五卷

嚴氏全三國文編吳張溫字惠恕吳郡人黃武初徵拜議郎選曹尙書徙太子太傅以輔

義中郎將使蜀還斥免有三史略二十九卷集六卷本傳有奉使至蜀詣闕拜章一篇文選注類聚御覽有表二條自理一條

梁有士燮集五卷亡

士燮有春秋經注見經部春秋家之首

唐書經籍藝文志吳士燮集五卷

案史通雜說篇云交阯遠居南裔越裳之俗也敦煌僻處西域昆戎之鄉也求諸人物自古闕載蓋由地居下國路絕上京史官記注所不能及也既而士燮著錄劉昫

裁書則磊落英才粲然盈囑者矣向使兩

朝之休光四方之麗觀也權終不納又傳注會稽典錄曰餘姚虞俊嘆曰張惠恕才多智少華而不實怨之所聚有覆家之禍吾見其兆矣諸葛亮聞俊憂溫意未之信及溫放黜亮乃嘆俊之有先見臣松之以爲莊周云名者公器也不可以多取張溫之廢豈其取名之多乎多之爲弊古賢既知之矣是以遠見之士退藏于密不使名浮于德不以華傷其實既不能被褐緼寶挫廉逃譽使才映一世聲蓋人上冲用之道庸可暫替溫則反之能無敗乎權既疾溫名盛而略統方驟言其美至云卓犖冠羣煒燁耀世世人未有及之者也斯何異燎之方盛又搗膏以熾之哉

賢不出二郡無記彼邊隅之君子何以取聞于後世乎是知著述之功其力大矣豈與夫詩賦小技校其優劣者哉按劉昫裁書謂敦煌實錄見史部類史類士燮著錄則本志及七錄皆不見當在是集集中有言交州人物如傳記之類者劉子玄氏所見或本諸此

### 吳偏將軍駱統集十卷梁有錄一卷

吳志本傳統字公緒會稽烏傷人也孫權以將軍領會稽太守統年二十試爲烏程相召爲功曹行騎都尉妻以從兄輔女統志在補察苟所見聞夕不待旦常勸權以尊賢接士勤求損益權納用焉出爲建忠郎將以隨陸遜破蜀軍于宜都遷偏將軍黃武初封新陽亭侯後爲濡須督數陳便宜前後書數十上所言皆善尤以占募在民間長惡敗俗生離叛之心急宜絕置權與相反覆終遂行之年三十六黃武七年卒

### 唐書經籍藝文志吳駱統集十卷

嚴氏全三國文編吳駱統有集十卷本傳有民戶損耗上疏一篇張溫傳有表理張溫一篇北堂書鈔未改本有陳諸將舟船飾嚴箋梁又有太子少傅薛綜集三卷錄一卷亡

吳志本傳綜字敬文沛郡竹邑人也少依族人避地交州從劉熙學士燮既附孫權召綜爲五官中郎除合浦交阯太守還都守謁者僕射出爲建昌侯慮長史慮卒入守賊曹尚書遷尚書僕射正月乙未權勅綜祝祖不得

用常文案此言正月乙未上有敕文以其事考之孫權傳則似黃龍三四五六年綜承詔卒造文義信辭燦爛權曰復爲兩頭使滿三也綜復再祝辭令皆新衆咸稱善亦烏三年徙選曹尚書五年爲太子少傅領選職如故六年春卒凡所著詩賦難論數萬言名曰私載又定五宗圖述二京賦解皆傳于世孫皓嘗追歎綜遺文且命綜子瑩繼作云

又傳注吳錄曰薛氏世典州郡爲著姓綜少明經善屬文有秀才吳書曰權賜綜紫綬囊時綜以名儒居師傅之位仍兼選舉甚爲優重

### 唐書經籍志吳薛綜集二卷藝文志三卷

嚴氏全三國文編吳薛綜有集三卷今存表疏文移頌凡十一篇述鄭氏禮五宗圖一篇吳選曹尚書暨監集二卷梁三卷錄一卷

吳志張溫傳權既陰銜溫稱美蜀政思有以中傷之會暨監事起遂因此發舉暨字子休亦吳郡人也溫引致之以爲選曹郎至尚書監性狷厲好爲清議見時郎署混濁滯雜多非其人欲臧否區別賢愚貫彈射百僚覈選三署率皆貶高就下降損數等其守故者十未能一其居位貪鄙志節卑汚者皆以爲軍吏置營府以處之而怨憤之聲積浸潤之譖行矣競言暨及選曹郎徐彪專用私情憎愛不由公理暨彪皆坐自殺溫宿與暨彪同意數交書疏問往還卽罪溫幽之有司下令斥免

### 唐書經籍藝文志吳暨監集二卷

嚴氏全三國文編曰暨監字子休吳郡人爲選曹郎進尚書爲怨家所誣自殺有集三卷御覽三百四十八引暨監集雜移一條云角弩旣調射者又工多獲鶉鳥能無懇傷

案王應麟姓氏急就篇云元豐中進士唱名有暨陶主司三呼去聲不應蘇頌進曰當以入聲呼之果出應神宗問何以知之頌對三國時吳有暨監造營府之論恐其後問陶鄉里乃崇安人上喜曰果吳人也案營府之論卽所置營府以處志節卑汚之士者宋蘇魏公猶見之其論當在是集

### 中今泯滅無聞矣

### 梁又有姚信集二卷錄一卷亡

姚信有易注見經部易家唐書經籍藝文志姚信集十卷案此十卷或并他所著士緯新書合爲一表者

武進張惠言易義別錄曰吳與志有德祐文集輯易注一卷明人爲之

嚴氏全三國文編曰信字元道寶鼎初爲太常有士緯十卷姚氏新書二卷集二卷吳志陸績傳注引姚信集有請襲陸績女嬋生表一篇晉宋隋書天文志有昕天論一篇藝文類聚二十三有誠子一篇

### 梁又有謝承集四卷今亡丞當爲承

謝承有後漢書見史部正史篇唐書經籍藝文志謝承集四卷嚴氏全三國文編曰吳謝承字偉平會稽山

陰人孫權謝夫人之弟為吳郡督郵拜郎中遷長沙東部都尉武陵太守有後漢書一百三十卷集四卷初學記類聚御覽諸書有賀靈龜表上丹砂表與步子山書三夫人箴凡四條

吳人楊厚集二卷梁又有錄一卷

楊厚始末未詳

唐書經籍志吳楊厚集二卷

唐書藝文志漢楊厚集二卷

通志藝文略吳楊文厚集二卷

案唐藝文志載是集於後漢劉珍張衡之間以為漢之楊厚考順帝時有侍中楊厚廣漢新都人家世圖緯深于陰陽消復之術桓帝時卒范書及華陽國志並有傳此明著吳人楊厚又引七錄有錄一卷不致舛誤其非蜀人楊厚可知通志略以為楊文厚豈今本隋志敘文字歟不可知已

吳丞相陸凱集五卷梁有錄一卷

陸凱有吳先賢傳見史部雜傳篇

吳志本傳凱乃心公家義形于色表疏皆指事不飾忠懇內發建衡元年疾病皓遣中書令董朝問所欲言凱陳姚信樓玄賀邵張悌郭連薛整滕修及族弟喜抗皆社稷之楨幹國家之良輔願重留神思訪以時務各盡其忠拾遺萬一

又傳末附記曰予連從荆揚來者得凱所陳二十事博問吳人多云不聞凱有此表又案其文殊甚切直恐非皓之所能容忍也或以

為凱藏之篋笥未敢宣行病困皓遣董朝省問欲言因以付之虛實難明故不著于篇然愛其指隨時事足為後戒故鈔列于凱傳左云

唐書藝文志陸凱集五卷一本作陸凱刊誤也經籍志不載

嚴氏全三國文編陸凱有吳先賢傳四卷太玄經注十三卷集五卷今存上表言宜優卹功臣後上表諫吳主皓重表諫起宮疏悼王蕃疏諫吳主皓疏諫吳主皓不遵先帝二十事奏重備西陵奏事凡八篇附吳先賢傳贊三條

吳侍中胡綜集二卷梁有錄一卷

吳志本傳綜字偉則汝南固始人也少孤將母避難江東孫策領會稽綜年十四為門下循行留吳與孫權共讀書策薨權為討虜將軍以綜為金曹從事從討黃祖拜鄂長權為車騎將軍都京召綜還為書部與是儀徐詳俱典軍國密事為解煩右都督加建武中郎將魏拜權為吳王封綜儀詳皆為亭侯黃武八年夏黃龍見夏口于是權稱尊號因瑞改元又作黃龍大牙常在中軍諸軍進退視其所向命綜作賦蜀聞權踐阼遣使重申前好綜為盟文文義甚美權下都建業詳綜並為侍中進封鄉侯兼左右領軍時魏降人或云魏都督河北振威將軍吳質頗見猜疑綜乃偽為質作降文三條此文既流行而質已為侍中矣後拜綜偏將軍兼左執法領辭訟凡

自權統事諸文詁策命鄰國書符略皆綜之所造也亦烏六年卒子冲嗣 胡冲有吳朝人士品秩狀八卷吳曆六卷本志不著錄見唐志雜史類

又傳評曰是儀徐詳胡綜皆孫權時幹興事業者也儀清恪貞素詳數通使命綜文采才用各見信任辟之廣夏其椽椽之佐乎

唐書經籍藝文志胡綜集二卷

嚴氏全三國文編吳胡綜有集二卷今存黃龍大牙賦中分天下盟文請立諸王表議奔喪偽為吳質作降文太子賓友目凡六篇

梁又有東觀令華覈集五卷錄一卷亡一本作華覈誤

吳志本傳覈字永先吳郡武進人也始為上虞尉典農都尉以文學入為祕府郎遷中書丞孫皓即位封徐陵亭侯後遷東觀令領右國史覈上疏辭讓皓答曰得表以東觀儒林之府當講校文藝處定疑難漢時皆名學碩儒乃任其職乞更選英賢聞之以卿研精墳典博覽多聞可謂悅禮樂敦詩書者也當飛翰騁藻光贊時事以越揚班張蔡之疇怪乃謙光厚自非薄宜勉脩所職以邁先賢勿復紛紛皓以覈年老勅令草表覈不敢又勅作草文停立待之覈為文章對覈前後陳便宜及貢薦良能解釋罪過書百餘上皆有補益天册元年以微譴免數歲卒所論事章疏咸傳于世

又傳評曰胡冲以為華覈文賦之才有過于章曜而典誥不及也予觀覈數獻良規期于

自盡庶幾忠臣矣

唐書經籍志華嚴集三卷藝文志五卷

嚴氏全三國文編曰華嚴有集五卷今存車賦奏薦陸胤表薦陸禕聞蜀亡詣宮門上表諫吳主皓盛夏興工疏上務農禁修疏乞赦樓玄疏疏請召還薛瑩疏救章曜奉勅草對凡十一篇

吳侍中張儼集一卷梁二卷錄一卷張儼有默記見子部雜家

唐書經籍藝文志張儼集二卷嚴氏全三國文編曰張儼字子節吳人官大鴻臚有默記三卷集一卷文士傳有賦犬一條藝文類聚有請立大子師傅表一篇又蜀志諸葛亮傳注引默記述佐篇北堂書鈔引默記佚文一條

梁又有章昭集二卷錄一卷亡章昭有毛詩答問見經部詩類

吳志本傳皓收曜付獄華嚴連上疏救曜曰曜自少勤學雖老不倦探綜墳典温故知新及意所經識古今行事外吏之中少過曜者又華嚴傳末云曜嚴所論事章疏咸傳于世也

又傳評曰薛瑩稱章曜篤學好古博見羣籍有記述之才胡冲以為華嚴文賦之才有過于曜而典誥不及也

晉書樂志漢時有短簫鏡歌之樂其曲列于鼓吹多序戰陳之事及魏受命改其十二曲使繆襲為辭是時吳亦使章昭製十二曲名

以述功德受命

宋書樂志章昭于孫休世上鼓吹鏡歌十二曲表曰當付樂官善歌者習歌曰炎精缺者言漢室衰武烈皇帝孫堅奮迅猛志念在匡救王迹始乎此也曰漢之季者武烈皇帝悼漢之微痛卓之亂與兵奮擊功蓋海內也曰據武師者言大皇帝權卒武烈之業而奮征也曰烏林者言曹操既破荆州從流東下大皇帝命將周瑜逆擊之于烏林而破走也曰秋風者言大皇帝說以使民民忘其死曰克皖城者言曹操志圖兼并令朱光為廬江太守上親征光破之于皖城也曰關背德者言蜀將關某背棄吳德大皇帝引師浮江而擒之也曰通荆門者言大皇帝與蜀交好齊盟終復初好也曰章洪德者言大皇帝章其大德遠方來附也曰從曆數者言大皇帝從圖籙之符而建大號也曰承天命者言上以聖德踐位道化至德盛也曰玄化者言上脩文訓武則天而行仁澤流洽天下喜樂也

唐書經籍藝文志章昭集二卷馮氏詩紀輯存鼓吹鏡歌十二曲汪氏文選撰人篇目吳章弘嗣昭有博奕論案吳志孫和傳和常言當世士人宜講修術學校習射御以周世務而但交游博奕以妨事業非進取之謂乃命侍坐者八人各著論以矯之于是中庶子章曜退而論奏和以示賓客案此則當時奉令而作者凡八人文選所錄止章昭一家其時關澤薛綜張純封備嚴維晉樂顧譚等皆為太子侍從意此數人亦皆有所作

嚴氏全三國文編曰章昭字弘嗣陳壽避司

馬文王諱追改名曜孫皓鳳凰二年忤旨下獄誅有國語注二十二卷吳書五十五卷集二卷今存雲陽賦上鼓吹鏡歌表因獄吏上辭國語解鼓博奕論凡五篇

吳中書令紀厲集三卷梁有錄一卷

吳志孫皓傳元興元年是歲十二月晉文帝為魏相國遣使齎書陳時勢利害以申喻皓甘露元年三月皓遣光祿大夫紀陟五官中郎將弘珍報書陟至洛遇晉文帝崩十一月乃遣還十二月晉受禪案陟並相通范書鄧鸞章懷太子注云東觀記作鄧陟與此相類

又傳注吳錄曰陟字子上丹陽人初為中書郎孫休時父亮為尚書令而陟為中書令每朝會詔以屏風隔其坐出為豫章太守陟子孚皓封都亭侯孚弟瞻字思遠入仕晉驃騎將軍晉書紀瞻傳瞻丹陽秣陵人也車乘與尚書令父陟光祿大夫

唐書經籍志吳紀厲集三卷藝文志二卷嚴氏全三國文編曰紀厲丹陽人尚書令亮子累官至中書令有集三卷太平御覽有上吳主皓表一條

梁又有陸景集一卷亡陸景有典語見子部儒家

吳志陸抗傳抗子晏晏弟景玄機雲分領抗兵景深身好學著書數十篇也

嚴氏全三國文編曰陸景有典語十卷典語別二卷集一卷藝文類聚北堂書鈔有與兄

書三條誠盈一篇

以上三國孫吳人文凡八家附梁有七家  
綜一十五家

大凡三國人文二十八家附梁有三十四  
家通計六十二家六十四部是為別集類  
分篇第三內魏武帝一家三部

隋書經籍志考證卷三十九之四

集部二之四

別集類四晉

晉宣帝集五卷梁有錄一卷

晉書本紀宣皇帝諱懿字仲達河南溫縣人  
姓司馬氏漢建安六年郡舉上計掾魏武為  
丞相辟為文學掾歷文帝明帝至齊王時累  
遷侍中持節都督中外諸軍錄尚書事進太  
傅嘉平元年進丞相加九錫三年策命為相  
國進封安平郡公並固讓不受是年秋八月  
戊寅崩于京師時年七十三諡曰文貞後改  
諡文宣先是預作終制作顧命三篇晉國初  
建追尊曰宣王武帝受禪上尊號曰宣皇帝  
廟號高祖

又曰魏武聞帝有狼顧相欲驗之乃召使前  
行令反顧面正向後而身不動及平公孫文  
懿大行殺戮曹爽之際支黨皆夷及三族  
男女無少長姑姊妹之適人皆殺之明帝時  
王導侍坐帝問前世所以得天下導乃陳帝  
創業之始及文帝末高貴鄉公事明帝以面  
覆牀曰若如公言晉祚復安得長遠迹其猜  
忍蓋有符于狼顧也 公孫淵字文懿惟見于此唐  
人避諱故稱其字

唐書經籍志晉宣帝集十卷藝文志五卷

馮氏詩紀晉書曰高祖伐公孫淵過溫見父  
老故舊讌飲累日悵然有感為讌飲歌一篇  
嚴氏全晉文編晉宣帝有集五卷據三國志  
紀傳注及晉書御覽諸書有遺詔令教上書

上言奏事議書凡一十五篇

晉文帝集三卷

晉書本紀文帝諱昭字子上景帝母弟也魏  
正元二年景帝崩進位大將軍加侍中都督  
中外諸軍錄尚書事輔政景元四年進封晉  
公加九錫以相國總百揆咸熙元年進爵為  
王二年天子命帝冕十有二旒建天子旌旗  
出警入蹕如帝者之儀秋八月辛卯崩年五  
十五諡曰文王武帝受禪追尊曰文皇帝廟  
號太祖

唐書經籍志晉文帝集一卷藝文志二卷

嚴氏全晉文編文帝有集三卷今存讓諡兄  
司馬師為武公表請魏帝親征諸葛誕表奏  
收成濟與鄭袤書與王基書報王基書與山  
濤書與鍾會書凡八篇

齊王攸集二卷梁三卷

晉書文六王傳文帝文明皇后生武帝齊獻  
王攸攸字大猷少而岐嶷及長清和平允親  
賢好施愛經籍能屬文善尺牘為世所楷才  
望出武帝之右宣帝每器之景帝無子命攸  
為嗣武帝踐阼封齊王時朝廷草創而攸總  
統軍事撫寧內外莫不景附焉遷驃騎將軍  
開府辟召禮同三公轉鎮軍大將軍加侍中  
行太子少傅數年授太傅獻箴于太子世以  
為工咸寧二年代賈充為司空太康三年詔  
以爲大司馬都督青州明年策攸就國攸知  
苟助馮統搆己憤怨發疾歿年三十六  
子罔立攸以禮自拘鮮有過事就人借書必



手刊其謬然後反之加以至性過人有觸其

諱者輒泣然流涕武帝亦敬憚之每引之同

處必擇言而後發

唐書

晉王沈集五卷太原

王沈有魏書見史部正史篇

有文才引沈及裴秀數于東堂講讎屬文號

沈爲文籍先生秀爲儒林丈人

唐書經籍藝文志晉王沈集五卷

嚴氏全晉文編王沈有魏書四十八卷集五

梁有鄭袤集二卷亡

晉書本傳袤字林叔滎陽開封人也高祖衆

漢大司農父泰揚州刺史有高名袤早有識

鑒魏武帝初封諸子爲侯精選賓友袤與徐

幹俱爲臨菑侯文學案陳思王初封臨菑侯後爲

廣平太守以德化爲先善作條教郡中愛之

魏景元初疾病失明屢乞骸骨不許拜光祿

大夫武帝踐阼進爵密陵侯泰始九年薨年

八十五諡曰元有子六人長子默嗣次質舒

詡稱予位並列卿鄭氏孝經注或疑爲鄭僑撰即此

鄭稱妻第五子也

唐書經籍藝文志鄭袤集二卷

二十五史補編 隋書經籍志考證

作稽非也

魏志王粲附傳注稽氏譜曰康兄喜字公穆

晉揚州刺史宗正喜爲康傳曰家世儒學

晉書稽康傳康兄喜有當世才歷太僕宗正

又忠義稽含傳祖喜徐州刺史

唐書經籍藝文志稽喜集二卷

嚴氏全晉文編曰稽喜字公穆譙國鉅人魏

中散大夫稽康兄爲衛軍司馬入晉拜揚州

刺史遷太僕宗正有集二卷魏志王粲傳注

引所作稽康傳

晉散騎常侍應貞集一卷梁五卷

魏志王粲附傳始文帝爲五官將及平原侯

植皆好文學粲與汝南應瑒等並見友善瑒

弟瑒瑒子貞咸以文章顯貞咸熙中參相國

軍事注文章敘錄曰貞字吉甫少以才聞能

談論正始中夏侯玄盛有名勢貞常在玄坐

作五言詩玄嘉玩之舉高第歷顯位晉武帝

爲撫軍大將軍以貞參軍事晉室踐阼遷太

子中庶子散騎常侍又以儒學與太尉荀顛

撰定新禮事未施行

晉書文苑傳貞字吉甫汝南頓人魏侍中

璩之子也自漢至魏世以文章顯軒冕相襲

爲郡盛族貞善談論以才學稱武帝踐阼遷

給事中帝于華林園宴射貞賦詩最美太始

五年卒文集行于世

應貞明易論

唐書經籍藝文志應貞集五卷

馮氏詩紀輯存華林園詩九章

汪氏文選撰人篇目晉應吉甫貞有華林集

詩

嚴氏全晉文編應貞有集五卷今存臨丹賦

安石榴賦蒲桃賦釋左雜論七華杖箴朱杖

銘華覽革林凡九篇

晉司隸校尉傅玄集十五卷梁五十卷錄一卷亡

傅玄有傅子見子部雜家

晉書本傳玄博學善屬文解鍾律數上書陳

便宜多所匡正又曰玄少時避難于河內專

心誦學後雖顯貴而著述不廢撰傅子數十

萬言并文集百餘卷行于世

太平御覽文部摯虞文章流別論曰傅子集

古今七篇品之署曰七林案此條嚴氏輯流別論

遺之

文心雕龍樂府篇曰逮于晉世則傅玄曉音

創定雅歌以詠祖宗又才略篇曰傅玄篇章

義多規鏡

唐書經籍藝文志傅玄集五十卷

宋史藝文志傅玄集一卷

馮氏詩紀曰休奕諸詩文句多闕不能盡析

姑從類次之其不成章者列于卷末凡五十

三篇七十三首

又曰晉書樂志武帝受命泰始二年詔郊祀

歌三篇又曰武帝令傅玄製鼓吹曲二十二首又秦始皇九年傅玄造正德舞歌大豫舞歌各一篇又有宣武舞歌四首宣文舞歌二首又有聲舞歌五首鐸舞歌一首 案晉宋齊書樂志所載樂章或不盡著撰人馮氏據諸書皆一一考訂之故不取史志唯以詩紀爲斷其下成公綏有勸張華諸家並同此

張氏百三家傳鶉觚集一卷凡賦墓誌疏奏議序論贊箴銘誡頌設難誄祝文九十五篇樂府三十八篇詩二十五篇

汪氏文選撰人篇目晉傅休奕玄有雜詩一首

嚴氏全晉文編輯存賦五十三篇擬騷表疏議客難七謨序頌古今畫贊箴銘口誡墓誌誄祝文凡四十篇綜九十三篇編爲二卷

晉著作郎成公綏集九卷殘缺梁十卷

晉書文苑傳成公綏字子安東郡白馬人也幼而聰敏博涉經傳性寡欲不營資產家貧歲飢嘗晏如也少有俊才辭賦甚麗閑默自守不求聞達時有孝烏每集其廬舍綏謂有反哺之德以爲祥禽乃作賦美之又以爲賦者貴能分賦物理敷演無方天地之盛可以致思矣歷觀古人未之有賦豈獨以至麗無文難以辭贊不然何其闕哉乃爲天地賦綏雅好音律嘗當暑承風而嘯泠然成曲因爲嘯賦張華雅重綏每見其文歎伏以爲絕倫薦之太常徵爲博士歷祕書郎轉丞遷中書郎每與華受詔並爲詩賦又與賈充等參定

法律秦始皇九年卒年四十三所著詩賦雜筆十餘卷行世

又史臣曰子安幼標明敏少蓄清思懷天地之寥廓賦辭人之所遺特購新情豈常均之所企

文心雕龍詮賦篇曰太冲安仁策勳于鴻規士衡子安底績于流制又才略篇曰成公子安選賦而時美

唐書經籍藝文志成公綏集十卷

馮氏詩紀輯存中宮詩二首行路詩游仙詩各一首又曰晉書樂志武帝太始五年使傅玄荀勗張華等各造正旦行禮及王公上壽酒食舉樂歌詩後又詔成公綏亦作焉綏造王公上壽酒歌一篇正旦大會行禮歌十五章

張氏百三家成公子安集一卷凡賦頌銘箴誄七唱雜文三十篇樂歌二篇詩二篇

汪氏文選撰人篇目晉成公子安綏有嘯賦嚴氏全晉文編曰成公綏有集十卷今存天地賦以迄螳螂賦凡二十四篇七唱頌贊錢神論箴銘誄戒火文隸書體十二篇綜三十六篇

梁又有裴秀集三卷錄一卷亡

魏志裴潛傳潛字文行河東聞喜人子秀成熙中爲尙書僕射注文彙錄曰秀字季彥弘通博濟八歲能屬文遂知名大將軍曹爽辟累遷散騎常侍尙書僕射令光祿大夫成熙中晉文王始建五等命秀典爲制度封廣

川侯晉室受禪進左光祿大夫改封鉅鹿公遷司空著易及樂論又畫地域圖十八篇傳行于世盟會圖及典治官制皆未成年四十八秦始皇七年薨諡元公配食宗廟

晉書本傳秀少好學有風操叔父徽有盛名賓客甚衆秀年十歲有詣徽者出則過秀魏咸熙初釐革憲司時荀勗定禮儀賈充正法律而秀改官制焉武帝受禪詔以秀爲司空

秀儒學洽聞且留心政事常禪代之際總納言之要其所裁當禮無違者又以職在地官

以禹貢山川地名從來久遠多有變易後世說者或彊牽引漸以暗昧于是甄擿舊文疑者則闕古有名而今無者皆隨事注列作禹

貢地域圖十八篇奏之藏于祕府案此圖必亡于永嘉之亂秀創制朝儀廣陳刑政朝廷多遵用之以爲故事在位四載爲當世名公服寒食散當飲熱酒而飲冷酒秦始皇七年薨初秀

以尙書三十六曹統事準例不明宜使諸卿任職未及奏而薨其友人料其書記得表草言平吳之事乃封以上聞

唐書經籍藝文志裴秀集三卷

馮氏詩紀輯存大蜡詩一篇

嚴氏全晉文編裴秀有集三卷本傳載平吳表草禹貢九州地域圖序北堂書鈔載奏事與山濤書凡四篇

晉金紫光祿大夫何植集一卷梁五卷顧當爲植

太平御覽文部文士傳曰何植字元幹青龍元年天子特詔曰揚州別駕何植有文章才

試使作許都賦成封上不得令人見楨遂造賦上甚異之嚴氏錄入魏明帝集載此詔云使作許都賦成上不封得令人見

唐書經籍藝文志何楨集五卷

嚴氏全晉文編曰何楨字元幹廬江灣人魏太和中爲揚州別駕正始中爲弘農太守歷幽州刺史拜廷尉入晉爲尚書光祿大夫有五集五卷今存許都賦佚文及表議贊鼓凡五篇

梁又有袁準集二卷錄一卷亡

袁準有喪服經傳見經部禮類

唐書經籍藝文志袁準集二卷

嚴氏全晉文編袁準有儀禮喪服經注一卷袁子正論十九卷正書二十五卷集二卷藝文類聚有招公子一名觀殊俗才性論魏志齊王紀注有獻言于曹爽宜捐淮漢已南凡三篇

晉少傅山濤集九卷梁五卷錄一卷又一本十卷齊奉朝請表津注

晉書本傳濤字巨源河內懷人也少有器量介然不羣性好莊老每隱身自晦與嵇康呂安善後遇阮籍便爲竹林之游著忘年之契魏正元初司隸舉秀才除郎中歷驃騎王昶從事中郎趙國相尚書吏部郎大將軍從事中郎行軍司馬咸熙初封新齊子泰始初進爵爲伯咸寧初轉太子少傅加散騎常侍尚書僕射加侍中領吏部拜司徒太康四年薨年七十九諡曰康

唐書經籍藝文志山濤集五卷

嚴氏全晉文編山濤有集九卷今惟見本傳所載表疏四篇通典載答詔問郡說事二條及諸書所引啓事五十一條

案別有山公啓事見後總集類或亦編入

十卷本中也齊奉朝請表津始末未詳本

志所載爲詩文集注者始見于此

梁又有向秀集二卷錄一卷亡

向秀有莊子注見子部道家

晉書本傳秀清悟有遠識少爲山濤所知既

爲莊子隱解發明奇趣又與嵇康論養生辭

難往復蓋欲發康高致焉康既被誅秀應本

郡計入洛秀乃自此役作思舊賦

世說言語篇注向秀別傳曰秀少爲同郡山

濤所知又與譙國嵇康東平呂安友善並有

拔俗之韻其進止無不同而造事營生業亦

不異常與嵇康偶鍛于洛邑與呂安灌園于

山陽不慮家之有無外物不足拂其心弱冠

著儒道論棄而不錄好事者或存之或云是

其族人所作困于不行乃告秀欲假其名秀

笑曰可復爾耳

文心雕龍指瑕篇曰崔瑗之誅李公比行于

黃虞向秀之賦嵇生方罪于李斯與其失也

雖寧僭毋濫然高厚之詩不類甚矣凡巧言

易標拙辭難隱斯言之玷實深白圭

釋文敘錄曰晉張璠周易集解有向秀易義

璠序云依向秀本

唐書經籍藝文志向秀集二卷

汪氏文選撰人篇目晉向子期秀有思舊賦

嚴氏全晉文編向秀有集二卷今惟本傳及文選所載思舊賦嵇中散集載難養生論各一篇

梁又有平原太守阮種集二卷錄一卷亡

晉書本傳種字德猷陳留尉氏人漢侍中胥

卿八世孫也弱冠有殊操爲嵇康所重康著

養生論所稱阮生卽種也察孝廉爲公府掾

詔舉賢良方正直言之士于是太保何曾舉

種賢良對策種與濟陰郗詵東平王康俱居

上第卽除尚書郎然毀譽之徒或言對者因

緣假託帝乃更延羣士庭以問之策奏親覽

焉又擢爲第一轉中書郎進止有方正己

率下朝廷咸憚其威容每爲駁議事皆施用

遂爲楷則遷平原相卒于郡

唐書經籍藝文志阮沖集二卷沖並當爲種

嚴氏全晉文編阮種有集二卷今唯見本傳

所載泰始七年舉賢良對策廷試對策各一

篇

梁又有阮侃集五卷錄一卷亡

阮侃有攝生論二卷見子部道家

唐書經籍藝文志阮侃集五卷

案阮侃事蹟不概見惟世說賢媛篇注引

陳留志知爲魏衛尉阮共之少子亦與嵇

康爲友康集載宅無吉凶攝生論與張遠

叔相反覆者意侃集其論爲二卷七錄列

之道家或亦編入本集五卷中也又阮種

字德猷侃字德如皆陳留尉氏人殆與種

兄弟行德如妹爲魏領軍許允婦奇醜而才識在允之上交禮竟允無復入理桓範謂允曰阮家既嫁醜女與卿故當有意卿宜察之遂相敬重云

晉太傅羊祜集一卷殘缺梁二卷錄一卷

羊祜有老子傳見子部道家

晉書本傳祜蔡邕外孫博學能屬文善談論時高貴鄉公好屬文在位者多獻詩賦祜在其間焉又曰祜歷職二朝任典樞要政事損益皆諮訪焉其嘉謨讜議皆焚其草故世莫得聞又曰祜樂山水每風景必造峴山置酒言詠終日不倦嘗慨然嘆息願謂從事中郎鄒湛等曰自有宇宙便有此山由來賢達勝士登此遠望如我與卿者多矣皆湮沒無聞使人悲傷湛曰公德冠四海道嗣前哲令聞令望必與此山俱傳至若湛輩乃當如公言耳祜所著文章及爲老子傳並行于世襄陽百姓于峴山祜平生游憩之所建碑立廟焉李充翰林論曰表宜以遠大爲本不以華藻爲先若諸葛之表劉主裴公之辭侍中羊公之辭開府可謂德音矣案裴公似謂裴成公顧也久任侍中又使專任門下顧辭讓不許又上言云見晉書裴秀附傳祜本傳云開府累年謙讓不辭士文心雕龍章表篇曰羊公之辭開府有譽于前談

唐書經籍藝文志羊祜集二卷

汪氏文選撰人篇目曰晉羊叔子祜有讓開府表

嚴氏全晉文編曰羊祜有集二卷今見諸書所引有鴈賦讓開府表讓封南城侯表請伐吳疏與從弟瑒書與吳都督陸抗書誠子書凡七篇

梁又有蔡玄通集五卷亡

蔡玄通始末未詳

梁又有太宰賈充集五卷錄一卷亡

晉書本傳充字公閭平陽襄陵人父遠魏豫州刺史陽里亭侯充襲父爵爲侯拜尚書郎典定科令兼度支考課辯章節度事皆施用與裴秀王沈羊祜荀勗同受腹心之任文帝又命充定律晉受禪以建明大命更封魯郡公累遷司空太尉錄尚書事太康三年四月薨年六十六追贈太宰諡曰武配饗廟庭又史臣曰賈充以諂諛陋質刀筆常材幸屬昌辰濫叨非據抽戈犯順曾無猜憚之心杖鉞推亡遽有知難之請非唯魏朝之悖逆抑亦晉室之罪人者歟然猶身極寵光任兼文武存荷台衡之寄沒有從享之榮可謂無德而祿殃將及矣逮乎貽厥乃乞丐之徒嗣惡稔之餘基縱姦邪之凶德煽茲哲婦索彼惟家雖及誅夷曷云塞責昔當塗闕翦公閭實肆其勞典午分崩南風亦盡其力可謂君以此始必以此終信乎其然矣 賈后名南風充女也

唐書經籍藝文志賈充集二卷

馮氏詩紀輯存與李夫人聯句一首

嚴氏全晉文編賈充有集五卷今惟本傳及

裴頠傳有表三篇議一篇

梁又有荀勗集三卷錄一卷亡

荀勗有晉中經見史部簿錄篇  
晉書本傳勗岐嶷夙成年十餘歲能屬文既長博學達于從政時將發使聘吳並遣當時文士作書于孫皓文帝用勗所作皓既報命和親帝謂勗曰君前作書使吳思順勝十萬之衆也武帝受禪領著作與賈充共定律令既掌樂事又脩律呂並行于世時帝知太子闇弱恐後亂國遣勗及和嶠往觀之勗還盛稱太子之德而嶠云太子如初于是天下貴嶠而賤勗帝將廢賈妃勗與馮統等諫請故得不廢時議以勗領國害時孫資劉放之匹云

唐書經籍藝文志荀勗集二十卷案十字衍

馮氏詩紀輯存從武帝宴華林園詩二篇又曰晉書樂志泰始中使傅玄荀勗張華各造正旦大會行禮及王公上壽酒食舉樂歌詩勗乃更作行禮詩四篇又爲正旦大會王公上壽歌詩并食舉樂歌詩合十三篇又造正德大豫舞歌二首

嚴氏全晉文編荀勗有集三卷藝文類聚載有蒲萄賦餘所引有表奏議書及上穆天子傳序凡十六篇

晉征南將軍杜預集十八卷

杜預有喪服要集見經部禮類

晉書本傳預博學明于興廢之道常言德不可以企及立功立言可庶幾也泰始中守河

南尹受詔爲黜陟之課拜度支尙書奏立籍田建安邊論處軍國之要又作人排新器與常平倉定穀價較鹽運制課調內以利國外以救邊者五十餘條皆納焉又以時厯差舛不應暑度奏上二元乾度曆行于世咸寧四年秋大霖雨蝗蟲起預上疏多陳農要事在食貨志在內七年損益萬機不可勝數荆野稱美號曰杜武庫言其無所不有也及鎮荊州數請伐吳表陳至計孫皓既平于公家之事知無不爲凡所興造必考度終始鮮有敗事好爲後世名常言高岸爲谷深谷爲陵刻石爲二碑記其勳績一沈萬山之下一立峴山之上曰焉知此後不爲陵谷乎又爲遺令欲以儉自完子孫一以遵之

又史臣曰杜預不有生知用之則習振長策而攻取兼儒風而轉戰孔門稱四則仰止其三春秋有五而獨擅其一不其優歟

唐書經籍藝文志杜預集二十卷

張氏百三家杜征南集一卷凡奏疏表議書序論說譜令雜文凡三十一篇

汪氏文選撰人篇目晉杜元凱預有左氏傳序

嚴氏全晉文編杜預有春秋左氏經傳集解三十卷春秋釋例十五卷集十八卷諸書所引有表奏疏議答問書七規一作七矯律序春秋左氏傳序後序長曆宗譜遺令集要自述凡二十八篇又北堂書鈔一百十九引杜預集序一條

晉輔國將軍王濬集一卷殘缺梁二卷錄一卷

晉書本傳濬字士治弘農湖人也家世二千石博涉典墳州郡辟河東從事後參征南軍事羊祜雅知濬有奇略密表爲益州刺史尋拜龍驤將軍大舉伐吳受孫皓降拜輔國大將軍領步兵校尉封襄陽侯濬自以功大而爲王渾父子及豪強所抑屢爲有司所奏每進見陳其功伐之勞及見枉之狀或不勝忿憤徑出不辭帝每容恕之時人咸以濬功重報輕博士秦秀等並表訟濬之屈帝乃遷濬鎮軍大將軍加散騎常侍領後軍將軍後又轉濬撫軍大將軍開府儀同三司加特進太康六年卒時年八十諡曰武

唐書經籍藝文志王濬集二卷

馮氏詩紀輯存祖道應令詩一篇

嚴氏全晉文編王濬有集二卷今惟見本傳及書抄御覽所載上疏請平吳上書自理復上表自理凡三篇

晉徵仕皇甫謐集二卷錄一卷仕常爲士

皇甫謐有帝王世紀見史部雜史類

晉書本傳謐博綜典籍百家之言以著述爲務著禮樂聖真之論或勸謐脩名廣交謐以爲居田里之中亦可以樂堯舜之道何必崇接世利事官執掌然後爲名乎作玄守論以答之時魏郡召上計掾舉孝廉景元初相國辟皆不行其後鄉親勸令應命謐爲釋勸論以通志焉後武帝頻下詔敦逼不已謐上疏稱草莽臣自陳久嬰篤疾辭切言至遂見

聽許歲餘又舉賢良方正並不起自表就帝

借書帝送一車書與之著論爲葬送之制名曰篤終所著詩賦誄頌論難甚多並行于世又史臣曰皇甫謐素履幽貞閑居養疾留情筆削敦悅丘墳軒冕未足爲榮貧賤不以爲恥確乎不拔斯固有晉之高者歟泊乎篤終立論薄葬昭儉既戒奢于季氏亦無取乎王孫可謂達存亡之機矣

唐書經籍藝文志皇甫謐集二卷

馮氏詩紀輯存女怨詩殘文一條

汪氏文選撰人篇目曰晉皇甫士安謐有三都賦序

嚴氏全晉文編皇甫謐有集二卷今見本傳及藝文御覽所載有讓徵聘表答辛曠書玄守論釋勸論篤終論帝王世紀漢高祖論光武論高士傳焦先論列女傳龐娥親論三都賦序高士傳序自序闕題凡十三篇

晉侍中程咸集三卷

唐書經籍藝文志程咸集二卷

嚴氏全晉文編曰程咸字延休魏正元中爲司隸校尉府主簿入晉歷黃門郎散騎常侍左通直郎累遷至侍中有集二卷今見通典類聚書鈔所引有已出女不從坐議王昌前母服議華林園詩序凡三篇

梁有光祿大夫劉毅集二卷錄一卷亡

晉書本傳毅字仲雄東萊掖人漢陽城景王章之後魏末同郡王基薦毅於公府太常鄭袤舉博士文帝辟爲相國掾武帝受禪爲尙

書郎駙馬都尉散騎常侍國子祭酒司隸校尉毅言議切直無所屈撓為朝野之所式瞻遷尚書左僕射以光祿大夫致仕為青州大中正太康六年卒

唐書經籍藝文志劉毅集二卷

嚴氏全晉文編劉毅有集二卷今見本傳通典羣書治要所引有表疏上言駁奏凡五篇案羣書治要中有晉書二卷也

梁有晉侍中庾峻集二卷錄一卷亡

晉書本傳峻字山甫潁川鄆陵人也少好學有才思歷郡功曹舉計掾州辟從事太常鄭袤舉博士時重莊老而輕經史峻懼雅道陵遲乃潛心儒典屬高貴鄉公幸太學問尚書義峻援引師說發明經旨申暢疑滯對答詳悉案亦見魏志本紀時峻為尚書博士也 遷秘書丞武帝踐阼賜爵關中侯遷司空長史秘書監御史中丞侍中諫議大夫常侍帝講詩中庶子何劭論風雅正變之義峻起難往反四坐莫能屈是時風俗趨競禮讓陵遲峻上疏曰云云又疾世浮華不修名實著論以非之九年卒案當是泰始九年也

唐書經籍藝文志庾峻集三卷

嚴氏全晉文編庾峻有集二卷本傳有上疏請易風俗與禮讓類聚有祖德頌御覽有遺勅子珉凡三篇

晉巴西太守郤正集一卷

蜀志本傳正字令先河南偃師人也祖父儉靈帝時益州刺史為盜賊所殺父揖留蜀為

孟達營都督隨達降魏為中書令史正本名纂少以父死母嫁單煢隻立而安貧好學博覽籍籍弱冠能屬文入為秘書吏轉為令史遷郎至令澹于榮利而尤耽意文章自司馬王揚班傅張蔡之儔遺文篇賦及當世美書善論益部有者則鑽鑿推求略皆寓目自在內職與官人黃皓比屋周旋經三十年不為皓所愛憎官不過六百石而免于憂患依則先儒假文見意號曰釋譏其文繼于崔駰達旨景耀六年後主從譙周之計遣使請降于鄧艾其書正所造也明年正月鍾會作亂成都後主東遷洛陽時擾攘倉卒蜀之大臣無翼從者惟正及殿中督汝南張通捨妻子單身隨侍後主賴正相導宜適舉動無闕乃慨然嘆息恨知正之晚時論嘉之賜爵關內侯泰始中除安陽令八年詔以正為巴西太守咸寧四年卒凡所著述詩論賦之屬垂百篇又傳評曰譙周詞理淵通為世碩儒有董揚之規郤正文辭粲爛有張蔡之風加其行止君子有取焉二子處晉事少在蜀事多故著于篇

唐書經籍藝文志郤正集一卷

嚴氏全晉文編錄存為後主作降書姜維論釋譏凡三篇

晉散騎常侍薛瑩集三卷

薛瑩有後漢記見史部正史類 吳志薛綜傳綜子翊翊弟瑩孫皓建衡三年皓追歎瑩父綜遺文且命瑩繼作瑩獻詩一

篇出為武昌左部督下獄徙廣州右國史華覈疏請瑩還續修吳書遂召還為左國史復以微事為人所白徙廣州未至召還復職是時法政多謬舉措煩苛瑩每上便宜陳緩刑簡役以濟育百姓事或施行天紀四年晉軍征皓皓奉書于司馬仲王渾王濬請降其文瑩所造也瑩既至洛陽特先見敘為散騎常侍客問處當皆有條理太康三年卒著書八篇名曰新議

又傳注于寶晉紀曰武帝從容問瑩曰孫皓之所以亡者何也瑩對曰歸命侯臣皓之君吳也昵近小人刑罰妄加大臣大將無所親信人人憂恐各不自保危亡之覺實由于此帝遂問吳士存亡者之賢愚瑩各以狀對 唐書經籍志晉薛瑩集二卷

唐書藝文志吳薛瑩集二卷 列吳薛綜集三卷之前綜瑩之父也敘次失當

嚴氏全晉文編薛瑩有後漢紀一百卷新議八篇集三卷今存為吳主皓請降書後漢紀光武明帝章帝安帝桓帝靈帝贊各一篇條例吳事一則 案世說規箴篇注引條列吳事曰孫休在位悉悉無有遺事唯射雉可譏殆即薛瑩所條之一事又吳志第二十評曰薛瑩稱王善樓玄實即事瑩四人云云亦是條列吳事中之四事嚴氏皆未采或亦當在國史中也 又條列吳事或即新議八篇新議本志及七錄皆不見疑編入本集

梁又有散騎常侍陶潛集二卷錄一卷亡

晉書陶璜傳璜字世英丹陽秣陵人仕吳為

交州牧孫皓既降手書勅瑒歸順詔復其本職封宛陵侯瑒在南三十年威恩著于殊俗瑒弟濬吳鎮南大將軍荆州牧濬弟抗濬子湮湮弟猷並有名

吳志孫皓傳天紀三年夏郭馬反攻殺廣州督虞授自號都督交廣二州諸軍事安南將軍八月遣徐陵督陶濬將七千人從西道命交州牧陶瑒部伍所領共擊馬陶濬至武昌聞晉軍大出停駐不前四年春晉軍所在戰克三月戊辰陶濬從武昌還即引見問水軍消息對曰蜀船皆小今得二萬兵乘大船戰自足擊之于是合衆授濬節鉞明日當發其夜衆悉逃走而王濬順流將至司馬伯玉渾皆臨境皓用光祿勳薛瑩中書令胡冲等計分遣使奉書于濬伯玉請命案書戰事甚略吳志載濬事如此所謂合衆授節鉞者蓋即授鎮南大將軍荆州牧之官入晉終于散騎常侍者

唐書經籍藝文志陶濬集二卷

案吳志孫皓傳注江表傳載皓將敗與舅何植書曰得陶濬表云武昌以西並復不守不守者非糧不足非城不固兵將背戰耳濬之佚文得考見者唯此一表

晉通事郎江偉集六卷

唐書經籍藝文志江偉集五卷

馮氏詩紀曰江偉爵里無考有正元二年答弟廣平賀蜡詩一首藝文類聚作晉人然晉無正元之號或誤也嚴氏全晉文編曰江偉陳留襄邑人仕魏官

爵未詳武帝時爲通直郎有集六卷藝文類聚有答弟廣平賀蜡詩序襄邑令傅渾頌各一篇

案偉之詩序云正元二年冬臘家君在陳郡余別在國舍不得集會弟廣平作詩以貽余余答之云案正元魏高貴鄉公年號也是詩蓋猶在魏時作文選齊安陸昭王碑文注引江衛與荀仲茂茂似卽此江偉也

梁有宣舒集五卷亡

宣舒有宣子二卷見子部道家

唐書經籍志宣聘集三卷

唐書藝文志宣聘集三卷宣聘皆宣舒之諱詳見道家

嚴氏全晉文編曰宣舒字幼驥陳郡人爲宣城令有集五卷經典敍錄有通知來藏往論今亡通典九十二有申袁準從母服論一篇梁有散騎常侍曹志集二卷錄一卷亡

魏志陳思王植傳植發病薨遺令以小子志保家之主也欲立之志嗣徙封濟北王累增邑并前九百九十戶注引志別傳曰志字允恭好學有才行晉武帝爲中撫軍迎常道鄉公子鄒志夜與帝相見帝與語從暮至旦甚器之及受禪改封甄城公詔以爲樂平太守歷章武趙郡遷散騎常侍國子博士祭酒及齊王攸當之藩下禮官議崇錫之典志嘆曰安有如此之才如此之親而不得樹本助化而遠出海隅者乎乃建議以諫辭旨甚切帝

大怒免志官後復爲散騎常侍太康九年卒諡曰定公

晉書本傳志譙國譙人魏陳思王之雙子也武帝受禪詔曰前濟北王曹志履德清純才高行潔好古博物爲魏宗英威寧初詔曰甄城公志篤行履素達學通識宜在儒林以弘胄子之教齊王攸將之國博士秦秀等以齊王宜內匡朝政不可之藩志又常恨其父不得志於魏因愴然嘆息乃奏議以爲當如博士等議議成當上見其從弟高邑公嘉嘉曰兄議甚切百年之後必書晉史目下將見責耶案嘉有晉紀十卷見史部古史類

唐書經籍藝文志曹志集二卷

嚴氏全晉文編曹志有集二卷本傳載奏議齊王攸之藩藝文類聚載肉刑論各一篇

梁有鄒湛集三卷錄一卷亡

鄒湛有周易統略見經部易家晉書文苑傳湛少以才學知名爲征南從事中郎深爲羊祜所器重所著詩及論議二十五首爲時所重子捷字太應亦有文才又史臣曰鄒湛之持論實南陽之人傑

唐書經籍藝文志鄒湛集四卷

嚴氏全晉文編鄒湛有集三卷今僅見文選注所引爲諸葛穆答晉王令一條

晉汝南太守孫毓集六卷

孫毓有毛詩異同評見經部詩類唐書經籍志孫毓集二卷藝文志五卷嚴氏全晉文編孫毓有毛詩異同評十卷

秋左氏傳注二十八卷孫氏成敗志三卷集  
六卷藝文類聚有賀封諸侯王表通典載廟  
志議諸禮議凡十二篇五禮駁一篇書鈔有  
七誘綜凡一十五篇

晉處士楊泉集二卷錄一卷

楊泉有物理論見子部儒家

金樓子立言篇曰楊泉賦序曰古人作賦者  
多矣而獨不賦蠶乃為蠶賦是何言歟楚蘭  
陵令荀況有蠶賦近不見之有文不如無述  
也

唐書經籍藝文志楊泉集二卷

嚴氏全三國文編曰吳楊泉有太玄經十四  
卷物理論十六卷集二卷書鈔類聚御覽文  
選注引有五湖賦贊善賦養性賦蠶賦織機  
賦草書賦請辭凡七篇

梁有司徒王渾集五卷亡太原

晉書本傳渾字玄冲太原晉陽人也父昶魏  
司空渾沈雅有器量襲爵京陵侯仕魏至越  
騎校尉武帝受禪昶始中遷東中郎將督淮  
北諸軍事鎮許昌數陳損益多見納用轉征  
虜將軍監豫州諸軍假節領刺史都督揚州  
鎮壽春及大舉伐吳渾率師出橫江既而王  
濬破石頭降孫皓明日渾始濟江登建業宮  
醜酒高會自以先據江上破皓中軍案甲不  
進致在王濬之後意甚愧恨有不平之色類  
奏濬罪狀時人譏之以平吳功進爵為公齊  
王攸當之濬渾上書諫不納太熙初遷司徒  
惠帝常訪渾元會問郡國計吏方俗之宜渾

奏陳其事帝然之詔錄尚書事元康七年薨  
年七十五諡曰元

唐書經籍藝文志王渾集五卷

嚴氏全晉文編王渾有集五卷本傳及通典  
諸書所載有表奏對上書凡九篇

梁有冀州刺史王深集五卷亡太原

魏志王昶傳昶為子作名字皆依謙實以見  
其意故其子渾字玄冲深字道冲遂書戒之  
曰欲思汝曹顧名思義不敢違越也注案晉  
書曰渾弟深冀州刺史深弟湛字處冲汝南  
太守案晉書無王深傳其事述遺文亦罕見著錄

唐書經籍藝文志王深集四卷

晉徵士閔鴻集三卷

晉書陸雲傳雲幼時吳尚書廣陵閔鴻見而  
奇之曰此兒若非龍駒當是鳳雛後舉雲賢  
良時年十六

唐書經籍藝文志晉閔鴻集二卷

嚴氏全三國文編吳閔鴻廣陵人仕吳為尚  
書入晉徵不就集三卷初學記御覽書鈔  
文選注有親蠶賦琴賦羽扇賦芙蓉賦與劉  
子雅書凡五篇

梁有光祿大夫裴楷集二卷錄一卷亡

晉書裴秀傳秀河東聞喜人也從弟楷字叔  
則父徵魏冀州刺史楷明悟有識量弱冠知  
名尤精老易少與王戎齊名鍾會薦之于文  
帝辟相國掾遷吏部郎楷風神高邁容儀備  
爽博涉羣書特精理義時人謂之玉人又稱  
見裴叔則為近玉山昭曠人也平吳之後帝

乃修太平之化每延公卿與論政道楷陳三  
五之風次序漢魏盛衰之迹帝稱善坐者嘆  
服焉惠帝時封臨海侯為中書令侍中與張  
華王戎並管機要加光祿大夫儀同三司卒  
年五十五諡曰元

又史臣曰秀則聲蓋朋僚稱為領袖楷則機  
神幼發日以清通俱為晉代名臣良有以也

唐書經籍藝文志裴楷集二卷

嚴氏全晉文編裴楷有集二卷今惟見本傳  
所載與石崇書一條

晉司空張華集十卷錄一卷

張華有博物志見子部雜家

晉書本傳華學業優博辭藻溫麗朗贍多通  
器識弘曠時人罕能測之初末知名著鶴鶴  
賦以自寄陳留阮籍見之嘆曰王佐之才也  
由是聲名始著及兼中書郎朝議表奏多見  
施用武帝嘗問漢宮室制度及建章千門萬  
戶華應對如流聽者忘倦畫地成圖左右屬  
目帝甚異之名重一世衆所推服晉史及儀  
禮憲章並屬于華多所損益當時詔語皆所  
草定惠帝時懼后族之盛作女史箴以為諷  
初陸機兄弟志氣高爽自以吳之名家初入  
洛不推中國人士見華一面如舊欽華德範  
如師資之禮焉華見害後作誄又為詠德賦  
以悼之華著博物志及文章並行于世  
鍾嶸詩品曰晉司空張華詩其源出于王粲  
其體華豔與託不奇巧用文字務為研治雖  
名高曩代而疏亮之士猶恨其兒女情多風



雲氣少謝康樂云張公雖復千篇猶一體耳今置之中品疑弱處之下科恨少季孟之間矣

文心雕龍樂府篇曰張華新篇亦充庭萬又詔策篇云魏晉詰策職在中書劉放張華互管斯任施命發號洋洋盈耳又章表篇云晉初筆札則張華爲僞其三讓公封理周辭要引義比事必得其偶世珍鶴鷄莫顧章表又才略篇云張華短章奕奕清暢其鶴鷄寓意卽韓非之說難也

唐日本國見在書目張華集十卷

唐書經籍藝文志張華集十卷

宋史藝文志張華集二卷又詩一卷

崇文總目小象千字詩一卷張華撰一名小象賦

晁氏讀書志張華集三卷晉張華茂先也范

陽人惠帝時爲司空趙王倫孫秀黨謀害之

華博物洽聞世無與比集有詩一百二十哀

辭册文二十一賦三

陳氏書錄解題張司空集三卷前二卷爲四

言五言詩後一卷爲祭祀哀誄等文

馮氏詩紀輯存詩二十篇凡四十三首又曰

晉書樂志有張華四廂樂歌十六首又有冬

至初歲小會歌宴會歌中宮所歌宗親會歌

各一首又有凱歌二首正德大豫舞歌二首

張氏百三家輯本序曰晁氏載張司空集有

詩百二十哀詞册文廿一賦三今余所綴輯

賦數過之文不及全詩歌八十餘中間拂舞

賦數過之文不及全詩歌八十餘中間拂舞

白紵舞杯槃舞諸篇晉代無名氏之作藏書家本亦有繫之張司空集者然觀其壯健頓挫類非司空溫麗之素餘詩平雅近代詩家深貶其博學爲累豈所謂聽古樂而臥乎壯武文章賦最蒼深文次之詩又次之大抵去漢不遠猶存張蔡之遺凡賦八篇表二篇議三篇策二篇誄三篇箴四篇銘二篇書三篇問序贊各一篇樂歌三十一首詩四十五首

汪氏文選撰人篇目晉張茂先華有鶴鷄賦勵志詩答何劭詩雜詩一首情詩二首女史箴

嚴氏全晉文編曰案張溥本有瓊材枕賦瓊材枕箴今編入張紘集又有豆羹賦今編入張翰集今輯存賦六表一議三書四問序贊各一篇箴四銘三誄三哀策文二并縱橫篇凡三十篇

晉尙書僕射裴頠集九卷

晉書裴秀傳秀河東聞喜人二子濬頠濬嗣

位卒少弟頠嗣頠字逸民弘雅有遠識博學

稽古自少知名御史中丞周弼見而嘆曰頠

若武庫五兵縱橫一時之傑也累遷侍中時

天下暫寧頠奏修古學刻石寫經皇太子既

講釋奠祀孔子飲饗射侯甚有儀序又令荀

藩終父勛之志鑄鍾鑿磬以備郊廟朝享禮

樂頠通博多聞兼明醫術荀勗之修律度也

檢得古尺短世所用四分有餘頠上言宜改

諸度量若未能悉革可先改太醫權衡此若

差違遂失神農岐伯之正藥物輕重分兩乖

互所可傷天爲害尤深古壽考而今短折者

未必不由此也卒不能用樂廣嘗與頠清言

欲以理服之而頠辭論豐博廣笑而不言時

人謂頠言談之林藪遷尙書加光祿大夫每

受一職未嘗不殷勤固讓表疏十餘上博引

今古成敗以爲言覽之者莫不寒心遷尙書

左僕射頠深患時俗放蕩不尊儒術何晏阮

籍素有高名于世口談浮虛不遵禮法尸祿

就寵仕不事事至王衍之徒聲譽太盛位高

勢重不以物務自嬰遂相放效風教陵遲乃

著崇有之論以釋其蔽王衍之徒攻難交至

並莫能屈又著辯才論古今精義皆辨釋焉

未成而遇禍初趙王倫誅事賈后頠甚惡之

倫數求官頠與張華復固執不許由是深爲

倫所怨倫又潛懷篡逆欲先除朝望因廢賈

后之際遂誅之時年三十四惠帝反正追復

本官諡曰成

魏志裴潛傳注臣松之案陸機惠帝起居注

稱頠雅有遠量常朝名士也又曰民之望也

頠理具淵博膽于論難著崇有貴無二論以

矯虛誕之弊文辭精富爲世名論

世說文學篇裴成公作崇有論時人攻難之

莫能折唯王夷甫來如小屈時人卽以王理

難裴理還復申注晉諸公贊曰自魏太常夏

侯玄步兵校尉阮籍等皆著道德論于是侍

中樂廣吏部郎劉漢亦體道而言約尙書令

王夷甫講理而才虛散騎常侍戴與以學道

爲業後進庚散之徒皆希慕簡曠頹疾世俗  
尙虛無之理故著崇有二論以折之才博喻  
廣學者不能究後樂廣與頹清閒欲說理而  
頹辭喻豐博廣自以體虛無笑而不復言  
文心雕龍論說篇曰夷甫裴頠交辯于有無  
之域獨步常時流聲後代然滯有者全繫于  
形容貴無者專守于寂寥徒銳偏師莫詣正  
理動極神源其般若之絕境乎

唐書經籍藝文志裴頠集十卷

嚴氏全晉文編裴頠有集九卷諸書引見有  
表疏上言諫議答問及崇有論女史箴凡一  
十三篇案頠有辨才論未成見本傳又有貴  
無論見魏志裴潛傳注今亡

梁有太子中庶子許孟集三卷錄一卷亡

唐書經籍藝文志許孟集二卷

案此似卽許猛也魏志夏侯玄傳中領軍  
高陽許允與玄親善後玄等事覺徙允爲  
鎮北將軍假節督河北諸軍事未發以放  
散官物收付廷尉徒樂浪道死世語曰允  
二子奇字子泰猛字子豹並有治理才學  
晉元康中奇爲司隸校尉猛幽州刺史傳  
暢晉諸公贊曰猛禮樂儒雅當時最優嚴  
氏文編曰許猛字子豹高陽人魏鎮北將  
軍許允次子泰康初吏部郎守國子博士  
元康中爲幽州刺史晉書禮志及通典引  
猛所作王昌前母服議答或問答步熊問  
凡六條

梁有太宰何邵集二卷錄一卷亡都當爲劬

晉書何曾傳曾陳國陽夏人也二子遵劭劭  
嗣字敬祖少與武帝同年有總角之好帝爲  
王太子以劭爲中庶子及卽位轉散騎常侍  
甚見親待遷侍中尙書惠帝卽位累遷尙書  
左僕射劭博學善屬文陳說近代事若指諸  
掌永康初遷司徒趙王倫篡位以劭爲太宰  
及三王交爭劭以軒冕而游其間無怨之者  
優游自足不貪權勢常語鄉人王詮曰僕雖  
名位過幸少無可書之事惟與夏侯長容諫  
授博士可傳史冊耳所撰荀粲王弼傳及諸  
奏議文章並行于世永寧元年薨贈司徒諡  
曰康

鍾嶸詩品評石崇曹據何劭詩曰季倫顏遠

並有英篇篤而論之朗陵爲最 劭父曾封朗陵  
公劭歸書石崇曹據並有集見後

唐書經籍藝文志何劭集二卷

馮氏詩紀輯存應詔詩贈張華詩游仙詩雜  
詩各一篇

汪氏文選撰人篇目曰晉何敬祖劭有游仙  
詩贈張華詩雜詩一首

嚴氏全晉文編何劭有集二卷晉書楊駿傳  
有劭所作武帝遺詔魏志荀彧鍾會傳注引  
劭所撰荀彧傳王弼傳各一篇

梁有光祿大夫劉頌集三卷錄一卷亡

晉書本傳頌字子雅廣陵人漢廣陵厲王胄  
之後也世爲名族少能辯物理爲時人所稱  
文帝辟爲相府掾武帝踐阼拜尙書三公郎  
累遷中書侍郎黃門郎議郎守廷尉河內太

守淮南相在郡上疏詔答曰得表陳封國之  
制宜如古典刑齊法宜復肉刑及六州將  
士之役居職之宜諸所陳聞具知卿之乃心  
爲國也動靜數以聞元康初從淮南王入朝  
詔以頌爲三公尙書又上疏論律令事爲時  
論所美轉吏部尙書趙王倫專政以爲光祿  
大夫尋病卒諡曰貞永康元年詔以頌誅賈  
謐督攝衆事有功追封梁鄒縣侯

又史臣曰子雅束髮登朝竭誠奉國廣陳封  
建深中機宜詳辯刑名該駁政體雖文慚華  
婉而理貴切要游目西京望賈誼而非遠眷  
言東國顧卽而餘

文心雕龍奏啓篇曰劉頌殷勤于時務體國  
之忠規也

唐書經籍藝文志劉頌集三卷

嚴氏全晉文編劉頌有集三卷今見本傳及  
刑法志通典類聚羣書治要諸書有除淮南  
相在郡上疏上疏議復肉刑上疏言斷獄宜  
守律令趙王倫加九錫議駁凡四篇

梁有劉寔集二卷錄一卷亡

劉寔有春秋條例見經部春秋左氏學家  
晉書本傳寔博通古今以世多進趣廉遜道  
闕乃著崇讓論以矯之弟智爲潁川太守平  
原管輅嘗謂人曰吾與劉潁川兄弟語神思  
清發昏不假寐自此之外殆白日欲寢矣  
唐書經籍藝文志劉寔集二卷  
嚴氏全晉文編曰劉寔有集二卷今唯見本  
傳所載崇讓論亦見羣書治要二十九通典

十六

晉散騎常侍王佑集三卷錄一卷太原

晉書王湛傳湛司徒渾之弟也湛子承承族子嶠嶠父佑以才智稱爲楊駿腹心駿之排汝南王亮退衛璠皆佑之謀也位至北軍中候

又王濟傳濟爲侍中時渾爲僕射主者處事或不當濟性峻厲明法繩之濟素與從兄佑不平佑黨頗謂濟不能顧其父由是長同異之言出爲河南尹未拜坐鞭王官吏免官而王佑始見委任

又楊駿傳駿弟珣濟皆有雋才深慮盛滿共切諫駿斥出王佑爲河南太守

唐書經籍志王祐集二卷

唐書藝文志王祐集三卷二志作王祐曾非也

梁有晉驃騎將軍王濟集二卷亡太原

晉書王渾傳渾次子濟字武子少有逸才風姿英爽氣蓋一時好弓馬勇力絕人善易及莊老文辭秀茂伎藝過人有名當世與姊夫和嶠及裴楷齊名尙常山公主年二十起家拜中書郎累遷侍中與侍中孔恂王恂楊濟同列爲一時秀彥每待見未嘗不諮論人物及萬幾得失濟善于清言脩飾辭令諷議將順朝臣莫能尙焉然外雖弘雅而內多忌刻好以言傷物儕類以此少之以其父之故每排王濬時議譏焉後以忤旨左遷又坐事免官尋使白衣領太僕年四十六先渾卒追贈驃騎將軍

鍾嶸詩品曰永嘉以來清虛在俗王武子輩詩貴道家之言爰泊江表玄風尙備真長仲祖桓庾諸公猶相襲

文心雕龍銘箴篇曰王濟國子引廣事雜案濟以諫齊王攸之國忤旨左遷國子祭酒據此所云則其集有國子祭酒博士等箴今已不傳矣

釋文敍錄曰張璠周易集解引王濟易義

唐書經籍藝文志王濟集二卷

馮氏詩紀輯存平吳後三月三日華林園詩一篇

嚴氏全晉文編王濟有集二卷今初學記通

典文選注孫楚傳所引有槐樹賦太常郭奕諡議鍾夫人序德頌孫楚品狀凡四條

華嶠集八卷梁二卷

華嶠有後漢書見史部正史篇

晉書本傳嶠博聞多識轉秘書監加散騎常侍同中書寺爲內臺中書散騎著作及治

禮音律天文數術南省文章門下撰集皆典統之後爲臺郎典官制事所著論議難駁詩賦之屬數十萬言其所奏官制太子宜還宮

及安邊等祭明堂辟雍浚導河渠巡禹之舊跡置都水官修蠶宮之禮置長秋事多施行

嶠三子頤微暢暢有才思著文章數萬言遭寇亂避難荊州爲賊所害時年四十

唐書經籍志華嶠集一卷藝文志二卷

嚴氏全晉文編華嶠有集八卷魏志華歆傳注世說德行篇注太平御覽引譜序凡五條

餘見諸書所引有表奏及後漢書江革毛義

論丁鴻論郎顛論王允論凡九篇

晉祕書丞司馬彪集四卷梁三卷錄一卷

司馬彪有續漢書見史部正史篇

晉書本傳彪篤學不倦而專精學習故得博覽羣籍終其綴集之務注莊子作九州春秋續漢書泰始初武帝親祠南郊彪上疏定議語在郊祀志

又史臣曰紹統咸藩之胤研機載籍綜緝遺文垂諸不朽

唐書經籍藝文志司馬彪集三卷

馮氏詩紀輯存贈山濤詩雜詩各一首

汪氏文選撰人篇目晉司馬紹統彪有贈山濤詩

嚴氏全晉文編司馬彪有集四卷本傳及續漢祭祀志注太平御覽載有駁祀六宗表與山巨源書續漢書敍續漢書光武紀論和帝紀論凡五篇

梁又有尙書庾儵集二卷錄一卷亡

唐書經籍藝文志庾儵集三卷

嚴氏全晉文編曰庾儵字女默潁川鄆陵人侍中峻從弟案庾峻有集見前仕魏未詳入晉爲尙書有集二卷藝文類聚初學記太平御覽引儵冰井賦大槐賦安石榴賦凡三篇

梁又有國子祭酒謝衡集二卷亡

晉書謝鯤傳鯤陳國陽夏人也父衡以儒素顯仕至國子祭酒鯤有集見後江左人文中鯤弟良

良第三子安即文靖江左柱石數世賴之衡爲謝氏發紐之初史略無其事并其字亦不傳也

世說方正篇注永嘉流人名曰謝哀字幼儒陳郡人父衡博士又曰歷侍中吏部尚書吳國內史晉書謝安傳云父哀太常卿與晉書亦無傳

鄧氏古今姓氏書辯證陳郡陽夏謝氏典農中郎將續生衡國子祭酒二子鯤哀六子奕據安萬石鐵

晉書王接傳接論汲冢書詳其得失摯虞謝衡皆博物多聞咸以為允當案衡在惠帝時嘗與摯仲洽諸人討論汲冢竹書詳見後東晉集條下衡之事迹可見者惟此

唐書經籍藝文志謝衡集二卷

嚴氏全晉文編謝衡陳國陽夏人泰康初國子博士惠帝時進祭酒有集二卷晉宋書禮志及通典引王昌前母服議蘇宙事議為皇太孫服齊衰期議凡三篇

晉漢中太守李虔集一卷梁二卷錄一卷

晉書孝友傳李密字令伯犍為武陽人也一名虔父早亡母改醮密時年數歲感戀彌至祖母劉氏躬自撫養密奉事以孝謹聞有暇則講學忘疲師事譙周周門人方之游夏少仕蜀為郎數使吳有才辯吳人稱之蜀平秦始初徵為太子洗馬密以祖母年高無人奉養遂不應命上疏願乞終養帝覽之曰士之有名不虛然哉乃停召後劉終服闋復以洗馬徵至洛出為溫令密有才常望內轉而朝廷無援乃遷漢中太守自以失分懷怨及賜餞東堂詔普令賦詩末章曰人亦有言有因有緣官無中人不如歸田明明在上斯語

豈然武帝忿之于是都官從事奏免密官後卒于家二子賜與賜少能屬文為玄鳥賦詞甚美與亦有文才為諸葛孔明羊叔子碼文甚有辭理

華陽國志後賢志宓治春秋左傳博覽五經多所通涉機警辨捷辭義響起及上疏陳情武帝覽之曰宓不容有名也嘉其誠款賜奴婢二人下郡縣供其祖母奉膳年六十四卒著述理論論中和仁義儒學道化之事凡十篇安東將軍胡熊與皇甫士安深善之又與士安論夷齊及司馬文中杜超宗郗令先文廣休等議論往返言經訓詁釋河內趙子聲譏詩賦之屬二十餘篇

唐書經籍藝文志李虔集十卷

汪氏文選撰人篇目晉李令伯密有陳情表嚴氏全晉文編輯存陳情事表薦壽良表與中山王晟凡三篇又曰密少子與一名安永與中為大傅掾有諸葛丞相故宅碣表晉太傅鉅平成侯羊公碑各一篇

晉司隸校尉傅咸集十七卷梁三十卷錄一卷

晉書傅玄傳玄子咸字長虞剛簡有大節風格峻整識性明悟疾惡如讎推賢樂善好屬文論雖綺麗不足而言成規鑿穎川庾純常嘆曰長虞之文近乎詩人之作矣咸寧初襲父爵清泉侯拜太子洗馬累遷尚書右丞冀州刺史司徒左長史時帝留心政事詔訪朝臣政之損益咸在位多所執正轉車騎司馬尚書左丞惠帝即位為御史中丞再為本部

中正以議郎長兼司隸校尉咸累上事稱引故事條理灼然朝廷無以易之吳郡顧榮常與親故書曰傅長虞為司隸勁直忠果劾案驚人雖非周才偏亮可貴也元康四年卒官時年五十六詔贈司隸校尉諡曰貞

李充翰林論曰駁不以華藻為先世以傅長虞每奏駁事為邦之司直矣

文心雕龍奏啓篇曰傅咸勁直而按辭堅深又議對篇曰漢世善駁則應劭為首晉代能議則傅咸為宗然仲瑗博古而銓貫有敘長虞識治而屬辭枝繁又才略篇曰傅玄篇章義多規鏡長虞筆奏世執剛中並楨幹之實才非羣華之韓粵也

唐書經籍藝文志傅咸集三卷

馮氏詩紀曰春秋正義傅咸七經詩王羲之寫然今所存者孝經論語毛詩周易周官左傳六經耳并贈答雜詩十篇凡十六篇二十首

張氏百三家輯本序曰傅氏諸賦不尚綺麗長虞短篇時見正性又曰休奕四部六錄文集百餘湮闕者多長虞著述不富傳文亦與父埒為彪為固不能短長凡賦及賦序疏表奏上書牋教草書尺牘頌箴銘碑誄七十五篇詩十五篇

汪氏文選撰人篇目晉傅長虞咸有贈何劭王濟詩

嚴氏全晉文編傅咸有集三十卷案張溥本

有燭銘今據御覽改入傅玄集凡賦三十六篇表七篇上言上書奏劾奏事上事十四篇教牋各二篇書草五篇詩序五篇頌銘箴碑誄七篇綜七十六篇

梁又有太子中庶子棗據集二卷錄一卷亡

晉書文苑傳棗據字道彥潁川長社人也本姓棘其先避讎改焉據善文辭弱冠辟大將軍府出爲山陽令遷尚書郎轉右承賈充伐吳爲從事中郎軍還徙黃門侍郎冀州刺史太子中庶子太康中卒時年五十餘所著詩賦論四十五首遇亂多亡失子腆弟嵩並以文章顯赫及嵩並有集見後

唐書經籍藝文志棗據集二卷

馮氏詩紀輯存答阮德猷詩游覽詩雜詩無題詩凡四篇

汪氏文選撰人篇目晉棗道彥據有雜詩一首

嚴氏全晉文編棗據有集二卷藝文類聚諸書有表志賦逸民賦登樓賦船賦追遠詩序凡五篇

梁又有劉寶集三卷亡

劉寶有漢書駁義見史部正史篇

唐書經籍藝文志劉寶集三卷

嚴氏全晉文編劉寶爲安北將軍有漢書駁議二卷集三卷通典八十八引寶所作孫爲祖持重議一篇

晉馮翊太守孫楚集六卷梁十二卷錄一卷

晉書本傳楚字子荆太原中都人也才藻卓

絕爽邁不羣多所陵傲缺鄉曲之譽年四十

餘始參鎮東軍事文帝遣符邵孫郁使吳吳

志孫皓傳及晉書文帝紀並作徐紹孫或將軍石苞

令楚作書遺孫皓要其北面稱臣永爲魏藩

邵等至吳不敢爲通後遷佐著作郎復參石

苞驃騎軍事楚既負其材氣頗侮易于苞又

與郭奕忿爭遂遷廢積年初參軍不敬府主

楚既輕苞遂制施敬白楚始也征西將軍扶

風王駿與楚舊好起爲參軍轉梁令遷衛軍

司馬惠帝初爲馮翊太守太康三年卒案當

是元康初楚與同郡王濟友善濟爲本州大

中正訪問銓邑人品狀至楚濟曰此人非卿

所能目吾自爲之乃狀楚曰天才英博亮拔

不羣楚少所推服惟雅敬濟初除婦服作詩

以示濟濟曰未知文生于情情生于文覽之

悽然增伉儷之重三子衆洵纂惟纂子統綽

並知名統綽亦並有集見後東晉人文中

又史臣曰孫楚體英絢之姿超然出類見知

武子覽其貽孫皓之書諒曩代之佳筆也而

負才陵傲蔑苞忿奕遠遜讓之道十年沈廢

蓋自取矣

鍾嶸詩品曰子荆零雨之外雖有累札良亦

無聞

文心雕龍才略篇曰孫楚綴思每直置以疏

通

唐書經籍藝文志孫楚集十卷

馮氏詩紀輯存除婦服詩征西官屬送于陟

陽侯作詩及贈答祖道等詩凡六首

張氏百三家孫馮翊集一卷凡賦論頌贊銘

碑疏牋書哀文四十篇詩六篇

汪氏文選撰人篇目晉孫子荆楚有送于陟

陽侯詩又有與孫皓書

嚴氏全晉文編輯存賦十七篇上言奏牋書

頌贊銘論屈建文誄碑哀文辭祭文二十

八篇綜四十五篇

晉散騎常侍夏侯湛集十卷梁有錄一卷

夏侯湛有新論見子部儒家

晉書本傳湛幼有盛才文章宏富善構新詞

而美容觀與潘岳友善泰始中舉賢良對策

上第拜郎中累年不調乃作抵疑以自廣後

出爲野王令優游多暇乃作昆弟詰

又史臣曰孝若挾蔚春華時標麗藻觀其抵

疑詮理本窮通于自天作詰敷文流英聲于

孝悌旨深致遠殊有大雅之風烈焉

世說文學篇夏侯湛作周詩成示潘安仁安

仁曰此非徒溫雅乃別見孝悌之性注引湛

集敘曰周詩者南陵白華華黍由庚崇丘由

儀六篇有其義而亡其辭湛續其亡故云周

詩也案同時東晉亦有補亡詩詳見後

文心雕龍才略篇曰夏侯孝若具體而皆微

唐書經籍藝文志夏侯湛集十卷

馮氏詩紀輯存周詩一條又山路吟江上泛

歌離親詠長夜謠寒苦謠凡六篇

張氏百三家夏侯常侍集一卷凡賦二十三

篇抵疑昆弟詰序贊傳十五篇詩七篇

朔畫贊

嚴氏全晉文編輯存賦二十五篇謠歌辭對策十篇昆弟誥抵疑敘贊傳碑銘并新論佚文十九篇

梁又有弋陽太守夏侯淳集二卷亡

晉書夏侯淳傳淳字孝冲亦有文藻與湛俱知名官至弋陽太守遭中原傾覆子姪多沒胡寇唯息承渡江

唐書經籍藝文志夏侯淳集十卷

嚴氏全晉文編夏侯淳有集二卷藝文類聚文選注有懷思賦笙賦彈碁賦馳射賦凡四篇

梁又有散騎侍郎王讚集五卷亡

文選雜詩注臧榮緒晉書曰王讚字正長義陽人也博學有俊才辟司空掾歷散騎侍郎卒

晉書李胤傳胤以太子少傅累遷為司徒太康三年薨太子命舍人王贊誄之文義甚美

鍾嶸詩品評晉馮翊守孫楚贊著作王贊詩曰子荆零雨之外正長朔風之後雖有累札良亦無閒宜居中品 零雨朔風之詩即文選所錄是

唐書經籍志王讚集三卷藝文志二卷

馮氏詩紀輯存三月三日侍皇太子宴詩又侍宴始平王祖道楚淮南二王及雜詩凡四篇

汪氏文選撰人篇目晉王正長瓚有雜詩一首

嚴氏全晉文編曰王讚太康中為太子舍人

惠帝時拜侍中永嘉中為陳留內史加散騎常侍有集五卷藝文類聚八十六載有黎樹頌其鼓云太康十年黎樹四枝其條與中枝合生于園圃皇太子令侍臣作頌云

晉衛尉卿石崇集六卷梁有錄一卷

晉書石苞傳苞渤海南皮人也第六子崇字季倫少敏惠勇而有謀年二十餘為修武令有能名伐吳有功封安陽鄉侯好學不倦穎悟有才氣累遷散騎常侍侍中南中郎將荆州刺史又數遷至衛尉與潘岳諂事賈謐謐與之親善號二十四友謐誅以黨與免官後與歐陽建潘岳謀誅趙王倫孫秀覺矯詔收崇岳建等皆被害時年五十二惠帝復降詔以卿禮葬之

唐日本國見在書目石季倫集五卷

唐書經籍藝文志石崇集五卷

馮氏詩紀輯存大雅吟楚妃歎王明君辭思歸引答曹嘉詩贈答賈謐詩凡八篇

汪氏文選撰人篇目晉石季倫崇有王明君詞思歸引序

嚴氏全晉文編石崇有集六卷諸書所引有思歸歎奏楚妃歎序琵琶引序金谷詩序許巢論奴券凡九篇

晉尚書郎張敏集二卷梁五卷

唐書經籍藝文志張敏集二卷宋史藝文志同宋洪邁容齋五筆曰故箴中得舊書一帙題為晉代名臣文集凡十四家有張敏者太原

人仕歷平南參軍太子舍人濟北長史其一

篇曰頭責子羽文極為尖新古來文士皆無此作其文九百餘言頗有東方朔客難劉孝標絕交論之體太平廣記所載神女成公智瓊傳蓋敏之作

嚴氏全晉文編曰張敏太原中都人咸寧中

為尚書郎領秘書監太康初出為益州刺史有集二卷初學記有奇士劉披賦藝文類聚有神女賦北堂書鈔有神女傳世說排調篇注有頭責秦子羽文凡四篇 案秦子羽者張敏姊夫也其文作于泰始元年

梁又有黃門郎伏偉集一卷亡

伏偉始末未詳

晉黃門郎潘岳集十卷

晉書本傳岳字安仁榮陽中牟人也少以才穎見稱鄉邑號為奇童謂終賈之儔也早辟司空太尉府舉秀才泰始中武帝躬耕籍田岳作賦以美其事出為河陽令轉懷令調補尚書度支郎遷廷尉評以公事免揚駿引為太傅主簿駿誅除名未幾選為長安令作西征賦述所經人物山水文清旨詣尋為著作郎轉散騎侍郎岳性輕躁趨世利與石崇諂事賈謐構愆懷之文岳之辭也謐二十四友岳為其首謐晉書限斷亦岳之辭也其母數謂之曰爾當知足而乾沒不已乎而岳終不能改既仕宦不達乃作閑居賦趙王倫輔政孫秀為尚書令誣岳與石崇歐陽建謀奉淮南王允齊王問為亂誅之夷三族岳辭藻絕

麗尤善爲哀誄之文

李充翰林論曰潘安仁之爲文也猶翔禽之羽毛衣被之綃縠案鍾嶸詩品知此下尚有淺于陸機之語

世說文學篇曰夏侯湛作周詩潘安仁因此作家風詩注云岳家風詩載其宗祖之德及自成也

又曰孫興公云潘文爛若披錦無處不善陸文若排沙簡金往往見寶注續文章志曰岳爲文選言簡章清綺絕倫晉陽秋曰岳善屬文清綺絕世蔡邕未能過也

鍾嶸詩品曰晉黃門郎潘岳詩其源出于仲宣翰林歎其翩翩然如翔禽之有羽毛衣服之綃縠猶淺于陸機謝混云潘詩爛若舒錦無處不佳陸文如披沙簡金往往見寶嶸謂益壽輕華故以潘爲勝翰林篤誦故歎陸爲深余常言陸才如海潘才如江案輕華謂張華也詳見後陸機集條下據世說益壽云云乃孫綽之言也

文心雕龍詮賦篇曰太冲安仁策勳于鴻規又祝盟篇曰潘岳之祭庾婦奠祭之悲哀也黃氏注云潘集有爲諸婦祭庾新婦文又誄碑篇曰潘岳構意專師孝山巧于序悲易入新切所以隔代相望能徵厥聲者也後漢蘇順字孝山有集見前又哀弔篇曰建安哀辭惟偉長差善行女一篇時有惻怛及潘岳繼作實踵其美觀其慮善辭變情洞悲苦敘事如傳結言

慕詩促節四言鮮有緩句故能義直而文婉體舊而趣新金鹿澤蘭莫之能繼也黃注潘

集有金鹿哀辭澤蘭哀辭又指瑕篇曰潘岳爲才善于哀文然悲內兄則云感口澤傷弱子則云心如疑禮文在尊極而施之下流辭雖足哀義斯替矣又才略篇曰潘岳敏給辭自和暢鍾美于西征賈餘于哀誄非自外也唐書經籍藝文志潘岳集十卷宋史藝文志七

卷

馮氏詩紀輯存關中詩家風詩悼亡詩等十四篇四十四首張氏百三家潘黃門集一卷凡賦表議頌贊箴訓碑哀文祭文誄五十二篇詩十四篇謠一篇

汪氏文選撰人篇目曰晉潘安仁岳有籍田賦射雉賦西征賦秋興賦閒居賦懷舊賦寡婦賦箴賦關中詩金谷集詩悼亡詩三首贈陸機詩河陽縣詩懷縣詩楊州誄楊仲武誄夏侯常侍誄馬汧督誄哀永逝文嚴氏全晉文編輯存賦二十有二表一議二訓頌替箴各一誄十四碑三哀策文等十二弔祭禱神文各一凡六十一篇

又文編卷首敘目曰潘岳集六卷明人纂輯本案舊藏叢書中有明河東呂兆禧校潘黃門集六卷殆即此本也凡賦三卷十九篇詩一卷十四篇四十五首議頌箴贊訓誄哀文哀辭碑弔祭合二卷三十篇其本與汪氏賢二十名家集相似又兩唐志有潘岳關中記一卷本志不著錄或亦編入本集

晉太常卿潘尼集十卷

魏志衛凱傳建安末尙書右丞河南潘勗亦

以文章顯文章志曰勗子滿平原太守亦以學行稱滿子尼字正叔尼別傳曰少有清才文辭溫雅尼嘗贈陸機詩機答之其四句曰猗歟潘生世篤其藻仰儀前文不隆祖考位終大常尼從父岳爲孫秀所殺尼岳文翰並見重于世

晉書潘岳傳岳從子尼字正叔少與岳俱以文章見知性靜退不競唯以勤學著述爲事著安身論以明所守太康中掣秀才爲博士元康初拜太子舍人上釋奠頌數遷著作郎爲乘輿箴及趙王倫篡位孫秀專政忠良之士皆罹禍酷尼遂疾篤取假拜掃墳墓開齊王問起義乃赴許昌問引爲參軍事平封安昌公歷黃門侍郎散騎常侍侍中祕書監永興末爲中書令時三王戰爭皇家多故尼職居顯要從容而已雖憂虞不及而備嘗艱難永嘉中遷太常卿洛陽將沒攜家還鄉里道遇賊不得前病卒于塢壁年六十餘

又史臣曰安仁蔑棄倚門之訓乾沒不逞之間斯才也而有斯行也天之所賦何其駁歟正叔合咀藝文履危居正安其身而後動契其心而後言著論究人道之綱裁箴縣乘輿之鑿可謂玉質而金相者矣

太平御覽文部文士傳曰潘尼曾與同僚飲主人有琉璃盃使客賦之尼于坐立成文心雕龍銘箴篇曰潘尼乘輿義正體蕪唐書經籍藝文志潘尼集十卷

馮氏詩紀輯存詩二十篇二十六首

張氏百三家潘太常集一卷凡賦頌箴論序  
銘碑二十三篇詩二十首

汪氏文選撰人篇目晉潘正叔尼有贈陸機  
詩贈河陽詩贈侍御史王元貺詩迎大駕詩  
嚴氏全晉文編輯存賦十四詩序三頌二論  
一箴二銘一碑二碣一凡二十六篇

晉頓丘太守歐陽建集二卷

晉書石崇傳時趙王倫專權崇甥歐陽建與  
倫有隙孫秀以求緣珠不得乃勸倫誅崇建  
遂與潘岳皆被害建字堅石世為冀方右族  
雅有理思才藻美瞻擅名北州時人為之語  
曰渤海赫赫歐陽堅石辟公府歷山陽令尚  
書郎馮翊太守甚得時譽及遇禍莫不悼惜  
之年三十餘臨命作詩文甚哀楚

唐書經籍藝文志歐陽建集二卷

馮氏詩紀輯存臨終詩答棗腆詩

汪氏文選撰人篇目曰晉歐陽堅石建有臨  
終詩

嚴氏全晉文編歐陽建有集二卷藝文類聚

六十三載有登櫓賦世說文學篇注有言盡  
意論凡二篇 案世說云王丞相過江左止道聲無哀  
樂養生言盡意三理而已然宛轉關生無所不入案聲無  
哀樂論養生論稽叔夜諸人所撰也言盡意論則歐陽堅  
石所作蓋亦名論

梁有宗正劉許集二卷錄一卷亡

魏志劉放傅放子正臣松之案頭責子羽曰  
士卿劉許字文生正之弟也與張華六人並  
稱文辭可觀意思詳序晉惠帝世許為越騎

校尉案頭責子羽文見前張敬集

世說排調篇注晉百官名曰劉許字文生涿  
鹿郡人父放魏驃騎將軍許惠帝時為宗正  
卿

唐書經籍志劉許集二卷藝文志劉許集二  
卷

梁有散騎常侍李重集二卷亡

晉書本傳重字茂曾江夏鍾武人也少好學  
有文辭為始平王文學上疏陳九品遷太子  
舍人尚書郎太熙中遷廷尉平駁廷尉奏邯  
鄲醜等文多不載再遷中書郎每大事及疑  
議輒參以經典處決多皆施行為尚書吏部  
郎平陽太守永康初趙王倫用為相國左司  
馬以憂偏成疾而卒時年四十八追贈散騎  
常侍諡曰成

唐書經籍志李重集二卷

唐書藝文志李黃集二卷黃當為重

嚴氏全晉文編李重有集二卷書鈔類聚通

典御覽諸書有疏奏奏駁雜奏議薦曹嘉表

吏部尚書箴序凡八篇

梁有光祿大夫樂廣集二卷錄一卷亡

晉書本傳廣字彥輔南陽清陽人也僑居山  
陽寒素為業性沖約有遠識與物無競尤善  
談論每以約言析理以厭人之心王戎為荆  
州刺史聞廣為夏侯玄所賞乃舉為秀才又  
薦于賈充拜太尉掾歷太子舍人元城令累  
遷侍中河南尹廣善清言而不長于筆將讓  
尹請潘岳為表岳曰當得君意廣乃作二百

句語述己之志岳因取次比便成名筆時人

咸云若廣不假岳之筆岳不取廣之旨無以  
成斯美也廣與王衍俱宅心事外名重于時  
故天下言風流者謂王樂為稱首焉是時王  
澄胡毋輔之等亦皆任放為達或至裸體廣  
聞而笑曰名教內自有樂地何必乃爾代王  
戎為尚書令始戎薦廣而終踐其位時人美  
之成都王穎廣之壻也穎與長沙王又遷難  
廣以憂卒

唐書經籍藝文志樂廣集二卷

梁有阮渾集三卷錄一卷亡

阮渾有周易論見經部易家

唐書經籍藝文志阮渾集二卷

晉侍中嵇紹集二卷錄一卷

魏志王粲傳注嵇康子紹字延祖少知名山  
濤啓以為祕書郎嵇紹平簡溫敏有文思又  
曉音當成濟者帝曰紹如此便可以為丞不  
足復為郎也遂歷顯位晉諸公贊曰紹與山  
濤子簡弘農楊準同好友善而紹最有忠正  
之情以侍中從惠帝北伐成都王穎王師敗  
績百官奔步惟紹獨以身扞衛遂死于帝側  
故累見褒崇追贈太尉諡曰忠穆公

唐書經籍藝文志嵇紹集二卷

馮氏詩紀輯存贈石季倫詩一篇

嚴氏全晉文編嵇紹有集二卷晉書忠義傳  
載有上惠帝疏陳準諡議張華不宜復爵議  
諫齊王問書世說言語篇有敘趙至凡五篇

梁有錢唐令楊建集九卷亡



楊建始末未詳

梁有長沙相盛彥集五卷亡

晉書孝友傳盛彥字翁子廣陵人也少有異才年八歲詣吳太尉戴昌昌贈詩以觀之彥于坐答之辭甚慷慨仕吳至中書侍郎吳平陸雲薦之于刺史周浚本邑大中正劉頌又舉彥為小中正太康中卒

嚴氏全晉文編曰彥入晉為長沙相本邑小

中正有集五卷書鈔御覽有擊壤賦藏驅賦與劉頌書通典有通桑梓敬義凡四篇

梁有左長史楊又集三卷錄一卷亡

楊又有卦序論見經部易家

嚴氏全晉文編楊又有集三卷類聚御覽有雲賦刑禮論凡二篇

晉尚書盧播集一卷梁二卷錄一卷

阮籍集籍與晉文王書薦盧播曰伏見鄆州別駕同郡盧播年三十二字景宣少有才秀之異長懷淑茂之量研精墳典聰鑒物理潛心圖籍文學之宗敷藻載述良史之表誠後門之秀偉當時之利器

晉書周處傳處與振威將軍盧播雍州刺史解系攻齊萬年于六陌自旦及暮斬首萬計絃絕矢盡播系不救處遂力戰而沒

唐書經籍藝文志盧播集二卷

嚴氏全晉文編盧播字景宣陳留人為本州別駕元康中遷梁王彤征西長史進振威將軍後為尚書有集二卷藝文類聚三十六引播阮籍銘一篇

梁又有樂肇集五卷錄一卷亡

樂肇有周易象論見經部易家

唐書經籍藝文志樂肇集五卷

梁又有南中郎長史應亨集二卷亡

唐書經籍藝文志應亨集二卷

嚴氏全晉文編曰應亨應貞從孫為著作郎累遷南中郎長史有集二卷書鈔有讓著作表初學記御覽有與州將箋應翊像贊序贈

四王冠詩序凡五篇

案亨讓著作表云自司諫校尉奉至臣父五世著作不絕邦族以為美談則後漢應奉

之六世孫也奉有漢書後序見子部儒家

晉國子祭酒杜育集二卷

世說品藻篇注晉諸公贊曰杜育字方叔襄城鄧陵人杜襲孫也幼便岐嶷號神童及長美風姿有才藻時人號曰杜聖累遷國子祭酒洛陽將沒為賊所殺釋文敘錄曰杜育字方叔襄城人國子祭酒為易義

唐書經籍藝文志杜育集二卷

馮氏詩紀輯存贈摯仲洽詩一篇

嚴氏全晉文編曰育初與石崇等為賈謐二十四友永興中拜汝南太守永嘉中進右將軍後為國子祭酒有易義若干卷集二卷類聚書鈔御覽有姦賊賦各一篇

晉太常卿摯虞集九卷梁十卷錄一卷

摯虞有決疑要注見史部儀注篇

晉書本傳虞少事皇甫謐才學通博著述不倦嘗以死生有命富貴在天怵迫之徒不知

所守蕩而積憤或迷或放故借之以身假之

以事作思游賦舉賢良與夏侯湛等十七人

策為下第武帝又詔會東堂策問時吳寇新

平天下又安上大康頌以美晉德又表論封

禪見禮志又議玉輅兩社事見與服志性愛

人士有表薦者恆為其辭

文心雕龍才略篇曰摯虞述懷必循規以溫

雅

唐書經籍志摯虞集二卷藝文志十卷

馮氏詩紀輯存答杜育詩雍州詩二篇

張氏百三家輯本序曰仲洽為玄晏高弟知

名當世遭亂餒死傷哉貧也張茂先聚書三

十乘仲洽撰定官書皆資以取正茂先冤死

仲洽致賤齊王事漸表白可云不負知己集

詩甚少賦亦遠遜茂先議禮諸文最稱宏辯

與杜元凱東廣微並生一時勢猶鼎足二荀

弗如也東堂策對其生平致身之文中少壯

氣沿為卑響靡靡之句當日作者得毋自恨

其率爾乎凡賦策表奏議駁書牋頌贊銘

誥五十三篇文章流別論十二條對一篇詩

二篇駁騷一篇

嚴氏全晉文編輯存賦騷誥冊文對策表奏

議駁對箋書頌贊銘箴決疑理疑文章流別

論凡六十篇

梁又有秘書監繆徵集二卷錄一卷亡

魏志劉邵傳邵同時東海繆文文章志曰襲

歷仕魏四世正始六年卒子悅字孔擇晉光

祿大夫襲孫紹播徵胤等並皆顯達

晉書賈充傳充無子以外孫韓謐為嗣襲封魯公權過人主渤海石崇歐陽建榮陽潘岳吳國陸機陸雲蘭陵繆徵等皆傳會于謐號曰二十四友

又張軌傳秘書監繆世徵少府摯虞夜觀星象相與言曰天下方亂避難之國唯涼土耳案此作繆世徵豈其字歟又疑世應之誤

唐書經籍藝文志繆徵集二卷

案嚴氏文編云繆世應一作應世爵里未詳當在惠帝時書鈔六十二引有所作石鑿碑一條按世應頗似徵之字疑即其人也

晉齊王府記室左思集二卷梁有五卷錄一卷

晉書文苑傳左思字太沖齊國臨菑人也家世儒學少學鍾胡書及鼓琴並不咸遂感激勤學兼善陰陽之術貌寢口訥而辭藻壯麗不好交游惟以閉居為事造齊都賦一年乃成復欲賦三都會妹芬入宮移家京師乃詣著作郎張載訪岷邛之事遂構思十年門庭藩溷皆著紙筆遇得一句即便疏之自以所見不博求為秘書郎及賦成時人未之重思以其作不謝班張恐以人廢言安定皇甫謐有高譽思造而示之謐稱善為其賦序張載為注魏都劉逵注吳蜀而序之陳留衛瓘又為思賦作略解自是之後盛重于時司空張華見而歎曰班張之流也使讀之者盡而有餘久而更新于是豪貴之家競相傳寫洛陽為之紙貴初陸機入洛欲為此賦聞思作之

撫掌而笑與弟雲書曰此間有僧父欲作三都賦須其成當以酒餽之及思賦出機絕歎服以為不能加也遂綴筆焉秘書監賈謐請講漢書謐誅退居宜春里專意典籍齊王問命為記室督及張方縱暴都邑舉家適冀州數歲以疾終

鍾嶸詩品曰迄于有晉太康中三張二陸兩潘一左勃爾復興踵武前王風流未沫亦文章之中興也又曰晉記室左思詩其源出於公幹文典以怨頗為精切得諷諭之致雖野于陸機而深于潘岳謝康樂常言左太沖潘安仁詩古今難比

文心雕龍明詩篇曰四言五言兼善則子建仲宣偏美則太沖公幹又詮賦篇曰仲宣偉長太沖安仁士衡子安景純彥伯亦魏晉之賦首也又雜文篇曰枚乘七發以下作者繼踵自桓麟七說以下左思七諷以上枝附影從十有餘家或文麗而義賤或理粹而辭駁又指瑕篇云左思七諷說孝而不從反道若斯餘不足觀矣又才略篇云左思奇才業深覃思盡銳于三都拔萃于詠史無遺力矣  
本志總集篇梁有齊都賦二卷并音左思撰案此有破誤詳見木條又曰梁有張載及晉侍中劉逵晉懷令衛瓘注左思三都賦三卷纂母遂注三都賦三卷  
唐書經籍志左思集五卷又總集類齊都賦一卷左太沖撰齊都賦音一卷李軌撰又三都賦三卷左太沖撰

唐書藝文志左思集五卷又總集類左太沖齊都賦一卷李軌齊都賦音一卷左太沖三都賦三卷

馮氏詩紀輯存贈妹九嬪悼離詩詠史詩八首招隱詩雜詩嬌女詩凡五篇十四首  
汪氏文選撰人篇目晉左太沖思有三都賦詠史詩招隱詩雜詩

嚴氏全晉文編左思有集五卷今存齊都賦

五條及三都賦并序白髮賦七諷凡七篇  
梁又有晉豫章太守夏靖集二卷錄一卷亡  
唐書經籍藝文志夏侯靖集二卷

按晉書熊遠傳遠豫章南昌人太守會稽夏靜辟為功曹及靜去職遠送至會稽以歸蓋即此夏靖會稽人也靜與靖通兩唐志作夏侯靖非是

梁又有吳王文學鄭豐集二卷錄一卷亡

吳志孫權赤烏二年注文士傳曰鄭胄字敬先沛國人仕吳為執金吾子豐字曼季有文學操行與陸雲善與雲詩辭往返司空張華辟未就卒 案武帝諸子中有吳敬王晏太康十年封洛京傾覆遇害年三十一此稱吳王文學殆太康十年以後豐嘗為此吳王文學據者陸機兄弟嘗為吳王郎中令蓋與之同時

唐書經籍藝文志鄭豐集二卷

馮氏詩紀陸士龍詩後附鄭曼季答詩四篇凡二十首

嚴氏全晉文編曰鄭豐字曼季沛國人司空張華辟未就有答陸士龍詩序三篇並見陸

雲集

梁又有大司馬東曹掾張翰集二卷錄一卷亡  
 晉書文苑傳張翰字季鷹吳郡吳人也父儼  
 吳大鴻臚翰有清才善屬文而縱任不拘時  
 人號爲江東步兵齊王冏辟爲大司馬東曹  
 掾冏時執權翰謂同郡顧榮曰天下紛紛禍  
 難未已夫有四海之名者求退良難吾本山  
 林間人無望于時子善以明防前以智慮後  
 榮執其手愴然曰吾亦與子采南山蕨飲三  
 江水耳翰因見秋風起乃思吳中菰菜蓴羹  
 鱸魚膾曰人生貴得適志何能羈宦數千里  
 以要名爵乎遂命駕而歸著首邱賦文多不  
 載府以其輒去除吏名翰任性自適不求當  
 世年五十七卒其文筆數十篇行於世  
 鍾嶸評張翰潘尼詩曰季鷹黃花之唱正叔  
 綠繁之良雖不具美而文采高麗並得虬龍  
 片甲鳳皇一毛  
 文心雕龍才略篇曰曹摅清靡于長篇季鷹  
 辨切于短韻各其善也  
 唐書經籍藝文志張翰集二卷  
 馮氏詩紀輯存周小史詩一首雜詩二首秋  
 風歌一首  
 汪氏文選撰人篇目管張季鷹翰有雜詩一  
 首  
 嚴氏全晉文編張翰有集二卷案翰有首邱  
 賦今亡藝文類聚有杖賦豆羹賦初學記有  
 詩序凡三篇又類聚十七有張翰不用舌論  
 一篇韓爵里未詳疑翰之誤

梁又有清河王文學陳略集二卷錄一卷亡

陳略始末未詳 清河康王暹嗣王暹見晉書武十  
 三王傳  
 唐書經籍藝文志陳略集二卷  
 梁又有揚州從事陸冲集二卷錄一卷亡  
 陸冲始末未詳  
 唐書經籍藝文志陸冲集二卷  
 馮氏詩紀輯存陸冲雜詩二首 文不完自述其  
 長途旅行  
 嚴氏全晉文編曰陸冲爲揚州從事有集二  
 卷藝文類聚卷一有冲風賦  
 晉平原內史陸機集十四卷梁四十七卷錄一卷  
 亡  
 陸機有吳章篇見經部小學家  
 晉書本傳機年二十而吳滅退居舊里閉門  
 勤學積有十年以孫氏在吳而祖父世爲將  
 相有大勳於江表深慨孫皓舉而棄之乃論  
 權所以得皓所以失又欲述其祖父功業遂  
 作辯亡論二篇及齊王冏矜功自伐受爵不  
 讓作豪士賦以刺焉又以聖王經國義在封  
 建因采其遠指著五等論機天才秀逸辭藻  
 宏麗張華嘗謂之曰人之爲文常恨才少而  
 子更患其多弟雲嘗與書曰君苗見兄文輒  
 欲燒其筆硯後葛洪著書稱機文猶玄圃之  
 積玉無非夜光焉五河之吐流泉源如一焉  
 其弘麗妍贍英銳漂逸亦一代之絕乎其爲  
 人所推服如此然好游權門與賈謐親善以  
 進趣獲譏所著文章凡二百餘篇並行於世

李充翰林論或問曰何如斯可謂之文答曰

孔文舉之書陸士衡之議斯可謂成文矣又  
 曰在朝辯政而議奏出宜以遠大爲本陸機  
 議晉斷亦名其美矣  
 鍾嶸詩品曰陸機爲太康之英安仁景陽爲  
 輔五言之冠冕又辭之名世也又曰晉平原  
 相陸機詩其源出于陳思才高辭贍舉體華  
 美氣少於公幹文劣於仲宣尙規矩不貴綺  
 錯有傷直致之奇然其咀嚼華英厭飲膏澤  
 文章之淵泉也張公歎其大才信矣  
 文心雕龍明詩篇曰晉世羣才稍入輕綺張  
 潘左陸比肩詩衢采緝於正始力柔於建安  
 或析文以爲妙或流靡以自妍此其大略也  
 又頌贊篇云陸機積篇惟功巨最顯其褒貶  
 雜居固未代之訛體也 黃注云陸集有漢高祖功  
 臣頌 又雜文篇云自楊雄連珠以下擬者間  
 出唯士衡運思理新文敏而裁章置句廣于  
 舊篇豈慕朱仲四寸之璫乎又哀弔篇云陸  
 機之弔魏武序巧而文繁又論說篇云陸機  
 辯亡效過秦而不及又檄移篇云陸機之移  
 百官言約而事顯武移之要者也又議對篇  
 云陸機斷議亦有鋒穎而腴辭弗翦頗累文  
 骨亦各有美風骨存焉又書記篇云劉廙謝  
 恩喻切以至陸機自理情周而巧箋之爲善  
 者也  
 本志總集篇梁有連珠一卷陸機撰何承天  
 注亡 案文選有陸士衡演連珠劉孝標注七錄本志皆  
 不見

唐書經籍藝文志陸機集十五卷宋史藝文志十卷

晁氏讀書志陸機集十卷機所著文章三百餘篇案三百或二百之誤 今存詩賦論議箋表碑誄百七十餘首以晉書文選校正外餘多舛誤

馮氏詩紀輯存樂府一卷三十八篇四十五首詩一卷四十五篇八十首 張氏百三家輯存文一卷樂府詩一卷

汪氏文選撰人篇目晉陸士衡機有歎逝賦文賦譙玄圃詩招隱詩斥邱令詩答賈謐詩與士龍詩贈顧彥先詩贈顧交阯詩贈車騎詩答張士然詩為顧贈婦詩贈馮文龍詩贈士龍詩赴洛詩赴洛道中詩從梁陳詩樂府十七首挽歌三首園葵詩擬古十二首謝內史表豪士詩序漢高功臣頌辯亡論五等諸侯論演連珠五十首弔魏武文

四庫未收書目曰陸士衡文集十卷案宋慶元庚申奉議郎知華亭縣事徐民瞻合刻二陸文集取張華之語目之曰晉二俊文集此即影鈔民瞻之本與七閣所收陸士龍集相合計賦二十五篇為四卷詩五十八篇為二卷樂府十首百年歌十首為一卷演連珠一首七徵一首為一卷頌箴贊表文誄哀辭共十篇為一卷議論碑五首為一卷共一百七十四首與晁志數正同知民瞻所刻即公武之本也文句譌舛北宋時已如此而機集之傳于今者莫古于此本矣

嚴氏文編敘錄曰陸機集十卷明都穆二俊文集本其序言宋舊本其實從羣書纂輯非舊本也又全晉文編輯本四卷凡七十四篇張氏書目答問陸士衡集十卷明汪士賢刻漢魏六朝二十名家集本

晉清河太守陸雲集十二卷梁十卷錄一卷

陸雲有陸子十卷見子部道家

晉書本傳雲六歲能屬文清正有才理少與兄機齊名雖文章不及機而持論過之號曰二陸所著文章三百四十九篇行于世抱朴子佚文曰楮君道問二陸優劣抱朴子曰吾見二陸之文百許卷似未盡也又楮君道曰每讀二陸之文未嘗不廢書而歎恐其卷盡也

文心雕龍鎔裁篇曰士衡才優而綴辭尤繁士龍思劣而雅好清省及雲之論機恆恨其多而稱清新相接不以爲病蓋崇友于耳又才略篇曰陸機才欲窺深辭務索廣故思能入巧而不制繁士龍朗練以識檢亂故能布采鮮淨敏于短篇

唐書經籍藝文志陸雲集十卷 宋史藝文志同

晁氏讀書志同

崇文總目陸雲集八卷

陳氏書錄解題陸士龍集十卷晉清河內史陸雲撰太康平吳二陸入洛張茂先所謂利獲二俊者也遜抗之後而有機雲可謂代不乏人矣然皆不免其身才者身之累也況居亂世乎機好游權門抑又有以取之耶

馮氏詩紀輯存詩二卷凡二十九篇一百三十七首附鄧曼季答詩四篇

張氏百三家輯本凡賦啓書疏頌贊箴碑誄文騷爲一卷詩一卷

四庫提要曰陸士龍集十卷史謂其文章不及機而持論過之今觀集中諸啓其執辭諫諍陳議鯁切誠近於古之遺直至其文藻麗密詞旨深雅與機亦相上下平吳二俊要亦未易優劣也唐志作十卷則隋時十二卷本已不復見至南宋時十卷之本又漸湮沒慶元間信安徐民瞻始得之于祕書省與機集並刊以行然今亦未見宋刻世所行者惟此本史稱雲所著三百四十九篇此僅錄二百餘篇蓋明人所重編敘次頗爲叢雜

汪氏文選撰人篇目晉陸士龍雲有大將軍譙會詩爲顧贈婦詩答兄詩答張士然詩

嚴氏文編敘錄曰陸雲集十卷宋刊本又明都穆二俊文集本又全晉文編輯本五卷凡五十四篇

張氏書目答問陸士龍集十卷明汪士賢刻二十名家集本

梁又有少府丞孫極集二卷錄一卷亡

唐書經籍藝文志孫極集二卷

嚴氏全晉文編曰藝文類聚三十六有孫承嘉遜賦一篇承爵里未詳案吳志孫桓傳注桓從孫承字顯世文士傳曰承作螢火賦行于世仕孫皓爲黃門侍郎吳平赴洛爲范陽涿令永安中陸機請爲司馬與機俱被害晉

書陸機傳作孫拯未知卽其人否

案晉書陸機附傳云孫拯者字顯世吳郡

富春人也能屬文孫皓世侍臣多得罪惟

拯與顧榮以智全機既爲孟玖等所誣收

拯考掠兩踝骨見終不變辭門生費慈幸

意二人詣獄明拯拯誓遣之曰吾義不可

誣枉知故卿何宜復爾二人曰僕亦安得

負君拯遂死獄中而慈意亦死其人其事

固足爲千載痛傷者也此孫極大抵是孫

拯之誤故七錄附其集於二陸之後拯殆

以少府丞爲陸機後將軍河北大都督司

馬歟馮氏詩記輯存拯贈陸士龍詩十章

晉中書郎張載集七卷梁一本二卷錄一卷

晉書本傳載字孟陽安平人也父收蜀郡太

守載性閑雅博學有文章太康初至蜀省父

道經劍閣載以蜀人恃險好亂因著銘以作

誠益州刺史張敏見而奇之乃表上其文張

敏有集見前武帝遣使鑄之於劍閣山焉載又

爲樞論又爲濛汜賦司隸校尉傅玄見而嗟

歎以車迎之言談盡日爲之延譽遂知名起

家佐著作郎數遷至中書侍郎領著作載見

世方亂無復進仕意遂稱疾告歸卒於家

又史臣曰孟陽鏤石之文見奇於張敏濛汜

之詠取重於傅玄爲名流之所挹亦當代之

文宗矣

鍾嶸詩品曰孟陽詩乃遠慚厥弟而近超兩

傅

文心雕龍銘箴篇曰張載劍閣其才清采迅

足駸駸後發前至勒銘岷漢得其宜矣

唐書經籍藝文志張載集三卷

馮氏詩紀輯存詩十篇十四首

張氏百三家輯本一卷凡賦論頌銘詩一十

八篇

汪氏文選撰人篇目曰晉張孟陽載有七哀

詩擬四愁詩劍閣銘

嚴氏全晉文編張載有集七卷存濛汜池等

賦七篇頌二論一銘三凡一十三篇

晉黃門郎張協集三卷梁四卷錄一卷

晉書張載傳載弟協字景陽少有儁才與載

齊名辟公府掾數遷至河間內史于時天下

已亂所在寇盜協遂棄絕人事屏居草澤守

道不競以屬詠自娛擬諸文士作七命世以

爲工永嘉初復徵爲黃門侍郎託疾不就終

於家協弟允字季陽才藻不逮二兄亦有屬

綴時人謂載協允陸機雲曰二陸三張

又史臣曰景陽擲光王府棣萼相耀洎乎二

陸入洛三張減價考覈遺文非徒語也

鍾嶸詩品曰晉黃門郎張協詩其源出於王

粲文體華淨少病累又巧構形似之言雄於

潘岳靡於太冲風流調達實曠代之高手辭

采葱蒨音韻鏗鏘使人味之聲塵不倦

文心雕龍才略篇曰孟陽景陽才綺而相埒

可謂魯衛之政兄弟之文也

唐書經籍藝文志張協集二卷

馮氏詩紀輯存詠史詩一首雜詩十一首游

仙詩一首

張氏百三家輯本一卷凡賦銘七命及詩一

十七首序曰晉代文人有二陸三張之名景

陽詩獨勁出二子守道嫉衆貪位高尚之懷

每形詩詠時或疵其玄之尙白及觀二鳳齊

傾金谷並損華亭上蔡嗟呼歎晚然後知達

人蚤識長謠二疏高歌招隱所以能自脫於

巫山之火也 案長謠二疏卽所作詠史詩高歌招隱

其兄載招隱詩有云不見巫山火芝艾豈相離故此云

汪氏文選撰人篇目曰晉張景陽協有詠史

詩雜詩十首七命一篇

嚴氏一晉文編張協有集四卷今存賦六篇

七命一篇頌一篇銘七篇

晉著作郎束皙集七卷梁五卷錄一卷

束皙有發蒙記見經部小學家

晉書本傳哲嘗爲勸農及雜諸賦文頗鄙俗

時人薄之而性沈退不慕榮利作玄居釋以

擬客難張華見而奇之又上議大興田農在

著作得觀竹書隨宜分釋皆有義證所著五

經通論發蒙記補亡詩文集數十篇行於世

云

又王接傳秘書丞衛恆考正汲冢書未迄而

遭難佐著作郎束皙述而成之其事多證異義

時東萊太守陳留王庭堅難之亦有證據哲

又釋難而庭堅已亡散騎侍郎潘滔謂接曰

卿才學理議足解二子之紛可試論之接遂

詳其得失墊虞謝衡皆博物多聞咸以爲允

當

文心雕龍諸謔篇曰魏晉滑稽盛相驅扇懿

文之士未免枉轡潘岳醜婦之屬東哲賣餅之類尤而效之蓋以百數

唐書經籍藝文志束皙集五卷 宋史藝文志一

卷

馮氏詩紀輯存補亡詩六首曰南陵曰白華

曰華黍曰由庚曰崇邱曰由儀

張氏百三家東廣徵集一卷凡賦論議對奏書牋文雜文補亡詩二十五篇序曰晉世笑

東先生勸農及楚諸賦文辭鄙俗今雜置賦苑反覺其實致近古由彼彫績少也玄居釋

痛言周漢衰時禍福無轍朝卿相夕鼎烹功名之士可為嚙指出血集中數議爾雅之文

不愧典冊補亡詩志大而辭淺欲以續經能不勝任也

汪氏文選撰人篇目晉束廣徵哲有補亡詩

嚴氏全晉文編束皙有集七卷今存賦奏議書玄居釋補亡詩序失題弔文發蒙記論凡

二十篇為一卷

梁又有征南司馬曹據集三卷錄一卷亡

魏志曹休傳休太祖族子也子肇肇子與張

隱文士傳曰肇孫據字顏遠少厲志操博學

有才藻仕晉辟公府歷洛陽令齊王冏輔政

據與齊人左思俱為記室督從中郎出為襄

陽太守征南司馬值天下亂據討賊向吳戰

死

晉書良吏傳曹據字顏遠譙國譙人也少好

學善屬文太尉王衍見而器之永嘉二年高

密王簡鎮襄陽以據為征南司馬其年流人

死

王迥等聚眾寇掠城邑簡遣參軍崔曠討之

令據督護曠曠奸凶人也譔據前戰期為後

繼既而不至據獨與迥戰軍敗死之

鍾嶸評石崇曹據詩曰季倫顏遠並有英篇

文心雕龍才略篇曰曹據清靡于長篇

唐書經籍藝文志曹據集二卷

馮氏詩紀輯存思友詩感舊詩贈石崇詩

汪氏文選撰人篇目曰晉曹顏遠據有思友人詩感舊詩

嚴氏全晉文編曹據有集二卷藝文類聚文

選注有述志賦感舊賦圍棋賦凡三篇

梁又有散騎常侍江統集十卷錄一卷亡

晉書本傳統字應元陳留圍人也祖蕤譙郡

太守封亢父男父祚安南太守統靜默有遠

志與鄉人蔡克俱知名襲父爵除山陰令時

關隴屢為氏羌所擾孟觀西討自捨氏帥齊

萬年統深惟四夷亂華宜杜其萌乃作徙戎

論帝不能用未及十年而夷狄亂華時服其

深識遷中郎轉太子洗馬太子頗闕朝覲又

奢費過度多諸禁忌統上書諫陳五事朝廷

善之及太子廢徙許昌薨統作誄敘哀為世

所重後為博士尚書郎參大司馬齊王冏事

冏驕荒將敗統切諫成都王穎請為記室多

所箴諫申論陸雲兄弟辭甚切至累遷黃門

侍郎選騎常侍永嘉四年避難奔於成皋病

卒凡所造賦頌表奏皆傳於後

又史臣曰江統風檢操行良有可稱陳留多

士斯為其冠徙戎之論實是經國遠圖然運

距中衰陵替有漸假其言見用恐速禍招怨

無救於將顛也速愍懷廢徒冒禁拜辭所謂

命輕鴻毛義貴熊掌

唐書經籍藝文志江統集十卷 宋史藝文志一

嚴氏全晉文編江統有集十卷今存徂淮賦

兩谷關賦酒誥疏議書徙戎論銘凡十四篇

梁又有著作郎胡濟集五卷錄一卷亡

唐書經籍藝文志胡濟集五卷

嚴氏全晉文編曰胡濟元康中為尚書郎領

著作有集五卷今存灑谷賦黃甘賦奏薦伍

朝改葬前母服議凡四篇

晉中書令卞粹集一卷梁五卷

晉書卞壺傳壺陰寃句人也父粹以清辨

察察稱兄弟六人並登宰府世稱卞氏六龍

玄仁無雙玄仁粹字也惠帝初為尚書郎楊

駿執政人多附會而粹正直不阿及駿誅超

拜右丞封成陽子稍遷至右軍將軍張華之

誅粹以華培免官齊王冏輔政為侍中中書

令進爵為公及長沙王又專權粹立朝正色

又忌而害之 長沙王又傳河間王顓潛使侍中馮蕞

河南尹李含中書令卞粹等襲父又並誅之

唐書經籍藝文志卞粹集二卷

嚴氏全晉文編卞粹有集五卷晉宋書禮志

引王昌前母服議為皇太后孫服議各一篇

梁又有光祿勳閻邱冲集二卷錄一卷亡

世說品藻篇注荀綽兖州記曰閻邱冲字賓

卿高平人家世二千石冲清平有鑒識博學

死

有文義累遷太傅長史操持文案必引經誥飾以文采未嘗有滯性尤通達不矜不假至於白首而清名令望不渝于始爲光祿勳京邑未潰乘車出爲賊所害時人皆痛惜之唐書經籍藝文志閔邱冲集二卷

馮氏詩紀輯存三月三日應詔詩二首招隱詩一首

嚴氏全晉文編曰閔邱冲懷帝初爲光祿勳有集二卷晉書禮志有武悼楊皇后服議一篇

晉太傅從事中郎庚徵集一卷梁五卷錄一卷

晉書庚徵傳峻穎川鄆陵人二子珉徵數字子嵩雅有遠韻爲陳留相未嘗以事嬰心從容酣暢寄通而已嘗讀老莊曰正與人意闇同太尉王衍雅重之徵見王室多難終知嬰禍乃著意賦以豁情衍賈誼之服鳥也從子亮見賦問曰若有意也非賦所盡若無意也復何所賦答曰在有無之間耳遷吏部郎參東海王越太傅軍事轉軍諮祭酒越府多僞異徵在其中常自袖手徵有重名爲搢紳所推石勒之亂與王衍俱被害年五十 案徵有數音以其字子嵩言之則數音當讀如鬼

唐書經籍藝文志庚徵集二卷

嚴氏全晉文編庚徵有集五卷本傳有意賦

藝文類聚有幽人箴凡二篇

梁又有太子中舍人阮瞻集二卷錄一卷亡

晉書阮籍傳籍兄子咸咸子瞻字千里清心寡欲自得于懷讀書不甚研求而默識其要

遇理而辨詞不足而旨有餘見司徒王戎戎問曰聖人貴名教老莊明自然其旨同異瞻曰將毋同戎咨嗟良久卽命辟之時人謂之三語掾太尉王衍亦雅重之東海王越鎮許昌以瞻爲記室參軍與王承謝鯤鄧攸俱在越府永嘉中爲太子舍人瞻素執無鬼論物莫能難每自謂此理足可以辨正幽明後病卒于倉垣時年三十

唐書經籍藝文志阮瞻集二卷

嚴氏全晉文編阮瞻有集二卷初學記書鈔

御覽有上巳會賦一篇

梁又有太子洗馬阮脩集二卷錄一卷亡

晉書阮籍傳籍兄子咸咸子瞻瞻弟孚從子脩字宣子好易老善清言嘗有論鬼神有無者皆以人死者有鬼脩獨以爲無曰今見鬼者云着生時衣服若人死有鬼衣服亦有鬼耶論者服焉性簡任不修人事家無儋石之儲晏如也與兄弟同志常自得於林阜之間王衍當時談宗自以論易略盡然有所未了研之終莫悟每云不知比沒當見能通之者不衍族子敦謂衍曰阮宣子可與言衍曰吾亦聞之但未知聲聲之處定何如耳及與修談言寡而旨暢衍乃歎服焉脩居貧年四十餘未有室王敦等斂錢爲婚皆名士也時慕之者求入錢而不得脩所著述甚寡嘗作大鵬贊王敦引爲鴻臚丞轉太傅行參軍太子洗馬避亂南行至西陽期思縣爲賊所害時年四十二

唐書經籍藝文志阮脩集二卷 舊志岑氏刻本誤作阮籍

馮氏詩紀輯存上巳會詩一篇

嚴氏全晉文編阮脩有集二卷本傳有大鵬贊北堂書鈔有患雨賦凡二篇

梁又有廣威將軍裴邈集二卷錄一卷亡

魏志裴潛傳潛河東聞喜人子秀嗣文章錄曰秀少子頽頽從父弟邈字景聲有雋才爲太傅司馬越從事中郎監中外營諸軍事又劉輿傳時稱越府有三才潘滔大才劉輿長才裴邈清才

晉書裴秀傳末曰初裴王二族盛於魏晉之世時人以爲八裴方八王徽比王祥楷比王

衍康比王綏綽比王澄瓚比王敦遐比王導

頽比王戎邈比王玄云

唐書經籍藝文志裴邈集二卷

嚴氏全晉文編曰藝文類聚初學記御覽引

裴邈文身斂銘文身刀銘各一篇

晉太傅郭象集二卷梁五卷錄一卷 錢氏隋書考異

曰裴廷楷曰太傅下敘主簿二字

郭象有論語體略見經部論語家

晉書本傳象少有才理好老莊能清言太尉

王衍每云聽象語如懸河瀉水注而不竭州

郡辟召不就常閑居以文論自娛及爲東海

王越主簿任職當權熏灼內外由是素論去

之著碑論十二篇

唐書經籍藝文志郭象集五卷

嚴氏全晉文編郭象有集二卷今惟見莊子

注序一篇

梁又有廣州刺史嵇含集十卷錄一卷亡

晉書忠義嵇紹傳紹康之子也從子含字君道祖喜徐州刺史父蕃太子舍人含好學能屬文家在羣縣亭丘自號亭丘子門曰歸厚之門室曰慎終之室舉秀才除郎中時弘農王粹以貴公子尚主館宇甚盛圖莊周于室廣集朝士使含為之贊含援筆為弔文以謂託非其所可弔不可贊粹有愧色齊王冏辟為參軍襲爵武昌侯侯長沙王又召為記室督尚書郎後鎮南將軍劉弘表為平越中郎將廣州刺史假節未發會弘卒含性剛躁素與弘司馬郭勸有隙勸夜掩殺之時年四十四懷帝即位諡曰憲

唐書經籍藝文志嵇含集十卷

馮氏詩紀輯存悅晴詩伉儷詩各一篇

嚴氏全晉文編曰嵇含有南方草木狀三卷集十卷今存賦十六篇語上言詩序草木狀序銘誄弔文失題九篇凡二十五篇 案今所傳南方草木狀三卷殆編入此集故隋唐志皆不別著于錄

晉安豐太守孫惠集八卷梁十一卷錄一卷

晉書本傳惠字德施吳國富陽人父祖並仕吳惠好學有才識寓居蕭沛之間永寧初赴齊王冏義討趙王倫以功封晉興縣侯冏驕於僭侈惠獻言諷以五難四不可勸令歸藩辭甚切至冏不納惠懼罪辭疾去東海王越舉兵下邳惠以書于越越即以爲記室參軍

專掌文疏豫參謀議越遷太傅以爲軍諮祭酒數咨訪得失每造書檄越或驛馬催之應命立成皆有文采轉彭城內史廣陵相廣武將軍安豐內史以迎大駕功封臨湘縣公元帝初以廬江何銳爲安豐太守惠權留郡境銳以他事收惠下人推之惠既非南朝所授常慮讒間因此大懼遂攻殺銳奔入蠻中尋病卒年四十七

吳志宗室孫賁傳賁曾孫惠字德施惠別傳曰惠與陸機鄉里親厚及機雲耽見殺甚傷恨之又曰惠以書于越詭其姓名自稱南岳逸民秦祕之勉以勤王匡世之略辭義甚美越省其書榜題道衢推求其人惠乃出見惠文翰凡數十篇賁孫堅元光之子也

唐書經籍藝文志孫惠集十卷

嚴氏全晉文編孫惠有集十一卷今存賦諫書檄三馬哀辭序祭金鼓文凡十篇

梁又有松滋令蔡洪集二卷錄一卷亡

蔡洪有化清經見子部儒家

晉書文苑王沈傳沈有俊才出於寒素不能隨俗沈浮爲時豪所抑鬱鬱不得志作釋時論元康初松滋令蔡洪作孤奮論與釋時意同讀之者莫不歎息焉

唐書經籍志蔡洪集三卷藝文志二卷

嚴氏全晉文編蔡洪有集二卷藝文類聚御覽有圍基賦鬪鳴賦世說賞譽篇注有與刺史周俊書凡三篇又洪有孤奮論見文苑王沈傳亡

晉平北將軍牽秀集四卷梁三卷錄一卷

晉書本傳秀字成叔武邑觀津人也祖招魏雁門太守秀博辯有文才性豪俠弱冠得美名爲太保衛瓘尚書崔洪所知數遷爲司空張華長史後奔成都王穎詔事黃門孟玖證成陸機之罪惠帝西幸長安以爲尚書河間王顥以爲平北將軍鎮馮翊爲顯長史楊騰殺之於萬年

魏志牽招傳招子嘉嘉子秀荀綽冀州記曰秀有雋才在馮翊遇害世人玩其辭賦惜其才幹

唐書經籍藝文志牽秀集五卷

嚴氏全晉文編牽秀有集四卷今存相風賦黃帝頌老子頌彭祖頌王喬赤松頌皇甫陶碑凡六篇

梁又有車騎從事中郎蔡克集二卷錄一卷亡

晉書蔡謨傳謨陳留考城人也世爲著姓父克字子尼少好學博涉書記爲邦族所敬爲成都王穎大將軍記室督丞相東曹掾克以朝政日弊遂絕不仕東嬴公騰爲車騎將軍鎮河北以克爲從事中郎知必不就以軍期致之克不得已至數十日騰爲汲桑所攻城陷克見害

唐書經籍藝文志蔡克集二卷

嚴氏全晉文編曰蔡克一作蔡克有集二卷晉書梁王彤傳永康二年彤薨博士陳留蔡充議諡一篇又重議一篇通典八十二有沖太孫殤服議一篇



梁又有游擊將軍索靖集三卷亡

晉書本傳靖字幼安敦煌人也累世宦族靖少有逸羣之量與鄉人汜衷張翹索紉索永俱詣太學馳名海內號稱敦煌五龍四人並早亡惟靖該博經史兼通內緯州辟別駕郡

舉賢良方正對策高第傳玄張華皆厚與之相結拜駙馬都尉尚書郎與襄陽羅尚河南潘岳吳郡顧榮同官咸器服焉靖與尚書令衛瓘俱以善草書知名武帝愛之在臺積年除雁門太守魯相酒泉太守惠帝即位賜爵

關內侯太安末河間王顥舉兵向洛陽拜靖使持節監洛城諸軍事游擊將軍與賊戰大破之靖亦被傷而卒追贈太常時年六十五後又贈司空進封安樂亭侯諡曰莊靖著五行三統正論論辯理陰陽氣運又撰索子晉詩各二十卷又作草書狀

唐書經籍藝文志索靖集二卷 宋史藝文志一卷 嚴氏全晉文編索靖有集三卷今存書三條月儀帖十八條草書狀一篇

梁又有隴西太守閻纂集二卷錄一卷亡 晉書閻續傳續字續伯巴西安漢人也僑居河南新安少游英豪多所交結博覽墳典該通物理為太傅楊駿舍人轉安復令國子祭

酒鄒湛以續才堪著作薦於祕書監華嶠嶠曰此職閑廩重貴勢多爭之不暇求其才遂不能用河間王顥引為西戎校尉司馬有功封平樂鄉侯感懷太子之廢也續輿棺詣闕

上書理太子之寃不省及皇太孫立續復上疏請著令宜開來防以安後嗣又陳宜選擇東宮師傅又陳賈謐二十四友宜皆齊黜以肅風教朝廷善其忠烈擢為漢中太守卒於官時年五十九

唐書經籍藝文志閻纂集二卷 嚴氏全晉文編曰閻續有表疏五篇按隋志梁有隴西太守閻纂集二卷未知即此閻續否也 案續與纂通似無可疑者猶後文嚴巨集文士傳云蒼梧太守七錄作交趾太守此但漢中隴西之不合耳未足為異也

梁又有秦州刺史張輔集二卷錄一卷亡 晉書本傳輔字世偉南陽西鄂人漢河間相衡之後也少有幹局與從母兄劉喬齊名初補藍田令轉山陽令累遷尚書封宜昌亭侯

轉御史中丞馮翊太守河間王顥以為秦州刺史為天水帳下督富整所殺初輔常著論云管仲不如鮑叔又論班固不如司馬遷又論魏武不如劉備樂毅滅於諸葛亮辭多不載

唐書經籍藝文志張輔集二卷 嚴氏全晉文編張輔有集二卷通典有上司徒府言楊俊本傳有與孫秀箋類聚御覽有名士優劣論凡三篇

梁又有交趾太守殷巨集二卷錄一卷亡 吳志顧邵傳注文士傳曰雲陽殷基以才學知名著通語數十篇有三子巨字元大有才器初為吳偏將軍統家部曲城夏口吳平後

為蒼梧太守 案殷基亦作殷與有春秋釋滯見經部 唐書經籍藝文志殷巨集二卷 嚴氏全晉文編曰殷巨入晉歷蒼梧交趾二郡太守有集二卷藝文類聚有鯨魚燈賦奇布賦凡二篇

梁又有太子洗馬陶佐集五卷錄一卷亡 陶佐始末未詳 唐書經籍藝文志陶佐集五卷 梁又有東晉鄱陽太守虞溥集二卷錄一卷亡 案此稱東晉非是

晉書本傳溥字允源高平昌邑人也專心墳籍郡察孝廉除郎中補尚書都令史尚書令衛瓘尚書褚裒並重之稍遷公車司馬令除鄱陽內史大脩庠序廣招學徒移告屬縣乃具為條制于是至者七百餘人溥乃作誥以獎訓之風化大行注春秋經傳撰江表傳及文章詩賦數十篇卒于洛時年六十二子勃過江上江表傳于元帝詔藏於祕書

唐書經籍藝文志虞溥集二卷 溥或作傳或作浦並寫刊之誤也 嚴氏全晉文編曰虞溥有江表傳若干卷集二卷晉書禮志有王昌前母服議駁下粹議本傳載移告屬縣獎訓學徒誥凡四篇獎訓誥御覽作厲學篇

梁又有益陽令吳商集五卷亡 吳商有禮難等書見經部禮類 唐書經籍藝文志吳商集五卷 嚴氏全晉文編曰吳商有集五卷通典載其

二十五史補編 隋書經籍志考證

第七一三頁 開明書店製版

5751

議及答問論難等凡六篇續漢祭祀志注載  
禮祀六宗說一篇

梁又有仲長敖集二卷亡

仲長敖始末未詳

唐書經籍藝文志仲長敖集二卷

嚴氏全晉文編曰仲長敖爵里未詳有集二

卷藝文類聚二十一載有覈性賦一篇

梁又有晉太常卿劉弘集三卷錄一卷亡

晉書本傳弘字和季沛國相人也祖馥魏揚

州刺史父靖鎮北將軍弘有幹略政事之才

少家洛陽與武帝同居永安里又同年共研

席以舊恩起家太子門大夫遷率更令寧朔

將軍監幽州諸軍事以勳德兼茂封宣城公

太安中轉使持節南蠻校尉荊州刺史永興

中拜侍中鎮南大將軍開府儀同三司進車

騎將軍卒贈新城郡公諡曰元 案始終不著為

太常史略之歟

魏志劉馥傳馥子靖靖子熙晉陽秋曰劉弘

字叔和熙之弟也其在江漢值王室多難得

專命一方盡其器能推誠羣下厲以公義簡

刑獄務農桑每有興發手書郡國丁寧款密

故莫不感悅顛倒奔赴咸曰得劉公一紙書

賢于十部從事也晉諸公贊曰于時天下雖

亂荊州安全弘有劉景升保有江漢之志不

附太傅司馬越越甚銜之會病卒子璠北中

郎將

唐書經籍藝文志劉弘集三卷

嚴氏全晉文編劉弘有集三卷今存表教箋

書凡十篇

梁又有開府山簡集二卷錄一卷亡

晉書山濤傳濤河內懷人也有五子該淳允

謨簡簡字季倫性溫雅有父風初為太子舍

人累遷尚書左僕射領吏部上疏欲令朝臣

各舉所知以廣得才之路朝廷從之永嘉三

年為征南將軍都督荆湘廣交四州假節鎮

襄陽于時天下分崩朝野危懼簡優游卒歲

唯酒是耽尋加督寧益軍事及洛陽陷沒簡

為賊嚴嶷所逼乃遷於夏口招納流亡江漢

歸附年六十卒追贈征南大將軍儀同三司

唐書經籍藝文志山簡集二卷

嚴氏全晉文編山簡有集二卷今存上懷帝

疏與王衍書凡二篇

梁又有兗州刺史宗岱集二卷

宗岱或作宋岱有周易論見經部易家

太平御覽文部語林曰宋岱為青州刺史著

無鬼論甚精人莫能屈宋晁伯宇續談助鈔殷雲

小說云宋岱為青州刺史禁淫祀著無鬼論人莫能屈鄰

州化之注云出雜記

本志總集篇明真論一卷晉兗州刺史宗岱

撰

唐書經籍藝文志宗岱集三卷

梁又有侍中王峻集二卷錄一卷亡

王峻始末未詳

唐書經籍藝文志王峻集二卷

按馮氏詩紀載王浚從幸洛水餞王公歸

國詩一篇浚司空沈子也字彭祖襲父爵

博陵郡公太康初與諸王侯俱就國是詩  
蓋作于其時浚歷仕至懷帝時為大司馬

加侍中大都督督幽冀諸軍事因亂擁衆

自立謀將僭號石勒詐而殺之晉書附見

其父傳後或即此王浚而誤為峻歟

梁又有濟陽內史王曠集五卷錄一卷亡 項邪

晉書王羲之傳羲之司徒導之從子也父曠

淮南太守元帝之過江也曠首創其議

唐書世系表王氏避秦亂徙瑯琊臨沂郡鄉

南仁里晉宗正卿即邱貞子覽第四子正晉

尚書郎三子曠曠 覽太保王祥弟厚有集見後

江左人文中

唐書經籍藝文志王曠集五卷

嚴氏全晉文編曰王曠王虞弟惠帝時侍中

出為丹陽太守永嘉中為淮南內史有集五

卷魏志裴潛傳注有與東海王越書御覽三

百三十七有與揚州論討陳敏計二條 案顧

榮傳廣陵相陳敏反南渡江遂揚州刺史劉機丹陽內史

王曠則此顧濟陽常為丹陽懷帝永嘉三年紀又稱淮南

內史

晉散騎常侍裴嵩集一卷梁二卷錄一卷

晉書文苑傳據穎川長社人也子腆弟

嵩字臺產才藝尤美為太子中庶子散騎常

侍為石勒所殺又王浚傳浚欲討石勒使嵩督諸

軍屯易水又曰劉琨為劉聰所迫諸避亂游士多歸于浚

浚日以饋盛乃設壇告類建立皇太子備置眾浚自領

尚書令以裴嵩裴熙並為尚書又使嵩監司冀并兗諸軍

事行安北將軍此嵩為散騎常侍以後事也後與浚並為

石勒所殺時愍帝建興二年也

太平御覽文部文士傳曰棘嵩見陸雲作逸民賦嵩以為丈夫出身不為孝子則為忠臣必欲建功立策為國宰輔遂作官人賦以反雲之賦

唐書經籍藝文志裴嵩集二卷

梁又有襄陽太守裴腆集二卷錄一卷亡

晉書文苑裴據傳據子腆字玄方亦以文章顯永嘉中為襄城太守

唐書經籍藝文志裴腆集二卷

馮氏詩紀輯存贈答石季倫詩各一篇

晉太尉劉琨集九卷梁十卷劉琨別集十二卷

晉書本傳琨字越石中山魏昌人漢中山靖王勝之後也琨少得雋朗之目與范陽祖納俱以雄豪著名年三十六為司隸從事時征虜將軍石崇河南金谷洞中有別廬冠絕時輩引致賓客日以賦詩現預其間文詠頗為當時所許祕書監賈謐參管朝政京師人士無不傾心石崇歐陽建陸機陸雲之徒並以文才降節事謐琨兄弟亦在其間號曰二十四友累以勳封廣武侯進司空都督并冀幽三州諸軍事為石勒所敗奔匈奴段匹磾匹磾與琨結婚約為兄弟啗血載書期討石勒元帝初轉侍中太尉後為匹磾所拘自知必死為五言詩贈其別駕盧謐詩託意非常

據暢幽憤遠想張陳感鴻門白登之事用以激謐謐素無奇略以常辭酬和殊乖琨心大與元年為匹磾所害時年四十八諡曰愍

鍾嶸詩品曰郭景純用儻上之才變創其體越石仗清剛之氣贊成其美然彼眾我寡未能動俗

文心雕龍祝盟篇曰劉琨鐵誓精貫霏霜而無補于晉反為仇讎故知信不由衷盟無益也又章表篇曰劉琨勸進陳事之美表也

唐書經籍藝文志劉琨集十卷宋史藝文志同

崇文總目劉琨集十卷又曰劉琨詩集十卷

陳氏書錄解題曰劉司空集十卷晉司空中山劉琨越石撰前五卷差全可觀後五卷闕誤或一卷數行或斷續不屬殆類鈔節者末

卷劉府君誄尤多訛未有別本可以正

馮氏詩紀輯存答盧謐詩八首重贈盧謐詩一首扶風歌一首胡姬年十五一首

張氏百三家輯本一卷凡表牋書盟文誄詩四十餘篇序曰劉司空集在宋時已多闕誤今日欲觀全書未可得也晉元渡江無心北伐越石再三上表辭雖勸進義切復讎讀者苟有胸腹能毋慷慨

汪氏文選撰人篇目晉劉越石琨有答盧謐詩贈盧謐詩扶風歌勸進表

嚴氏全晉文編劉琨有集十卷別集十二卷今存表八篇上言一篇薦任光文一篇牋三篇書七篇檄誄盟文各一篇

晉司空從事中郎盧謐集十卷梁有錄一卷

盧謐有雜祭法見經部禮類

晉書盧欽附傳謐清敏有理思好老莊善屬文注莊子及文集皆行於世

魏志盧毓傳注毓植之第四子毓子欽琨琨次子志志子諱字子諒温嶠表稱謐清飭有文思謐別傳曰謐善著文章

鍾嶸詩品曰晉太尉劉琨中郎劉湛詩其源出于王粲劉湛當為盧謐善為悽戾之辭自有清拔之氣琨既體良才又罹厄運故善敘喪亂多感恨之辭中郎仰之微不逮者矣

文心雕龍才略篇曰劉琨雅壯而多風盧謐情發而理昭亦遇之於時勢也

唐書經籍藝文志盧謐集十卷舊志誤作盧謐

馮氏詩紀輯存贈劉琨詩重贈劉琨等詩凡八篇二十七首

汪氏文選撰人篇目晉盧子諒謐有覽古詩贈劉琨詩贈崔溫詩答魏子悌詩時興詩

嚴氏全晉文編盧謐有集十卷今存賦十篇表書各一篇誄二篇祭法六條

晉祕書丞傅暢集五卷梁有錄一卷

傅暢有晉諸公贊見史部雜史類

唐書經籍藝文志傅暢集五卷

嚴氏全晉文編傅暢有集五卷今惟見御覽引自敘二條

右晉中朝人文凡五十四家附梁有七十七家通計一百二十四家一百二十六部是為別集類分篇第四內山濤劉琨二家各有別

本一部

隋書經籍志考證卷三十九之五

集部二之五

別集類五東晉

梁又有晉明帝集五卷錄一卷亡

晉書本紀帝諱紹字道畿元帝長子元帝為

晉王立為晉太子及即尊號立為皇太子有

文武才略欽賢愛客雅好文辭當時名臣自

王導庾亮溫嶠桓彝阮放等咸見親待嘗論

聖人真假之意導等不能屈又習武藝善撫

將士於時東朝濟濟遠近屬心焉永昌元年

閏月庚寅即皇帝位改元太寧在位三年崩

年二十七帝聰敏有機斷尤精物理時兵凶

歲飢死疫過半虛弊既甚事極艱虞屬王敦

挾震主之威將移神器帝崎嶇遵養以弱制

強潛謀獨斷廓清大稜改授荆湘等四州以

分上流之勢撥亂反正強本弱枝雖享國日

淺而規模弘遠矣

文心雕龍時序篇曰元皇中興披文建學逮

明帝秉哲雅好文會升儲御極孳孳講藝練

情於誥策振采於辭賦庚以筆才逾親溫以

文思益厚揄揚風流亦彼時之漢武也

唐書經籍藝文志晉明帝集五卷

嚴氏文編曰晉明帝有集五卷今存蟬賦及

詔冊書凡二十九篇編為一卷

梁又有簡文帝集五卷錄一卷亡

簡文帝有談疏六卷見子部道家

晉書本紀帝少有風儀善容止留心典籍不

以居處為意凝塵滿席湛如也遺詔以桓溫

輔政溫威振內外帝雖處尊位拱默守道而

已又史臣曰簡皇以虛白之姿在屯如之會

政自桓氏祭則寡人

文心雕龍時序篇曰簡文物興淵乎清峻微

言精理函滿玄席澹思濃采時灑文囿

唐書經籍藝文志晉簡文帝集五卷

嚴氏全晉文編簡文帝有集五卷今存詔表

奏箋書凡十二篇

梁又有孝武帝集二卷錄一卷亡

晉書本紀帝諱曜字昌明簡文帝第三子也

咸安二年秋七月乙未立為皇太子是日簡

文帝崩帝即位改元二曰寧康曰太元在位

二十四年為張貴人所弑暴崩時年三十五

又王珣傳孝武帝雅好典籍珣與殷仲堪徐

邈王恭郗恢等並以才學文章見昵於帝

又殷仲堪傳仲堪善屬文孝武帝召為太子

中庶子甚相親愛帝嘗示仲堪詩乃曰勿以

己才而笑不才

又徐邈傳孝武帝始覽典籍招延儒學之士

邈處西省前後十年帝宴集酣樂之後好為

手詔詩章以賜侍臣或文詞率爾所言穢雜

邈每應時收斂還省刊削皆使可觀經帝重

覽然後出之是時侍臣被詔者或宣揚之故

時議以此多邈案謝邈傳亦有是事疑即徐邈本

而傳為謝邈也 又徐邈弟廣孝武世典校秘書

增置職崇文總目傳序云東晉三千一十四卷李充校孝

武增益三萬餘卷徐度校徐度似徐廣之誤蓋當時亦踵

漢孝成故事大收篇籍也

文心雕龍時序篇曰元皇中興披文建學明

帝秉哲雅好文會及成康促齡穆哀短祚簡

文勃興淵乎清峻至孝武不嗣安恭已矣自

中朝貴玄江左稱盛因談餘氣流成文體是

以世極連邈而辭意夷泰詩必柱下之指歸

賦乃漆園之義疏故知文變染乎世情與廢

繁乎時序者矣

嚴氏全晉文編孝武帝有集二卷今存詔書

帖凡三十八篇

梁又有彭城王紘集二卷亡

晉書宗室傳彭城穆王權宣帝弟植之子也

武帝受禪封彭城王薨子元王植立薨子康

王釋立釋子紘字偉德元帝即位拜散騎侍

郎翊軍校尉前將軍既嗣立拜國子祭酒散

騎常侍大宗正祕書監有風疾性理不恆或

欲上疏陳事歷示公卿又杜門讓還章印貂

蟬著杜門賦以顯其志由是更拜光祿大夫

領大宗師常侍如故後疾甚馳聘無度詔解

職養疾咸康八年薨

唐書經籍藝文志彭城王集八卷案此八卷似

與下議王集三卷互誤

嚴氏全晉文編彭城王紘有集二卷御覽六

百五十七引晉書有上言宜勅作樂賢堂佛

像頌一篇 案晉書梁謨傳彭城王紘上言樂賢堂有

先帝手畫佛像經歷寇難而此堂猶存宜勅作頌帝下其

議謨謹疑之

梁又有譙烈王集九卷錄一卷亡

晉書宗室傳譙剛王遜宣帝弟進之子也武

帝受禪封譙王次子閔王承渡江嗣父遜爲  
譙王承子烈王無忌字公壽咸和中拜散騎  
侍郎屯騎校尉中書黃門侍郎建元初遷御  
史中丞出爲輔國將軍長沙江夏相南郡河  
東太守隨桓溫伐蜀以勳進號前將軍永和  
六年薨

本志總集類梁有晉中丞司馬無忌奏事十  
三卷亡

唐書經籍藝文志晉譙王集三卷案譙王不止  
一人此但譙王者非七錄明著其誰幾莫辨爲何人之  
作矣 又此三卷似與前彭城王集八卷卷數互易 又  
章氏考證謂世說注引司馬無忌傳蓋即此譙烈王別傳  
也

嚴氏全晉文編譙王無忌有集九卷北堂書  
鈔有圓竹扇賦宋書禮志有京兆府君遷主  
議通典有王允之表郡名與祖名同乞改授  
議凡三篇

晉會稽王司馬道子集八卷梁九卷

晉書簡文三子傳會稽文孝王道子字道子  
少以清澹爲謝安所稱年十歲封琅邪王後  
封會稽王安帝即位累進太傅揚州牧領司  
徒元興元年桓玄奏道子醜縱不孝當棄市  
詔徙安成郡使御史杜竹林防衛竟承玄旨  
斃殺之時年三十九玄收追贈丞相

數

唐書藝文志晉會稽王道子集八卷

嚴氏全晉文編會稽王道子諡曰文孝王世

說言語篇注作孝文王有集八卷今存疏啓  
書七篇

梁又有鎮東從事中郎傅毅集五卷亡  
傅毅始末未詳

唐書經籍志傅毅集五卷

晉衡陽內史曾環集三卷梁四卷錄一卷  
環當爲環始末未詳

唐書經籍藝文志曾環集五卷

嚴氏全晉文編曰曾環爲衡陽內史有集三  
卷通典卷九十有爲舊君服議一篇

梁又有驃騎將軍顧榮集五卷錄一卷亡

晉書本傳榮字彥先吳國吳人也爲南土著  
姓祖雍吳承祖父穆宜都太守榮機神朗悟  
弱冠仕吳爲黃門郎太子輔義都尉吳平與  
陸機兄弟同入洛時人號爲三俊例拜爲郎  
中歷尚書郎太子中舍人廷尉正中書侍郎  
以討葛旗功封嘉興伯後還吳元帝鎮江東  
以爲軍司加散騎常侍凡所謀畫皆以諮焉  
榮既南州望士躬處右職朝野甚推敬之永  
嘉六年卒官以討陳敏功表贈侍中驃騎將  
軍開府儀同三司諡曰元及帝爲晉王追封  
爲公開國食邑千戶

唐書經籍志晉顧榮集二卷藝文志五卷  
嚴氏全晉文編顧榮有集五卷今存上安東  
將軍箋上書言南土人士與親故書與楊彥  
明書鄉人書凡五篇

晉司空賀循集十八卷梁二十卷錄一卷

賀循有喪服要見經部禮類

晉書本傳循操尚高厲言行進止必以禮讓  
又曰少玩篇籍善屬文

又史臣曰元帝樹基淮海夢想羣材共康庶  
績顧紀賀薛等並南金東箭世胄高門而循  
位登保傅朝望特隆遂使鸞蹕降臨承明下  
拜雖西漢之恩崇張禹東都之禮重桓榮弗  
是過也晉書列傳二十八以顧榮紀贈賀循薛彥爲一  
卷也

又王導傳元帝徙鎮建康導進計曰顧榮賀  
循此土之望未若引之以結人心二子既至  
則無不來矣帝乃使導躬造循榮二人皆應  
命而至由是吳會風靡百姓歸心也導又言  
顧榮賀循紀瞻周玕皆南土之秀願盡優禮  
帝納焉

唐書經籍藝文志賀循集二十卷

嚴氏全晉文編賀循有集二十卷今存上表  
上言答問答難議書論祭儀宗義葬禮喪服  
要記等凡四十一篇

梁又有散騎常侍張抗集二卷錄一卷亡 抗當  
爲元

晉書張載傳載安平人也載弟協協弟元字  
季陽才藻不逮二昆亦有屬綴又皆音樂伎  
術時人謂載協亢陸機雲曰二陸三張中興  
初過江拜散騎侍郎祕書監荀崧舉亢領佐  
著作郎出補烏程令入爲散騎常侍復領著  
作述曆贊一篇見律曆志

唐書經籍藝文志張抗集二卷 新志一本作三  
卷

梁又有車騎長史賈彬集三卷錄一卷亡

賈彬或作賈霖始末並未詳

唐書經籍藝文志賈霖集三卷

嚴氏全晉文編賈彬為車騎長史有集三卷

藝文類聚初學記引箏賦一篇

晉光祿大夫衛展集十二卷梁十五卷

晉書衛瓘傳瓘河東安邑人也子恆恆族弟

展字道舒歷尚書郎南陽太守永嘉中為江

州刺史累遷晉王大理詔有考子證父或鞭

父母問子所在展以為恐傷正教並奏除之

中興建為廷尉上疏宜復肉刑語在刑法志

卒贈光祿大夫

唐書經籍藝文志衛展集十四卷

嚴氏全晉文編衛展有集十五卷初學記有

陳諺言表刑法志及通典有上書言祖父不

合從坐上言宜復肉刑凡三篇

梁又有東晉太尉荀俎集三卷錄一卷亡

俎當

晉書荀勗傳勗潁川潁陰人有子其達者

輯藩組組字大章弱冠太尉王衍見而稱之

曰夷雅有才識初為司徒左西屬累遷至愍

帝時進封臨潁縣公位太尉領豫州牧及西

都不守組乃遣使移檄天下共勸進元帝以

組為司徒錄尚書事永昌初遷太尉未拜薨

年六十五諡曰元

唐書經籍藝文志荀俎集二卷

新志別本作一卷

嚴氏全晉文編荀俎有集三卷今存表二篇

議一篇

晉祕書郎張委集九卷梁五卷

張委始末未詳

案嚴氏全宋文編云太平御覽三百五十

八有張委九愍一篇張委爵里未詳御覽

列於顏延之後殷琰之前知是宋人宗案

或即此張委未可知也

梁又有關內侯傅珉集一卷亡

傅珉始末未詳

梁又有光祿大夫周顓集二卷錄一卷亡

晉書周浚傳浚汝南安成人也以平吳功封

成武侯代王渾為使持節都督揚州諸軍事

安東將軍卒於位三子顓嵩謨顓嗣爵字伯

仁少有重名神采秀徹人士宗附之弱冠襲

父爵拜祕書郎累遷尚書吏部郎元帝鎮江

左為軍諮祭酒中興建補吏部尚書左僕射

領吏部王敦構逆與戴若思俱被害時年五

十四敦卒追贈左光祿大夫議同三司諡曰

康

唐書經籍藝文志周顓集二卷

嚴氏全晉文編周顓有集二卷本傳載讓太

子少傅表刑法志及通典載復肉刑議凡二

篇

晉太常謝鯤集六卷梁二卷

晉書本傳鯤字幼輿陳國陽夏人少知名通

簡有高識不修威儀好老易能歌善鼓琴王

衍嵇紹並奇之左將軍王敦引為長史以討

杜弢功封咸寧亭侯為敦大將軍長史敦不

臣之迹顯於朝野鯤知不可以道匡弼乃優

游寄寓不屑政事從容諷議卒歲而已每與

畢卓王尼阮放羊曼桓彝阮孚等縱酒後敦

出鯤為豫章太守卒官年四十三敦死後追

贈太常諡曰康

唐書經籍志謝鯤集二卷

唐書藝文志謝鯤集二卷

嚴氏文編曰謝鯤爵里未詳藝文類聚三引

琨秋夜長一條以為宋人下文稱蘇彥何璋

伏系之皆為宋人知諸宋字皆晉之誤琨與

混形相近今姑編於謝混之後俟考

案晉書王廙傳明帝與大將軍溫嶠書曰

痛謝琨未絕於口世將復至於此並盛年

儁才不遂其志廙明古多通鯤遂有識致

史文於此數語之中已琨鯤互見舊唐書

志亦鯤琨互異知琨即為鯤即此謝鯤非

兩人謝衡之子也 衡有集見前朝人文中

又溫嶠傳亦以鯤為琨 又世說賞鑒篇注有謝鯤

元化論序嚴氏未采又有樂廣別傳

晉驃騎將軍王廙集十卷梁二十四卷錄一卷 瑛

邪

王廙有周易注見經部易家

晉書本傳廙少能屬文多所通涉工書畫善

音樂射御博奕雜伎元帝即位上疏曰臣少

好文學志在史籍而飄放遐外常與桀寇為

對臣犬馬之年四十三矣未能上報天施而

譽負屢彰恐先朝露填溝壑令微情不得上

達謹竭其頑獻中興賦一篇雖未足以宣揚

9766

盛美亦是嗟歎之義也又曰臣還京都陛下見臣白兔命臣作賦

唐張彥遠歷代名畫記曰虞善屬詞工書畫過江後爲晉代書畫第一又曰虞畫爲晉明帝師書爲右軍法時右軍亦學畫於虞虞畫孔子十弟子贊云余兄子羲之幼而岐嶷必將隆余堂構今始年十六學藝之外書畫過目便能就余請書畫法余畫孔子十弟子圖以勵之嗟爾羲之可不勸哉畫乃吾自畫書乃吾自書吾餘事雖不足法而書畫固可法欲汝學書則知積學可以致遠學畫可以知師弟子行己之道又各爲汝贊之注云見虞本集 案此即所作畫贊序也嚴氏輯文遺之又嚴氏據初學記十七輯存宰我贊四句即此十贊中之一

唐書經籍藝文志王虞集十卷

嚴氏至晉文編王虞有集三十四卷今存洛都賦思逸民賦笙賦白兔賦春可樂中興賦上疏書帖宰我贊保傅箴婦德箴凡十篇

梁又有華譚集二卷亡

華譚有新論見子部儒家

晉書本傳譚好學不倦爽慧有口辯爲鄰里所重太康中刺史嵇紹舉譚秀才將行別駕陳總錢之因問曰思賢之主以求才爲務進取之士以功名爲先何仲舒不仕武帝之朝賈誼失分漢文之世此吳晉之滯論可辯此理而後別至洛陽武帝親策之時九州秀孝策無逮譚者譚素以才學爲東土所推同郡劉頌時爲廷尉見之歎息曰不圖鄉里乃有

如此才也爲甄城令過濮水作莊子贊以示功曹而廷掾張延爲作答教其文甚美譚異而薦之又舉寒族周訪爲孝廉領郡大中正薦干寶范瑛於朝爲祕書監時晉陵朱鳳吳郡吳震並舉行清修老而未調譚皆薦爲著作佐郎戴若思弟邈譚女壻也譚平時常抑若思而進邈若思每銜之迨用事恆毀譚於帝由是官塗不至每懷缺望云

唐書經籍藝文志華譚集二卷 二志皆列之四晉人中非是

嚴氏全晉文編華譚有集二卷今存尙書二曹論舉秀才對策上箋求退對別駕陳總問遺顧榮等書移前松滋令袁甫并新論佚文凡七篇

晉御史中丞熊遠集十二卷梁五卷錄一卷

晉書本傳遠字孝文豫章南昌人也有志尙州舉秀才除監軍華軼司馬領武昌太守寧遠護軍元帝作相引爲主簿累遷御史中丞侍中補會稽內史王敦作逆諷朝廷徵遠還拜太常敦深憚其正而有謀引爲長史數月病卒

唐書經籍藝文志熊遠集五卷

嚴氏全晉文編熊遠有集十二卷今存表疏奏議啓凡九篇

梁又有湘州秀才谷儉集一卷亡

晉書甘卓傳卓遷湘州刺史中興初以邊寇未靜學校陵遲特聽不試孝廉而秀才猶依舊策試卓上疏以爲答問損益當須博古通

今明達政體必求諸墳索乃堪其舉臣所忝

州往遭寇亂學校久替人士流播不得比之餘州策試之由當藉學功謂宜同孝廉例申與期限疏奏朝議不許卓於是精加隱括備禮舉桂陽谷儉爲秀才儉辭不獲命州厚禮遣之諸州秀才聞當考試皆憚不行惟儉一人到臺遂不復策試儉恥其州少士乃表求試以高第除中郎儉少有志行寒苦自立博涉經史於時南土凋荒經籍道息儉不能遠求師友唯在家研精雖所得實深末有名譽又恥銜擢取達遂歸終身不仕卒於家嚴氏全晉文編曰谷儉字士風湘州桂陽人中興初刺史甘卓舉秀才策試高第除中郎尋歸不復仕有集一卷太平御覽引角賦通典有夫沒歸宗未嫁而亡爲服議凡二篇

梁又有大鴻臚周嵩集三卷錄一卷亡

晉書周浚傳浚汝南安成人三子顓嵩謨嵩字仲智狷直果俠每以才氣陵物元帝作相引爲參軍及帝爲晉王拜奉朝請以諫稱尊號忤旨出爲新安太守更拜御史中丞走時帝以王敦勢盛漸疎忌王導等嵩上疏奏帝感悟故導等獲全王敦既害顓而使人弔嵩用爲從事中郎後誣嵩及周筵潛相署置遂害之 又王敦傳明帝下詔罪狀敦曰周嵩亮直讞言致禍周札周筵累世忠義聽受讒構殘夷其宗

唐書經籍藝文志周嵩集三卷

嚴氏全晉文編曰嵩爲王敦所害敦平追贈大鴻臚有集三卷今惟見本傳載上晉王疏

諫疎忌王導等疏凡二篇

晉弘農太守郭璞集十七卷梁十卷錄一卷

郭璞有毛詩拾遺見經部詩家

晉書本傳璞好經術博學有高才而訥於言論辭賦爲中興之冠著江賦其辭甚偉爲世所稱後復作南郊賦帝見而嘉之數言便宜多所匡益明帝在東宮與溫嶠庾亮並有布衣之好璞亦以才學見重埒於嶠亮論者美之自以才高位卑乃著客傲所撰注數十萬言所作詩歌誄頌亦數萬言皆傳於世

世說文學篇注續晉陽秋曰魏正始中王弼何晏好莊老玄勝之談而世遂貴焉至過江佛理尤盛故郭璞五言始會合道家之言而韻之其後許詢孫綽轉相祖尚

鍾嶸詩品曰永嘉時貴黃老稍尙虛談於時篇什理過其辭淡乎寡味爰及江表微波尚傳郭景純用備上之才變創其體又曰晉弘農太守郭璞詩憲章潘岳文體相輝彪炳可翫始變永嘉平淡之體故稱中興第一翰林以爲詩首但游仙之作辭多慷慨乖遠玄宗而云奈何虎豹姿又云戢翼棲榛梗乃是坎壈詠懷非列仙之趣也

文心雕龍明詩篇曰江左篇製溺乎玄風嗤笑徇務之志崇盛亡機之談袁孫已下雖各有彫采而辭趣一揆莫與爭雄所以景純仙篇挺拔而爲俊矣又詮賦篇曰景純綺巧繹理有餘雜文篇云景純客傲情見而采蔚才略篇云景純艷逸足冠中興郊賦既稷穆以

大觀仙詩亦飄飄而凌雲矣

唐書經籍藝文志郭璞集十卷 宋史藝文志六

卷

馮氏詩記輯存贈溫嶠贈潘尼游仙詩無題詩十九首

張氏百三家郭弘農集輯本凡賦疏表序設難哀策文爲一卷山海經圖贊爾雅圖贊及詩爲一卷

汪氏文選撰人篇目晉郭景純璞有江賦游仙詩

嚴氏全晉文編輯存巫咸山賦江賦鹽池賦井賦流寓賦南郊賦登百尺樓賦蜜蜂賦蚍蜉賦龜賦凡十篇表一篇疏五篇奏二篇客傲爾雅方言山海經注序爾雅圖贊四十八山海經圖贊二百六十六元皇帝哀策文編爲四卷

晉張駿集八卷殘缺

晉書張軌傳軌安定烏氏人漢常山王耳十代孫也以惠帝永寧初出爲護羌校尉涼州刺史由是遂霸河西在州十五年卒子寔嗣在位六年卒弟茂攝州事在位五年卒寔子駿嗣位駿字公庭幼而奇偉十歲能屬文卓越不羈有計略勤脩庶政總御文武咸得其用遠近嘉詠號曰積賢君自軌據涼州屬天下之亂所在征伐軍無寧歲至駿境內漸平在位二十二年卒時年四十私諡曰文公穆帝追諡忠成公

文心雕龍章表篇曰劉琨勸進張駿自序文

致耿介並陳事之美表也

馮氏詩紀輯存雍露行東門行各一篇

嚴氏全晉文編輯前涼張駿建興末封霸城侯太寧二年嗣茂位劉曜拜爲涼州牧涼王猶奉愍帝年號稱建興十二年後又稱藩於李雄石勒至咸和八年猶稱建興二十一年至永和二年卒在位二十三年有集八卷本傳載上疏請討石虎李期下令境中御覽載山海經圖贊二條凡三篇

晉大將軍王敦集十卷瑣邪

晉書叛逆傳王敦字處仲司徒導之從父兄也眉目疎朗性簡脫有鑿裁學通左氏尤好清談時人莫知惟族兄戎異之洗馬潘滔見而目之曰處仲蜂目已露但豺聲未振若不噬人亦當爲人所噬明帝太寧二年病死有司議曰王敦滔天作逆有無君之心宜依崔杼王淩故事剖棺戮尸以彰元惡於是發瘞出尸焚其衣冠踴而刑之懸於南衙觀者莫不稱慶史臣曰琅邪之初鎮建業龍德猶潛雖當壁膺圖預定於冥兆豐功厚利未被於黎氓王敦歷官中朝威名夙著作牧淮海望實逾隆遂能弼成王度光佐中興此功固不細也既而負勳高而圖非望恃勢倨而肆驕陵蹙隙起自刁劉禍難成於錢沈與晉陽之甲纒象魏之兵蜂目既露豺聲又發擅竊國命殺害忠良遂欲篡盜乘輿逼龜鼎賴嗣君英略股肱戮力用能運茲廟算殄彼凶徒載清天步



唐書經籍藝文志王敦集五卷

嚴氏全晉文編曰王敦祥弟覽之孫有集十

卷今存表疏書凡十篇

梁有吳興太守沈充集二卷亡

晉書叛逆王敦傳永昌元年敦率衆內向以

誅劉隗爲名又上表罪狀刁協敦黨吳興人

沈充起兵應敦敦以沈充鏡鳳爲謀主諸葛

瑤鄧嶽周撫李恆謝雍爲爪牙充等並凶險

驕恣共相驅扇殺戮自己又大起營府侵人

田宅發掘古墓剽掠市道士庶解體咸知其

禍敗焉後周光斬錢鳳吳儒斬沈充並傳首

京師於是戮敦尸與充首同日懸於南桁又

曰充字士居好兵書頗以雄豪聞於鄉里敦

引爲參軍充因薦同郡錢鳳敦以爲鎧曹參

軍數得進見知敦有不臣之心因進邪說遂

相朋構專弄威權言成禍福充敗歸吳興亡

失道誤入其故將吳儒家儒誘充殺之

嚴氏全晉文編曰沈充吳興武康人爲王敦

參軍遷吳興太守從敦舉兵敗歸爲故將吳

儒所殺有集二卷類聚御覽引充鵝賦序一

篇

梁有散騎常侍傅純集二卷錄一卷亡

傅純始末未詳

唐書經籍藝文志傅純集二卷

嚴氏全晉文編曰傅純元帝初爲太常博士

累遷散騎常侍有集二卷類聚有雉賦通典

有議及難凡四篇

晉光祿大夫梅陶集九卷梁二十卷錄一卷亡

梅陶有梅子新論一卷見子部儒家

唐書經籍藝文志梅陶集十卷

馮氏詩紀輯存怨詩行一篇

嚴氏全晉文編梅陶有集二十卷御覽有鵬

鳥賦序自敘陶侃傳有與曹識書凡三篇

梁又有金紫光祿大夫荀遂集二卷錄一卷亡

晉書荀勗傳勗子藩藩子遂字道玄解音樂

善談論弱冠辟趙王倫相國掾數遷至愍帝

時加左將軍爲陳留相襲父爵西華縣公東

渡江元帝以爲軍諮祭酒拜侍中歷太常尚

書卒贈金紫光祿大夫諡曰靖

唐書經籍藝文志荀遂集二卷舊志誤作荀遂

晉散騎常侍王覽集九卷梁五卷覽當爲覽

晉書本傳覽字茂高堂邑人也父濬御史中

丞鑒少以文筆著稱初爲元帝琅邪國侍郎

時杜弢作逆江湘流弊王敦不能制朝廷深

以爲憂鑒上疏勸帝征之帝深納焉即命中

外戒嚴會弢已平而止中興建拜駙馬都尉

奉朝請出補永興令卒時年四十一文集傳

於世弟濤

唐書經籍藝文志王鑒集五卷

馮氏詩紀輯存七夕詩一篇

嚴氏全晉文編曰書鈔御覽有竹簟賦本傳

有勸親征杜弢疏凡二篇

梁又有晉著作佐郎王濤集五卷亡

王濤有三國志序評見史部正史類

唐書經籍藝文志王濤集五卷

梁又有廷尉卿阮放集十卷錄一卷亡

晉書阮籍附傳阮孚族弟放字思度少與孚

並知名中興除太學博士太子中舍人庶子

時雖戎車屢駕而放侍太子常說老莊不及

軍國明帝甚友愛之轉黃門侍郎吏部郎除

監交州軍事揚威將軍交州刺史到州少時

卒朝廷甚悼惜之年四十四追贈廷尉

唐書經籍藝文志阮放集五卷

梁又有宗正卿張俊集五卷錄一卷亡

俊當爲

文選張士然表注孫盛晉陽秋曰張俊字士

然吳國人也元康中吳令謝詢表爲孫氏置

守家人俊爲其文詔從之晉百官名曰俊爲

太子庶子汪氏文選撰人篇目曰晉張士然俊求爲

諸孫置守家表

唐書經籍志張俊集二卷

唐書藝文志張俊集二卷一本又誤作張峻

嚴氏全晉文編曰張俊字士然吳國人有爲

吳令謝詢求爲諸孫置守家人表又曰張俊

一作俊爲宗正卿有集五卷藝文類聚九十

五引白兔頰一篇案嚴氏以張俊張俊爲二人蓋未

詳考張俊即張俊之誤也然非唐藝文志明條宋本亦

無無以誤正矣俊官中朝至太子庶子過江左至宗正獻

又王廣奏中興賦表曰及臣遷京郡陛下見臣白兔命臣

作賦云云此白兔頰當亦作於其時又通志藝文略作

張俊是宋本附書不誤

梁又有汝南太守應碩集二卷亡

應碩始末未詳

唐書藝文志應碩集二卷

嚴氏全晉文編曰應頌為汝南太守有集二卷藝文類聚五有祝祖文一篇

梁又有金紫光祿大夫張闔集二卷錄一卷亡

晉書本傳闔字敬緒丹陽人吳輔吳將軍昭

之曾孫也少有志操太常薛兼進之於元帝

言闔才幹貞固當今之良器即引為安東參

軍轉丞相從事中郎帝為晉王拜給事黃門

侍郎以佐翼勳賜爵丹陽縣侯遷侍中帝踐

阼出補晉陵內史免官後詔為大司農遷尚

書蘇峻之役王導潛與闔謀招集三吳義兵

以討峻峻平賜爵宜陽伯遷廷尉以疾解職

拜金紫光祿大夫尋卒時年六十四闔牋表

文議傳於世

唐書經籍藝文志張闔集三卷

嚴氏全晉文編張闔有集三卷今存表議難

凡三篇

梁又有揚州從事陸沈集二卷錄一卷亡

陸沈始末未詳案前注梁有揚州從事陸沈集二卷

錄一卷此陸沈即陸沖故唐經籍志不重出

唐書藝文志陸沈集二卷

梁又有驃騎將軍卞壺集二卷錄一卷亡

晉書本傳壺字望之濟陰冤句人也父粹中

書令封成陽公為長沙王父所害壺弱冠有

名譽永嘉中除著作郎襲父爵累遷御史中

丞以滅王含功封建寧縣公明帝不豫領尚

書令與王導等俱受顧命成帝即位皇太后

臨朝與庾亮對直省中共參機要亮徵蘇峻

壺固爭不得峻果稱兵六軍敗績壺苦戰死

之時年四十八贈侍中驃騎將軍開府儀同

三司諡曰忠貞二子矜肝見父沒相隨赴賊

同時見害贈散騎侍郎肝奉車都尉

又史臣曰卞壺束帶立朝以匡正為己任襄

裳衛主蹈忠義以成名遂使臣死於君子死

於父惟忠與孝萃其一門古稱社稷之臣忠

貞之謂矣

唐書經籍藝文志卞壺集二卷

嚴氏全晉文編曰卞壺有集二卷今存表奏

議牋凡十一篇

梁又有光祿勳鍾雅集一卷亡

晉書本傳雅字彥胃潁川長社人好學有才

思舉四行除汝陽令入為佐著作郎尚書郎

避亂東渡元帝以為丞相記室參軍累遣侍

中蘇峻之難王師敗績雅與劉超並侍衛天

子明年並與超為賊所害賊平追贈光祿勳

嚴氏全晉文編曰鍾雅傳有奏改太廟祝文

奏劾尚書梅陶各一篇

梁又有衛尉卿劉超集二卷亡

晉書本傳超字世瑜琅邪臨沂人漢城陽景

王章之後也超少有志尚為琅邪國記室掾

以忠謹清慎為元帝所拔遂從渡江轉安東

府舍人專掌文檄以左右勤勞賜爵原鄉亭

侯中興建為中書舍人拜騎都尉奉朝請時

臺閣初建庶績未康超職典文翰而畏慎靜

密彌見親待後從明帝征錢鳳封零陵伯蘇

峻謀逆超為右衛將軍與侍中鍾雅並遇害

在機密並蒙親遇而不敢因寵驕諂故士人

皆安而敬之

又史臣曰鍾雅正直當官劉超勤肅奉上屬

巨猾滔天幼君危偏乃崎嶇寇難契關艱虞

雖高赫在難彌恭苟息繼之以死方之二子

曾何足云又贊曰鍾劉入仕忠貞攸履竭其

股肱繼之以死

唐書經籍藝文志劉超集二卷

嚴氏全晉文編劉超有集二卷御覽書鈔淳

化閣帖存表二條書一條

梁又有衛將軍戴邈集五卷錄一卷亡

晉書戴若思傳若思名淵唐人謚諱故稱其字廣

陵人也弟邈字望之少好學尤精漢史才不

逮若思儒博過之弱冠舉秀才遷太子洗馬

永嘉中元帝版行邵陵內史丞相軍諮祭酒

於時凡百草創學校未立邈上疏言之於是

始脩禮學代劉隗為丹陽王敦作逆加左

將軍及敦得志而若思遇害邈坐免官敦誅

拜尚書僕射卒官贈衛將軍諡曰穆

唐書經籍藝文志戴邈集五卷

嚴氏全晉文編戴邈有集五卷今惟本傳及

宋書禮志載上表請立學校一篇

梁又有光祿大夫荀崧集一卷亡

晉書本傳崧字景猷潁川臨潁人魏太尉瓌

之玄孫也志操清純雅好文章與王敦顧榮

陸機等友善泰始中襲父類爵安陵鄉侯累

遷侍中中護軍後以勳進爵舞陽縣公改封

協共定中興禮儀轉太常大寧初以平王敦功更封平樂伯遷右光祿大夫開府儀同三司錄尚書領祕書監年雖衰老而孜孜典籍世以此嘉之咸和三年薨年六十七贈侍中諡曰敬

嚴氏全晉文編荀崧有集一卷今存疏議答問書凡六篇

### 晉大將軍溫嶠集十卷梁錄一卷

晉書本傳嶠字太真司徒羨弟儋之子也

太原郡人懷帝時司徒性聰敏有識量博學能屬

文少以孝悌稱於邦族風儀秀整美於談論

大將軍劉琨妻嶠之從母也屢為琨將兵討

石勒為之謀主琨所憑恃焉屬二都傾覆元

帝初鎮江左琨使嶠奉表勸進帝器而嘉之

王導周顛謝琨庾亮桓彝等並與親善會琨

為段匹磾所害除散騎侍郎歷驃騎王導長

史遷中庶子太子與為布衣之交數陳規諷

又獻侍臣箴甚有弘益明帝即位拜侍中機

密大謀皆所參綜詔命文翰亦悉豫焉王敦

平封建寧縣開國公是時天下凋弊國用不

足詔公卿以下詣都坐論時政之所先嶠因

奏軍國要務七事多納之帝疾篤與王導鄒

鑒庾亮陸曄卞壺等同受顧命咸和初代應

詹為江州刺史持節都督平南將軍鎮武昌

蘇峻以京師傾覆而庾亮來奔乃遣督護王

愆期奉陶侃為盟主於是列上尚書陳峻罪

狀灑泣登舟移告四方征鎮侃雖為盟主而

處分規略一出於嶠及賊滅拜驃騎將軍開

府儀同三司加散騎常侍封始安郡公還鎮武昌未旬而卒時年四十二贈侍中大將軍持節都督刺史公如故諡曰忠武陶侃上表曰故大將軍嶠忠誠著於聖世勳義感於神人非臣筆墨所能稱陳臨卒之際與臣書別臣藏之篋笥時時省視每一思述未嘗不中夜撫膺臨飯酸噎人之云亡嶠實當之謹寫嶠書上呈案是書今不傳

又史贊曰太真懷貞勤宣乃誠謀敦翦峻奮節擢名

文心雕龍銘箴篇曰溫嶠傳臣博而惠繁又

詔策篇曰晉氏中興唯明帝崇才以溫嶠文

清故引入中書自斯以後體憲風流矣又奏

啓篇曰晉氏多難災屯流移劉頌殷勤於時

務溫嶠懇惻於費役並體國之忠規卒又才

略篇曰庾元規之表奏靡密以閑暢溫太真

之筆記循理而清通亦筆端之良工也

唐書經籍藝文志溫嶠集十卷

嚴氏全晉文編溫嶠有集十卷今存蟬賦表

疏奏軍國要務七事上言議教箋書移告四

方征鎮釋奠頌侍臣箴凡二十二篇

晉侍中孔坦集十七卷梁五卷錄一卷

晉書孔愉傳愉會稽山陰人也其先世居梁

國會祖潛漢末避地會稽因家焉愉從子坦

字君平少方直有雅望通左氏傳解屬文元

帝為晉王以為世子文學數遷至咸和初為

尚書左丞平蘇峻封晉陵男遷侍中廷尉卒

年五十一諡曰簡

唐書經籍藝文志孔坦集五卷  
曲阜孔繼汾闕里文獻考孔氏別集有先聖二十六代孫晉廷尉坦集十七卷梁錄宋史皆五卷錄一卷案宋史當是唐書之誤

嚴氏全晉文編曰孔坦有集十七卷今存對策表奏議書凡五篇

梁又有臧冲集一卷亡

臧冲始末未詳

梁又有晉鎮南大將軍應瞻集五卷亡

瞻當為

應詹有河南故事見史部舊事篇

晉書本傳詹弱冠知名性質素弘雅犯而弗

校以學藝文章稱司徒何劭見之曰君子哉

若人及洛陽傾覆王澄為荊州詹攘袂流涕

勸澄赴援澄使詹為檄下筆便成辭義壯烈

見者慷慨然竟不能從也元帝雅重其才云

又史臣曰應詹行業聿修文史足用入居列

位則嘉謀屢陳出撫藩條則惠政斯洽

唐書經籍志應詹集三卷藝文志五卷

嚴氏全晉文編應詹有集五卷今存表疏上

言書凡七篇

晉太僕卿王嶠集八卷

太原

晉書王湛傳湛子承承族子嶠字開山父佑

以才智稱嶠少少風尚并司二州交辟不就

永嘉末攜其二弟避亂渡江時元帝鎮建鄴

教曰王佑三息始至名德之冑並有操行宜

蒙飾敍後為王敦參軍爵九原縣公明帝時

累遷御史中丞祕書監拜廬陵太守卒官諡

曰穰案本傳不言穰為太僕卿或其贈官史略之歟

唐書藝文志王嶠集二卷

梁有衛尉荀闈集一卷亡

晉書荀勗傳勗子藩藩子遂闈闈字道明亦有名稱京師為之語曰洛中英英荀道明與遂俱渡江明帝從容問王廙曰二荀兄弟孰賢廙答以闈才明過遂歷御史中丞侍中尚書封射陽公太寧二年卒贈衛尉諡曰定

梁有鎮北將軍劉隗集二卷亡

晉書本傳隗字大連彭城人楚元王交之後也少有文翰起家秘書郎稍遷冠軍將軍彭城內史避亂渡江元帝以為從事中郎隗雅習文史善求人主意帝深器遇之遷丞相司直委以刑憲彈奏不畏彊禦晉國既建拜御史中丞太興初長兼侍中賜爵都鄉侯代薛兼為丹陽尹與尚書令刁協並為元帝所寵欲排抑豪強諸刻碎之政皆云隗協所建拜鎮北將軍都督青徐幽平四州軍事假節鎮泗口初隗以王敦威權太盛終不可制勸帝出腹心以鎮方隅故以譙王承為湘州續用隗及戴若思為都督敦甚惡之及敦作亂以討隗為名詔徵隗還京師及入見與刁協奏請誅王氏不從有懼色率衆屯金城及敦剋石頭隗攻之不拔入宮告辭帝雪涕與之別至淮陰為劉遐所襲攜妻子及親信二百餘人奔於石勒勒以為從事中郎太子太傅卒年六十一

又刁協傳及王敦構逆上疏罪協帝使協出

督六軍既而王師敗績協與劉隗俱侍帝於

太極東除帝執協隗手流涕鳴咽勸令避禍協曰臣當守死不敢有貳帝曰今事逼矣安可不行乃令給協隗人馬使自為計協年老不堪騎乘素無恩紀募從者皆委之行至江乘為人所殺送首於敦敦聽刁氏收葬之帝痛協不免密捕送協首者誅之

文心雕龍奏啓篇曰若夫傳咸勁直而按辭堅深劉隗切正而劾文闈略各其志也

唐書經籍藝文志劉隗集三卷

嚴氏全晉文編劉隗有集二卷今存上言奏劾及答王敦書凡九篇

梁有大司馬陶侃集二卷錄一卷亡

陶侃有大司馬故事見史部舊事篇

晉書本傳侃性聰敏勤於吏職恭而近禮愛好人倫關外多事千緒萬端罔有遺漏遠近書疏莫不手答筆翰如流未嘗壅滯引接疎遠門無停客常語人曰大禹聖者乃惜寸陰至於衆人當惜分陰豈可逸游荒醉生無益於時死無聞於後是自棄也諸參佐或以談戲廢事者乃命取其酒器蒲博之具悉投之於江將吏則加鞭朴曰撻捕者牧豬奴戲耳老莊浮華非先王之法言不可行也君子當正其衣冠攝其威儀何有亂頭養望自謂宏達耶

唐書經籍藝文志陶侃集二卷

嚴氏全晉文編陶侃有集二卷今存相風賦

表疏書凡十二篇

晉丞相王導集十一卷梁十卷錄一卷現耶

晉書王祥傳祥琅邪臨沂人漢諫議大夫吉之後也弟覽字玄通母朱遇祥無道屢以非理使祥覽輒與祥俱又虐使祥妻覽妻亦趨而共之孝友恭恪名亞於祥晉初封即丘子以太中大夫歸老有六子裁基會正彥琛裁字士初撫軍長史初呂虔有佩刀工相之以為必登三公可服此刀虔謂祥曰苟非其人刀或為害卿有公輔之量故以相與祥固辭彊之乃受祥臨薨以刀授覽曰汝後必興足稱此刀覽後奕世多賢才與於江左裁子導別有傳

又本傳導字茂弘光祿大夫覽之孫也父裁

鎮軍司馬元帝為琅邪王與導素相親善契同友執及徒鎮建康情好日隆朝野傾心號為仲父帝嘗從容謂導曰卿吾之蕭何也咸和五年薨時年六十四諡曰文獻案咸和當為咸康初導渡淮使郭璞筮之卦成璞曰吉無不利淮水絕王氏滅其後子孫繁衍竟如璞言導六子悅恬洽協勸蒼

又成帝本紀咸康四年夏六月改司徒為丞相以太傅王導為之五年秋七月庚申使持節侍中丞相領揚州刺史始興公王導薨八月壬午復改丞相為司徒

又史臣曰茂弘策名枝屏叶情交好負其才智特彼江湖思建剋復之功用成翼宣之道於時王敦內侮蘇峻連兵實賴元宰潛運忠

謨竟翦吞沙之寇提挈三世終始一心稱爲仲父蓋其宜矣恬珣踵德副呂虔之贈刀也唐書經籍藝文志王導集十卷舊志誤作王導嚴氏全晉文編曰王導有集十一卷通典御覽並引王丞相集今存教表疏議啓箋書銘凡二十一篇

### 晉太尉郗鑒集十卷錄一卷

郗當爲郗郗鑒有尙書令故事見史部舊事篇

晉書本傳鑒少孤貧博覽經籍躬耕隴畝吟咏不倦以儒雅著名明帝以其有器望萬幾動靜輒問之乃詔鑒特草上表疏以從簡易案成帝本紀元康五年八月辛酉太尉南昌公郗鑒薨蓋後王導一月而卒

唐書經籍藝文志郗鑒集十卷新志亦誤作郗嚴氏全晉文編郗鑒有集十卷本傳有討蘇峻誓師文藝文類聚以爲庾闡作今編入闡集存疏議駁書凡四篇

### 晉太尉庾亮集二十一卷梁二十卷錄一卷

庾亮有雜鄉射等議見經部禮類

晉書本傳亮美姿容善談論性好莊老風格峻整動由禮節閨門之內不肅而成時人或以爲夏侯太初陳長文之倫也中興初侍講東宮其所論釋多見稱述與溫嶠俱爲太子布衣之好時帝方任刑法以韓子賜皇太子亮諫以申韓刻薄傷化不足留聖心太子甚納焉時王敦在蕪湖帝使亮詣敦籌事敦與亮談論不覺改席而前退而歎曰庾元規賢

於裴頠遠矣

文心雕龍章表篇曰羊公之辭開府有譽於前談庾公之讓中書信美於往載序志顯類有文雅焉又才略篇云庾元規之表奏靡密以閑暢又程器篇云庾元規才華清英勳庸有聲故文藝不稱苦非臺岳則正以文才也唐書經籍藝文志庾亮集二十卷

汪氏文選撰人篇目晉庾元規亮有讓中書令表

嚴氏全晉文編庾亮有集二十一卷今存表疏議教凡十篇

梁又有虞預集十卷錄一卷亡

虞預有晉書見史部正史篇

晉書本傳預少好學有文章雅好經史憎疾玄虛其論阮籍裸袒比之伊川被髮所以胡虜遍於中國以爲過衰周之時所著詩賦碑誄論難數十篇

唐書經籍藝文志虞預集十卷

嚴氏全晉文編虞預有集十卷今存表疏議奏記箋書及晉書宣帝述凡九篇

梁又有平越司馬黃整集十卷錄一卷亡

黃整始末未詳

唐書經籍藝文志黃整集十卷

嚴氏全晉文編曰黃整永和初爲平越司馬有集十卷通典六十七引羣臣敬太后議一篇

晉護軍長史庾堅集十三卷梁十卷錄一卷

庾堅始末未詳

案此似范堅集之誤晉書范汪傳汪叔堅

字子常博學善屬文永嘉中避亂江東拜佐著作郎撫軍參軍討蘇峻賜爵都亭侯累遷尙書右丞成帝時遷護軍長史卒官子啓父子並有文筆傳於世堅蓋范寧之從祖也兩唐志有范宣集十卷考其前後次敘亦似即此范堅之集而誤堅爲宣范宣亦有集別見於後嚴氏文編輯存范堅蠟燈賦安石榴賦各一篇駁議一篇又此作庾堅者因下文庾冰庾闡而寫誤歟則志略亦作庾堅是宋本隋書已如此堅別有春秋釋難三卷見經部春秋左氏學家

### 晉司空庾冰集七卷梁二十卷錄一卷

晉書庾亮附傳冰字季堅兄亮以名德流訓冰以雅素垂風諸弟相率莫不好禮爲世論所重亮常以爲庾氏之寶歷中書監揚州刺史都督揚豫兗三州征虜將軍假節是時王導新喪人情愴然冰兄亮既固辭不入衆望歸冰冰既當重任經綸時務不晝夜賓禮朝賢升擢後進由是朝野注心咸曰賢相康帝時出爲都督江荆寧益梁交廣七州豫州之四郡軍事領江州刺史假節鎮武昌尋卒時年四十九贈侍中司空諡曰忠成

宋書天竺迦毗黎國傳先是晉世庾冰始創議欲使沙門敬王者後桓玄復述其義並不果行

唐書經籍藝文志庾冰集二十卷

嚴氏全晉文編庾冰有集二十卷今存爲成

帝詔及詔草疏書凡七篇  
晉給事中庾闡集九卷梁十卷錄一卷

晉書文苑傳庾闡字仲初潁川鄆陵人好學  
九歲能屬文為太宰西陽王羨掾累遷尚書  
郎蘇峻之難闡出奔郗鑒為司空參軍峻平  
以功賜爵吉陽縣男數遷為零陵太守入湘  
川弔屈原徵拜給事中復領大著作吳國內  
史虞潭為太伯立碑闡製其文又作揚都賦  
為世所重年五十四卒諡曰貞所著詩賦銘  
頌十卷行於世

唐書經籍藝文志庾闡集十卷

馮氏詩紀輯存孫登隱居詩臨曲水三月三  
日觀石鼓登楚山衡山江都遇風采藥詩游  
仙詩凡九篇十八首

嚴氏全晉文編曰庾闡亮族人有集十卷今  
存賦箋檄頌贊論戒文盟文弔文凡二十二  
篇揚都賦存八條又有揚都賦注四條未審  
他人為之注抑闡自注也

晉著作郎王隱集十卷梁二十卷錄一卷

王隱有晉書見史部正史篇

唐書經籍藝文志王隱集十卷

嚴氏全晉文編王隱有集二十卷今存議論  
銘各一篇

晉散騎常侍干寶集四卷梁五卷

干寶有易注見經部易家

晉書本傳寶少勤學博覽書記為春秋左氏  
義外傳注周易周官凡數十篇及雜文集皆  
傳於世

文心雕龍才略篇曰孫盛干寶文勝為史準  
的所擬志乎典訓戶牖雖異而筆采略同  
唐書經籍藝文志干寶集四卷

汪氏文選撰人篇目晉干令升寶有晉革命  
論晉紀總論

嚴氏全晉文編干寶有集五卷今存表議論  
序及司徒儀三條凡九篇

晉太常卿殷融集十卷

晉書殷仲堪傳仲堪陳郡人也祖融太常吏  
部尚書

世說文學篇注中興書曰殷融字洪遠陳郡  
人桓彝有人倫鑒見融甚歎美之著象不盡  
意大賢須易論理義精微談者稱焉兄子浩  
亦能清言每與浩談有時而屈退而著論融  
更居長為司徒左西屬飲酒善舞終日嘯詠  
未嘗以世務自嬰累遷吏部尚書太常卿卒  
唐書經籍藝文志殷融集十卷

嚴氏全晉文編曰殷融字洪遠陳郡長平人  
咸和初為庾亮都督府司馬後為丹陽尹遷  
尚書穆帝時拜太常卿吏部尚書有集十卷  
今存上言奏議凡六篇

案殷常父羨字洪喬為  
羨之弟浩之叔父也

梁有衛尉張虞集十卷亡

張虞始末未詳

唐書經籍藝文志張虞集五卷

嚴氏全晉文編曰張虞咸康中東陽太守累  
遷為衛尉卿有集十卷今存請旌孝子許孜  
疏一篇見晉書孝友傳

梁有光祿大夫諸葛恢集五卷錄一卷亡

晉書本傳恢字道明琅邪陽都人祖誕魏司  
空恢弱冠知名試守即丘長轉臨沂令避地  
江左名臣王導庾亮於時潁川荀闡字道明  
陳留蔡謨字道明與恢俱有名譽號曰中興  
三名人為之語曰京都三明各有名蔡氏儒  
雅荀葛清討周馥有功封博陵亭侯數遷元  
帝從事中郎兼統記室時四方多務箋疏殷  
積恢斟酌酬答咸稱折中於時王氏為將軍  
而恢兄弟及顏含並居顯要劉超以忠謹掌  
書命時人以帝善任一國之才討王含功進  
封建昌伯累遷吏部尚書散騎常侍尚書令  
成帝踐阼加侍中金紫光祿大夫卒年六十  
二諡曰敬恢兄頤字道回亦為元帝所器重  
終於太常

唐書經籍藝文志諸葛恢集五卷

嚴氏全晉文編諸葛恢有集五卷今惟類聚  
御覽引表四條

晉車騎將軍庾翼集二十二卷梁二十卷錄一卷

庾翼有春秋公羊論見經部春秋家

文心雕龍詔策篇曰教者效也言出而民效  
也若諸葛孔明之詳約庾稚恭之明斷並理  
得也而辭中教之善也

唐書經籍藝文志庾翼集二十卷

嚴氏全晉文編庾翼有集二十二卷今存表  
疏教書十三篇

疏教書十三篇

晉司空何充集四卷梁五卷

晉書本傳充字次道廬江潯人魏光祿大夫

顧之曾孫也充風韻淹雅文義見稱初解大將軍王敦掾少與王導善早歷顯官蘇峻平封都鄉侯穆帝時至驃騎將軍都督揚豫徐州領揚州刺史錄尚書事輔幼主爲宰相永和二年卒年五十五贈司空諡曰文穆

唐書經籍藝文志何充集五卷

嚴氏全晉文編何充有集五卷今存表疏奏議書凡七篇

梁又有御史中丞郝默集五卷亡

郝默始末未詳

唐書經籍藝文志郝默集五卷

梁又有征西諮議甄述集十二卷亡

甄述始末未詳

唐書經籍藝文志甄述集五卷

案晉書王尼傳尼初爲護軍府軍士胡母輔之與王澄傅暢劉輿荀邃裴遐送屬河南功曹甄述及洛陽令曹據請解之據等

以制旨所及不敢蓋卽此甄述初爲河南尹功曹與曹據同官後渡江爲征西將軍

府諮議參軍也此征西或是庾亮

梁又有武昌太守徐彥則集十卷亡

徐彥則始末未詳

嚴氏全晉文編曰徐彥永和初爲武昌太守

有集十卷隋志注作徐彥則通典九十九有

徐彥與征西桓溫牋

晉散騎常侍王愨期集七卷梁十卷錄一卷

王愨期有公羊傳注見經部春秋家

唐書經籍藝文志王愨期集十卷

嚴氏全晉文編王愨期有集十卷今存懷秋賦及議凡四篇

梁又有司徒左長史王濛集五卷亡太原

王濛有論語義見經部

晉書外戚傳濛祖佑北軍中候濛以清約見

稱善隸書美姿容與沛國劉惔齊名友善簡

文帝之爲會稽王也嘗與孫綽商略諸風流

人綽言曰劉惔清蔚簡令王濛溫潤恬和而

濛性和暢能言理辭簡而有會

唐書經籍藝文志王濛集五卷

嚴氏全晉文編王濛有集五卷今存議箋各

二篇

梁又有丹陽尹劉恢集二卷錄一卷亡

案此似劉惔集之誤也惔字真長沛國相

人尙明帝女廬陵公主歷官至丹陽尹年

三十六卒世說諸篇稱劉尹者是也晉書

有傳兩唐志有劉恢集二卷舊志或誤作惔

與此卷數相合又世說賞譽篇數稱王劉

卽此王濛劉惔當時言風流者舉濛惔爲

宗也觀七錄敘次則此爲惔非恢審矣唐

志亦以此二家相類從嚴氏文編輯存恢

答范汪問及酒箴各一篇

又案本志是處既確有劉惔集亦確有劉

恢集因誤惔爲恢遂敝去一條兩唐志於

劉惔集二卷之外別有劉恢集五卷是其

證也世說賞譽篇注宋明帝文章志曰劉

恢字道生沛國人識局明濟有文武才王

濛每稱其思理淹通蕃屏之高選爲車騎

司馬年三十六卒贈前將軍嚴氏文編云

劉恢爲丹陽尹蓋沿本志此一條誤文未

及詳究也馮氏詩紀輯恢詩一首嚴氏亦

輯存其文二條

梁又有益州刺史袁喬集七卷亡

袁喬有論語注見經部

晉書袁瓌附傳瓌子喬博學有文才注論語

及詩并諸文筆皆行於世

唐書經籍藝文志袁喬集五卷

嚴氏全晉文編袁喬有集七卷御覽有江賦

序本傳有與褚裒書勸桓溫伐蜀議凡三篇

晉尙書令顧和集五卷梁有錄一卷

晉書本傳和字君孝侍中衆之族子也總角

便有清操族叔榮雅重之曰此吾家麒麟與

吾宗者必此子也王導爲揚州辟從事累遷

御史中丞尙書令多所獻納永和七年以疾

篤辭位拜左光祿大夫儀同三司卒年六十

四追贈侍中司空諡曰穆

唐書經籍藝文志顧和集五卷

嚴氏全晉文編顧和有集五卷今存表疏奏

議凡八篇

梁又有尙書僕射劉遐集五卷亡

劉遐始末未詳

唐書經籍藝文志劉遐集五卷

嚴氏文編曰劉遐爲尙書僕射永和初爲吏

部尙書見褚裒傳案晉書別有劉遐傳非卽

此通典一百四右將軍王遐司馬劉曇父名

遐未審卽其人否遐有集五卷通典七十八

引其冬夏至寢鼓兵議一篇  
梁又有徵士江淳集三卷錄一卷亡淳當為淳

江惇有公羊音見經部春秋家

晉書江統附傳統次子惇孝友淳粹高節邁俗性好學儒玄並綜每以爲君子立行應依禮而動雖隱顯殊途未有不傍禮教者也若乃放達不羈以肆縱爲貴者非但動違禮法亦道之所棄也乃著通道崇檢論世咸稱之邑里宗其道有事必諮而後行東陽太守阮裕長山令王濛皆一時名士並與惇游處深相欽重及卒友朋相與刊石立頌以表德美云

梁皇侃論語義疏敘錄曰晉江熙集解論語有江惇說

唐書經籍志江淳集五卷

唐書藝文志江惇集五卷

梁又有魏興太守荀述集一卷亡

荀述始末未詳

梁又有平南將軍賀翹集五卷亡

賀翹始末未詳

梁又有李軌集八卷亡

李軌有周易音見經部易家

案李軌在晉代著述頗多可謂一大作手其學長於音訓明習故事有周易尚書毛詩三禮音春秋左氏穀梁音老子音莊子音二京賦音二都賦音齊都賦音又有小爾雅略解法言解又有泰始咸寧泰康永平永嘉建興咸和咸康歷代起居注自武

帝以迄成帝七朝注記皆其所撰似嘗官著作郎終於祠部郎中案軌字弘範江夏人李充字弘度亦江夏人似與充爲昆季行而本志依七錄敘次列其集於李充之前則充猶稍在其後者也其所撰可考見者凡二十三種晉書不爲立傳文苑李充傳亦未附見其人若非釋文敘錄略載雖未幾無從而知之矣此唐修晉書無怪爲後人所指摘也

晉李充集二十二卷梁十五卷錄一卷

李充有論語集解見經部

晉書文苑傳充善楷書妙參鍾索世咸重之幼好刑名之學深抑虛浮之士嘗著學箴又注尚書及周易旨六篇釋莊論上下二篇詩賦表頌等雜文二百四十首行於世唐書經籍藝文志李充集十四卷馮氏詩紀輯存嘲友人詩七月七日詩送許從詩三首嚴氏全晉文編曰李充有翰林論五十四卷集二十卷今存賦頌誠箴銘弔文及翰林論凡十五篇

晉司徒蔡謨集十七卷梁四十三卷

蔡謨有喪服譜見經部禮類

晉書本傳謨博學於禮儀宗廟制度多所議定文筆論議有集行於世梁皇侃論語義疏敘錄曰晉江熙集解十三家有蔡謨說唐張彥遠歷代名畫記曰明帝善書畫最善

畫佛像蔡謨集云帝畫佛於樂賢堂經歷寇亂而掌獨存顯宗效著作爲頌顯宗成帝廟號也效當是載之誤其事亦見蔡謨傳

唐書經籍藝文志蔡謨集十卷

嚴氏全晉文編蔡謨有集四十三卷今存表疏上言奏議檄書問難論凡三十二篇

晉揚州刺史殷浩集四卷梁五卷錄一卷

晉書本傳浩字深源陳郡長平人也父羨光祿勳浩識度清遠弱冠有美名尤善玄言與叔父融俱好老易融與浩口談則辭屈著篇則融勝浩由是爲風流談論者所宗征西將軍庾亮引爲記室參軍累遷司徒左長史後稱疾不起屏居墓所將十年於時擬之管葛王濛謝尚猶伺其出處以下江左興亡建元初簡文帝時在藩始綜萬幾徵爲建武將軍揚州刺史出爲中軍將軍假節督揚豫徐兗青五州後姚襄反爲襄所敗坐廢爲庶人徙東陽之信安縣浩少與桓溫齊名而每心競溫既以雄豪自許每輕浩浩不之憚也至是溫謂鄒超曰浩有德有言向使作令僕足以儀刑百揆朝廷用違其才耳浩雖被黜放口無怨言夷神委命談詠不輟永和十二年卒案浩廢於永和十年二月見穆帝本紀唐書經籍藝文志殷浩集五卷嚴氏全晉文編殷浩有集五卷今存遺王羲之書遺褚哀書易象論凡三篇梁又有吳興孝廉鈕滔集五卷錄一卷亡鈕滔始末未詳



唐書經籍藝文志鈕滔集五卷

案本志下文晉代婦人集中有松陽令鈕滔母孫瓊集二卷似即此鈕滔

梁又有宣城內史劉系之集五卷錄一卷亡

劉系之始末未詳

唐書經籍藝文志劉系之集五卷

案通典八十二九十五有劉系之問荀訥

二條又九十六九十八劉系之問王冀

條訥冀皆穆帝時太常

庚赤王集四卷王當爲玉既其諱不得例以篆法

晉書庚亮傳亮弟懌子統字長仁少有令

名司空太尉辟皆不就調補撫軍會稽王司

馬出爲建威將軍寧夷護軍尋陽太守年二

十九卒時人稱其才器甚痛惜之

世說賞譽篇曰簡文曰庚赤玉省率治除謝

仁祖云庚赤玉胸中無宿物注赤玉庚統小

字衛將軍懌子也少有令名仕至尋陽太守

晉尋陽太守庚純集八卷純當爲統

唐書經籍藝文志庚純集二卷

嚴氏全晉文編曰庚統爲尋陽太守有集八

卷隋志誤作庚純初學記十七引三人贊之

朱明張臣尉贊凡二條

案此即庚赤玉集之別本

梁有驃騎司馬王脩集二卷錄一卷亡太原

晉書外戚王濛傳濛子脩字敬仁小字荀子

案世說新語作荀子 明秀有美稱號曰流奔清

舉年十二作賢全論案全當爲人濛以示劉惔

曰敬仁此論便足以參微言 案檢下當更有候

字起家著作郎琅邪王文學轉中軍司馬未

拜而卒年二十四臨終歎曰無愧古人年與

之齊矣案後漢王延壽魏王弼地年二十四亦各有

集見前

唐書經籍藝文志王脩集二卷

嚴氏全晉文編曰世說文學篇引王脩集有

賢人論

梁有衛將軍謝尚集十卷錄一卷亡

晉書本傳尚字仁祖豫章太守鯤之子也鯤

陳國陽夏人有集見前幼有至性神悟夙成及長

開率穎秀辨悟絕倫脫略細行不爲流俗之

事遂知名善音樂博綜衆藝司徒王導深器

之比之王戎常呼爲小安豐辟爲掾襲父爵

咸亭侯累遷鎮西將軍鎮壽陽尚於是采拾

樂人并制石磬以備太樂江表有鍾石之樂

自尚始也升平初又進都督豫冀幽并四州

徵拜衛將軍未至卒於溧陽時年五十謚曰

簡

唐書經籍藝文志謝尚集五卷

馮氏詩紀輯存大道曲一篇

嚴氏全晉文編謝尚有集十卷今存談賦一

條及議書三篇

梁有青州刺史王俠集二卷亡

王俠一作王浹始末並未詳

唐書經籍藝文志王浹集二卷

案晉書穆帝本紀永和五年夏四月石季

龍死子世嗣僞位五月石遵廢世自立六

志亦皆作王浹疑即此王俠又唐志與王

度集相類從度亦仕石氏歸降者與此王

俠尤相近殆歸晉終於青州刺史歟

晉西中郎將王胡之集十卷梁五卷錄一卷

晉書王廙傳廙子頤之頤之弟胡之字脩齡

弱冠有聲譽歷郡守侍中丹陽尹素有風眩

疾發動甚數而神明不損石季龍死朝廷欲

綏輯河洛以胡之爲西中郎將司州刺史以

疾固辭未行而卒

世說品藻篇注王胡之別傳曰胡之好談諧

善屬文辭爲當世所重

唐書經籍藝文志王胡之集五卷

嚴氏全晉文編王胡之有集十卷今存表疏

牋書凡四篇

晉中書令王洽集五卷錄一卷

晉書王導傳洽字敬和導諸子中最知名與

荀羨俱有美稱弱冠歷散騎中書郎數遷至

領軍尋加中書令固讓表疏上穆帝詔曰

敬和清裁貴令昔爲中書郎吾時尙小數呼

見意甚親之今所以用爲令既機任須才且

欲時時相見共講文章待以友臣之義而累

表固讓甚違本懷其催洽令拜苦讓遂不受

升平二年卒於官年三十六

唐書經籍藝文志王洽集三卷

嚴氏全晉文編王洽有集五卷今存表書凡

四篇

梁有宜春令范保集七卷亡

范保始末未詳

梁有徵士范宣集十卷錄一卷亡

范宣有擬周易說見經部易家

晉書儒林傳宣少尚隱遁加以好學手不釋卷以夜繼日遂博綜衆書尤善三禮著禮易論難皆行於世

唐書經籍藝文志范宣集五卷 案二志上文已有范宣集十卷此又云范宣集五卷蓋前十卷爲范堅集

之誤本志又誤爲庚堅集已詳於前此五卷與本志前後敘次相對似即此范宣集十卷也

嚴氏全晉文編曰通典及宋書禮志有范宣

答殷浩等問及議論凡七篇

梁有建安太守丁纂集四卷錄一卷亡

丁纂始末未詳

唐書經籍藝文志丁纂集二卷

案晉書蔡謨傳穆帝臨軒遣侍中紀璩黃

門郎丁纂徵謨拜司徒自旦至申使者十

餘反而謨不至或即此丁纂時爲黃門郎

後至建安太守歟

晉金紫光祿大夫王羲之集九卷梁十卷錄一卷

瑛邪

晉書本傳羲之字逸少司徒導之從子也祖

正尚書郎案正字士則太保祥弟覽之第四子曠

淮南太守曠有集見前羲之幼知名尤善隸書

爲古今之冠起家祕書郎征西將軍庾亮請

爲參軍遷長史亮臨終上疏稱羲之清貴有

鑒裁遷寧遠將軍江州刺史羲之既少有美

譽朝廷公卿皆愛其才器頻召爲侍中吏部

尚書皆不就復授護國將軍既拜又苦求宜

城郡不許乃以爲右軍將軍會稽內史時殷

浩與桓溫不協羲之以國家之安在於內外

和因與浩書以誠之浩不從及浩北伐羲之

以爲必敗以書止之言甚切至浩遂行果爲

姚襄所敗復圖再舉又遣浩書又與會稽王

箋陳浩不宜北伐并論時事性不樂京師初

渡浙江便有終焉之志會稽有佳山水名士

多居之謝安未仕時亦居焉孫綽李充許詢

支遁等皆以文義冠世並築室東土與羲之

同好嘗與同志宴集於會稽山陰之蘭亭羲

之自爲之敍以申其志或以潘岳金谷詩序

方其文義之比於石崇聞而甚喜素與王述

不協及述爲揚州刺史羲之恥爲其下遂稱

病去郡謝萬爲豫州都督又遣萬書誠之萬

不能用故敗年五十九卒贈金紫光祿大夫

諸子遵父先志固讓不受

唐張彥遠歷代名畫記曰王羲之王廙從子

廙畫爲明帝師書爲右軍法右軍亦學畫於

廙書既爲古今之冠冕丹青亦妙穆帝升平

五年卒有雜獸圖臨鏡自寫其圖扇上畫小

人物傳於前代

唐書經籍藝文志王羲之集五卷 又有許先生

傳即仙人許遠游傳見史部雜傳家

宋史藝文志蘭亭詩一卷 崇文總目總集類王右

軍蘭亭詩集一卷王羲之編

馮氏詩紀蘭亭集詩一卷凡右將軍王羲之

四五言詩各一首琅邪王友謝安二首司徒

左西屬謝萬二首前餘杭令孫統二首左司

馬孫綽二首中軍參軍孫嗣一首散騎常侍

郝曇一首頴川庾友一首庾繡一首行參軍

曹茂之一首上虞令華茂一首榮陽桓偉一

首陳郡袁嶠之二首王玄之一首王凝之二

首王肅之二首王徽之二首王渙之一首王

彬之二首王蘊之一首行參軍王豐之一首

郡功曹魏滂一首鎮軍司馬虞說一首郡五

官謝繹一首行參軍徐豐之二首徐州西平

曹肇一首孫綽後序

張氏百三家王右軍集二卷錄一卷序曰殷

洪源與桓溫不協王逸少移書苦諫欲畫廉

蘭於屏風又曲止北伐皆不見聽果敗於姚

襄謝豫州才非將帥遠逸少之言後亦狼狽

世謂其形神在名山滄海之間於天下事抑

何明若觀火也琅邪南渡江左粗安王謝雖

賢未敢以區區吳越經緯天下褚裒殷浩志

奢才短動而輒蹶若復不守江東遠慕諸葛

伍員之憂爲期彌促卒觀喪晉覺發強臣非

由外寇逸少早識善察百年此數札者誠東

晉君臣之良藥非同平原辨亡令升論晉追

覽既往奮其縱橫也

嚴氏全晉文編曰王羲之有集十卷今存用

筆賦臨護軍教與會稽王箋與桓溫箋與殷

浩書遺謝安書與謝萬書與人書與所知書

蘭亭詩敍臨河敍游四郡記自誓文書論題

筆陳圖後月儀筆經凡二十一篇雜帖六百

三十一條編爲五卷 案雜帖即張彥遠法書要錄

所載右軍書記一卷是也

晉傲騎常侍謝萬集十六卷梁十卷

謝萬有繫辭注見經部易家

晉書謝安傳安弟萬才器備秀雖器量不及安而善自衒曜故早有時譽工言論善屬文敘漁父屈原季主賈誼楚老襄勝孫登嵇康四隱四顯爲八賢論其旨以處者爲優出者爲劣以示孫綽綽往反以體公識遠者則出處同歸云

唐書經籍藝文志謝方集十卷 案此因寫爲方而誤爲方也

嚴氏全晉文編曰謝萬有集十六卷今存春游賦與子朗等疏七賢嵇中散贊駙馬都尉劉眞長誄又世說文學篇注引萬集載其敘四隱四顯爲八賢之論初學記十七引萬八賢頌屈原一條楚老一條蓋即繫於論後也其論今亡

晉司徒長史張憑集五卷梁有錄一卷

張憑有論語注見經部

世說文學編曰謝太傅問主簿陸退張憑何以作母誄而不作父誄退答曰故當是丈夫之德表於事行婦人之美非誄不顯注陸氏譜曰退憑婿也

唐書經籍藝文志張憑集五卷憑或作馮同

馮氏詩紀輯存合歡詩雜詩二篇五首

嚴氏全晉文編張憑有集五卷宋書禮志及

通典載憑議答問凡五篇

涼有高涼太守楊方集二卷亡

楊方有五經鉤沈見經部論語家

晉書本傳方少好學有異才著五經鉤沈撰

吳越春秋并雜文筆皆行於世

唐書經籍藝文志楊方集二卷

嚴氏全晉文編楊方有集二卷初學記有筌篲賦御覽有薦張道順文凡二篇

晉徵士許詢集三卷梁八卷錄一卷

晉書王羲之傳孫綽李充許詢支遁等皆以文義冠世並築室東土與羲之同好又曰劉惔爲丹陽尹許詢嘗就惔宿牀帷新麗飲食豐甘詢曰若此保全殊勝東山

世說言語篇注續晉陽秋曰許詢字玄度高

陽人魏中領軍允玄孫總角秀惠衆稱神童

長而風清簡素司徒掾辟不就蚤卒

世說文學篇簡文稱許掾云玄度五言詩可

謂妙絕時人注續晉陽秋曰詢有才藻善屬文白司馬相如王褒揚雄諸賢世尙賦頌皆

體則詩騷旁綜百家之言及至建安而詩章

大盛逮乎西朝之末潘陸之徒雖時有質文

而宗歸不異也正始中王弼何晏好莊老玄

勝之談而世遂貴焉至過江佛理尤盛故郭璞五言始會合道家之言而韻之詢及太原

孫綽轉相祖尙又加以三世之辭而詩騷之

體盡矣詢綽並爲一時文宗自此作者悉體

之至義熙中謝混始改

唐書經籍藝文志許詢集三卷

馮氏詩紀輯存竹扇詩一首

嚴氏全晉文編曰許詢高陽新城人咸安中徵士有集八卷書鈔御覽引黑麀尾銘白麀

尾銘各一篇

晉征西將軍張望集十卷梁十二卷錄一卷

張望始末未詳

唐書經籍藝文志張望集三卷

馮氏詩紀曰張望爵里無考一作晉人有蜡除詩一首貧士詩一首馮氏編入宋代之末非也

嚴氏全晉文編曰張望爲征西將軍有集十

二卷書鈔有枕賦類聚有鸞鶴賦御覽有蜘蛛賦凡三篇

晉餘姚令孫統集二卷梁九卷錄一卷

晉書孫楚傳楚太元中都人也子纂纂子統

綽並知名統字承公幼與綽及從弟盛過江

誕任不羈而善屬文時以爲有楚風家於會

稽性好山水乃求爲鄆令轉在吳寧居職不

留心碎務縱意游肆名山勝川靡不窮究後

爲餘姚令卒

唐書經籍藝文志孫統集五卷

嚴氏全晉文編孫統有集九卷世說輕詆篇

注有高柔集敘政事篇注有吏部郎虞存誄

凡二篇

梁又有晉陵令戴元集三卷錄一卷亡

戴元始末未詳

晉衛尉卿孫綽集十五卷梁二十五卷

孫綽有論語集解見經部

晉書孫楚附傳綽博學善屬文少與高陽許詢俱有高尙之志居於會稽游放山水十有餘年乃作遂初賦以致其意絕重張衡左思之賦每云三都二京五經之鼓吹也嘗作天

台山賦辭致甚工時大司馬桓溫欲經緯中

國以河南粗平將移都洛陽朝廷畏溫不敢

為異而北土蕭條人情疑懼雖並知不可莫

敢先諫綽乃上疏言之桓溫見綽表不悅曰

致意與公何不尋君遂初賦知人家國事耶

綽少以文才垂稱於時文士綽為其冠溫王

鄒庚諸公之薨必須綽為碑文然後刊石焉

又史臣曰統綽隸華秀發名顯中興可謂無

忝爾祖統竟淪跡下邑窮觀勝地會其心焉

綽獻直論辭都不懼元子有匪躬之節元子

桓溫字豈徒文雅而已哉

鍾榮詩品曰永嘉時貴黃老尙虛談於時篇

什理過其辭淡乎寡味爰及江表微波尙傳

孫綽許詢桓庾諸公時皆平典似道德論建

安風力盡矣

又評晉驃騎王濟征南將軍杜預廷尉孫綽

徵士許詢詩云永嘉以來清虛在俗王武子

輩詩貴道家之言爰洎江表玄風尙備真長

仲祖謂劉懷王濛也桓庾諸公猶相襲世稱孫

許彌善恬淡之詞

文心雕龍誄碑篇曰孫綽為文志在碑誄溫

王鄒庾辭多枝雜桓彝一篇最為辨裁又才

略篇曰孫綽規旋以矩步故倫序而寡狀

唐書經籍藝文志孫綽集十五卷新志或誤作

孫綽

馮氏詩紀輯存表哀詩并序一篇三月三日

詩秋日詩各一首情人碧玉歌二首

張氏百三家孫廷尉集一卷凡賦疏論序碑

銘頌贊誄詩合三十三篇

汪氏文選撰人篇目曰晉孫興公綽有天台

山賦

嚴氏全晉文編曰孫綽有集二十五卷今存

游天台山賦望海賦遂初賦序諫移都洛陽

疏議箋序頌贊至人高士傳贊名德沙門論

目難謝萬八賢論喻道論道賢論以天竺七僧

方當世之竹林七賢 銘誄丞相王導碑太宰鄒

鑿碑太尉庾亮碑太傅諸哀碑司空庾冰碑

凡四十四篇附孫子佚文二十三條編為二

卷

晉太常江道集九卷

晉書本傳道字道載陳留圉人也少孤與從

弟灌共居甚相友悌由是獲當時之譽為蔡

謨參軍何充功曹試守太末令稍遷吳令又

為殷浩長史軍中書檄皆以委道升平末至

太常在職多所匡諫著阮籍序贊逸士箴及

詩賦奏議數十篇行於世卒年五十八

唐書經籍藝文志江道集五卷

馮氏詩紀輯存詠秋詠貧各一首

嚴氏全晉文編江道有集九卷今存風賦述

歸賦并賦羽扇賦竹賦表疏奏逸民箴凡十

篇

梁有謝沈集十卷亡

謝沈有尙書注見經部書類

晉書本傳康帝即位朝議疑七廟迭毀乃以

太學博士徵以質疑滯又曰沈先著後漢書

及毛詩漢書外傳所著述及詩賦文論皆行

於世其才學在虞預之右云

唐書經籍藝文志謝沈集五卷

嚴氏全晉文編謝沈有集十卷通典引祥禪

議及答問三篇

晉李顯集十卷錄一卷

李顯有卦象數旨六卷見經部易家

晉書文苑李充傳充子顯亦有文義多所述

作

唐書經籍藝文志李顯集十卷

馮氏詩紀輯存經渦路詩涉湖詩夏日詩感

冬篇凡四首

嚴氏全晉文編曰李顯有尙書注十卷集十

卷今存雪賦雷賦悲四時賦感興賦凌仙賦

龜賦鏡論阮彥倫誄凡八篇

晉光祿勳曹毗集十卷梁十五卷錄一卷

曹毗有論語釋見經部

晉書文苑傳毗少好文籍善屬辭賦時桂陽

張碩為神女杜蘭香所降毗因以二篇詩嘲

之并續蘭香歌詩十篇甚有文采又著揚都

賦亞於庾闡以名位不至著對儒以自釋凡

所著文筆十五卷傳於世

唐書經籍藝文志曹毗集十五卷

馮氏詩紀輯存詠史詩詠冬詩夜聽擣衣詩

正朝詩霖雨詩凡五篇又曰晉書樂志永嘉

之亂伶官樂器皆沒於劉石是後累代增益

至太元中破苻堅獲其樂工於是四廂金石

始備使曹毗王珣增造宗廟歌詩凡十三首

毗造十一首均造二首

嚴氏全晉文編曹毗有集十五卷今存賦十三篇對儒詩序黃帝贊神女杜蘭香傳請雨文綜凡一十九篇又有玉鼎頌見宋書符瑞志亡案諸書引曹毗志怪似即所記杜蘭香事

梁又有郡主簿王篋集五卷亡

王篋始末未詳

唐書經籍藝文志王篋集五卷

案本志雜史類史漢要集二卷晉祠部郎

王篋撰鈔史記入春秋者不錄疑即此王篋也

晉沙門支遁集八卷梁十三卷

梁釋慧皎高僧傳支遁字道林本姓關氏陳留人或云河東林慮人幼有神理聰明秀徹家世事佛隱居餘杭山年二十五出家初至京師太原王濛甚重之曰造微之功不減輔嗣殷融謝安王洽劉恢殷浩許詢郗超孫綽桓彥表王敬仁何次道王文度謝長遐袁彥伯等並一代名流皆著塵外之狎遁常在白馬寺與劉系之等談莊子逍遙篇於是退而爲注羣儒莫不歎服王羲之時在會稽請住靈嘉寺意存相近行道僧衆百餘常隨稟學時或有惰者遁乃著坐右銘以勸之時論以遁才堪經濟而潔已拔俗有違兼濟之道遁乃作釋矇論又作卽色游玄論聖不辨知論道行旨歸學道誠等太和元年終春秋五十有三遁善草隸郗超爲之序傳袁宏爲之銘贊周曇寶爲作誄凡遁所著文翰集有十卷盛行於世

唐書經籍藝文志沙門支遁集十卷

阮氏學經室外集曰支遁集二卷晉釋支遁撰案隋志八卷注云梁十三卷唐志十卷宋志不著錄讀書敏求記及述古堂書目作二卷知缺佚多矣是編依毛辰汲古閣舊鈔本過錄上卷詩凡十八首下卷書銘及贊凡十五首錢遵王跋稱支公養馬愛其神駿胸中未必無事在皎然云山陰詩友喧四座佳句縱橫不廢禪云云晉代沙門多墨名而儒行若支遁尤矯然不羣宜其以辭翰著也

嚴氏全晉文編曰支遁居吳之支山後居剡之沃州哀帝徵講於東安寺尋歸太和初卒有集十三卷釋藏弘明集高僧傳載書論序贊銘凡二十六篇又文編卷首錄曰支遁集二卷釋藏本

梁又有劉彧集十六卷亡

劉彧有長沙舊傳贊見史部雜傳篇

張重華酒泉太守謝艾集七卷梁八卷

晉書張重華傳重華以永和二年自稱持節大都督太尉護羌校尉涼州牧西平公假涼王牧府相司馬張軌言於重華曰主簿謝艾兼資文武明識兵略若授以斧鉞委以專征必能折衝禦侮重華召艾以爲中堅將軍大破石虎將麻秋等封福祿伯善待之諸寵貴惡其賢共毀譖之乃出爲酒泉太守後以使持節軍師將軍復破麻秋以爲太府左長史進封福祿縣侯又以爲都督征討諸軍事行衛將軍

宋書大且渠蒙遜傳元嘉十四年涼州刺史河西王茂虔奉表獻方物并獻謝艾集八卷

文心雕龍鑄裁篇曰昔謝艾王濟西河文士張駿以爲艾繁而不可刪濟略而不可益若二子者可謂練鑄裁而曉繁略矣案張駿有集見前重華之父也

唐書經籍藝文志謝艾集八卷 舊志或譌作謝文

嚴氏全晉文編曰謝艾敦煌人仕張重華至使持節都督征討諸軍事行衛將軍後爲張祚所殺有集七卷十六國春秋及御覽有獻晉帝表上疏言趙長張祚事密令與楊初凡三篇

梁又有撫軍長史蔡系集二卷亡

蔡系有論語釋見經部

唐書經籍藝文志蔡系集二卷

梁又有護軍將軍江彬集五卷錄一卷亡 彬當爲影

晉書江統傳統子彪字思玄本州辟舉秀才爲溫嶠別駕郗鑒司馬庾冰庾翼長史又數遷代王彪之爲尙書僕射哀帝卽位疑周貴人名號所宜彰議見禮志帝欲於殿庭立鴻祀彪以爲禮廢日久儀注不存中興以來所不行謂宜停之爲僕射積年簡文帝爲相每訪政事彪多所補益轉護軍將軍領國子祭酒卒官

又史臣曰彪位隆端右竭誠獻替悼遺忽榮利聿修天爵雖出處異塗俱難兄弟矣

又史臣曰彪位隆端右竭誠獻替悼遺忽榮利聿修天爵雖出處異塗俱難兄弟矣

又史臣曰彪位隆端右竭誠獻替悼遺忽榮利聿修天爵雖出處異塗俱難兄弟矣

唐書經籍藝文志江霖集五卷霖地當爲影  
嚴氏全晉文編曰江彰有集五卷晉書禮志  
通典載其議及答訪凡四篇

晉范汪集一卷梁十卷

范汪有祭典見經部禮類

唐書經籍藝文志范汪集八卷

嚴氏全晉文編范汪有集十卷今存表疏議

書答問并祭典棋品凡九篇 案諸書引范汪荆

州記當是爲庾亮桓溫佐吏時所作或在本集

晉尙書僕射王述集八卷太原

晉書王湛傳湛子承承子述字懷祖少襲父

爵藍田縣侯歷會稽內史代殷浩爲揚州刺

史加征虜將軍都督揚州徐州之琅邪諸軍

事衛將軍尋遷散騎常侍尙書令簡文帝每

言述才既不長直以直率使敵人耳謝安亦

歎美之太和二年卒年六十六諡曰簡

唐書經籍藝文志王述集五卷

嚴氏全晉文編王述有集八卷今存表疏議

箋教凡九篇

梁又有王度集五卷錄一卷亡太原

王度有二石傳二卷二石僞治時事二卷見

史部霸史類

唐書經籍藝文志王度集五卷

嚴氏全晉文編曰王度太原人仕石虎爲中

書著作郎高僧傳廣弘明集有奏禁奉佛一

篇初學記有扇上銘一篇

梁又有中領軍庾亮集二卷錄一卷亡

晉書庾亮傳亮三子彬羲蘇字道季好學

有文章叔父翼將遷襄陽年十五以書諫  
翼甚奇之升平中代孔嚴爲丹陽尹表除重  
役六十餘事太和初代王恪爲中領軍卒官

唐書經籍藝文志庾亮集二卷

嚴氏全晉文編庾亮有集二卷令惟見本傳

諫叔父翼徙鎮襄陽書一篇

梁又有將作大匠喻希集一卷亡

嚴氏全晉文編曰喻希字益期豫章人升平

末爲治書侍御史累遷至將作大匠有集一

卷水經注藝文書鈔御覽有與韓豫章牋凡

六條案韓康伯爲豫章太守也

案宋晁伯宇續談助鈔股芸小說云俞益

期豫章人與韓康伯道至交州開馬援故

事云云未注云出俞益期牋此一節與嚴

氏所輯文小有異同諸書引俞益期牋其

源蓋出於此皆誤以喻爲俞

梁又有吳興太守孔嚴集十一卷錄一卷亡

晉書孔愉傳愉從子坦嚴嚴字彭祖少仕州

郡歷尙書左丞多所匡益太和中拜吳興太

守以疾去職卒於家

世說品藻篇注中興書曰孔嚴字彭祖會稽

山陰人有才學歷丹陽尹尙書西陽侯在朝

多所匡正爲吳興太守太得民和後卒於家

案此作孔嚴與史異

唐書經籍藝文志孔嚴集五卷

孔繼汾闕里文獻考曰孔氏別集有先聖二

十六代孫晉吳興太守嚴集五卷梁錄十一

卷錄一卷

嚴氏全晉文編孔嚴有集十一卷本傳有諫  
鴻祀通典有與王彪之論蔡謨諡書各一篇

晉大司馬桓溫集十一卷梁有四十三卷又有桓  
溫要集二十卷錄一卷亡

晉書叛逆傳溫字元子宣城太守彝子也少

與沛國劉惔善惔嘗稱之曰孫仲謀晉宣王

之流亞也選向南康長公主拜駙馬都尉襲

爵萬寧男與庾翼友善恆相期以寧濟之事

翼嘗薦溫於明帝曰桓溫少有雄略願陛下

弗以常人遇之常培畜之宜委以方召之任

託其弘濟艱難之勳翼卒卽代爲荊州刺史

永和二年平蜀封臨賀郡公後殷浩至洛陽

經涉數年屢戰屢敗器械都盡乃奏廢浩自

此內外大權一歸於溫矣升平中改封南郡

公哀帝初加侍中大司馬都督中外諸軍事

假黃鉞揚州牧錄尙書事移鎮姑孰溫既負

其才力久懷異志欲先立功河朔還受九錫

及枋頭覆敗名實頓減於是參軍鄒超進廢

立之計乃廢帝爲海西公而立簡文帝及帝

崩遣詔家國事一稟之於溫如諸葛武侯王

丞相故事溫初望簡文臨終禪位於己不爾

便爲周公居攝事既不副所望故甚憤怨與

弟仲書曰遺詔使吾依武侯王公故事耳孝

武卽位徵溫入輔溫入朝停京師十有四日

於姑孰遂寢疾諷朝廷加己九錫累相催

促謝安王坦之聞其病篤密緩其事錫文未

及成而薨時年六十二追贈丞相第六子玄

嗣爵

文心雕龍檄移篇曰鍾會檄蜀徵驗甚明桓公檄胡觀覺尤切並壯筆也

唐書經籍藝文志桓溫集二十卷

馮氏詩紀輯存八陳圖詩一首

汪氏文選撰人篇目曰晉桓元子溫有薦譙元彥表

嚴氏全晉文編曰桓彝譙國龍亢人漢五更榮之九世孫仕至宣城內史成帝初死蘇峻

之難彝子溫孝武初卒諡曰宣武有集四十三卷要集二十卷今存表疏檄胡文牋書凡

十八篇

梁又有豫章太守車灌集五卷錄一卷亡

車灌有脩復山陵故事見史部舊事篇

唐書經籍藝文志車灌集五卷

晉尚書僕射王坦之集七卷梁五卷錄一卷亡太

原

晉書王湛傳湛司徒渾之弟也子承承子述

述子坦之字文度弱冠與郗超俱有重名時

人為之語曰盛德絕倫郗嘉賓江東獨步王

文度簡文帝為撫軍將軍辟為掾遷參軍

從事中郎仍為司馬加散騎常侍出為大司

馬桓溫長史父憂服闋徵拜侍中襲父爵領

左衛將軍坦之有風格尤非時俗放蕩不敦

儒教頗尚刑名學著廢莊論簡文帝臨崩詔

大司馬桓溫依周公居攝故事坦之自持詔

入於帝前毀之帝曰天下儻來之運卿何所

嫌坦之曰天下宜元之天下陛下何得專之

帝乃使坦之改詔焉溫薨坦之與謝安共輔

幼主遷中書令領丹陽尹俄督徐兗青三州

北中郎將徐兗二州刺史鎮廣陵將之鎮上

表言僕射臣安中軍臣沖並智竭忠貞周旋

舉動皆應諮此二臣又言宜數引侍臣詢求

讜言帝納之初謝安愛好聲律期功之慘不

廢妓樂頗以成俗坦之非而苦諫之書往反

數四安竟不從坦之又嘗與殷康子書論公

謙之義康子及袁宏並有疑難坦之標章擿

句一一申而釋之莫不厭服又孔嚴著通葛

論坦之與書贊美之其忠公慷慨標明賢勝

皆此類也卒年四十六臨終與謝安桓沖書

言不及私惟憂國家之事朝野甚痛惜之追

贈安北將軍諡曰獻

唐書經籍藝文志王坦之集五卷

嚴氏全晉文編王坦之有集七卷今存表書

論凡六篇

晉左光祿王彪之集二十卷梁有錄一卷原

晉書王廙傳廙弟彬彬子彪之字叔武年二

十鬚髻皓白時人謂之王白鬚初除佐著作

郎東海王文學尚書郎累遷尚書左丞司徒

左長史御史中丞侍中廷尉孝武帝時為尚

書令與謝安共掌朝政安每曰朝之大事衆

不能決者諮王公無不得判加光祿大夫儀

同三司末拜疾篤太安二年卒年七十三諡

曰簡

唐書經籍藝文志王彪之集二十卷

馮氏詩紀輯存四五言詩各一首

嚴氏全晉文編曰王彪之字叔虎見淳化閣

帖七本傳作叔武乃唐人避諱耳有集二

十卷晉書禮志通典初學記御覽諸書所引

有廬山賦水賦并賦閩中賦納皇后禮文納

采問名納吉納徵請期迎后版文殯書册文

整市教上書上言奏議啓答問牋書序贊凡

四十三篇

晉中書郎郗超集九卷梁十卷都當為郗

晉書郗鑒傳鑒高平金鄉人鑒子愔愔子超

字景與一字嘉賓少卓犖不羈有曠世之度

交游士林每存勝拔善談論義理精微愔事

天師道而超奉佛桓溫辟為參軍溫英氣高

邁罕有所推與超言常謂不能測遂傾意禮

待超亦深自結納溫懷不軌欲立霸王之基

超為之謀溫定計廢立亦超始謀也遷中書

侍郎司徒左長史年四十二先愔卒初超雖

實黨桓氏以愔忠於王室不令知之將亡出

一箱書付門生曰本欲焚之恐公年尊必以

傷慙為弊我亡後若大損眠食可呈此箱不

爾便燒之愔後果哀悼成疾門生依旨呈之

則悉與溫往返密計愔於是大怒曰小子死

恨晚矣更不復哭凡超所與交友皆一時美

秀雖寒門後進亦拔而友之及死之日貴賤

操筆而為誄者四十餘人

唐書經籍藝文志郗超集十五卷新志或誤郗

嚴氏全晉文編郗超有集十卷今存與桓溫

箋與親友書凡四篇

梁有南中郎桓嗣集五卷亡

晉書桓彝傳彝沛國龍亢人漢五更榮之九世孫也有五子温雲豁祕冲沖長子嗣字恭祖少有清譽與豁子石秀並為桓氏子姪之冠督荊州三郡豫州四郡軍事建威將軍江州刺史莅事簡約轉西陽襄城二郡太守鎮夏口後領江夏相卒官追贈南中郎將諡曰靖子

唐書經籍藝文志桓嗣集五卷

梁又有平固令邵毅集五卷錄一卷亡

邵毅始末未詳

唐書經籍藝文志邵毅集五卷

梁又有太學博士滕輔集五卷錄一卷亡

滕輔始末未詳

唐書經籍藝文志滕輔集五卷

晉苻堅丞相王猛集九卷錄一卷

晉書苻堅載紀王猛字景略北海劇人也家於魏郡環姿備偉博學好兵書謹重嚴毅氣度雄遠細事不干其慮自不參其神契略不與交通是以浮華之士咸輕而笑之隱於華陰山懷佐世之志斂翼待時苻堅將有大志聞猛名招之一見便若平生語及興廢大事異符同契若玄德之遇孔明也及堅僭位以猛為中書侍郎轉始平令遷尚書左丞咸陽內史京兆尹吏部尚書太子詹事尚書左僕射輔國將軍司隸校尉加騎都尉居中宿衛時猛年三十六歲中五遷又遷尚書令太子太傅加散騎常侍轉司徒錄尚書事進爵清河郡侯鎮冀州入為丞相中書監都督中外

諸軍事後數年復授司徒軍國內外事無鉅細莫不歸之猛宰政公平流放尸素拔幽滯顯賢才外脩兵革內崇儒學勸課農桑教以廉恥於是兵彊國富垂及升平猛之力也其年寢疾死年五十一贈侍中丞相餘如故諡曰武侯

嚴氏全晉文編曰王猛有集五卷苻堅載記及十六國春秋有涓原誓及上疏遺書凡九篇續嚴氏謂此集五卷未詳所據

梁有顧夷集五卷亡

顧夷有周易難王輔嗣義見經部易家

世說文學篇曰謝萬作八賢論與孫興公往返小有利鈍謝後以示顧君齊顧曰我亦作知卿當無所名

唐書經籍藝文志顧夷集五卷

梁有散騎常侍鄭襲集四卷亡

南史宋鄭鮮之傳鮮之榮陽開封人祖襲大司農經為江乘令因居縣境

嚴氏全晉文編曰鄭襲寧康初散騎常侍有集四卷通典有喪遇閏議難范寧論喪遇閏各一篇

梁有撫軍掾劉暢集一卷亡

世說品藻篇注劉瑾集序曰瑾南陽人父暢娶王羲之女生瑾劉瑾別有集見後

案此集與韓康伯集相屬康伯嘗為簡文撫軍掾劉暢殆與同時亦為會稽王撫軍將軍掾屬者

晉太常卿韓康伯集十六卷

韓康伯即韓伯有繫辭注見經部易家

晉書本傳伯清和有思理留心文藝舅殷浩稱之曰康伯能自標置居然是出羣之器穎川庾蘇名重一時少所推服常稱伯及王坦之曰思理倫和我敬韓康伯志力彊正吾愧王文度自此以還吾皆百之矣王坦之著公謙論袁宏作論以難之伯覽而美其辭旨以為是非既辨誰與正之遂作辨謙以折中云

唐書經籍藝文志韓康伯集五卷

嚴氏全晉文編韓伯有集十六卷今存議答問辨謙論王述碑凡四篇

梁有黃門郎范啓集四卷亡

晉書范堅傳堅子啓字榮期雖經學不及堅而才義顯於當世於時清談之士庾蘇韓伯袁宏等並相知友為祕書郎累居顯職終於黃門侍郎父子並有文筆傳於世

唐書經籍藝文志范起集五卷起當為啓

梁有豫章太守王恪集十卷亡

王恪始末未詳

案晉書外戚傳王遐簡順皇后父驃騎將軍述之從叔也長子恪領軍將軍恪子欣之豫章太守秩中二千石不知是否即此王恪

梁有零陵太守陶混集七卷亡

陶混始末未詳

梁有海鹽令祖撫集三卷亡

祖撫始末未詳

梁有吳興太守殷康集五卷錄一卷亡



晉書殷顛傳顛陳郡人祖融太常卿父康吳與太守融有集見前

唐書經籍藝文志殷康集五卷

嚴氏全晉編文曰康爲武康令遷吳興太守有集五卷御覽八百五十九引殷康集有爲武康縣教又御覽四百三十及三十一引明慎二條

晉太傅謝安集十卷梁十卷錄一卷

晉書本傳安字安石尚從弟也尚鯉之子並有集見前父哀太常卿安少有重名寓居會稽

與王羲之許詢支遁游處出則漁弋山水入則言詠屬文無處世意有司奏安被召歷年不至禁錮終身遂棲遲東土時安弟萬爲西中郎將總藩任之重安雖處衡門其名猶出萬之右自幼有公輔之望處家常以儀範訓子弟及萬廢黜始有時進志時年已四十餘矣桓溫請爲司馬尋除吳興太守徵拜侍中遷吏部尚書中護軍溫嘗以安所作簡文論議以示坐賓曰此謝安石碎金也尋爲尚書僕射領吏部後將軍總關中書事人皆比之王導謂文雅過之時苻堅強盛諸將敗退相繼安遣弟石及兄子玄等應機征討所在剋捷拜衛將軍開府儀同三司封建昌縣侯堅後率衆號百萬次於淮肥京師震恐加安征討大都督既破賊進太保安方欲混一文軌上疏求自北征乃進揚江荆司豫徐兗青冀幽并寧益雍梁十五州軍事加黃鉞其本官悉如故後會稽王道子專權頗相扇構安出

鎮廣陵之步丘築壘曰新城以避之遇疾薨年六十六贈太傅諡曰文靖又以平苻堅勳更封廬陵郡公孝武本紀太元十年八月丁酉使持節侍中監大都督十五州諸軍事衛將軍太保謝安薨

又史臣曰建元之後時政多虞巨猾陸梁權臣橫恣其有兼將相於中外系存亡於社稷負展資之以端拱鑿井賴之以晏安者其惟謝氏乎文靖始居塵外高謝人間嘯詠山林浮泛江海當此之時蕭然有陵霞之致暨於旖靡蘿而襲圭組去衡泌而踐丹墀庶績於是用康彝倫以之載穆苻堅百萬之衆已瞰吳江桓溫九五之心將移晉鼎衣冠易慮遠邇崩心從容而杜姦謀宴衍而清羣寇宸居獲太山之固維揚去累卵之危斯爲盛矣世說文學篇曰支道林許謝盛德共集王家許詢謝安王濛謝顧謂諸人今日可謂彥會時既不可留此集固亦難當共言詠以寫其懷許便問主人有莊子不正得漁父一篇謝看題便各使四坐通支道林先通作七百許語敘致精麗才藻奇拔衆咸稱善於是四坐各言懷畢謝問曰卿等盡不皆曰今日之言少不自竭謝後羸難因自敘其意作萬餘語才峯秀逸既自難干加意氣擬託蕭然自得四坐莫不厭心支謂謝曰君一往奔詣故復自佳耳文字志曰安神清秀悟善談玄理唐書經籍藝文志謝安集五卷嚴氏全晉文編謝安有疏議簡文帝諡議遺

王坦之書與某書與支遁書凡六篇

梁又有中軍參軍孫嗣集三卷錄一卷亡

晉書孫綽傳綽子嗣有綽風文章相亞位至中軍參軍早亡

唐書經籍藝文志孫嗣集三卷

梁又有司徒左長史劉袞集三卷亡

劉袞始末未詳

晉御史中丞孔欣時集八卷梁七卷

孔欣時始末未詳

晉伏滔集十一卷并目錄梁五卷錄一卷

晉書文苑傳伏滔字玄度平昌安丘人也才學少知名大司馬桓溫引爲參軍深加禮接每宴集必命滔同游從溫伐袁真至壽陽以淮南屢叛著論二篇名曰正淮壽陽平以功封聞喜縣侯除永世令溫薨征西將軍桓豁引爲參軍領華容令太元中拜著作郎專掌國史領本州大中正遷游擊將軍著作如故卒官

唐書經籍藝文志伏滔集五卷

嚴氏全晉文編伏滔有集十一卷今存望濤賦長笛賦登故臺詩序正淮論上下論青楚人物帝堯功德銘凡七篇案伏滔有大司馬察屬

名世說賞譽篇注引之當在本集又諸類書引北征記

晉梁陽太守習鑿齒集五卷

習鑿齒有漢晉陽秋見史部古史篇

晉書本傳鑿齒少有志氣博學洽聞以文筆著稱桓溫辟爲從事江夏相袁喬深器之數

稱其才溫出征伐或從或守所在任職每處

機要莅事有績善尺牘論議温甚器遇之時  
清談文章之士韓伯伏滔等並相友善温弟  
祕亦有才氣素與鑿齒相親善使至京師簡  
文爲相王亦雅重焉後以脚疾廢於里巷臨

終上疏曰臣每謂皇晉宜越魏繼漢不應以  
魏後爲三恪而身微官卑無由上達懷抱愚  
情三十餘年今沈淪重疾性命難保區區之  
情竊所悼惜謹力疾著論一篇寫上如左願  
陛下考尋古義求經常之表超然遠覽不以  
臣微賤廢其所言子辟疆才學有父風

唐書經籍藝文志習鑿齒集五卷

馮氏詩紀輯存詠燈一首

嚴氏全晉文編習鑿齒有集五卷今存臨終  
上疏與謝安書與燕王書與桓祕書與釋道  
安書晉承漢統論漢晉春秋論諸葛武侯宅  
銘凡二十七篇

晉祕書監孫盛集五卷殘缺梁十卷錄一卷

孫盛有魏氏春秋晉陽秋並見史部古史篇  
晉書本傳盛博學善言名理於時殷浩檀名  
一時與抗論者惟盛而已盛嘗詣浩談論對  
食奮擲塵尾毛悉落飯中食冷而復煖者數  
四至暮忘食理竟不定盛又著醫卜及易象  
妙於見形論洪等竟無以難之篤學不倦自  
少至老手不釋卷著魏氏春秋晉陽秋并造  
詩賦論難復數十篇  
文心雕龍才略篇曰孫盛干寶文勝爲史志  
乎典訓而筆采略同  
唐書經籍藝文志孫盛集十卷

嚴氏全晉文編曰盛字安國統從弟也有集  
十卷今存鏡賦奏事教書論及魏氏春秋評  
魏氏春秋異同評晉陽秋評老子疑問反訊  
凡六十九篇

晉東陽太守袁宏集十五卷梁二十卷錄一卷

袁宏有集議孝經見經部

晉書文苑傳宏有逸才文章絕美曾爲詠史  
詩是其風情所寄爲桓温府記室温重其文  
筆專綜書記後爲東征賦末列稱過江諸  
名德而獨不載桓彝時伏滔先在温府又與  
宏善苦諫之宏笑而不答温知之甚忿宏賦  
又不及陶侃亦爲侃子胡妖所窘後爲三國  
名臣頌從桓温北征作北征賦皆其文之高  
者又見漢時傳毅作顯宗頌辭甚典雅乃作  
頌九章頌簡文之德上之於孝武侯後漢記  
竹林名士傳詩賦誄表等雜文凡三百首傳  
於世

又王彪之傳桓温疾諷朝廷求九錫袁宏爲  
文以示彪之彪之視訖歎其文辭之美謂宏  
曰卿固大才安可以此示人時謝安見其文  
又頻使宏改之宏遂逡巡其事既屢引日乃  
謀於彪之彪之曰聞彼病日增亦當不復支  
久自可更小遲迴宏從之温亦尋薨 又儒林  
范弘之傳弘之與會稽王道子賤曰温又逼脅袁宏使作  
九錫備物光赫其文具存朝廷畏怖莫不景從惟謝安王  
坦之以死守之故得稽留耳  
世說文學篇桓宣武北征袁虎時從被責免  
官會須露布文喚袁倚馬前令作手不輟筆

俄得七紙皆可觀王東亭在側極歎其才袁  
虎云當令齒舌間得利袁虎宏小字東亭王珣也  
梁皇侃論語義疏敘錄曰晉江熙論語集解  
有袁宏說

鍾嶸詩品曰彥伯詠史雖文體未適而鮮明  
緊健去凡俗遠矣

文心雕龍詮賦篇曰彥伯梗概情韻不匱又  
才略篇曰袁宏發軔以高驥故卓出而多偏  
唐書經籍藝文志袁宏集二十卷

馮氏詩紀輯存從征行方頭山一首詠史二  
首擬右失題各一首

汪氏文選撰人篇曰曰晉袁彥伯宏有三國  
名臣序贊

嚴氏全晉文編曰袁宏有集二十卷今存東  
征賦北征賦各四條耐宴賦夜酣賦表書後  
漢紀序七賢序三國名臣序贊單道開贊去  
伐論明謙論祖述碑桓温碑銘孟處士銘祭  
牙文羅山疏凡十八篇

梁又有晉黃門郎顧淳集一卷亡

晉書顧和傳和子淳歷尚書吏部郎給事黃  
門侍郎左衛將軍顧和有集見前

梁又有尋陽太守熊鳴鶴集十卷亡

晉書熊遠傳遠弟籍名亞於遠終於都陽太  
守籍子鳴鶴位至武昌太守熊遠有集見前

梁又有車騎司馬謝韶集三卷亡

晉書謝萬傳萬子韶字穆度少有名時謝氏  
尤彥秀者稱封胡羯末封謂朗胡謂朗羯謂  
玄末謂川皆其小字也韶朗川並早卒惟玄

以功名終詔至車騎司馬案世說有胡兒羯奴未  
婢之稱唯封不見其下一字四人之中唯川無集

嚴氏全晉文編曰世說輕詔篇注引謝歆金

昌亭詩序歆爵里未詳案隋志注梁有車騎

司馬謝韶集三卷歆韶形近或即其人案晉

書列女謝韶編傳亦言封胡羯未云封謂謝歆與謝萬傳

末稱謝韶者蓋是歆爲韶之誤無疑

梁又有金紫光祿大夫王獻之集十卷錄一卷  
亡項邪

晉書王羲之傳羲之有七子知名者五人玄

之凝之徽之操之獻之字子敬少有盛

名高邁不羈雖閑居終日容止不怠風流爲

一時之冠起家州主簿祕書郎轉丞以選尙

新安公主爲謝安衛將軍長史尋除建威將

軍吳興太守徵拜中書令卒官安僖皇后立

以后父追贈侍中特進光祿大夫太宰諡曰

憲時議者以爲羲之草隸江左中朝莫有及

者獻之骨力遠不及父而頗有媚趣云

唐張彥遠歷代名畫記曰獻之草隸繼父之

美丹青亦工桓溫嘗請畫扇誤落筆因就成

鳥駮犂牛極妙絕又書犂牛賦於扇上此扇

義熙中猶在太元十一年卒年四十三

馮氏詩紀輯存桃葉歌二首

嚴氏全晉文編王獻之有集十卷今存表疏

啓書及保母碑志凡六篇雜帖八十七條

梁又有琅邪內史袁質集二卷錄一卷亡

晉書袁瓌傳瓌陳郡陽夏人魏郎中瓌之曾

孫也從祖準準子冲冲子耽耽子質字道和

自渙至質五世並以道素繼業惟其父耽以  
雄豪著及質又以孝行稱官至琅邪內史東

陽太守

唐書經籍藝文志袁質集二卷

梁又有太宰從事中郎袁邵集五卷錄一卷亡

袁邵始末未詳

唐書經籍藝文志袁邵集三卷舊志或誤作袁

紹

梁又有車騎長史謝朗集六卷錄一卷亡

晉書謝安傳安弟萬萬弟石石兄子朗朗字

長度父據早卒朗善言玄理文義豔發名亞

於玄總角時病新起體甚羸末堪勞於叔父

安前與沙門支遁講論遂至相苦其母王氏

再遣信令還安欲留使竟論王氏因出云新

婦少遭艱難一生所寄惟在此兒遂流涕攜

朗去安謂坐客曰家嫂辭情慷慨恨不使朝

士見之朗終於東陽太守世說簡傲篇注謝據小

字虎子奕弟也

唐書經籍藝文志謝朗集五卷

梁又有車騎將軍謝頌集十卷錄一卷亡頌當

爲玄

晉書謝安傳安兄奕三子泉靖玄玄字幼度

少穎悟與從兄朗俱爲叔父安所器重及長

有經國才略爲大司馬桓溫掾征西桓豁司

馬領南郡相監北征諸軍事時苻堅彊盛邊

境數被侵寇朝廷求文武良將安乃以玄應

舉數以功封東興縣侯及苻堅自率衆號百

萬次於項城詔以玄爲前鋒都督與叔父征

虜將軍石從弟輔國將軍琰西中郎將桓伊

龍驤將軍檀玄建威將軍戴熙揚武將軍陶

隱等距之玄與琰伊等以精銳八千進決戰

肥水南堅中流矢陣斬苻融堅衆奔潰肥水

爲之不流聞風聲鶴唳皆以爲王師以勳封

康樂縣公後以疾轉授散騎常侍左將軍會

稽內史玄既與疾之郡太元十三年卒官時

年四十六追贈車騎將軍開府儀同三司諡

曰獻武

又史臣曰康樂才兼文武志存匡濟淮肥之

役勅寇望之而土崩渦潁之師中州應之而

席卷方欲西平鞏洛北定幽燕廟算有餘良

圖不果降齡何促功敗垂成拊其遺文經綸

遠矣贊曰偉哉獻武功宜授斧剋翦凶渠幾

清中寓

唐書經籍藝文志謝玄集十卷

嚴氏文編輯存疏五篇書五條

案兩唐志謝朗集五卷之後次以謝玄集

十卷唐志無謝頌集本志無謝玄集此謝

頌列謝朗之後確爲謝玄之誤徧檢晉書

無謝頌不知何以誤玄爲頌也本志此處

似致誤一條通志藝文略亦作謝頌則北宋本已

然矣

晉新安太守郝愔集四卷殘缺梁五卷都當爲郝

晉書郝鑿傳鑿二子愔愔字方回少不交

競襲爵南昌公拜中書侍郎爲驃騎何充征

北褚裒長史再遷黃門侍郎臨海太守會弟

夫王羲之高士許詢並有邁世之風俱棲心絕穀修黃老之術後以疾去職乃築室章安有終焉之志十許年間人事頓絕簡文帝輔政徵為會稽內史及帝踐阼累遷鎮軍將軍都督浙江東五郡軍事以年老乞骸骨因居會稽徵拜司空固辭不起太元九年卒年七十二追贈侍中司空諡曰文穆 案本傳不言為新安太守或有所略也

唐書經籍藝文志郭愔集王卷郭當為郭

嚴氏全晉文編邴愔有集五卷通典有上言魏隲事一篇又論喪遇閏一篇淳化閣帖有雜帖四條

梁又有吳郡功曹陸法之集十九卷亡

陸法之始末未詳

晉太常卿王岷集十卷梁錄一卷 岷當為珉

晉書王導傳第三子洽洽二子珉珉珉字

季琰少有才藝善行書名出珉右時有外國沙門名提婆妙解法理為珉兄弟講毗曇經

珉時尚幼講未半便云已解即於別室與法門法綱等數人自講法綱歎曰大義皆是但

小未精耳歷著作散騎郎國子博士黃門侍郎侍中代王獻之為長兼中書令二人素齊

名世謂獻之為大令珉為小令太元十三年卒年二十八追贈太常

梁皇侃論語義疏鈔錄曰晉江熙集解十三家有王珉說

嚴氏全晉文編王珉有集十卷今存告廟議答徐邈書雜帖論序高座師凡四篇

晉中散大夫羅含集三卷

晉書文苑傳羅含字君章桂陽耒陽人也為庾亮荊州部從事桓溫征西參軍溫與寮屬譙會含從至溫問衆坐曰此何如人或曰可謂荆楚之才溫曰此自江左之秀豈唯荆楚而已累遷宜都太守散騎常侍中廷尉長沙相年老致仕加中散大夫年七十七卒所著文章行於世

唐書經籍藝文志羅含集三卷

嚴氏全晉文編曰羅含有集三卷廣弘明集有答孫安國書更生論凡二篇 案諸類書引羅含湘中記或編入本集

梁有太宰長史庾清集二卷亡 清當為倩

晉書庾冰傳冰七子希襲友蘊倩邈柔希為后之戚屬冰女又為海西公妃故希兄弟並顯貴太和中希為北中郎將徐兗二州刺史蘊廣州刺史友東陽太守倩太宰長史邈會稽王參軍柔散騎常侍倩最有才器桓溫深忌之及海西公廢溫陷倩及柔以武陵王黨殺之

世說識鑿篇曰庾公云逸少國舉故庾侃為碑文云拔萃國舉注侃庾倩小字也徐廣晉紀曰倩字少彥司空冰子皇后兄也有才具仕至太宰長史桓溫以其宗彊使下邳王晃

評與謀反而誅之案此則其集中有王逸少碑文唐書經籍藝文志庾集二卷

梁有大司馬參軍庾悠之集三卷亡  
晉書庾希傳桓溫諷有司劾希以罪免家於

暨陽及海西公廢桓溫陷倩及柔殺之希聞難與弟邈及子攸之逃於海陵陂澤中與武遵聚衆於海濱夜入京口城討桓溫兵敗被擒希邈及子姪五人斬於建康市案悠之史攸之希之子冰之孫也似亦同死於五人之中矣

梁有司徒右長史庾凱集二卷亡

庾凱始末未詳

文心雕龍雜文篇曰至於陳思客問辭高而理疎庾凱客咨意榮而文悴斯類甚衆無所取裁矣或改庾凱為庾凱然凱作客咨今亦無可考故仍從原文或凱集有客咨一篇也

唐書經籍藝文志庾凱集二卷軌並當為凱

晉國子博士孫放集一卷殘缺梁十卷

晉書孫盛傳盛子放字齊莊幼稱令慧年七八歲在荊州與父俱從庾亮獵亮曰君亦來耶應聲答曰無小無大從公於邁亮又問欲齊何莊耶放曰欲齊莊周亮曰不慕仲尼耶答曰仲尼生而知之非希企所及亮大奇之曰王輔嗣弗過也終於長沙相

唐書經籍藝文志孫放集十五卷

嚴氏全晉文編曰放字齊莊盛次子國子博士出為長沙太守水經廬江水注有廬山賦初學記御覽有西寺銘序

晉聘士殷叔獻集四卷并目錄梁三卷錄一卷  
晉書殷顓傳顓字伯通陳郡人也弟仲文叔獻別有傳 案殷仲文見晉書物述傳殷叔獻今本晉書無其傳案顓字伯通則仲文叔獻皆其字

唐書經籍藝文志殷叔獻集三卷

晉湘東太守庾肅之集十卷錄一卷

晉書文苑傳闡子肅之亦有文藻著稱

歷給事中相府記室湘東太守太元中卒

唐書經籍藝文志庾肅之集十卷

嚴氏全晉文編庾肅之有集十卷初學記類

聚御覽有雪贊山贊水贊玉贊松贊凡五篇

梁有晉北中郎參軍蘇彥彥集十卷亡

蘇彥有蘇子七卷見子部道家

唐書經籍藝文志蘇彥彥集十卷

馮氏詩紀輯存七夕詠織女詩西陵觀濤詩

各一篇

嚴氏全晉文編蘇彥彥有集十卷書鈔類聚御

覽有芙蓉賦浮萍賦秋夜長鵝詩序舜華詩

序女貞頌序語箴隱貞銘邛竹杖銘楠榴枕

銘柏枕銘凡十一篇

梁有太子左率王肅之集三卷錄一卷亡垣邪

世說排調篇注王氏譜曰肅之字幼恭右將

軍義之第四子歷中書郎驃騎咨議 案右軍

七子知名者五人肅之不在五人之列

梁有黃門郎王徽之集八卷亡垣邪

晉書王羲之傳羲之子徽之字子猷性卓犖

不羈為大司馬桓溫車騎桓沖參軍雅性放

誕好聲色嘗與弟獻之讀高士傳獻之賞井

丹高潔徽之曰未若長卿慢世也其傲達若

此時人皆欽其才而穢其行後為黃門侍郎

棄官東歸與獻之俱病篤未幾獻之卒月餘

徽之亦卒

嚴氏全晉文編曰淳化閣帖卷三有王徽之

書一篇

梁有徵士謝敷集五卷錄一卷亡

晉書隱逸傳謝敷字慶緒會稽人也性澄靖

寡欲入太平山十餘年鎮軍郗愔召為主簿

臺徵博士皆不就

嚴氏全晉文編曰文選褚淵碑文注引謝敷

答郗敬輿書出三藏記集六有安般守意經

序凡二篇

梁有太常卿孔汪集十卷亡

孔汪有孔中郎雜藥方見子部醫家

孔繼汾闕里文獻考孔氏別集有先聖二十

六代孫晉都督交廣二州諸軍事廣州刺史

汪集十卷

嚴氏全晉文編孔汪有集十卷宋書禮志引

四府君郊配議通典有答范寧問凡二篇

梁有陳統集七卷亡

陳統有難孫毓毛詩評四卷毛詩表隱二卷

見經部

梁有太常王愷集十五卷亡太原

晉書王坦之傳坦之四子愷愉國寶忱愷字

茂仁少踐清階襲父爵太元末為侍中領右

衛將軍多所獻替及王恭等討國寶愷並

請解職以與國寶異生又素不協故得免禍

國寶既死出愷為吳國內史愷為丹陽尹及

桓玄等至江寧愷領兵守石城玄等走復為

吳郡病卒追贈太常

梁有右將軍王忱集五卷錄一卷亡太原

晉書王坦之傳坦之第四子忱字元達弱冠

知名與王恭王珣俱流譽一時歷位驃騎長

史嘗造其舅范寧寧謂曰卿風流備望真後

來之秀太元中出為荊州刺史都督荆益寧

三州忱自恃才氣放酒誕節慕王澄之為人

澄字季衍之弟也 又年少居方伯之任談者

憂之及鎮荊州威風肅然殊得物和桓玄時

在江陵常以才雄駕物忱每裁抑之玄憚而

服焉性任達不拘末年尤嗜酒一飲連月不

醒或裸體而游每歎三日不飲便覺形神不

相親數年卒官贈右將軍諡曰穆

嚴氏全晉文編曰王忱有集五卷宋書禮志

載忱郊祀明堂議一篇

梁有太常殷允集十卷亡

世說賞譽篇注中興書曰殷允字子思陳郡

人太常康第六子案康似融之誤 恭素謙退有

儒者之風歷吏部尚書

唐書經籍藝文志殷允集十卷

嚴氏全晉文編曰殷融陳郡長平人融子允

孝武時為豫章太守後拜太常有集十卷御

覽通典書鈔類聚有石榴賦與徐邈書杖銘

祭徐孺子文凡四篇

晉徵士戴逵集九卷殘缺梁十卷錄一卷亡

戴逵有五經大義見經部論語篇

晉書隱逸傳逵少博學好談論善屬文能鼓

琴工書畫其餘巧藝靡不畢綜總角時以雞

卵汁澆白瓦屑作鄭玄碑又為文而自鑄之

辭麗器妙時人莫不驚歎性不樂當世常以

禮度自處深以放達為非道乃著論云

唐書經籍藝文志戴逵集十卷

嚴氏全晉文編曰逵有集十卷今存流火賦離興賦棲林賦三篇書五篇贊九篇放逵為非論釋義論答周居士難釋疑論各一篇凡二十篇附竹林七賢論三十三條

梁有晉光祿大夫孫厥集十卷亡似孔厥之誤

案闕里文獻考云孔氏別集有先聖二十

七代孫晉廷尉厥集十一卷案孔厥集隋

唐志皆不見似即此集誤孔為孫也晉書

孔羣傳羣子沈沈子厥位吳興太守廷尉

與文獻考稱官位合南史孔琳之傳琳之父

厥光祿大夫與此所題官位亦合似出孔厥

為多

梁又有尚書左丞徐禪集六卷亡

徐禪始末未詳

嚴氏全晉文編曰徐禪咸康中為博士永和

初轉尚書郎累遷尚書左丞有集六卷晉末

書禮志及通典載禪有上事及雜議告廟文

凡八篇

晉太子前率徐邈集九卷并目錄梁二十卷錄一

卷

徐邈有周易音見經部易家

晉書儒林傳邈委性端雅勤行勵學博涉多

聞以慎密自居少與鄉人臧壽齊名下帷讀

書不游城邑及孝武帝始覽典籍招延儒學

之士謝安始舉以應選處西省前後十年每

被顧問輒有獻替多所匡益帝宴集酣樂之

後好為手詔詩章以賜侍臣或文詞率爾所

言穢雜邈每應時收斂還省刊削皆使可觀

經帝重覽然後出之是時侍臣被詔者或宜

揚之故時議以此多邈及邈中書侍郎專掌

綸詔帝甚親昵之邈蒞官簡惠達於從政論

精議密當時多訾稟之觸類辨釋問則有對

又史臣曰邈協和主相刊削繁辭可謂將順

其美匡救其惡案宋書邈弟廣與東莞臧熾合傳此

臧熾知為臧熾之誤

唐書經籍藝文志徐邈集八卷

嚴氏全晉文編徐邈有集二十卷晉宋禮志

及通典諸書有奏議書答問凡二十五篇

晉給事中徐乾集二十一卷并目錄梁二十卷錄

一卷

徐乾有毅梁傳注見經部春秋家

嚴氏全晉文編徐乾有集二十一卷宋書禮

志及通典有褚爽表稱太子名議殷祭議各

一篇

梁又有晉冠軍將軍張玄之集五卷錄一卷亡

晉書謝玄傳玄以疾轉授左將軍會稽內史

時吳興太守晉寧侯張玄之亦以才學顯自

吏部尚書與玄同年之郡而玄之名亞於玄

時人稱為南北二玄論者美之案玄之妹亦與

謝道韞齊名

世說言語篇注續晉陽秋曰張玄之字祖希

吳郡太守澄之孫也少以學顯歷吏部尚書

出為冠軍將軍吳興太守卒於郡案諸書引張

玄之吳興山墟名為程殿可均有輯本隋唐志皆不見當

編入本集

梁又有員外常侍荀世之集八卷亡

荀世之始末未詳

梁又有袁崧集十卷亡

袁崧即袁山松有後漢書見史部正史篇

晉書袁瓌附傳山松少有才名博學有文章

矜情秀遠善音樂舊歌有行路難曲辭頗疏

質山松好之乃文其辭句婉其節制每因酣

醉縱歌之聽者莫不流涕初羊曇善唱樂桓

伊能換歌及山松行路難繼之時人謂之三

絕

馮氏詩紀輯存詠菊一首

嚴氏全晉文編袁崧有集十卷書鈔類聚御

覽引有歌賦酒賦圓扇賦答桓南郡書白鹿

詩序及後漢書光武紀論章帝紀論獻帝紀

論凡八篇案諸書引袁山松宜都郡句將山記或編

入本集

梁又有黃門郎魏邊之集五卷亡

世說賞譽篇曰魏隱兄弟少有學義注魏氏

譜曰隱字安時會稽上虞人歷義興太守御

史中丞弟邊黃門郎

梁又有驃騎參軍卞湛集五卷亡

卞湛始末未詳

唐書經籍藝文志卞湛集五卷

梁又有金紫光祿大夫褚爽集十六卷錄一卷

亡

晉書外戚傳褚爽字弘茂小字期生恭思皇

后父也祖哀父歆爽少有令稱謝安甚重之

嘗曰若期生不佳我不復論士矣為義興太

守早卒以后父追贈金紫光祿大夫  
世說識察篇注續晉陽秋曰爽河南人太傅  
哀之孫祕書監韶之子 案外戚續哀傳末云子歆  
字幼安則韶當爲歆 俊邁有風氣好老莊之言  
當世榮譽弗之屑也唯與殷仲堪善累遷中  
書郎義興太守女爲恭帝皇后  
嚴氏全晉文編褚爽有集十六卷藝文類聚  
四引爽禊賦

晉豫章太守范寧集十六卷

范寧有古文尙書注見經部書類

晉書本傳寧少篤學多所通覽時以浮虛相  
扇儒雅日替寧著論以爲其源始於王弼何  
晏二人之罪深於桀紂拜中書郎在職多所  
獻替有益政道時更營新廟博求辟雍明堂  
之制寧據經傳奏上皆有典證孝武帝雅好  
文學甚被親愛朝廷疑議輒諮訪之爲豫章  
太守臨發上疏言得失又陳時政帝善之既  
免官家於丹陽猶勤經學終年不輟

本志總集類范寧啓事三卷梁十卷

唐書經籍藝文志范寧集十五卷

嚴氏全晉文編范寧有集十六卷本傳及通

典類聚諸書引表疏奏議啓教書答問序論

凡二十四篇

梁有晉餘杭令范弘之集六卷亡

晉書儒林傳范弘之字長文安北將軍汪之  
孫也襲爵武興侯雅正好學以儒術該明爲  
太學博士時衛將軍謝石薨請諡下禮官議  
弘之議云案諡法因事有功曰襄貪以敗官

曰墨宜諡曰襄墨公又論殷浩宜加贈諡不  
得因桓溫之黜以爲國典仍多敝溫移鼎之  
迹時謝族方顯桓宗猶盛尙書僕射王珣溫  
故吏也素爲溫所寵三怨交集乃出弘之爲  
餘杭令將行與會稽王道子牋又與王珣書  
詞雖亮直終以溫謝之故不調卒於餘杭令  
年四十七 南史范泰傳泰第四子暉最知名出繼從  
伯弘之後襲封武興縣五等侯

又史臣曰弘之抗言立論不避朝權貶石抵  
溫斯爲當矣遂乃厄於三怨以至陵遲悲夫  
嚴氏全晉文編范弘之有集六卷今惟存本  
傳所載謝石證議與會稽王牋與王珣書凡  
三篇

晉司徒王珣集十一卷并目錄梁十卷錄一卷亡

案此亡字衍 珣邪

晉書王導傳導第三子治最知名治二子珣  
珣珣字元琳弱冠與陳郡謝玄爲桓溫掾俱  
爲溫所敬重時溫經略中夏竟無寧歲軍中  
機務並委珣焉從討袁真封東亭侯孝武帝  
雅好典籍珣與殷仲堪徐邈王恭郗恢等並  
以才學文章見昵於帝帝崩哀册諡議皆珣  
所草王恭謂珣曰比來視君一似胡廣隆安  
初仕至尙書令衛將軍散騎常侍四年以疾  
解職歲餘卒年五十二贈車騎將軍開府諡  
曰獻穆桓玄與會稽王道子書曰珣神情朗  
悟經史明徹風流之美公私所寄雖偏嫌謗  
才用不盡然君子在朝弘益自多時事艱難  
忽爾喪失歎懼之深豈但風流相悼而已玄

輔政改贈司徒

世說文學篇注續晉陽秋曰珣學涉通敏文  
高當世

唐書經籍藝文志王珣集十卷

馮氏詩紀曰晉書樂志太元中使曹毗王珣  
增造宗廟歌詩珣造簡文皇帝孝武皇帝歌

二首

嚴氏全晉文編王珣有集十一卷今存奏書

序贊銘哀策文祭文凡九篇

序贊銘哀策文祭文凡九篇

薄蕭之亦作薄肅之始末並未詳

唐書經籍藝文志薄蕭之集十卷

梁又有晉安北參軍薄要集九卷亡

薄要始末未詳

案本志春秋家有薄叔玄問穀梁義四卷

馬國翰曰叔玄與范寧同時治穀梁之學

者也案薄叔玄似即此薄要爲范汪安北

參軍即范寧穀梁解序所爲門生故吏

之一歟

梁又有薄邕集七卷亡

薄邕始末未詳

梁又有延陵令唐邁之集十一卷錄一卷亡

唐邁之始末未詳

晉孫恩集五卷

晉書叛逆傳孫恩字靈秀琅邪人孫秀之族

也世奉五斗米道恩叔父泰帥事錢唐杜子

恭子恭有祕術往往神效泰傳其術誑誘百

姓後謀作亂會稽王道子誅之恩逃於海聚

亡命自海攻上虞襲會稽害內史王凝之等  
遂據會稽隆安四年復寇刑浦害內史謝琰

又寇扈濱害吳國內史袁山松浮海向京口  
又集衆欲向京都北寇廣陵陷之劉裕緣海

要截累戰敗之復大破恩於扈濱遂遠進海  
中及桓玄用事恩復寇臨海臨海太守辛景

討破之恩窮蹙赴海自沈餘衆復推恩妹夫  
盧循爲主自恩初入海前後數十戰殺百姓

數萬人  
案孫恩至不足道不知何人爲編其集至  
隋時猶行於世甚可怪也

梁有晉殿中將軍傅綽集十五卷亡

傅綽始末未詳

梁有驍騎將軍弘戎集十六卷亡

弘戎始末未詳

嚴氏全晉文編曰北堂書鈔太平御覽各卷  
中引弘君舉食檄四條君舉始末未詳案隋

志注梁有驍騎將軍弘戎集十六卷疑卽此  
梁有御史中丞魏叔齊集十五卷亡

魏叔齊始末未詳

案世說排調篇注引魏氏譜有魏顓字長  
齊會稽人仕至山陰令叔齊或其昆季行

大抵與魏邊之同族邊之會稽上虞人有  
集見前

梁有司徒右長史劉寧之集五卷亡

劉寧之始末未詳

晉臨海太守辛德遠集五卷梁四卷

辛德遠名昺始末未詳

晉書安帝本紀元興元年三月臨海太守辛  
景擊孫恩斬之唐人避諱改昺爲景

又叛逆孫恩傳恩復寇臨海臨海太守辛景  
討破之恩窮蹙赴海自沈

唐書經籍藝文志辛炳集四卷  
嚴氏全晉文編曰辛炳爵里未詳御覽三百

三十七有辛炳洛戍時與桓郎棧一條云桓  
宣武令下官將千二百人奄襲某營值天洪

雨器仗沾濕暫廣深丈餘鹿角五重樓櫓嚴  
設自四更三唱攻逼至小食時不剋 案此則  
炳嘗爲桓溫故吏也

常熟丁國鈞補晉書藝文志曰辛德遠集舊  
唐志作辛炳集炳德遠名卽本書孫恩傳之

臨海太守辛景也

梁又有晉車騎參軍何瑾之集十一卷亡

何瑾之始末未詳

嚴氏全晉文編曰何瑾一作瑾之爲車騎參  
軍有集十一卷類聚御覽有悲秋夜一篇

梁又有太保王恭集五卷錄一卷亡太原 自魏  
王昶以迄於恭有集見本志凡十六人

晉書本傳恭字孝伯光祿大夫蘊子 蘊王長  
史謙之次子孝武定皇后之兄也少有美譽清

操過人自負才地高華恆有宰輔之望與王  
忱齊名友善慕劉惔之爲人太元中累遷中

書令領太子詹事孝武帝以恭后兄深相欽  
重以恭都督竟青冀幽并徐州晉陵諸軍事

平北將軍竟青二州刺史假節鎮京口旋改  
號前將軍及帝崩會稽王道子執政寵昵王

國寶委以機權恭每正色直言道子深懼而  
忿之於是國難始結恭乃謀誅國寶抗表京

師內外戒嚴用王珣計請解職道子收國寶  
賜死深謝愆失恭乃還京口譙王尙之復說

道子以藩伯強盛宰相權弱宜多樹置以自  
衛道子然之乃以其司馬王愉爲江州刺史

割庾楷豫州四郡使愉督之由是楷怒說恭  
曰尙之兄弟專弄相權欲假朝威貶削方鎮

及其議未成宜早圖之恭以爲然復以謀告  
殷仲堪桓玄玄等從之推恭爲盟主剋期同

赴京師恭乃舉兵上表以討王愉司馬尙之  
兄弟爲辭朝廷使會稽世子元顯及王珣謝

琰等距之恭兵敗騎奔曲阿湖浦尉收送  
京師斬之桓玄執政上表理恭詔贈侍中太

保諡曰忠簡腰斬湖浦尉

嚴氏全晉文編王恭有集五卷今存表書各  
二篇

梁又有殷觀集十卷錄一卷亡

晉書本傳觀字伯通陳郡人也祖融太常卿  
父康吳興太守殷融殷康並有集見前觀性通率

有才氣少與從弟仲堪俱知名太元中以中  
書郎擢爲南蠻校尉職清明政績肅舉及

仲堪得王恭書將與兵內伐告觀欲同舉觀  
不平之曰夫人臣之義慎保所守朝廷是非

宰相之務豈藩屏之所圖也晉陽之事宜所  
不豫仲堪要之轉切觀怒曰吾進不敢同退

不敢異仲堪甚以爲恨猶密諫仲堪辭甚切  
至仲堪志望無厭謂觀言爲非觀知仲堪當



逐異已樹置所親因出行散託疾不還仲堪  
出省之謂曰兄病殊可憂說曰我病不過身  
死但汝病在滅門幸熟爲慮勿以我爲念也  
仲堪不從卒與楊佺期桓玄同下說遂以憂  
卒隆安中贈冠軍將軍弟仲文叔獻  
又史臣曰仲堪反常之舉殷說以正色折之  
求諸古烈何以加焉史文皆觀顯互見今從本志  
晉荊州刺史殷仲堪集十二卷并目錄梁十卷錄  
一卷亡

殷仲堪有毛詩雜義見經部詩家

晉書本傳仲堪能清言善屬文每云三日不  
讀道德論便覺舌本間強其談理與韓康伯  
齊名士咸愛慕之爲晉陵太守時所下條教  
甚有義理在荊州答桓玄論四皓玄屈之每  
語子弟云人物見我受任方州謂我豁平昔  
時意今吾處之不易貧者士之常焉得登枝  
而捐其本爾其存之

唐書經籍藝文志殷仲堪集十卷

嚴氏全晉文編殷仲堪有集十二卷今存游  
園賦將離賦太子合表奏牋書答問贊論銘  
誄合社文凡十七篇 案梁皇侃論語義疏引殷仲  
堪說或在本集

晉驃騎長史謝景重集一卷

晉書謝朗傳朗子重字景重明秀有才名爲  
會稽王道子驃騎長史

南史謝晦傳晦陳郡陽夏人晉太常哀之玄  
孫也哀子奕據安萬鐵並著名前史據子朗  
字長度位東陽太守朗子重字景重位會稽

王道子驃騎長史案晉書萬第石石弟鐵永嘉太守  
晉桓玄集二十卷

桓玄有繫辭注見經部易類  
晉書叛逆傳玄形貌環奇風神疏朗博綜藝  
術善屬文常負其才地以雄豪自處衆咸憚  
之及篡位義兵起出奔於道作起居注敘其  
距義軍之事自謂經略指授策無遺策諸將  
違節度以致虧喪非戰之罪於是不遑與羣  
下謀議唯就思誦述宣示遠近 史部舊事篇有  
桓玄僞事三卷疑卽此起居注

世說文學篇桓玄嘗登江陵城南樓云我今  
欲爲王孝伯作誄孝伯王羲字也因吟嘯良久  
隨而下筆一座之間誄以之成又曰玄初并  
西夏領荆江二州二府一國於時始雪五處  
俱賀五版並入玄在聽事上版至卽答版後  
皆粲然成章不相揉雜注晉安帝紀曰玄文  
翰之美高於一世玄集載王孝伯誄云  
唐書經籍藝文志桓玄集二十卷

馮氏詩紀輯存登荆山詩南陵彈詩各一首  
嚴氏全晉文編桓玄有集二十卷今存鳳賦  
鶴賦鸚鵡賦教疏箋書論難序誄及矯詔僞  
詔下書受禪下書封晉帝爲王受禪告天文  
凡三十五篇

梁有晉丹陽令卞範之集五卷錄一卷亡 令常  
爲尹

晉書叛逆傳卞範之字敬祖濟陰宛句人也  
識悟聰敏見美於當世太元中自丹陽丞爲  
始安太守桓玄少與之游及玄爲江州引爲

長史委以心膺之任潛謀密計莫不決之後  
玄將爲篡亂以範之爲丹陽尹範之與殷仲  
文陰撰策命玄僭位以爲侍中進號後將軍  
封臨汝縣公其禪詔卽範之文也義軍起隨  
玄西走斬於江陵劉毅傳毅推鋒進江陵執玄黨下  
範之等五人皆斬之

嚴氏全晉文編曰北堂書鈔有卞範之杖贊  
無患枕贊二篇

梁有光祿勳卞承之集十卷錄一卷亡

晉書叛逆傳桓玄傳玄曾祖以上名位不顯故  
不欲序列且以王莽九廟見譏於前史遂以  
一廟矯之祕書監卞承之曰祭不及祖知楚  
德之不長也又曰義熙三年東陽太守殷仲  
文與永嘉太守駱球謀反欲建桓胤爲嗣書  
靖之桓石松卞承之劉延祖等潛相交結劉  
裕以次收斬之并誅其家屬

嚴氏全晉文編曰卞承之字敬宗安帝時爲  
光祿勳有集十卷今存鸚鵡賦序溝井贊無患  
枕贊杜樹贊甘焦贊懷香贊

晉東陽太守殷仲文集七卷梁五卷

殷仲文有孝經注見經部

晉書叛逆傳仲文少有才藻桓玄將爲亂使  
總領詔命玄九錫仲文之辭也仲文善屬文  
爲世所重謝靈運嘗云若殷仲文讀書半袁  
豹則文才不減班固言其文多而見書少也  
世說文學篇注續晉陽秋曰仲文雅有才藻  
著文數十篇

唐書經籍藝文志殷仲文集七卷

馮氏詩紀輯存南州桓公九井詩一首送東陽太守詩一首

汪氏文選撰人篇目晉殷仲文有桓公九井詩自解表

嚴氏全晉文編殷仲文有集七卷今惟見本傳及文選所載抗表自解一篇

晉司徒王謐集十卷錄一卷堪邪

晉書王導傳第四子協元帝撫軍參軍襲爵武岡侯早卒無子以弟劭子謐為嗣謐字

稚遠少有美譽與譙國桓胤太原王綏齊名拜祕書郎襲父爵遷祕書丞歷中軍長史黃

門郎侍中及桓玄舉兵詔謐銜命詣玄玄深敬昵焉以為中書監領司徒及玄將篡以謐

兼太保奉璽册詣玄玄篡封武昌縣開國公初劉裕為布衣衆未之識也惟謐獨奇貴之

常謂裕曰卿當為一代英雄及裕破桓玄謐以本官加侍中領揚州刺史錄尚書事謐既

受寵桓氏常不自安懼而出奔裕遣人追躡既還委任如先加班劍二十人義熙三年卒

年四十八追贈侍中司徒謐曰文恭唐書經籍藝文志王謐集十卷

嚴氏全晉文編王謐有集十卷今存疏議書答難凡七篇

梁有晉光祿大夫伏系之集十卷錄一卷亡晉書文苑伏滔傳孝武帝嘗會於西堂滔豫

坐還下車先呼子系之謂曰百人高會天子先問伏滔在坐不此故未易得為人作父如

此定何如也系之亦有文才歷黃門郎侍郎

侍中尚書光祿大夫

世說寵禮篇注邱淵之文章錄曰伏系字敬魯仕至光祿大夫

馮氏詩紀伏系之爵里無考有咏椅桐詩一篇文殘缺案馮氏列之宋代又以為為無考皆非也

嚴氏全晉文編伏系之伏滔子有集十卷御覽十二有雪賦類聚三有秋懷賦凡二篇

晉右軍參軍孔璠集二卷

孔璠亦作孔璠之始末未詳唐書經籍藝文志孔璠之集二卷

嚴氏全宋文編曰孔璠之爵里未詳疑是孔琳之昆季藝文類聚八十二有艾賦艾贊各

一篇案嚴氏編入宋文蓋據藝文類聚所開孔琳之有集見後宋代人文中

晉衛軍諮議湛方生集十卷錄一卷

湛方生始末未詳唐書經籍藝文志湛方生集十卷

馮氏詩紀輯存廬山神仙詩諸人共講老子詩懷歸謠秋夜詩游園詠等詩凡九篇

嚴氏全晉文編曰湛方生為衛軍諮議參軍有集十卷藝文類聚載有風賦懷春賦秋夜

賦游園詠懷歸謠上貞女解修學校教七歡及序贊銘弔鶴文凡十八篇

晉光祿大夫祖台之集十六卷梁二十卷

祖台之有志怪二卷見史部雜傳類嚴氏全晉文編祖台之有集二十卷類聚初

學記書抄御覽文選注有荀子耳賦與王忱書議錢耿殺妻事道論語命凡五條

普通直常侍顧愷之集七卷梁二十卷

顧愷之有啓矚記見經部小學類晉書文苑傳愷之博學有才氣嘗為箏賦每

重稽康四言詩因為之圖恆云手揮五絃易目送歸鴻難桓溫引為大司馬參軍甚見親

昵後為殷仲堪參軍亦深被眷接尤善丹青圖寫特妙謝安深重之以為有蒼生以來未

之有也所著文集及啓矚記行於世世說文學篇曰或問顧長康君箏賦何如嵇

康琴賦顧曰不賞者以後出相遺深識者亦以高奇見賞

又巧藝篇注曰愷之歷畫古賢皆為之贊唐張彥遠歷代名畫記曰顧愷之小字虎頭

晉陵無錫人多才藝尤工丹青傳寫形勢莫不妙絕嘗畫中興帝相列像妙極一時著魏

晉名臣畫贊評量甚多又有論畫一篇皆模寫要法義熙初為散騎常侍

馮氏詩紀輯存神情詩一首嚴氏全晉文編顧愷之有集二十卷藝文類

聚諸書有雷電賦觀濤賦冰賦湘中賦湘川賦箏賦鳳賦表箋序畫贊父悅之傳祭牙文

凡十五篇按四庫提要曰張彥遠名畫記徵引繁富

佚文舊事往往而存如顧愷之論畫一篇魏晉勝流名畫贊一篇畫雲臺山記一篇

皆他書之所不載案此三篇嚴氏輯文皆遺之甚可惜也又張彥遠中晚唐時人尚

見顧集而經籍藝文兩志皆不載蓋民間

所有官庫所無也

晉太常卿劉瑾集九卷梁五卷

世說品藻篇注劉瑾集敘曰瑾字仲章南陽人祖宗父暢暢娶王羲之女生瑾瑾有才力歷尚書太常卿案劉暢亦有集見前

唐書經籍藝文志劉瑾集八卷

嚴氏全晉文編曰劉瑾元興末為太常卿有

集九卷初學記有甘樹賦以為宋人今從隋

志通典有殷祭議又議凡三篇

晉左僕射謝混集三卷梁五卷

晉書謝安傳安次子瑛瑛子混字叔源少有

美譽善屬文初孝武帝為晉陵公主求婿謂

王珣曰主婿但如劉真長王子敬便足如王

處仲桓元子誠可才小富貴使豫人家事謂

劉惔王獻之王敦桓溫也珣對曰謝混雖不及真

長不減子敬帝曰如此便足遂尚主襲父爵

望蔡公歷中書令中領軍尚書左僕射領選

以黨劉毅誅國除及宋受禪謝晦謂劉裕曰

陛下應天受命登壇日恨不得謝益壽奉璽

紱裕亦歎曰吾甚恨之使後人不得見其風

流益壽混小字也安帝本紀義熙八年九月己卯太

尉劉裕害右將軍兗州刺史劉藩尚書左僕射謝混庚辰

裕矯詔大赦已丑劉裕率師討殺裕參軍王鎮惡陷江陵

城殺自殺

宋書謝靈運傳論曰有晉中興玄風獨振為

學窮於柱下博物止乎七篇馳騁文辭義單

乎此自建武暨乎義熙歷載將百雖綴響聯

辭波屬雲委莫不寄言上德託意玄珠逾麗

之辭無聞焉爾仲文始革孫許之風謂孫綽

許詢叔源大變太元之氣

世說文學篇注續晉陽秋曰魏正始中王炳

何晏好莊老玄勝之談至過江佛理尤盛故

郭璞五言始會合道家之言而韻之許詢孫

綽轉相祖尚自此作者悉體之至義熙中謝

混始改

鍾嶸詩品曰晉宋之際殆無詩乎義熙中以

謝益壽殷仲文為華綺之冠殷不炫矣

文心雕龍才略曰仲文之孤興注云孤

疑作秋謝叔源之閑情並解散體縹緲浮

音雖滔滔風流而大澆文意

馮氏詩紀輯存游西池詩送二王在領軍府

集詩各一首誠族子靈運等五人詩一篇其

事見謝弘微集條下在宋代人文中

汪氏文選撰人篇目宋謝叔源混有游西池

詩案以為宋人非也

嚴氏全晉文編謝混有集五卷宋書禮志三

載其殷祭議一篇

晉秘書監滕演集十卷錄一卷

宋書傅亮傳義熙元年亮直西省典掌詔命

轉領軍長史以中書郎滕演代之七年亮復

代演直西省又曰高祖登庸之始文筆皆是

記室參軍滕演演字彥將南陽西鄂人官至

黃門郎秘書監義熙八年卒

唐書經籍藝文志滕演集一卷

晉司徒長史王誕集二卷吳郡

宋書南史本傳誕字茂世祖恬晉中軍將軍

案恬王導第二子也父混太常卿誕少有才藻

晉孝武帝崩從叔尚書令珣為哀策文出本

示誕曰猶恨少序節物誕攬筆便益之接其

秋冬代變後云霜繁廣除風迴高殿珣歎美

因而用之襲爵雒陽侯為會稽王世子後軍

長史琅邪內史及桓玄得志將見誅誕甥桓

修為陳請乃徙廣州後得還為宋武帝太尉

長史盡心歸奉帝甚仗之北伐廣固領齊郡

太守後為吳國內史義熙九年卒年三十九

以南北從征追封作唐縣五等侯

宋書傅亮傳高祖登庸之始文筆皆是記室

參軍鄧演北征廣固悉委長史王誕案宋武

北征慕容超於廣固事在晉義熙五年

嚴氏全晉文編曰王誕宋書有傳藝文類聚

六十有伐廣固祭牙文亦以為宋人今以卒

年為斷編入晉文

梁有晉太尉諮議劉簡之集十卷亡

宋書南史劉康祖傳康祖彭城呂人也世居

京口父虔之伯父簡之有志幹為宋武帝所

知帝將謀興復收集才力之士嘗再造簡之

會有客不得語簡之悟其意使虔之往見之

及虔之至武帝已剋京口虔之即投義軍簡

之聞之殺耕牛會眾以赴之簡之歷官至通

直常侍少府太尉諮議參軍簡之弟謙之好

學撰晉紀二十卷案劉謙之晉見見史部古史籍

世說方正篇劉簡之作桓宣武別駕後為東曹

參軍頗以剛直見疎注劉氏譜曰簡字仲約

南陽人祖喬豫州刺史父挺潁川太守簡仕

至大司馬參軍

唐書世系表南陽劉氏裔孫虞魏侍中關內侯子阜嗣阜生喬喬生挺挺二子簡耽 案晉書劉挺劉耽俱附見劉喬傳簡不及焉据世系蓋耽之兄

晉丹陽太守袁豹集八卷梁十卷錄一卷

晉書袁瓌附傳瓌從子質質子湛湛弟豹字士蔚博學善文辭有經國才為劉裕所知為太尉長史丹陽尹卒 袁質有集見前

宋書袁湛傳湛陳郡陽夏人也父質琅邪內史弟豹為謝安所知好學博聞多覽典籍為劉毅撫軍參軍毅時建議大田豹上議其事善言雅俗每商較古今兼以誦詠聽者忘疲

高祖遣益州刺史朱齡石伐蜀使豹為檄文義熙九年卒官年四十一卒以參伐蜀之謀封為南昌縣五等子

唐書經籍藝文志袁豹集十卷

嚴氏全晉文編曰宋書禮志三引袁豹四府君還主議宋書袁湛傳引大田議為宋公檄蜀文凡三篇

梁又有晉盧江太守殷遵集五卷錄一卷亡

殷遵始末未詳

梁又有與平令荀軌集五卷亡

荀軌始末未詳

晉西中郎長史羊徽集九卷梁十卷錄一卷

宋書羊欣傳欣字敬元泰山南城人也義興中弟徽被遇於高祖高祖曰羊徽一時美器徽字敬猷世譽多欣高祖鎮京口以為記室參軍掌事八年遷中書郎直西省後為太祖

西中郎長史河東太守宋書王韶之傳云西晉郎管詔諸義熙中傳亮羊徽相代在職

唐書經籍藝文志羊徽集一卷

嚴氏全晉文編羊徽有集十卷藝文類聚有木槿賦一篇

晉國子博士周祗集十一卷梁二十卷錄一卷

唐書經籍藝文志周祗集十卷嚴氏全晉文編曰周祗字穎文陳郡人義熙初為國子博士有集二十卷宋書劉敬宣傳有與劉裕書諫伐蜀藝文類聚有月賦枇杷賦執友箴祭梁鴻文以為宋人今從隋唐志列於晉案周祗有隆安記二卷兩唐志雜史類雜譜作崇安或在本集

梁又有晉相國主簿殷闡集十卷錄一卷亡

晉書殷仲文傳仲文素有名望忽遷為東陽太守何無忌甚慕之東陽無忌所統 時無忌為會稽內史齊江東五郡軍事 仲文許當便道脩謁無忌故益欽遲之令府中文人殷闡孔寧之徒撰義構文以俟其至

嚴氏全晉文編曰殷闡義熙初會稽內史何無忌引為掾屬後為相國主簿有集十卷藝文類聚三十八有祭王東亭文一篇 案晉書安帝本紀義熙十四年夏六月劉裕為相國進封宋公殷闡為主簿即在是時

梁又有太常傅迪集十卷亡

晉書劉柳傳柳歷尚書左右僕射時右丞傅迪好廣讀書而不解其義柳唯讀老子而已迪每輕之柳云卿讀書雖多而無所解可謂

書篋矣時人重其言

宋書傅亮傳亮北地靈州人也祖咸司隸校尉成有集見前父璠以學業知名與鄧超善超嘗造璠璠見其二子迪及亮超曰卿小兒才名位宦當遠踰於兄然保家傳祚終在大者迪字長猷亦儒學官至五兵尚書永初二年卒追贈太常

南史傅亮傳曰亮之方貴兄迪每深誠焉而不能從

案永初宋武受禪改元之號此集當入宋人中與謝瞻集為伍

晉始安太守卜裕集十三卷梁十五卷

卜裕始末未詳

唐書經籍藝文志卜裕集十四卷

馮氏詩紀輯存送桓竟陵詩失題詩殘文各一首

梁又有韋公藝集六卷亡

韋公藝始末未詳

晉毛伯成集一卷

世說言語篇曰毛伯成既負其才氣常稱寧為蘭摧玉折不作蕭敷艾榮注征西寮屬名曰毛玄字伯成潁川人仕至征西行軍參軍本志總集篇毛伯成詩一卷伯成東晉征西將軍案將軍為參軍之誤此詩一卷當在是集中

案鍾嶸品齊參軍毛伯成齊朝請吳邁遠齊朝請許謠之詩云伯成文不全佳亦多惆悵以為齊人誤也

晉沙門支曇諦集六卷

梁釋慧皎高僧傳釋曇姓康其先康居人漢靈帝時移附中國獻帝末亂移止吳興案吳興立郡在孫時獻帝時未有此郡 譚父彤嘗爲冀州別駕譚十歲出家學不從師悟自天發游覽經籍過目斯記晚入吳虎邱寺講禮易春秋各七遍法華大品維摩各十五遍又善屬文翰集有六卷亦行於世性愛林泉後還吳興入故章崑山閑居澗飲二十餘載以宋元嘉末卒於山春秋六十餘

唐書經籍志沙門曇諦集六卷  
唐書藝文志僧曇諦集六卷  
嚴氏全晉文編曰支曇諦本康居人居吳興烏程之千秋里後徙故鄣之崑山義熙七年卒案丘道護作曇諦誄以爲義熙七年五月卒道護與曇諦友善必不有誤高僧傳七神僧傳三作宋元嘉末卒恐未可據隋志曇諦集丘道護集皆列於晉不列於宋足以明之曇諦有集六卷類聚御覽有廬山賦赴火蛾賦燈贊靈鳥山銘序凡存四篇

晉沙門釋惠遠集十二卷  
慧皎高僧傳釋慧遠本姓賈氏雁門樓煩人也少爲諸生博綜六經尤善莊老師事道安後至潯陽之廬山江州刺史桓伊爲起東林寺居焉彭城劉遺民豫章雷次宗雁門周續之新蔡畢穎之南陽宗炳張萊民張季頌等並棄世遺榮依遠游止遠卜居廬阜三十餘年影不出山迹不入俗每送客游履常以虎谿爲界焉晉義熙十二年八月初六終年八

十三尋陽太守阮侃於山西嶺鑿壙開塚謝靈運爲造碑銘宗炳又立碑寺門初遠善屬文章所著論序銘贊詩書集爲十卷五十餘篇見重於世

唐書經籍志沙門惠遠集十五卷  
唐書藝文志僧惠遠集十五卷

馮氏詩紀輯存廬山東林雜詩報羅什偈廬山諸道人詩諸沙彌詩凡四篇  
嚴氏全晉文編曰慧遠慕客雋時師事道安後隨道安奔襄陽孝武初襄陽陷移居廬山有集十二卷今存書十三篇論五篇廬山記游山記各一篇序五篇頌贊各一篇銘三篇編爲二卷

晉姚萇沙門釋僧肇集一卷

慧皎高僧傳僧肇京兆人家貧以傭書爲業遂因繕寫歷觀經史備盡墳籍志好玄微每以莊老爲心要後見舊維摩經歡喜頂受因此出家從鳩摩羅什入長安姚興命肇與僧叡等入逍遙園助詳定經論晉義熙十年卒於長安年三十一

晉王茂略集四卷

嚴氏全晉文編曰僧肇師事鳩摩羅什於姑臧尋從入長安弘始中爲姚興所害有集一卷釋藏及弘明集高僧傳有答劉遺民書及論序羅什法師誄凡十一篇

唐書經籍藝文志王茂略集四卷  
案王濤字茂略王鑒弟也本志前載王鑒集原作王覽非是條下注云梁又有晉著作

佐郎王濤集五卷亡此殆卽五卷之殘本實亡而未盡亡也 兩唐志與王濤集亦前後兩見豈別有其人乎抑唐時兩本並行誤以爲兩人也

晉曹毗集四卷

曹毗有集見前  
案前載晉光祿勳曹毗集十卷注云梁十五卷錄一卷此四卷殆其別本

晉宗欽集二卷

唐書經籍志後魏宗欽集二卷藝文志同  
案北魏太武帝時宗欽撰蒙遜記十卷見史部類史類欽仕北涼且渠氏涼亡入魏死崔浩之難其時並在宋元嘉中又欽仕且渠蒙遜爲世子洗馬時上東宮侍臣箴入魏後與高允書贈詩十二首及允答書并詩相褒美見魏書本傳馮氏詩紀嚴氏文編皆錄存之兩唐志載其集入後魏人中本志後魏諸人集無宗欽知卽是集誤以爲晉人也 以上三家似又從別家見存書目鈔入

梁有晉中軍功曹殷曠之集五卷亡

晉書殷仲堪傳仲堪子簡之率弘僮客隨義軍躡桓玄玄死簡之食其肉桓振之役簡之沒陳弟曠之有父風任至刻令  
梁有太學博士魏說集十三卷亡  
魏說始末未詳

案世說排調篇注引魏氏語曰魏說字長齊會稽人祖胤處士父說大鴻臚卿似卽此魏說後至大鴻臚歟

梁有征西主簿丘道護集五卷錄一卷亡

唐張懷瓘書斷曰齊建元時有邱道護善隸書便書素時司馬珣之以道護素書洛神賦示羊欣欣嗟咨其工以為勝己道護烏程人也官至相國主簿案此謂齊建元時非也

唐張彥遠法書要錄南齊王僧虔論書曰羊欣邱道護並親授於子敬邱殊在羊欣前

嚴氏全晉文編曰丘道護義熙中為征西主簿有集五卷廣弘明集二十六有道人支曇諦誄一篇

梁有柴桑令劉遺民集五卷錄一卷亡

劉遺民有老子玄譜見子部道家

慧皎高僧慧遠傳彭城劉遺民等並棄世遺榮依遠游止遠乃於精舍無量壽像前立誓共期西方乃令劉遺民著其文有云息心貞信之士百有二十三人集於廬山之陰般若雲臺精舍阿彌陀像前以香華敬薦而誓焉

嚴氏全晉文編劉遺民有集五卷釋藏高僧傳有廬山精舍誓文致僧肇書各一篇

梁有郭澄之集十卷亡

郭澄之有郭子見子部小說家

晉書文苑傳澄之少有才思所著文集行於世

梁有徵士周桓之集一卷桓之當為桓之

周續之有高士傳注見史部雜傳類

宋書南史隱逸傳續之居豫章就太守范寧受業居學數年通五經五緯號曰十經名冠

同門稱為顏子既而閑居讀老易入廬山事

慧遠宋武踐阼問禮記傲不可長予我九齡射於矍圃三義辨析精奧稱為名通

嚴氏全晉文編曰周續之有集一卷隋志作周桓之乃傳寫之誤通典有答孟氏問三條

廣弘明集有答戴處士書難釋論存凡三篇梁有孔瞻集九卷亡

孔瞻始末未詳

晉江州刺史王凝之妻謝道韞集二卷

晉書列女傳王凝之妻謝氏字道韞安南將軍奕之女也聰識有才辨初適凝之還甚不樂叔父安曰王郎逸少子不惡汝何恨也答曰一門叔父則有阿大中郎羣從兄弟復有封胡羯末不意天壤之中乃有王郎及遭孫恩之亂夫及諸子為賊所害 其事見王羲之傳後自爾廢居會稽家中莫不嚴肅所著詩賦誄頌並傳於世

馮氏詩紀輯存登山詩詠松詩詠雪聯句凡三首

嚴氏全晉文編謝道韞有集二卷藝文類聚五十五有論語贊一篇

梁有婦人晉司徒王渾妻鍾夫人集五卷

晉書列女傳王渾妻鍾氏字琰穎川人魏太傅繇曾孫也父徽黃門郎琰數歲能屬文及長聰慧弘雅博覽記籍美容止善嘯詠禮儀法度為中表所則既適渾生濟渾弟湛妻郝氏亦有德行琰雖貴門與郝雅相親重郝不以賤下琰琰不以貴陵郝時人稱鍾夫人之

禮郝夫人之法云

世說貴媛篇注王氏譜曰鍾夫人名琰之太傅繇之孫黃門侍郎鍾琰女 案此琰字當是徽之誤 婦人集曰夫人有文才其詩賦頌誄行於世

唐書經籍藝文志鍾夫人集二卷

嚴氏全晉文編曰藝文類聚三十四有鍾琰遐思賦又九十二有鴛鴦賦存凡二篇

梁有晉武帝左九嬪集四卷亡

晉書后妃傳左貴嬪名芬兄思別有傳芬少好學善綴文名亞於思武帝聞而納之泰始八年拜修儀受詔作愁思之文因為離思賦後為貴嬪姿陋無寵以才德見禮體羸多思常居薄室帝每游華林輒回輦過之言及文義辭對清華左右侍聽無不稱美泰始十年武元楊皇后崩芬獻誄咸寧二年納悼后芬於座受詔作頌及帝女萬年公主薨帝痛悼不已詔芬為誄其文甚麗帝重芬詞藻每有方物異寶必詔為賦頌以是屢獲恩賜焉答兄思詩書及雜賦頌數十篇並行於世

太平御覽皇親部左貴嬪集有離思賦相風賦孔雀賦松柏賦涪瀾賦納皇后頌楊后登

阼頌芍藥花頌鬱金頌菊花頌神武頌四言詩四首武元皇后誄萬年公主誄案此所載止

十四篇非其全錄

唐書經籍志九嬪集一卷做左字

唐書藝文志左九嬪集一卷

馮氏詩紀藝文類聚曰宋袁淑俳諧集左氏

詩彤管集作左九嬪有啄木詩四言一首感離詩五言一首感離一作離思答左思贈妹之作也案此則左九嬪之稱蓋本之彤管集彤管集本志總集篇不見

嚴氏全晉文編左九嬪有集四卷今存賦六篇頌四篇贊十二篇誄二篇附以目錄凡存二十四篇御覽引左貴嬪集目錄有相風賦楊皇后登降頌芍藥花頌神武頌今並亡梁有晉太宰賈充妻李扶集一卷亡

晉書賈充傳初充前妻李氏淑美有才行生二女褒裕褒一名荃裕一名濬父豐誅李氏坐流徙後娶城陽太守郭配女即廣城君也武帝踐阼李以大赦得還帝特詔充置左右夫人充母亦勅充迎李氏郭槐怒攘袂數充曰刊定律令爲佐命之功我有其分李那得與我並充乃答詔託以謙沖不敢當兩夫人盛禮實畏槐也乃爲李築室於永年里而不往來荃濬每號泣請充竟不往及充薨後李氏二女乃欲令其母祔葬賈后弗之許也及后廢李氏乃得合葬

世說賢媛篇賈充前婦是李豐女豐被誅案李豐死事見魏志夏侯玄傳離婚徙邊後遇赦得還充先已取郭配女武帝特聽置左右夫人李氏別住外不肯還充舍郭氏語充欲就省李充曰彼剛介有才氣卿往不如不去郭氏於是盛威儀多將侍婢既至入戶李氏起迎郭不覺腳自屈因跪再拜又曰賈充妻李氏作女訓行於世李氏女齊獻王妃郭氏女惠

帝后充卒李郭女各欲令其母合葬經年不決賈后廢李氏乃祔葬遂定

又注婦人集曰充妻李氏名婉字淑文豐誄徒樂浪又曰李氏至樂浪遺二女典式八篇晉諸公贊曰李氏有才德世稱李夫人訓者充別傳曰李氏有淑性令才也

梁有晉武平都尉陶融妻陳窈集一卷亡陶融陳窈始末並未詳

嚴氏全晉文編曰陳窈武平都尉陶融妻有集一卷藝文類聚初學記引有箏賦一篇

梁有晉都水使者妻陳芬集五卷亡使者下缺二字

嚴氏全晉文編曰陳玢都水使者徐藻妻有集五卷御覽九百七十有石榴賦類聚二十二有與妹劉氏書存凡二篇

案晉書儒林徐邈傳邈東莞姑幕人也祖澄之爲州治中屬永嘉之亂與鄉人臧琨等率子弟并閭里士庶千餘家南渡江家於京口父藻都水使者是陳玢者徐邈徐廣之母也臧琨當是臧榮緒之先又嚴氏文編刊本與妹劉氏書屬之陳璉今從蔣氏文編刊本

梁有晉海西令劉驎妻陳珍集七卷亡驎當爲錄

晉書列女傳劉臻妻陳氏者亦聰辯能屬文嘗正旦獻椒花頌又撰元日及冬至進見之儀行於世

唐書經籍藝文志劉臻妻陳氏集五卷

嚴氏全晉文編曰陳璉海西令劉臻妻有集七卷類聚御覽初學記有答舅母書椒花頌獻春頌五時畫扇頌進見儀存凡五篇

梁有晉劉柔妻王邵之集十卷亡劉柔王邵之始末並未詳馮氏詩紀有劉和妻王氏正朝詩一首疑後人避諱改柔爲和

嚴氏全晉文編曰王邵之劉柔妻有集十卷藝文類聚有懷思賦春花賦姜源頌啓母塗山頌靈壽杖銘夫誄凡六篇

梁有晉散騎常侍傅伉妻辛蕭集一卷亡傅伉或作傳統與辛蕭始末並未詳

嚴氏全晉文編曰辛蕭散騎常侍傳統妻有集一卷藝文類聚有芍藥花頌菊花頌燕頌凡存三篇

案馮氏詩紀有傅充妻辛氏元正詩一首辛氏似卽此辛蕭傅充傅伉似皆傳統之輾轉寫誤者

梁有晉松陽令鈕滔母孫瓊集二卷亡鈕滔孫瓊始末並未詳

嚴氏全晉文編曰孫瓊松陽令鈕滔母有集二卷類聚御覽初學記有悼艱賦筮篋賦及與人書四篇公孫夫人序贊一篇存凡七篇

案本志注云梁有吳興孝廉鈕滔集五卷錄一卷殆卽此鈕滔又唐志史部傳記類有孫夫人列女傳序贊一卷丁氏補晉書

藝文志謂卽此孫瓊今考嚴氏輯文所載公孫夫人序贊卽列女傳序贊之一蓋孫瓊自撰列女傳序贊記同時列女本志不

著錄當在本集二卷中

梁有晉成公道賢妻龐馥集一卷亡

成公道賢及龐馥始末並未詳

梁有晉宣城太守何殷妻徐氏集一卷亡

何殷及徐氏始末並未詳

右晉江左人文凡一百一家附梁有一百

四十九家通計二百五十家二百五十一

部是為別集類分篇第五 內桓溫一家二部

又別出庚赤玉王茂略曹毗三家別本三部又誤入

後魏文宗欽一家實正二百四十六家一百五十部

隋書經籍志考證卷三十九之六

集部二之六

別集類六末

宋武帝集十二卷梁二十卷錄一卷

宋書南史本紀高祖武皇帝諱裕字德輿小

字寄奴彭城縣綏輿里人漢高帝弟楚元王

交之後也晉恭帝元熙二年六月受禪改元

永初在位三年年六十七

太平御覽文部御製篇宋書曰高祖過彭城

置酒命紙為詩曰先蕩臨淄穢卻清河洛塵

華陽有逸驥桃林無伏輪于是羣才並作也

宋書謝晦傳謂此詩乃晦代作

顏師古匡謬正俗五余家嘗得宋高祖集十

卷是宋元嘉時秘閣官書

唐日本國見在書目劉裕帝集十五卷

唐書經籍藝文志宋武帝集二十卷

嚴氏全宋文編曰宋武帝有集二十卷案傅

亮傳云高祖登庸之始文筆皆是參軍滕演

北征廣固悉委長史王誕滕王二人並有集見前

自此之後至于受命表策文誥皆亮辭也然

帝既有集難盡分別今除文選藝文類聚確

指為王誕傳亮外仍編入武帝集中凡制詔

勅策令下書表上言牋書檄銘兵法凡六十

九篇編為一卷

宋文帝集七卷梁十卷亡

宋書南史本紀太祖文皇帝諱義隆小字車

兒武帝第三子也永初元年封宜都王位鎮

西將軍荊州刺史加都督時年十四博涉經

史善隸書景平二年七月中少帝廢百官備

法駕奉迎入奉皇統八月即位改元元嘉元

嘉三十年二月甲子元凶劭搆逆帝崩于合

殿年四十七帝聰明仁厚雅重文儒躬勤政

事孜孜無怠加以在位日久惟簡靖為心于

時政平訟理朝野悅睦自江左之政所未有

也昔漢時東京常稱建武永平故事自茲厥

後亦每以元嘉為言斯固盛矣

南史隱逸顧歡傳歡為術數多効驗初以元

嘉中出都寄住東府忽題柱云三十年二月

二十一日因東歸後元凶弑逆是其年月日

也

唐書經籍藝文志宋文帝集十卷

馮氏詩紀輯存登景陽樓詩北伐詩各一篇

嚴氏全宋文編文帝有集十卷今存詔手勅

策命書答詰讓太子劬凡一百十五篇編為

三卷

宋孝武帝集二十五卷梁三十一卷錄一卷

孝武帝詳見史部孝建起居注大明起居注

條

宋書南史本紀帝諱駿字休龍外字道民少

機穎神明爽發讀書七行俱下才藻甚美雄

決愛武長于騎射

宋書鮑照傳上好為文章自謂人莫能及又

始平王子鸞傳子鸞母殷貴妃寵傾後宮班

亞皇后諡曰宣上痛愛不已擬漢武李夫人

賦又諷有司立新廟又建平王宏傳宏薨上

痛悼甚至自為墓誌銘并誄 又撰江夏王義恭



傳及職實魯爽王僧達傳見宋書及史通

梁裴子野雕蟲論曰宋初迄於元嘉多為經史大明之代實好斯文高才逸韻頗謝前哲波流相尚滋有篤焉自是閭閻年少貴游總角罔不擯落六藝吟咏情性深心主卉木遠致極風雲其興浮其志弱巧而不要隱而不深討其宗途亦有宋之遺風也

鍾嶸詩品曰孝武詩彫文織采過為精密為南平建平二藩希慕見稱輕巧矣

文心雕龍時序篇曰孝武多才英采雲構

陳氏書錄解題詩集類宋武帝集一卷孝武駿也宋下當有孝字

馮氏詩紀輯存丁督護歌迄華林聯句凡一十九篇二十五首案此似即陳錄所載詩集一卷也

嚴氏全宋文編曰孝武帝有集三十一卷今存華林清暑殿賦傷宣貴妃擬漢武李夫人賦制詔賜戒答教表頌贊銘墓誌祈晴文凡一百十四篇編為二卷

梁又有宋廢帝景和集十卷錄一卷亡

前廢帝詳見史部景和起居注條

宋書南史本紀帝諱子業幼而猜急在東宮每為孝武所責孝武西巡帝啓參承起居書跡不謹上詰讓之子業啓事陳謝上又答曰書不長進此是一條耳聞汝素都懈怠猜戾日甚何以頑固乃爾耶又曰帝少好讀書頗識古事粗有文才自造孝武帝誅及雜篇章往往有辭采其餘事跡分見諸列傳又論曰廢帝之事行著於篇霍光書昌邑之過未足

舉其毫釐假以中才之君有一於此足以致賈況乎兼斯衆惡不亡其可得乎

嚴氏全宋文編前廢帝有集十卷今存詔手詔勅凡十一篇

案本紀永光元年秋八月癸酉帝自率宿衛兵誅太宰江夏王義恭尚書令驍騎大將軍柳元景尚書僕射顏師伯廷尉劉德

願改元為景和元年是歲十一月二十九日夜即為阮佃夫等十一人所殺此以景

和名集殆以別於後廢帝亦集類之別有名稱所自始也

梁又有明帝集三十三卷亡

宋明帝有周易義疏及秦始秦豫起居注見經部易家史部起居注類

宋書本紀帝少而和令風姿端雅好讀書愛文藝才學之士多蒙引進參侍文籍應對左右末年好鬼神多忌諱宮內禁忌尤甚移牀

治壁必先祭土神使文士為文詞祝策如大祭饗其餘事迹別見衆篇

梁裴子野雕蟲論序曰宋明帝博好文章才思朗捷常讀書奏號稱七行俱下每有禱祥

及行幸讎策輒陳詩展義且以命朝臣其戎士武夫則託請不暇困於課限或買以應詔

焉於是天下向風人自藻飾雕蟲之藝盛於時矣

文心雕龍時序篇有宋武愛文文帝彬雅秉文之德孝武多才英采雲構自明帝以下文理替矣

馮氏詩紀曰明帝有昭太后室宣太后室樂舞歌各一首又秦始歌舞曲十篇

嚴氏全宋文編明帝有集三十三卷今存詔令書報書凡六十二篇

宋長沙王道憐集十卷錄一卷道憐當為義欣

宋書南史宗室傳長沙景王道憐武帝中弟也謝球為徐州命為從事史後以軍功封新

渝縣男從武帝征廣固改封竟陵縣公武帝受命遷太尉封長沙王永初三年薨子義欣

嗣位豫州刺史鎮壽陽境內畏服道不拾遺遂為威藩強鎮薨諡曰成王子悼王瑾嗣傳爵至子纂齊受禪國除

唐書經籍志宋長沙王義欣集十卷

唐書藝文志宋長沙王義欣集十卷嚴氏全宋文編曰義欣長沙王道憐長子永

初三年嗣封元嘉十六年薨宋書本傳有陳江淮事宜一篇又索虜傳有元嘉七年出鎮

彭城檄司竟二州一篇又王歆之傳有元嘉九年為豫州刺史上言申季歷治績一篇

案本志作道憐新唐志作義欣考本傳不言道憐能文章而諸列傳頗載義欣文是

此集為義欣非道憐唐藝文志為得其實也

梁有宋臨川王道規集四卷錄一卷亡

宋書南史宗室傳臨川烈武王道規字道則武帝少弟也儻有大志預謀誅桓玄以起義勳封華容縣公累遷荊州刺史加都督善於刑政士庶畏而愛之進號征西大將軍開

府儀同三司義熙八年薨於都年四十三贈司徒進封南郡公武帝受命贈大司馬追封臨川王無子以長沙景王第二子義慶嗣史臣曰烈武王肇羣才揚盛策一舉磔劾寇非曰天時抑亦人謀也降年不永遂不得與大業始終惜矣哉

宋臨川王義慶集八卷

臨川王有徐州先賢傳贊見史部雜傳篇宋書南史本傳義慶幼為武帝所知常曰此吾家豐城也在荊州撰徐州先賢傳奏上之又擬班固典引為典敘以述皇代之美愛好文義文辭雖不多然足為宗室之表太尉袁淑吳郡陸展東海河長瑜鮑照等並為辭章之美引為佐史國臣文帝每與義慶書常加意斟酌焉

唐書經籍志宋臨川王集八卷

唐書藝文志臨川王義慶集八卷

馮氏詩紀輯存游羅湖詩殘篇一首

嚴氏全宋文編臨川王義慶有世說八卷集八卷本傳及類聚御覽有篋篋賦鶴賦山雞賦薦庾實龔祈師覺授等表啓事黃初妻趙罪議凡六篇

宋江夏王義恭集十一卷梁十五卷錄一卷又有江夏王集別本十五卷亡

宋書南史武三王傳江夏文獻王義恭幼而明穎姿顏美麗高祖特所鍾愛諸子莫及也元嘉元年封江夏王涉獵文義而驕奢不節文帝與書戒之至孝武時進位太傅領大司

馬進太宰領司徒時孝武嚴暴義恭慮不見容乃卑辭曲意附會每有祥瑞輒上賦頌大明元年有三脊茅生石頭西岸又勸封禪上甚悅大明中撰國史孝武自為義恭作傳義恭作要記五卷起前漢迄晉太元表上之詔付祕閣及孝武崩前廢帝狂悖無道義恭與柳元景謀廢立永光元年八月廢帝率羽林兵於第害之并四子時年五十三又傳論曰江夏王高祖寵子位居上相大明之世親禮冠朝屈體降身歸於卑下得使唐朝暴主顧無猜色歷載踰十以尊威自保及在永光幼主南面公旦之重屬有所歸自謂踐冰之慮已除太山之安可恃曾未云幾而礎體分崩古人以隱微致戒斯為篤矣

唐書經籍志宋江夏王集十三卷

唐書藝文志江夏王義恭集十五卷

馮氏詩紀輯存樂府詩凡七首

嚴氏全宋文編江夏王義恭有集十五卷今存感春賦華林清暑殿賦桐樹賦白馬賦表奏議答詔啓事書敍頌贊凡三十五篇梁又有宋衡陽王義季集十卷錄一卷亡

宋書武三王傳衡陽王義季幼而夷簡無

鄙近之累元嘉元年封衡陽王十六年代臨川王義慶都督荆湘八州荆州刺史義季素拙書上聽使餘人書啓事唯自署名而已二十二年進督豫州遷徐州刺史義季嗜酒酣縱成疾太祖累詔不改以至於終二十四年薨於彭城年二十三

唐書經籍志宋衡陽王集十卷唐書藝文志衡陽王義季集十卷嚴氏全宋文編衡陽王義季有集十卷今存傷劉道產啓與江夏王義恭書各一篇宋南平王鑠集五卷

南史文帝諸子傳南平穆王鑠字休玄文帝第四子也元嘉十六年年九歲封南平王少好學有文才未弱冠擬古三十餘首時人以爲亞迹陸機二十二年爲南豫州刺史元凶弑立以爲侍中錄尚書事及義軍入宮鑠與始興王浚俱歸孝武浚即伏法上迎鑠入營進侍中司空鑠既歸義最晚常懷憂懼爲人負才狡競每與兄弟計度藝能與帝又不能和食中遇毒尋薨時年二十三贈司徒加以楚穆之諡

金樓子說蕃篇曰劉休元好學有文才爲水仙賦當時以爲不減洛神擬古詩時人謂陸士衡之流也余謂水仙不及洛神擬古勝於士衡矣以今輯本及御覽文部合校

唐書經籍志宋南平王集五卷

唐書藝文志南平王鑠集五卷

馮氏詩紀輯存擬古詩五首又三婦艷詩白

紆曲過歷山湛長史草堂七夕詠牛女秋歌凡十首又有壽陽樂九曲汪氏文選撰人篇曰曰文選有宋劉休元鑠擬古詩二首

嚴氏全晉文編南平王鑠有集五卷宋書索虜傳有答穆魏若庫仁樹蘭一篇

梁有宋竟陵王誕集二十卷亡

宋書文五王傳竟陵王誕字休文文帝第六子也元嘉二十年十一月封廣陵王二十六年改封隨郡王孝武即位改封竟陵王明年南郡王義宣舉兵反有荆江竟豫四州之力勢震天下上即位日淺朝野大懼上欲奉乘輿法物以迎義宣誕固執不可然後處分上流平定誕之力也初討元凶與上同舉兵有奔牛之捷至是又有殊勳上性多猜頗相疑憚後出為南兗州刺史鎮廣陵大明三年舉兵拒命乃遣車騎大將軍討斬之年二十七貶姓留氏

馮氏詩紀古今樂錄曰襄陽樂者宋隨王誕所作也誕始為襄陽郡元嘉二十六年仍為雍州刺史聞諸女歌謠因而作之凡九曲云嚴氏全宋文編竟陵王誕有集二十卷今惟存本傳所載奉表自陳一篇

梁有建平王休祐集十卷休祐當是休度之誤

宋書文九王傳建平宣簡王宏字休度文帝第七子也元嘉二十一年十一月封建平王少而閑素篤好文籍太祖寵愛殊常為立第於雞籠山盡山水之美建平國職高他國一階宏為人謙儉周慎禮賢接士明曉政事孝武時歷衛將軍中書監尚書令大明二年薨年二十五上痛悼甚至自為墓誌銘并誄子景素嗣  
唐書經籍志宋建平王集十卷宋建平王小集十五卷

唐書藝文志建平王宏集十卷又小集六卷嚴氏全宋文編宋書本傳及禮志樂志通典有駁丘邁之閏月周忌議讜言陳時務議廟樂議天子為皇后父服議天子屬車十二乘議凡六篇

梁有新渝惠侯義宗集十二卷亡

宋書宗室傳長沙景王道憐高祖中弟也道憐六子義欣義慶義融義宗義賓義綦義宗幼為高祖所愛字曰伯奴賜爵新渝縣男永初元年進爵為侯歷官至征虜將軍南兗州刺史元嘉二十一年卒官諡曰惠侯愛士樂施兼好文籍世以此稱之

唐書經籍志宋劉義宗集十五卷

唐書藝文志新渝侯義宗集十二卷

梁有宋散騎常侍祖柔之集二十卷亡

祖柔之始末未詳

宋豫章太守謝瞻集三卷

南史謝瞻傳陳郡陽夏人晉太常哀之玄孫也哀子據據子朗朗子重重生絢瞻瞻瞻遜瞻字宜遠一名瞻字通遠瞻次兄也六歲能屬文為紫石英贊果然詩為當時才士歎異與從叔琨宋書作琨是也族弟靈運俱有盛名嘗作喜霽詩靈運寫之琨詠之王弘在坐以為三絕歷宋武帝相國從事中郎豫章太守永初二年疾篤還都卒年三十五瞻文章之美與從叔琨族弟靈運相抗  
文選謝宣遠張子房詩注沈約宋書曰姚泓新立關中亂義熙十三年正月公以舟師進

討軍頓留項城經張良廟王儉七志曰高祖游張良廟並命僚佐賦詩瞻之所造冠於一時

唐書經籍藝文志謝瞻集二卷

汪氏文選撰人篇目曰文選有宋謝宣遠瞻戲馬臺詩庾西陽集別詩張子房詩答靈運詩安城答靈運詩凡五篇馮氏詩紀所載未有逸出在五篇之外者

嚴氏全宋文編謝瞻有集三卷藝文類聚八十七有枇杷樹賦本傳有臨終遺弟晦書凡二篇案瞻傳有紫石英贊今亡

梁有宋征虜將軍林子集七卷亡

沈約宋書自序林子字敬士田子弟也年十三遇家禍案林子父穆夫為孫恩之黨恩敗見誅逃伏草澤後歸高祖盡室移京口高祖分宅給焉博覽衆書留心文義從高祖剋京城進平都邑高祖踐阼以佐命功封漢壽縣伯位輔國將軍永初三年薨年四十六元嘉二十五年論曰懷伯所著詩賦贊三言箴祭文樂府表牋書記白事啓事論老子一百二十一首太祖後讀林子集歎息曰此人作公應繼王太保謂太保王弘也亦有集見後

梁書沈約傳約吳興武康人也祖林子宋征虜將軍

唐書經籍藝文志沈林子集七卷

宋太常卿孔琳之集九卷并目錄梁十卷錄一卷晉書孔羣傳羣子沈與魏覲虞球虞存謝奉並為四族之雋沈子儼歐子琳之以草書擅

名又為吳興太守侍中

宋書南史本傳琳之字彥琳會稽山陰人疆正有志力好文義解音律能彈碁妙善草隸為桓玄太尉南閣祭酒數遷宋臺建除侍中永初二年為御史中丞明憲直法無所屈撓奏劾尚書令徐羨之百僚震肅莫敢犯禁武帝甚嘉之遷祠部尚書景平元年卒追贈太常

唐書經籍藝文志孔琳之集十卷別本舊唐志或重出一部篇刊之誤也

曲阜孔繼汾闕里文獻考曰孔氏別集有先聖二十八代孫宋祠部尚書琳之集十卷隋志九卷

嚴氏全宋文編孔琳之有集十卷今存奏議答難書凡九篇

宋王敍之集七卷梁十卷錄一卷

王敍之即王叔之有莊子義疏見子部道家唐書經籍藝文志王敍之集十卷

馮氏詩紀王叔之爵里無考有游羅浮山詩擬古詩各一首

嚴氏全宋文編曰王叔之有集十卷按隋志有宋王敍之集七卷梁十卷舊唐志作王叔之羣書引見作升之叔之叔元淑之與敍之名凡五異疑止一人今從釋文敍錄列叔之名類聚書鈔御覽有翟雉賦遂隱論懷舊序傷孤鳥詩序續劉伯倫酒德頌舟贊笏贊甘橘贊蘭菊銘凡九篇

宋太中大夫徐廣集十五卷錄一卷

徐廣有毛詩背隱義見經部詩類

宋書本傳廣父藻都水使者兄逸太子前衛率家世好學至廣尤精性好讀書老猶不倦史臣曰臧蕭徐廣傅隆裴松之何承天雷次宗並服膺聖哲不為雅俗推移立名於世宜矣

唐書經籍藝文志徐廣集十五卷

嚴氏全晉文編曰初學記書鈔有徐廣秋賦悼亡賦鈞賦晉宋書禮志本傳通典有表議答問總凡十四篇

宋祕書監盧繁集一卷殘缺梁十卷錄一卷

盧繁或作虞繁始末並未詳

嚴氏全宋文編曰虞繁隋志作盧繁仕晉官爵未詳入宋為祕書監有集十卷藝文類聚八十一御覽九百九十四載繁有蜀葵賦一篇

宋侍中孔寧子集十一卷并目錄梁十五卷錄一卷

宋書王華傳會稽孔寧子先為高祖太尉主簿陳損益曰云云後為太祖鎮西諮議參軍以文義見賞太祖即位為黃門侍郎領步兵校尉元嘉二年病卒史臣曰元嘉初誅滅宰相蓋王華孔寧子之力也夫殺人而取其璧不知在己與累傾物而移其籠不忌自我難持若二子永年亦未知來禍所止也 案元嘉初誅宰相者謂徐羨之傅亮謝晦也事在元嘉三年寧子已前一年卒華四年五月亦卒

唐書經籍藝文志孔寧子集十五卷

馮氏詩紀輯存權歌行一篇

嚴氏全宋文編曰孔寧子會稽山陰人義熙初為何無忌會稽掾屬後為武帝太尉主簿永初中為文帝鎮西諮議丁艱去職景平末會稽太守褚淡之起為將軍文帝即位以為黃門侍郎領步兵校尉進侍中元嘉二年卒有集十五卷宋書王華傳有陳損益一篇初學記類聚有鼈牛賦并頌水贊凡四篇

宋建安太守卜瑾集十卷梁十卷 案此注梁十卷則著錄必非十卷可知

卜瑾始末未詳

唐書經籍藝文志卜瑾集十卷

宋太常卿蔡廓集九卷并目錄梁十卷錄一卷 宋書南史本傳廓字子度濟陽考城人晉司徒謨之曾孫也博涉羣書言行以禮起家著作佐郎後為宋武帝太尉參軍以方便閑素為武帝所知宋臺建為侍中武帝以廓剛直補御史中丞多所糾奏百寮震肅數遷為祠部尚書元嘉二年卒年四十七 唐書經籍藝文志蔡廓集十卷

嚴氏全宋文編蔡廓有集十卷今存奏議書凡六篇

梁又有宋王韶之集二十四卷亡現耶

王韶之有晉紀十卷見史部古史類 宋書南史本傳晉帝自孝武以來常居內殿武官主書於中通呈以省官一人管詔詰住西省因謂之西省郎傅亮羊徽相代在職義熙十一年宋武帝以韶之博學有文辭補通

直郎領西省事晉安帝之崩武帝使韶之與帝左右密加酖毒恭帝即位遷黃門侍郎領著作西省如故凡諸詔奏皆其辭也又宋七廟歌辭韶之制也文集行於世  
唐書經籍志王韶之集二十四卷藝文志二十卷

馮氏詩紀輯存贈潘綬吳遠舉孝廉詩六首詠雪離合詩一首又宋書樂志曰武帝永初中詔廟樂用王韶之所造七廟登歌七首又有七廟享神登歌一首并以歌章太后其辭亦韶之造又曰黃門侍郎王韶之造四廟樂歌五篇凡三十二章又造舞歌二篇

嚴氏全宋文編王韶之有集二十四卷今存詠雪離合一篇爲晉恭帝禪詔禪策醜書禪位各一篇啓駁教各一篇

宋尙書令傅亮集三十一卷梁二十卷錄一卷傅亮有應驗記一卷見史部雜傳篇

宋書南史本傳亮博涉經史尤善文辭武帝登庸之始文筆皆是參軍滕演北征廣固悉委長史王誕自此之後至於受命表策文誥皆亮辭也案自此之後當在晉義熙六年四月還都之後也

初亮見世路屯險著論名曰演慎既居宰輔兼總重權少帝失德內懷憂懼直宿禁中踏夜蛾赴燭作感物賦以寄意初奉迎大駕道路賦詩三首其一一篇有悔懼之辭自知傾覆求退無由又作辛有穆生董仲道贊稱其見微之美云

鍾嶸詩品曰季友文余嘗忽而不察今沈特

進撰詩載其數首亦復平矣案此特進謂沈約也其所撰詩即集鈔十卷見後總集篇

唐書經籍藝文志傅亮集十卷

馮氏詩紀輯存從武帝平閩中詩案當爲關中從征詩奉迎大駕道路賦詩冬至詩凡四首張氏百三家傳光祿集一卷凡賦六篇宋國封建禪代詔策文九篇教三表四奏一碑銘三演慎論一書三贊二詩四序曰晉宋禪受成於傅季友表策文誥誦言滿堂九錫諸篇固傅氏之丹書帶礪也無能救死何哉

汪氏文選撰人篇目曰文選有宋傅季友亮脩張良廟教修楚元王墓教謁五陵表求加贈劉前軍表

嚴氏全宋文編曰傅亮有集三十一卷張溥本有進劉裕侍中車騎將軍詔封豫章郡公詔封宋公詔進宋王詔禪宋詔禪策禪宋權書今考前二詔必非亮作唯宋公宋王二詔當屬亮而無左證禪代詔策則王韶之作也今存喜雨賦登陵囂館賦登龍岡賦征思賦感物賦芙蓉賦立學詔策加宋公九錫文教表奏書贊演慎論碑凡二十五篇

梁又有宋征南長史孫康集十卷

唐書經籍藝文志孫康集十卷嚴氏全宋文編曰孫康太原中都人晉長沙太守放孫放有集見前東晉人文中元嘉中爲起部郎遷征南長史有集十卷北堂書鈔一百三十四有團扇銘一篇

梁又有左軍長史范述集三卷亡

范述始末未詳宋書隱逸傳有中書郎范述當即其人

宋太常卿鄭鮮之集十三卷梁二十卷錄一卷

宋書南史本傳鮮之字道子滎陽開封人祖襲爲江乘令因居縣境下帷讀書絕交游之務初爲桓偉輔國主簿宋武帝起義兵數遷爲御史中丞性剛直甚得司直之體武帝踐阼遷太常都官尙書以從征功封龍陽縣五等子元嘉三年王弘入爲相舉爲尙書右僕射四年卒時年六十四追贈散騎常侍金紫光祿大夫文集傳於世

唐書經籍藝文志鄭鮮之集二十卷

馮氏詩紀輯存行經張子房廟詩殘文一首嚴氏全宋文編鄭鮮之有集二十卷今存表議啓事書論祭牙文凡九篇

宋徵士陶潛集九卷梁五卷錄一卷

陶潛有搜神後記見史部雜傳類

宋書南史隱逸傳潛自以曾祖晉世宰輔恥復屈身後代自宋武帝王業漸隆不復肯仕所著文章皆題其年月義熙以前明書晉氏年號自永初以來唯云甲子而已與子書以言其志并爲訓戒又爲命子詩以貽之其妻翟氏志趣亦同能安苦節夫耕於前妻鋤於後云

鍾嶸詩品曰宋徵士陶潛詩其源出於應璩又協左思風力文體省靜殆無長語篤意真古辭輿惋愜每觀其文想其人德世歎其質直至於歡言酌春酒日暮天無雲風華清靡

豈直爲田家語耶古今隱逸詩人之宗也

唐日本國見在書目陶潛集十卷

唐書經籍志陶淵明集五卷

唐書藝文志陶潛集二十卷又集五卷

宋史藝文志陶淵明集十卷

崇文總目陶潛集十卷

晁氏讀書志陶潛集十卷晉陶淵明元亮也

一名潛潯陽人蕭統云淵明字元亮晉書云

潛字元亮宋書云潛字淵明或云字深明當

從之今集有數本七卷者梁蕭統編以序傳

顏延之誄載卷首十卷者北齊陽休之編以

五孝傳聖賢羣輔錄序傳誄分三卷益之詩

篇次差異案隋經籍志潛集九卷又云梁有

五卷錄一卷唐藝文志潛集五卷今本皆不

與二志同獨吳氏西齋書目有潛集十卷疑

卽休之本也休之本出宋庠家云江左名家

舊書其次第最有倫貫獨四八日後八儒三

墨二條似後人妄加

陳氏書錄解題陶靖節集十卷晉彭澤令潯

陽陶潛淵明撰或云淵明字元亮大司馬侃

曾孫自號五柳先生世稱靖節徵士

四庫類書存目曰聖賢羣輔錄二卷一名四

八目舊附載陶潛集中唐宋以來相沿引用

承譌踵謬莫悟其非又曰五孝傳及四八目

實北齊陽休之所增蕭統舊本無是也統序

稱深愛其文故加搜校則八卷以外不應更

有佚篇至書以聖賢羣輔爲名而魯三桓鄭

七穆晉六卿魏四友以及仕莽之唐林唐遼

叛晉之王敦並列簡編名實相連理乖風教

亦決非潛之所爲昔宋庠校正此集僅知八

儒三墨二條爲後人所竄入而全書之僞竟

不能明潛之受誣已逾千載 又雜家書子提要

曰四八目一書凡古來帝王輔佐有數可紀者靡不俱載

而書子書所列禹七大夫皋陶杜子業既子施子黯季子

寧然子堪輕子玉湯七大夫慶誦伊尹涅里且東門康南

門蹇西門疵北門側皆具有姓名獨不見收

四庫簡明目錄曰今所傳六朝別集惟此與

謝朓集爲原書然亦北齊陽休之所編增入

聖賢羣輔錄五孝傳贊二書已非昭明太子

八卷之舊宋庠校正又未能辨二書之依託

遂流傳至今今刪除二書仍存八卷雖未必

合昭明之原第而黜僞存真庶幾猶爲近古

焉

汪氏文選撰人篇目曰文選有晉陶淵明潛

經曲阿詩夜行塗口詩挽歌一首雜詩二首

貧士詩一首山海經詩一首擬古詩一首歸

去來辭

張氏書目答問陶淵明文集十卷汲古閣仿

宋大字本何氏成都刻繙毛本陶靖節詩注

四卷宋湯漢注拜經樓校本 案其本至多宋庠

之時已云有數十本今則陳陳相因悉數之不能盡

梁又有張野集十卷亡

張野始末未詳

嚴氏全宋文編曰張野仕晉入宋官爵未詳

世說文學篇注有遠法師銘一篇案高僧慧遠

傳云南陽宗炳張萊民張季碩並棄世遺榮依遠游止疑

張萊民卽野之字御覽諸書引張野廬山記蓋卽此張野

廬山記不詳若干卷當編入是集

梁又有宋零陵令陶階集八卷亡

陶階始末未詳

梁又有東莞太尉張元瑾集八卷亡

張元瑾始末未詳

梁又有光祿大夫王曇首集二卷錄一卷亡 珉

邪 晉書王導傳導第三子洽洽長子珉珉五子

弘虞柳儒曇首末世並有高名

宋書南史本傳曇首太保弘少弟也幼有素

尚辟琅邪王大司馬屬與從弟球俱詣宋武

帝至彭城大會戲馬臺賦詩曇首文先成爲

文帝鎮西長史武帝謂文帝曰曇首輔相才

也汝可每事諮之及文帝卽位以爲侍中領

驍騎將軍遷太子詹事元嘉七年卒時年三

十七贈光祿大夫九年以預誅徐羨之等謀

追封豫寧縣侯諡曰文侯子僧綽嗣

唐書經籍藝文志王曇首集二卷

嚴氏全宋文編王曇首有集二卷本傳有南

臺不開門啓淳化閣帖有與釋某書各一篇

宋太常卿范泰集十九卷梁二十卷錄一卷

范泰古今善言見子部雜家

宋書南史本傳武帝受命議建國學以泰領

國子祭酒泰上表陳獎進之道又言事者多

以錢貨減少國用不足欲更造五銖錢泰又

諫以謂損多益少帝在位多諸愆失泰上

封事極諫帝雖不納亦不加譴徐羨之傅亮等與秦素不平及少帝廬陵王義真見害秦謂所親曰吾觀古今多矣未有受遺顧託而

嗣君見殺賢王嬰戮者也元嘉二年秦表賀元正并陳旱災多所獎勵三年旱災未已加以疾疫秦又上表勸戒秦博覽篇籍好爲文章撰古今善言及文集傳於世

唐書經籍藝文志范泰集二十卷  
馮氏詩紀輯存經漢高廟鸞鳥詠老凡三首嚴氏全宋文編范泰有集二十卷今存表諫封事議書序贊祭文凡二十篇

宋中書郎荀昶集十四卷梁十五卷錄一卷  
荀昶有集議孝經見經部

唐書經籍藝文志荀昶集十四卷  
馮氏詩紀輯存擬相逢狹路間擬青青河畔草各一首

梁又有卞伯玉集五卷錄一卷  
卞伯玉有繫辭注見經部易類

唐書經籍藝文志卞伯玉集五卷  
馮氏詩紀曰初學記有卞伯玉中書郎詩一首馮氏編入齊代非也

嚴氏全宋文編卞伯玉有集五卷類聚御覽有大暑賦菊賦齋賦祭孫叔敖文凡四篇

梁又有中散大夫羊欣集九卷  
羊欣有羊中散藥方三十卷見子部醫家

南齊書王僧虔傳太祖善書及卽位篤好不已僧虔上羊欣所撰能書人名一卷

案能書人名當在本集今見張彥遠法書要錄中

嚴氏全宋文編羊欣有集八卷今惟見淳化閣帖書一篇

宋司徒王弘集一卷梁二十卷錄一卷瑛邪  
王弘有書儀十卷見史部儀注篇

宋書南史本傳弘少好學以清悟知名與尙書僕射謝混善博練政體留心庶事斟酌時宜每存優允弟曇首亡文帝嗟悼不已見弘流涕又傳論曰語云不有君子其能國乎晉

自中原沸騰介居江左以一隅之地抗衡上國年移三百蓋有憑焉其初諺云王與馬共天下蓋王氏人倫之盛實始於矣及夫休元

弟兄並舉棟梁之任下逮世嗣無虧文雅之風其所以簪纓不替豈徒然也

唐書經籍藝文志王弘集二十卷  
嚴氏全宋文編王弘有集二十卷今存表奏疏議書十三篇

梁又有金紫光祿大夫沈演集十卷演下或致之字  
宋書南史本傳沈演之字臺真吳興武康人也高祖充晉車騎將軍吳國內史案沈充王敦黨有集見前沈氏家世爲將而演之折節好學

讀老子日百遍以義理業尙知名襲父別爵吉陽縣五等侯舉秀才爲嘉興令累遷侍中左右衛將軍吏部尙書領太子右衛率元嘉

二十六年卒年五十三追贈散騎常侍金紫光祿大夫諡曰貞

嚴氏全宋文編沈演之有表議嘉禾頌白鳩頌凡四篇

梁又有廣平太守范凱集八卷  
春秋穀梁傳序疏案晉書范寧字武子順陽縣人爲豫章太守長子名泰字伯倫中子名雍字仲倫小子名凱字季倫

宋沙門釋惠琳集五卷梁九卷錄一卷  
惠琳卽慧琳有孝經注一卷見經部

慧皎高僧釋道淵附傳淵弟子慧琳善諸經及莊老俳諧好語笑長於製作故集有十卷而爲性傲誕頗自矜伐宋世祖雅重琳引見

常昇獨榻顏延之每以致譏帝輒不悅著白黑論乖於佛理衡陽太守何承天與琳比狎

雅相激揚著達性論並拘滯一方詆呵釋教顏延之及宗炳難駁二論各萬餘言琳既自毀其法被斥交州世云淵公見麻星者卽其人也

宋書天竺迦毗黎國附傳宋世名僧有道生沙門慧琳爲之誅慧琳有才章兼外內之學嘗著均善論案卽白黑論行於世舊僧謂其貶

黜釋氏欲加擯斥太祖見論賞之元嘉中遂參權要勢傾一時注孝經及莊子逍遙篇文論傳於世

案梁皇極論語義疏引惠琳說則琳又有論語注

唐書經籍志沙門惠琳集五卷  
唐書藝文志僧惠琳集五卷

嚴氏全宋文編釋慧琳有集九卷宋書天竺迦毗黎國傳有均善論廣弘明集有龍光寺

竺道生法師誄武丘法綱法師誄凡三篇

梁又有宋范晏集十四卷

范晏有陰德傳見史部雜傳篇

宋司徒府參軍謝惠連集六卷梁五卷錄一卷

宋書南史謝方明傳方明陳郡陽夏人祖鐵

永嘉太守父冲中書侍郎家在會稽 案晉太

常哀六子奕據安萬石鐵蓋太傅安之最少弟也 方

明仕至會稽太守永嘉三年卒官子惠連十

歲能屬文族兄靈運知賞之云每有篇章對

惠連輒得佳語惠連先愛幸會稽郡吏杜德

靈及居父憂贈以五言詩十餘首乘流還歸

路諸篇是也坐廢不豫榮伍尚書僕射殷景

仁愛其才言次白文帝言臣小兒時便見此

文而論者云是惠連其實非也文帝曰若此

便應通之元嘉七年方為司徒彭城王義康

法曹行參軍義康修東府城壘中得古冢

為之改葬使惠連為祭文留信待成其文甚

美又為雪賦以高麗見奇靈運見其新文每

曰張華重生不能易也文章行於世年三十

七卒既早亡輕薄多尤累故官不顯

又謝靈運傳靈運與族弟惠連東海何長瑜

穎川荀雍太山羊璿之以文章賞會共為山

澤之游時人謂之四友惠連又有才悟而輕

薄不為父方明所知方明為會稽郡靈運造

之過視惠連大相知賞謂方明曰阿連才悟

如此而尊作常兒遇之

鍾嶸詩品曰小謝才思富捷恨其蘭玉風凋

故長轡未騁秋懷搗衣之作雖復靈運銳思

亦何以加焉又工為綺麗歌謠風人第一謝

氏家錄云康樂每對惠連輒得佳語後在永

嘉西堂思詩竟日不就寤寐間忽見惠連即

成池塘生春草故常云此語有神助非吾語

也 唐書藝文志謝惠連集五卷宋史藝文志同

晁氏讀書志謝惠連集五卷宋謝惠連方明

子也

陳氏書錄詩集類謝惠連集一卷宋司徒參

軍謝惠連撰本集五卷今惟詩二十四首惠

連得名早死時才三十七歲

馮氏詩紀輯存四五言詩二十九篇凡三十

六首

張氏百三家輯本序錄曰謝法曹集文字頗

少唯祭古家文簡而有意曹子建伏軾而問

獨體辭不逮也雪賦雖名高麗與希逸月賦

僅雁序耳詩則秋懷搗衣二篇居最詩品云

康樂銳思無以復加若西陵遇風則非敵矣

乘流還歸路諸篇一生坎壈所由今逸不存

豈自悔失言先絕其傳歟凡賦贊箴連珠祭

文樂府詩合四十七篇

汪氏文選撰人篇目曰文選有宋謝惠連雪

賦泛湖玩月詩秋懷詩西陵遇風詩詠牛女

詩擣衣詩祭古家文

嚴氏全宋文編謝惠連有集六卷文選類聚

有雪賦等五篇雪贊等六篇連珠目箴口箴

祭禹廟文祭周居士文祭古家文綜凡十一

七篇又文編卷首敍錄曰謝惠連集一卷明

刻本 石門顧脩寔刻書目謝惠連集一卷明汪士

賢刊漢魏六朝二十名家集本

梁又有宋太常謝弘微集二卷亡

宋書南史本傳謝密字弘微陳郡陽夏人晉

西中郎萬之曾孫襲爵建昌縣侯叔父混風

格高峻少所交納惟與族子靈運瞻瞻弘

微並以文義賞會常共宴處在烏衣巷故謂

之烏衣之游瞻等才辭辨富弘微每以約言

服之混特所敬貴號曰微子謂瞻等曰汝諸

人雖才義豐辨未必皆愜衆心至於領會機

賞言約理要故當與我共推微子常言微子

吾無間然又嘗因酣晏之餘為韻語以獎勸

靈運等唯弘微獨盡褒美文帝即位為黃門

郎與王華王曇首殷景仁劉湛等號曰五臣

遷尚書吏部郎參機密歷右衛將軍侍中元

嘉十年卒年四十二贈太常

唐書經籍藝文志謝弘微集二卷

宋臨川內史謝靈運集十九卷梁二十卷錄一卷

謝靈運有晉書見史部正史類

晉書謝玄傳玄以破苻堅功封康樂縣公子

璩嗣早卒子靈運嗣璩少不惠而靈運文藻

豔逸玄嘗稱曰我尚生璩璩那得不生靈運

永熙中為劉裕世子左衛率

宋書南史本傳靈運少好學博覽羣書文章

之美與顏延之為江左第一縱橫俊發過於

延之深密不如也從叔祖混特加愛之奉使

慰勞宋武帝於彭城作撰征賦少帝時出為

永嘉太守既不得志肆意游遨所至輒為詩

咏以致其意及去職與隱士王弘之孔淳之



等放蕩爲娛有終焉之志每有一詩至都下貴賤莫不競寫宿昔間士庶皆偏名動都下作山居賦并自注以言其事所著文章傳於世

南史傳論曰謝氏自晉以降雅道相傳可謂德門者矣靈運才名江左獨振而猖獗不已自致覆亡人各有能茲言乃信惜乎

鍾嶸詩品曰宋臨川太守謝靈運詩其源出於陳思雜有景陽之體故尙巧似而逸蕩過之頗以繁蕪爲累嶸謂若人與多才高博寓目輒書內無乏思外無遺物其繁富宜哉然名章迥句處處間起麗典新聲絡繹奔會譬猶青松之拔灌木白玉之映塵沙未足貶其高潔也初錢塘杜明師夜夢東南有人來入其館是夕即靈運生於會稽其家以子孫難得送靈運於杜治養之十五方還都故名客兒原注云治音稚奉道之家靖室也

唐書經籍藝文志謝靈運集十五卷 宋史藝文志九卷

馮氏詩紀輯存樂府詩二卷  
張氏百三家謝康樂集二卷凡賦表牋書游名山志論頌贊銘七濟誄爲一卷樂府詩爲一卷

汪氏文選撰人篇目宋謝靈運有述祖德詩戲馬臺詩方山詩北固詩西射堂詩池上樓詩南亭詩帆海詩石壁精舍詩石門詩南山往北山詩斤竹澗詩廬陵墓詩還舊園詩臨海嶠詩酬惠連詩初發都詩過始興墅詩富

春洛詩七里瀨詩江中孤嶼詩初去郡詩石首城詩憶山中詩彭蠡湖口詩華子岡詩樂府一首南樓詩田南樹園詩齋中讀書詩石門新營詩擬鄴中詩八首

嚴氏全宋文編輯存賦表牋書論七濟游名山志序頌贊銘誄祭文凡四十二篇編爲四卷又文編卷首錄曰謝靈運集四卷明沈道初刻本

顧氏彙刻書目曰謝康樂集四卷明汪士賢刊漢魏二十名家集本  
宋給事中丘深之集七卷梁十五卷  
邱深之即邱淵之有晉義熙以來新集目錄見史部簿錄家

唐書經籍志邱泉之集六卷  
唐書藝文志邱淵之集六卷  
案諸類書引邱淵之征齊道里記當編入本集蓋義熙五六年間從宋武帝北征慕容超時所作也

梁又有義成太守祖企之集五卷亡  
祖企之始末未詳  
案昭明太子陶淵明傳云時周續之入廬山劉道民亦遁跡匡山淵明又不應徵命謂之潯陽三隱後刺史檀詔苦請續之出州與學士祖企謝景夷三人共在城北講禮加以籬校所住公廡近於馬隊是故淵明示其詩云周生述孔業祖謝響然臻馬隊非講肄校書亦已勤案祖企似此祖企之後官義成太守歟

梁又有荊州西曹孫詔集十卷亡

孫詔始末未詳

梁又有殷淳集二卷亡

宋書本傳淳字粹遠陳郡長平人曾祖融祖允並晉太常案融允並有集見前 淳少好學有美名少帝景平初爲祕書郎衡陽王文學祕書丞中書黃門侍郎高簡寡慾早有清尙愛好文義未嘗違捨在祕書閣撰四部書凡四十卷行於世元嘉十一年卒年三十二朝廷痛惜之又曰元凶妃卽淳女也

唐書經籍藝文志殷淳集三卷

梁又有揚州刺史殷景仁集九卷亡

宋書南史本傳景仁陳郡長平人也曾祖融晉太常景仁學不爲文敏有思致口不談義深達理體至於國典朝儀舊章記注莫不撰錄識者知其有當世之志也嘗建議請百官舉才以所薦能否黜涉武帝甚知之文帝卽位與王華王曇首劉湛四人並爲侍中遷尙書僕射中書令護軍將軍領吏部代彭城王義康爲揚州刺史卒年五十一贈侍中司空諡曰文成公

嚴氏全宋文編曰景仁名鐵以字行元嘉十七年卒有集九卷宋書本傳有辭侍中表章

太后生母蘇氏喪禮議各一篇廣弘明集有文殊像贊一篇文殊師利贊一篇

梁又有國子博士姚濤之集二十卷錄一卷亡姚濤之始末未詳

唐書經籍藝文志姚濤之集二十卷

梁又有周禮集十一卷亡

周禮始末未詳

殷闡之集一卷

殷闡之始末未詳

案本志前注云梁有晉相國主簿殷闡集

十卷錄一卷亡列在晉末與此時代相近

疑此即其殘本惟前作殷闡此作闡之者

六朝人名往往如此此不足以爲疑也

宋徵士宗景集十六卷梁十五卷 即宗炳唐人避諱改

宋書南史隱逸傳宗炳字少文南陽涅陽人

也妙善琴書圖畫精於言理每游山水往輒

忘歸入廬山就釋慧遠考尋文義宋受禪及

元嘉中頻徵並不應元嘉二十年卒年六十

九

梁書宗夫傳夫南陽涅陽人也世居江陵祖

景宋時徵太子庶子不就有高名

唐書經籍藝文志宗炳集十五卷

嚴氏全宋文編宗炳有集十六卷今存議書

序頌明佛論凡八篇 案明佛論蓋爲慧琳白黑論

何承天達性論而作即慧皎高僧傳所謂顏延之宗炳雖

駁二論各萬餘言者是也

宋徵士雷次宗集十六卷梁二十九卷錄一卷

雷次宗有毛詩序義見經部詩家

宋書南史隱逸傳次宗少入廬山事沙門慧

遠篤志好學隱退不交世務與子姪書以言

所守

唐書經籍藝文志雷次宗集三十卷

嚴氏全宋文編曰次宗本傳有與子姪書通

典有答袁愍問蔡廓問論甥姪凡四篇

宋奉朝請伍輯之集十二卷

伍輯之始末未詳

唐書經籍藝文志伍輯之集十一卷

馮氏詩紀曰伍輯之爵里無考有勞歌二篇

嚴氏全宋文編曰伍輯之仕晉爵里未詳入

宋爲奉朝請有集十二卷藝文類聚初學記

有園桃賦柳花賦各一篇案諸類書引伍輯之從

征西征者義熙中同爲宋武官屬也

梁有宋南蠻主簿衛令元集八卷亡

衛令元始末未詳

唐書經籍藝文志衛令元集八卷

梁有范曄集十五卷錄一卷亡

范曄有後漢書見史部正史類

宋書本傳曄性精微有思致觸類多善衣裳

器服莫不增損制度世人皆法學之獄中與

諸甥姪書以自序其略又曰曄自序並實故

存之

鍾嶸詩品曰宋記室何長瑜羊曜璠詹事范

曄詩乃不稱其才亦爲鮮舉矣

馮氏詩紀輯存樂游應詔詩臨終詩各一首

汪氏文選撰人篇目曰文選有宋范蔚宗曄

樂游應詔詩後漢書皇后紀論二十八將論

宦者傳論逸民傳論光武紀贊

嚴氏全宋文編范曄有集十五卷本傳所載

有探時旨上言一篇作彭城王義康與徐湛

之書一篇獄中與諸甥姪書一篇和香方序

一篇藝文類聚又有雙鶴詩序凡存五篇

梁有撫軍諮議范廣集一卷亡 范廣當作范廣淵

唐人避諱節去淵字

宋書范曄傳元嘉元年冬曄弟廣淵時爲司

徒祭酒又范泰傳泰少子廣淵善屬文世祖

撫軍諮議參軍領記室坐曄事從誅

梁有右光祿大夫王敬集五卷錄一卷亡 當爲

王敬弘 瑗

宋書南史本傳王裕之字敬弘晉驃騎將軍

虞之曾孫司州刺史胡之之孫也名與宋武

帝諱同故以字行王慶王胡之並有集見前敬弘

少有清尚仕晉入宋至尙書僕射侍中左光

祿大夫開府議同三司元嘉二十四年薨於

餘杭之舍亭山年八十八順帝時追諡文貞

公敬弘性恬靜樂山水所居舍亭山林澗環

周備登臨之美故時人謂之王東山

嚴氏全宋文編曰隋志梁有右光祿大夫王

敬集五卷錄一卷當是左光祿大夫王敬弘

轉寫有誤故耳今存表奏書凡六篇並見本

傳及隱逸王弘之傳案王弘之其從弟也

梁有任豫集六卷亡

任豫有禮論條牒禮論帖見經部禮類

嚴氏全宋文編曰任豫有集六卷類聚御覽

有藉田賦一篇案諸書引任豫益州記唐志皆不

著或編入本集

宋御史中丞何承天集二十卷梁三十二卷亡

何承天有禮論見經部禮類

宋書南史本傳承天五歲喪父母徐廣姊也  
聰明博學故承天幼漸訓義儒史百家莫不  
該覽爲御史中丞時魏軍南伐文帝訪羣臣  
捍禦之略承天上安邊論凡陳四事其一移  
遠就近以實內地其二浚復城隍以增阻防  
其三募偶車牛以飾戒械其四計丁課仗勿  
使有闕博見古今爲一時所重時帝每有疑  
議必先訪之信命相望於道承天性褊促嘗  
對主者厲聲曰天何言哉四時行焉百物生  
焉文帝知之應遣先戒曰善候伺顏色如其  
不悅無須多陳文集傳於世

唐書經籍志何承天集三十卷藝文志二十  
卷  
馮氏詩紀宋書樂志曰鼓吹鏡歌十五篇何  
承天晉義熙中私造

張氏百三家何衡陽集一卷凡賦表議奏論  
問書頌贊及鼓吹鏡歌十五首

嚴氏全宋文編何承天有集三十二卷今存  
木瓜賦表奏議書答渾天象論安邊論達性  
論序頌贊凡三十九篇

宋太中大夫裴松之集十三卷梁二十一卷  
裴松之有集注喪服經傳見經部禮類

宋書南史本傳松之博覽墳籍立身簡素所  
著文論及晉紀並傳於世

唐書經籍藝文志裴松之集三十卷  
嚴氏全宋文編裴松之有集二十一卷今存

表奏議答及難郭冲條諸葛亮五事凡七篇  
案諸類書引裴松之述征記西征記北征記當編入本集

梁又有王詔之集十九卷亡

王詔之有集二十四卷已見前

嚴氏全宋文編曰王詔之集隋志重出前作  
十九卷後作二十四卷案此言前後當互易

案前後兩部皆注云梁有卷數各不同部  
居亦別異是亦可證所據梁有書目非止  
七錄一家矣

梁又有宋光祿大夫江湛集四卷錄一卷亡

宋書南史本傳湛字徽淵濟陽考城人湖州  
刺史夷子也愛好文義喜彈碁鼓琴兼明算  
術歷侍中左衛將軍吏部尚書上將廢太子

劾使湛具詔草及劾入弑湛直上省聞叫噪  
之聲乃匿傍小屋中兵士得之湛據窗受害  
時年四十六孝武即位追贈左光祿大夫開

府儀同三司諡曰忠簡公

宋太尉袁淑集十一卷并目錄梁十卷錄一卷

宋書南史本傳淑字陽源陳郡陽夏人丹陽  
尹豹之子也案袁豹有集見前卷 不爲章句之

學而博涉多通好屬文辭采逾豔縱橫有才  
辨元嘉二十六年累遷尚書吏部郎其秋大

舉北征淑侍坐從容曰今當鳴鑿中岳席捲  
趙魏檢玉岱宗今其時也臣逢千載之會願

上封禪書一篇文帝笑曰盛德之事我何足  
以當之魏軍南伐至瓜步文帝使百官議防

禦之術淑上議其言甚誕淑喜誇每爲時人  
所嘲後遷太子左衛率元凶爲逆命淑同載

淑辭不上劾命左右殺之孝武即位贈侍中  
太尉諡曰忠憲公又詔淑及徐湛之江湛王

僧綽卜天與四家長給廩祿淑文集行於世

又袁湛傳湛弟豹子洵弟灑灑弟淑別有傳

又臨川王義慶傳義慶愛好文義招聚文學  
之士近遠必至太尉袁淑文冠當時義慶在

江州請爲衛軍諮議參軍  
又何尚之傳元嘉二十九年尚之致仕於方

山著退居賦以明所守而議者咸謂尚之不  
能固志太子左衛率袁淑與尚之書言其事

既而尚之還攝職任事上待之愈隆於是袁  
淑乃錄古來隱士有迹無名者爲真隱傳以

嗤焉宋書隱逸傳序曰陳郡袁淑集古來無  
名高士以爲真隱傳 案袁淑傳唐志二卷本志不

見當編入本集

唐書經籍藝文志袁淑集十卷  
馮氏詩紀輯存效子建白馬篇等詩五首

張氏百三家袁忠憲集序曰陽源禦虜議史  
譏其誕然文采逾豔才辨解及即不得爲儀

秦從橫方諸燕然勒銘廣成作頌意似欲無  
多讓詩章雖寡其摩古之篇風氣竟偏建安

此人不死顏謝未必能出其上也凡賦議章  
書傳雜文詩凡二十篇

汪氏文選撰人篇目曰文選有宋袁陽源淑  
做白馬篇一首做古詩一首

嚴氏全宋文編袁淑有集十一卷藝文類聚  
諸書有秋晴賦正晴賦桐賦及謝表議書游

新亭曲水詩序弔古文真隱傳佚文俳諧集  
佚文總凡十五篇  
宋祕書監王微集十卷梁有錄一卷現那

宋書南史本傳微字景玄太保弘弟光祿大夫儒之子也少好學善屬文工書解音律及醫方卜筮陰陽數術之事起家司徒祭酒主簿始與王友父憂去職微素無宦情後數遷除積稱疾不就既為始與王濬府吏濬數相存慰微奉答箋書輒飾以辭采微為文好古言頗抑揚袁淑見之謂為訴屈何偃書有云至於生平好服上藥起年十二時病虛耳所撰服食方中粗言之矣自此始知攝養有微又云吾實倦游醫部頗曉和藥尤信本草欲其必行 案所撰服食方書本志醫家類不見或在

本集 微常住門屋一間尋書玩古如此者十餘年元嘉二十年卒時年二十九所著文集傳於世世祖即位詔曰微棲志貞深文行悼洽生自華宗身安隱素足以貴茲邱園悼是薄俗不幸蚤世朕甚悼之可追贈祕書監

唐書經籍藝文志王微集十卷  
馮氏詩紀曰王微有雜詩二首四氣詩詠愁各一首或作王微案別有王微仕宋文帝時廷尉交州刺史

汪氏文選撰人篇目曰文選有宋王景元微雜詩一首

嚴氏全宋文編王微有集十卷本傳及初學記大觀本草有與江湛書與從弟僧綽書報何偃書以書告弟僧謙靈茯苓贊禹餘糧贊桃飴贊黃連贊遺令凡九篇 案張彥遠歷代名畫記有微畫一篇嚴氏未采

梁又有宋太子舍人王僧謙集二卷亡 瑛邪

宋書王微傳弟僧謙亦有才譽為太子舍人遇疾微躬自處治而僧謙服藥失度遂卒微深自咎恨發病不復自治哀痛謙不能已以書告靈有曰吾素好醫術不使弟得全又尋思不精致有枉過念此一條特復痛痛痛奈何吾罪奈何又云萬世不復一見奈何惟十紙手迹封坼儼然又云弟懷隨和之實未及光諸文章欲收作一集不知忽忽當辦此不今已成服吾臨靈取常所共飲醪酌自釀酒寧有仿像不寃痛寃痛僧謙卒後四句而微終

案景元卒時年二十九則其弟病卒猶不及其兄之年兄書作於成服之時集尙未編其後殆力疾緒成之或其子姓為編輯成之

梁又有金紫光祿大夫王僧綽集一卷亡 瑛邪  
宋書南史王曇首傳曇首子僧綽幼有大成之度衆使以國器許之好學練悉朝典襲封豫寧縣侯尙文帝長女東陽獻公主累遷侍中時年二十九元嘉末文帝大相付託朝政大小皆參焉會巫蠱事洩上先召僧綽具言之及將廢立使尋求前朝舊典勸於東宮夜饗將士僧綽密以啓聞上又令撰漢魏以來廢諸王故事劾弒立轉僧綽吏部尙書及檢文帝巾箱得僧綽所啓饗士并廢諸王事乃收害焉時年三十一世祖追贈散騎常侍金紫光祿大夫諡曰愍侯

梁又有征北行參軍顧邁集二十卷亡

宋書沈慶之傳慶之從弟法系討蕭簡於廣州前征北參軍顧邁被徙在城內善天文云荆州有大兵城內由此固守法系攻拔之斬蕭簡廣州平

又劉穆之傳穆之孫瑀為始與王濬南徐州別駕瑀性陵物不欲人居己上時濬征北府行參軍吳郡顧邁輕薄而有才能濬待之甚厚深言密事皆與參之瑀乃折節事邁邁以瑀之款盡濬所言密事悉以語瑀瑀與邁共進射堂下瑀忽顧左右案單衣幘邁問其所以瑀曰公以家人待卿相與言無所隱而卿於外宣洩致使人無不知我是公吏何得不啓因而白之濬大怒啓太祖徙邁廣州邁在廣州值蕭簡為亂為之盡力與簡俱死 案劉瑀亦有集見後

梁又有魚復令陳超之集十卷亡

陳超之始末未詳

梁又有平南將軍何長瑜集八卷亡

宋書謝靈運傳族弟惠連幼有才悟不為父方明所知時方明為會稽郡靈運至會稽造方明過視惠連大相知賞時東海何長瑜教惠連讀書亦在郡內靈運又以為絕倫謂方明曰阿連才悟如此而尊作常兒遇之何長瑜當今仲宣而給以下客之食尊既不能禮賢宜以長瑜還靈運遂載之而去長瑜文才之美亞於惠連臨川王義慶招集文士長瑜自國侍郎至平西記室參軍嘗於江陵寄書與宗人何助以韻語序義慶州府僚佐云陸

展染鬢髮欲以媚側室青靑不解人星星行復出如此者五六句而輕薄少年遂演而廣之凡厥人士並爲起目皆加劇言苦句其文流行義慶大怒白太祖除爲廣州所統會城令廬陵王紹鎮尋陽以長瑜爲南中郎行參軍掌記室之任行至板橋遇暴風溺死馮氏詩紀輯存嘲府僚詩離合詩各一首宋員外郎荀雍集二卷梁四卷

宋書謝靈運傳靈運既東還與族弟惠連東海何長瑜穎川荀雍太山羊璿之以文章賞會共爲山澤之游時人謂之四友雍字道雍官至員外散騎郎長瑜文才之美亞於惠連雍璿之不及也案羊璿之亦有作羊濬之者字璿璿臨川內史爲司空竟陵王誕所遇誕敗坐誅

唐書經籍藝文志荀雍集十卷

馮氏詩紀輯存臨川亭詩一首

梁又有宋國子博士范演集八卷亡

范演始末未詳

梁又有錢唐令顧昱集六卷亡

顧昱始末未詳

案宋書孔凱傳泰始初上流反叛時鄆琬

挾安王子勛反於江州也凱與孔瓌等據會

稽五郡應之及吳郡吳興義興晉陵四郡

平定太宗留吳喜等東平會稽喜等至錢

唐錢唐令顧昱及孔瓌等奔渡江東殆即

此顧昱也

梁又有臨成令韓濬之集八卷亡

韓濬之始末未詳疑卽泰山羊濬之見前荀雍集條

下

梁又有南陽太守沈亮之集七卷亡案卽沈亮

宋書自序林子第二子亮字道明清操好學

善屬文歷南陽太守後爲隨王誕後軍中兵

領義成太守元嘉二十七年卒官年四十七

所著詩賦頌贊三言諫哀辭祭告請雨文樂

府挽歌連珠教記白事箋表籤議一百八十

九首

嚴氏全宋文編沈亮有集七卷宋書自序有

陳府事啓陳營創城府功課救荒議發冢不

赴救議修治石碣籤凡五篇

梁又有國子博士孔欣集九卷亡

孔欣始末未詳

唐書經籍志孔欣集八卷藝文志十卷

馮氏詩紀曰孔欣爵里無考有置酒高樓上

一首相逢狹路間一首祠太廟一首又品藻

篇升菴詩話曰南朝孔欣樂府相逢狹路間

云云此詩高趣可並淵明欣早歲辭榮不負

其言矣

嚴氏全宋文編曰孔欣會稽山陰人仕晉入

宋爲國子博士後去職景平中會稽太守褚

淡之以爲參軍有集十卷御覽三百五十一

引七誨一篇又曰南史沈道虔傳有武康令

孔欣之與此同時未審是兩人否

梁又有臨海太守江玄叔集四卷亡

宋書良吏傳江乘之字玄叔濟陽考城人祖

道晉太常乘之初爲劉穆之參軍高祖主簿

少帝時歷都官郎出爲永世烏程令以善政

著名東土復爲建康令山陰令新安太守元嘉十二年轉在臨海並以簡約見稱十七年

卒於官

梁又有尙書郎劉叡集十一卷亡

劉叡始末未詳

梁又有太子中舍人張演集八卷亡演或作寅

宋書張茂度傳茂度吳郡吳人名與高帝諱

同故稱字茂度子演太子中舍人演弟鏡新

安太守皆有盛名並早卒

又張邵傳邵字茂宗會稽太守裕之弟也裕

卽茂度子敷演鏡有名於世案此又謂張邵子與

茂度傳異又張暢傳云暢少與從兄敷演鏡

齊名爲後進之秀

南史張裕傳亦卽張茂度傳裕子演演四弟鏡

永辯岱俱知名時謂之張氏五龍又曰演鏡

兄弟中名最高餘並不及又張融傳云張氏

前有敷演鏡暢後有充融卷稷案永辯鏡暢並

有集見後融集在齊代中

梁又有南昌令蔡眇之集三卷亡

蔡眇之始末未詳

梁又有太學博士顧雅集十三卷亡

顧雅始末未詳

梁又有巴東太守孫仲之集十一卷仲當爲沖

孫沖之疑卽孫嚴有宋書六十五卷見史部

正史類

梁又有太尉諮議參軍謝元集一卷亡

謝元有內外書儀四卷見史部儀注類

嚴氏全宋文編曰謝元靈運從祖弟有集一

卷宋書禮志四有掖庭不舉祭議王弘傳有刑法議凡二篇

梁又有南海太守陸展集九卷亡

宋書臨川王義慶傳義慶招聚文學之士近遠必至吳郡陸展東海何長瑜鮑照等並為辭章之美引為佐史國臣

又良吏陸徵傳徵吳郡吳人也元嘉二十九年仕至益州刺史卒弟展咸質車騎長史尋陽太守質敗從誅

梁又有棘陽令山謙之集十二卷亡

山謙之有吳興記南徐州記見史部地理類梁又有廣州刺史楊希集九卷亡楊當為羊

宋書南史羊玄保傳玄保泰山南城人兄子希字泰聞少有才氣大明初為尚書左丞歷御史中丞泰始三年出為寧朔將軍廣州刺史四年行晉康太守劉思道不受命率所領攻希殺之贈輔國將軍

嚴氏全宋文編曰羊希有奏劾謝沈北征上計殤服議刊革山澤舊科議與孫誥書凡存五篇

梁又有員外常侍周始之集十一卷亡

周始之始末未詳

梁又有主客郎羊崇集六卷亡

宋書羊玄保附傳玄保兄子希為廣州刺史為劉思道襲而殺之希子崇字伯遠尚書主客郎丁母憂哀毀過禮及聞廣州亂即日使徒跳出新亭不能步涉頓伏江渚門義以小船致之於是進路父葬畢不勝哀卒

梁又有太子舍人孔景亮集三卷亡孔景亮始末未詳

宋中書郎袁伯文集十一卷并目錄

袁伯文始末未詳

唐書經籍藝文志袁伯文集十卷

馮氏詩紀袁伯文爵里無考有楚妃歎述山貧各一首

嚴氏全宋文編曰袁伯文為中書郎有集十

一卷文選謝莊宣貴妃誄注引伯文美人賦

梁有宋丞相諮議蔡超集七卷亡

蔡超有集注喪服經傳見經部禮類

宋東中郎長史孫緬集八卷并目錄梁十一卷

南史隱逸漁父傳太康孫緬為尋陽太守緬

字伯緒太子僕興曾之子也有學義宋明帝甚知之位尚書左丞東中郎司馬案太康疑太原之誤

唐書經籍藝文志孫緬集十卷

嚴氏全宋文編曰孫緬字伯緒太康人大明

初太常丞出為尋陽太守泰始中遷尚書左

丞東中郎司馬宋書禮志有殷祭議親執爵

議各一篇

梁又有宋賀道養集十卷亡

賀道養有春秋序注見經部春秋左氏學家

唐書經籍藝文志賀道養集十卷

嚴氏全宋文編賀道養有集十卷太平御覽

卷二有渾天記一篇

梁又有太子洗馬謝登集六卷亡

謝登始末未詳

梁又有新安太守張鏡集十卷亡

張鏡有宋東宮儀記見史部儀注篇

嚴氏全宋文編弘明集十二有張鏡答南譙

王義宣書一篇

梁又有兼中書舍人褚詮之集八卷錄一卷亡

褚詮之始末未詳

唐書經籍藝文志褚詮之集八卷

案本志總集類百賦音十卷宋御史褚詮

之撰即此褚詮之或即以御史兼中書舍

人者

宋特進顏延之集二十五卷梁三十卷又有顏延

之逸集一卷亡

顏延之有逆降義見經部禮類

宋書南史本傳晉義熙十二年武帝北伐有

宋公之授府遣延之慶殊命行至洛陽周視

故宮室盡為禾黍悽然詠黍離篇道中作詩

二首為謝晦傅亮所賞為始安太守之郡道

經汨潭為湘州刺史張邵祭屈原文以致其

意後又出為永嘉太守甚怨憤乃作五君詠

以述竹林七賢山濤王戎以貴被黜詠嵇康

云鸞翻有時鑿龍性誰能馴詠阮籍云物故

不可論途窮能無慟詠阮咸云屢薦不入官

一麾乃出守詠劉伶云韜精日沈飲誰知非

荒宴此四句蓋自序也閑居無事為庭語之

文以訓子弟延之與謝靈運俱以辭采齊名

而遲速縣絕文帝嘗各勅擬樂府北上篇延

之受詔便成靈運久之乃就是時論者以二人自潘岳陸機之後文士莫及江右稱潘陸

江左稱顏謝馬所著並傳於世

宋書謝靈運傳論曰爰逮宋氏顏謝騰聲靈運之興會標舉延年之體裁明密並方軌前秀垂範後昆

鍾嶸詩品曰宋光祿大夫顏延之詩其源出於陸機尚巧似體裁綺密情喻淵深動無虛散一句一字皆致意焉又喜用古事彌見拘束雖乖秀逸是經綸文雅才雅才減若人則蹈於困躓矣湯惠休曰謝詩如芙蓉出水顏如錯采鏤金顏終身病之

唐書經籍藝文志顏延之集三十卷 宋史藝文志五卷

馮氏詩紀輯存四五言詩及秋胡詩五君詠凡二十四篇又宋書樂志曰元嘉二十二年詔顏延之造天地郊夕牲迎送神饗神雅樂登歌三篇

張氏百三家顏光祿集輯本序曰延年文莫長於庭誥詩莫長於五君楮中散任誕魏朝獨家戒恭謹教子以禮顏誥立言意亦類是三十不婚以文出仕歷四主陪兩王浮沈上下老不改性詆尚之爲朽木斥慧琳爲刑餘顏彪之呼亦牛馬應之其閱世久矣遠弔屈大夫近友陶徵士風流固可相見云凡賦詔表書序七釋庭誥頌贊箴連珠諡議哀册文誄祭文銘狀樂府詩總六十一篇

汪氏文選撰人篇目曰宋顏延年延之有赭白馬賦曲水讌詩皇太子釋奠詩秋胡詩五君詠觀北湖田收詩蒜山詩曲阿後湖詩拜

陵廟詩贈王太常詩呈從兄詩直東宮詩和謝監詩北使洛詩還梁城詩巴陵城樓詩宋郊祀歌曲水詩序陽給事誄陶徵士誄宋皇

后哀策文祭屈原文 嚴氏全宋文編顏延之有集三十卷逸集一卷今存行殯賦赭白馬賦寒蟬賦贈諡袁淑詔賜卹袁淑遺孤詔庭誥策秀才文表諡議天馬狀書答問七釋詩序頌贊釋何衡陽達性論重釋達性論又釋達性論範連珠大箴箴家傳銘誄哀策祭文凡三十七篇又敍錄曰顏延之集一卷明刻本又明刻二十名家集本 案皇備論語義疏引顏延之說隋唐志皆不見或編入本集

宋東揚州刺史顏峻集十四卷并目錄

宋書南史本傳峻字士遜延之長子也早有文義爲宋孝武帝撫軍主簿甚被嘉遇峻亦盡心補益元凶弒立孝武舉兵入討轉諮議參軍領軍錄事任總內外并造檄書孝武踐阼歷侍中左衛將軍封建城縣侯大明元年歷東揚州刺史峻藉蕃朝之舊每極陳得失上自即吉之後宮內頗有醜論又多所興造諫爭懇切並無所回避上意甚不悅多不見從及王僧達被誅謂爲峻所讒構臨死陳峻前後忿懣恨言不見從僧達所言頗相符合乃使御史中丞庾徽之奏峻免官峻頓啓謝罪并乞性命上愈怒及竟陵王誕爲逆因此陷之言通於誕召庾徽之於前立奏奏成詔先打折足然後於獄賜死峻文集行於世

又顏延之傳長子竣爲孝武參軍及義師入討竣造書檄劾召延之示以檄文問曰此筆誰造延之曰竣之筆也又問何以知之曰竣筆體臣不容不知劾又曰言詞何至乃爾延之曰竣尚不顧老臣何能爲陛下劾意乃釋由是得免

唐書經籍藝文志顏竣集十三卷 馮氏詩紀輯存七廟迎神辭一首古意一首 嚴氏全宋文編顏竣有集十四卷今存表奏議爲世祖檄京邑凡贊序凡九篇 宋大司馬錄事顏測集十一卷并目錄

宋書南史顏延之傳文帝常問以諸子才能延之曰竣得臣筆測得臣文魯得臣義躍得臣酒何尚之嘲曰誰得卿狂答曰其狂不可及又曰竣弟測宋書作測亦以文章見知官至江夏王義恭大司馬錄事參軍以兄貴爲憂先竣卒

唐書經籍藝文志顏測集十一卷 嚴氏全宋文編顏測有集十一卷御覽引顏測集有大司馬江夏王賜絹葛啓藝文類聚有山石榴賦梔子贊存凡三篇

宋護軍將軍王僧達集十卷梁有錄一卷 宋書南史本傳僧達太保弘少子幼聰敏好學善屬文爲太子舍人宣城太守元凶弒立孝武發尋陽僧達赴義即以爲長史及即位爲尚書右僕射僧達自負才地三年間使望宰相嘗答詔曰父亡祖司徒司空其自負若此後爲護軍將軍不得志大明中以歸順

功封寧陵縣五等侯累遷中書令僧達屢經  
犯忤以為終無悛心因高閹等為亂事陷之  
收付廷尉獄賜死年三十六

鍾嶸詩品曰宋豫章太守謝瞻宋僕射謝混  
見前東晉末非宋人

宋征虜將軍王僧達詩其源出於張華才力  
苦弱故務其清淺殊得風流媚趣課其實錄

則豫章僕射宜分庭抗禮徵君太尉可託乘  
後車征虜卓卓殆欲度驂騑前

唐書經籍藝文志王僧達集十卷宋史藝文志  
同

馮氏詩紀輯存釋奠詩答顏延年和琅邪王  
七夕朱櫻等詩凡五篇

汪氏文選撰人篇目曰文選有宋王僧達答  
顏延年詩依古詩一首祭顏光祿文

嚴氏全宋文編王僧達有集十卷今存答詔  
表謝啓書祭顏光祿文凡七篇

梁又有國子博士羊玄保集十卷亡

宋書南史羊玄保傳玄保子戎有才氣而輕  
薄少行檢玄保嘗嫌其輕脫云此兒必亡我

家官至通直郎與王僧達謗議時政賜死死  
後孝武帝引見玄保玄保謝曰臣無日碑之

明以此上負上美其言

梁又有江寧令蘇寶生集四卷亡

宋書王僧達傳蘇寶生名寶生本寒門有文  
義之美元嘉中立國子學為毛詩助教為太

子所知官至南臺侍御史江寧令坐知高閹  
反不即啓聞與閹共伏誅

又恩倖徐爰傳先是元嘉中使著作郎何承  
天草創國史世祖初又使奉朝請山謙之南  
臺御史蘇寶生踵成之

又戴法興傳世祖南中郎典籤董元嗣為元  
凶考掠死追贈員外散騎侍郎使文士蘇寶

生為之誄焉

史通正史篇孝建初又勅蘇寶生續造諸傳  
元嘉名臣皆其所撰

梁又有兗州別駕范義集十二卷亡

宋書竟陵王誕傳誕為都督六州南兗州刺  
史據廣陵反以州別駕范義為中軍長史加

右司馬范義母妻子並在城內有勸義出降  
義曰我人吏也且豈能作何康活耶義字明

休濟陽考城人也早有世譽

又蔡興宗傳竟陵王誕據廣陵為逆事平興  
宗奉旨慰勞州別駕范義與興宗素善在城

內同誅興宗至廣陵躬自收殮致喪還豫章  
舊墓案此知范義為豫章人東晉范宣之後歟范富有

集見前

梁又有吳興太守劉瑀集七卷亡

宋書劉穆之傳穆之東莞莒人漢齊悼惠王  
肥後也世居京口穆之為宋武佐命卒於晉

義熙十三年贈侍中司徒高祖受禪進封南  
康郡公諡曰文宣公中子式之式之第三子

瑀字茂琳少有才氣為太祖所知初為始興  
王浚南徐州別駕從事史瑀性陵物護前不

欲人居己上後為御史中丞甚得志彈蕭惠  
開云非才非望非勳非德彈王僧達云蔭藉

高華人品尤末朝士莫不畏其筆端大明二  
年累遷吳興太守疽發背卒諡曰剛子

唐書經籍志劉瑀集七卷藝文志十卷

嚴氏全宋文編劉瑀有集七卷今存奏彈蕭  
惠開奏彈王僧達與顏竣書與親故書凡四

篇

案劉瑀既以計誘吳郡顧邁邁坐宣洩徙  
死廣州見本傳 又以故智誘羊希希亦坐

漏泄免官見羊玄保傳魏文帝云文人類不  
獲細行若瑀者陰賊乃至如此是焉得謂

之剛乎

梁又有本郡孝廉劉氏集九卷亡

劉氏不詳何人

案此稱本郡者不知何郡以下文稱本州  
秀才劉遂之例例之則為彭城郡與宋武

帝同郡因稱本郡此殆阮氏七錄沿宋人  
舊文歟

宋會稽太守張暢集十二卷殘缺梁十四卷錄一

宋書南史本傳暢字少微吳郡吳人吳興太  
守邵兄偉之子也少與從兄敷演鏡齊名為

後進之秀演鏡並有集見前 累遷太子中庶子  
孝武鎮彭城為安北長史沛郡太守元嘉二

十七年索虜托跋燾南侵暢於城上與魏尚  
書李孝伯語孝伯辭辯北土之美暢隨宜應

答吐屬如流音韻詳雅風儀華潤孝伯及左  
右人並相視歎息後為南譙王義宣司空長

史南郡太守三十年元凶弒立義宣發哀之



日即便舉兵暢位居僚首舉哀畢改服出射

堂簡人音姿容止莫不矚目見者皆願為盡

命事平徵為吏部尚書封夷道縣侯義宣為

逆暢於兵亂自歸下廷尉見原起為都官尚

書轉侍中孝建二年出為會稽太守大明元

年卒官時年五十諡曰宣子

唐書經籍藝文志張暢集十四卷

嚴氏全宋文編張暢有集十四卷宋書本傳

有棄彭城南歸議注云宋書暢有二傳一在四十六

一在五十九張永傳有為南譙王義宣與從弟

永書初學記有河清頌廣弘明集有若邪山

敬法師誄存凡四篇

梁又有司空何尚之集十卷亡

宋書南史本傳尚之字彥德廬江灑人也以

操立見稱為陳郡謝混所知與之游處為宋

武帝征西主簿從征長安賜爵都鄉侯尚之

雅好文義從容賞會甚為文帝所知元嘉十

三年為丹陽尹立宅南郭外置玄學聚生徒

東海徐秀廬江何曇黃回穎川荀子華太原

孫宗昌王延秀魯郡孔惠宣並慕道來游謂

之南學國子學建領祭酒累遷尚書令領太

子詹事二十九年致仕於方山著退居賦以

明所守文帝不許復攝職愛尚文義老而不

休與太常顏延之論議往反傳於世大明四

年薨於位年七十九贈司空侍中中書令如

故諡曰簡穆公子偃

嚴氏全宋文編何尚之有集十卷今存華林

清暑殿賦表奏上言答問議書列彼元嘉贊

揚佛教事凡十五篇

宋吏部尚書何偃集十九卷梁十六卷

何偃有毛詩釋見經部詩家

宋書南史本傳元凶弑立以偃為侍中掌詔

詰時尚之為司空尚書令偃居門下父子並

處權要時為寒心而尚之及偃善攝機宜曲

得時譽世祖即位任遇無改時責百官讜言

偃以為宜重農卹本并官省事考課以知能

否增俸以除吏姦責成良守久於其職都督

刺史宜別其任侍中顏竣與偃俱在門下以

文義賞會相得甚歡素好談玄注莊子逍遙

篇傳於世

唐書經籍藝文志何偃集八卷

馮氏詩紀輯存擬古詩冉冉孤生竹一篇

嚴氏全宋文編何偃有集十九卷今存月賦

及議書銘六篇

梁又有廬江太守周朗集八卷亡

宋書南史本傳朗字義利汝南安成人也兄

嶠以貴戚顯朗少而愛奇雅有風氣為江夏

王義恭太尉參軍元嘉二十七年春朝議北

侵魏當遣義恭出鎮彭城為諸軍大統府主

簿羊希從行與朗書戲之勸令獻奇進策朗

報書援引古義辭意倜儻孝武即位除建平

王宏中軍錄事參軍時普責百官讜言朗上

書陳述得失多自矜誇書奏忤旨自解去職

後為廬陵內史稱疾去官尋丁母憂每哭必

慟其餘頗不依居喪常節大明四年上使有

司奏其居喪無禮詔鎖付邊於是傳送寧州

於道殺之年三十六族孫顯

又史臣曰宋時徒置乞言之旨空下不諱之

令幕古飾情義非側席文士因斯各存炫藻

周朗辯博之言多切治要而意在摛詞文實

忤主文詞之為累一至此乎

嚴氏全宋文編曰周朗有上書獻讜言報羊

希書各一篇見宋書本傳又略見通典廣弘

明集魏書島夷劉駿傳以為周殷

宋侍中沈懷文集十二卷殘缺梁十六卷

沈懷文有隨王入沔記見史部地理類

宋書南史本傳懷文少妙玄理善為文章嘗

為楚昭王二妃詩見稱於世隱士雷次宗被

徵居鍾山後南還廬岳何尚之設祖道文義

之士畢集為連句詩懷文所作尤美辭高一

座隨王誕鎮襄陽與諸議參軍謝莊共掌辭

令弟懷遠官至武康令撰南越志及懷文文

集並傳於世

唐書經籍藝文志沈懷文集十三卷

嚴氏全宋文編沈懷文有集十六卷本傳載

上言皇子不宜置邸舍省錄尚書議揚州移

治會稽議孔靖傳載舉起湖田議御覽有侍

中趙倫之碑存凡五篇

宋北中郎長史江智深集九卷并目一卷

宋書南史本傳江智深南史避諱淵作深濟陽

考城人歷著作郎隨王誕後軍參軍在襄陽

時諸議謝莊主簿沈懷文與智淵友善懷文

每稱之曰人所應有盡有人所應無盡無者

其江智淵乎誕將為逆智淵悟其機請假先

反誕事發即除中書侍郎智淵愛好文雅辭采清瞻孝武深相知待恩禮冠朝後恩寵大衰出爲新安王子鸞北中郎長史南東海太守行南徐州事大明七年以憂卒年四十六

唐書經籍志江智淵集十卷

唐書藝文志江智淵集十卷

馮氏詩紀輯存宣貴妃挽歌一篇

宋太子中庶子殷琰集七卷

宋書南史本傳琰字敬珉陳郡長平人也少爲文帝所知見遇與琅邪王景文相埒明帝泰始元年晉安王子助反以琰爲豫州刺史土人前右軍杜叔寶等並勸琰同逆琰素無部曲無以自立受制於叔寶等二年正月帝遣輔國將軍劉劬西討圍攻至十二月琰始降並撫宥之無所誅戮後除少府加給事中卒官琰性和雅靜素嗜慾諳前世舊事事兄甚謹少以名行見稱在壽陽被攻圍積時爲城內所懷附揚州刺史王景文征西將軍蔡興宗司空褚彥回並相與友善

唐書經籍藝文志殷琰集八卷

嚴氏全宋文編曰殷琰隋志作太子中庶子與本傳終於少府不同琰有集七卷御覽引琰宣貴妃誄一篇

梁又有宋武陵太守袁顥集八卷亡案顥當爲魏

宋書袁湛傳湛陳郡陽夏人也湛弟豹豹子洵洵長子顥別有傳少子顥好學善屬文有清譽於世官至司徒從事中郎武陵內史蚤卒

南齊書袁象傳象祖洵吳郡太守父觀武陵太守觀兄顥在雍州起事見誅宋明帝投顥屍江中不聽斂葬象與舊奴一人微服潛行求屍四十餘日乃得密瘞石頭後鬪身自負

士懷其父集未嘗離身案南史作懷其文集則所懷爲袁顥集也本志無袁顥集疑此處傳寫有誤

南史袁象傳象顥弟觀之子也觀好學美才早有清譽仕宋位武陵內史

梁又有荀欽明集六卷亡

荀欽明有百官階次見史部職官類

唐書經籍藝文志荀欽明集六卷

梁又有安北參軍王詢之集五卷亡

王詢之始末未詳

梁又有越騎校尉戴法興集四卷亡

宋書南史恩倖傳戴法興會稽山陰人家貧父以販紵爲業兄延壽延興並修立好學法興爲尚書倉部令史後爲孝武征虜將軍記室掾南中郎典籤帝於巴口建義轉參軍督護及卽位爲南臺侍御史兼中書通事舍人封吳昌縣男與魯郡巢尚之等爲孝武腹心耳目所委寄法興頗知古今素見親待前廢帝卽位遷越騎校尉廢帝年漸長凶志轉成欲有所爲法興每相禁制帝意不能平遂免法興官於家賜死法興能爲文章頗行於世鍾嶸詩品評宋御史蘇寶生宋中書令史陵修之宋典祀令任曇緒宋越騎戴法興詩曰蘇陵任戴並著篇章亦爲指紳之所嗟咏人非文才是愈甚可嘉焉

嚴氏全宋文編戴法興有集四卷宋書曆志有法興議祖沖之新曆一篇

宋黃門郎虞通之集十五卷梁二十卷

虞通之有始記二卷見史部雜傳類

唐書經籍藝文志虞通之集五卷

馮氏詩紀輯存贈傅昭詩一首編入齊代

嚴氏全宋文編曰藝文類聚初學記有虞通之爲江數讓尚公主表明堂頌各一篇

宋司徒左長史沈勃集十五卷梁二十卷

宋書沈演之傳演之吳興武康人也演之子陸坐與弟西陽王文學勃忿鬪不睦徙始興郡勃免官禁錮勃好爲文章善彈琴能圍棋而輕薄逐利歷尚書殿中郎泰始中爲太子右衛率加給事中時欲北討使勃還鄉里募人多受貨賄上怒下詔徙付梁州廢帝元徽初以例得還結事阮佃夫王道隆等復爲司徒左長史爲廢帝所誅順帝卽位追贈本官南史後廢帝本紀孝武帝二十八子明帝殺其十六餘皆帝殺之吳興沈勃多寶貨往劫之揮刀獨前左右未至勃時居喪在廬帝望見之便投鋌不中勃知不免手搏帝耳唾罵之曰汝罪踰桀紂屠戮無日遂見害帝自割

唐書經籍藝文志沈勃集十五卷

嚴氏全宋文編沈勃有集二十卷藝文類聚有勃秋鞮賦

宋金紫光祿大夫謝莊集十九卷梁十五卷

宋書南史本傳莊字希逸陳郡陽夏人太常

弘微子也弘微名密有集見前 七歲能屬文通

論語及長韶令美容儀分左氏經傳隨國立

籍製木方丈圖山川土地各有分理離之則

州別郡殊合之則寓內為一元嘉二十九年

累遷太子中庶子時南平王鐸獻赤鸚鵡普

詔羣臣為賦太子左衛率袁淑文冠當時作

賦畢示莊及見莊賦歎曰江東無我卿當獨

秀我若無卿亦一時之傑也遂隱其賦元凶

弑立孝武入討密送檄書與莊令加改治宜

布莊遺腹心門生具慶奉啓事密詣孝武陳

誠莊有口辯孝武嘗問顏延之曰謝希逸月

賦何如答曰美則美矣但莊始知隔千里今

共明月帝以語莊莊應聲曰延之作秋胡詩

始知生為久別離沒為長不歸帝撫掌竟曰

馮氏詩紀輯存詩十四篇又宋明堂歌九首

通典曰孝武建元元年使謝莊造郊廟舞樂

明堂諸樂歌詩南齊書樂志曰明堂辭五帝

漢郊祀歌皆四言宋孝武使謝莊造辭莊依

五行數木數用三火數用七土數用五金數

用九水數用六周頌我將祀文王言皆四其

一句五一句七莊歌太祖亦無定句莊又撰

世祖廟歌二首宋書張永傳大明四年立明堂永以

本官兼將作大匠

張氏百三家謝光祿集一卷凡賦詔表奏章

啓事牋書帖議贊哀策文誄墓誌銘樂府詩

聯句共六十一篇

汪氏文選撰人篇目宋謝希逸莊有月賦宋

孝武貴妃誄

宛傳云初前廢帝使荆州錄送前軍長史荆州行事張悅

下至隘口宛稱子助命釋其桎梏迎以所乘之車以為司

馬加征虜將軍加宛冠軍將軍二人共掌內外衆事

嚴氏全宋文編張悅有集十一卷藝文類聚

六十九有悅瑋瑠塵尾銘一篇

梁又有揚州從事賀頤集十一卷亡

賀頤始末未詳

梁又有領軍長史孔邁之集八卷亡

孔邁之始末未詳

梁又有撫軍參軍賀弼集十六卷亡

宋書竟陵王誕傳誕初閉城拒使記室參軍

賀弼固諫再三誕怒抽刀向之乃止或勸弼

出降弼曰公舉兵向朝廷此事既不可從荷

公厚恩又義無違背唯當死明心耳乃服藥

使莊作舞馬歌令樂府歌之前廢帝即位繫

於左尚方明帝定亂得出使為赦詔其文甚

工後為尋陽王師加中書令金紫光祿大夫

泰始二年卒年四十六諡曰憲子所著文章

四百餘首行於世

鍾嶸詩品曰希逸詩氣候清雅不逮於王袁

然與屬閒長良無鄙促也案此王袁大抵謂同時

之子簡遠袁淑也

唐日本國見在書目謝莊集廿卷

唐書經籍藝文志謝莊集十五卷宋史藝文志

一卷

唐書經籍藝文志謝莊集十五卷宋史藝文志

一卷

一卷

子景素嗣景素少愛文義有父風好文章書籍招集才義之士傾身禮接以收名譽由是朝野翕然莫不屬意焉為南徐州刺史鎮京口時後廢帝狂悖日甚或言景邑已潰亂勸令速入景素因舉兵兵敗被殺其後故主簿何昌寓故記室王摛等上書訟其冤齊受禪景素故秀才劉璉又上書述其德美陳冤云案本志既以宋代帝王集彙次於前則是集當列於建平王休度集之次原作休祐非是蓋別家見存書目亦有依時代編次者故本志為所淆奪例不畫一也又唐藝文志建平王宏集十卷之外又有小集六卷本志無之小集疑即是集

宋征虜記室參軍鮑照集十卷梁六卷

南史宋臨川烈武王道規傳道規嗣子義慶招聚才學之士東海何長瑜鮑照等並有辭章之美引為佐史國臣又曰鮑照字明遠東海人文辭膽逸嘗為古樂府文甚遒麗元嘉中河濟俱清當時以為美瑞照為河清頌其序甚工文帝以為中書舍人案此當云孝武帝宋書作世祖是也上好為文章自謂人莫能及照悟其旨為文多鄙言累句當時咸謂照才盡實不然也臨海王子頊為荊州照為前軍掌書記子頊敗為亂兵所殺齊虞炎集序曰鮑照字明遠本上黨人家世貧賤少有文思宋臨川王愛其才以為國侍郎王薨始與王濬又引為侍郎孝武初除海虞令遷太學博士兼中書舍人時上多以忌

文自高趨侍左右深達風旨以此賦述不復盡其才思出為秣陵令又轉永嘉大明五年除前軍行參軍侍臨海王鎮荆州掌知內命尋遷前軍刑獄參軍事宋明帝初江外拒命及義嘉敗宋書晉安王子助傳泰始二年正月長史鄧琬奉子助為帝即僞位於尋陽年號義嘉荆土震擾江陵人宋景因亂掠城為景所殺時年五十餘身既遇難篇章無遺流遷人間者往往見在儲皇博采羣言游好文藝片辭隻韻罔不收集照所賦述雖乏精典而有超麗爰命陪趨備加研訪年代稍遠零落者多今所存者儻能半焉案此言儲皇者即齊文惠太子也時在齊武帝永明中照遇難後二十餘年也炎亦有集見後鍾嶸詩品曰宋參軍鮑照詩其源出於二張蓋謂四晉張協張華善製形狀寫物之詞得景陽之淑詭含茂先之靡曼骨節強於謝混驅邁疾於顏延總四家而擅美跨兩代而孤出嗟其才秀人微故取湮當代然貴尚巧似不避危仄頗傷清雅之調故言險俗者多以附照

唐書經籍藝文志鮑照集十卷唐日本國見在書目云鮑集十卷殆即此集宋史藝文志鮑照集十卷崇文總目鮑照詩集一卷晁氏讀書志鮑照集十卷照上黨人臨海王子頊敗為亂兵所殺事見沈約宋書而李延壽以世祖為文帝集有唐虞炎序云為宋景所害儻見於他書乎唐人避武后諱改照為昭案晁氏糾南史之誤是也而以虞炎為唐人則失之矣陳氏書錄曰鮑參軍集十卷宋前軍行參軍東海鮑照明遠撰世多云鮑昭以避唐武后諱也沈約宋書李延壽南史皆作鮑照而館閣書目直以為鮑昭且云上黨人非也案此以上黨人為非知未見虞炎之序馮氏詩紀輯存樂府一卷詩二卷汪氏文選撰人篇目曰宋鮑明遠昭有蕪城賦舞鶴賦詠史詩行樂詩還都道中詩樂府八首數詩翫月詩擬古詩三首學劉公幹詩君子有所思詩四庫提要曰照沒於亂兵遺文零落齊散騎侍郎虞炎始編次成集隋志著錄十卷而注曰梁六卷然則後人又續增矣此本為明正德庚午朱應登所刊云得自都穆家卷數與隋志合而冠以炎序未審即隋志舊本否考其編次既以樂府別為一卷而采桑梅花落行路難亦皆樂府乃列入詩中唐以前本不應荒陋至此斷為明人所重編又往往曰某字集作某是采自他書之明證然文章皆有首尾詩賦亦往往有自序自注與六朝他集從類書采出者不同殆因相傳舊本而稍為竄亂歟嚴氏文編卷首錄曰鮑照集十卷一影寫宋刻本一明都穆集本梁又有宋武康令沈懷遠集十九卷亡沈懷遠有南越志見史部雜史類

嚴氏全宋文編沈懷遠有集十九卷初學記  
有長鳴雞贊博羅縣簾竹銘各一條

梁又有裴駟集六卷亡

裴駟有史記集解見史部正史類

嚴氏全宋文編曰裴駟有史記集解序一篇

梁又有刪定郎劉鯤集五卷亡

劉鯤或作劉緄始末並未詳

唐書經籍藝文志劉緄集五卷

嚴氏全宋文編曰劉緄泰始初太學博士案

隋志梁有刪定郎劉鯤集五卷疑即此今存

祀孝武昭后二廟議一篇見宋書禮志

梁又有宜都太守費脩集十卷亡

費脩始末未詳

宋太中大夫徐爰集六卷梁十卷

徐爰有繫辭注見經部易類

唐書經籍藝文志徐爰集十卷

嚴氏全宋文編徐爰有集十卷初學記有籍

田賦本傳有議國史限斷表宋書禮志及通

典諸書有皇子出後告廟議渾儀論旄頭說

食箴家儀等凡二十四篇

梁又有宋護軍司馬孫勃集六卷亡

孫勃始末未詳

梁又有右光祿大夫張永集十卷亡

南史張裕傳裕字茂度吳郡吳人子演演四

弟銳永辯岱俱知名時謂之張氏五龍永字

景雲涉獵書史能為文章善隸書曉音律騎

射雜藝觸類兼善又有巧思益為文帝所知

紙墨皆自營造上每得永表啓輒執玩咨嗟

自歎供御者不及也大明時歷廷尉侍中

右光祿大夫南兖州刺史封孝昌縣侯後免

官削爵發病卒宋書本傳元徽三年卒年六

十六順帝昇明二年追贈侍中右光祿大夫

鍾嶸詩品平齊征北將軍張永詩曰張景雲

雖謝文體頗有古意案鍾氏以張永列在齊高帝

之後以為齊人誤也

嚴氏全宋文編張永有集十卷本傳有將士

休假議一篇

梁又有陽羨令趙繹集十六卷亡

趙繹始末未詳

宋庾蔚之集十六卷梁二十卷

庾蔚之有喪服三十一卷見經部禮類

唐書經籍藝文志庾蔚之集十一卷

嚴氏全宋文編曰宋書禮志及通典有庾蔚

之議及喪服佚文凡七十五篇禮志又引庾

亮之皇子出後告廟儀一篇亮之孝建中為

太常丞官位時代與庾蔚之相值未知是一

人是二人也

梁又有太子中舍人徵不就王素集十六卷亡

瑗邪

宋書隱逸傳王素字休業琅邪臨沂人少有

志行家貧母老初為廬陵國侍郎母憂去職

乃輕身往東陽隱居不仕頗營田園之資得

以自立愛好文義不以人俗累懷世祖即位

詔徵太子舍人太宗泰始六年又召為太子

中舍人並不就山中有蚊蟲聲清長聽之使

人不厭而其形甚醜素乃為蚊蟲賦以自況

七年卒年五十四

馮氏詩紀輯存學阮步兵體一首

宋豫章太守劉惔集八卷梁十卷

宋書符瑞志泰始六年十二月壬辰木連理

生豫章南昌太守劉惔之以聞

南史宋明帝本紀帝末年好鬼神多忌諱泰

始泰豫之際左右失旨往往有劓斷斷截禁

中懷懷若踐刀劍夜夢豫章太守劉惔反遣

就郡殺之

唐書經籍藝文志劉惔集十卷

梁又有宋起部郎費鏡運集二十卷亡

費鏡運始末未詳

梁又有光祿大夫孫奂集十一卷亡

南史王僧虔傳泰始中僧虔為會稽太守中

書舍人阮佃夫家在東請假歸客勸僧虔以

佃夫要幸宜加禮接僧虔曰我立身有素豈

能曲意此輩彼若見惡當拂衣去耳佃夫言

於宋明帝使御史中丞孫奂奏僧虔坐免官

嚴氏全宋文編曰孫奂泰始中尚書左丞累

遷至光祿大夫有集十一卷南齊書江謐傳

有奂重奏江夏王女服一篇

梁又有太尉從事中郎蔡頤集三卷亡

蔡頤始末未詳

梁又有司空劉緄集二十卷錄一卷亡緄當為

勳

宋書南史本傳劉緄字伯猷彭城安上里人

也少有志節兼好文義初仕為廣州增城令

大明初從平竟陵王誕封金城縣五等侯明

帝時從討晉安王子助及豫州刺史殷瑛封

鄱陽侯累遷散騎常侍中領軍勳以世路糾

紛有懷止足經始鍾嶺之南以為栖息聚石

蓄水髣髴丘中朝士雅素者多往游之明帝

臨崩顧命以為守尚書右僕射元徽初桂陽

王休範為亂奄至建鄴加勳使持節鎮軍將

軍鎮扞石頭勳戰敗死之年五十七贈司空

諡曰忠昭公

嚴氏全宋文編劉勳有條對賈友北攻懸瓠

書見宋書本傳又有與殷瑛書再與殷瑛書

見瑛傳

梁又有青州刺史明舊集十卷亡舊當為僧

宋書明帝本紀泰始二年夏四月壬午以散

騎侍郎明僧嵩為青州刺史

南齊書高逸傳明僧紹字承烈平原高人也

弟僧嵩亦好學宋孝武見之迎頌其名時人

以為榮泰始初為青州刺史

南史明僧紹傳僧紹長兄僧胤僧胤次弟僧

嵩亦好學宋大明中再使魏於時新誅司空

劉誕案即竟陵王誕也 孝武謂曰若問廣陵之

事何以答之對曰周之管蔡漢之淮南帝大

悅及至魏魏問曰卿銜此命當緣上國無相

驗者耶答曰聰明特達舉袂成帷比屋之毗

又無下僕晏子所謂看國善惡故再辱此庭

位至青州刺史又云僧紹弟慶符為青州則其字慶

符也

梁又有吳興太守蕭惠開集七卷亡

宋書南史本傳惠開南蘭陵人征西將軍思

話子也少有風氣涉獵文史家雖貴戚而居

服簡素初為秘書郎著作轉太子舍人與汝

南周朗同官友善以偏奇相尚襲封陽縣侯

數遷為御史中丞拜益州刺史惠開素有大

志至蜀欲廣樹經略善於敘述聞其言者皆

以為大功可立才疎意廣竟無成功明識過

人嘗三千沙門一閱其名退無所失仕至少

府給事中泰始七年卒年四十九

嚴氏全宋文編蕭惠開有集七卷宋書本傳

有求解職表南史本傳有斬吉翰子啓

梁又有沈宗之集十卷亡

沈宗之始末未詳案魏集類梁又有詳語文一卷沈

宗之撰

梁又有大司馬張辯集十六卷亡

宋書張茂度傳茂度吳郡吳人名與高帝諱

同故稱字茂度子演演弟鏡皆有盛名鏡弟

永永弟辯太宗亦見任遇歷尚書吏部郎廣

州刺史大司馬案演鏡永並有集見前所謂張氏五

龍者唯辯弟集不見

嚴氏全宋文編張辯有集十六卷法苑珠林

有廬山招提寺釋僧瑜贊高僧傳有釋曇鑒

贊各一篇

梁又有金紫光祿大夫王瓚集十五卷錄一卷

亡瓚邪

宋書王敬弘傳敬弘同高祖諱故稱字子恢

之新安太守中大夫恢之弟瓚之世祖大明

中吏部尚書金紫光祿大夫諡曰貞子 案王

敬弘亦有集見前梁書王峻傳祖瓚之金紫光祿大夫父

秀之吳興太守

梁又有郭坦之集五卷亡

郭坦之始末未詳

梁又有會稽主簿辛湛之集八卷亡

辛湛之始末未詳

梁又有太子舍人朱年集二卷亡 朱年當為朱百

年

宋書隱逸傳朱百年會稽山陰人也少有高

情攜妻孔氏入會稽南山以伐樵采箬為業

頗能言理時為詠往往有高勝之言郡命功

曹州辟從事舉秀才並不就隱跡避人唯與

同縣孔凱友善南史作孔數百年家素貧母冬

月無絮自此不衣綿帛嘗就凱宿凱以臥具

覆之百年不覺也既覺引臥具去體謂凱曰

綿定奇温因流涕悲慟凱亦為之傷感除太

子舍人不就孝建元年卒山中年八十七妻

孔氏時人美之以比梁鴻妻 南齊書竟陵文獻

王子良傳昇明三年子良為都督五郡會稽太守郡民朱

百年有至行先卒賜其妻米百斛獨一民給其薪蘇

梁又有東海王常侍鮑德遠集六卷亡

鮑德遠始末未詳

案宋代諸王無封東海王者唯廬江王禕

傳云禕文帝第八子元嘉二十二年十

歲封東海王明帝踐阼改封廬江自元嘉

以迄明帝泰始之元則禕為東海王凡二

十一年鮑德遠為其國常侍在泰始之前

歟

梁又有會稽郡丞張緩集六卷亡

張緩始末未詳

宋寧國令劉蒼集七卷

劉蒼始末未詳

宋江州從事吳邁遠集一卷殘缺梁八卷亡

南史文學檀超傳又有吳邁遠者好爲篇章

宋明帝聞而召之及見曰此人連絕之外無

所復有邁遠好自誇而蚩鄙他人每作詩得

稱意語輒擲地呼曰曹子建何足數哉超聞

而笑曰昔劉季緒才不逮於作者而好詆訶

人文章季緒瑣焉足道哉

案劉季緒名備此

所云皆魏志陳思王傳注之言也至於邁遠何爲

者乎案南史上文附載豫章熊襄事此云又有吳邁遠

者明邁遠亦是豫章郡人爲本州從事也

鍾嶸詩品曰齊朝請吳邁遠詩善於風人答

贈

案此云齊朝請考齊書文學邱巨源傳巨源與袁象

書言吳邁遠族誅之罰則操筆大禍似邁遠爲桂陽王休

範造檄文因而族誅事在後廢帝元徽二年無出入齊爲

奉朝請鍾氏誤也

馮氏詩紀輯存飛來雙白鶴權歌行陽春歌

胡笳曲長相思別離杞梁妻楚朝曲古意

贈今人游廬山臨終詩十一篇

宋宛胸令湯惠休集三卷梁四卷

宋書徐湛之傳元嘉二十四年湛之出爲南

兖州刺史廣陵城舊有高樓湛之更加脩整

招集文士盡游玩之適一時之盛也時有沙

門釋惠休善屬文辭采綺豔湛之與之甚厚

世祖命使還俗本姓湯位至揚州從事史

鍾嶸詩品評齊惠休上人詩曰惠休淫靡情

過其才世遂匹之鮑照恐商周矣羊曜璠云

是顏公忌照之文故立休鮑之論案此又以湯

惠休爲齊人或亦誤也

唐書經籍藝文志湯惠休集三卷

馮氏詩紀曰湯惠休字茂遠初入沙門名惠

休孝武命使還俗本姓湯位至揚州刺史今

存怨詩行江南思楊花曲白紵歌秋風秋思

楚妃妃曲贈鮑侍郎凡八篇十一首

案此揚

州刺史下當有從事史三字

梁又有南海太守孫奉伯集十卷亡

宋書明帝本紀泰始四年三月戊辰以譙南

太守孫奉伯爲交州刺史

案譙南當是淮南之譙

歷代名畫記明帝時虞蘇巢尚之徐希秀孫奉伯編次

圖書裝背爲妙

又后妃傳後廢帝江皇后泰始五年太宗訪

求太子妃而卜筮最吉故爲太子納之諷朝

士州郡令獻物多者將直百金始與太守孫

奉伯止獻琴書其外無餘物上大怒封藥賜

死既而原之

南史循吏孫謙傳謙東莞莒人也從子廉字

思約父奉伯位少府卿淮南太守又謝莊傳前

廢帝將誅莊孫奉伯說帝曰死人之所同政復一往之若

不足爲困莊少長富貴且繫之尙方使知天下苦劇然後

殺之未晚帝曰卿言有理繫於左尙方明帝定亂得出

南齊書祥瑞志泰始七年明帝遣前淮南太

守孫奉伯往淮陰監元會奉伯與太祖同寢

夢上乘龍上天於下捉龍腳不得覺謂太祖

曰兖州當大庇生民弟不見也奉伯卒於宋

梁又有右將軍成元範集十卷亡

成元範始末未詳

梁又有奉朝請虞喜集十一卷亡

虞喜始末未詳

案東晉有虞喜見晉書儒林傳此殆同姓

名歟

梁又有延陵令唐思賢集十五卷亡

唐思賢始末未詳

梁又有戴凱之集六卷亡

戴凱之有竹譜見史部譜系類

鍾嶸詩品曰晉處士郭泰機嘗常侍顧愷之

宋謝世基宋參軍顧邁宋參軍戴凱詩觀此

五子文雖不多氣調警拔吾許其進則鮑照

江淹未足逮止越居中品僉曰宜哉又曰戴

凱人實貧羸而才章富健

宋司徒袁粲集十一卷并目錄梁九卷

宋書南史本傳粲字景倩陳郡陽夏人太尉

淑兄子也父濯揚州秀才蚤卒祖母哀其幼

孤名之曰愷孫清整有風操自遇甚厚嘗著

妙德先生傳以續嵇康高士傳後以自況幼

慕荀奉倩爲人明帝初請改爲粲字景倩其

外孫王筠又云明帝多忌諱反語袁愷爲殞

門帝意惡之乃令改馬粲負才尙氣愛好虛

遠雖位任隆重不以事務經懷獨步園林詩

酒自適嘗作五言詩云訪迹雖中字循寄乃

滄洲蓋其志也明帝臨崩粲爲尙書令與褚

淵劉劭並受顧命加衛將軍中書監開府儀

同三司領司徒順帝即位出鎮石頭時齊高

帝方革命粲自以身受顧託不欲事二姓密

有異圖事泄謂其子最曰本知一木不能支

大厦之崩但以名義至此耳最抱父乞先死

粲曰我不失忠臣汝不失孝子仍求筆作啓

云臣義奉大宋策名兩畢今便歸魂墳壠永

就山丘遂父子俱殞年五十八最字文高時

年十七

唐書經籍藝文志袁粲集十卷

嚴氏全宋文編袁粲有集十一卷今存臨終

啓與釋道明書妙德先生傳駁顧歡夷夏論

凡四篇

梁又有婦人牽氏集一卷亡

牽氏始末未詳

梁又有宋後宮司儀韓蘭英集四卷亡

南齊書武穆裴皇后傳吳郡韓蘭英婦人有

文辭宋孝武世獻中興賦被賞入宮明帝世

用爲宮中職寮世祖謂齊武帝也以爲博士教

六宮書學以其年老多識呼爲韓公

金樓子箴戒篇曰齊鬱林王初欲廢明帝其

文則內博士韓蘭英所作也蘭英號韓公總

內事善於文章始入爲後宮司儀 又曰齊

鬱林王時有顏氏女夫嗜酒父母奪之入宮

爲列職帝以春夜命後宮司儀韓蘭英爲顏

氏賦詩曰絲竹猶在御愁人獨向隅棄置將

已矣誰憐微薄軀帝乃還之

多也

案宋書后妃傳其後太宗留心後房擬外

百官備位置內職後宮司儀一人官品第

三準左僕射銓人士蓋宋時爲後宮司儀

至齊武帝時爲後宮博士至鬱林王時又

總知內事則入齊久矣鍾氏以爲齊人是

本志以其集題宋後宮云云故列於宋代

之末

右宋代人文凡五十七家附梁有一百十

家通計一百六十七家一百六十七部是

爲別集類分篇第六內江夏王顏延之二家各

二部又重出王韶之一家實止一百六十四家

隋書經籍志考證三十九之七

集部二之七

別集類七齊

齊文帝集一卷殘缺梁十一卷

齊書南史文惠太子長懋傳字雲喬小字白

澤武帝長子也武帝年未弱冠而生太子姿

容豐美爲高帝所愛仕宋歷中書黃門侍郎

高帝受禪封南郡王江左嫡皇孫封王始自

此也武帝即位爲皇太子初高帝好左氏春

秋太子承旨諷誦以爲口實及正位東儲善

立名尙解聲律工射從容有風儀音韻和辯

引接朝士人人自以爲得意會稽虞炎濟陽

范岫汝南周顒陳郡袁廓並以學行才能應

對左右永明五年冬太子臨國學親臨策試

諸生於坐問少傅王儉曲禮無不敬義儉及

竟陵王子良等各有酬答太子又以此義問

諸學生謝幾卿等一十人並以筆對太子又

問王儉周易乾卦說卦義儉又諮太子孝經

仲尼居曾子侍義臨川王映諮孝爲德本義

太子並應機酬答甚有條貫與竟陵王子良

俱好釋氏立六疾館以養窮人十年豫章王

嶷薨太子見上友于旣至造碑文奏之未及

鐫勒十一年春正月疾篤上表告辭薨於東

宮崇明殿時年三十六斂以袞冕之服諡曰

文惠鬱林立追尊爲文帝廟稱世宗

文選竟陵王行狀有曰文皇帝養德東朝同

符作者爰造九言實該百行命公注解衛將

軍王儉綴而序之注云竟陵王集有皇太子



九言言德言賢言親言生言靜言昭言眞言  
節言義又曰竟陵王集有皇太子九言注解  
又云衛將軍王儉爲九言序贊

唐日本國見在書曰惠文太子集十卷 案此  
轉寫誤作惠文

嚴氏全齊文編曰文惠太子追尊爲文帝有  
集十一卷今惟南齊書本傳所載疾篤上表  
一篇

梁又有齊晉安王子懋集四卷錄一卷亡

子懋有春秋例苑見經部

齊書南史本傳子懋武帝第七子也諸子中  
最爲清恬有意思廉讓好學永明八年撰春  
秋例苑三十卷奏之爲雍州刺史時啓求所  
好書武帝曰知汝常以書讀在心足爲深欣  
也賜以杜預手所定左傳及古今善言

梁又有隨王子隆集七卷亡

齊書南史本傳隨郡王子隆字雲興武帝第  
八子也性和美有文才娶尚書令王儉女爲  
妃武帝以子隆能屬文謂儉曰我家東阿也  
海陵王延興元年歷中軍大將軍侍中子隆  
年二十一而體過充壯常使徐嗣伯合盧茹  
九以自銷損猶無益明帝輔政謀害諸王武  
帝諸子中子隆最以才貌見憚故與鄱陽王  
鏞同夜先見殺文集行於世 又海陵王本紀延  
興元年九月癸未誅新除司徒鄱陽王鏞中軍大將軍隨  
郡王子隆

馮氏詩紀齊隨郡王蕭子隆有經劉嶽墓下  
詩一首

嚴氏全齊文編曰隨郡王子隆歷侍中荊州  
刺史中軍大將軍爲明帝所害有集七卷今  
存山居序一篇

齊竟陵王子良集四十卷

竟陵王有淨住子見子部雜家

齊書南史本傳子良少有清尚禮才好士善  
立勝事夏月客至爲設瓜飲及甘果著之文  
教士子文章及朝貴辭翰皆發教撰錄及正  
位司徒移居雞籠山西邸集學士鈔五經百  
家依皇覽例爲四部要略千卷又與文惠太  
子同好釋氏子良敬信尤篤所著內外文筆  
數十卷雖無文采多是勸戒

文選任彥昇行狀曰大才博瞻學綜該明  
至若曲臺之禮九師之易樂分龍趙詩析齊  
韓陳農所未究河間所未輯有一於此罔不  
兼綜者與昔沛獻訪對於雲臺東平齊聲於  
揚史淮南取貴於食時陳思見稱於七步方  
斯蔑如也又曰山宇初構超然獨往其卉木  
之奇泉石之美公所製山居四時序言之已  
詳所造箴銘積成卷軸門階戶席寓物垂訓  
從諫如順流虛己若不足至於言窮藥石若  
味滋旨貴而好禮怡寄典墳雖牽以物役孜  
孜無怠弘洙泗之風闡迦維之化豈古人所  
謂立言於世沒而不朽者歟又注曰竟陵王  
集有皇太子九言注解

南齊書樂志曰永明樂歌者竟陵王子良與  
諸文士造奏之人爲十曲  
唐書經籍志齊竟陵王集三十卷

馮氏詩紀輯存侍宴游園行宅登山等詩凡  
五首

張氏百三家南齊竟陵王集二卷凡啓奏序  
淨住子淨行法門七要及詩五十六篇題詞  
曰蕭雲英著內外文筆數十卷史謂其無文  
采多勸戒比覽遺文斥臺使憂早涉獄園泉  
鑄動見規啓仁哉言乎其痼癘乃心也雲  
英敬信釋氏撰淨住子淨行法門三十一條  
苦言勸諷感泣如雨射雉二啓奏告君父不  
離福業觀其惻隱懇誠身行津渡斷欲以王  
公努力建道場之幡擊甘露之鼓爲黔首先  
唱而天年不永其誰爲乎齊武二十三男中  
多賢令文惠竟陵居長表率皆病短折晉安  
諸王安能復存父夢疊華子罹刀醜未知西  
昌毒固在報應何等也

嚴氏全齊文編竟陵王子良有集四十卷今  
存梧桐賦表啓書賓僚七要詩序淨住子序  
眼銘耳銘口銘凡二十八篇

梁又有齊開喜公蕭遙欣集十一卷亡

齊書南史宗室傳始安王道生高帝次兄也  
子遙光遙光弟遙欣字重暉髫髻中便疑然  
明帝謂江祐曰遙欣雖幼觀其神采殊有局  
幹必成令器年十五六便博覽經史弱冠拜  
中書郎明帝入輔遙欣與遙光等參預政事  
凡所談薦皆得其人建武元年封開喜縣公  
遷荊州刺史加都督改封曲江公元元元年  
卒年三十一贈司空諡康公

梁又有領軍諮議劉祥集十卷亡

齊書南史本傳祥字顯徵東莞人穆之曾孫也少好文學性韻剛疎輕言肆行不避高下仕宋入齊建元中爲正員郎永明初撰宋書譏斥禪代尙書令王儉密以啓聞上銜而不問爲臨川王驃騎從事中郎於朝士多所貶忽著連珠十五首以寄其懷有以祥連珠啓上上令御史中丞任遐奏其過惡付廷尉上別勅祥曰我當原卿性命令卿萬里思愆卿能改革當令卿得還乃徙廣州不得意終日縱酒少時卒年三十九

鍾嶸詩品評齊黃門謝超宗潯陽太守邱靈鞠給事中郎劉祥司徒長史檀超正員郎鍾憲諸稽令顏則秀才顏則心詩曰檀謝七君並祖襲顏延欣欣不倦得士大夫之雅致乎嚴氏全齊文編劉祥有集十卷南齊書本傳有對獄鞫辭及連珠十五首

齊太宰褚彥回集十五卷

齊書南史本傳褚淵字彥回河南陽翟人祖秀之宋太常父湛之驃騎將軍尙宋武帝女淵少有世譽復尙文帝女姑姪二世相繼拜駙馬都尉除著作佐郎累遷秘書丞襲爵都鄉侯明帝即位改封零都伯歷中書令護軍將軍與袁粲受顧命輔幼主加尙書令進爵爲侯及袁粲事平進中書監司空齊臺建求爲齊官高帝謙而不許建元元年進位司徒改封南康郡公高帝遺詔以爲錄尙書事堯年四十八詔贈太宰侍中錄尙書公如故諡曰文簡世頗以名節譏之百姓語曰可憐石

頭城寧爲袁粲死不作褚淵生

南齊書樂志曰宋昇明中太祖爲齊王令司空褚淵造太廟登歌二章

唐書經籍志齊褚彥回集十五卷

唐書藝文志褚淵集十五卷

嚴氏全齊文編褚淵有集十五卷今存秋傷賦爲宋順帝禪位詔及奏議啓書凡十篇

梁又有齊黃門侍郎崔祖思集二十卷亡

齊書南史本傳祖思字敬元清河東武城人魏中尉崔琰七世孫也少有志氣好讀書年十八爲都昌令齊高帝在淮陰祖思聞風自結爲上輔國主簿甚見親待豫參謀議自相國從事中郎遷齊國內史高帝受禪除給事中黃門侍郎武帝即位啓陳政事後爲青冀二州刺史未幾卒

嚴氏全齊文編崔祖思有集二十卷今惟存本傳所載國名啓陳政事啓二篇

梁又有中軍佐鍾躍集十二卷亡

南史文學鍾躍傳鍾躍潁川長社人晉侍中雅七世孫也父蹈齊中軍參軍

梁又有餘杭令丘巨源集十卷錄一卷亡

齊書南史文學傳丘巨源蘭陵蘭陵人也宋初七斷屬丹陽後屬蘭陵少舉丹陽郡孝廉爲宋孝武所知大明五年勅助徐爰撰國史江夏王義恭取掌書記明帝即位使參詔誥引在左右自南臺御史爲王景文鎮軍參軍元徽中桂陽事起使於中書省撰符檄事平除奉朝請巨源望有封賞既而不獲乃與尙

書令袁粲自陳竟不被申沈攸之事起高帝又使爲尙書符荆州以此又望賞異自是意常不滿後除武昌太守拜竟不樂江外行武帝問之巨源曰古人云寧飲建鄴水不食武昌魚臣年已老寧死於建鄴乃以爲餘杭令明帝爲吳興巨源作秋胡詩有譏刺語以事見殺

馮氏詩紀輯存詠扇詩二首聽鄰伎詩一首嚴氏全齊文編丘巨源有集十卷今存爲尙書符荆州馳檄數沈攸之罪惡與袁粲書各一篇

齊太尉王儉集五十一卷梁六十卷瑯邪

王儉有喪服古今集記見經部禮類

齊書南史本傳儉祖曇首父僧綽並宋光祿大夫案皆有集見前儉生而僧綽遇害爲叔父僧虔所養幼有神采專心篤學手不釋卷宋明帝時爲祕書丞上表求校墳籍依七略撰七志上表獻之表辭甚典又撰定元徽四部書目少有宰相之志物議咸相推許時大典將行儉爲佐命禮義詔策皆出於儉褚淵唯爲禪詔文使儉參治之朝廷初基制度草創儉問無不決上每曰詩云惟嶽降神甫及申今天爲我生儉也儉寡嗜欲惟以經國爲務手筆典裁爲當時所重撰古今喪服集記并文集並行於世又王儉傳儉集文學士總校虛實類物錄之謂之錄事錄事自此始也

南齊書樂志曰永明二年尙書殿中曹奏太祖高皇帝廟神室奏高德宣烈之舞未有歌

詩郊應須歌辭案郊下設配字穆皇后廟神室亦未有歌辭詔尙書令王儉造太廟二室及郊配辭又曰白紵辭五曲尙書令王儉造

南史王僧虔傳僧虔著書賦儉爲注序甚工文選任彥昇撰集序略曰公字仲寶自晉中興以來六世名德海內冠冕古語云仁人之利天道運行故呂虔歸其佩刀郭璞誓以淮水公之生也誕授命世期歲而孤叔父司空簡穆公早所器異年始志學家門禮訓皆折衷於公孝友之性豈伊橋梓夷雅之體無待

韋弘初宋明帝居蕃與公母武康公主素不協及卽位有詔廢毀舊榮投棄棺槨公以死固請誓不遵奉表啓酸切義感人神太宗聞而悲之遂無以奪也宋末艱虞百王澆季禮案舊宗樂傾恆軌自朝章國紀典彝備物奏議符策文辭表記素意所不蓄前古所未聞皆取定俄頃神無滯用及國學初興華夷慕義經師人表允資望實立言必雅未嘗顯其所長持論從容未嘗言人所短弘長風流許與氣類防行無異操才無異能得奉名節迄將一紀一言之譽東陵倖於西山一盼之榮鄭璞踰於周寶士感知已懷此何極公自幼及長述作不倦固以理窮言行事該軍國豈直彫章縟采而已哉防嘗以筆札見知恩以薄技效德是用綴緝遺文永貽世範爲如干秩如干卷所撰古今集記今書七志爲一家言不列於集集錄如左案此序蓋著於本集目錄之前者是此集明明有錄爲梁任昉撰而本志失載也

南史任昉傳儉出自作文令昉點正昉因定數字儉歎曰後世誰知子定書文

又任彥昇竟陵王行狀曰文皇帝養德東朝爰撰九言實該百行命公注解衛將軍王儉綴而序之李善曰竟陵王集云衛將軍王儉爲九言序贊

鍾嶸詩品曰至如王師文憲既經國遠圖或忽是彫蟲案梁書文學鍾嶸傳齊永明中爲國子生明周易衛軍王儉領祭酒頗資接之此稱王師者蓋以此

唐書經籍藝文志王儉集六十卷

馮氏詩紀輯存四五言詩八首又太廟二室及郊配辭三首白紵辭五首

張氏百三家王文憲集一卷凡賦表議奏啓章牋書經義問答贊碑文連珠哀策詩樂歌綜五十三篇

汪氏文選撰人篇目曰文選有齊王仲寶儉褚淵碑文

嚴氏全齊文編王儉有集六十卷今存高松賦靈丘竹賦策齊公九錫文策命齊王再命

璽書奏勸受禪及章表議啓牋書答王遠之問竟陵王山居贊連珠哀策文碑文冠禮祝辭凡五十三篇編爲三卷

梁又有齊東海太守謝顯集十六卷亡

南齊書謝瀟傳瀟陳郡陽夏人祖弘微宋太常父莊金紫光祿大夫瀟四兄臧朏朏世謂謝莊名兒爲風月景山水韻字仁悠少簡

靜解褐祕書郎累至太祖驃騎從事中郎建元初爲吏部郎至太尉從事中郎永明初高

選文學以顯爲竟陵王友至北中長郎史卒南史謝莊附傳宋末爲豫章太守至石頭遂

白服登烽火樓坐免官詣齊高帝自占謝言辭清麗容儀端雅左右爲之傾目宥而不問永明中歷吏部郎有簡秀之目卒於北中郎長史

梁又有謝瀟集十卷亡一本作蕭誤

齊書南史本傳顯弟瀟字義潔年七歲王景文見而異之言於宋孝武武召見於人衆中瀟舉止閑祥應對合旨僕射褚彥回以女妻之仕齊累遷中書侍郎衛軍王儉引爲長史雅相禮遇拜吏部尙書領右軍將軍兄朏在吳興論啓公事稽晚瀟輒代朏爲啓上知非朏

手跡被問見原永泰元年卒於太子詹事年四十五贈金紫光祿大夫謚簡子齊武帝起禪林寺勅瀟撰碑文

梁又有豫州刺史劉善明集十卷亡

齊書南史本傳劉善明平原人父懷民宋世爲齊北海二郡太守善明少而靜處讀書年四十刺史劉道隆辟爲治中從事父謂之曰

我已知汝立身復欲見汝立官也善明應辟仍舉秀才宋孝武見其策強直甚異之歷北海太守尙書金部郎冀州刺史直閣將軍宋

後廢帝新立羣臣執政善明獨事齊高帝委身歸誠爲高帝驃騎諮議太尉右司馬高帝

踐阼爲淮南宣城二郡太守封新塗伯善明

至郡上表陳事凡一十一條又撰聖賢雜語奏之託以諷諫上答曰省所獻雜語並列聖

之明規衆智之深軌卿能憲章先範纂錄情  
識忠款既昭淵誠肅著當以周旋無忘聽覽  
也又諫起宣陽門表陳宜明守宰賞罰立學  
校制齊禮廣開賓館以接荒民上又優詔答  
之少與崔祖思友善祖思爲青冀二州善明  
遺書敍舊因相助以忠概及聞祖思死慟哭  
得病建元二年卒年四十九贈左將軍豫州  
刺史諡烈伯

嚴氏全齊文編劉善明有集十卷南齊書本  
傳有上表陳事遺崔祖思書弘明集有答釋  
僧巖書再答三答凡五篇

梁又有侍中褚賁集十二卷亡

南齊書褚淵傳淵長子賁字蔚先解褐祕書  
郎昇明中爲太祖太尉從事中郎歷齊世子  
中庶子領翊軍校尉建元初仍爲宮官歷侍  
中世祖永明六年上表稱疾讓封與弟纂世  
以爲賁恨淵失節於宋室故不復仕

南史附傳賁少耿介父背袁粲等附高帝賁  
深執不同終身愧恨之有棲退之志位侍中  
彥回薨服闋武帝以爲侍中領步兵校尉左  
戶尚書常謝病在外上以此望之遂諷令辭  
爵與弟纂仍居墓下永明七年卒

梁又有徵士劉蚪集二十四卷

南齊書高逸傳劉蚪字靈預南陽涅陽人也  
徙居江陵少而好學抗節須得祿便隱宋太  
始中仕至晉平王驃騎記室當陽令罷官歸  
家靜處斷穀餌朮及胡麻精信釋氏禮佛長  
齋注法華經自講佛義建元初州辟爲別駕

永明三年詔徵通直郎建武二年詔徵國子  
博士並不就其年卒年五十八南史本傳云  
一字德明晉豫州刺史喬七世孫

嚴氏全齊文編曰蚪卒諡文範先生有集二  
十四卷南齊書本傳有答竟陵王子良書釋  
藏有無量義經序

梁又有司徒主簿徵不就庾易集十卷亡

南齊書高逸傳庾易字幼簡新野新野人也  
徙居屬江陵志性恬隱不交外物以文義自  
樂安西長史袁家欽其風通書致建元初  
刺史豫章王辟臨川王映又表薦之永明三  
年詔徵太子舍人建武二年復徵爲司徒主  
簿並不就卒

又劉蚪傳建元初豫章王爲荊州教辟蚪與  
同郡宗測新野庾易並遣書禮請蚪等各修  
牋答而不應辟命永明三年刺史廬陵王子  
卿表蚪及同郡宗測宗尚之庾易劉昭五人  
請加蒲車束帛之命

梁又有顧歡集三十卷亡

顧歡有尙書百問見經部書類  
南史隱逸傳歡好學年六七歲知推六甲家  
貧父使田中驅雀歡作黃雀賦而歸及長篤  
志不倦好黃老通解陰陽書爲數術多効驗  
齊高帝踐阼上表進政綱一卷 詳見子部道家

詔稱美之會稽孔珪嘗尋歡共談四本歡曰  
蘭石危而密宜國安而疎士季似而非公深  
謬而是總而言之其失則同於是著三名論  
以正之尙書劉澄臨川王常侍朱廣之並立

論難與之往復而廣之才理尤精詣也 四本  
論詳見三國經會集條初歡以佛道二家教異學  
者互相非毀乃著夷夏論詳見子部道家歡口  
不辯善於著論又注王弼易二繫學者傳之  
知將終賦詩言志及卒武帝詔歡諸子撰歡  
文義三十卷 案梁皇侃論語義疏引顧歡既隋唐志  
不見當編入本集

馮氏詩紀輯存臨終言志詩一首  
嚴氏全齊文編顧歡有集三十卷今存本傳  
所載獻治綱表夷夏論答袁粲駁夷夏論題  
東府柱凡四篇

梁又有劉瓛集三十卷亡

劉瓛有周易乾坤義見經部易家  
南齊書本傳瓛所著文集皆是禮義行於世  
南史本傳梁武帝少時嘗經伏膺及天監元  
年下詔爲瓛立碑諡曰貞簡先生所著文集  
行於世初瓛講月令舉謂學生嚴植之曰江  
左以來陰陽律數之學廢矣吾今講此會不  
得其彷彿學者美其退讓案月令講義殆亦編入  
本集

嚴氏全齊文編曰劉瓛字子珪小名阿稱沛  
國相人晉丹陽尹憺六世孫有集三十卷南  
齊書本傳有與張融王思遠書一篇 案本志  
攷去丹陽尹劉恢集詳見東晉劉恢集條

梁又有射聲校尉劉璉集三卷亡

齊書南史劉瓛傳瓛與兄璉先後舉秀才璉  
字子璫方軌正直儒雅不及瓛而文采過之  
宋秦豫中爲明帝挽郎舉秀才爲建平王景

素征北主簿深見禮遇齊建元初爲武陵王  
暉冠軍征虜參軍文惠太子召璉入侍東宮  
每上事輒削草尋署中兵兼記室參軍大司  
馬軍事射聲校尉卒官

嚴氏全齊文編劉璉有集三卷宋書建平王  
宏傳有上書理建平王景素一篇

齊中書郎周顯集八卷梁十六卷

周顯有周易論見經部易類

齊書南史本傳顯少爲族祖朗所知 朗有集  
見前卷 宋明帝頗好言理以顯有辭義引入

殿內親近宿直帝所爲慘毒之事顯不敢顯  
諫輒誦經中因緣罪福事帝亦爲小止齊高  
帝輔政引接顯顯善尺牘沈攸之送絕交書  
高帝口授令顯裁答顯音辭辯麗出言不窮  
宮商朱紫發口成句汎涉百家長於佛理著  
三宗論言空假義西涼州智林道人遺顯書  
深相贊美兼善老易與張融相遇輒以玄言  
相滯彌日不解兼著作撰起居注始著四聲  
切韻行於時

南齊書文學陸厥傳永明末盛爲文章吳興  
沈約陳郡謝朓琅邪王融以氣類相推轂汝  
南周顯善識聲韻約等文皆用宮商以平上  
去入爲四聲以此制韻不可增減世呼爲永  
明體 案周沈同時故各有四聲之作周之四聲切韻本  
志不著錄經部小學家韻書之首有周研聲韻若干卷疑  
卽其書

唐書經籍藝文志周顯集二十卷

嚴氏全齊文編周顯有集十六卷今存言議

各一篇與杜京產書與何點書答張融書難  
門律四條重答難門律九條鈔成實論序凡  
七篇

梁又有齊左侍郎鮑鴻集二十卷錄一卷亡

鮑鴻始末未詳

案齊書百官志唯王國官有左右常侍侍

郎此左侍郎之上疑有放文

梁又有雍州秀才韋瞻集十卷亡

韋瞻始末未詳 余昔年代陶孝慈學使輯湖北通志  
藝文志有韋瞻事蹟當時不留稿今無從考補矣

梁又有正員郎劉懷慰集十卷錄一卷亡

南齊書良政傳劉懷慰字彥泰平原平原人  
也仕宋至尙書駕部郎與宗從善明等同爲  
太祖心腹懷慰與沈攸之有舊令爲書戒喻  
攸之太祖省之稱善齊臺建置齊郡治瓜步  
以懷慰爲輔國將軍齊郡太守上謂之曰齊  
邦是王業所基吾方以爲顯任經理之事一  
以委卿懷慰至郡修治城郭安集居民不受  
禮謁民有餉其新米一斛者懷慰出所食麥  
飯示之曰且食有餘幸不煩此因著廉吏論  
以達其意太祖聞之手勅褒賞進督秦沛二  
郡在郡二年遷正員郎領青冀二州中正懷  
慰本名聞慰世祖卽位以與舅氏名同敕改  
之永明九年卒年四十五懷慰與濟陽江淹  
陳郡袁彖善亦著文翰永明初獻皇德論云  
南史劉懷珍傳論曰懷珍宗族文質斌斌自  
宋至梁時移三代或以隱節取高或以文雅  
見重古人云立言立德斯門其有之乎又篇

目云懷珍從子懷慰懷慰子霽杏歆懷珍族  
弟善明從父弟峻從孫訐獻峻訐並有集見梁代  
善明集見前

梁又有永嘉太守江山圖集十卷亡

江山圖始末未詳

案南齊書高逸顧歡傳歡吳郡鹽官人卒

於剡還葬舊墓木連理生墓側縣令江山

圖表狀又祥瑞志云永明元年八月鹽官

縣內樂村木連理蓋卽其事則江山圖武  
帝初爲鹽官令

梁又有驃騎記室參軍荀憲集十一卷亡

荀憲始末未詳

齊前軍參軍虞義集九卷殘缺梁十一卷

南史王僧孺傳司徒竟陵王子良開西邸招  
文學僧孺與太學生虞義丘國賓蕭文琰丘  
令楷江洪劉孝孫並以善辭藻游焉義字士  
光會稽餘姚人盛有才藻卒於晉安王侍郎  
文選虞子陽詩注虞義集敍曰義字子陽會  
稽人也七歲能屬文後始安王引爲侍郎尋  
兼建安征虜府主簿功曹又兼記室參軍事  
天監中卒

鍾嶸詩品評梁常侍虞義詩曰子陽詩奇句

清拔謝朓嘗嗟誦之

唐書經籍藝文志虞義集十一卷

馮氏詩紀輯存詩十首編入梁代

汪氏文選撰人篇目曰文選有梁虞子陽義

咏霍將軍詩

嚴氏全齊文編曰虞義字士光建武初爲前

軍參軍卒於晉安王侍郎有集十一卷藝文類聚有與蕭令王僕射書為袁象求證一篇廣弘明集二十三有廬山香爐峯寺景法師行狀一篇刊本無後一篇文編自有之

梁又有平陽令章沈集十卷亡

章沈始末未詳

梁又有車騎參軍任文集十一卷亡

任文始末未詳

梁又有卞鑠集十六卷亡

南史文學丘巨源傳初袁仲明與劉融卞鑠俱為袁粲所賞恆在坐席粲為丹陽尹鑠為主簿好詩賦多譏刺世人坐徙巴州

梁又有婁幼瑜集六十六卷亡

婁幼瑜有喪服經傳義疏見經部禮類

梁又有長水校尉祖冲之集五十一卷亡

祖冲之有綴術見子部曆數家

齊書南史文學傳冲之稽古有機思宋孝武使直華林學省始元嘉中用何承天所製曆比古十一家為密冲之以為尙疎乃更造新法上表言之孝武令朝士善曆者難之不能屈文惠太子在東宮見冲之曆法啓武帝施行文惠尋薨又寢轉長水校尉造安邊論欲開屯田廣農殖建武中明帝欲使冲之巡行四方興造大業可以利百姓者會連有軍事竟不行著易老莊義釋論語孝經注九章造綴術數十篇  
嚴氏全齊文編祖冲之有集五十一卷宋書曆志及本傳載上新曆表辯戴法與難新曆

各一篇南史本傳有安邊論亡

案祖冲之所著易義老子義莊子義論語釋孝經釋九章注諸書本志皆不見維綴術六卷載之曆數家觀史文連綴所著於傳末似與所造新曆皆編入本集五十卷中也

齊中書郎王融集十卷項邪

齊書南史本傳融字元長祖僧達中書令有集見前卷 母臨川太守謝惠宣女惇敏婦人也教融書學少而神明警惠博涉有文才舉秀才累遷太子舍人啓齊武帝求自試從叔儉初有儀同之授贈儉詩及書儉甚奇之永明末武帝欲北侵使毛惠秀畫漢武北伐圖使融掌其事融因此上疏開張北侵之議九年上幸芳林園禊宴朝臣使融為曲水詩序文藻富麗當世稱之上以融才辯十一年使兼主客接魏使房景高宋弁因問曲水詩序云在北開主客此製勝於顏延年實願一見融乃示之後日宋弁謂融曰昔觀相如封禪以知漢武之德今覽王生詩序用見齊主之盛融曰皇家盛明豈直比蹤漢武更慚鄙製無以遠匹相如融躁於名利自恃人地三十內望為公輔及為中書郎撫案歎曰為爾寂寂鄧禹笑人及魏軍動竟陵王子良板融寧朔將軍軍主融文辭捷速有所造作援筆可待子良特相友好情分殊常特為謀主武帝病篤融欲矯詔立子良詔草已立西昌侯鸞入奉太孫上殿子良不得立鬱林深怨融即

位十餘日收下廷尉融獄辭中言所上甘露頌及銀甕啓三日詩序接虜使語辭竭思稱揚云云詔於獄賜死融請救於子良子良憂懼不敢救時年二十七文集行於世

南史王攜傳永明八年天忽黃色照地衆莫能解司徒法曹王融上天頌攜曰是非金天所謂榮光武帝大悅

鍾嶸詩品曰至乎吟咏性情亦何貴於用事思君如流水既是即目高臺多悲風亦惟所見清晨登隴首羌無故實明月照積雪詎出經史觀古今勝語多非補假皆由直尋顏延謝莊尤為繁密於時化之故大明泰始中文章殆同書鈔近任昉王元長等辭不貴奇競須新事爾來作者寢以成俗遂乃句無虛語語無虛字拘繫補納蠹文已甚但自然英旨罕值其人詞既失高則宜加事義雖謝天才且表學問亦一理乎

又曰千百年中不聞宮商之辨四聲之論齊有王元長者嘗謂余云宮商與二儀俱生自古詞人不知之唯顏憲子乃云律呂音調而其實大謬唯見范曄謝莊顏識之耳常欲進知音論未就王元長創其首謝朓沈約揚其波云云

唐日本國見在書目王融集十卷  
唐書經籍藝文志王融集十卷宋史藝文志七卷  
崇文總目王融文集七卷  
馮氏詩紀輯存樂府歌辭四十首四五言雜

詩五十六首

張氏百三家王寧朔集一卷凡賦疏表策問  
啓書序淨住子頌哀策文墓銘樂府詩聯句  
九十餘篇題詞曰長元曲水詩序有名當世  
北使欽賜擬於相如封禪昭明登之文選玄  
黃金石斐然盈篇即詞涉比偶而壯氣不沒  
其焜耀一時亦有繇也竟陵王宗子長賢元  
長投許情分法門贊頌如祚篋夫南齊王業  
太孫壞之孝武多男西昌賊之設元長志遂  
竟陵當陽蕭氏福祚可世世也

汪氏文選撰人篇目曰文選有齊王元長融  
策秀才文五首又五首曲水詩序

嚴氏全齊文編王融有集十卷今存擬風賦  
桐樹賦策秀才文表疏啓書下獄答辭曲水  
詩序淨住子頌哀策文墓誌銘凡五十八篇

齊吏郎部謝朓集十二卷謝朓逸集一卷 一本作  
眺非

齊書南史本傳眺字玄暉陳郡陽夏人祖述  
吳興太守父緯散騎侍郎眺少好學有美名  
文章清麗爲隨王子隆鎮西功曹轉文學子  
隆在荊州好辭賦眺尤被賞愛流連晤對不  
舍日夕長史王秀之以眺年少相勸欲以啓  
聞眺知之因事求還道中爲詩寄西府曰常  
恐鷹隼擊時菊委嚴霜寄語屬羅者寥廓已  
高翔是也仍除新安王中軍記室箋辭子隆  
執筆便成文無點易明帝輔政以爲驃騎諸  
議領記室掌竊府文筆又掌中書詔誥出爲  
宣城太守數遷爲尙書吏部郎善草隸長五

言沈約常云二百年來無此詩也敬皇后遷

祔山陵眺撰哀策文齊世莫有及者東昏失  
德江祔與弟祕密謂眺欲行廢立始安王  
遙光遙光又遣親人劉渢致意於眺眺自以  
受恩明帝不肯答遙光大怒乃稱勅召眺仍  
回車付廷尉與徐孝嗣江祔劉暄等連名啓  
誅眺又使御史中丞范岫奏收眺下獄死年

三十六眺及殷叡素與梁武以文章相得云  
鍾嶸詩品齊吏部郎謝朓詩其源出於謝混  
微傷細密頗在不倫一章之中自有玉石然  
奇氣秀句往往警適足使叔源失步明遠變  
色善自發詩端而未篇多躡此意銳而才弱  
也至爲後進士子之所嗟慕眺極與余論詩  
感激頓挫過其文

唐日本國見在書目謝朓集一卷又曰謝朓  
集十卷更下當殿部字

唐書經籍藝文志謝朓集十卷

宋史藝文志謝朓集十卷又詩一卷  
崇文總目謝玄暉文集十卷謝朓撰

晁氏讀書志謝朓集十卷齊謝朓玄暉也明  
帝初自中書郎出爲東海太守東昏時爲江  
祔黨譖害之尤長五言詩文選所錄眺詩僅  
二十首集中多不載今附入

陳氏書錄曰謝宣城集五卷齊中書郎陳郡  
謝朓玄暉撰集本十卷樓炤知宣州止以上  
五卷賦與詩刊之下五卷皆當時應用之文  
衰世之事可采者已見本傳及文選餘視詩  
劣焉無傳可也

馮氏詩紀輯存樂府詩四卷又齊粵祭歌八

首南齊書樂志曰建武二年粵祭明堂謝朓  
造辭一依謝莊凡迎神八章世祖武皇帝三  
章青帝三章赤帝三章黃帝三章白帝三章  
黑帝三章送神五章

張氏百三家謝宣城集題辭曰李青蓮論詩  
目無往古惟於謝玄暉三四稱服泛月登樓  
篇咏數見至欲攜之上華山問青天余讀青  
蓮五言詩情文駿發亦有似玄暉者知其與  
歎難再誠心儀之非臨風空憶也梁武帝極  
重謝詩云三日不讀即覺口臭簡文與湘東  
書推爲文章冠冕述作楷模劉孝綽曰置几

案沈休文每稱未有其見貴當時又復如是  
今反覆誦之益信古人知言雖漸啓唐風微  
遜康樂要已高步諸謝矣

四庫提要曰謝宣城集五卷齊謝朓撰眺以  
中書郎出爲宣城太守以選復爲中書郎又

出爲晉安王鎮北諮議南東海太守行南徐  
州事遷爲尙書吏部郎被誅其官實不止於  
宣城太守然詩家皆稱謝宣城殆以北樓吟  
咏爲世盛傳耶張溥刻百三家集合眺詩賦  
五卷爲一卷此本五卷即紹興二十八年樓  
炤所刻前有炤序猶南宋佳本也

又簡明目錄曰原本十卷宋樓炤惟刻其詩  
五卷觀其附載王融和詩知不由炤拾成也  
眺詩爲沈約所推賞而鍾嶸則抑揚參半要  
皆愛憎之私趙紫芝詩稱輔嗣易行無漢學  
玄暉詩變有唐風於文質升降之際獨得其

平

汪氏文選撰人篇目齊謝玄暉眺有新亭落  
詩游東田詩銅雀臺詩答呂法曹詩在郡臥  
病詩夜發新林詩酬王晉安詩出新林浦向  
板橋詩敬亭山詩休沐詩登三山詩京路夜  
發詩鼓吹曲一首出尙書省詩中書省詩觀  
朝雨詩郡內登望詩孫權故誠詩八公山詩  
和徐都曹詩怨情詩辭隨王牋皇后哀策文  
嚴氏全齊文編據本集文選藝文類聚輯存  
賦九篇教二章一表三牋一啓三諡策文一  
哀策文一墓誌銘四祭文三凡二十八篇又  
文編卷首敘錄曰謝朓集五卷一明刻本一  
吳騫刻本

梁又有王巾集十一卷亡堪邪

王巾或作王巾有法師傳十卷見史部雜傳  
家

鍾嶸詩品評齊記室王巾齊綏遠太守卜彬  
齊端溪令卜錄詩曰王巾二下詩並愛奇嘯  
絕慕袁彥伯之風雖不宏綽而文體勦淨去  
平美遠矣

文選頭陀寺碑文注王簡棲爲頭陀寺碑文  
詞巧麗爲世所重碑在鄂州題云齊國錄事  
參軍琅邪王巾製

嚴氏全梁文編曰王巾卒於梁天監四年似  
當入梁而隋志注列於齊謝朓之下豈入梁  
不仕者耶有集十一卷今惟存文選頭陀寺  
碑文一篇

齊司徒左長史張融集二十七卷梁十卷又有張

融玉海集十卷大澤集十卷金波集六十卷亡

張融有少子見子部道家

齊書南史本傳融弱冠有名後浮海至交州  
於海中作海賦文辭詭激獨與衆異後以示  
鎮軍顧顛之顛之曰卿此賦實超玄虛但恨  
不道鹽耳融即求筆注曰漉沙構口熬波出  
素積雪中春飛霜著路此四句後所足也自  
序有曰吾文章之體多爲世人所驚夫文豈  
有常體但以有體爲常常使常有其體又曰  
吾之文章體亦何異何嘗顛溫涼而錯寒暑  
綜哀樂而橫歌哭哉政以屬辭多出比事不  
羈不阡不陌非途非路耳又曰吾義亦如文  
吾無師無友不文不句頗有孤神獨逸耳又  
曰吾昔嗜僧言多肆法辯臨卒又戒其子曰  
吾文體英絕變而屢奇既不能遠至漢魏故  
無取嗟晉宋豈吾天挺蓋不隴家聲融文集  
數十卷行於世自名其集爲玉海司徒褚淵  
問其故融云蓋玉以比德海崇上善耳張氏  
知名前有敷演鏡暢後有充融卷稷 案融會稽太守暢子也暢有集見前卷

又傳論曰有晉自宅淮海張氏無乏賢良及  
宋齊之間雅道彌盛其前則云敷演鏡暢蓋  
其尤著者也然景胤微愛之道少微立履所  
由其殆優矣謂敷及暢也思光行己卓越非常  
俗所遵齊高帝所云不可有二不可無一斯  
言其幾得矣  
鍾嶸詩品曰思光紆綏誕放縱有乖文體然  
亦捷疾豐饒差不局促

唐書經籍藝文志張融玉海集六十卷

馮氏詩紀輯存白日歌蕭史曲憂且吟別詩  
凡四首

張氏百三家張長史集一卷凡賦牋書門論  
門律自序誠子詩凡一十四篇題詞曰張氏  
世理音辭修儀範思光獨詭越驚人似一狂  
士然孝親敬嫂感德重義人倫之際何聲塵  
也自序文章云不阡不陌非途非路後有狀  
者不如其善自狀也海賦文辭詭激欲前無  
木華雖體製未諧藩籬已判傳詩絕少落落  
如之白雲清風孤臺明月想見其人 案張融別詩云白雲山上盡清風松下欲欲識離人悲孤蓬見明

四庫提要別集類小序曰集始於東漢荀況  
諸集後人追題也其自製名者始於張融玉  
海集

嚴氏全齊文編張融有集二十七卷又玉海  
集十卷大澤集十卷金波集六十卷今存海  
賦牋書門律自序白日歌序遺令戒子防墓  
評凡十三篇 案經部論語類梁有當家語二卷魏博

士張融撰亡此防墓評疑即其佚文又疑是聖證論中之  
張融評也

梁又有齊羽林監庚詔集十卷亡  
庚詔始末未詳

梁又有黃門郎王僧祐集十卷亡堪邪  
南史王弘傳弘弟子遠遠子僧祐字胤宗幼  
聰悟叔父微撫其首曰兒神明意用當不作  
率爾人亦爲從兄儉所重舉秀才爲驃騎法



曹雅好博古善老莊不尚繁華工草隸善鼓

琴亭然獨立不交當世沛國劉獻上書薦為

著作佐郎遷司空祭酒謝病不與公卿游齊

高帝謂王儉曰卿從可謂朝隱答曰臣從非

敢妄同高人直是愛閑多病耳齊武帝數問

武僧祐獻講武賦時何點王思遠之徒請交

並不降意自天子至於侯伯未嘗與一人游

卒於黃門郎子籍

馮氏詩紀輯存贈王儉詩曰汝家在市門我

家在南郭汝家饒賓侶我家多鳥雀 案此四句見本傳

梁又有太常卿劉俊集二十卷錄一卷亡

齊書南史本傳俊字士操彭城安上里人父

劬宋司空勳有集見前卷隨父征竟陵王誕於

廣陵以功拜駙馬都尉與齊武帝同直殿內

並為宋明帝所親待由是與武帝款好本名

忱宋明帝多忌反劉忱為臨離改名俊焉齊

高帝霸業初建俊先致誠節歷仕高帝武帝

鬱林王明帝至東昏即位為散騎常侍領驍

騎將軍五兵尚書卒年六十一贈太常常侍

都尉如故諡曰敬

嚴氏全齊文編劉俊有集二十卷今惟存本

傳所載蒙山采銅啓一篇

梁又有祕書王寂集五卷亡 案此四句見本傳

齊書王僧虔傳僧虔第九子寂字子玄性迅

動好文章讀范滂傳未嘗不歎挹王融敗後

賓客多歸之建武初欲獻中興頌兄志謂曰

汝膏梁年少何患不達不鎮之以靜將恐貽

譏寂乃止初為祕書郎卒年二十一

齊金紫光祿大夫孔稚珪集十卷

孔稚珪有陸先生傳見史部雜傳家

齊書南史本傳稚珪少學涉有美譽高帝為

驃騎以稚珪有文翰取為記室參軍與江淹

對掌辭筆永明中勅與公卿八座共刪律律

文為二十卷錄敍一卷稚珪表上其事又請

立律學助教依五經例詔報從之建武初以

魏連歲南侵征役不息百姓死傷乃上表陳

通和之策帝不納稚珪風韻清疎好文詠飲

酒七八斗與外兄張融情趣相得又與琅邪

王思遠廬江何點點弟胤並款交不樂世務

居宅盛營山水憑几獨酌傍無雜事門庭之

內草萊不剪中有蛙鳴以此當兩部鼓吹云

鍾嶸詩品評齊司徒長史張融詹事孔稚珪

詩曰德璋生於封谿而文為雕飾青於藍矣

案張融嘗為封谿令

唐日本國見在書曰孔稚珪集十卷

唐書經籍藝文志孔稚珪集十卷宋史藝文志

同 崇文總目同

晁氏讀書志孔稚珪集十卷稚珪道隆孫曾

稽山陰人為東南冠族少知名有文采辭章

清拔獨冠當世集有序云所為文章雖行於

世竟未撰集今撫其遺佚分為十卷然莫知

其為誰序也

陳氏書錄解題孔德璋集十卷齊太子詹事

孔稚圭德璋撰北山移文其所作也

馮氏詩紀輯存白馬篇二首且發青林游太

平山各一首

張氏百三家孔詹事集一卷凡表奏啓書碑

北山移文祭文詩十八篇題辭曰汝南周顒

結舍鍾嶸後出為山陰令秩滿入京復經此

山稚珪代山移文絕之昭明取入文選中孔

周二傳俱不載此事豈調笑之言無關紀錄

如嵇康於山濤徒有其書交未嘗絕也

汪氏文選撰人篇目文選有齊孔德璋稚珪

北山移文

孔氏闕里文獻考孔氏別集有先聖二十九

代孫齊散騎常侍稚珪集十卷

嚴氏全齊文編孔稚珪南史作孔珪有集今

存表奏啓北山移文碑文祭文凡十三篇

齊後軍法曹參軍陸厥集八卷梁十卷

南齊書文學傳厥字韓卿吳郡吳人揚州別

駕閑子也少有風概好屬文五言詩體甚新

奇永明九年詔百官舉士司徒左西掾顧嵩

之表薦焉州舉秀才為王晏少傅主簿遷後

軍行參軍永安九年始安王遙光反厥父閑

被誅厥坐繫尚方尋有赦令厥恨父不及感

慟而卒年二十八文集行於世

鍾嶸詩品評梁秀才陸厥詩曰觀厥文緯具

識丈夫之情狀自製未優非言之失也

唐書經籍藝文志陸厥集十卷

馮氏詩紀輯存蒲坂行齊歌行南郡歌邯鄲

行左馮翊歌京兆歌李夫人及貴人歌各一

首中山王孺子妾歌二首臨江王節士歌一

首又奉答內兄希叔五首案自蒲坂行至臨江王

節士歌皆擬漢書藝文志詩賦略中所載之韻詳見余所輯漢志條理第五卷中

汪氏文選撰人篇目曰文選有齊陸韓卿厥答內兄希叔詩孺子妾歌

嚴氏全齊文編陸厥集十卷今惟存齊書南史所載與沈約論聲韻書一篇

齊太尉徐嗣集十卷梁七卷

齊書南史本傳孝嗣字始昌東海郟人也祖湛之宋司空父聿之著作郎並為太子劾所殺孝嗣在孕得免幼而挺立風儀端簡八歲襲爵枝江縣公見宋孝武帝升階流涕迄於就席帝甚愛之尙康樂公主拜駙馬都尉除著作郎齊建元初國除累遷五兵尙書武帝勅儀曹令史陳淑王景之朱玄真陳義民撰江左以來儀典令諮受孝嗣竟陵王子良好佛法使孝嗣及廬江何胤掌知齊講及衆僧明帝謀廢鬱林孝嗣即還家草太后令以廢立功封枝江縣侯明帝即位進爵為公位尙書令孝嗣愛好文學器量弘雅不以權勢自居故見容明帝之時連年魏軍動國用虛乏孝嗣表立屯田明帝崩受遺託加中書監永元初輔政進位司空其冬入華林省東昏侯遣茹法珍賜藥卒和帝中興元年贈太尉二年諡曰文忠改封餘干縣公  
梁書徐勉傳勉上修五禮表曰伏尋所定五禮起齊永明三年製作歷年未就建武四年齊明帝勅委尙書令徐孝嗣舊事本末隨在南第永元中孝嗣於此遇禍又多零落當時

鳩斂所餘權付尙書左丞蔡仲熊驍騎將軍何休之共掌其事

唐書經籍藝文志徐孝嗣集十二卷

馮氏詩紀輯存白雪歌一首

嚴氏全齊文編徐孝嗣有集十卷今見本傳及齊書禮志通典有表立屯田奏勅蕭元蔚等嗣君廟見議冠婚禮議四篇

梁又有侍中劉暄集十一卷亡

齊書南史江祐傳明帝遺詔轉祐尙書左僕射弟衛尉祀為侍中敬皇后弟劉暄為衛尉

與始安王遙光尙書令徐孝嗣領軍蕭坦之六人輔政時呼為六貴東昏即位遷散騎常侍右衛將軍暄字士穆彭城人出身南陽國

常侍遙光事起以討暄為名事平暄遷領軍將軍封平都縣侯其年左右小人茹法珍梅

蟲兒徐世標譖暄有異志乃見殺和帝中興元年贈散騎常侍撫軍將軍開府儀同三司

梁又有通直常侍裴昭明集九卷亡

南齊書良政傳裴昭明河東聞喜人宋太中大夫松之孫也父駟南中郎參軍昭明少傳

儒史之業宋泰始中為太學博士議太子婚納徵禮準的經誥凡諸僻謬一皆詳正元徵

中出為長沙郡丞歷祀部通直郎齊永明三年使虜還為始安內史九年復遣北使建武

初為王玄邈安北長史廣陵太守昭明歷郡皆有勤績中興二年卒南史裴松之附傳曰

昭明子子野

嚴氏全齊文編裴昭明有集九卷本傳及宋

書禮志通典有議皇太子納徵禮郊殷議各一篇

梁又有虞炎集七卷亡

南齊書文學陸厥附傳會稽虞炎永明中以文學與沈約俱為文惠太子所遇意盼殊常官至驃騎將軍南史作驍騎是也

又孝義公孫僧遠傳太祖即位遣兼散騎常侍虞炎十二部使行天下建元三年表列僧遠等二十三人詔並表門閭

馮氏詩紀輯存玉階怨一首又附見謝朓集詩三首

嚴氏全齊文編曰虞炎會稽人初為博士累遷散騎侍郎驍騎將軍有集七卷齊書禮志及通典有郊壇瓦屋議宋本鮑照集有虞炎

序各一篇

梁又有吏部郎劉瑱集十卷亡

南史劉劭傳劭彭城安上里人也劭子悛悛弟繪繪弟瑱字士温少有行業文藻篆隸丹

青並為當世所稱時有榮陽毛惠遠善畫馬瑱善畫婦人並為當世第一瑱妹為齊鄱陽

王妃瑱仕齊歷尙書吏部郎義興太守先繪卒

馮氏詩紀輯存上湘度琵琶磯詩一首

梁又有梁國從事中郎劉繪集十卷亡

南史劉劭傳劭子悛悛弟繪字士章初為齊高帝行參軍豫章王嶷鎮江陵繪為參軍以文義見禮歷中書郎掌詔誥勅助國子祭酒

何胤撰脩禮儀永明末都下人士盛為文章

談義皆湊竟陵王西邸繪爲後進領袖時張融以言詞辯捷周顒彌爲清綺而繪音采不

瞻麗雅有風則時人爲之語曰三人共宅夾清漳張南周北劉中央言其處二人間也魚

復侯子響誅後豫章王嶷欲求葬之召繪爲表言其事繪須臾便成嶷歎曰禰衡何以過

此唯足八字云提攜鞠養俯見成人後魏使至繪以辭辯被勅接使事畢當撰語辭繪謂

人曰無論潤色未易但得我語亦難矣數遷爲建安王車騎長史行府國事及梁武起兵

東昏見殺城內遺繪及國子博士范雲等齋其首詣梁武帝於石頭轉大司馬從事中郎

卒案此大司馬即梁武帝故是集題梁國從事中郎南齊書本傳繪聰警有文義善隸書撰能書

人名自云善飛白言論之際頗好矜詡中興二年卒年四十五案齊和帝中興二年亦即梁武帝

天監元年蓋卒於是年四月禪位之前也梁書劉孝綽傳父繪齊大司馬霸府從事中郎繪齊世掌詔誥孝綽年未志學繪嘗使代

草之鍾嶸詩品評齊寧朔將軍王融齊中庶子劉繪詩曰元長士章並有盛才詞美英淨至於

五言之作幾乎尺有所短譬應變將略非武侯所長未足以貶臥龍

馮氏詩紀輯存樂府二首詩五首嚴氏全齊文編劉繪有集十卷魚復侯傳有

爲豫章王嶷乞收葬蛸子響表南史齊宗室傳有與始安王遙光箋禮志有難何修之南

北郊性色議凡三篇齊侍中袁象集五卷并錄

齊書南史本傳象字偉才陳郡陽夏人父觀武陵太守觀有集見前象少有風氣好屬文及

玄言觀臨終與兄顓書曰史公才識可喜足懋先基矣史公象小字也舉秀才仕宋爲齊

高帝太傅相國主簿秘書丞議駁檀超國史入齊爲中書郎兼御史中丞數遷爲侍中隆

昌元年卒年四十八諡靖子馮氏詩紀輯存贈庾易一首游仙詩二首

嚴氏全齊文編袁象有集五卷齊書本傳有駁檀超國史條例議南史袁湛附傳有苟蔣

之兄弟罪議謝超宗傳有奏劾超宗凡三篇齊中書郎江奐集九卷并錄

江奐始末未詳唐書經籍藝文志江奐集十一卷舊志考刊本

作汪奐馮氏詩紀曰江朝請奐有綠水曲一首齊平西諮議宗躬集十三卷

宗躬有孝子傳見史家雜傳家唐書經籍藝文志宗躬集十二卷

齊太子舍人沈麟士集六卷沈麟士有喪服經傳義疏見經部禮類

南史隱逸傳麟士幼而俊敏及長博通經史有高尙之心居貧織簾誦書口手不息鄉里

號爲織簾元生宋元嘉末文帝令僕射何尙之抄撰五經訪舉學士縣以麟士應選尙之

謂子偃曰山藪故多奇士沈麟士黃叔度之

流也汝其師之或勸之仕答曰魚縣獸檻天上一契聖人玄晤所以每履吉先吾誠未能

景行坐忘何爲不希企日損乃作玄散賦以絕世重陸機連珠每爲諸生講之以楊王孫

皇甫謐深達生死而終禮矯俗乃自爲終制遺令

嚴氏全梁文編曰沈麟士一作麟士宋侍中懷文族子元嘉末舉學士尋稱疾歸終宋至

齊累徵不就梁受禪與何點同徵又不就天監二年卒年八十五齊書作八十六今從南

史案鄭元慶湖錄金石考載沈氏述祖德碑云天監癸未蓋碑文作於臨卒之年也有集

六卷今存與沈約書辭表薦一篇答張永使者辭功曹一篇終制遺令一篇沈氏述祖德

碑一篇凡四篇烏程蔣鑿文編目錄附注曰述祖德碑其文

謬妄百出乃沈氏後人僞撰右南齊人文凡一十六家附梁有三十六

家通計五十二家五十六部是爲別集類分篇第七內謝朓一家二部張融一家四部

隋書經籍志考證卷三十九之八

集部二之八

別集類八

梁武帝集二十六卷梁三十二卷

梁武帝詩賦集二十卷

梁武帝雜文集九卷

梁武帝別集目錄二卷

梁武帝有周易大義見經部易家

金樓子與王篇梁高祖武皇帝晚年探蹟索

隱窮理盡性究覽墳籍神悟知機讀書不待

溫故一閱皆能誦憶所以馳聘古今備該內

外辯解聯環論精堅白六義四始尤解禮體

登高必賦莫非警策弱冠升朝令聞籍甚太

尉王儉欽上風雅司徒竟陵王待上賓友之

禮范雲時為司徒記室深慕上德自結神游

又曰作連珠五十首以明孝道

又說蕃篇曰竟陵蕭子良好文學我高祖王

元長謝玄暉張思光何憲任昉孔廣江淹虞

炎何憫周顒之儔皆當時之傑號士林也

梁書南史本紀齊竟陵王子良開西邸招文

學高祖與沈約謝朓王融蕭琛范雲任昉陸

倕等並游焉號曰八友天情睿敏下筆成章

千賦百詩直疏使就皆文質彬彬超邁今古

爰自在田及登寶位躬製贊序詔誥銘誄箴

頌牋奏凡諸文集又百二十卷歷觀古昔人

君恭儉莊敬藝能博學罕或有焉

隋書音樂志初武帝之在雍鎮有童謠云襄

陽白銅蹄反縛揚州兒識者言白銅蹄謂馬

也自金色也及義師之興實以鐵騎揚州之

士皆面縛果如謠言故即位之後更造新聲

帝自為之詞三曲又令沈約為三曲以被管

絃帝既篤敬佛法又制善哉大樂大歡天道

仙道神王龍王滅過惡除愛水斷苦轉等十

篇名為正樂皆述佛法又有法樂童子伎童

子倚歌梵唄設無遮大會則為之

梁書劉孝綽傳高祖為藉田詩使僕射徐勉

先示孝綽時奉詔作者數十人

又羊侃傳大同三年車駕幸樂游苑侃預宴

高祖製武宴詩三十韻以示侃侃即席應詔

又王僧孺傳高祖製春景明志詩五百字勅

在朝之人沈約已下同作

又江革傳時高祖盛於佛教朝賢多啓求受

戒革精信因果而高祖未知謂革不奉佛教

乃賜革學意詩五百字云惟常勤精進自彊

行勝脩豈可作底突如彼必死囚以此告江

革并及諸貴游又手敕云世間果報不可不

信豈得底突如對元延明耶革因啓乞受菩

薩戒底突元延明事亦見本傳

又蕭子雲傳子雲答敕曰臣年二十六著晉

史至二王列傳欲作論草隸法言不盡意十

許年來始見勅旨論書一卷商略筆勢洞澈

字體又以逸少之不及元常猶子敬之不及

逸少自此研思方悟隸式唐寶象述書賦注云梁

武帝撰書評又云今見帶名行書及制草雜批等四十餘

紙又宋郭若虛圖畫見聞志載梁武帝撰昭公錄畫畫品

錄之類也與書評當編入本集

又蕭子顯傳中大通三年子顯啓撰高祖集

并普通北伐記其年遷國子祭酒於學述

高祖五經義

又文學任孝恭傳孝恭進直壽光省為司文

侍郎勅遣製建陵寺刹下銘又啓撰高祖集

序文並富麗

沈約武帝集序略曰我皇誕縱自天生知在

御清明內發疏通外典爰始貴游篤志經術

究淹中之雅旨盡曲臺之奧義莫不因流極

源披條振瀆若前疑往滯舊學罕通而超然

直詣妙拔終古善發談端精於持論置墨難

踰摧鋒莫擬有同成誦無假含豪輿絕節於

高唱振清辭於蘭晚至於春風秋月送別望

歸皇王高宴心期促賞莫不超挺容與溶發

神衷及登庸歷試辭翰繁蔚記風動表議

雲飛懷君人之大德有事君之小心為下奉

上形於辭旨雖密奏忠規遺稿必削而國謨

藩政存者猶多逮乎俯應歸運仰脩乾錄載

筆握簡各有司存如綸之旨時或染翰暨於

設虞靈囿愷樂在鎬鹿鳴四牡皇華棠棣之

歌伐木采薇出車杖杜之讌皆詠志摛藻廣

命羣臣上與日月爭光下與鍾石比韻事同

觀海義等窺天觀之而不測游之而不知者

矣竊維左史記言右史記事君舉必書無論

大小況乎感而後思思而後積積而後滿滿

而後言若斯而已哉謹因事立名隨源編次

周書蕭大圓傳保定二年開麟趾殿招集學

士大圓預焉梁武集四十卷止一本江陵平

後藏祕閣大圖既入麟趾方得見之乃手寫焉

南史沈約傳約子旋旋次子衆字仲師好學有文辭仕梁爲太子舍人時梁武帝制千文詩衆爲之注解

本志總集類圍棋賦一卷梁武帝撰又曰梁武連珠一卷沈約注梁武帝制旨連珠十卷梁邵陵王綸注梁武帝制旨連珠十卷陸緬注

唐書經籍藝文志梁武帝集十卷

玉海聖文御集類唐志梁武帝集四十卷案此似有徵文

馮氏詩紀輯存樂府一卷三十八篇詩一卷

三十三篇聯句一篇 題云清暑殿效伯梁體帝與新安太守任昉侍中徐勉丹陽丞劉沈黃門侍郎柳悅吏部郎中謝覽侍中張卷太子中庶子王峻御史中丞陸果右軍主簿陸倕司徒主簿劉帝司徒左西屬江曹凡十一人

張氏百三家輯本序曰帝兼文武之才制旨二百餘卷五禮一千餘卷通史六百卷後世無由誦讀今得其詔令書勅諸篇置帝王集中則魏晉風烈間有存者凡賦詔勅制冊璽書令檄表書序記連珠箴銘雜文凡百九十餘篇樂府詩聯句六十餘首

嚴氏全梁文編曰帝姓蕭諱衍齊高帝族孫永明初爲巴陵王南中郎法曹行參軍歷衛將軍王儉東閣祭酒數遷至明帝即位封建陽男歷輔國將軍雍州刺史又數遷至和帝

時假黃鉞進中書監大司馬錄尚書驃騎大將軍揚州刺史都督中外諸軍事封梁公加九錫位相國進封梁王以中興二年四月受禪改元七天監普通大通中大通大同中大

同太清在位四十八年有周易尚書毛詩禮記大義講疏鍾律緯孝經義疏孔子正言通史老子講疏兵書鈔金策圍棋品各若干卷集三十二卷詩賦集二十卷雜文集九卷別集目錄二卷今賦四篇制七篇詔一百四十七篇勅三十七篇策一册一璽書一宜旨

二令三表二議二檄一書十答三天象論一輿駕東行記一序二連珠四凡百箴一硯銘迴文一論蕭子雲書草書狀觀鍾繇書法十二意各一碑文一卽位告天文捨道事佛疏文各一懺文二斷酒肉文四鍾律緯四絳凡二百四十七篇編爲七卷又卷首敘目曰梁武帝集八卷明閻光世蕭梁文苑本

梁武帝淨業賦三卷

帝自序略曰朕布衣之時唯知禮義不知信向烹宰衆生以接賓客隨物肉食不識菜味及至南面富有天下遠方珍羞貢獻相繼海內異食莫不畢至方丈滿前百味盈俎乃方食輟筋對案流泣恨不得以及溫清朝夕供養何以獨甘此膳因亦蔬食不啜魚肉復斷房室不與嬪侍同屋而處四十餘年矣既不食衆生無復殺害障既不御內無復欲惡障除此二障意識稍明內外經書讀便解悟從是以來始知歸向禮云人生而靜天之性也

感物而動性之欲也有動則心垢有靜則心淨外動既止內心亦明始自覺悟思累無所由生也乃作淨業賦云爾

嚴氏文編曰梁武帝有淨業賦三卷釋藏策字七號廣弘明集二十九上載之并賦序

梁簡文帝集八十五卷陸暄撰并錄

梁簡文帝有毛詩十五國風義見經部詩家梁書本紀太宗幼而敏睿識悟過人六歲便屬文高祖驚其早就弗之信也乃於御前面試辭采甚美高祖歎曰此子吾家之東阿讀書十行俱下九流百氏經目必記篇章辭賦操筆立成博綜儒書善言玄理引納文學之士賞接無倦恆討論篇籍繼以文章雅好題詩其序云余七歲有詩癖長而不倦然傷於輕豔當時號曰宮體

又史臣曰太宗幼年聰睿令聞夙標天才縱逸冠於今古文則時以輕華爲累君子所不取焉受制賊臣弗展所蘊終罹懷愍之酷哀哉

南史本紀所著文集一百卷行於世又曰帝自幽繫之後賊乃撤內外侍衛使突騎圍守牆垣悉有枳棘無復紙乃書壁及板鄣爲文自序云有梁正士蘭陵蕭世讚立身行道終始若一風雨如晦雞鳴不已弗欺暗室豈況三光數至於此命也如何又爲文數百篇崩後王偉觀之惡其辭切卽使刮去有隨偉入者誦其連珠三首詩四篇絕句五篇文並悽愴云

又論曰太宗敏睿過人神采秀發多聞博達富瞻詞藻然文豔用寡華而不實體窮淫麗義罕疏通哀思之音遂移風俗以此而貞萬國異乎周誦漢莊矣我生不辰載離多難始同牖里之拘終類望夷之禍悠悠蒼昊其可問哉

又陸杲傳杲吳郡吳人也子暉字洞元少篤學多所該覽善屬文簡文居藩爲記室參軍撰帝集序稍遷太子中庶子掌管記禮遇甚厚初簡文在雍州撰法寶聯璧單與羣賢並抄撥區分者數歲中大通六年而書成命湘東王爲序其作者有侍中國子祭酒南蘭陵蕭子顯等三十人以比王象劉邵之皇覽焉案法寶聯璧序云二百二十卷梁書南史本紀皆云三百卷本志不著錄湘東王序見廣弘明集嚴氏輯入梁元帝集序末載作者名位年紀自蕭子顯以下迄於蕭愷凡三十七人時陸軍年十八爲最少云

周書北史蕭大圓傳大圓梁簡文帝之子也江陵覆沒隨于謹客長安保定二年封始寧縣公邑千戶尋加車騎大將軍儀同三司并賜田宅奴婢牛馬粟帛等俄而開麟趾殿招集學士大圓預焉梁武帝集四十卷簡文集九十卷各止一本江陵平後並藏祕閣大圓既入麟趾方得見之乃手寫二集一年並畢識者稱歎之

唐日本國見在書目梁簡文帝集八卷 案八下似數十字  
唐書經籍藝文志梁簡文帝集八十卷

宋史藝文志梁簡文帝集一卷  
陳氏書錄解題梁簡文帝集五卷案隋志八十五卷唐已闕五卷中與書目止存一卷詩百篇又闕其三首今五卷皆詩總二百四十四篇

張氏百三家輯本序曰梁簡文帝朱邸日久會逢清宴兼以昭明爲兄湘東爲弟文辭競美增榮棠棣儲極既正宮體盛行但務綺博不避輕華人挾曹丕之資而風非黃初之舊亦時世使然乎帝誠當陽書立身須謹重文章須放蕩是則其生平所處也凡賦詔令教移表疏章啓書序論七屬頌銘碑連珠墓誌銘誄哀辭雜文祭文疏文八十餘篇爲一卷樂府六十餘篇詩一百八十篇爲一卷 馮氏詩紀輯存樂府一卷詩二卷篇數略同

嚴氏全梁文編曰帝諱綱武帝第三子天監六年封晉安王中大通三年五月立爲皇太子太清三年五月卽位明年改元大寶在位二年爲侯景所廢幽於永福省遇弒明年侯景伏誅追諡曰簡文皇帝廟號太宗有毛詩十五國風義長春義記老子私記莊子講疏談疏竈經各若干卷 案談疏六卷爲晉簡文帝之書詳見子部道家 集八十五卷今存賦二十三篇詔六令六教九章二表十八移文一啓四十二書十九勸醫論一七勵一序九頌五連珠一銘十三草堂傳一誄一哀辭一墓誌銘十三碑九雜文七疏文三凡一百九十一篇編爲七卷又卷首敍錄曰梁簡文帝集十四

卷明閻光世蕭梁文苑本  
梁元帝集五十二卷  
梁元帝小集十卷  
梁元帝有漢書注見史部正史類  
金樓子自序篇予六歲解爲詩奉敕爲詩曰池萍生已合林花發稍稠風入花枝動日映水光浮因亦稍學爲文也

梁書本紀世祖聰悟俊朗天才英發既長好學博綜羣書下筆成章出言爲論才辨敏速冠絕一時性不好聲色頗有高名與裴子野劉顯蕭子雲張纘及當時才秀爲布衣之交著述辭章多行於世所著文集五十卷南史本紀魏師至凡二十八日徵兵四方未至而城見剋在幽逼求酒飲之製詩四絕梁王督遣尙書傳準監行刑帝謂之曰卿幸爲我宣行準捧詩流淚不能禁進土囊而殞之又論曰歷觀書契以來蓋亦廢興代有未見三葉遘愆若蕭宗之酷善乎鄭文貞公論之曰元帝篤志藝文采浮華而棄忠信戎昭果毅先骨肉而後寇讎口誦六經心通百氏有仲尼之學有公且之才適足以益其驕矜增其禍患何補金陵之覆沒何救江陵之滅亡哉案梁元帝嘗以周孔自命故魏鄭公有是言  
周書蔡大寶傳蕭管令大寶使江陵梁元帝見之甚悅乃示所制玄覽賦令注解焉三日而畢  
金樓子著書篇集三秩三十卷四庫館輯錄曰案梁書本紀文集五十卷隋書經籍志作

五十二卷又有小集十卷疑作此書時方三十卷非訛也

唐書經籍志梁元帝集五十卷梁元帝集十卷

唐書藝文志梁元帝集五十卷又小集十卷陳氏書錄詩集類梁元帝詩一卷即湘東王

張氏百三家集輯本凡賦詔令敕教表啓書檄論議序贊銘碑墓誌祭文騷一百三十七篇樂府二十一首詩九十七首潘氏詩紀輯存樂府詩二卷篇數略同

嚴氏全梁文編曰帝諱繹武帝第七子天監

十三年封湘東王以大寶三年十一月即位於江陵改元承聖在位三年爲西魏所擒遇

害明年追尊爲孝元皇帝廟號世祖有漢書注孝德傳忠臣傳顯忠錄丹陽尹傳懷舊志

全德志研神記同姓名錄補闕子湘東鴻烈金樓子玉韜連山洞林各若干卷案顯忠錄非元帝書詳見史部雜傳家集五十二卷小集十卷

南史五十劉穀字仲寶隨湘東王在藩十餘年當時文檄皆其所爲張溥本有秋興賦臨

秋賦今據藝文類聚編入簡文帝集凡春賦玄覽賦等八篇詔七勅四令九教二表五議

一檄一啓二十四書二十論三序十三贊六銘十一碑十七祭文三附山水松竹格綜一

百三十五篇又文編卷首敍錄曰梁元帝集

八卷明閻光世蕭梁文苑本案唐志有職實圖一卷本志不著錄或在本集

### 梁昭明太子集二十卷

昭明太子有孝經講義見經部

梁書南史本傳昭明太子美姿容善舉止讀書數行並行過目皆憶每游宴祖道賦詩至

十數韻或作劇韻皆屬思便成無所點易帝大弘佛教親自講說太子亦素信三寶偏覽衆經自立三諦法義案即本集所載三諦法身義二篇也性寬和容衆引納才學之士賞愛

無倦恆自討論墳籍或與學士商榷古今繼以文章著述率以爲常中大通三年四月乙

巳薨年三十一諡曰昭明詔司徒左長史王筠爲哀册文所著文集二十卷

又劉孝綽傳孝綽再爲太子洗馬掌東宮管記又數遷爲太子僕復掌管記時昭明太子

好士愛文孝綽與陳郡殷芸吳郡陸倕琅邪王筠彭城到洽等同見賓禮太子文章繁富

羣才咸欲撰錄太子獨使孝綽集而序之劉孝綽撰集序曰粵我大梁之二十一載盛

德備乎東朝承華肇建濫齒時髦居陪出從逝將二紀嘗彼登山徒仰峻極同夫觀海莫

澄波瀾但職官書記預聞盛藻歌詠不足敢忘編次謹爲一秩十卷第目如左日升松茂

與天地而偕長壯思英詞隨歲月而增廣如其後錄以俟賢臣案此見嚴氏全梁文編序凡八百三十言而不注所出序云大梁之二十一載則編於普通

三年又云一秩十卷第目如左則初編爲十卷錄一卷也

簡文帝上昭明太子別傳文集表曰臣以不肖妄作明離出入銅龍瞻仰故實思所以揄

揚盛軌宣記德音謹撰昭明太子別傳文集

請備之延閣藏諸廣內永彰茂實式表洪徽簡文帝昭明太子集序曰至於登高體物展

詩言志控引解騷包羅比興銘及盤孟贊通圖象七高愈疾之旨表有殊健之則碑窮典

正每出則車馬盈衢議無失禮纒成則列藩擊衍近逐情深言隨手變麗而不淫案此亦見嚴氏文編亦不注所出序凡一千三百五十六言歷敘

昭明十四德其下尙有敘文故卷數無由考見大抵簡文正位東宮後爲撰集其遺二十卷與別傳五卷同上者也

唐書經籍藝文志梁昭明太子集二十卷宋史藝文志五卷

陳氏書錄解題昭明太子集五卷梁太子蕭統德施撰

張氏百三家輯本序曰昭明簡文同母令德文學友於曹子桓兄弟弗如也昭明薨簡文

敘其遺集頌德十四合之史傳俱非虛美南史所云埋鴛鴦蕩舟寢疾世疑其誣於是

論昭明者斷以姚書爲實矣昭明述作文選最有名後人見其選即可以知其志凡賦疏

令書啓序七契贊陶靖節傳解二諦義解法身義三十五篇樂府七篇詩二十四篇潘氏詩紀輯存樂府詩一卷篇數略同

四庫提要曰昭明太子集六卷案梁書本傳二十卷隋唐志並同宋志僅載五卷已非其

舊此本爲明嘉興葉紹泰所刊凡詩賦一卷雜文五卷賦每篇不過數句蓋自類書采掇

而成皆非完本

又簡明目錄曰此本較張溥本多七召等十三篇而少與明山賓令等五篇蓋兩本皆出掇拾故互有出入其詩亦誤收簡文帝作五首當由不知玉臺新詠所題皇太子乃簡文非昭明也 講案七召亦似誤收嚴氏嘗辯之詳見後何遜集條

又子部類書存目曰錦帶一卷舊題梁昭明太子蕭統撰書錄解題又云梁元帝撰比事儷語在法帖中章草月儀之類詳其每篇自敘之詞皆山林之語非帝胄所宜言且詞氣不類六朝亦復不類唐格疑宋人案月令集為駢句以備賤啓之用後來附會題為統作耳今刻本昭明集中亦有之題曰十二月啓然昭明集乃後人所輯非其原本未可據以為信也

嚴氏全梁文編曰昭明太子統武帝長子宣帝建號追尊為昭明皇帝廟號高宗有正序文章英華文選各若干卷集二十卷今存賦六篇令六疏一啓十二錦帶書十二月啓一書七七契一序三贊三陶淵明傳祭達摩大師文令旨解二諦義令旨解法身義綜凡四十四篇編為三卷又卷首敘錄曰梁昭明太子集六卷一明閻光世蕭梁文苑本一明楊慎五卷本

梁有晉安成王集三十卷亡晉當為梁  
梁書南史本傳安成康王秀字彥達文帝第七子也武帝父順之齊高帝族弟參預佐命封臨湘縣侯歷官丹陽尹武帝即位追尊為文皇帝 仕齊為著

作佐郎歷太子舍人天監元年封安成郡王二千戶十七年累遷使持節都督雍州刺史薨年四十四册贈侍中司空諡曰康秀於武帝布衣昆弟及為君臣小心畏敬過於疏賤者帝益以此賢之時諸王並下士建安安成二王尤好人物世以二安重士方之四豪案建安王即簡文帝也 秀精意學術搜集經記招學士平原劉孝標使撰類苑書未及畢而已行於世及薨故吏夏侯亶等表立墓碑誌有詔許焉當世高才游王門者東海王僧孺吳郡陸倕彭城劉孝綽河東裴子野各製其文欲擇用之而成稱實錄遂四碑並建古未之有也

嚴氏全梁文編曰梁書安成王秀傳有臨江州下給船教臨荆州下招隱逸教凡二篇

梁岳陽王督集十卷

後周書蕭督傳督字理孫蘭陵人也梁武帝之孫昭明太子第三子幼而好學善屬文尤長佛義特為梁武帝所嘉賞梁普通六年封曲江縣公大通三年進封岳陽郡王大同元年除使持節都督雍州刺史後與江陵構隙恐不能自固西魏大統十五年 時為梁武帝太清三年 乃遣使稱藩請為附庸太祖策命督為梁王魏恭帝元年太祖令柱國于謹伐江陵督以兵會之及江陵平太祖立督為梁主居江陵東城資以江陵一州之地其襄陽所統盡歸於我督乃稱皇帝於其國年號大定恥其威略不振常懷憂憤乃著憫時賦以見

意督疆土既狹居常快快遂以憂憤發背在位八載年四十四保定二年二月薨其羣臣諡曰宣皇帝廟號中宗督篤好文義所著文集十五卷內典華嚴般若法華金光明義疏四十六卷並行於世 又蔡大寶傳大寶文辭贈述督之章表書記教令詔州並大寶專掌之

隋書外戚蕭歸傳歸父督初封岳陽王鎮襄陽侯景之亂其兄河東王譽與其叔父湘東王繹不協為繹所害及繹嗣位督稱藩於西魏乞師請討繹周太祖以督為梁主遣柱國于謹等率騎五萬襲繹滅之督遂都江陵有荆郡其西平州延袤三百里之地稱皇帝於其國車服節文一同王者仍置江陵總管以兵戍之

馮氏詩紀輯存建除等雜詩凡十首

嚴氏全梁文編後梁宣帝蕭督有集十卷今存愍時賦游七山寺賦圍棋賦櫻桃賦臨雍州下教連珠凡六篇

梁王蕭歸集十卷

後周書蕭督傳督以憂憤發背而殂高祖又命其太子歸嗣位年號天保歸字仁遠督之第三子也機辯有文學善於撫御能得其歡心在位二十三載年四十四隋開皇五年五月薨其羣臣諡曰孝明皇帝廟號世宗歸孝悌慈仁有君人之量性尤儉約御下有方境內稱治所著文集及孝經周易義記及大小乘幽微並行於世 隋書外戚蕭歸傳歸有才學兼好內典著孝



經周易義記及大小乘幽微十四卷行於世  
唐書經籍藝文志後梁明帝集一卷 舊志幸  
刻本誤作後魏

嚴氏全梁文編後梁明帝蕭歸有集十卷隋  
書外戚傳有臨終上隋文帝表一篇

### 梁邵陵王綸集六卷

梁書南史本傳邵陵王綸字世調武帝第  
六子也少聰穎博學善屬文尤工尺牘天監  
十三年封邵陵郡王普通五年以西中郎將  
權攝南兖州坐事免官奪爵大通元年復封  
爵中大通四年爲侍中揚州刺史坐免爲庶  
人頃之復封爵太清二年加征討大都督率  
衆討侯景三年春進位司空臺城陷奔禹穴  
大寶元年綸至郢州刺史南平王恪上綸爲  
假黃鉞都督中外諸軍事二年二月爲西魏  
兵所害年三十三後元帝追諡曰攜

又史臣曰綸聰警有才學性險躁屢以罪黜  
及太清之亂忠孝獨存斯可嘉矣

唐書經籍志梁邵平王集四卷 平當爲陵

唐書藝文志邵陵王綸集四卷

馮氏詩紀輯存詩六首

嚴氏全梁文編邵陵王綸有集六卷今存贈  
言賦及教表啓書墓誌銘碑文祀魯山神文  
凡一十篇

### 梁武陵王紀集八卷

梁書本傳武陵王紀字世詢高祖第八子也  
少勤學有文才屬辭不好輕華甚有骨氣天  
監十三年封爲武陵郡王歷授持節都督益

梁等十三州諸軍事益州刺史太清中侯景  
亂紀不赴援高祖崩後乃僭號於蜀改元天  
正司馬王僧略兵參軍徐怿並固諫紀以

爲貳於己皆殺之太清五年夏四月紀率軍  
東下至巴郡以討侯景爲名將圖荆陝世祖

命陸法和等破之獲紀及其第三子圓滿俱  
殺之於硤口時年四十六有司奏絕其屬籍

世祖許之賜姓饒饒氏

唐書經籍志梁武陵王紀集八卷

唐書藝文志武陵王紀集八卷

馮氏詩紀輯存詩六首

### 梁蕭琮集七卷

周書蕭傳督督子歸開皇五年薨隋文帝又  
命其太子蕭琮嗣位年號廣運琮字溫文性  
倜儻不羈博學有文義兼善弓馬初封東陽  
王尋立爲皇太子及嗣位之二年徵琮入朝  
琮率其臣下二百餘人朝於長安琮叔父嚴

及弟巖等虜居民奔於陳隋文帝於是廢梁  
國拜琮爲柱國封莒國公自晉初卽位歲在

乙亥至是歲在丁未凡三十有三歲 時陳後  
主禎明元年隋文帝開皇七年後二年陳亦亡後梁及陳

皆三十三年而亡琮卒於隋煬帝時入隋久矣晉歸琮三  
集當移後蕭欣集之前

隋書外戚蕭歸傳高祖受禪備禮納其女爲  
晉王妃煬帝嗣位以皇后之故甚見親重拜

琮內史令改封梁公琮之宗族總麻以上並  
隨才擢用於是諸蕭昆弟布列朝廷琮雖羈

旅見北間豪貴無所降下嘗與賀若弼深相  
友善弼既被誅復有童謠云蕭蕭亦復起帝

由是忌之遂廢於家未幾而卒贈左光祿大  
夫

唐日本國見在書目蕭琮集二卷

馮氏詩紀曰蕭琮有奉和月夜觀星詩一首  
嚴氏文編後梁後主蕭琮有集七卷今惟見

國清百錄所載與釋智顛書一篇

梁又有安成煬王集五卷亡

梁書安成康王秀傳 秀有集見前 秀世子機  
字智通普通元年襲封安成郡王歷會稽太

守給事中太子洗馬中書侍郎丹陽尹湘州  
刺史大通二年薨於州時年三十機美姿容

善吐納家既多書博學彊記然而好弄尙力  
遠士子近小人爲州專意聚斂無治績被

案劾及將葬有司請諡高祖詔曰王好內怠  
政可諡曰煬所著詩賦數千言世祖集而序  
之

金樓子著書篇安成煬王集一秩四卷四庫  
館校錄曰案隋書經籍志安成煬王集五卷

梁書南史本傳夫字明敷南陽涅陽人世居  
江陵祖景宋時徵太子庶子不就有高名卽

宗炳有集見宋人文中夫少勤學有局幹弱冠舉  
鄧州秀才仕齊爲臨川王常侍時竟陵王子  
良集學士於西邸並見圖畫夫亦預焉永明

中與魏和親夫與尙書郎任昉同接魏使皆時選也齊鬱林之爲南郡王居西州使夫管書記夫既以筆札見知亦以真正見許及文惠太子薨王爲皇太孫夫仍管書記太孫即位多失德夫頗自疎少帝見誅舊寵多被其禍唯夫與傅昭以清正得免梁武受禪歷太子右衛率五兵尙書參掌大選天監三年卒

時年四十九

唐書經籍藝文志宗大集十卷 舊志亦誤作宗

史 馮氏詩紀輯存荊州樂三首遙夜吟一首別蕭諮議衍一首

梁國子博士丘遲集十卷并錄梁十一卷

梁書文學傳遲字希範吳興烏程人也父靈翰有才名齊太中大夫遲八歲使屬文靈翰嘗謂氣骨似我黃門郎謝超宗徵士何點並見而奇之州辟從事舉秀才除太學博士累遷殿中郎高祖平京邑霸府開引爲驃騎主簿甚被禮遇時勸進梁王及殊禮皆遲文也高祖踐阼拜散騎中書侍郎詔文德殿時高祖著連珠詔羣臣繼作者數十人遲文最美天監四年臨川王宏北伐遲爲諮議參軍領記室時陳伯之在北與魏軍來距遲以書喻之伯之遂降還拜中書郎遷司徒從事中郎七年卒官年四十五所著詩賦行於世南史文學傳遲辭采麗逸時有鍾嶸著詩評云范雲婉轉清便如流風回雪遲點綴映媚似落花依草雖取賤文通而秀於敬子其見

稱如此案今本詩評末句云故當淺於江淹而秀於任昉

唐書經籍藝文志丘遲集十卷

馮氏詩紀輯存待宴樂游苑等詩凡十一首

張氏百三家丘中郎集輯本序曰南史文學傳首吳興丘氏靈翰在宋孝武時獻殷貴妃挽歌特蒙嗟賞希範於梁王踐阼之日勸進殊禮專典文字革命諸文連珠唱和世不多見其最有聲者與陳將軍伯之一書耳凡賦表啓教書銘誄十三篇詩十一篇

汪氏文選撰人篇目文選有梁邱希範遲樂游苑詩漁浦潭詩與陳伯之書

嚴氏全梁文編丘遲有集鈔四十卷 案見後總集類 集十一卷文選有與陳伯之書藝文類聚有思賢賦還林賦教表啓硯銘誄凡十三篇

梁又有謝朓集十五卷亡

謝朓有書筆儀見史部儀注類

梁書本傳朓父莊宋光祿大夫有名前代莊有集見前 朓幼聰慧莊器之常置左右十歲能屬文莊游土山使朓命篇攬筆便就宋孝武帝游姑孰執莊攜朓從駕詔爲洞井讚於坐奏之帝曰奇童也著書及文章並行於世嚴氏全梁文編謝朓有集十五卷本傳有與弟淪書藝文類聚二十六有與王儉書各一篇

梁金紫光祿大夫江淹集九卷梁二十卷江淹後集十卷

江淹有齊史見史部正史篇

梁書南史本傳淹少孤貧常慕司馬長卿梁伯鸞之爲人不事章句之學留情於文章早爲高平檀超所知常升以上席甚加禮焉宋建平王景素好士淹隨景素在南兗州廣陵令郭彥文得罪連淹言受金淹被繫獄自獄中上書景素即日出之尋舉南徐州秀才對策上第時少帝即位多失德景素鎮京口威勸因此舉事日夜謀議淹知禍機將發乃贈詩十五首以諷焉齊高帝輔政沈攸之作亂及桂陽之役是時軍書表記皆淹具草相府建補記室參軍高帝讓九錫及諸章表皆淹製也齊建元二年始置史官淹與司徒左長史檀超共掌其任參掌詔策淹少以文章顯晚節才思微退時人謂之才盡凡所著述百餘篇自撰爲前後集并齊史十志並行於世嘗欲爲赤縣經以補山海之闕竟不成鍾嶸詩品曰文通詩體總雜善於摹擬筋力於王微成就於謝朓故君子貴自立不可隨流俗 案此據馮氏詩紀所引今本詩品無末二句而有夢郭璞事 又江文通卒於梁天監四年而鍾氏詩品稱爲齊光祿並時之人而記載失實乃如此

唐日本國見在書目江文通集一卷

唐書經籍志江淹前集十卷江淹後集十卷

唐書藝文志江淹前集十卷後集十卷

宋史藝文志江淹集十卷又子部小說家江淹銅劍贊一卷

晁氏讀書志江淹集十卷淹著述百餘篇自撰爲前後集今集二百四十九篇魏晉間名人詩文行於世者往往羨於史所載曹植王粲及淹皆是也豈後人妄益之歟案此晁志誤會也詳見後漢王粲集條下

陳氏書錄解題江文通集十卷梁散騎常侍江淹文通撰

四庫提要曰江文通集四卷淹自序傳稱自少及長未嘗著書惟集十卷考傳中所序官階止於中書侍郎校以史傳正當建元之初則永明以後所作尙不在其內今舊本散佚行於世者惟歙縣汪士賢太倉張溥二本此本乃乾隆戊寅淹鄉人梁賓以汪本張本參核異同又益以睢州湯斌家抄本參互成編汪本闕賦二篇銅劍讚一篇詩二篇張本闕表一篇此皆補完其餘字句皆備錄異同亦均校正較他本爲善也案自序傳蓋作於齊初與史傳所載略同其自編前集十卷後集不知編於何時梁有二十卷合前後爲一編也

又子部譜錄類存目曰銅劍讚一卷梁江淹撰齊永明中掘地得古銅劍淹因詮次劍事考古人鑄兵用銅後世鑄兵用鐵原委以爲之讚雖文止一篇然宋史藝文志文獻通考皆著於錄故附存其目焉

汪氏文選撰人篇目曰文選有梁江文通淹恨賦別賦香爐峯詩望荆山詩雜體詩三十首詣建平王上書

嚴氏全梁文編江淹有齊史十二卷集二十

卷後集十卷今輯存七卷又卷首敍錄曰江淹集十卷一明汪士賢二十名家集本一揚州江氏刻本

張氏書目答問江文通集彙注十卷明胡人驥注刻本

梁尙書僕射范雲集十一卷并錄

梁書南史本傳雲字彥龍南鄉舞陰人晉平北將軍汪六世孫也汪有集見東晉文中性機警有識善屬文便尺牘下筆輒成時人每疑其宿構仕宋入齊爲竟陵王子良會稽太守丹陽尹府主簿子良爲南徐州南兗州雲並隨府遷每陳朝政得失於子良動相箴諫諫書存者百有餘紙言皆切至齊武帝視之咨嗟良久曰不意范雲乃爾子良爲司徒又補記室初梁武與雲俱在竟陵王西邸情好歡甚後遂參贊謀謀毗佐大業拜黃門侍郎與沈約同心翊贊及受禪遷散騎常侍吏部尙書封晉城縣侯雲以舊恩超居佐命盡誠翊亮知無不爲帝亦推心仗之所奏多允尋遷尙書右僕射二年卒時年五十三贈侍中衛將軍僕射侯如故禮官請諡曰宣勅賜諡曰文有集三十卷

鍾嶸詩品曰梁衛將軍范雲詩清便宛轉如流風迴雪

唐書經籍藝文志梁范雲集十二卷馮氏詩紀輯存雜詩凡三十八首

汪氏文選撰人篇目曰文選有梁范彥龍雲贈張徐州詩贈王中書詩效古詩一首

嚴氏全梁文編范雲有集十一卷本傳作三十卷藝文類聚有爲柳司空讓尙書令初表第二表除始興郡表凡三篇

梁太常卿任昉集三十四卷任昉有雜傳見史部雜傳家

南史本傳昉幼而聰敏早稱神悟八歲能屬文自製月儀辭義甚美齊永明初衛將軍王儉每見其文必三復殷勤以爲當時無輩曰自傳季友以來始復見於任子若孔門是用其入室升堂於是令昉作文及見曰正得吾腹中之欲乃出自作文令昉點正昉因定數字儉拊几歎曰後世誰知子定吾文其見知如此後爲司徒竟陵王記室參軍時琅邪王融有才備自謂無對當時見昉之文悅然自失昉尤長載筆頗慕傅亮才思無窮當時王公表奏無不請焉昉起草即成不加點竄沈約一代辭宗深所推挹梁武帝建鄴霸府初開以爲驃騎記室參軍專主文翰每制書草沈約輒求同署嘗被急召昉出而約在是後文筆約參製焉梁臺建禪讓文語多昉所具昉好獎進士友得其延譽者多見升擢故衣冠貴游多與交好坐上客恆有數十時人慕之號曰任君言如漢之三君也爲家誠殷勤甚有條貫既以文才見知時人云任筆沈詩昉聞甚以爲病晚節轉好著詩欲以傾沈用事過多屬辭不得流便自爾都下士子慕之轉爲穿鑿於是有才盡之談矣所著文章數十萬言盛行於時東海王僧孺嘗論之

以爲過於董生楊子防樂人之樂憂人之憂  
虛往實歸忘貧去吝行可以厲風俗義可以  
厚人倫能使貪夫不取懦夫有立其見重如  
此撰雜傳二百四十七卷地記二百五十二  
卷文章三十三卷

鍾嶸詩品曰彥昇少年爲詩不工故世稱沈  
詩任筆防深恨之晚節愛好既篤文亦適變  
善詮事理拓體淵雅得國士之風防既博物  
動輒用事所以詩不得奇少年士子效其如  
此弊矣

本志總集篇梁有文章始一卷任防撰 案即  
文章緣起詳見本條

唐日本國見在書目任防集廿八卷

唐書經籍藝文志任防集三十四卷 宋史藝  
文志六卷

明萬曆庚寅河東呂兆禧輯本跋曰近攜李  
特哀沈文不及任集慕古者闕焉爰蒐載集  
得詩若文七十有奇篇次爲六卷 案所輯凡賦  
詩詔令等文七十三篇馮氏詩紀輯存四五言詩二十篇  
二十二首與此略同

張氏百三家任中丞集輯本凡賦詔璽書册  
令教表彈文啓牋書策問序議哀策文碑墓  
銘行狀弔文五十八篇詩聯句二十二篇題  
辭曰王僧孺之傳任敬子也曰少孺速而未  
工長卿工而未速異哉貶前修而昂任君其  
東海之溢乎 案藝文類聚有王僧孺撰太常敬子  
任府君傳 江南文勝古學日微方軌詞苑代  
有名人大抵采死翟之毛挾焚象之齒生意

盡矣居今之世爲今之言遠時抗往則聲華  
不立投俗取妍則爾雅中絕求其儷體行文  
無傷逸氣者江文通任彥昇庶幾近之然後  
知僧孺所稱非盡謬也昭明文選載彥昇令  
表序狀彈文生平筆長可悉推見

汪氏文選撰人篇目曰梁任彥昇防有哭范  
僕射詩贈郭桐廬詩宣德皇后令策秀才文  
三首讓宣城郡公表讓封侯表薦士表讓襲  
封表立太宰碑表答七夕詩啓修下墓啓辭  
奪禮啓彈曹長宗彈劉整到記室牋勸今上  
牋王文憲集序劉先生夫人墓誌齊文宣行  
狀案昭明取當代人文惟此爲獨多

嚴氏全梁文編輯本四卷凡賦詔九錫文禪  
位策璽書令策秀才文教表奏彈文議牋啓  
書文章緣起序王文憲集序哀策文碑銘行  
狀弔文綜六十四篇又卷首敍錄曰任彥昇  
集二卷明刻本

梁有晉安太守謝纂集十卷亡  
梁書謝朓傳朓次子纂頗有文才仕至晉安  
太守卒官案謝朓有集見前卷與纂通

梁有撫軍將軍柳憺集二十卷亡憺當爲憺  
梁書本傳憺字文通河東解人也父世隆齊  
司空憺仕齊爲西戎校尉梁南秦二州刺史  
及高祖起義兵憺舉漢中應之高祖踐阼論  
功封曲江縣侯高祖因讒爲詩以貶曰憺爾  
實冠羣后惟余實念功累遷使持節安南將  
軍湘州刺史天監六年十月卒于州時年四  
十六贈侍中撫軍將軍諡曰穆懷著仁政傳

及著詩賦粗有辭義  
南史柳世隆傳世隆長子悅早卒次子憺好  
學工製文尤曉音律少與長兄悅齊名王儉  
謂人曰柳氏二龍可謂一日千里嘗預齊武  
烽火樓宴帝善其詩謂豫章王勰曰憺非徒  
風韻清爽亦屬文逾麗年六十卒於湘州刺  
史 案南史于卒年多從省此云年六十者蓋以六年十  
月之故誤也

梁有中護軍柳惲集十二卷亡

柳惲有天監棋品見子部兵家

梁書本傳惲少有志行好學善尺牘與陳郡  
謝瀛隣居瀛深所友愛初宋世有嵇元榮羊  
蓋並善彈琴云傳戴安道之法惲幼從之學  
特窮其妙高祖至京邑時東昏未平士猶苦  
戰惲上牋陳便宜請城平之日先收圖籍及  
遵漢祖寬大愛民之義高祖從之惲立行貞  
素早有令名少工篇什始爲詩曰亭皋木葉  
下隴首秋雲飛琅邪王融見而嗟賞因書齋  
壁至是預曲宴被詔賦詩嘗奉和高祖登景  
陽樓中篇云太液滄波起長楊高樹秋翠華  
承漢遠影葦逐風游深爲高祖所美當時咸  
共稱傳惲既善琴嘗以今聲轉棄古法乃著  
清調論具有條流

南史柳惲傳惲弟憺仕齊爲太子洗馬父憂  
去職著述先頌申其罔極之心文甚哀麗後  
試守鄱陽相聽吏屬得盡三年喪禮署之文  
教百姓稱焉初惲父世隆彈琴爲士流第一  
惲每奏其父曲常感思復變體備寫古曲嘗

賦詩未就以筆揮琴坐客過以筋扣之惺驚其哀韻乃製爲雅音後傳擊琴自於此投壺梟不絕博射必命中弈棋第二品武帝謂周捨曰吾聞君子不可求備至如柳惲可謂其美分其才藝足了十人惲著十杖龜經性好醫術盡其精妙

陳氏書錄詩集類柳吳與集一卷梁吳興太守河東柳惲文暢撰僅有十八首

馮氏詩紀曰柳惲少有志學工爲詩亭皋木一葉之句見擣衣詩五首之二章輯存十五篇二十二首

嚴氏全梁文編柳惲有集十二卷弘明集有答釋法雲書難范縝神滅論一篇

梁有豫州刺史柳惲集六卷亡

梁書柳惲傳惲第四弟惲亦有美譽歷侍中鎮西長史天監十二年卒贈寧遠將軍豫州刺史

南史本傳惲弟惲字文深少有大意好玄言通老易梁武帝舉兵至姑熟惲與兄惲及諸友朋於小郊候接歷位給事黃門侍郎與琅邪王峻齊名俱爲中庶子後爲鎮北始興王長史王移鎮益州復請惲帝曰柳惲風標才氣恐不能久爲少王臣王所請數四不得已以爲鎮西長史蜀郡太守在蜀廉恪爲政益部懷之始興忠武王濟武帝第十一子天監八年秋爲鎮北將軍南兗州刺史九年春遷鎮西將軍益州刺史惲爲長史帶太守首尾凡四年而卒

嚴氏全梁文編柳惲有集六卷藝文類聚有

賦體弘明集有答釋法雲書難范縝神滅論凡二篇

梁尚書令柳惲集十三卷亡

梁書本傳惲字文若惲第五弟也齊和帝即位爲尚書吏部郎南平太守尋遷侍中高祖踐阼論建義功封州陵伯累遷湘州刺史祕書監天監十年卒時年四十一追贈中書令諡曰穆

南史本傳惲兄弟十五人多少亡唯第二兄惲第三兄惲第四兄惲及惲三兩年間四人迭爲侍中復居方伯當世罕比

梁有義興郡丞何憫集三卷亡

南史何承天傳承天東海鄰人也曾孫遜遜從叔憫字彥夷亦以才著聞宦游不達作拍張賦以喻意末云東方曼倩憤憤於侏儒遂與火頭食子稟賜不殊位至臺郎

梁有撫軍參軍章溫集十卷亡

章溫始末未詳

梁有鎮西錄事參軍到洽集十一卷亡

梁書本傳洽字茂添彭城武原人宋驃騎將軍彥之曾孫也少知名清警有才學士行謝朓文章盛於一時見洽深相賞好日引與談論每謂洽曰君非直名人乃亦兼資文武朓爲吏部欲薦之洽視世方亂深相拒絕遂築室巖阿幽居者積歲樂安任防有知人之鑒與洽兄沼溉並善嘗訪洽於田舍見之歎曰此子日下無雙遂申拜親之禮天監初沼溉俱蒙擢用洽尤見知賞從弟沆亦與齊名高

祖問侍詔丘遲曰到洽何如沆溉遲對曰正情過於沆文章不減溉加以清言殆將難及即詔爲太子舍人御華光殿詔洽及沆蕭琛任防侍讌賦二十韻詩以洽辭爲工高祖謂防曰諸到可謂才子防對曰臣嘗竊議宋得其武梁得其文天監九年數遷國子博士奉勅撰太學碑普通五年遷給事黃門侍郎領尚書左丞時鸞與欲親戎軍國容禮多自洽出六年遷御史中丞彈糾無所顧望號爲勁直七年出爲雲麾長史尋陽太守大通元年卒於郡年五十一贈侍中諡曰理子昭明太子與晉安王綱令曰明北竟到長史相係凋落傷恒悲惋下能已已到子風神開爽文義可觀當官莅事介然無私皆海內之俊又東序之祕寶洽文集行於世案昭明稱明北竟者謂明山實也

南史到彥之傳彥之彭城武原人楚大夫屈到後也洽美容質善言吐弱年聽伏曼容講未嘗傍膝伏深歎之直待詔省勅使抄甲部書爲十二卷文集行於世

嚴氏全梁文編到洽有集十五卷今存奏劾劉孝綽周弘正補太學博士議各一篇見梁書劉孝綽傳陳書周弘正傳

梁有太子洗馬劉苞集十卷亡

梁書文學傳苞字孝嘗彭城人也祖劭宋司空父愷齊太子中庶子苞少好學能屬文歷太子洗馬掌書記侍講壽光殿自高祖即位引後進文學之士苞及從兄孝綽從弟儒同

郡到溉溉弟洽從弟沈吳郡陸倕張率並以文藻見知多預讌坐雖仕進有前後其賞賜不殊天監十年卒時年三十臨終呼友人南陽劉之遴託以喪事士友咸歎惜之

南史劉勔附傳苞一字孟嘗俊弟子也叔父繪嘗歎服之家有舊書例皆殘蠹手自編輯篋篋盈滿梁初侍講壽安殿及從兄孝綽等並以文藻見知受詔詠天泉池荷及采菱調下筆即成 案劉勔及子俊俊弟繪繪弟運並有集見前孝綽集見後

馮氏詩紀輯存侍宴樂游苑詩一首望夕雨一首

梁有南徐州秀才諸葛璩集十卷亡

梁書處士傳璩字幼琅琅邪陽都人世居京口幼事徵士關康之博涉經史復師徵士臧榮緒榮緒著晉書稱璩有發擢之功方之壺遂璩性勤於誨誘後生就學者日至居宅狹陋無以容之太守張友為起講舍旦夕孜孜講誦不輟時人益以此宗之累辭徵聘天監中舉秀才不就七年卒於家璩所著文章二十卷門人劉暉集而錄之南史作劉暉

梁特進沈約集一百一卷并錄

沈約有證法見經部論語類

梁書南史本傳約祖林子宋征虜將軍 有集見前 父璞淮南太守元嘉末被誅約年十三而遭家難流寓孤貧篤志好學晝夜不釋卷遂博通羣籍善屬文齊文惠太子入居東宮為步兵校尉管書記直永壽省校四部圖書

梁武在西邸與約有舊建康城平勳業既就天人允屬約嘗扣其端勸早定大業帝命草其事約乃出懷中詔書并諸選置帝初無所改帝召范雲謂曰生平與沈休文羣居不覺有異人處今日才智縱橫可謂明識我起兵於今年矣功臣諸將實有其勞然成帝業者乃卿二人也天監中奏尚書八條事約居處儉素立宅東田矚望郊阜嘗為郊居賦以序其事約歷仕三代該悉舊章博物洽聞當世取則謝玄暉善為詩任彥昇工於筆約兼而有之然不能過也文集一百卷行於世

梁書王筠傳約製郊居賦構思積時猶未都畢乃要筠示其草筠讀至雖覽五激反連蹠約撫掌拊曰僕常恐人呼為覽五難反次至墜石碰星及冰懸培而帶抵筠皆擊節稱贊約曰知音者希真賞殆絕所以相要政在此數句耳

鍾嶸詩品曰觀休文衆製五言最優詳其文體察其餘論固知憲章鮑明遠也所以不閑於經綸而長於清怨永明相王愛文 謂齊竟陵王子良也王元長等皆宗附之約於時謝朓未適江淹才盡范雲名級故微故約稱獨步雖文不至其工麗亦一時之選也見重閭里誦詠成音嶸謂約所著既多今剪除淫雜收其精要尤為中品之第矣故當詞密於范意淺於江也

又曰昔曹劉殆文章之聖陸謝為體貳之才銳精研思千百年中而不聞宮商之辨四聲

之論齊有王元長者嘗謂余云宮商與二儀俱生自古詞人不知之唯見范曄謝莊靡識之耳王元長創其首謝朓沈約揚其波三賢或貴公子孫幼有文辨於是士流景慕務為精密巖積細微專相凌架故使文多拘忌傷其真美余謂文製本須諷讀不可蹇礙但令清濁通流口吻調利斯為足矣至平上去入余病未能蜂腰鶴膝閭里已具

顏氏家訓文章篇沈隱侯曰文章當從三易易見事一也易識字二也易讀誦三也邢子才常曰沈侯文章用事不使人覺若胸臆語也深以此服之又曰邢子才魏收俱有重名時俗準的以為師匠邢賞服沈約而輕任昉魏收愛慕任昉而毀沈約每於談議辭色以之鄴下紛紜各有朋黨祖孝徵嘗謂吾任沈之是非乃邢魏之優劣也

唐日本國見在書目沈約集百卷又曰沈約八詠一卷 約當是約之謬馮氏詩紀金華志曰八詠詩南齊隆昌元年太守沈約所作題于玄暢樓時號絕倡後人因更玄暢樓為八詠樓云

唐書經籍志沈約集一百卷沈約集略三十卷 唐書藝文志沈約集一百卷又集略三十卷 宋史藝文志沈約集九卷又詩一卷 崇文總目無詩一卷 陳氏書錄解題沈約集十五卷別集一卷又九卷梁特進吳興沈約休文撰約有文集百卷今所存惟此而已十五卷者前二卷為賦

餘皆詩也別集雜錄詩文不分卷九卷者皆  
詔草也館閣書目但有此九卷及詩一卷凡  
四十八首

馮氏詩紀輯存樂府一卷詩二卷又梁雅樂  
歌十一首南郊登歌二首北郊登歌二首明  
堂登歌五首宗廟登歌七首三朝雅樂歌六  
首相和歌辭五首鼓吹曲十二首大壯大觀  
舞歌二首鞞舞歌六首

張氏百三家沈隱侯集二卷凡賦詔勅制疏  
表章彈文啓書序論義頌贊銘連珠記碑哀  
策文諡議墓誌銘行狀文疏一百七十九篇  
爲一卷樂府一百六首詩一百三十五首爲  
一卷題詞有曰休文大手史書居長傳者獨  
宋文集百卷僅存十三云

汪氏文選撰人篇目曰沈休文約有錢呂僧  
珍詩別范安成詩鍾山詩宿東山詩沈道士  
館詩定山詩新安江詩和謝宣城詩詠月詩  
冬節後至丞相第詩愁臥詩湖中雁詩三月  
三日詩彈王源宋書謝靈運論恩倖傳論齊  
安陸王碑文

嚴氏全梁文編沈隱侯有諡法四聲晉書宋  
書齊紀高祖紀宋世文章志邇言俗說雜說  
袖中記袖中略集珠叢各若干卷集鈔十卷  
集一百一卷今存賦十一篇制五篇詔三十  
敕三令一答詔一章三表廿三疏一上言一  
奏彈六諡議三議一啓十八書十二論十一  
記二序四佛義三頌一贊六連珠二銘五哀  
策文一墓誌銘六碑七行狀三雜文凡一

百八十一篇編爲八卷又卷首敍錄曰沈約  
集四卷明沈道初刻本案又有明萬曆癸丑武陵  
楊鶴所刻武康四先生集本四卷似即據沈道初本凡賦  
及樂府詩爲二卷詔勅等雜文二卷墓誌既不備編次亦  
未善

梁又有謝綽集十一卷亡  
謝綽有宋拾遺見史部雜史類

嚴氏全梁文編曰謝綽有宋拾遺十卷集十  
一卷弘明集卷十有答釋法雲書難范縝神  
滅論一篇

梁中軍府諮議王僧孺集三十卷

王僧孺有百家譜見史部譜系類  
梁書本傳僧孺六歲能屬文既長好學家貧  
常傭書以養母所寫既畢諷誦亦通仕齊爲  
太學博士尙書僕射王晏深相賞好晏爲丹  
陽尹召補功曹使撰東宮新記僧孺與樂安  
任昉遇竟陵王西邸以文學友會昉贈詩推  
重天監中直文德省撰中表簿及起居注是  
時高祖製春景明志詩五百字勅在朝之人  
沈約已下同作高祖以僧孺詩爲工僧孺好  
墳籍聚書至萬餘卷率多異本與沈約任昉  
家書埒少篤志精力於書無所不睹其文麗  
逸多用新事人所未見者世重其富文集三  
十卷兩臺彈事不入集內爲五卷及東宮新  
記並行於世  
南史本傳司徒竟陵王子良開西邸招文學  
僧孺與太學生虞義丘國賓蕭文琰丘令楷  
江洪劉孝孫並以善辭藻游焉而僧孺與高

平徐夤俱爲學林工屬文善楷隸多識古事  
入直西省知撰譜事武帝因詔僧孺改定百  
家譜  
唐日本國見在書目王僧孺集十六卷 隋似  
孺之變體

唐書經籍藝文志王僧孺集三十卷

馮氏詩紀輯存樂府詩共三十七首

張氏百三家王左丞集一卷凡賦體表牋啓  
教書序碑墓誌銘傳誄祭文佛事文二十八  
篇樂府詩三十六首

嚴氏全梁文編王僧孺有總集十八州譜六  
百九十卷百家譜三十卷百家譜集鈔十五  
卷兩臺彈事五卷集三十卷今存賦體教表  
牋啓書論序傳誄墓誌碑銘禮佛發願文等  
凡三十篇

梁尙書左丞范縝集十一卷

梁書儒林傳范縝字子真南鄉舞陰人晉安  
北將軍汪六世孫縝少孤貧年未弱冠從沛  
國劉瓛學卓越不羣瓛甚奇之親爲之冠在  
獻門下積年博通經術尤精三禮性質直好  
危言高論不爲士友所安唯與外弟蕭琛善  
琛名曰口辨每服縝簡詣齊竟陵王子良盛  
招賓客縝亦預焉仕齊至宜都太守母憂去  
職義師至縝墨經來迎高祖與縝有西邸之  
舊見之甚悅以爲晉安太守徵爲尙書左丞  
後坐王亮事徙廣州在南累年追還京以爲  
中書郎國子博士卒官文集十卷  
南史范雲附傳雲從父兄縝年二十九髮白

幡然乃作傷暮詩白髮詠以自嗟齊竟陵王子良精信釋教而續盛稱無佛子良問曰君不信因果何得富貴貧賤續答曰人生如樹花同發隨風而墮自有拂簾幌墜於茵席之上自有關籬牆落於糞溷之中墮茵席者殿下是也落糞溷者下官是也貴賤雖殊途因果竟在何處子良不能屈然深怪之退論其理著神滅論出朝野諠譁子良集僧難之而不能屈太原王琰乃著論譏續曰嗚呼范子曾不知其先祖神靈所在欲杜續後對續又對曰嗚呼王子知其先祖神靈所在而不能殺身以從之其險詣皆此類也子良使王融謂之曰神滅既自非理而卿堅執之恐傷名教以卿之大美何患不至中書郎耶而故乖刺爲此可使毀棄之續大笑曰使范續賣論取官已至今令僕矣何但中書郎耶文集十五卷

鍾嶸詩品曰齊雍州刺史張欣泰梁中書郎范縝詩並希古勝文鄙薄俗製賞心流亮不失雅宗  
嚴氏全梁文編范縝有集十一卷今存擬騷招隱士及表書各一篇又神滅論答曹思文難神滅論各一篇

案弘明集載梁武帝敕答臣下神滅論有曰神滅之論朕所未詳又勅答曹思文云續既背經以起義乖理以致談滅聖難以聖責乖理難以理詰如此則言語之論略或可息又有釋法雲奉敕難范縝神滅論

與王公朝貴書當時王公朝貴答書詰難者有臨川王宏南平王偉長沙王淵業蕭景蕭昂蕭珍素蕭琛蕭靡沈約伏暉何炯曹景宗謝舉韋叡范岫王茂王瑩范孝才王志王揖王泰王緝王珍國王暕王彬王緘嚴植之賀場袁昂徐勉王僧孺王僧恕陸倕陸杲陸照殷鈞庾曼隆曹思文丘仲孚馬元和蔡撝司馬筠柳惲庾黔婁明山賓司馬綏柳愷謝綽庾詠王琳張緬陸璉沈宏顏繕孫挹劉洽王仲欣沈緄張翻徐緄王靖王筠沈績凡六十三人嚴氏並輯入全梁文編案此皆在梁初所難其在齊時相反覆如王琰諸人者更不知其凡幾自來著論詰難紛紜者當無逾於此其本論見梁書本傳末一段問答乃自敘其本意非特當時之藥石亦後世之炯戒千古名言也

梁護軍將軍周捨集二十卷

周捨有禮義疑見經部禮類

南史本傳捨雖居職屢遷而常留省內罕得休下國史詔詰儀禮法律軍旅謀謨皆兼掌之日夜侍上預機密二十餘年未嘗離左右與徐勉同參國政勉小嫌中廢捨專掌權轄雅量不及勉而清簡過之兩人俱稱賢相時議國史疑文帝紀傳之名捨以爲帝紀之籠百事如乾象之包六爻今若追而爲紀則事無所包若直書功德則傳而非紀應於上紀之前略有仰述從之初帝銳意中原羣臣咸

言不可唯捨贊成之大通中累獻捷帝思其功下詔述其德美捨集二十卷

又隱逸傳南嶽鄧先生名郁荊州建平人隱居衡山極峻之嶺斷穀三十餘載梁武帝敬信殊篤天監十四年無疾而終帝後令周捨爲鄧玄傳具序其事

又庾肩吾傳簡文與湘東王書論文體曰至如近世謝朓沈約之詩任昉陸倕之筆斯文章之冠冕述作之楷模張士簡之賦謂張率也有集見後周升逸之辯亦成佳手難可復遇

唐書經籍藝文志周捨集二十卷

馮氏詩紀輯存上雲樂一篇還田舍一篇又轉舞歌三首鐸舞曲一首

嚴氏全梁文編周捨有集二十卷今存議七篇鼎銘一首

梁有祕書張熾金河集六十卷亡

張熾始末未詳

案庾肩吾書品下之下有張熾而不著其爵里攷張融始自名其集曰玉海曰大澤

曰金波詳見前卷此又自號爲金河集與融之金波集卷數相同似即金波集張熾爲祕書時所錄合玉海大澤諸集爲一編歟審如是則前後所注梁有必有一條非七錄者矣

梁有劉歊集八卷亡

劉歊有古今文字序見經部小學類

南史劉懷慰傳懷慰子霽香歊幼有識慧六歲誦論語毛詩意所不解便能問難十二



讀莊子逍遙篇曰此可解耳客問之隨問而答皆有情理家人每異之謂為神童及長博學有文才不娶不仕與族弟許並隱居求志天監十七年忽著革終論初許之疾歎盡心救療及卒哀傷為之誄又著悲友賦以序哀情又梁書處士傳云歎精心學佛有道人釋寶誌者時人莫測也遇歎於興皇寺驚起曰隱居學道清淨登佛如此三說云

嚴氏全梁文編劉歎有集八卷梁書南史本傳有革終論

梁有玄貞處士劉許集一卷亡許當為許

梁書處士傳劉許字彥度平原人也父靈真齊武昌太守許數歲父母繼卒為伯父所養長兄絮為之娉妻剋日成婚許聞而逃匿事息乃還本州刺史張稷辟為主簿不就主者檄召許乃挂檄於樹而逃善玄言尤精釋典曾與族兄劉歎聽講於鍾山諸寺因共卜築宋熙寺東澗有終焉之志天監十七年卒於歎舍年三十一臨終執歎手曰氣絕便斂歎畢即埋靈筵一不須立勿設饗祀無求繼嗣歎從而行之宗人至友相與刊石立銘諡曰玄貞處士

南史劉懷珍附傳陳留阮孝緒博學隱居不交當世恆居一鹿牀環植竹木寢處其中時人造之未嘗見也許經一造孝緒即願以神交許族兄歎又履高操三人日夕招攜故都下謂之三隱 案許歎卒于天監十七年阮氏卒于大同二年後二劉卒十八九年

嘉定錢大昕隋書考異曰經籍志玄真處士劉許集一卷許當為許

### 梁蕭洽集二卷

梁書蕭介傳介蘭陵人性高簡少交游惟與族兄琛從兄朮素及洽從弟澹等文酒賞會時人以比謝氏烏衣之游洽字宏稱介從父兄也幼敏悟七歲誦楚辭略上口及長好學博涉亦善屬文仕齊入梁至普通初歷通直散騎常侍洽少有才思高祖令製同泰大愛敬二寺刹下銘其文甚美出為臨安太守還拜司徒左長史又勅撰當塗堰碑辭亦瞻麗六年卒官時年五十五集二十卷行於世南史蕭思話傳思話南蘭陵人子惠開惠明惠基惠基子洽司徒左長史卒於官文集二十卷行於世

### 唐書經籍藝文志蕭洽集二卷

梁隱居先生陶弘景集三十卷陶弘景內集十五卷

陶弘景有毛詩序注見經部詩家

南史隱逸傳弘景性好著述尚奇異顧惜光景老而彌篤以歷代皆取其先妣母配饗地祇以為神理宜然碩學通儒咸所不悟武帝既早與之游及即位恩禮愈篤書問不絕國家每有吉凶征討大事無不前以諮詢月中常有數信時人謂為山中宰相自知亡日為告逝詩所著學苑百卷孝經論語集注帝代年歷本草集注效驗方肘後百一方古今州郡記圖像集要及玉櫃記七曜新舊術疏占

候合丹法式其祕密及撰而未訖又十部唯弟子得之

陳禎明二年侍中尚書令江總撰陶貞白先生集序曰若夫德行博敏孔室四科經術深長鄭門六藝丹陽陶先生備斯矣至如紫臺青簡綠帙丹經玉版祕文瑤臺怪牒靡不貫彼精微殫其旨趣蓋非常之絕技命世之異人也文集缺亡未有編錄門人補輯若逢遼東之本好事研搜如誦河西之篋奉勅校之鉛槧緘以緹緗藏彼鴻都副在延閣唐書經籍藝文志陶弘景集三十卷

明白雲霧道藏目錄詳注華陽陶隱居集二卷注云貞白先生集又注云仙詩案此似即宋僧善所輯而白氏之言如此豈別有其本專載仙詩歟莫得而詳已

馮氏詩紀輯存詩六首華陽頌十五首

張氏百三家陶隱居集一卷凡賦表啓書序論誌頌銘碑文二十九篇詩六首

儀徵阮元寧經室外集華陽陶隱居集二卷梁陶弘景撰弘景有真誥四庫全書已著錄此其生平雜文及與武帝往復論書之割據集中尋山誌云先生去世後久無人編錄文集至陳武帝貞明二年勅令侍中尚書令江總始撰文集先生以梁大同二年解駕至是五十二載矣文章頗多散落云云然考隋志梁隱居先生陶弘景集三十卷又內集十五卷至唐志僅載三十卷疑所作內集已佚自是以後傳述愈微晁公武陳振孫皆未著錄

是本從明道藏本錄出卷首載昭臺弟子傳  
霄編集大洞弟子陳桷校勘蓋亦道家者流  
惟集前有江總序一首似尚存其舊餘則存  
什之一二而已殘膏剩馥足以沾溉後人蓋  
弘景在道家亦號學者其著述與抱樸抗衡  
所謂列仙之儒也

嚴氏全梁文編輯存雲上之仙風賦水仙賦  
十賚文解官表與梁武啓尋山誌難沈均均  
聖論華陽頌瘞鶴銘及書序碑請雨詞遺令  
凡三十篇案瘞鶴銘題華陽真逸撰黃長睿  
東觀餘論董道書跋以為陶隱居胡仔漁隱  
詩話引西清詩話云道藏陶隱居外傳號華  
陽真逸云又卷首序錄曰陶弘景集二卷一  
道藏本傅霜編一明黃淮序刻本案此作傅霜  
似刊誤

金山錢熙祚指海叢書刊本跋曰陶隱居集  
二卷從明道藏錄出考元劉大彬茅山誌有  
傅霄重編隱居集霄字子昂晉陵人主常州  
天慶觀高宗召主太乙宮祠乞還茅山紹興  
二十九年立春日化南宋初距弘景時六百  
餘年掇拾遺文存什一于千百蕭綸陶隱居  
碑銘載其與親友書雲笈七籤本起錄載其  
與從兄書茅山誌載其請雨詞又許長史舊  
館壇碑後尚有碑陰記古今刀劍錄首有自  
序此本均未采入搜而補之以俟好古者

梁徵十魏道徵集三卷  
魏道徵始末未詳  
唐書經籍藝文志魏道徵集三卷

梁黃門郎張率集三十八卷

梁書南史本傳率字士簡吳郡吳人祖永宋  
右光祿大夫有集見前 率年十二能屬文常  
日限為詩一篇稍進作賦頌至年十六向作  
二千餘首有虞訥者見而詆之率乃一旦焚  
毀更為詩示焉託云沈約訥使句句嗟稱無  
字不善率曰此吾作也訥慚而退起家齊著  
作佐郎建武三年舉秀才除太子舍人與同  
郡陸倕陸厥幼相友又與任昉定交天監初  
直文德待詔省勅使抄乙部書又撰古婦人  
事二十餘條勒成百卷使工書人琅邪王深  
吳郡范懷約褚洵等繕寫以給後宮率取假  
東歸論者謂為傲世率懼乃為待詔賦奏之  
甚見稱賞手勅答曰省賦殊佳相如工而不  
敏枚臬速而不工卿可謂兼二子於金馬矣  
又侍宴賦詩帝乃別賜率詩曰東南有才子  
故能服官政余雖慚古昔得人今為盛率奏  
詩往返六首尋以祕書丞掌集書詔策四年  
三月禊飲華光殿其日河南國獻舞馬詔率  
與到洽周興嗣為賦帝以率及興嗣為工七  
年有勅直壽光省治丙丁部書抄累遷黃門  
侍郎新安太守大通元年卒年五十三率少  
好屬文而七略及藝文志所載詩賦今亡其  
文者並補作之所著文衡十五卷文集三十  
卷南史云四十卷行於世  
唐書經籍藝文志張率集三十卷  
馮氏詩紀輯存四五七言雜言諸體詩二十  
四首

嚴氏全梁文編輯張率有文衡十五卷集三十  
八卷本傳有河南國獻舞馬賦初學記有繡  
賦凡二篇

梁南徐州治中王罔集三卷

王罔始末未詳

唐書經籍藝文志王罔集三卷

馮氏詩紀王罔爵里無考有和簡文往虎窟  
山寺詩一篇長安有狹邪行一篇

梁都官尚書江革集六卷

梁書本傳革字休映濟陽考城人幼而聰敏  
有才思六歲解屬文讀書精力不倦詣太學  
補國子生舉高第齊中書郎王融吏部謝朓  
雅相欽重司徒竟陵王引為西邸學士僕射  
江革以革才堪經國令參掌機務詔誥文檄  
皆委以其中與元年高祖入石頭時吳興太  
守袁昂據郡距義師乃使革製書於昂辭義  
典雅高祖深歎賞之因令與徐勉同掌書記  
數遷歷都官尚書再遷為度支尚書謝病還  
家除光祿大夫領步兵校尉南北齊二州大  
中正優游閑放以文酒自娛大同元年卒諡  
曰彊子有集二十卷行於世革歷官八府長  
史四王行事三為二千石傍無姬侍家徒壁  
立世以此高之長子行敏好學有才俊官至  
通直郎早卒有集五卷 革次子德讓有聘北道里  
記三卷見史部地理類  
唐書經籍藝文志江革集十卷  
馮氏詩紀江革爵里無考有贈何記室聯句  
不成一首又贈何記室一首

嚴氏全梁文編江革有爲蕭僕射與袁昂書見梁書袁昂傳案昂傳作高祖手書考江革傳則書乃革所製也

梁奉朝請吳均集二十卷

吳均有齊春秋見史部古史類

梁書南史文學傳均有俊才沈約嘗見均文頗相稱賞天監初柳惲爲吳興召補主簿日引與賦詩均文體清拔有古氣好事者或數之謂爲吳均體均嘗不得意贈惲詩而去久之復來惲遇之如故薦之臨川靖惠王王稱之於武帝即日召之賦詩悅焉著文集二十卷

顏氏家訓文章篇吳均集有破鏡賦破鏡乃凶逆之獸事見漢書爲文幸避此名也

郊祀志有言古天子嘗以春解祠祠黃帝用一鼻破鏡孟

康曰鼻爲名食母破鏡獸名食黃帝欲絕其類故使百

吏祠皆用之破鏡如獅而虎眼案即鼻鏡之貌也

唐書經籍藝文志吳均集二十卷

宋史藝文志吳均詩集三卷

崇文總目吳均集十卷

晁氏讀書志吳均集三卷梁吳均叔庠也史

稱均有集二十卷唐世搜求止得十卷

案此則晁氏所見唐志作十卷與崇文目同今本作二十卷似

後人據隋志妄改也

今又亡其七矣舊題誤曰

吳筠筠乃唐人此詩殊不類而其中有贈周

興嗣柳貞陽輩詩固已知其非筠又有蕭子

雲贈吳朝請入東詩蓋均在武帝時爲奉朝

請則知爲均也無疑矣蕭子雲詩八蕭子顯

朱異王筠王僧孺詩各一附顏之推譏均集中有破鏡賦今已亡之

張氏百三家吳朝請集序曰文中子云吳均

孔珪古之狂者也其文怪以怒今叔庠集文

鮮絕奇者獨解說責璧二文頗詭博不經似

得之枚乘七發行以排調與朱元思書盛稱

富陽桐廬山水微矜摹擬則士龍鄧縣明遠

大雷波瀾尚存謂之怪怒殆以此哉詩什疊

疊樂府尤高凡賦表書檄餅說連珠一十三

篇樂府三十篇詩六十七篇

馮氏詩紀輯存樂府詩篇數略同

嚴氏全梁文編吳均有集二十卷今見於藝

文類聚初學記太平御覽文苑英華者有賦

五篇表一篇書三篇檄江神責周穆王璧一

篇食移一篇餅說一篇連珠二條

梁光祿大夫庾曇隆集十卷并錄

唐書經籍志庾曇隆集十卷

唐書藝文志庾曇隆集十卷

嚴氏全梁文編曰庾曇隆齊建武初通直散

騎常侍入梁爲太中大夫遷光祿大夫有集

十卷今存啓二篇書一篇

案南史江淹傳齊少帝初兼御史中丞奏

彈永嘉太守庾曇隆則齊時嘗居是官舊

唐志作庾景興似其字齊有庾杲之字景

行新野人景興或其昆季行

梁儀同三司徐勉前集三十五卷徐勉後集十六

卷并序錄

徐勉有梁選簿見史部職官類

梁書本傳勉幼孤貧早勵清節年六歲時屬

霖雨家人祈霽率爾爲文見稱者宿及長篤

志好學起家國子生太尉文憲公儉時爲祭

酒每稱勉有宰輔之量高祖義兵至京邑勉

於新林謁見使管書記天監中王師北伐候

驛填委勉參掌軍書敬勞夙夜既閑尺牘兼

善辭令雖文案填積坐客充滿應對如流手

不停筆又該綜百氏皆爲避諱每有奏表輒

焚藁草博通經史多識前載朝儀國典婚冠

吉凶勉皆與圖議普通六年上修五禮表善

屬文勤著述雖當機務下筆不休凡所著左

丞彈事五卷齊時撰太廟祝文二卷前後二

集四十五卷又爲婦人集十卷皆行於世大

同三年故佐史尚書左丞劉覽等詣闕陳勉

行狀請刊石紀德詔立碑於墓云

南史本傳凡所著前後二集五十卷又爲人

章表集十卷左丞彈事五卷齊時撰太廟祝

文二卷

藝文類聚雜文部梁王僧孺詹事徐府君集

序曰君年十八見召爲國子生未嘗投刺權

門驅車戚里遨遊梁董去來賈郭時春秋猶

少人爵未崇而清風嘉譽震灼朝野非直俯

致貴仕故可坐享通侯而縹馬懸車閉門高

枕聊爲詭遇識此行藏及皇運聿興重氛載

廓君藏器待時合猶符契位隨德顯任與時

隆自綢繆軒陞十有餘載行稱表綴言成模

楷九德無遺百行備舉至於專心六典精贖

必深汎游羣籍菁華無棄擗札含豪必弘靡麗摘綺縠之思鬱風霞之情質不傷文麗而有體

唐書經籍志徐勳前集三十五卷徐勳後集十六卷

唐書藝文志徐勳前集三十五卷後集十六卷

馮氏詩紀輯存采菱曲迎客曲送客曲等詩凡八首

嚴氏全梁文編徐勳有前集三十五卷後集十六卷今存萱草花賦鵲賦五禮表及疏議啓各一篇書三篇答客喻一篇墓誌銘四篇碑一篇綜凡十五篇

梁吏部郎王錫集七卷并錄瑛邪

梁書王份傳份仕齊入梁位侍中特進左光祿長子琳司徒左長史錫字公遐琳之第二子也幼而警悟母義興公主年七八歲隨公主入宮高祖嘉其聰敏常為朝士說之精力不倦致損右目十二為國子生舉清茂除祕書郎與范陽張伯緒齊名以戚屬封永安侯累遷中書郎給事黃門侍郎尚書吏部郎中時年二十四稱疾不拜便謝遣胥徒拒絕賓客掩扉單馬室宇蕭然中大通六年卒時年三十六贈侍中諡貞子 案王份兄奐為雍州刺史為齊武帝所誅奐子肅及弟乘兄子誦翊衍奔魏肅子紹紹弟理誦子孝康備康翊子淵凡十人並仕於魏皆王導之後也蓋瑛邪王氏又有流入北朝者唯肅為最著云

南史王份傳份長子琳齊代娶梁武帝妹義

興長公主有子九人並知名長子銓字公衡雖學業不及弟錫而孝行齊焉時人以爲銓錫二王可謂玉昆金友錫再遷太子洗馬時昭明太子尚幼武帝勅錫與張纘入宮與太子游狎情兼師友又勅陸倕張率謝舉王規王筠劉孝綽判洽張緬爲學士十人盡一時之選

唐書經籍藝文志王錫集七卷

馮氏詩紀輯存大言應令細言應令各一首嚴氏全梁文編王錫有宿山寺賦一篇見廣弘明集

梁尚書左僕射王暕集二十一卷 瑛邪 或作暕者非

梁書本傳暕字思晦父儉齊太尉南昌文憲公暕年數歲而風神驚拔有成人之度時文憲作宰賓客盈門見暕相謂曰公才公望復在此矣弱冠選尚淮南長公主拜駙馬都尉晉安王文學廬陵王友祕書丞明帝詔求異士始安王遙光表薦暕曰竊見祕書丞暕年二十一七葉重光海內冠冕暕先達領袖後進居無塵雜家有賜書辭賦清新屬言玄遠天監中再爲侍中吏部尚書歷左僕射領國子祭酒普通四年冬暴疾卒年四十七諡曰靖

唐書經籍藝文志王暕集二十卷

馮氏詩紀輯存觀樂應詔一首詠舞一首

嚴氏全梁文編王暕有集二十一卷弘明集有答釋法雲書難范縝神滅論

梁平西刑獄參軍劉孝標集六卷

劉孝標名峻有漢書注見史部正史類

梁書南史本傳峻游東陽紫巖山築室居焉爲山栖志其文甚美初梁武帝招文學之士擢以不次峻率性而動不能隨衆浮沈帝頗嫌之故不任用乃著辨命論以寄其懷論成中山劉沼致書以難之凡再反峻並爲申析以答之會沼卒不見峻後報者乃爲書以序其事其文論並多不載峻又嘗爲自序自比馮敬通而有同之者三異之者四云峻自以少時未開晤晚更厲精明慧過人博極羣書文藻秀出故其自序云曩中濟濟皆升堂亦有愚者解衣裳言其少年魯鈍也

南史任昉傳昉有子東里西華南容北叟並無術業墜其家聲兄弟流離不能自振生平舊交莫有收卹西華冬月著葛屨練裙道逢平原劉孝標泫然矜之謂曰我當爲卿作計乃著廣絕交論以譏其舊交到溉見其論抵之於地終身恨之

文選廣絕交論注劉瓛梁典云乃廣朱公叔絕交論後漢朱穆有集見第二卷又辯命論注梁典曰辯命論蓋以自喻云孝標植根淄右流寓魏庭冒履艱危僅至江左負才矜地自謂坐致雲霄豈圖遽巡十稔而榮慚一命因茲著論故辭多憤激雖文越典謨而足杜浮競也

張氏百三家劉戶曹集序曰玄靖先生一世書淫上有好文之君朝多同學之彥而引見

無階山栖竟老德祖見忌於曹操敬通缺望於光武豈非命耶辯命六蔽善言天人自序三同四異悲憤交集而又重以悍室司晨若放將餒詩窮而工其然乎凡啓書序志論十二篇詩四篇馮氏詩紀篇數同

汪氏文選撰人篇目曰文選有梁劉孝標峻答劉秣陵書辯命論廣絕交論

嚴氏全梁文編劉峻有世說注十卷集六卷今存啓書辯命論廣絕交論山栖志相經序

自序凡一 三篇  
梁鴻臚卿裴子野集十四卷

裴子野有喪服傳見經部禮類

梁書南史本傳子野少好學善屬文撰宋略二十卷蘭陵蕭琛言其評論可與過秦王命分路揚鑣於是徐勉言之武帝勅掌中書詔誥子野與沛國劉顯南陽劉子遴陳郡殷芸陳留阮孝緒吳郡顧協京兆韋稜皆博學深相賞好顯尤推重之時長平侯蕭勸范陽張纘每討論墳籍咸折衷於子野普通七年大舉北侵勅子野爲移魏文受詔立成武帝以其事體大召徐勉周捨劉子遴朱异集壽光殿觀之時並歎服俄又爲書喻魏相元又及奏武帝深嘉焉自是諸符檄皆令具草子野爲文典而速不尙靡麗之詞其制作多法古與今文體異當時或有詆訶者及其末翁然從之文集二十卷行於世又欲撰齊梁春秋始草創未就而卒及葬湘東王爲之墓誌銘陳於藏內邵陵王又立墓誌埋於羨道羨道

列誌自此始焉

陳吏部尚書姚察曰阮孝緒嘗言仲尼論四科始乎德行終乎文學有行者多尙質樸有文者少蹈規矩若夫憲章游夏祖述回騫體兼文行於表幾原見之矣

唐書經籍藝文志裴子野集十四卷  
馮氏詩紀輯存詩三首

嚴氏全梁文編裴子野有集十四卷今存寒夜賦游華林園賦臥疾賦喻虜檄文彫蟲論宋略總論泰始三畔論明帝誅諸弟論選舉論樂志絃碑文行狀凡十四篇

梁仁威府長史司馬裴集九卷

梁書本傳裴字元素南史作元表河內溫人也父燮善三禮齊國子博士裴少傳家業強力專精手不釋卷其禮文所涉書略皆徧觀沛國劉勳爲儒者宗嘉其學深相賞好少與樂安任昉善昉亦雅重焉初爲國子生起家奉朝請天監初詔通儒治五禮有司舉裴治嘉禮是時創定禮樂裴所議多見施行裴學尤精於事數國家吉凶禮當世名儒明山寶賀瑒等疑不能斷者皆取決焉累遷尚書右丞出爲仁威長史長沙內史御史中丞十七年遷明威將軍晉安王長史未幾卒王命記室庾肩吾集其文爲十卷所撰嘉禮儀注一百一十二卷 案晉安王卽簡文帝也嘉禮儀注詳見史部儀注類

唐書經籍藝文志司馬裴集九卷

嚴氏全梁文編司馬裴有嘉禮儀注一百十

二卷錄三卷集九卷通典有東宮樂議一篇弘明集有答釋法雲書難范縝神滅論一篇梁蕭子暉集九卷

梁書南史蕭子恪傳子恪字景冲齊豫章文獻王嶷第二子也兄弟十六人並仕梁有文學者子恪子質子顯子雲子暉五人子暉字景光子雲弟也少涉書史亦有才文嘗預重雲殿聽制講三慧經退爲講賦奏之甚見稱賞卒於驃騎長史案豫章文獻王齊高帝第二子暉高帝之孫亦子梁爲宗室五人中子恪文集不傳子質并不見於史子顯有集二十卷本志亦不見惟子暉二人集在焉五人外又有子範有集見後子範外又有子政撰周易義疏見經部史亦無其傳不知是否在十六人之內也

唐書經籍藝文志蕭子暉集十一卷

馮氏詩紀輯存春霄冬曉春游詩凡三首嚴氏全梁文編蕭子暉有集九卷藝文類聚有冬草賦反舌賦各一篇

梁始興內史蕭子範集十三卷

梁書南史本傳子範字景則子恪第六弟也齊永明十年封新陽縣侯天監初降爵爲子除後軍記室參軍數遷爲大司馬南平王戶曹屬從事中郎王愛文學士子範偏恩遇嘗曰此宗室奇才也使製千字文其辭甚美王命記室蔡遵注釋之自是府中文筆皆使草定遷護軍臨賀王正德長史正德爲丹陽尹復爲信威長史歷官十餘年不出蕃府而諸弟並登顯列意不能平及是爲到府牋曰上

善首僚於茲再忝河南雖伏自此重叨老少異時盛衰殊日雖佩恩寵還羞年鬢子範少與弟子顯子雲才名略相比而風采容止不速故宦途有優劣每讀漢書杜緩傳云六弟五人至大官惟中弟欽官不至最知名常吟諷之以況己也後為始興內史太中大夫祕書監簡文即位其年葬簡皇后使製哀策文理哀切帝謂武陵侯蕭詠曰此段莊陵萬事零落惟哀册尚有典刑勅賚米千石子範無居宅尋遇疾卒於招提寺僧房賊平元帝追贈金紫光祿大夫諡曰文前後文集三十卷

唐書經籍藝文志蕭子範集三卷案本志十三卷似三十卷之誤此三卷似又做十字

馮氏詩紀輯存羅敷行等詩凡九首

嚴氏全梁文編蕭子範有千字文一卷集十三卷藝文類聚初學記本傳有賦四篇表三篇牋一篇七誘冠子箴凡十篇

梁建陽令江洪集二卷

梁書文學吳均傳先是有廣陵高爽濟陽江洪會稽虞寤並工屬文並有文集洪為建陽令坐事死

南史王僧孺傳齊司徒竟陵王子良開西邸招文學僧孺與太學生虞羲丘國賓蕭文琰丘令楷江洪劉孝孫並以善辭藻游焉子良嘗夜集學士刻燭為詩四韻者則刻一寸以此為率蕭文琰曰頓燒一寸燭而成四韻詩何難之有乃與令楷江洪等共打銅鉢立韻響滅則詩成皆可觀覽

鍾嶸詩品曰梁建陽令江洪詩雖無多亦能自適出

馮氏詩紀曰江洪有巴陵王四咏九首咏歌姬咏舞女和新浦侯咏竹咏鶴咏紅棧江行咏荷咏美人治裝凡八首

梁鎮西府記室鮑幾集八卷

梁元帝集薦鮑幾表曰臣誠識愧知才職非選舉竊以進賢上賞閉賢顯戮敢緣斯義用舉所知伏見鮑幾門庭雍睦立身貞退博涉文史頗閑刀筆忠公抗直出宰廉平雅志弘深安貧專靜解巾入仕三十餘年自游臣府一紀於茲前宰東邑實有二魯之風近處南臺欲尊兩鮑之則

梁書鮑泉傳泉東海人也父機湘東王諮議參軍

南史鮑泉傳泉父幾字景玄家貧以母老詣吏部尚書王亮干祿亮一見嗟賞舉為春陵令後為明山賓所薦為太常丞以外兄傳昭為太常依制總服不得相臨改為尚書郎終於湘東王諮議參軍

隋書鮑宏傳宏東海郟人也父機以才學知名仕梁官至治書侍御史

唐書經籍鮑幾集八卷

軍蓋即湘東王鎮西諮議領記室參軍也

梁尚書祠部郎虞囑集十卷

虞囑始末未詳

金樓子聚書篇曰法書初得韋護軍劄餉數卷次又殷貞子鈞餉爾後又遣范普市得法書又使潘善提市得法書並是二王書也郡五官虞囑大有古迹可五百許卷併留之案江左虞氏大抵皆吳虞翻仲翔氏之後會稽餘姚人梁元帝稱郡五官似即會稽郡五官據其初為是官也案梁書元帝本紀天監十三年封湘東王初為寧遠將軍會稽太守囑為郡職當在斯時

唐書經籍藝文志虞囑集六卷

嚴氏全梁文編曰虞囑天監中為治書侍御史遷尚書祠部郎有集十卷梁書良吏傳有奏彈伏晒一篇

梁新田令費昶集三卷

南史文學何思澄傳王子雲太原人及江夏費昶並為閩里才子昶善為樂府又作鼓吹曲武帝重之勅曰才意新拔有足嘉異昔郎惲博物下蘭巧辭束帛之賜實惟勸善可賜絹十四匹

馮氏詩紀輯存巫山高芳樹有所思長門怨采菱曲思公子發白馬行路難等樂府詩一十六首

梁蕭機集二卷機當為幾

梁書本傳幾字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

也每見幾謂人曰康公此子可謂桓靈寶重出及公則卒幾爲之誅時年十五沈約見而奇之謂其舅蔡攸曰昨見賢甥楊平南誅文不減希逸之作始驗康公積善之慶釋褐著作佐郎廬陵王文學數遷至中書侍郎尚書左丞末年專尚釋教爲新安太守郡多山水特其所好適性游履遂爲之記卒于官子爲字元專亦有文才

梁東陽郡丞謝瑱集八卷

謝瑱始末未詳

唐書經籍藝文志謝瑱集十卷

馮氏詩紀曰謝瑱爵里無考有和蕭國子詠

李花一首案此謝瑱似即謝瑱之誤

梁通直郎謝琛集五卷

謝琛始末未詳

唐書經籍藝文志謝琛集五卷

梁仁威記室何遜集七卷

南史何承天附傳承天曾孫遜字仲言八歲能賦詩弱冠州舉秀才南鄉范雲見其對策大相稱賞因結忘年交謂所親曰頃觀文人質則過儒麗則傷俗其能含清濁中今古見之何生矣沈約嘗謂遜曰吾每讀卿詩一日三復猶不能已其爲名流所稱如此梁天監中兼尚書水部郎南平王引爲賓客掌記室事後薦之武帝與吳均俱進倖後稍失意帝曰吳均不均何遜不遜未若吾有朱异信則異矣自是疎隔希復得見卒于仁威廬陵王記室東海王僧孺集其文爲八卷初遜文章

與劉孝綽並見重時謂之何劉梁元帝著論論之云詩多而能者沈約少而能者謝朓何遜

唐日本國見在書目何遜集八卷

唐書經籍藝文志何遜集八卷

宋史藝文志何遜詩集五卷

晁氏讀書志何遜集二卷梁何遜仲言也東海人終水部員外郎與劉孝綽以文章見重於世謂之何劉王僧孺集其文爲八卷今亡佚不全

宋黃伯思東觀餘論曰隋經籍志唐藝文志何遜集皆八卷晉天福本但有詩兩卷今世傳本是也獨春明宋氏有舊本八卷特完因借傳之然少陵嘗引昏鴉接翅歸金粟裏搔頭等語而此集無有猶常有軼者集中若團團月隱洲輕燕逐風花遠岸平沙合連山遠霧浮岸花臨水發江燕遶橋飛游魚上急瀨薄雲巖際宿等語子美皆采爲己句但小異耳故曰能詩何水曹信非虛賞案此言隋經籍志八卷與今本隋志所載不合

陳氏書錄解題何仲言集三卷梁水部郎何遜仲言撰本傳集八卷館閣書目同今所傳止此

張氏百三家何記室集輯本序曰仲言文名齊劉孝綽詩名齊陰子堅今集中文頗少爲衡山侯與婦一書詞林見賞亦閨房語耳未可方阿士也子堅長於近體然風格遠不逮仲言不知何以比肩同聲也少陵佳句多從

仲言脫出是以有能詩何水曹之句後世詩人即慕仲言蓋古人詩名有因後人而益貴者陰何其類也凡賦牋書七召共五篇樂府四篇詩九十二篇聯句十二篇馮氏詩紀輯存二卷篇數同

四庫提要曰何水部集一卷梁何遜撰遜官至水部員外郎故自唐以來稱何水部王僧孺嘗輯遜集爲八卷黃伯思東觀餘論有遜集跋稱爲春明宋氏本蓋宋敏求家所傳其卷數尙與梁書相符今舊本久亡所謂八卷者不可復覩此本爲明正德丁丑松江張紘所刊首列遜小傳凡詩九十五首附載范雲劉孝綽同作擬古二首聯句十三首末載黃伯思跋跋後附七召一篇末復有紘跋稱舊與陰鏗集併刻紘以二家體裁各別不當比而同之公暇獨取是集刪其繁蕪同置陸懋之永嘉李昇之捐俸共刻然則是集又經紘刊削有所去取歟

嚴氏全梁文編曰何遜有集七卷初學記藝文類聚諸書有窮鳥賦與建安王謝秀才牋爲孔導辭建安王牋爲衡山侯與婦書存凡四篇明張紘所刻集本有七召張溥本從之七召出文苑英華三百五十二在簡文帝七勵之後無名氏前不言何遜作葉紹泰又編入昭明太子集皆無確據也今編入梁闕名類又卷首敘錄曰何遜集一卷項道暉刻本

梁有安西記室劉綬集四卷亡綬當爲纓

梁書文學劉昭傳昭平原高唐人晉太尉寮

九世孫也昭子縉縉弟緩字含度少知名歷官安西湘東王記室時西府盛集文學緩居

其首除通直郎俄遷鎮南湘東王中錄事復隨府江州卒 案元帝本紀大同元年進號安西將軍

六年爲鎮南將軍江州刺史大齊元年徙荊州刺史緩蓋卒于元帝都督江州時在大齊之前

南史文學劉昭傳縉弟緩爲湘東王中錄事性虛遠有氣調風流跌宕名高一府常云不

須名位所須衣食不用身後之費唯重目前知見

金樓子著書篇乙部繁華傳一秩三卷金樓使劉緩撰又丙部玉子訣一秩三卷金樓付

劉緩撰案此二書本志皆不見 馮氏詩紀輯存詩八首又品藻篇引歷代吟

譜云其生平之所作者爲英華集二十卷文選二十篇歷代吟譜宋蔡傳選見四庫詩文評存目

嚴氏全梁文編劉緩有集四卷藝文類聚初學記有緩照鏡賦一篇

梁有沙門釋智藏集五卷亡 馮氏詩紀曰釋智藏姓顧氏吳郡吳人太初

六年案齊梁二代皆無太初年號此誤也 敕住興皇寺梁武授戒時時諸稟皇太子尤加敬接廣

弘明集有梁開善寺藏法師奉和武帝三教詩一篇

嚴氏全梁文編曰釋智藏本名淨藏吳人天監末居鍾山開善寺續高僧傳六有辭會啓

一篇 案別集類注梁有者終於此二集智藏卒

年不可知劉緩則卒於阮孝緒之後疑此二集亦未必定在七錄也 梁太常卿陸倕集十四卷

南史陸慧曉傳慧曉吳郡吳人三子倕任倕並有美名時人謂之三陸初授慧曉兗州三

子依次第各作一讓表辭並雅麗時人歎服倕字佐公少勤學善屬文幼爲外祖張岱所

異十七舉本州秀才刺史竟陵王子良開西邸延英俊倕預焉梁天監初爲右軍安成王

主簿與樂安任昉友爲感知己賦以贈昉因此名以報之及昉爲中丞簪裾幅湊預其

譏者殷芸到概劉苞劉孺劉顯劉孝綽及倕而已號曰龍門之游雖貴公子孫不得預焉

梁武帝雅愛倕才乃敕撰新漏刻銘其文甚美又詔爲石闕銘勅褒之累遷太常卿梁書

本傳曰普通七年卒年五十七文集二十卷行於世 唐日本國見在書目陸倕集八卷

唐書經籍志陸子倕集二十卷子字衍唐書藝文志陸倕集二十卷

馮氏詩紀輯存和昭明太子鍾山講解一篇贈京邑僚友一篇贈任昉一篇

汪氏文選撰人篇目文選有梁陸佐公倕石闕銘新漏刻銘

嚴氏全梁文編陸倕有集十四卷今存感知已賦思田賦賦體教章表啓書銘碑釋奠文

請雨文凡二十四篇 梁廷尉卿劉孝綽集十四卷

南史劉劭傳劭彭城安上里人也子繪繪子孝綽字孝綽本名冉幼聰敏七歲能屬文舅

王融深賞異之與同載以適親友號曰神童融每曰天下文章若無我當歸阿士阿士孝

綽小字也父繪齊時掌詔詔孝綽時年十四繪嘗代使草之父黨沈約任昉范雲等聞其

名命駕造焉昉尤相賞好天監初起家著作佐郎爲歸沐詩贈任昉昉報章相引重武帝

時因宴幸令沈約任昉等言志賦詩孝綽亦見引嘗侍宴於坐作詩七首武帝覽其文篇

篇嗟賞昭明太子好士愛文孝綽與殷芸陸倕王筠到洽等同見禮後武帝爲籍田詩使

徐勉先示孝綽時奉詔作者數十人帝以孝綽詩工歷太子僕兼廷尉卿湘東王諮議黃

門侍郎尚書吏部郎臨賀王長史晚年忽忽不得志後爲祕書監大同五年卒官年五十

九孝綽少有盛名而仗氣負才多所陵忽意有不合極言詆訾由此多忤於物前後五免

辭藻爲後進所宗時重其文每作一篇朝成暮徧好事者咸傳誦寫流聞河朔亭苑柱壁

莫不題之文集數十萬言行於時兄弟及羣從子姪當時有七十人並能屬文近古末之

有也 又論曰劉劭出征久撫所在流譽悛至性過人繪辭義克舉諸子各擅彫龍當年方駕文

采之盛殆難繼乎 唐書經籍藝文志劉孝綽集十二卷 舊志卷

刊本作十一卷



宋史藝文志劉子綽集一卷子當爲孝

陳氏書錄詩集類劉孝綽集一卷梁祕書監彭城劉孝綽撰宋僕射勳之孫本傳稱文集數十萬言今所存止此

張氏百三家劉祕書集題詞曰王元禮七葉之中爵位文才蟬聯不絕劉孝綽一家子姓能文者七十人門世之盛足使安平無雀汝南無應孝綽文集數十萬言存者無幾零落之歎無異元禮書啓表序文采較優詩乃兄弟爾凡表啓書序碑十六篇樂府六篇詩五十九篇馮氏詩紀輯存樂府詩篇數略同

嚴氏全梁文編劉孝綽有集十四卷今存表一篇議一篇啓九篇書三篇序一篇碑銘二篇凡十七篇

梁都官尙書劉孝儀集二十卷  
南史劉勳附傳孝綽弟潛字孝儀幼孤與兄弟相助以學並工屬文孝綽嘗云三筆六詩三卽孝儀六謂孝威也舉秀才累遷尙書殿中郎勅令製雍州平等寺金像碑文甚宏麗

晉安王綱鎮襄陽引爲安北功曹史及王爲皇太子仍補洗馬遷中舍人梁書本傳云中大同元年入守都官尙書太清元年出爲豫章內史二年侯景寇京邑三年宮城不守孝儀爲前歷陽太守莊賊所逼失郡大寶元年病卒時年六十七有文集二十卷行於世

唐書經籍藝文志劉孝儀集二十卷  
張氏百三家劉豫章集輯本凡賦表彈文啓書連珠碑銘三十六篇樂府一篇詩十一篇

馮氏詩紀輯存樂府詩篇數略同  
嚴氏全梁文編劉潛有集二十卷藝文類聚太平御覽文苑英華所載有歎別賦一篇表十二篇彈文一篇啓二十一篇書一篇連珠一篇平等寺利下銘一篇雍州金像寺無量壽佛像碑一篇凡三十九篇

梁太子庶子劉孝威集十卷  
南史劉勳附傳孝綽第六弟孝威氣調爽逸風儀俊舉初爲安北晉安王法曹後爲太子洗馬中舍人庶子率更令並掌管記大同中白雀集東宮孝威上頌甚美太清中遷中庶子兼通事舍人及侯景寇亂隨司州刺史柳仲禮至安陸卒

唐書經籍志劉孝威前集十卷後集十卷  
唐書藝文志劉孝威前集十卷後集十卷  
宋史藝文志劉孝威集一卷  
崇文總目劉孝威詩一卷  
張氏百三家劉庶子集輯本題辭曰劉士章文章談義領袖後進七子三女多擅才學孝綽品藻羣弟嘗云三筆六詩謂孝儀孝威第五弟孝勝第七弟孝先無預焉侯景寇亂孝儀遣子入援身受賊逼失郡病亡孝威困躓危城自拔得出崎嶇西上亦抱疾不起假使時清國晏兄弟連騎續玄圃之舊游領高齋之述作重篇大帙必偉觀聽而長鯨疾驅逃死不暇林焚池竭遺章闕如就所披涉則孝

儀筆勝孝威詩勝伯兄之言良不謬也凡啓書贊十五篇樂府二十四篇詩三十三篇馮氏詩紀輯存樂府詩篇數略同

嚴氏全梁文編劉孝威有集十卷藝文類聚太平御覽有啓十二篇書二篇贊二篇凡一十六篇  
梁東陽太守王揖集五卷瑛那

梁書王筠傳筠祖僧虔齊司空簡穆公父揖太中大夫  
南史王曇首傳曇首子僧綽僧綽弟僧虔僧虔子慈慈弟志志家居建康禁中里馬蕃巷兄弟子姪皆篤實謙和時人號馬蕃諸王爲長者志弟揖位太中大夫揖子筠揖弟彬彬弟寂案曇首及僧綽及寂並有集見宋齊人文中僧綽子齊太尉文憲公儉揖之從昆季也

嚴氏全梁文編曰王揖梁書作揖齊司空僧虔子仕齊入梁歷黃門侍郎太中大夫出爲東陽太守有集五卷弘明集卷十有答釋法雲書難范縝神滅論一篇

梁黃門郎陸雲公十卷  
梁書文學傳雲公字子龍吳郡人也祖開州別駕父完寧遠長史雲公九歲讀漢書略能記憶從祖偃與沛國劉顯質問十事雲公對無所失顯歎異之旣長好學有才思州舉秀才累遷宜惠武陵王平西湘東王行參軍雲公先製泰伯廟碑吳興太守張纘罷郡經途讀其文歎曰今之蔡伯喈也纘言之於高祖入直壽光省除著作郎累遷中書黃門郎太

二

二

二

二

二

清元年卒年三十七文集行於世

唐書經籍藝文志陸雲公集四卷

嚴氏全梁文編雲公有集十卷初學記有星

賦廣弘明集有御講般若經序藝文類聚有

太伯碑存凡三篇

梁國子祭酒蕭子雲集十九卷

蕭子雲有千字文注見經部小學類

梁書南史本傳子雲年十二齊建武四年封

新浦侯自製拜章便有文采及長勤學有文

藻撰晉書及東宮新記並表奏之梁初郊廟

未革性怪樂辭皆沈約撰至是承用子雲啓

宜改之勅答曰此是主者守株宜急改也仍

使子雲撰定勅曰郊廟歌辭應須典誥大語

不得雜用子史文章淺言而沈約所撰亦多

舛謬子雲作成勅並施用

隋書音樂志曰梁氏之初其樂歌詩辭並沈

約所製普通中薦蔬之後改諸雅歌蕭子雲

製辭

唐書經籍藝文志蕭子雲集二十卷

馮氏詩紀輯存詩六首又三朝雅樂歌六首

相和歌五首

嚴氏全梁文編蕭子雲有集十九卷藝文類

聚有歲暮直廬賦廣弘明集有玄圃講賦本

傳有請改郊廟樂辭啓答勅改撰樂辭答勅

論書存凡五篇

梁征西府長史楊眺集十一卷并錄一本眺作眺

梁書楊公則傳公則天水西縣人也仕齊入

梁至衛尉卿封寧都縣侯諡曰烈公則性好

學雖居軍旅手不輟卷士大夫以此稱之子

標嗣有罪國除高祖以公則勳臣特詔聽庶

長子眺嗣眺固讓歷年乃受 南史應作眺眺作

眺

唐書經籍藝文志楊眺十卷

案楊眺見於史者唯此史不著其歷官始

末不知是否即此人也

梁太子洗馬王筠集十一卷并錄王筠中書集十

一卷并錄王筠臨海集十一卷并錄王筠左佐集

十一卷并錄王筠尚書集九卷并錄瑱邪

南史王曇首附傳曇首孫志弟揖揖子筠

字元禮字德柔幼而警悟七歲能屬文年

十六爲芍藥賦其辭甚美及長清靜好學與

從兄泰齊名仕爲尚書殿中郎沈約每見筠

文咨嗟嘗謂曰昔蔡伯喈見王仲宣稱曰王

公之孫吾家書籍悉當相與僕雖不敏請附

斯言自謝眺諸賢零落平生意好殆絕不謂

疲暮復逢於君約於郊居宅開齋請筠爲草

木十咏書之壁皆直寫文辭不加篇題約謂

人曰此詩指物程形無假題署筠又嘗爲詩

呈約約即報書歎咏以爲後進擅美筠又能

用強韻每公宴並作辭必研麗約嘗啓上言

晚來名家無先筠者又於御筵謂王志曰賢

弟子文章之美可謂後來獨步謝眺常見語

云好詩圓美流轉如彈丸近見其數首方知

此言爲實累遷太子洗馬中舍人後爲中書

郎奉勅製開善寺寶誌法師碑文辭甚麗逸

又勅撰中書表奏三十卷及所上賦頌都爲

一集大通二年爲司徒左長史三年昭明太

子薨勅製哀策文復見嗟賞尋出爲臨海太

守歷祕書監太府卿度支尚書及簡文卽位

爲太子詹事及遇亂舊宅先爲賊所焚乃寓

居蕭子雲宅夜忽有盜攻權墜并卒時年六

十九家人十二口同遇害筠性弘厚不以藝

能高人而少擅才名與劉孝綽見重當時其

自序云少好抄書老而彌篤躬自抄錄大小

百餘卷又與諸兒書論家門集云云 詳見史

部雜傳類王氏江左世家傳 自撰其文章以一官

爲一集自洗馬中書中庶吏部左佐臨海太

府各十卷尚書三十卷凡一百卷行於世

又論曰王曇首之才器王僧綽之忠直其世

祿不替也豈徒然哉仲寶雅道自居早懷伊

呂之志竟而逢時遇主自致宰輔之隆所謂

衣冠禮樂盡在是矣齊有人焉於斯爲盛其

餘文雅儒素各稟家風箕裘不墜亦云美矣

唐日本國見在書目王中書集十卷

唐書經籍藝文志王筠洗馬集十卷中庶子

集十卷左右集十卷右當爲佐 臨海集十卷

中書集十卷尚書集十一卷

張氏百三家王詹事集輯本序曰沈隱侯之

知王元禮猶蔡伯喈之知王仲宣當日兩人

情好相得詩文互賞郊居佳句唯元禮能讀

詳見前沈約集條 好詩彈丸非隱侯莫爲知音

也隱侯遺文頗廣元禮則寥寥鮮存無論洗

馬以來諸集斷闕卽傳中所稱芍藥賦與草

木十詠俱歸焉有其筆法似詩優於文凡賦

表牋書序記碑文哀策文十七篇樂府七篇  
詩二十八篇馮氏詩紀輯存樂府詩篇數同

嚴氏全梁文編曰藝文類聚弘明集諸書有  
王筠蜀葵花賦一篇表五牋一書六記一序  
二哀册文一碑二凡存十七篇

梁西昌侯蕭深藻集四卷并錄

南史長沙宣武王懿文帝長子也懿子業業  
弟藻字靖藝仕齊位著作佐郎天監元年封  
西昌縣侯爲益州刺史再遷侍中藻性謙退  
不求聞達善屬文尤好古體自非公宴未嘗  
妄有所爲縱有小文成輒棄本推善下人常  
如弗及帝每稱其小字歎曰子弟並如迦葉  
吾復何憂性恬靜宗室衣冠莫不楷則簡文  
尤敬愛之歷雍兗二州刺史太子詹事丹陽  
尹尚書左僕射中書令開府儀同三司南徐  
州刺史侯景亂據京口因感氣疾不食而薨

梁書本傳曰太清三年薨時年六十七案長  
沙王懿武帝兄也梁書鄧元起傳元起爲益州刺史以母  
老乞歸詔以西昌侯蕭淵漢代之唐人避諱改爲深藻史  
文或并去淵字其兄長沙王淵樂或亦作深樂或但作業

梁中書郎任孝恭集十卷

梁書南史文學傳任孝恭字孝恭臨淮人也  
精力勤學外祖邱它與武帝有舊帝聞其有  
才學召入西省撰史初爲奉朝請進直壽光  
省爲司文侍郎俄兼中書通事舍人勅遣製  
建陵寺刹下銘又啓撰武帝集序文並富麗  
自是專掌公家筆翰孝恭爲文敏速若不留  
思每奏稱善累賜金帛少從蕭寺雲法師讀

經論明佛理至是蔬食持戒信受甚篤而性  
頗自伐以才能尙人于流輩中多有忽略世

以此少之太清三年侯景寇逼走入東府城  
陷景斬劉之文集行於世  
唐日本國見在書目任孝恭集十一卷 奏爲  
恭之寫誤又總集家任司文孝恭集一卷

唐書經籍藝文志任孝恭集十卷 經部尙書家  
又有古文大義二十卷本志不著錄  
嚴氏全梁文編任孝恭有集十卷藝文類聚  
有表一篇檄文一篇移文二篇啓四篇書一  
篇碑文祭文養文各一篇凡存十二篇其武  
帝集序建陵寺刹下銘文並佚

梁平北府長史鮑泉集一卷

鮑泉有六經通數見經部論語類  
南史本傳泉父幾終於湘東王諮議參軍有  
集見前 泉性警悟博涉史傳兼有文筆少事  
元帝早見擢任謂曰我文之外無出卿者  
金樓子著書篇丙部補闕子一秩十卷金樓  
爲序付鮑泉東里撰案補闕子見子部從橫家

唐書經籍藝文志鮑泉集一卷

馮氏詩紀輯存奉和湘東王春日等詩九首

梁雍州刺史張纘集十一卷并錄  
南史張弘策傳弘策范陽方城人梁文獻皇  
后之從父弟也子緬緬弟纘字伯緒出繼從  
伯弘籍武帝舅也纘年十一尙武帝第四女  
富陽公主拜駙馬都尉封利亭侯纘好學兄  
緬有書萬餘卷晝夜披誦殆不輟手與琅邪  
王錫齊名王錫有集見前 普通初魏使劉善明

求識纘與錫善明見而嗟服河東裴子野相  
推重因爲忘年交數遷爲尙書僕射在職議

南郊御乘素輦適古今之衷又議印綬官若  
備朝服宜並著綬時並施行改爲湘州刺史  
述職經塗作南征賦太清二年授雍州刺史  
前刺史岳陽王胥不受代後遂害之元帝承  
制贈開府儀同三司諡簡憲公元帝少時纘  
便推誠委結及卽位追思之爲詩序云簡憲  
之爲人也不事王侯負才任氣見余則申且  
達夕不能已已懷夫人之德何日忘之梁書  
本傳云年五十一著鴻寶一百卷文集二十  
卷案梁書后妃傳纘爲晉司空張華八世孫

唐書經籍藝文志張纘集十卷

馮氏詩紀輯存大言應令細言應令各一首  
嚴氏全梁文編張纘有集十一卷藝文類聚  
及本傳陸雲公傳丁貴嬪傳河東王譽傳周  
書蕭督傳所載有秋雨賦南征賦離別賦懷  
音賦妬婦賦瓜賦擬若有人兮及表啓書哀  
策文墓誌銘存凡十六篇

梁尙書僕射張纘集十一卷并錄

南史張弘策附傳纘第綰字孝卿少與纘齊  
名湘東王釋嘗策之百事綰對闕其六號百  
六公大同中爲豫章內史在郡述制旨禮記  
正言義城西開士林館與朱异賀琛述述制  
旨禮記中庸義太清三年爲吏部尙書宮城  
阨奔江陵位尙書右僕射魏剋江陵朝士皆  
俘入關綰以疾免梁書本傳云後卒於江陵  
年六十三

周書蕭譽傳贊之在藩及居帝位以蔡大寶為股肱王操為腹心張綰以舊齒處顯位沈重以儒學蒙厚禮多所獎拔咸盡其器能唐書經籍藝文志張綰集十卷嚴氏全梁文編張綰有集十一卷藝文類聚有龍樓寺碑文一篇

梁度支尚書庾肩吾集十卷

庾肩吾有采璧見子部雜家

南史庾易傳易子黔婁字子貞子貞弟於陵字子介子介弟肩吾八歲能詩賦為兄於陵所友愛初為晉安王國常侍王每徙鎮肩吾常隨府在雍州被命與劉孝威江伯搖孔敬通申子悅徐昉徐摛王固孔鑠鮑至等十人抄撰衆籍豐其果饌號高齊學士王為皇太子開文德省置學士肩吾子信徐摛子陵吳郡張長公北地傅弘東海鮑至等充其選及簡文即位以為度支尚書文集行於世 梁書文學傳初太宗在藩雅好文章士時肩吾與東海徐摛吳郡陸景彭城劉遵劉孝儀儀弟孝威同被賞接

又論曰庾易劉虬取高一代其所以行己事兼隱德諸子學業之美各著家聲

唐日本國見在書目庾肩吾集十卷

唐書經籍藝文志庾肩吾集十卷宋史藝文志二卷

張氏百三家庾度支集輯本序曰庾幼簡志性恬靜風齊臺尚後漢董仲向長見范書漢民傳向亦作尚 長子子貞孝感北辰次子介清重洗馬一家行義誠足與劉子珪明休烈同傳南

史與劉徽明僧紹同傳也子慎後出文采尤高子

山繼之宮體競貴子每讀八關齋夜賦詩深

羨中庶府君能陪帝子又恠一時彥聚城門

高唱何偏以病老死沙門為題臺城不祥若

有先識焉湘東誌墓稱為瑚璉其知子慎實

深書品序論王光祿答齊太祖類 瑛邪王僧虔

論書見法書要錄 凡表章啓書品序後序書品

論銘四十一篇樂府八詩七十六曲水聯句

一八關齋夜賦四城門聯句十六其題云東城

門病南城門老西城門死北城門沙門同賦者殿下徐防

孔叢諸葛燈王靈龜李鏡遠并中庶府君凡七人 馮氏

詩紀輯存一卷篇數同

嚴氏全梁文編庾肩吾有集十卷初學記藝

文御覽諸書有章表三篇啓二十三篇書一

篇銘二篇書品敘錄十一篇存凡四十篇

梁太常卿劉之遴前集十一卷劉之遴後集二十

一卷

劉之遴有神錄五卷見史部雜傳家

梁書本傳之遴父虬齊國子博士諡文範先

生有集見前卷之遴八歲能屬文十五舉茂才

對策沈約任昉見而異之吏部尚書王瞻辟

為太學博士時張稷新除尚書僕射託任昉

為讓表防令之遴代作操筆立成御史中丞

樂諷即之遴之舅憲台奏彈皆之遴草焉之

遴篤學明審博覽羣籍時劉顯章稜並強記

之遴每與討論成不能過也累遷太常卿之

概陸襄等參校異同之遴具畢狀十事 南史

云數十事 好屬文多學古體與裴子野劉顯

常共討論書籍因為交好是時周易尚書禮

記毛詩並有高祖義疏惟左氏傳尚缺之遴

乃著春秋大意十科左氏十科三傳同異十

科合三十事以上之高祖大悅詔答之太清

二年侯景亂之遴避難還鄉未至卒於夏口

時年七十二前後文集五十卷行於世 四庫

簡明目錄曰漢書次第備見於敘傳之中而南史劉之遴

傳別有漢書真本之說顯倒其篇目竄亂其字句實為謬

妄按梁書本傳亦載是事不僅見于南史其事甚可怪意

之遴與劉顯諸人亦未必信其真也特史文略其斷語耳

南史劉虬附傳侯景以蕭正德為帝之遴時

落景所將使授璽紱之遴預知乃剃髮披法

服以免尋避難還鄉湘東王釋嘗嫉其才學

聞其西上至夏口乃密送藥殺之不欲使人

知乃自製誌銘厚其賻贈

唐書經籍志劉之遴前集十卷劉之遴後集

三十卷

唐書藝文志劉之遴前集十一卷後集三十

卷

馮氏詩紀輯存酬江總詩一首

嚴氏全梁文編劉之遴有前集十一卷後集

二十一卷今存啓書具古本漢書異狀十事

劉顯墓誌銘凡八篇

梁豫章世子侍讀謝郁集五卷 謝郁始末未詳 唐書經籍藝文志謝郁集五卷

嚴氏全梁文編曰謝郁會稽人爲豫章世子侍讀有集五卷梁書何敬容傳有致書戒敬容一篇

### 梁安成蕃王蕭欣集十卷

周書蕭督附傳蕭欣梁武帝弟安成康王秀之孫煬王機之子也秀機並有集見前幼聰警博綜墳籍善屬文嘗踐位以欣製機封歷侍中中書令尙書僕射尙書令歸之二十三年卒贈司空欣與柳信常言歸之世俱爲一時文宗有集三十卷又著梁史百卷遭亂失本又曰嘗居帝位及歸幕業親賢並用宗室則蕭欣蕭翼

### 唐書經籍藝文志蕭欣集十卷

馮氏詩紀曰蕭欣爵里無考有還宅詩一首見梁詞人麗句

嚴氏全梁文編蕭欣有集十卷初學記有賜甘露啓一篇

### 梁中書舍人朱超集一卷

朱超始末未詳

馮氏詩紀曰朱超爵里無考又曰朱超朱超道朱越各詩集所載名多互見疑是一人之作今從詩彙併載而于各題下仍分注本名以俟考訂朱超有采蓮曲贈王僧辯詩夜泊巴陵詩對雨詩咏同心芙蓉舟中望月咏孤石咏貧咏剪綵花城上烏獨棲鳥凡十一篇朱超道有別劉孝先詩別席中兵詩歲晚沈疴詩和元帝懷荆楚詩咏鏡凡五篇又題朱越朱超道者有蕩子行未歸一篇

案此敘於蕭欣甄玄成之間似亦在後梁官中書舍人者

### 梁護軍將軍甄玄成集十卷并錄

周書蕭督附傳甄玄成字敬平中山人博達經史善屬文少爲簡文所知以錄事參軍隨督鎮襄陽轉中記室參軍掌書記頗參政事以江陵甲兵殷盛遂懷貳以密書與梁元帝申其誠款遂有得其書者進之於督督深信佛法常願不殺誦法華經人玄成素誦法華經遂以此獲免督後見之常曰甄公好得法華經力歷位中書侍郎御史中丞祠部尙書吏部尙書督之六年卒贈侍中護軍將軍有文集二十卷

### 唐書經籍藝文志甄玄成集十卷

嚴氏全梁文編後梁甄玄成有集十卷初學記有車賦一篇

### 梁散騎常侍沈君攸集十三卷攸當爲游

周書蕭督附傳沈君攸吳興人博學有詞采位至散騎常侍歸之十二年卒有文集十卷弟君公有幹局文章典正特爲歸所重歷都官尙書爲義興王獻師從獻奔陳授侍中太子詹事隋平陳以獻同謀渡江伏誅又蕭琮傳末曰琮父歸纂業親賢並用宗室則蕭欣蕭翼文章則劉孝勝范迪沈君游君公柳信言

### 唐書經籍藝文志沈君攸集十二卷

馮氏詩紀曰沈君攸後梁人爵里無考有采桑采蓮曲薄暮動弦歌等詩凡十首

案本傳云文集十卷本志云十三卷兩唐志十二卷似有其弟君公之集在其間也

又案梁書不及後梁以後梁屬于西魏周

隋統于北朝故周書附載其事蹟北史亦

裁爲附庸本志前載岳陽王督集梁王蕭

歸集蕭琮集張綰集四家若移列于蕭欣

集之前以見此八家皆後梁君臣之集則

有條不紊矣

### 梁臨安恭公主集三卷武帝女

南史梁宗室臨川王宏傳帝諸女臨安安吉

長城三主並有文才而安吉最得令稱

藝文類聚雜文部梁簡文帝臨安公主集序

曰四德之美戚里仰以爲風七行之奇濯龍

規以爲則若夫託勾陳之貴出玉臺之尊鳳

儀間潤神姿照朗愛敬之道夙彰柔嫻之才

必備鳳桐遐遠清管遼亮湘川寂莫淚滌藏

蕤北渚之句尙傳仙靈之典不泯況復文同

積玉韻比風飛謹求散佚貽厥于後 案文則

其集爲簡文帝所編

### 唐書經籍藝文志臨安公主集三卷

梁征西記室范靖妻沈滿願集三卷

范靖及沈滿願始末並未詳

唐書經籍志范靖妻沈滿願集五卷藝文志

三卷

馮氏詩紀曰按唐藝文志有范靖妻沈滿願

集三卷樂府及玉臺新詠所載有昭君歎二

首又挾琴歌映水曲登樓曲越城曲晨風行

戲繡咏殘燈咏五采竹火籠咏步搖花存凡

十一首又品藻篇引詩話補遺稱陳范釋妻沈潘願以爲陳人而馮氏仍編于梁代之末

梁太子洗馬徐悱妻劉令嫺集三卷

梁書南史劉孝綽傳孝綽兄弟及羣從諸子姪當時有七十人並能屬文近古未之有也

其三妹一適琅邪王叔英一適吳郡張曠一適東海徐悱並有才學悱妻文尤清拔所謂

劉三娘者也悱僕射徐勉子爲晉安郡卒喪還京師妻爲祭文辭甚悽愴勉本欲爲哀文

既觀此文于是開筆 案徐悱事蹟見徐勉傳文選有徐悱瑯琊城詩一首昭明錄本朝人文惟約沈任昉江

淹劉峻范雲邱遲陸倕及徐悱凡八家悱最爲年少後起者選注引何之元梁典曰徐勉第三息悱字敬業晉安內

史有學業最知名卒於郡府 唐書經籍藝文志徐悱妻劉氏集六卷

馮氏詩紀曰徐悱妻劉氏孝綽之妹稱劉三娘玉臺新咏作劉令嫺有答外二首又有和

婕妤怨及贈答等詩凡十一首 嚴氏全梁文編曰劉令嫺彭城人祕書監孝

綽第三妹適僕射徐勉子晉安太守悱有集三卷藝文類聚三十八載令嫺祭夫文

右梁代人文并後梁凡六十五家附梁有十九家通計八十四家九十七部是爲別

集類分篇第八內武帝王筠並一家五部元帝江淹陶弘景徐勉劉之遴並一家二部

隋書經籍志考證卷三十九之九

集部二之九

別集類九 後魏

後魏孝文帝集三十九卷

魏書本紀高祖孝文皇帝諱宏顯祖獻文皇帝之長子皇興元年生三年立爲皇太子五

年秋八月丙午即皇帝位太和二十三年夏四月丙午崩崩於穀塘原之行宮時年三十

三時爲南朝齊東昏侯永元元年也帝雅好讀書手不釋卷五經之義覽之便講學不師授探其

精奧史傳百家無不該涉善談莊老尤精釋義才藻富瞻好爲文章詩賦銘頌任輿而作

有大文筆馬上口授及其成也不改一字自太和十年已後詔册皆帝之文也自餘文章

百有餘篇 又曰太和十有八年春正月癸亥車駕南巡戊辰經股比干之墓祭以太牢十一月丁丑

車駕幸鄴甲申經比干之墓傷其忠而獲戾親爲弔文樹碑而刊之

又劉芳傳高祖遷洛路由朝歌見股比干墓愴然悼懷爲文以弔之芳爲注解表上之詔

曰覽卿注殊爲富博但文非屈宋理慚張賈既有雅致便可付之集書

北史儒林傳序孝文欽明稽古篤好墳籍坐輿據鞍不忘講道劉芳李彪諸人以經書進

崔光邢巒之徒以文史達其餘涉獵典章閑集詞翰莫不靡以好爵動以賞眷於是斯文

鬱然比隆周漢

又文苑傳序曰及太和在運銳情文學固以韻頡漢徹跨騶曹不氣韻高遠豔藻獨構衣

冠仰止咸慕新風律調頗殊曲度遂改辭罕泉源言多胸臆潤古影今有所未遇是故雅

言麗則之奇綺合繡聯之美眇歷歲年未聞獨得

唐書經籍藝文志後魏文帝集四十卷 馮氏詩紀曰北魏孝文帝改姓元氏遷都洛

陽風移俗易北朝之盛未有過之者也今存縣瓠方丈竹堂饗侍臣與彭城王勰鄭懿鄭

道昭邢巒宋弁聯句一篇 嚴氏後魏文編曰孝文帝改元三延興承明

太和在位二十九年有集三十九卷魏書本紀云好爲文章自太和十年已後詔册皆帝

之文也今錄太和十年已前詔册爲一卷十年已後別爲四卷

後魏司空高允集二十一卷 高允有天文洪範日月變等書見子部天文

家 魏書北史本傳允性好文學博通經史天文術數尤好春秋公羊曾作塞上翁詩有混欣

戚遺得喪之致文成時轉太常卿上代都賦因以規諷亦二京之流也時中書博士索敞

與侍郎傅默梁祚論名字貴賤著議紛紜允遂著名字論以釋其惑甚有典證獻文時允

以老疾頻上表乞骸骨詔不許於是乃著告老詩又以昔歲同徵零落將盡感逝懷人作

徵士頌蓋止於應命其有命而不至則闕焉

其著頌者中書侍郎固安侯范陽盧玄子真以下凡三十四人舉其梗概從獻文北伐大捷而還至武川鎮上北伐頌帝覽而善之自文成迄於獻文軍國書檄多允作也未乃薦高閭以自代太和二年允年將九十矣扶引就內改定皇詔文成馮皇后撰皇詔十八篇見后紀傳又被勅論集往世酒之敗德以爲酒訓孝文覽而悅之常置左右後又被召在方山作頌允所製詩賦詠頌箴論表贊誄左氏釋公羊釋毛詩拾遺論雜解議何鄭膏肓事凡百餘篇別有集行於世尤明算法爲算術三卷又史臣曰依仁游藝執義守詰其司空高允乎宜事光寵四世終享百齡有魏以來斯人而已殿本考證曰玉篇詰同誓守詰即明誓保身之義也

唐書經籍藝文志後魏高允集二十卷

馮氏詩紀曰高允歷事五帝出入三省五十餘年初無譴咎有羅敷行王子喬歌各一篇答宗欽四言詩一篇十八章詠貞婦彭城劉氏四言詩一篇八章

張氏百三家高令公集輯本凡賦表疏上書書頌論酒訓祭文十二篇詩四篇題詞曰集中文字如上書東宮諫起宮室矯頽俗五異及樂平王著論皆耿介有聲餘亦整而不汚漢初張丞相耆壽吉祥事略彷彿案漢北平侯張蒼年百餘歲當九卒年九十八惜年代久遠筆札絕少試列之北朝文苑中雖遜步崔公而開疆邢魏固當日之先正也

嚴氏後魏文編高允有集二十一卷今存鹿苑賦上天文災異八篇表承詔議興學校表

諫皇太子營立田園諫文成帝起宮室又諫不釐改風俗答宗欽書箴論塞上公亭詩序徵士頌北伐頌酒訓祭岱宗文凡一十三篇案北史崔浩傳末云浩父宏始因苻氏亂

欲避地江南爲張願所獲本圖不遂乃作詩以自傷而不行於時蓋懼罪也浩誅中書侍郎高允受勅收浩家書始見此詩允知其意允孫綽錄于允集則是集似其孫

高綽所編次附有崔宏詩後魏司農卿李諧集十卷李諧有行記見史部地理類

魏書本傳諧風流閑潤博學有文辨當時才俊咸相欽賞元顥入洛以爲給事黃門侍郎顥敗除名乃爲述身賦所著文集別有集錄行於世北史本傳云文集十餘卷

唐書經籍藝文志李諧集十卷嚴氏後魏文編李諧有集十卷今惟見魏書本傳所載述身賦一篇

後魏太常卿盧元明集十七卷魏書盧玄傳玄范陽涿人也曾祖謚晉司空劉琨從事中郎劉琨虛謚並有集見前西晉人卷末祖父並仕慕容氏皆以儒雅稱神嘉四年辟召儒儒以玄爲首司徒崔浩玄之外兄玄子

度世度世子昶昶第五子元明字幼章涉歷羣書兼有文義風采閒潤進退可觀永安初

臨淮王彧引爲兼屬仍領部曲出帝登阼以

郎任行禮封城陽縣子遷中書侍郎永熙末居洛東緱山乃作幽居賦焉天平中副李諧

使蕭衍南人稱之還拜尙書右丞散騎常侍監起居又兼黃門郎元明善自標置不妄交游飲酒賦詩遇興忘返性好玄理作史子新論數十篇北史作雜論新當爲雜文筆別有集錄

唐書經籍藝文志盧元明集六卷馮氏詩紀輯存晦日泛舟應詔詩四句

嚴氏後魏文編元明卒贈太常卿有集十七卷魏書本傳云作幽居賦今亡初學記太平御覽有劇鼠賦隋書崔廓傳有嵩高山廟記案廓子頤答詔云臣見魏大司農盧元明撰

嵩高山廟記案魏書及北史元明未嘗爲大司農當是漏落

後魏司空祭酒袁躍集十三卷魏書文苑傳袁躍字景騰陳郡項人尙書翻弟也博學備才性不矯俗篤於交友釋褐司空行參軍歷尙書都兵郎中加員外散騎常侍將立明堂躍上議當時稱其博洽蠕蠕主

阿那瓌亡破來奔朝廷矜之遂復其國既而每使朝貢辭旨頗不盡禮躍爲朝臣書與瓌陳以禍福言辭甚美後遷太傅清河王懌文學雅爲擇所愛賞懌之文表多出於躍卒贈冠軍將軍吏部郎中所制文集行於世北史袁躍附傳同

唐書經籍藝文志袁躍集九卷

後魏著作佐郎韓顯宗集十卷

韓顯宗有燕志見史部雜史類

魏書北史韓麒麟傳麒麟子顯宗有才學孝文嘗謂顯宗曰校卿才能可居中第謂程靈蚪曰卿與顯宗復有差降可居下上顯宗以上表矜伐白衣守諮議既失意乃為五言詩贈御史中尉李彪以申憤結太和二十三年卒撰馮氏燕志及孝友傳各十卷所作文章頗傳于世

唐書經籍藝文志韓宗集五卷 舊志以避諱節去顯字新志因之

馮氏詩紀曰韓延之字顯宗南陽堵陽人仕晉奔姚興入魏為武牢鎮將賜爵魯陽侯一云韓顯宗字茂親有贈中尉李彪詩一首案韓延之晉宋時人晉書魏書北史並有傳馮氏以為即此韓顯宗非也

嚴氏後魏文編韓顯宗有集十卷今唯存本傳所載上書陳時務上言時務兩篇

後魏散騎常侍溫子昇集三十九篇

溫子昇有永安記見史部地理類  
魏書北史文苑傳子昇博覽百篇文章清婉為廣陽王淵賤客在馬坊教諸奴子書作侯山祠堂碑文常景見而善之故詣淵曰頃見溫生是大才士淵由是稍知之熙平初中尉東平王匡召辭人以充御史同時射策者八百餘人子昇與盧仲宣孫奉等二十四人為高第遂補御史時年二十二臺中文筆皆子昇為之正光末廣陽王淵為東北道行臺召為郎中軍國文翰皆出其手莊帝之殺爾朱榮也子昇豫謀當時赦詔子昇詞也梁使張

皋寫子昇文筆傳于江表梁武稱之曰曹植陸機復生於北土恨我辭人數窮百六陽夏守傅標使吐谷渾見其國主牀頭有書數卷乃是子昇文也濟陰王暉嘗云江左文人宋有顏延之謝靈運梁有沈約任昉我子昇足以陵顏轢謝舍任吐沈楊遵彥作文德論以為古今辭人皆負才遺行澆薄險忌惟邢子才王元景溫子昇彬彬有德素齊文襄引為大將軍諮議及元瑾劉思逸荀濟等作亂文襄疑子昇知其謀方使之作神武碑文既成乃餓諸晉陽獄食弊糲而死棄屍路隅沒其家口太尉長史宋游道收葬之又為集其文筆為三十五卷又撰永安記三卷案三十五卷永安記三卷為三十八卷并錄一卷為三十九卷與本志卷數適合

唐書經籍藝文志溫子昇集三十五卷

張氏百三家溫侍讀集輯本凡詔勅表上書銘碑墓誌上梁文二十五篇樂府六篇詩三篇挽歌一篇題辭曰史言溫鵬舉外靜內險好預事故終致禍敗今據史魏莊帝殺爾朱榮元瑾等背齊文襄作亂鵬舉皆預謀此二事者柔順文明志存討賊設令功成無患不庶幾其先大將軍之誅王敦乎鵬舉初因馬坊常公拂拭始稱才士縛於葛榮和督脫之逃死入京貧薄狼顧時恐不及上黨善怒幾遭鞭撻後復賞愛捐其前忿徐紇小人亦畏才藻不輕下筆溫生雖窮天下豈少知己哉元顯之變策復京師計之上也上黨即不能

為桓文鵬舉之言管狐許之矣北人不稱其多知而徒矜斬將奪旗於文墨之間猶皮相也吐谷小國畜書牀頭梁武知文歎窮百六濟陰寒士何以得此表碑具在顏少絕作陵顏轢謝舍任吐沈亦確確自雄北方語耳桐華引仙露槐影麗輕烟鵬舉逸句向佳世以其詩少即云不長於詩寒山片石當不其然馮氏詩紀錄樂府詩數句

嚴氏後魏文編溫子昇有集三十九卷今存孝莊帝孝靜帝詔三篇孝武帝勅一篇章一篇表六篇彈文一篇為廣陽王上書又上言言狀各一篇銘一篇碑六篇墓誌銘二篇上梁祝文一篇凡二十五篇

後魏太常卿陽固集三卷

魏書北史陽尼傳尼北平無終人也從孫承慶撰字統二十卷見經部小學家承慶從弟固字敬安性儉儻不拘小節少任俠好劍客年二十六始折節好學博覽篇籍有文才孝文時數遷書侍御史多所劾奏宣武廣訪得失固上讜言表初帝委任羣下不甚親覽好桑門之法尙書令高肇以外戚權寵專決朝事又咸陽王禧等並有釁故宗室大臣相見疎薄而王畿人庶勞弊益甚固乃作南北二都賦稱恆代田漁聲樂侈靡之事節以中京禮儀之式因以諷諫宣武末中尉王顯大不悅固奏免固官遂闔門自守著演隨賦以明幽微通塞之事又作刺讒疾變幸詩二首明帝時累遷前軍將軍正光四年九月卒年五十



七贈輔國將軍太常少卿諡曰文初固著終制一篇務從儉約臨終又勅諸子一遵先制長子休之

唐書經籍藝文志陽固集三卷

馮氏詩紀輯存刺讒詩疾倖詩各一篇

嚴氏後魏文編曰陽固本傳有演隨賦上讒言表各一篇又云有南北二都賦文繁不錄今亡

右後魏人文凡八家八部是爲別集類分

篇第九本又有宗欽集本志誤入東晉人未見前

隋書經籍志考證卷三十九之十

集部二之十

別集類十七齊

北齊特進邢子才集三十一卷

北齊書本傳邢邵字子才河間鄆人少時有避遂不行名十歲能屬文日誦萬餘言一覽便無所遺文章典麗既瞻且速年未二十名動衣冠嘗與右北平陽固河東裴茂等至北海王所舍宿飲相與賦詩凡數十首釋巾爲魏宣武挽郎除奉朝請著作佐郎自孝明之後文雅大盛邵彫蟲之美獨步當時每洛中貴人拜職多憑邵爲謝表永安初爲中書侍郎所作詔誥文體宏麗太昌中累遷太常卿中書監攝國子祭酒三職並是文學之首當世榮之世宗幸晉陽路中頗有甘露之瑞朝臣皆作甘露頌尙書符令邵爲之序及文宣帝崩勅撰哀策後授特進卒邵博覽墳籍無不通曉晚年尤以五經章句爲意窮其指要吉凶禮儀公私諸稟實疑去惑爲世指南每公卿會議事關典故邵援筆立成證引該洽帝命朝章取定俄頃與濟陰溫子昇爲文士之冠世論謂之溫邢鉅鹿魏收雖天才豔發而言事在二人之後故子昇死後方稱邢魏焉有書甚多而不甚校讎見人校書常笑曰何愚之甚天下書至死讀不可遍焉能始復校此且誤書思之更是一適妻弟李季節才學之士名概有音韻決疑等書見經部小學類中謂子才曰世間人多不聰明思誤書何由能得

子才曰若思不能得便不勞讀書有集三十卷見行於世

後魏羊銜之洛陽伽藍記曰永熙中詔國子祭酒邢子才撰景明寺碑文子才志性通敏風情雅潤文宗學府騰班馬而孤上英規勝範凌許郭而獨高及皇居徙鄴勅與溫子昇撰麟趾新制十五篇省府以之決疑州郡用爲治本所製詩賦詔策章表碑頌贊記五百篇皆傳於世鄰國欽其模楷朝野以爲美談

唐書經籍志北齊邢子才集三十卷

唐書藝文志北齊邢邵集三十卷

張氏百三家邢特進集輯本序曰溫鵬舉魏伯起邢子才爲北朝文人稱首楊遵彥文德

論云古今辭人皆負才遺行惟子才王元景

溫子昇彬彬有德素然則溫邢在當日兼以

行顯非伯起驚蛟蝶比也子才異同交安賢

愚並接抱此天姿與物無忤然在坐作表哀

翻怒爲小兒言論相輕崔暹奪其帝聽甚哉

入世之不易也凡賦詔表奏等文二十九篇

樂府一首詩七首馮氏詩紀輯樂府詩篇數同

嚴氏北齊文編邢邵有集三十卷今存新宮

賦一篇文宣帝受禪赦詔一篇表八篇奏立

明堂太學文宣諡議各一篇議四篇上言一

篇書二篇序一篇甘露頌一篇銘二篇哀策

文一篇碑四篇墓誌一篇

北齊尙書僕射魏收集六十八卷

魏收有後魏書見史部正史類

北齊書本傳魏節閔帝立妙簡近侍試收爲

封禪書收下筆便就不立藁草文將千言所改無幾孝武嘗大發士卒狩于嵩少之南旬有六日時天寒朝野嗟怨帝與從官及諸妃主奇伎異飾多非禮度收欲言則懼欲嘿不能已乃上南狩賦以諷焉時年二十七雖富言淫麗而終歸雅正帝手詔報焉甚見褒美初神武固讓天柱大將軍魏帝勅收為詔令遂所請欲加相國問收相國品秩收以實對帝遂止收既未測主相之意以前事不安求解詔許焉久之除帝兄子廣平王贊開府從事中郎收不敢辭乃為庭竹賦以致己意時孝武猜忌神武尋而神武與晉陽之甲帝西入關收副王昕使梁在途作聘游賦辭甚美盛侯景叛入梁寇南境文襄時在晉陽令收為檄五十餘紙不日而就又檄梁朝令送侯景初夜執筆三更便成文過七紙文襄善之魏帝曾季秋大射普令賦詩收詩末云尺書徵建鄴折簡召長安文襄壯之顧諸人曰在朝今有魏收便是國之光采雅俗文墨通達縱橫我亦使才子才昇時有所作至於詞氣並不及之吾或意有所懷忘而不語語而不盡意有未及收呈草皆以周悉此亦難有侯景既陷梁鄴陽王範時為合州刺史文襄勅收以書喻之範得書乃率部伍西上文襄謂收曰今定一州卿有其力猶恨尺書徵建鄴未效耳文襄崩文宣如晉陽時將受禪楊愔奏收置之別館令撰禪代詔冊諸文遺徐之才守門不聽出三臺成文宣曰臺成須有

賦收上皇居新殿臺賦其文甚壯麗帝曾游東山勅收作詔宣揚威德譬喻關西俄頃而訖詞理宏壯帝對百僚大嗟賞之收無子魏太常劉芳孫女中書郎崔肇師女家坐事帝並賜收為妻時比之賈充置左右夫人然無子後病甚恐身後嫡媵不平乃放二姬及疾瘳追憶作懷離賦以申意及帝崩于晉陽與陽休之參議吉凶之禮并掌詔誥文宣諡及廟號陵名皆收議也及孝昭居中宰事命收禁中為諸詔文始收與溫子昇邢邵稍為後進邵既被疎出子昇以罪幽死遂大被任用獨步一時議論更相訾毀各有朋黨自武定二年已後國家大事詔命軍國文詞皆收所作每有警急受詔立成敏速之工邢溫所不逮其參議典禮與邢相掎收以子侄少年申以戒厲著枕中篇後主即位復掌詔誥有集七十卷收稍與子才爭名文宣貶子才曰爾才不及魏收收益得志自序云先稱溫邢後曰邢魏然收內陋邢心不許焉又高德政傳德政勸顯祖行禪代之事敦勸不已仍白帝追魏收收至令撰禪讓詔冊九錫建臺及勸進文表

唐書經籍藝文志魏收集七十卷

張氏百三家魏特進集輯本序曰論邢魏者以魏衍任樂安邢沈隱侯余謂伯起生平文體得之樂安固多若問史才隱侯宋書亦其兄事也魏齊文詁典司最久世罕流傳作賦大才雅自期許乃新殿南狩庭竹離懷諸

北齊儀同劉逖集二十六卷

北齊書文苑傳劉逖字子長彭城叢亭里人也祖芳魏太常卿逖少而聰敏魏末徵詣霸府發憤自勵專精讀書晉陽都會之所霸朝人士攸集成務于宴集逖在游宴之中卷不離手亦留心文藻頗工詩詠武成時至中書侍郎歷為聘陳使主聘周使副二國始通禮儀未定逖與周朝議論往復斟酌古今事多合禮兼文詞可觀甚得名譽使還拜儀同三司武成崩出為江州仁州刺史徵還待詔文林館重除散騎常侍奏門下事未幾與崔季舒等同時被戮時年四十九所制詩賦及雜文文筆三十卷又後主本紀武平四年冬十月辛丑殺侍中崔季舒張彪散騎常侍劉逖封孝琰黃門侍郎裴澤郭遵案其事見崔季舒傳又恩倖醜風傳風於樞要

篇亦未得見使無魏書幾無以表著後代矣且謗深陳壽而福躒崔浩尤從來史官之極幸者也凡詔冊啓移文書議雜文祭文十五篇樂府四篇詩八篇馮氏詩紀錄樂府詩篇數同嚴氏北齊文編魏收有集七十卷今存魏孝靜帝禪位詔冊命齊王九錫文禪位冊太子監國冬會議上魏書十志啓與李德林書論齊書起元事為侯景叛移梁朝文枕中篇祭文願文凡一十四篇案藝文類聚五十八又有魏收檄梁文據文苑英華及通鑑實杜弼撰又收傳有南狩賦聘游賦皇居新殿臺賦懷離賦庭竹賦北史文苑傳有庫狄干碑序今並亡

之中尤嫉人士權季舒等冤酷皆風所爲

北史文苑傳序曰河清天統之辰杜臺卿劉

述魏齊亦參詔勅唯撰述除官詔旨其關涉

軍國文翰多是魏收作之

唐書經籍藝文志劉述集四十卷

馮氏詩紀曰劉述有對雨詩秋朝野望詩浴

溫泉詩清歌發詩凡四首

嚴氏北齊文編曰劉述有薦辛德源表一篇

見隋書德源傳

右北齊人文凡三家三部是爲別集類分

篇第十

隋書經籍志考證卷三十九之十一

集部二之十一

別集類十一後周

後周明帝集九卷

周書本紀世宗明皇帝諱毓太祖長子也魏

大統十四年封寧都郡公十六年行華州事

拜宜州刺史魏恭帝三年授大將軍鎮隴右

孝閔帝受禪進柱國轉岐州刺史晉公護廢

即天王位三年秋八月己亥改天王稱皇帝

改元武成明年夏四月帝因食遇毒崩亦爲

宇文護所弑詳見護傳年二十七帝寬明仁厚敦

睦九族有君人之量幼而好學博覽羣書善

屬文詞采溫麗及即位集公卿以下有文學

者八十餘人于麟趾殿刊校經史又摺采衆

書自義農以來訖於魏末敘爲世譜凡五百

卷云所著文章十卷又曰遇毒後庚子大漸

詔曰云云即帝口授也

唐書經籍藝文志後周明帝集十卷 別本作

一卷似十字之誤

唐書藝文志後周明帝集五十卷 案舊志是集

之後即次以陳後主集五十卷新志據舊志寫緣因上下

文而錯謾歟

周書文帝十三子傳趙僧王招字豆盧突幼

聰穎博涉羣書好屬文學庾信體詞多輕豔

魏恭帝三年封正平郡公武成初進爵趙國

公建德三年進爲王大象元年出就國二年

宣帝不豫徵招及陳越代滕五王赴闕比招

等至而帝已崩隋文帝輔政將遷周鼎招密

欲圖之以匡社稷後事覺陷以謀反其年秋

誅招及其子國除招所著文集十卷行於世

又靜帝本紀大象二年六月戊午趙王招陳

王純越王達代王盛滕王道來朝案當爲越王

盛代王達此誤 秋七月庚子詔趙陳越代滕五

王入朝不趨劍履上殿壬子趙王招越王盛

以謀執政被誅

庾信趙國公集序曰柱國公發言爲論下筆

成章逸態橫生新情振起文參曆象即入天

官之書韻涉絲桐咸歸總章之觀論其壯也

則鵬起半天語其細也則鶴巢蚊睫自魏建

安之末晉太康以來彫蟲篆刻其體三變人

人自謂握靈蛇之珠抱荆山之玉矣公斟酌

雅頌諧和律呂若使言乖節目則曲臺不顧

聲止操縵則成均無取遂得棟梁文囿冠冕

詞林大雅扶輪小生承蓋案此稱趙國公集當作

于建德三年未進干爵之前

唐日本國見在書目後周趙王集十卷

唐書經籍志後周趙王集十卷

唐書藝文志後周趙平王集十卷

馮氏詩紀趙王招文帝第七子有從軍行一

首

後周趙王集八卷

今存詔十三篇勅一篇

嚴氏後周文編明帝有集十卷隋志作九卷

士詩過舊宮詩和王褒咏摘花各一篇

馮氏詩紀曰北周明帝在位四年有貽章居

後周趙王集八卷

今存詔十三篇勅一篇

嚴氏後周文編明帝有集十卷隋志作九卷

士詩過舊宮詩和王褒咏摘花各一篇

馮氏詩紀曰北周明帝在位四年有貽章居

後周趙王集八卷

今存詔十三篇勅一篇

嚴氏後周文編明帝有集十卷隋志作九卷

士詩過舊宮詩和王褒咏摘花各一篇

馮氏詩紀曰北周明帝在位四年有貽章居

後周趙王集八卷

今存詔十三篇勅一篇

嚴氏後周文編明帝有集十卷隋志作九卷